





M



47



XVIII 27

IN ARDUIS NIDVM

SCOTVS DOCTOR SVBTLIS

**F.M. MEVRISSE ROYENSIS, ORDINIS
MINORVM, DOCTORIS ET PROFESSORIS
THEOLOGI PARISIENSIS**

*Rerum Metaphysicarum Libri tres.
Ad mentem Doctoris Subtilis.*

AD IPSVM VNVS DE
S. BONAVENTURA DOCTOR SERAPHICVS

AD NULLIVS PAVERT OCCVRRIT
S. OCHAM PRINCEPS NOMINALIVM

AD LXXXV
ALEXANDER ALENIS DOCTOR
IRREFRAGABILIS

Ad Illustrissimum Principem
Aetensem


Episcopum

PARISIIS, Apud DIONYSIVM MOREAV,
via Iacobæa ad insigne Salamandræ. M.DC.XXII
cum Privilegio Regiæ cæcæ. Vesper Træs incidit.

12 26 5 46

THE UNIVERSITY OF CHICAGO

LIBRARY



THE UNIVERSITY OF CHICAGO

LIBRARY



ILLVSTRISSIMO

PRINCIPI D. D.

HENRICO DE BOVRBON

METENSI EPISCOPO.



RÆGLARA Sanguinis tui Nobilitas, Princeps Illustrissime, incredibiles Animi doctes, ingens heroicarum virtutum splendor, adultissima iam in adolescenti adhuc etate doctrina, huncce primum ingenij

mei partum Augustissimo Nomini tuo dicare ambientem terruissent, nisi tua singularis erga me beneuolentia cum summa humanitate coniuncta cunctantem, Et adire timentem, quasi manu pertraxisset. Et praestantissima quidem illa studiorum incrementa nos omnes in admi-

W. p. 11

ā ii j



EPISTOLA.

rationem quotidie rapiunt, spemque certissi-
 mam suggerunt rerum maximarum, quas pro-
 pediem in te ac per te editurus est diuina mu-
 nificencia prapotens Spiritus, quem ego supplex
 oro ac veneror, ut quo pede tam feliciter cepisti,
 porrò pergentem dirigat ac tueatur. Tamdiu
 enim Respublica & Ecclesia Gallica, sospite Re-
 ge Christianiss. benè de sua fortuna, de suis re-
 bus sperabit, quamdiu sic te videris bonis mo-
 ribus & literis incumbentem. Et quot in te nunc
 oculos coniungunt Regni Proceres, qui solo tuo
 exemplo literis insudant, te maximo Principe
 sibi proposito, qui nulli parcis labori; qui pulue-
 rem literarium non aspernaris, in quo toties vi-
 cisti, quoties spectante urbe, & mirante orbe
 dimicasti. Audeo dicere per te unum, Acade-
 miam literariam reflorescere, sopitas Musas
 resurgere, ac emortua penè studia reuiuiscere.
 Auget admirationem quòd nullà alià spe id
 praestes, praterquàm eà que altius in Caelis suas
 mittit radices. Nam in terris quid speras,
 nisi quod nos ex te & per te magna speremus?
 Nihil accidet vnquam, quod vel tui Sangui-
 nis Et Nominis authoritate, vel maximi In-
 genij tui dexteritate, vel summà tuà doctrinà
 & eruditione, vel eximià tuà Religione & pie-
 tate non dissoluas aut superes. Non possum
 autem non felicem dicere illam iam tot meri-

*tis celeberrimam Patrum Societatem; ex qua
quantum tibi literarum accessit ornamenti, tan-
tum ei ex te contigit honoris & splendoris.
Vive itaque felix (Princeps illustriss.) vive diu
Christo, Ecclesia, Regno, Tibi, & nobis.*

Hæc sunt vota tui serui deuotissi-
mi & humillimi Fratris
M. MEVRISSE.



IN REVERENDISS.
P. MARTINI MEVRISSII
DOCTORIS THEOLOGI,
LONGE DOCTISSIMI FRANCISCANI
SAPIENTIAM.

Carmen DIONYSII GVERIN, Doctoris
Medici Parisiensis.



*I qua premit caligo animos, si tristis
Et umbra
Noctis lucem oculis claram mortali-
bus aufert:
Si nihil in terris liquidum est: si cum-
Eta tenebris*

*Circumfusa ruunt: Chaos est, quem cernitis orbis.
Cacuit atque haeret mens sicut noctua Solis
Ad radios; quam rara Aquila, quæ lumine fixo
Solem adeant ipsum propius, quæ nube repulsa
In summâ regione poli splendore fruuntur
Caestri, ubertim recreata nectare Divum.
Quis, rogo, miratur? quæ adhuc novitate querela
Ducitur assidua? fuit hæc discordia raris
Ingenijs concepta sophum, dispersa per vrbes,
Quas quondam lectis florens Academia Musis
Extulit: Et lippi, quibus hæc natura negavit
Munera Doctores cumularunt lite Lyceum*

Succres-

Succrescente nouum, turpi farragine cuncta
 Verborumque luto infecere volumina passim:
 Inque scholæ turbas qui pace coërceat omnes
 Occurrit nemo: quique expirauerat usum
 In medium reuocet pressè doctæque loquendi
 Scrutandique Artem: quis solers igne Prometheus
 Argillam hanc animet, tentetque infundere sensus
 Æthereos; hodie nullus. Sic semina rerum
 Obscuris immersa locis, formasque sepultas;
 Materie expertes, & quas sapientia prima
 Ipsa suis pollens opibus, nihil indiga nostri,
 Vnica pernouit causas, texisque profundo
 Gurgite: Quid? stipata suis elementa ministris,
 Nemo equidem variâ confusus imagine Mentis
 Hactenus Ens, Vnumque Bonumque aliasque remotæ
 Sensibus à nostris vigili cognoscere curâ
 Diuitias Mentis potuit. Primordia rerum
 Sic variant, mutantque suos, finguntque subinde
 Vultus, ut certè germanum Protea iures.
 Quarit Aristoteles causas, Diuûsque Magister
 Formas infusâ rimatur luce perennes;
 Ideas ponit, quas frustrâ vulgus ineptum
 Carpit dente, quia haud capit, omni corpore nudas:
 Atque alij quærunt alimè, faciuntque molestam
 Ingenijs vim conantes peruadere calum:
 Icarios & amant cecâ vertigine casus.

Non tulit hoc faustâ MEVRISIVS alite natus,
 Qui decus & Sophiæ par fama, & cura Mineruæ;
 Qui Franciscanæ iubar immortale Coronæ
 Audit, & est oculos ausus conuvertere contra,

Atque Aquilæ, rarum, vegetos imitatus ocellos,
Ad superas sedes, terræ contage relictâ.
Primus enim in classes direxit & ordine docto
Ornavit Sophiam primam; quod prava docendi
Obscurum ratio & salubrosum inuexerat olim,
Deterfit, radio Mentis vestiuit, & auxit.

Vos autem ô Iuvenes, quibus est mens conscia recti,
Quos Sophiam incesit sectandi magna cupido,
Huc alacres properate, viam hanc insistite nullis
Difficilem saxis aut spinis: plurima nacti
Commoda, mox totum hoc quod cernitis undiq; Mundi
Immensum emensi: claustris quæ longius arcent
Plebeios animos, perruptis, acere puro,
Et pace assiduâ, quam prodiga dextra Tonantis
Indulget, latum rectâ scandetis Olympum.



R. P.

M. MEVRISSE

S. THEOLOGIAE DOCTORI

ET PROFESSORI;

TEMPLVM SAPIENTIAE.



*EST in prærupto cliuosi vertice montis
 Templum augustum, ingens: hærent fasti-
 gia cælo,
 Et supposita sibi despectat nubila limen.
 Marmoribus Parijs, rutilâ nec Iaspide moles
 Assurgit, gemmis aut ambitiosa refulget:
 Materiam crystallus habet, quæ peruia clavis
 Obsequitur radijs, stantes imitatur & undas.
 Picturam lux sola facit, namque Iride mirâ
 Mille parit varios nullâ cum nube colores.*

*Hic domus, hic sacra castum penetrale Sophia
 Panditur, illa sedens medijs oracula fundit
 Ex adytis, verum spirant cœu condita Numen,
 Immensique Deum testatur pagina mundi:
 Purus inexhausto fruitur quis spiritus æuo,
 Et quæ flammiferos librans vis enthea motus
 Legibus immotis dat sidera prona cieri.*

*Hanc fortunati superauit culminis adem
 Arcano re legens SÆCULI vestigia calle*

E ij

*MEVRISVS, plenum Sophiâ dictante volumen
Cedrinis scripsit radulis, sic auspice celo
Est reuoluta nouo SCOTI Doctrina labore
MEURISSI sacrum in pectus, quem mentis acumen
Et pietas SCOTVM fecit, non Scotica vestis.*

ISAACIVS HABERT S. THEOLOGIE
BACCALAVR. SORBONICVS.

Digmata si radiant libris vt sidera Scoti
Meurissi hunc Solem noueris esse librum.

Frater Ioannes Gandillaud, Baccalaureus
Parisiensis, & Vicarius Iuuenum.

EPIGRAMMA.

Artibus affulget rutilans Metaphysica duplex
Meurissi, vt terræ lumina magna duo:
Præsidet hæc luci quæ cuncta recondita pandit
Ast enigma fauens altera nocte micat.
Sideris verius radianti lumine gaudens,
Perpetuò claros experire dies.

Frater Antonius de Boues, Baccalaureus
Parisiensis, & Confessor Iuuenum.

DECIPIT aut fallor mentes lecturalibelli
Perlego MEVRISVM, Scotus at ipse sonat.
Ergo refert Scotum, aut simulata voce loquentem,
MEURISSI aut corpus Scotica vita mouet.

Fr. ANDREAS MATHEI, Regens
Grammaticorum suo Præceptori deuouit.



ΕΙΣ ΤΗΝ ΤΟΥ ΠΑΙΔΕΥΤΟΤΑΤΟΥ

ΠΑΤΡΟΣ ΜΕΥΡΙΣΙΟΥ ΜΕΤΑΦΥΣΙΚΗΝ

ΔΙΣΧΟΝ.

ΤΗΝ σοφίην ἔλε θάμβος, ὅταν σὺ δαλτὸν ἀρίστῳ
Καί λ' ἄν' Ἀριστοτέλῃς μὴ εἶος ᾖ βρότοις·
ἄλλο πτεράσχητον.

Οὐς μετὰ τῶν φυσικῶν φρονήμας κατεγράφατο βίβλοις·
Εὐὸς Ἀριστοτέλῃς ὡς αὖ ἐχέτος ἐὼν.
Ορφὴν ἔ' σκότος ἦεν ἀλάμπτετο· αὐτὰρ ἔ' ἔραζε
Λαμπρὸν περ' ἡλίου Μινεισίοιο φάος.
ἄλλο.

Εἰ ποθίεις βρότῳοι τρέβοι θεόπικτοι ὀδύναι
Καὶ σοφίης μετέμειν' ἀγλαόδωροι ὄρεα
Φυλὴν ὑψιπέλωθεν ἐλαφρίζον ἀπὸ γῆς
Δάμναται μωσοφιλή Μινεισίοιο βίβλον.
Οὐτὸς γὰρ χευστὴν σοφίης θησαυρὸν ἀνοίγει
Εὐστροφον ὀυρανίου κλεῖδα τόσῳ φέρων.
ἄλλο.

Γράμματ' Ἀριστοτέλῃς πεφίλη καχαλυμμένα πυκνῇ
ἔ' αὖ βλαψινόσι σφίγγος ὑπὸν ἔχει ἔπερ.
Ἀμάργε Μινεισίος ψυχῆς σπινθῆρας ἰάλλων
Ἥλιος ὡς ἐράτην ἔ' σκότος ἔσκει φάος.
Οἷδ' ὦπ' ἔσκει, νείος ᾖ κελαινὴν σφίγγα φορεύσας
Ἀζίος ὦν σοφίης στέμματα φαεινὰ λαβεῖν.

DARTOIS Doctor Medicus Royensis.

ε ii)



Qvod Bonaventura, Ochamus, quod Scotus,
Alensis

Audent, Meurissius dexteritate potest.
Audet quod nequeunt claro dum dogmate

Obscurq hi tantum quod potuere stylo:

Flammiferum in calis non aequat luce Diana

Phæbum, nec tantis ignibus astra nitent

Doct'orum ingenio Meurissius sidera compler

Luce sed ingenij splendidiore micat.

It. GVILLIELMVS GALLESIVS Audens.
Theologus obseruantissimus, charissimus, &
discipulorum minimus hæc humillimè gra-
titudinis ergo posuit.



REVERENDO
ADMODVM PATRI
MARTINO MEVRISSIO

ELVCIDATÆ METAPHYSICÆ GRATVLATIO.



I quis erit placidâ qui me bibat aure ca-
nentem,

Meurissi, iussus hoc sciât esse tui.

Scis me Castalios latices, sterilesque Ca-
manas

Pro mage diuinâ deseruisse domo.

Iam plectrum, iam si qua fuit musæa supellex,
 Et quondam versu ludere docta Chelys,
 Omnia defuncti bello suspendimus arma,
 Deditq; suas tangere dextra fides.
 At, si iterum irasci iubeas in carmina musam,
 Non iniucundum suscipit imperium.
 Namq; tuo, quicquid vatam est, assurgere honori
 Debet, & ad laudes iungere plectra tuas.
 Franciscana suos solet alma familia natos
 Sic colere, ut patrios Gnosia terra Ioues:
 Unde & iam gratâ repetens tua munera mente,
 Plus, quam hominem terris credidit esse datum.
 Quæ tibi non æterna sophi monumenta sacrabunt?
 Inter honoratos gloria prima patres?
 Nam prius obscurâ quam nox obduxerat umbrâ.
 Iam sophia infirmi pristina forma redit.
 Quodq; suis per te sit nunc educta latebris,
 Nec patuisse velit, nec latuisse dolet
 Auxilijs redimenda tuis sapientia, plectit
 Libera iam capiti laurea ferta tuo.
 Per te etenim reliquis, Meurisse, tacentibus, vna
 Obtinet in Scholis Scotica Secta loqui.
 Hinc mutasse suas, Scoti mens ardua, sedes
 Creditur, & membris tota vigere tuis.
 Siquid ais, tot sunt diuini oracula Scoti,
 Quæ Lacedæmonio promptius ore fotas.
 Quæ scribis, tot sunt Scoti miracula, quamuis
 Hæc propria ingenij sint monumenta tui.
 Perge igitur, quacumq; latent effundere plus est
 Namq; dare illa tuis, quam retinere tibi.
 F. F. BONAL studens Theologus.

T E N A T A P U B L I C A I N T O R I Æ
 (MUSEI HIST. NAT. MUSEI)

APPROBATIO DOCTORVM.

NOS infrà-scripti Doctores Sacræ Facultatis Theologicæ Parisiensis, fidem facimus nos legisse hoc Opus, de Rebus Metaphysicis, per Fr. M. MEVRISSE, Ordinis Minorum, Doctorem & Professore Theologum eiusdem Facultatis; in quo quidem nihil reperimus contra fidem, & bonos mores, imò iudicauimus illud plenum maxima eruditione, & studio; ac proinde dignum quòd typis mandetur in vtilitatem publicam; maxime eorum qui doctrinam Doctoris Subtilis profitentur. Datum Parisiis vigesimâ Februarij Anni Domini 1623.

F. MAVRICIUS BRACHET apud Predicatores
Theologiæ Professor.

HIERONYMVS BACHELIER Doctor Sorbonicus.

F. E. PETIOT apud Minores Theologiæ Professor.

LICENTIA SUPERIORIS.

EGO infrà scriptus visâ Doctorum Approbatione, Licentiam feci Fratri MARTINO MEVRISSE, Doctori Theologo Parisensi, & Professori hoc in maiori nostro Conuentu Sancti Francisci, mittendi in lucem hoc Opus de rebus Metaphysicis, quod summo studio & labore composuit ad mentem nostri Doctoris Subtilis, in vtilitatem publicam Ordinis. Datum in eodem Conuentu Fratrum Minorum Parisiensium, vigesimâ quintâ Februarij, Ann. Dom. 1623.

FRATER CLAVDIUS MAHVET,
Gardianus Conuentus Parisiens.



IN REVERENDVM

PATREM AC FRATREM

MARTINVM MEVRISSV

Doctorem ac Professore Theologum,
Metaphysicam suam edentem.

SCAZONTES.



*VIS iste partus? quid nouum insolens orbi
Natura pandit? quid suum stupet factum
Suprà Platonem & erudita stagra
inuenta? Quicquid hætenus dedit sæclo
Romana tellus, quicquid Hellados mysta;
Victurus vno vicit author in scripto.
Quis author hic? MEVRISVS, arbiter recti,
Cos veritatis, lima iudici, certum
Opinionum dissidentium cribrum;
Lanx cuncta secum examine æstimans puro.
Spinosa Cleanthes, horrida eructet Zenon,
Chrysippus aspera, abdita eruat terris*

*Theophrastus, Oham soluat ingenî nodos,
Scotus perennis gloriæ incitus pennâ
Hoc vastum inane, cælum & astra perrumpat,
Solus MEVRISVS omnium est prior primo.*

FR. MICHAEL CHRISTIANVS
minor Falleiensis ; Baccalau-
reus Theologus primi Ordinis.
1623.



IN OPVS

SVBTILISSIMVM

METAPHYSICES HONORANDI

MAGISTRI PATRIS AC FRATRIS

Martini Meurisse, in sacra Theologia
apud Fratres Minores Doctoris &
Professoris longè meritissimi.

EPIGRAMMA.

Præceptoris amantissimi ad iuuentutem de
re literaria bene meritam.



ACCIPE celsarum nodosa volumina rerum

Paruo sed facili codice scripta meo.

*Quid mirum? Augusto dederas paradigma-
te quondam*

Expansa ingenij docta labore tui.

Accipe Supremo Gallorum sanguine nati

Stemmatibus quæ nunc regia vota ferunt.

Quid mirum? Augusti nomen sanctique Senatus

Principis excelsum parua tabella tulit.

Accipe quæ primo fecundans viscera partu

Parua sed immensus pignora præbet amor.

ij

*Quid mirum? hæc possunt teneri incunabula parces
Extremo celebres quæ posuere viri.
Ardua persequere æterno dum vini in orbe:
Nam maiora dabit qui tibi magna dedit.*

HÆC FR. GVILLIELMVS
GALLESIVS, cum cæteris
Discipulis.

INDEX
QVÆSTIONVM
PROOEMIALIVM
IN METAPHYSICAM.

Quæst. I.



V. Æ sint nomi-
na propria
Metaphysica.
5. a.

An sit, quo-
modo & quare
sit inuenta Metaphysica. 7. b.


Qu. III. Vtrum Metaphysica sit scientia,
eaque speculativa. 11. b.

Qu. IV. Quodnam sit obiectum Metaphy-
sica. 14. a.

Qu. V. Vtrum Metaphysica consideret
rerum omnium quidditates in particu-
lari. 31. a.

Qu. VI. Vtrum Metaphysica sit vna scien-
tia. 37. b.

Qu. VII. Vtrum Metaphysica sit omnium
scientiarum nobilissima. 48. a.



RERVM
METAPHYSICARVM
LIBER PRIMVS.

De Ente & eius diuisionibus & modis.

QVÆSTIO PRIM A.

QUID nomine Entis intelligatur.
53. a.

Qu. II. Qua & qualis sit diuisio Entis in
Entis rei, & Entis rationis. 57. a.

Qu. III. Quid sit Ens rationis. 65. a.

Qu. IV. Vtrum intellectus diuinus possit
efficere Entia rationis. 70. a.

Qu. V. Quis ordo stabiliendus inter Entis
realis diuisiones. 73. a.

Qu. VI. Vtrum Ens ex natura sua habeat
conceptum, seu rationem aliquam vnam.
79. b.

Qu. VII. An conceptus Entis sit aliquo mo-

do præcisus, & distinctus, ante intel-
lectum, a suis inferioribus. 96. b.

Quæst. Vtrum Ens sit vniuersum ad Deum
VIII. & creaturas, & ad substantiam
& accidens. 108. a.

Qu. IX. Quomodo Ens dicatur de suis mo-
dis, de suis proprietatibus & vltimis
differentijs. 131. b.

Qu. X. Per quid, & quomodo Ens deter-
minetur ad Deum & creaturas, ad sub-
stantiam & accidens. 143. b.

Qu. XI. Quid & quotuplex sit modus En-
tis. 149. a.

INDEX QVÆSTIONVM.

Qu. XII. Quid sit Entitas.	155. b.	ria.	313. b.
Qu. XIII. Quibus entibus competat entitas diuisibilis secundum magis & minus.	158. a.	Qu. XXI. Quomodo essentia & existentia distinguantur.	222. b.
Qu. XIV. Quid sit essentia.	164. b.	Qu. XXII. An res possit existere per aliam existentiam.	231. b.
Qu. XV. An rerum essentia sint æterna.	170. a.	Qu. XXIII. Vtrum ex essentia & existentia fiat compositum in rebus creatis.	238. a.
Qu. XVI. An sint, & quâ ratione admitti debeant Idea.	182. b.	Qu. XXIV. Vtra sit perfectior essentia an existentia.	242. a.
Qu. XVII. Quid sint Idea.	187. b.	Qu. XXV. Vtrum existentia sit de quidditate Dei, & tamen existentia in se sit vniuersa ad existentiam diuinam, & ad existentiam creatam.	243. a.
Qu. XVIII. Quid sit Existentia.	202. a.		
Qu. XIX. Quæ sint causæ Existentia.	208. a.		
Qu. XX. Quibus rebus competat Existentia.			



RERVM

METAPHYSICARVM

LIBER SECVNDVS,

Qui est de principijs, & proprietatibus Entis.

PRÆFATIVNCVLA. 247. a.

CAVET primum quod est de principio in vniuersum, ac de principijs Entis.	248	Quæst. II. Quodnam sit principium complexum omnium primum & firmissimum.	258. a.
Capitis primi pars prima, quæ est de principio in communi.	248.	Capit. secundum, quod est de proprietatibus in communi.	263.
Quæstio I. quid & quâplex sit Principium.	248.	Quæstio I. An Ens habeat aliquas veras proprias passionēs.	263. a.
Quæst. II. Quomodo principium & causæ se habeant ad inuicem.	252. a.	Quæst. II. Quæ sunt proprietates Entis, & quem ordinem inter se seruent.	266. b.
Capitis primi pars altera, quæ est de principijs Entis.	254.	Caput tertium, quod est de proprietatibus Entis speciatim.	270.
Quæst. I. An Ens habeat principia.	254. a.		

PRIMA PARS HVIVS CAPITIS,

QVÆ EST DE VNO.

Quæstio I. Quid vnum addat supra Ens, & in quo consistat eius ratio.	270. a.	Quæst. III. An detur aliquis vnitas extrema rei minor vnitate numerica.	282. b.
Quæst. II. Quâplex sit vnitas.	278. b.	Quæst. IV. An detur aliquâ vnitas com-	

INDEX QVÆSTIONVM.

12

- munis.* 287. b. *diuiduationis rerum.* 301. a.
 Quæst. V. *An detur, & quid sit unitas* Quæst. VII. *Quid sit unitas transcendentia-*
uniuersalis, & per quam actionem in- *lis.* 335. a.
tellectus fiat. 293. Qu. VIII. *Quomodo se habeant adinuicem*
 Quæst. VI. *Per quid res habeant unitatem* *unum & multa.* 336. b.
numericam, seu quod sit principium in-

SECUNDA PARS HVIVS CAPITIS, QVÆ EST DE VERO.

- Quæstio I. **Q**UOT modis accipiat *nomen veritas.*
 Quæst. II. *Quid sit veritas cognitionis.* 342. b.
 Quæst. III. *Quid sit veritas rei, & in quo* 359. a.
consistat. Quæst. IV. *An verum transcendens quod*
est passio Entis, sit obiectum adæquatum 365. a.
intellectus. Quæst. V. *An veritas per primum dicatur*
de veritate rei, quam de veritate cogni- 371. b.
tionis, & quomodo. Quæst. VI. *In quo consistat ratio Falsi.*
 374. b. Qu. VII. *Unde provenit quod tam sapè*
sallamur, & tam rarè atque difficulter 378. b.
veritatem assequamur.

TERTIA PARS HVIVS CAPITIS, QVÆ EST DE BONO.

- Quæstio I. **A**N Bonum sit passio En- *do, specie, & ordine.* 397. b.
tis, & in quo consistat Qu. III. *An detur malum aliquod trans-*
eius ratio? 386. *cendens, & in quo consistat eius ratio.* 401. b.
 Qu. II. *Utrum ratio Boni consistat in mo-*

QVARTA PARS HVIVS CAPITIS, QVÆ EST DE EODEM ET DISTINCTO.

PREFATIVNCULA.

- Quæstio I. **Q**UOT & qua sint di- *415. a.*
stinctionum & iden- Quæst. IV. *An sit admittenda aliqua di-*
titatum genera. 406. a. *stinctio media inter realem & rationis,*
 Quæst. II. *Quid sit distinctio realis.* *& quid sit.* 417. a.
 407. b. Quæst. V. *An sit admittenda aliqua di-*
 Quæst. III. *Quid sit distinctio rationis,* *stinctio essentialis, & quid sit.* 425. b.

INDEX QVÆSTIONVM.

QVINTA PARS HVIVS CAPITIS, QVÆ EST DE NECESSARIO VEL CONTINGENTI; seu de necessitate vel contingentia.

PRÆFATIVNCVLA. 428. a.

- Quæst. I. **Q**UID sint Necessitas & Contingentia. 429. b.
- Quæst. II. Vtrum necessaria habeant causam sui esse. 432. a.
- Quæst. III. Unde oritur rerum contingentia. 436. a.
- Quæst. IV. Vtrum primâ causâ necessario agente, essent effectus contingentes in rerum natura. 440. b.

SEXTA PARS HVIVS CAPITIS, QVÆ EST DE ACTV ET POTENTIA.

PRÆFATIVNCVLA. 444. a.

- Quæstio I. **Q**UANTAM potentia & altus sint Metaphysica considerationis. 445. a.
- Quæst. II. Quid & quomplex sit possibile & impossibile, & unde oritur. 450. a.
- Quæst. III. An sit, & quomplex, & quid sit potentia actiua. 456. a.
- Quæst. IV. Quid sit, & quomplex sit potentia passiva. 462. b.
- Quæst. V. Vtrum omni potentia actiua correspondeat passiva proportionata; & vice versa. 472. a.
- Quæst. VI. An detur aliqua potentia pure actiua; & aliqua pure passiva; & aliqua mixta ex utraque, & aliqua quæ nullius istarum rationem habeat. 474. b.
- Quæst. VII. Vtrum potentia actiua, & potentia passiva reperiantur in quolibet Ente. 477. a.
- Qu. VIII. Quomodo potentia & altus se habeant ad inuicem. 478. b.

RERVM METAPHYSICARVM LIBER TERTIVS,

Qui est de præcipuis partibus Entis.

PRÆFATIVNCVLA. 485. a.

- Quæstio I. **Q**UÆ & quot sint partes Entis, & quomodo ad Metaphysicum spectent. 486. b.
- Quæst. II. Quid sit substantia. 489. a.
- Quæst. III. Quid significent substantia prima; hypostasys, suppositum, & persona. 491. b.
- Quæst. IV. Quid addat suppositum vel persona supra naturam singularem. 493.
- Quæst. V. Quid sit accidens, & an inhaerentia sit de essentia eius. 502. b.
- Quæst. VI. Quomodo substantia & accidens se habeant ad inuicem. 510. a.

FINIS.



F. MARTINI

MEVRISSE ROYENSIS.

ORDINIS MINORVM, DOCTO-

RIS ET PROFESSORIS THEOLOGI

Parisiensis rerum Methaphysicarum Præludia.

PRÆFATIO.



SAPIENTIAM. amavi & ex-Sap. 8.

*quisiui à iuuentute mea, & quasiui
sponsam mihi eam assumere, & a-
mator factus sum formæ illius, in-
quit Sapiens, Sap. 8. Considera-
ta enim fragili & imbecilli mor-*

*talitatis humanæ conditione, & circumspectis vn-
dique sæculi vanitatibus, in quibus nihil nisi do-
lor & afflictio spiritus; proposuit hominum ille*

sapientissimus in animo suo, adducere sibi sapien-

Ibidem.

tiam ad conuiuendum, & circuire quarens vt sibi il-

lam assumeret, quoniam immortalitas est in cognatio-

ne Sapientie, & in amicitia illius delectatio bona, &

in operibus manuum illius honestas sine defectione, &

præclaritas in communicatione sermonum ipsius. Cum

verò omnes homines naturâ scire desiderent, &

Arist. 1.

rerum cognitio atque Sapientia videatur com-

Metaph.

munis hominum & Angelorum cibus; si non

eædem vires omnibus, vt Salomoni, suppetant,

A

si non isdem fauor, non eadem de cælo demissa gratia; idem tamen omnibus inest studium conquirendi Sapientiam, & habendi consortium eius. Ipse ego qui ab ipsis ferè cunabulis vale dixi mundo, vt me in vitam tranquilliozem reciperem, expertus sum me semper ingenti desiderio, & incredibili amore Sapientiæ teneri. Eapropter semper optaui vt daretur mihi sensus, inuocaui vt venires in me spiritus Sapientiæ. Sciebam enim quòd non habet amaritudinem conuersatio illius, nec tadum conuietus illius, sed letitiam & gaudium, & quòd propter hanc habet quic claritatem ad turbas, & honorem apud seniores. Infinitus præterea thesaurus est hominibus, quo qui vsi sunt participes facti sunt amicitie Dei: Quamquam enim Metaphysica sit solùm naturalis quedam Sapientia, & non ea fortassis de qua Sapiens loquitur; nihilominus prædicta idèd illi accommodantur, quia Sapientia naturalis viam sternit ad supernaturalem, Philosophia ad Religionem; Inuisibilia enim ipsius Dei per ea quæ facta sunt, intellecta conspiciuntur. & naturam hominis hanc Deus esse voluit, inquit Lactantius de falsa Sapient. lib. 3. cap. 11. vt duarum rerum cupidus & appetens esset, Religionis & Sapientiæ, quoniam in his duobus inseparabiliter connexis, & officium hominis & veritas omnis inclusa est. Dum igitur cætera corporis mole & magnitudine grauantur animalia; nos mente solùm & intellectu gloriamur, quo illis excellimus, quo cuncta lustramus, cuius ope ita excellenter informamur & transformamur, vt nosmet ipsi Deo similes efficiamus. Intellectum autem hocce veluti diuino ornatu perficit Sapientia, quâ

Sap. 7.
& 8.

Rom. 1.

Lactant.
de falsa
sapientia, lib.
3. cap.
11.

Intellectus iste noster in immensum sciendi cupidus, cuiuscumque naturalis veritatis luce perfunditur. Ne tamen cacutiret, vel in immensa scientiarum multitudine, quæ creuissent in infinitum, si iuxta rerum naturas, tot fuissent, quot scibilia; vel nimia confusione, si illa quæ sciuntur, in vnicâ dumtaxat Scientia, putâ Metaphysica, fuissent explicatâ : prudentissimo Philosophorum studio constitutum est, vt de nobilioribus Entis partibus, à nobis, viâ sensus, cognoscibilibus, determinatâ quâdam essent Scientiæ, scilicet Physica (vt à speculatiuis ordiar) quæ de corpore naturali, eiusque partibus & speciebus disputaret, ac Mathematicâ disciplinæ Arithmetica & Geometria, earumque subalternæ Musica, & Perspectiua, quæ de magnitudine & multitudine differerent : Postmodum Moralis disciplina (quæ Politicam, Oeconomicam, & Ethicam complectitur) quæ de obiecto practico, putâ vel Republica gubernanda, vel familia regenda, vel priuatis moribus & actionibus instituendis, disceptaret. Demùm operæ pretium se facturos existimarunt, si vltra has minus vniuersales scientias, aliam quâdam vniuersalissimam constituerent, quæ Ens ipsum in tota sua latitudine, Entis communēs affectiones, altissima Principia, Causasque & eiusdem Entis generalissimas species, scilicet ipsius substantiæ, & accidentium in se naturas specularetur : Ad quam spectarent ea quæ sunt à sensibus remotiora, vt Deus & Intelligentiæ, prout à nobis naturaliter attingi possunt: Et has omnes Philosophiæ partes sub nomine Sapientiæ sole-

mus intelligere, vt tota Philosophia, Sapientia dicatur, quemadmodum & Philosophi Sapientes nuncupantur. Nihilominus solâ hæc altissima Philosophiâ, propter aliquot rationes inferiùs afferendas, Sapientiæ nomen obtinuit; quemadmodum & Philosophi etiam propter aliquot rationes inferiùs explicandas, ei Metaphysicæ nomen indiderunt. Hanc autem nobilissimam Scientiam ad mentem Doctoris Subtilis examinandam aggredior, non alia ratione, nisi tum quia Theologiæ docendæ præfectus, singulis momentis cogor intermittere Theologica, & ad Metaphysicorum, quibus iuuatur Theologia, & Scotus nobis abundat, considerationem descendere; tum vt lucis aliquid pro viribus addam Doctoris Subtilis doctrinæ, quæ iam à plerisq; Modernis prætermittitur, discerpitur, aut adulteratur ita, vt nunc alia eius nomine doctrina ab illis impugnetur; tum vt fratribus meis, in quorum gratiam iste labor suscipitur, vtilitatem aliquam afferam. Verùm *iste puteus altus est, si ex eo aquam cupias, voca virum tuum, adhibe intellectum virum animæ, per quem* docearis, quo regaris, vt cum augustissimo loquar Augustino. Huius porrò operis tres erunt libri: primus erit de Ente, & eius diuisionibus ac modis. Secundus de eiusdem principijs & proprietatibus tum simplicibus tum disiunctis. Tertius denique de præcipuis & nobilioribus eius partibus. Sed ne ex abrupto nimis ordiri videar, præludia quædam subiiciam, quibus Metaphysices huius existentia, quidditas, subiecta materia, dignitas, necessitas, & vtilitas dignoscantur.

D. Aug.
tract. 15.
in Ioan.



QVÆSTIONES PROOEMIA-
les in Metaphysicam.

QVÆSTIO PRIMA.

Quæ sint nomina propria Metaphysicæ?



V M Metaphysica ceteras Philosophiæ partes nobilitate superet; etiam insignioribus, omnibus aliis, titulis exornatur: vt autem definiamus qua ratione illi fuerint impositi.

Prænotandum scientias duobus modis spectari posse; primo ex natura rei & obiectiue, quatenus scilicet sunt notitiæ obiectorum suorum secundum propriam eorum naturam consideratorum: secundò prout hominum arbitrio constitutæ sunt, & intellectui nostro accommodatæ, qui pro hoc statu nihil cognoscit nisi beneficium sensuum. Iuxta priorem considerationem plures sunt sciendiæ totales, quàm iuxta posteriorem: siquidem imprimis de Deo vt naturaliter cognoscibili, putà, vel ab intellectu Angelico in puris naturalibus, aut in statu viæ constituto, vel etiam fortè à primis Patribus in statu innocentiae existentibus, potest esse notitia quædam tota-

lis, Theologia nimirum naturalis. Præterea potest esse alia quædam scientia de Angelis, vt naturali lumine intellectus separati cognoscibilibus, quæ Angelica, vel alio nomine nuncupari potest: Tertio vltra has, pura Metaphysica seu Metaphysica transcendens, vt loquitur Scotus noster lib. 1. Meta. q. 1. in fine: nam loquendo præcisè ex natura rei, non est potior ratio cur scientia vniuersalissima de Ente, potius ad hanc quàm ad illam speciem entis descendat, nimirum ad Deum & intelligentias, quàm ad substantias corporeas, cum ex se æquè primo vtrumque membrum respiciat: sed placuit veteribus Philosophis hanc scientiam naturalem quam pro hoc statu de Deo & de intelligentiis habere possumus, ad illam vniuersalissimam notitiâ quæ de Ente differt, reuocare; tum propter paucitatem eorum quæ à nobis fuissent tradenda in speciali scientia de Deo & Angelis nobis modicum cognoscibus viâ sensus, pro hoc statu; tum propter conuenientiam in modo

A iij

considerandi; nam sub eodem abstractionis genere, Ens Deus & Intelligentiæ considerari possunt. neque tamē propterea sequitur Metaphysicā ad omnes omnino species entis descendere, putā ad substantiæ corporeæ naturalis considerationem: tum quia multò plura de substantia corporea, quàm de spiritali, viā sensus, pro hoc statu cognoscēda nobis obijciuntur; tum quia non conveniunt in eodem modo considerandi; tū quia hoc pacto Scientiæ fuissent nimium confusæ, si in vna sola totali, cuncta scibilia fuissent explicata. Et hanc quidem distinctionem metaphysicæ, tum ex natura rei spectatæ, tum hominum beneplacito constitutæ diligenter observare debemus, tam in solutione huius quæstionis, quàm in progressu totius huius operis.

Vnica Conclusio.

Metaphysica his potissimum nominibus insignitur, nēpe Sapientiæ, Philosophiæ, primæ Philosophiæ, Theologiæ naturalis, Metaphysicæ, Scientiæ vniuersalis. Et imprimis dicitur Sapiētia i. Metaph. cap. 2. quia, ut ibi latē probat Aristoteles, omnes Sapiētiæ conditiones ei conveniunt. Prima conditio Sapiētiæ est, vt occupetur quodammodo circa omnia. Competit autem Metaphysicæ, quæ cūm speculetur Ens & Entis communes affectiones, aliqua ratione cuncta speculari dicitur. Nam vt docet Doctor Subtilis in suis commentariis in hunc locum, qui novit vniuersale, novit quodammodo contenta sub vniuersali, si

non secundū proprias rationes, saltem secundū cōmunes, quas ab ipso Vniuersali mutuuntur. Secunda conditio Sapiētiæ est, vt difficilia rimetur. omnium est enim leuia & sensibus peruia cognoscere; solius verò sapiētis abstrusa, difficilia, & à sēsisbus remota scrutari. Et hæc etiam cōuenit Metaphysicæ: Cū enim quod plus aliqua distāt à sensibus, eò difficiliora censētur; metaphysica circa difficillima versabitur, quia circa vniuersalissima, proindequā sensibus remotissima versatur. Tertia Sapiētiæ conditio est, vt certiora perquirat: decet enim sapientem esse certissimū de his quæ novit. Conuenit etiā Metaphysicæ. Nam quod Scientiæ aliquæ sunt aliis priores; eò etiam sunt illis certiores; nam quod sūt priores, eò pauciora requirunt, vt Arithmetica v.g. quæ est prior musica, pauciora requirit quàm Musica; quia Arithmetica numerū simpliciter; Musica verò numerum sonorum cōsiderat: Quæ autem pauciora requirunt, certiores existunt, quia minus contingit errare circa pauca, quàm circa multa: ergo Metaphysica, vtpote omnium prima naturaliter, ac proinde paucioribus contenta, omnium erit certissima. Quarta Sapiētiæ conditio est, vt maximè doceat, & reddat causas omnium quæ sciuntur, & quæruntur. Nam eum sapientiorē arbitramur, qui pluriū rerum principia, causasque potest assignare. Et hæc conuenit etiam Metaphysicæ, quæ magis vniuersalia, proindeque omnium principia, & causas inquirat. Quinta conditio est, vt Sapiētia maximè expectetur propter se, &

non gratia alterius, quæ etiam cõgruit Metaphysicæ: Cũ enim Sciẽtiæ Speculatiuæ propter se expectatur, quod plus aliqua erit speculatiua, cõ propter se magis expectetur: ergo Metaphysica vt pote maximè Speculatiua, maximè propter se, & non gratiã alterius expectetur. Sexta & vltima Sapiẽtiæ conditio est vt per eam sapiens ordinare, & non ordinari, suadere & non suaderi à minus sapiente debeat. Quemadmodum enim in artibus repertiuntur quidam Architectores, qui sapientes dicuntur, tũ quia alios dirigunt & ordinant, tum quia illis imperant & suadent: alij verò famulantes, quia à sapientibus ordinantur, & suadentur: Sic inter Scientias, illa princeps & sapientia iure merito dicitur, quæ alias ordinabit & persuadebit. Sic autem se habet Metaphysica, quæ causas altissimas considerans, nouit causam finalem cuius gratiã cætera sunt agenda; proindeque cuncta in illum finem ordinat. Ex his colligi potest hæc Sapiẽtiæ descriptio. *Sapientia est altissimu mentu habens, occupatu circa vniuersalissimu, difficillima, certissima, omniumque causarũ & principia; maximè propter se expectendus, qui aliu scientiu tanquam famulu imperat, easque in suos fines ordinat. Quæ descriptio valdè bene quadrat in Metaphysicam.*

definitio
sapiẽtiæ

non de primis ac potissimis Entis speciebus. Quarto appellatur Theologia 6. Metaphysic. cap. 1. quia disserit de Deo, & eius attributis ac proprietatibus, quatum luminis naturalis patitur capacitas. Sed hæc denominatio spectat ad Metaphysicam vt hominum arbitrio constitutam, vt patet. Quinto vocatur Scientia vniuersalis s. Metaph. cap. 1. tũ quia versatur circa Ens, obiectum valdè vniuersale; tum quia disserit de principiis omnium vniuersalissimis, tam complexis, quàm incomplexis. Sexto denique Metaphysica dicitur, idest postnaturalis; quia licet ordine naturæ Physicam præcedat, cũ pertrahet eorum cognitionem quæ in natura primas obtinent; tamen ordine inuentonis & doctrinæ Physicam subsequitur; quia ea de quibus agit, post cognitionem rerum naturalium sunt inuenta, & explorare cognita. Vel etiam (vt aliis placeat) Metaphysica dicitur quasi transnaturalis, quia cognitionem rerum naturalium transcendit, & ea quæ in altissimo rerum gradu posita sunt, considerat.

QVÆSTIO SECVNDA.

An sit, quomodo, & quare sit inuenta Metaphysica.



Vt in hoc titulo sese offerunt examinanda officia, finis, & vtilitas Metaphysicæ; quæ ordine sequentibus conclusionibus perstringemus.

Prænotandum tamen primò

tum etiam quia agit de Ente, nec

1. Me-
taph.
cap. 1.

omnes scientias (latè sumpto Scientiæ vocabulo) non eadem ratione comparatas fuisse, vt docet Aristoteles 1. Metaph. cap. 1. Nam quædam sunt inuentæ ad necessarios vitæ vsus, vt artes mechaniciæ, & omnes scilicet Scientiæ practiciæ. Aliæ ad iucundè viuendum, vt artes Cytharistarum & Tibicinum: indigent enim mortales alterna laborum requie, iucundaque molestiarum intermissione. Aliæ denique propter solam rerum cognitionem, & contemplationem, vt Scientiæ theoreticiæ. Et quia hæc, vtpotè nobis minùs faciles, maiore intelligentia indiguerunt, vt inuenirentur, quàm illæ: idèd etiam maiori & tranquilliori otio in his, quàm in illis investigandis opus fuit. Quare eò loci docet Philosophus à Sacerdotibus Ægyptijs, qui in otio vitam agebant, & quibus omnia ex publico cùm necessaria, tùm vtilia ad degendam vitam abundè suppetebant: vt constat etiam ex libr. Genes. cap. 27. primum theoreticas Scientias, præsertim Mathematicas disciplinas, vt Astrologiam repertas fuisse. Otio accessit ingens sciendi cupiditas. Nam *omnes homines naturâ scire desiderant*: accessit & hominum conditio. Nam *genus hominum arte viuunt & ratione*: accessit & in subtiliùs rimandis rerumeuentibus & naturis admiratio. Nam *propter mirari caperunt homines philosophari*. Ethinc nobilissimum Scientiarum speculatiuarum agmè.

Genes.
cap. 27.

1. Me-
taphyl.
cap. 1.
Ibidem

1. Me-
taphyl.
cap. 2.

Prænotandum 2. duplici præsertim viâ & methodo Scientias inuentas fuisse, nimirum viâ analytici seu resolutionis, & viâ syn-

theticâ seu compositionis. Viâ analytica, diuidendo semper & resoluendo rem in suas partes, principia, proprietates, & effectus, quæ omnia sic resoluta, & ab inuicem quasi separata, niâgis innotescunt. Viâ autem syntheticâ, coniungendo inter se hæc omnia, & ex illis eliciendo superiora genera, de quibus sic abstractis, quædam etiam passionibus abstractæ & communes asfirmantur. Quæritur itaque an ad aliquem vitæ vsum, an ad iucundè viuendum, an verò potiùs ad solam veritatis contemplationem: & qua methodo, an resolutionis, an verò compositionis sit inuenta Metaphysica?

Prænotandum 3. Metaphysicæ duplicem distingui posse finem, scilicet absolutum, & respectiuum: finis absolutus est ille quem in se intendit: Respectiuus ad quem extra se tendit; ille prior est isto: quia res quælibet priùs est in se, & ad se, quàm ad aliud. Finis respectiuus consistit in officijs quæ circa alias Scientias exercet, ex quibus dignoscitur quæ & quanta sit eius vtilitas. His positis, sit

Prima Conclusio.

Metaphysicam existere probat vnanimis Philosophorum consensus, præsertim Aristotelis & Doctoris Subtilis, quorum primus tredecim Metaphysicæ libros conscripsit; alius verò subtilissimis commentarijs, & quæstionibus eisdem locupletauit.

Item Metaphysicam non ad aliquem vitæ vsum, nec ad voluptatem,

luptatem, sed ad solam rerum contemplationem inuentam fuisse, & Aristotelis testimonio, & rei veritate perspicuum est: ampliusque sequenti conclusione probabitur. Quod spectat ad methodum, crediderim potius viâ compositionis, quàm resolutionis inuentam fuisse. Quia cum omnium nouissimè inuenta fuerit, probabile valdè est id contigisse ex adunatione rerum omnium inter se, ratione cuius intellexerunt Philosophi Substantiâ & Accidens simul conuenire in aliquo generali conceptu entis; Substantiam corpoream & incorpoream reperiri sub aliqua Substantiæ communi ratione: ac proinde inueniendam esse generalissimam quamdam Scientiam, quæ has cõnunes entis, Substantiæ, & similes rationes indagaret.

Secunda conclusio.

Finis absolut^o Metaphysicæ est sola veritatis cõtemplatio; nõ qualiscunque, quia is est etiam finis cuiuslibet Scientiæ speculatiuæ sed veritatis altissimæ & perfectissimæ: Finis verdè respectiuus est officium & obsequium quod exhibet alijs Scientijs, præscribendo vnicuique obiectum suum, & vniuersiuique principia confirmãdo. Ac in primis quidem constat ex doctrina Aristotelis hanc Scientiam esse propter solam veritatis contemplationem: quod declarat duplici signo. Vnũ est, quod homines propter admirationem & causarum ignorationem, hanc Scientiam inuenire cœperunt; ergo propter cognitionem, & non alterius operis gratiâ, eam inquisierunt. Secundum signum est,

quia homines, cùm eis omnia ad hanc vitam necessaria suppetere, hanc Scientiam inuestigarunt; non ergo propter alium vsum, sed ad expellendam ignorantiam, atque aded propter ipsam veritatis cognitionem, eam inquisierunt. Constat secundò Metaphysicam non esse propter qualicumque veritatis contemplationem, sed duntaxat altissimæ & perfectissimæ: quia occupatur in contemplatione Entis, & nobilissimarum Causarum, quod declarat Doctor Subtilis in prologo quæstionum Metaphysicarum, his verbis: *Sciendum est quòd finis proprius huius Scientiæ est operatio secundum habitum istum. Speculatio scilicet essentiarum rerum, & præcipuè altissimarum causarum, & substantiarum separatarum; in quarum speculatione posuit Aristoteles felicitatem, 10. Ethicorum. Et quidem ex hac contemplatione consurgit unio intellectus cum substantijs separatis, & iterum ex unione perfectior contemplatio, ut ibidem profecquitur Scotus noster: in quibus consistit Metaphysicæ finis, & hominis speculatiua naturalis felicitas.*

Scot in
prolog.
qq. Me-
taphys.
§. de
causa fi-
nali.

Secunda pars conclusionis probatur quoad id quod dictum est ad Metaphysicam pertinere præscribere vnicuique Scientiæ proprium obiectum: quia aliorum Scientiarum obiecta sunt particulae quædam Entis, putà corpus naturale; linea, numerus, & cct. ex Aristot. 4. Metaphys. cap. 1. *Nulla enim, inquit, ceterarum (sup-ple Scientiarum) id quod est, ut est ens considerat; sed partem quæque aliquam excipiens; id quod accidit, de hac contemplatur, ut Ma-*

4. Me-
taphys.
cap. 1.

thematicas scientias faciunt. Sed Metaphysici est ex diuisionibus Entis & superiorum generum colligere huiusmodi particulas Entis; ergo Metaphysici est ex diuisione Entis, & superiorum generum, colligere omnia obiecta Scientiarum, quæ sub illis diuisionibus continentur. Quia diuisione factâ, cuique Scientiæ postmodum, tanquam Regina propriam regionem assignat. Hinc patet quomodo etiam vniuersali quæque Scientiæ obiecta demonstret: demonstrat enim an sint, ostendendo per tales diuisiones illa esse, vel saltem non repugnare esse in rerum natura: sufficit enim ad dubitationem, An sint, ostendere quodd eis non repugnet existentia ex Scoto. qu. 7. quodlibet pag. 47. col. 1. post medium. Demonstrat præterea quid sint, ostendendo per easdem diuisiones in quo gradu Entium sint posita, & quam quidditatem habeant. Nec hoc præstat solummodo à posteriori, & per causas extrinsecas, ut putant aliqui, sed etiam à priori, & per causas intrinsecas. Cum enim iste processus sit diuisiuus, in quo per existentiam & quidditatem superiorum, inuestigatur existentia & quidditas inferiorum: id non fieri à posteriori, sed à priori perspicuum est.

Probatur item quoad id quod dictum est Metaphysicæ munus esse cæterarum Scientiarum principia confirmare. Nam id expressè docet Aristoteles 4. Metaphysic. cap. 3. ubi Scotus noster duas tradit vias, quibus id ostendit Metaphysicam præstare. primò nimirum, quia omnium pla-

nè principiorum explicat terminos, quibus explicatis statim intellectus assentit eorum veritati. *Notandum* (inquit in commentario illius loci) *quod huiusmodi principia communia sunt communiter nota omnibus, eo quod termini eorum cadunt in conceptione cuiusque: nam componuntur ex terminis communibus qui sunt noti prius nobis, eo quod nostra cognitio incipit à communibus & confusis, ut habetur 1. Physic. Isti autem termini communes sunt ens, totum, pars, æquale, inæquale, & similes. Et quia huiusmodi termini communes pertinent ad considerationem Metaphysicæ, per consequens huiusmodi principia sunt de consideratione eius. Considerat autem Metaphysicæ dicta principia non demonstrando, sed rationes terminorum declarando, ut quid sit totum, quid pars, quid substantia, quid actus & potentia, &c. quod facit in quinto: quibus terminis notu, statim intellectus assentit veritati talium principiorum.* Cum enim (addit Suarez) hæc principia in re non habeant intrinsecum & quasi formale medium, quo illorum extrema connectantur, per se cognoscuntur ex cognitione terminorum: vnde nihil magis potest ad eorum cognitionem iuuare, quàm Scientifica & euidentis notitia terminorum, seu rationum eorum, qualis est illa quæ in hac Scientia traditur. Alia via est reducendo propria cuiusque Scientiæ principia ad illa generalissima effata, quæ per se contemplatur Metaphysica: qualia sunt: *Quodlibet est, vel non est. Impossibile est aliquid de eodem simul affirmari & negari. Quæ sunt firmissima & certissima principia, quibus Meta-*

Vide
Scotum
in 1.
dist. 3.
q. 2.

Suarez
tom. 1.
Metaphys.
disp. 1.
sect. 4.
num. 7.
& 8.

4. Metaphys.
cap. 3.
Scotus.
ibid.

physica cæterarum Scientiarum propria principia cõfirmat & corroborat. Cum enim premuntur inferioribus Scientiæ in suis propriis pronuntiatis ostendendis; & ex proprio fundo non habent unde se fulciant, recurrunt ad illud generalissimum & ditissimum Metaphysices ærarium; unde extrahunt illa veluti Scientiarum omnium firmissima propugnacula. Ex his colligitur quæ & quanta sit huius Scientiæ utilitas. Est enim non modo utilis & conueniens propter seipsam, & propter perfectionem Intellectus nostri, qui prout dependet à sensibus externis, perficitur sensibilibus & physicis: & quatenus pendet ab internis, præsertim Imaginatione, & Phantasia, Mathematicis: & ut abstrahit ab omnibus cùm internis, tùm externis, perficitur Metaphysicis: Verumetiam est utilis ad alias Scientias, propter prædicta præstantissima munera, quæ circa illas exercet.

Obiicies: Hæc duo videntur secum pugnare, nimirum quodd Metaphysica sit propter seipsam, & tamen sit propter alias Scientias: Nam quod est propter aliud, non videtur esse propter seipsam. Confirmatur ex Doctore Subtili, qui in prologo quæstionum Metaphysicarum, §. *de causa finali*, docet hanc Scientiam non ordinari ad aliquam aliam; sed omnes alias ad ipsam, nec esse utilem ad aliam, secundum Philosophum in littera, sed esse qualibet Scientia utili digniorem, & nobiliorem, tanquam finem.

De hac re vide Scotum Respondetur, quodd dupliciter contingit aliquid dici utile ad aliud: vno modo tanquam me-

dium ordinatum ad aliud: alio modo tanquam aliquid superius & nobilius, quod ratione eminentiæ & perfectionis suæ est utile & proficuum alteri. Priori modo Metaphysica non est utilis ad alias Scientias, sed potius vice versa aliæ sunt utiles ad ipsam: quia, ut docet Scotus noster eò loci, aliæ omnes Scientiæ tam speculatiuæ quàm prædictæ ordinantur ad ipsam, ut ad finem, quia ipsa est perfectissima contemplatio, in qua consistit speculatiua hominis felicitas. Posteriori modo nihil prohibet ipsam esse ad alias utilem propter rationes alias. Unde non negat simpliciter Scotus illam esse utilem, sed solum non esse utilem, prout utile propriè dicitur ordinatum ad finem.

QVÆSTIO TERTIA.

Utrum Metaphysica sit Scientia; eaque speculatiua?



PENOTANDUM I.

pro intelligentia prioris partis quæstionis, duplicem alicuius rei distingui posse scientiam, scilicet incomplexam, & complexam. Scientia incomplexa est simplex & nuda apprehensio alicuius rei per sua essentialia prædicata, v.g. hominis, per animal rationale. In qua apprehensione, vnum quidpiam ex alio non infertur: sed incomplexam actu simplici & incomplexo, scientifico tamen, apprehenditur. Scientia complexa ea est quæ habetur de conuersione alicuius proprietatis cum

ſuo ſubiecto, per medium aliquod neceſſarium. v. g. notitia illa quæ noui hominem eſſe riſibilem, quia eſt animal rationale : & dicitur complexa, quia intellectus per medium illud, vnum cum alio complicat & connectit. Hanc duplicem notitiã alijs titulis nominat frequenter Scotus noſter in Metaphyſica : Priorem quidem, notitiã rei ſimpliciter : poſterio- rem præ notitiã alicuius de re : Seu, priorem notitiã alicuius ; poſterio- rem, notitiã de aliquo : & quidem hoc poſteriori modo, ſcientiæ nomen frequentius eſt in uſu, apud Ariſt. & alios Philoſophos. Tunc enim vnumquodque propriè ſcire arbitramur, cum eius principia & cauſas, propter quas illud ſit, cognoscimus.

Prænotandum 1. pro intelligentia poſterioris partis ex Doctore Subtili. q. vltima prologi Sentent. & libr. 1. Metaphyſic. q. 7. notitiã practicã eam eſſe quæ eſt directiua praxis. Eſt autem praxis omnis operatio quæ non eſt per eſſentiam, ſpeculatio, & quæ non eſt à natura determinata; ſed quæ indifferenter, bene ſcilicet vel malè poteſt elici. quod alibi ſuſius explicabimus, & ita non omnis notitia ordinata ad aliud eſt practica : ſed ea ſola quæ ad praxim moderandam ordinatur. Nam (vt loco poſteriori itato Scotus noſter obſeruat) notitia principij ordinatur ad conſolutionem, tamquam cauſa ad proprium effectum. Omnis ſcientia ſpeculatiua alia à Metaphyſica, ordinatur ad Metaphyſicã, vt ad finem. Item datur aliqua notitia directiua vterioris

ſpeculationis, vt Logica, & tamen iſtæ notitiæ non ſunt practicae. His poſitis, ſit.

Prima Concluſio.

Metaphyſica eſt vera & propria Scientia. Probat. 4. Me-
1. ex Ariſt. 4. Metaphyſic. cap. 1. aph. 1.
1. *Eſt quadam ſcientia*, inquit, *quæ ſpeculatur Ens quatenus ens eſt, & quæ per ſe ei inſunt.* Nulla autem id præſtat præter Metaphyſicã. Ergo eſt Scientia. Secundò, Ens ſecundum ſe eſt vnum aliquod incomplexum quod per propriam rationem intelligi poteſt. Ergo huic incomplexo correfpondet aliqua notitia ſimplex & incomplexa. Illa autem eſt Metaphyſica. Ergo iam Metaphyſica eſt Scientia incomplexa, & minùs propriè dicta. Tertiò ad rationem ſcientiæ propriè dictæ, ſufficit vt habeat obiectum, cui inſunt principia & proprietates de ipſo demonſtrabiles : at Metaphyſica eſt huiusmodi. Ergo eſt vera Scientia. Maior eſt certa. Minor probatur. Metaphyſica verſatur circa Ens quod habet principia, ſi non eſſendi, ſaltem demonſtrandi, ex Doctore Subtili. quæſt. 3. prologi. q. 1. laterali ad
3. Item habet proprietates demonſtrabiles de ipſo, primò quidem à poſteriori, vt quod v. g. ſit bonum, quia eſt appetibile, vel etiam à priori, quia eſt Ens. Præterea eſt nobis innatus appetitus cognoscendi Ens, quatenus Ens eſt. Igitur ne talis appetitus ſuo fine fruſtretur, debet dari ſcientia de ente quæ ipſum exſatiet.

Obijcies, Sapientia eſt habi. Obiect.

6. Ethic. Arist. 6. Ethic. cap. 3. Vbi constituit quinque habitus intellectuales inter se specie distinctos, scilicet Sapientiam, Intellectum, Scientiam, Prudentiam, & Artem. Sed Metaphysica est Sapientia, ut dictum est; ergo non est Scientia. Respondeo Scientiam quidem illam, quæ tantum versatur circa conclusiones, specie distinguì à Sapientia; quia Sapientia versatur circa conclusiones, & prima principia ex quibus deducuntur, ut docet Aristoteles 6. Ethic. cap. 7. *Sapientiam igitur (inquit) non solum ea quæ ex principijs sunt, cognoscere; sed etiam circa principia ipsa verum dicere oportet.* Vnde cum Scientia prout specie distinguatur à Sapientia, sit simplex habitus conclusionum: Sapientia est habitus conclusionum simul & principiorum, & non qualiumcumque, sed altissimarum & primarum causarum: quod fit ut simul includat Intellectum & Scientiam, ut ibidem docet Aristoteles, *quare, inquit, sapientia erit Intellectus & Scientia, ac instar capitis scientia rerum prestantissimarum.* Quod non impedit quin sit etiam Scientia, non quidem communiter usurpata pro habitu conclusionum, sed Scientia nobilissima suo ambitu complectens notitiam altissimarum causarum, & conclusionum, quæ ex eis eliciuntur: Quod ex eo confirmatur, quia Aristoteles ipsum eundem habitum, Scientiam simul & Sapientiam indifferenter appellat.

Ref-
ponit

6. Ethic. 7

Secunda Conclusio.

Metaphysica est speculativa. 6. Metaphysicæ. Probatur ex Aristotele 6. metaphysicæ. cap. 1. *Quapropter, inquit, Philosophia tres erunt contentiones, Mathematica, Naturalis, & Metaphysica. Confirmatur ex Doctore Subtili 6. Metaphysicæ. q. 1. ubi habet: Eni quod est subiectum Metaphysicæ, est merè speculabile, circa quod in quantum huiusmodi, non est nata esse notitia directiva operationis practicæ, & alterius generis à speculatione: Et illa sola cognitio seu scientia dicitur practica quæ est directiva praxis; ergo Metaphysica non est practica, sed speculativa.*

Obijciens 1. Metaphysica demonstrat Deum esse summè diligendum: quia est summè bonus, & noster finis ultimus. Sed hoc spectat ad notitiam practicam: ergo Metaphysica est practica.

Respondeo negando maiorem. Rem, quamvis enim Metaphysica demonstret Deum esse summè bonum, & nostrum ultimum finem naturalem: non dicat tamen practice quomodo, seu quibus medijs hic finis sit ab homine consequendus: hoc enim relinquit morali Philosophiæ, & solum de Deo speculatiue considerat rationem ultimi finis & supremi boni: scilicet quatenus in se talis est; non verò an sit hoc vel illo modo, seu medio attingendus.

Obijciens. 2. Theologia supernaturalis est practica: ergo & Theologia naturalis. Antecedens est Doctores Subtilis quæ-

stione vltima prologi Sentent. Consequentia probatur: Theologia supernaturalis & naturalis solo lumine differunt; quia hæc veritates lumine naturali cognitæ de Deo demonstrat; illa veritates creditæ & reuelatæ: sed illa diuersitas luminis non potest causare tantam diuersitatem in vtraque illa Theologia: quod si vna sit practica, alia quoque non sit eiusdem rationis; ergo si supernaturalis sit practica, naturalis erit quoque practica.

Resp.

Respondeo concessio antecedente, negando consequentiam, & maiorem probationis eius. Theologia namque supernaturalis & naturalis non differunt solo lumine; sed præterea rationibus & modis quibus versantur circa sua obiecta: quia Theologia supernaturalis considerat Deum modo practico præscribendo modum & media, quibus eum tanquam finem nostrum supernaturalem possumus assequi, dictando videlicet quomodo sit amandus, honorandus & timendus. Theologia verò naturalis imprimis versatur circa Ens vt obiectum suum adæquatum modo planè theoretico: Denique veritates quas inquirat de Deo, vt obiecto suo partiali & indæquato sunt etiam merè speculabiles & theoreticæ.

QVÆSTIO QVARTA.

Quidnam sit Obiectum Metaphysicæ?



ARIÆ sunt de quæstione proposita sententiæ. Quidam enim existi-

mant Ens vniuersalissimè sumptum, prout est commune ad Ens reale, & ad Ens rationis esse huius scientiæ subiectam materiam. Alij Ens reale, quatenus comprehendit tam entia per se, quàm entia per accidens. Alij restringunt obiectum Metaphysicæ ad solum Ens reale prædicamentale quod in decem prædicamenta diuiditur. Alij ad causas vniuersalissimas.

Alij ad solam Substantiam communissimè sumptam, prout est indifferens ad materialem & immaterialem, ad finitam & infinitam. Alij solum Deum Metaphysicæ subiectum constituunt, & reliqua omnia quæ in Metaphysica tractantur, in ordine ad ipsum considerari existimant. Alij solam substantiam immaterialem communem ad Deum & Intelligentias.

Alij denique Ens reale commune ad Deum & creaturas, ad Substantiam & Accidentia, proprium & adæquatum Metaphysicæ subiectum stabiliunt. Pro solutione huius quæstionis.

Prænotandum primò vel potius repetendum ex dictis, q. 1. Metaphysicam spectari posse duobus modis, ex natura rei, & vt hominum arbitrio constituta est: quam quidem distinctionem diligenter obseruare debemus, vt quid de obiecto eius hoc vel illo modo consideratæ dicendum sit, decernamus.

Prænotandum secundò in quolibet obiecto cuiuslibet scientiæ totalis, duplicem primò distingui posse rationem, scilicet materialem & formalem. Materialis est res ipsa considerata, quantum est

ex se indifferens ad varias notitias : vt animal quod ex se & ad Physicam , & ad Medicinam spectat.

Ratio formalis est ratio distinguens & determinans obiectum materiale ad certum quoddam genus notitiæ , vt naturalitas & sanabilitas ; quarum prior ad Physicam ; posterior verò ad medicinam ipsum idem animal contrahit & determinat. Sed ista ratio formalis iterum est duplex : scilicet formalis , *qua* , per quam , seu *propter quam* , & *sub qua* . Formalis *qua* , est forma seu ratio obiecti quæ constituit ipsum formaliter in eo esse quod scientia per se considerat : vt sanabilitas est forma animalis , quæ constituit ipsum formaliter in eo esse quod medicina per se considerat.

Lichet-
us q. 3.
prolog.

Ita expressè Lichetus q. 3. prologi §. ex his dictis : vbi habet : *Ratio verò formalis subiecti dicitur illa qua constituit aliquid in esse subiecti. Sicut si homo esset subiectum in aliqua scientia, puta in illa quæ sciretur hominem esse risibilem, & quæreretur quid sit illud quod constituit ipsum in esse tali : Dico quod est quiddam hominū, puta animal rationale, & vniuersaliter definitio est ratio formalis constituendi aliquid in esse subiecti scientia, si illud habet definitionem, & quid rei. Si verò subiectum non habet definitionem, sicut Deus qui est obiectum Theologia , & Ens in quantum Ens subiectum Metaphysicæ, tunc ratio formalis explicatur sub nomine abstracti, puta Deus sub ratione Deitatis , & Ens sub ratione Entitatis. Et ita ex ratione materiali & formali, *qua* , integratur vna ratio totalis obiectiua vnius*

determinati habitus , & non alterius.

Quia verò huiusmodi ratio formalis , *qua* , non semper complet rationem formalem specificantem ac distinguentem habitum : Nam etiam ipsa diuersimodè consideratur ob diuersa motiua , quibus intellectus inducitur ad assensum , vt patet in Theologia nostra , & Beatorum ; vtraque enim respicit eandem rationem formalem , *qua* , nempe eandem rationem Deitatis ; & nihilominus propter motiua siue diuersa media , Theologia nostra & Beatorum specie differunt . Idcirco præter rationem formalem , *qua* , addi debet ratio formalis , *quæ* , seu *propterquam* intellectus determinatur ad assensum : & ob hanc causam hæc ipsa ratio formalis , *qua* , interdum reducit ad obiectum materiale. Quia enim id quod additur alteri , vt compleat illud in aliquo genere , habet rationem formæ : Id verò cui additur , rationem materię ; fit vt ratio formalis , per quam addita rationi formali , *qua* , vt eam constituat in aliquo determinato genere habitus , per comparisonem ad ipsam , habeat rationem formæ : Et ratio formalis , *qua* , respectu rationis formalis per quam , siue *propter quam* , est motiuum determinans intellectum ad certam speciem assensus , puta assensus fidei , testimonium dicentis , & assensus conclusionis scientificæ , principia sic in demonstratione disposita , vt ex eis eliciatur conclusio scientifica. Et certè in scientijs naturaliter adiuuentis & vulgatis , existimo non aliter differre rationem

formalem, *qua*, & *per quam* seu *propter quam*, quàm quòd ratio formalis, *qua*, sit illamet quidditas absoluta obiecti primarij, secundum quam, ipsum est motuum intellectus ad cognitionem sui duntaxat: Ratio verò formalis, *propter quam*, sit eadem quidditas, prout assumitur ad sciendum seu ad demonstrandum aliud de subiecto, cuius est quidditas: verbi gratiâ; in scientia quæ habet hominem pro subiecto, quidditas hominis quateuus motiua intellectus ad cognitionem hominis censetur ratio formalis *qua* talis obiecti: Ipsa autem eadem quidditas quatenus assumpta ad demonstrandum risibile de homine, est ratio formalis *per quam* eiusdem obiecti, non quidem *per quam* ipsum obiectum incomplexum demonstratur: Definuit enim non demonstratur per definitionem: Sed per quam de ipso vt in se continente multas passiones, illæ eadem passionis demonstrantur. Propter prius docuit noster Lichetus loco nunc citato definitionem esse rationem formalem subiecti.

Lichet.
vbi sup.

Aureolus q. vi.
tima pr.
art. 4.

Propter posterius docuit noster Aureolus quæstione vltima prologi art. 4. propositionibus prima & secunda, rationem subiectiuam esse aliquid intrinsecum subiecto, quod mediat inter ipsum, & ea quæ demonstrari possunt de eo in scientia cuius est subiectum: Nam definitio subiecti, putà hominis, videtur aliqua ratione mediate inter ipsum & passionem, putà risibilitatem de ipso demonstrabilem.

Porro quia in scientijs præsertim speculatiuis, in quibus ra-

tio *sub qua* clarius distinguitur ab alijs, contingit sub varia concretionem materiæ, vel abstractione à materia, subiectum aliquod scientificè cognosci, & de ipso proprias passiones demonstrari: Idcirco vltra rationem formalem, *qua*, & *propter quam*; huiusmodi varia abstractione à materia, censetur ratio formalis *sub qua*, specialiùs distinguens adhuc tres vulgatas scientias speculatiuas ab inuicem; scilicet abstractio à sola materia singulari, & concretio materiæ sensibilis, quæ distinguitur Physica à Mathematica & Metaphysica; abstractio à materia singulari & sensibili, & concretio solius materiæ intelligibilis, per quam distinguuntur Mathematicæ disciplinæ à Physica & Metaphysica; & abstractio ab omni materia cum singulari, tum sensibili ac intelligibili, & concretio naturæ vel cui repugnat materia, vt sunt intelligentiæ, vel saltem cui ex se non conuenit materia, vt sunt Ens & substantia, per quam abstractionem distinguitur Metaphysica ab alijs duabus.

Addidi cum hac, vel illa abstractione, hæc, vel illam concretionem: quia cum abstractione solitaria sumpta sit mera negatio, per illam non satis aptè distingueretur tres scientiæ speculatiuæ à se inuicem. Hæc autem triplex abstractio nihil est aliud quàm modus & ratio seu conditio sub qua res variè considerantur in tribus scientijs speculatiuis Metaphysica, Mathematica, & Physica: ita vt tamen non sit pars conceptus rei consideratæ, sicut nec vniuersalitas est pars conceptus quidditatis

Scotus
in 2.
dist. 3.
q. 1.

ditatis intellectus, ex Doctore Subtili in 2. dist. 3. qu. 1. sed tantum modus rem ipsam considerandi, quique diversarum huiusmodi scientiarum obiectis non per solam mentis operationem accidit, sed ex natura rei conuenit, quod patet inductione: Nam in abstractione Physica primo duo reperiuntur, nempe ipsamet abstractio à materia Metaphysica, hoc est, à singularibus; & concretio materię Physicę, & subiectę accidentibus sensibilibus: Quia ut ait Aristoteles 6.

6. Metaphysic. c. 1.

Metaphys. cap. 2. *Omnia Physica similiter simo dicuntur. Simum autem conceptum est cum materia, quia simum, natus concuam.* Hęc autem duo competunt obiecto Physicę ex natura rei, quatenus scilicet ex natura sua etiam quatenus obiectum est, & materiam Physicam includit & Metaphysicam excludit, vel saltem non includit. Similiter in abstractione Mathematica duo sunt, scilicet ipsamet abstractio à materia Metaphysica & Physica seu sensibili, & concretio materię intelligibilis; quia concuam, verbi gratia, vel curuum ex natura sua, & quatenus tale, nec est singulare nec sensibile: nequit tamen intelligi sine materia, cum sit curuum, longitudo aliqua, ac consequenter quantitas, & moles corporea. Nec dici debet abstractionem Mathematicam esse dumtaxat abstractionem per intellectum: quod nimirum dicitur abstractio secundum considerationem: Nam ea ratione dicitur abstractio secundum considerationem; quia Mathematicus abstrahit à consideratione sin-

gularium & sensibilibus, speculando obiectum suum, & non considerando singularia & sensibilia, quę cum eo coniuncta sunt. Similiter in abstractione Metaphysica duo sunt, nempe abstractio ab omni materia, & concretio naturę, vel cui repugnat materia, ut sunt Deus & intelligentię, quę propterea dicuntur abstrahere à materia secundum esse: vel saltem cui ex natura sua non conuenit, ut sunt Ens, substantia, & similia. quę propterea dicuntur abstrahere à materia secundum considerationem, quia ista non considerantur in hac scientia cum materia, quam in se possunt admittere, & quam includunt permissiue. & hęc duo competunt etiam obiecto adæquato Metaphysicę ex natura rei: quia nec Intelligentię, nec Ens & substantia materiam ullam concernunt ex se, sed ab omni penitus abstrahunt, licet diuersimodè. His positis, sit

Prima Conclusio.

ENs vniuersalissimè sumptum prout abstrahit ab Ente rei, & Ente rationis, non est obiectum Metaphysicę. Conclusio est contra Aquarium lib. 1. Metaph. Aquadilucidationi, & quosdam alios; rium. non verò contra Scotistas, ut credidit Iulius Sirenus tract. 3. Metaph. cap. 21. & probatur 1. Ens rationis non est pars obiecti Metaphysicę; nam Aristoteles lib. 6. cap. ultimo, dicit omittendum esse Ens, quod est passio mentis, quodque est in anima, & habet esse tantum in intellectu, atque solum disputandum esse de Ente

Contra
Aqua-

6. Mei-
taphysic. cap.
ultimo.

reali; ergo Ens communissimè sumptum, prout comprehendit Ens rationis, non est huius scientiæ subiectum. Secundò probatur; Subiectum cuiuslibet scientiæ debet esse uniuocum, ut ex mente Scotistarum asserit Fa- uentinus in Philosophia naturali, theoremate 4. Sed nihil est uniuocum ad Ens rei, & Ens ratio- nis, ut inferius probabitur; ergo nihil abstrahens ab Ente rei, & Ente rationis, erit Metaphysi- cæ subiectum.

Fa- uen- tinus in Philo- sophia natu- ra- ltheo- remaz. 4

Obiect. 2. 4. & 6. Meta- ph.

Resp.

Obijcitur 1. Aristoteles plu- ribus in locis sive Metaphysicæ disserit de Ente rationis, præsertim libro 4. & 6. ergo illud est pars obiecti Metaphysicæ.

Respondeo distinguendo an- tecedens, discurrere scilicet de En- te rationis per accidens & indi- rectè, vel quia nimirum Enti rei opponitur, vel quia eius confi- deratio ad noticiam Entis rei con- ducit; non vero per se, & direc- tè: Sic Physicus per accidens & indirectè disputat de vacuo, & de infinito; tum quia vacuum loco, sicut infinitum finitæ quan- titati opponitur; tum quia vacui consideratio ad noticiam loci, si- cut infiniti cognitio ad cognitio- nem finitæ quantitatis conducit.

Obiect. 1.

Obijcitur secundò: Ens ratio- nis est scibile: Ergo in aliqua scien- tia scibile: in nulla autem videretur potiori iure scibile, quam in Metaphysica; ergo est scibile in Metaphysica tanquam pars ob- iecti eius.

Resp.

Respondeo quidem suo mo- do esse scibile; verum quia adeò tenui & exigua scibilitate scibile esse comperitur, sufficiens non est quòd ab aliqua scientia per

se spectetur, sed sufficit si per ac- cidens. Hoc modo Doctor Sub- tilis in 4. dist. 1. quæst. 2. dicit Ens rationis non esse propriè & per se definibile, quia non tam est Ens, quàm defectus Entis, non tam quid, quàm quiddita- tis carentia.

Scotus in 4. dist. 1. q. 2.

Secunda Conclusio.

ENs reale, quatenus comple- ctitur tam Entia per se, quàm Entia per accidens, non est Me- taphysicæ subiectum.

Arist. 5. 6. & 7. Meta- physic. Scotus in suis com- ment. & in 4. dist. 1. q. 2.

Probatur ex Aristotele 5. 6. & 7. Metaphys. Item ex Doctore Subtili in suis commentariis in il- los libros, & in 4. dist. 1. quæst. 2. 9. hic primò: ubi docet Entis per accidens non dari aliquam vnam rationem aut aliquem con- ceptum vnum, quod tamen re- quiritur ad hoc, ut sub conside- rationem scientificam cadere pos- sit.

Porro obseruandum est hic cum Doctore Subtili 6. Metaphysicæ. 2. duplex esse Ens per accidens; vnum quod opponitur Enti per se, quatenus Ens est: & hoc Ens per accidens est aggregatum quoddam ex rebus diuersorum generum; ut sunt, homo albus, album dulce, & similia. Aliud est Ens per accidens, quod licet sit Ens per se in entitate sua; dici- tur tamen per accidens ratione causæ à qua fit, quæ non ipsum, sed aliud naturaliter intendit, & istud Ens per accidens dicitur Ens fortuitum & casuale.

Scotus 6. Me- taphy- sic. ca. 2. Ens per acciden- duplex.

Vtrumque autem rejicitur à ratione subiecti Metaphysicæ: Pri- mum quidem, quia non tam est vnum, quàm multa, non tam

Ens, quàm Entia ; proindeque non tam ad vnā, quàm ad varias Scientias pertinent.

6. Metaphysic. in fine. Secundum verò, quia eius causa est indefinita & indeterminata, vt docet Aristoteles 6. Metaph. in fine ; obiectum autem scientiæ debet esse determinatum, necessarium, & eodem semper modo se habens.

Quod, meo iudicio, non satis ponderauit Suarez tom. 1. Metaph. disput. 1. sect. 1. num. 4. vbi contra mentem Aristotelis asserit à consideratione Metaphysica esse solum reiiciendum Ens per accidens in ratione Entis, non verò in ratione effectus, seu quod ex accidente, contingenter, & præter intentionem agentis efficitur.

Obiect. Obijciat ; Omnes ferè Scientiæ Mathematicæ subalternæ sunt de Entibus per accidens priori modo sumptis, vt perspectiua de linea visuali, & Musica de numero sonoro : ergo Ens per accidens priori modo sumptum non est arcendum à consideratione Metaphysica.

Resp. Respondeo distinguendo Antecedens, illa nimirum esse Entia per accidens, ratione extremorum & vnionis eorum ad inuicem, quia extrema ex quibus constituitur huiusmodi Entia per accidens, non sunt verè vnum, nec vnica generatione generantur : ratione tamen alicuius vnus proprietatis demonstrabilis de illis sic vnitis, illud totum in quo sic vniuntur extrema diuersi generis ad producendum aliquam vnā proprietatem, non debet censi Ens omnino per accidens, sed perse, perseitate scilicet passionis

demonstrabilis de illo toto, quia vt loquitur Scotus noster 6. Metaph. q. 2. vbi hanc rem tractat ex professo : *Totum illud potest multas passiones includere, quas simul neutra pars per se includit* : non est tamen Ens per se perseitate extremorum aut vnionis extremorum. De illo toto itaque vt constituto extremis diuersi generis, non potest esse vnica notitia incomplexa, quia vtrumque illorum diuersis notitiis incomplexis apprehenditur, putà numerus & sonus in Musica : de illo etiam in ordine ad illas passiones, quæ illi sic possunt competere, non potest haberi scientia etiam complexa, demonstratiua, & propriè dicta omnino vnā, saltem vnitatem specificā : quia de alterutra parte seorsim sumpta possunt haberi scientiæ specie distinctæ : Potest tamen haberi scientia complexa vnā vnitatem generis proximi vel remoti : quod rectè ponderauit Scotus noster loco citato, & post ipsum Fonseca 6. Metaph. cap. 2. q. 1.

Scotus ibidem & Fonseca 6. Metaphysic. ca. 2. q. 1.

Tertia Conclusio.

DEVS solus non est totale & adæquatum obiectum Metaphysicæ, (supl. hominū arbitrio constitutæ) sed parziale tantum, magis tamen nobile. Conclusio primā fronte videtur esse contra Doctorem Subtilem 1. Metaph. q. 1. vbi ostendit defendi posse in fauorem Aben-Roïs Deum esse subiectum Metaphysicæ : Sed vel ingenij subtilitate, vel ex modestia, fortè non ausus Commentatoris opinionem omnino reiicere, id probabiliter as-

Conclusio est contra auctorem, & videtur etiam contra Scotum 1. Metaphysic. q. 1.

seruit, cum alibi sæpè, præsertim sexto huius quæstionis 4. relicto Commentatore descendat in sententiam Aristotelis 4. huius in principio, & Auicennæ 1. Metaph. cap. 2. ubi dicit primum subiectum huius sententiæ, esse Ens in quantum Ens. Licet itaque & Aristotelis & Doctoris Subtilis testimonio, & rei veritate conclusio sit rectè posita; videndum tamen quibus stabiliri possit rationibus. Auicenna idè putat Deum hic non esse subiectum, quia demonstratur in hac scientia: Nulla autem scientia probat subiectum suum esse, sed supponit; idè Commentator Aben Rois 1. Physic commento ultimo è contrà docet Deum & Intelligentias, seu ut ipse loquitur, genus substantiarum separatarum non probari hic, sed in sola Philosophia naturali, quatenus illas esse huius scientiæ subiectum melius conuincat. Rationem Commentatoris non probat Scotus 1. Metaph. q. 1. quia Metaphysica æquè benè probat primum Ens, sicut Physica probat primum mouens. Nec enim existimat ad exclusionem alicuius à ratione obiecti alicuius scientiæ, conferre quòd demonstretur in tali scientia quo ad an sit? Idèque etiam quòd ratio Auicennæ non sit satis ad probandum Deum non esse subiectum huius scientiæ, Sic ostendit Doctor.

Omnis scientia vitur vel potest uti demonstratione quia: ergo probat vel probare potest suum subiectum esse, saltem à posteriori. Antecedens supponitur; consequentia probatur: In omni scientia, quæcumque consideran-

tur, vel sunt effectus, vel partes, vel proprietates, vel aliquid aliud quod refertur ad subiectum, ergo ex eorum omnium existentia potest inferri subiecti existentia, vel saltem existentia non repugnantia; quia ista non possunt esse sine subiecto, quod est illorum causa, vel principium, vel totum. Præterea in Elenchis probatur Syllogismus Sophisticus, qui tamen ibi est subiectum. Ergo ex eo quòd, Deus probetur hic à posteriori, non rectè inferitur ipsum non esse huius scientiæ subiectum; quia licet nullius scientiæ subiectum probari possit à priori, quia illud est reliquorum omnium primum: tamen probari à posteriori nihil prohibet. Scio hanc impugnationem non omnibus placere, sed de hoc aliàs. Alij probant Deum non esse hic subiectum, quia non habet conditiones requisitas ad rationem subiecti, nimirum, principia, partes, & proprietates: sed hac ratione concludendum esset ipsum nullius planè scientiæ posse esse subiectum, proinde nec etiam Theologiæ reuelatæ. Ad hæc itaque sic respondet Doctor dicta q. 1. lib. 1. Metaph. §. ad quæstionem istam. *Deum habet multas proprietates ut esse appetibile, esse immobile, esse perpetuum, & primum mouens, & alias huiusmodi; hæc autè posterius aliquo modo concipiuntur secundum se, quam essentia Dei absolutè, quia dicunt respectum ad extra.*

Nec oportet semper proprietatem esse aliud essentialiter ab illa cuius est: licet hoc semper sit in creaturis, ubi propter imperfectionem, habens non est, quidquid habet: unde in eo est compositio actus & potentia; in Deo

Scotus
Metaphi-
sic q. 1.
§. ad
quæ-
stionem
istam.

autem omnes perfectiones existentes illimitatè sunt idipsum, quod est essentia eius, propter summam simplicitatem: tamen qualibet formaliter differt ab essentia, & talis differentia sufficit ibi inter proprietates & subiectum, sicut in creaturis differentia realis. Ideo in Deo potest esse demonstratio, non per causam priorem: sed per rationem aliquam priorem naturaliter altera; sicut per infinitatem demonstratur immensitas à priori. Nec oportet quodlibet subiectum habere principia priora se: sed principia proprietatum per quæ sua proprietates sibi inhereant, si de ipso sit demonstratio propter quid: de Deo autem, de quo præsertim est demonstratio quia; loco talium principiorum, sumuntur effectus pro medio, per quod concludimus perfectiones de Deo, tanquam per medium notius nobis. Ex his itaque patet rationem superius allatam non convincere Deum non esse subiectum Metaphysicæ.

Suarez
tom. 1.
Metaphysic.
disput.
1. sect. 1.
num. 10

Alij dicunt, ideo Deum non esse subiectum adæquatum huius scientiæ, quia Metaphysica solo discursu naturali procedit. Ergo non attingit Deum prout in se est, sed quantum ex creaturis manifestari potest naturali lumine intellectus humani. Quo fit ut neque Metaphysica, neque vlla scientia naturalis ipsum attingat ut adæquatum obiectum: quia ratio sub qua respicitur, semper communis est alijs rebus creatis.

Refellit-
ur.


Ista tamen ratio videtur adhuc diminuta. Nam licet sit efficacissima respectu Metaphysicæ prout est in intellectu nostro qui per illam sic procedit, ut ex intuitu creaturarum colligat vniuersalissimas rationes,

quas semotis imperfectionibus, attribuit Deo, ut habet Scotus in 1. dist. 3. q. 2. §. Secundo non asserendo, circa finem: tamen nihil probat de processu Metaphysicæ in se spectatæ, quæ sicut in intellectu nostro per cætera Deum inquirat: Ita in se, & in intellectu perfectiori, vel in statu perfectiori constituto, ex notitia Dei naturali, cætera potest cognoscere. Nam hunc utrumque processum satis rationabiliter & acutè perpendit Scotus noster 1. Metaph. q. 1. §. His sic pertractatis: Talem Metaphysicam, inquit, potuissent forte Angeli habere, si fuissent multo tempore viatores, & ex notitia naturali Dei potuissent discurrendo aliorum notitiam acquirere. Secundo modo tamen potest nunc homo Metaphysicam habere (quidquid sit de notitia naturali beati, vel in statu innocentia) quia nunc omnis nostra cognitio oritur ex sensu. tantum igitur sic potuit tradi à Philosopho. Hæc Scotus.

Scotus
1. Metaphysic.
q. 1.

Mihi videtur itaque præcisam huius rei rationem desumendam esse ex ipsa natura Metaphysicæ, quæ cum sit perfecte habitus communium rationum & generalium Entis affectionum, occupari tota non debet circa vnam solam determinatam speciem Entis, qualis est Deus: quod etiam experientia confirmatur. Neque enim Metaphysici in suis libris solius Dei persequuntur rationes: sed eorum omnium quæ Deo & creaturis communia sunt. Confirmatur auctoritate Doctoris subtilis quæst. 3. prologi sentent. q. 2. laterali, §. Ad primum argumentum secundæ quæstionis, ubi habet: Ad secundum loqui dico quòd Metaphysica non est de Deo

Scotus
q. 1. pro-
logi
sent.



sicquam de primo subiecto, quod probatur; quia præter scientias speciales, oportet esse aliquam communem, in qua probetur in communi omnia, quæ sunt communia illis specialibus: igitur præter scientias speciales, oportet esse aliam communem de Ente, in qua tradatur cognitio passionum de Ente, quæ supponitur in alijs scientiis specialibus. Si igitur aliqua est naturaliter de Deo præter istam; est alia naturaliter scita de Ente inquantum Ens. cum vero probatur; est scientia de Deo per Philosophum lib. 6. Metaph. Dico, quod ratio eius sic concludit. Nobilissima scientia est circa nobilissimum genus, vel, ut primum obiectum, vel, ut consideratum in illa scientia, perfectissimo modo quo potest considerari, in aliqua scientia naturaliter acquisita. Deus vero etsi non est subiectum primum in Metaphysica; est tamen consideratum in illa scientia, nobilissimo modo quo potest in aliqua scientia naturaliter acquisita considerari.

Occurrit. Nec occurri potest dicendo cætera quæ considerantur in Metaphysica præter Deum, considerari in ordine ad ipsum: sicut considerantur in Physicis materia & forma in ordine ad corpus naturale; & in libris Perihæmenias nomen & verbum in ordine ad enuntiationem; nam quamvis omnia creata referantur ad Deum, relatione Physica, & effectus ad causam: non tamen referuntur ad ipsum relatione Metaphysica & scientifica, quæ in aliqua scientia totali, in qua partes & totum considerantur, potius partes ad totum, quàm totum ad partes referri debent; ideoque cum Ens &

alia superiora prædicata habeant rationem totius potentialis respectu Entis infiniti & finiti, in Metaphysica, inuenteretur ordo, si ista ad Deum qui est veluti pars subiectiua illius totius, referretur.

Obiicitur 1. Aristoteles 6. Metaph. cap. 1. ubi distinguit tres partes scientiæ speculatiuæ, dicens Physicam esse circa inseparabilia & mobilia: Mathematicam circa immobilia, & inseparabilia; primam vero Philosophiam circa separabilia & immobilia, cuiusmodi sunt substantiæ separatae. ergo Metaphysica est de substantiis separatis, ut obiecto.

Solutio noster 1. Metaph. q. 1. tres affert solutiones ad hoc argumentum. Prima est diuisionem illam scientiarum speculatiuarum esse fortè per principia & non per subiecta, nam ex 1. Poster. cap. 1. scientiæ etiam distinguuntur penes principia; & fortassis magis propriè & intrinsecè distinctione, quàm per subiecta; & iuxta hanc solutionem argumentum nihil probat. Secunda, si diuisio sit penes obiecta, significari separabilia & immobilia secundum esse, non esse subiecta, sed tantum principales partes subiecti huius scientiæ. Tertia, Metaphysicam esse circa separabilia & immobilia, quia cuncta considerat separata à motu & ab omni materia secundum esse, vel secundum considerationem. Cùm igitur circa immobilia & separabilia secundum esse, & considerationem occupetur: sola immobilia & separabilia secundum esse, cuiusmodi sunt substantiæ separatae, non sunt huius scientiæ totalis, & adæquata materia.

Obiecto ex Arist. 6. Metaphysic. cap. 1.

Solutio ex Scot. 1. Metaphysic. q. 1.

Solutio.

ie-
o. 2.
eodē
ist.

Obijcitur 1. Idem Aristoteles in Prologo Metaphysicę vocat hanc scientiam diuinam, quia est rerum diuinarum. Item Theologiam, li. 6. alibi, scientiam præstantissimā, & honorabilissimā, & non nisi quia agit de Deo: ergo Metaphysica est de Deo vt obiecto adæquato.

olutio

Respondet dici Theologiam, quia disputat de Deo, nō vt de obiecto totali & adæquato, sed tanquam de nobilissima specie Entis: quemadmodum Physica dicitur Animastica, quia nobilissima pars illius disputat de anima. Eadem ratione dicitur scientiarum præstantissima, & honorabilissima. ex quibus colligitur veritas eius quod in conclusione dictum est, nimium Deum esse obiectum partiale, magis tamen nobile huius scientiæ. Respondet secundō Scotus noster 4. Metaph. q. 2. Metaphysicam dici posse Theologiam, non à subiecto, sed à causa: *Sicut naturalis scientia, inquit, dicitur à natura, quæ non est subiectum illius scientiæ, sed principium subiecti.*

Altera
Solutio
ex deo-
to 4.
Meta-
physic.
q. 2.

Quarta Conclusio.

Substantia immaterialis quatenus solum Deum comprehendit & Intelligentias, non est obiectum adæquatum Metaphysicæ: imò nec pars subiectiua eius secundum peculiarem rationem ex propria quidditate desumptam considerata. Prior pars Conclusionis est aduersus quosdam quos refert noster Antonius Andreas ex mente Doctoris Subtilis 1. Metaph. q. 2. art. 2. & probatur. Dantur quædam rationes communif-

simæ & vniuersalissimæ quæ abstrahunt tam à substantia immateriali, quàm à materiali, vt sunt rationes Entis, essentia, substantia, subsistentia, & similes, de quibus secundum adæquatam rationem tradi potest aliqua scientia: Nam his rationibus respondent principia & proprietates. Sed nulla alia scientia præter Metaphysicam, has rationes considerat. Igitur Metaphysica erit de his communissimis rationibus, vt de obiecto adæquato: proindeque obiectum eius erit sub vniuersaliori quadam ratione designandum, quam sub ratione substantia immaterialis.

Secunda pars probatur: Metaphysica non disputat de substantiis immaterialibus & separatis secundum proprias earum rationes à priori, vt probat Doctor Subtilis q. 1. prologi sententiarum ratione tertia contra Philosophos. Primb quia vt sic non includuntur virtualiter in primo subiecto Metaphysicæ, scilicet in Ente, de quo tractat Metaphysica in communi, non in particulari.

Præterea non possunt cognosci proprietates substantiarum separatarum, nec earumdem proprietatum connexio cum suis subiectis, nisi cognoscantur ipsa earum subiecta in quibus includitur ratio, seu propter quid prædictæ connexionis huiusmodi proprietatum cum suis subiectis: sed hæc propria subiecta non sunt à nobis pro hoc statu naturaliter cognoscibilia.

Quia quidquid naturaliter pro hoc statu cognoscimus, illud debet esse sensibile, cuiusmodi non

Scotus
q. 1.
prologi
sent. ra-
tione 3.

Antho-
nius
Andreas
1. Meta-
physic.
q. 1. art.
2.

sunt substantiæ immateriales: Ergo naturaliter non possumus cognoscere proprietates substantiarum separatarum, nec earumdem proprietatum connexionem cum suis subiectis. Denique à posteriori & ex effectibus, non possunt etiam cognosci substantiæ separatae secundum suas peculiare rationes: nam effectus vel relinquunt intellectum dubium quo ad istas rationes, vel in errorem inducunt, quod apparet ex proprietatibus primæ substantiæ immaterialis. Vna enim ex proprietatibus naturæ eius ad intrā, est quoddam sit communicabilis tribus, sed effectus naturales non ostendunt istam proprietatem, quia non producantur à Deo quā trinus est: Quare si ab effectibus arguatur ad causam, potius in oppositum quàm in propositum, in errorem quàm in veritatem pertrahunt; quia in nullo effectu inuenitur vna natura numero nisi in vno supposito. Item vna ex eiusdem naturæ proprietatibus ad extrā est causare contingentem: effectus tamen ducunt in contrarium, vt patet ex opinionibus Philosophorum, qui dixerunt primam causam necessariò causare. Illud idem patet de proprietatibus aliarum substantiarum, quia effectus magis ducunt in æternitatem & necessitatem earum quàm in contingentiam & nouam creationem. Propterea ex motibus cælorum deduxerunt Philosophi non plures esse substantias separatas, quot sunt orbis mobiles, quod tamen falsum est. Item dixerunt eiusmodi substantias esse naturaliter beatas, & insepçabiles, quæ omnia sunt

absurda, ergo neque à priori, neque à posteriori, cognoscit Metaphysica Substantias separatas secundum proprias earum rationes. Ita ferè Scotus vbi suprā. Quod tamen semper intelligendum est de earum maximè propriis rationibus: Alioquin enim certum est nos ex sensibilibus aliquas etiam earum rationes vltra communissimas rationes Entis posse venari, vt quod verbi gratia, sint à materia secretæ, motrices, mente præditæ; aliàs enim vltra communissimam considerationem Entis, sequeretur Metaphysicam ad Deum & Intelligentias tanquam ad peculiare sui obiecti partes non descendere. Consultò verò diximus, pro hoc statu, quia intellectus à materia separatus naturaliter pertingere potest ad cognitionem substantiarum separatarum secundum aliquas proprias earum rationes: pro hoc statu autem, quia non ita nobis innotescunt, iuuamur auxilio fidei, quod cum lumine naturali coniunctum, nobis subministrat optimam proprietatum & rationum substantiarum separatarum cognitionem. Itaque substantiæ separatae duobus modis spectantur. Primò secundum proprias earum rationes ex propria quidditate depromptas: Secundò penes illas quas ex sensibilibus venamus. Priori modo ad neutram Metaphysicam spectant, nec ad purā, nec ad illam quæ hominum arbitrio constituta est: Non ad illam, quippe quæ est de solo ente, & de his quæ ad substantias abstractas, & cum materia concretas communia sunt. Non

Non etiam ad hanc, propter rationes nunc allatas. Posteriori modo spectata, ad Metaphysicam hominum arbitrio constitutam pertinent, quæ est de Ente, de Deo, & de Intelligentiis, quatenus per rationes sensibiles à nobis cognosci possunt.

Obiectio 1.
ex Arist. 6.
Metaphysicæ.

Obijcitur primò contra primam partem: Aristoteles 6. Metaphysicæ textu 3. dicit: *si igitur nulla sit alia substantia præter eas quæ natura constant, naturalis sanè facultas prima scientiarum erit. Si verò substantia sit in ratione rerum quadam immobilis: hæc erit profectò prior, Philosophiaque prima & vniuersalis hoc patet.* Quibus verbis sentit naturalem Philosophiam fore primam, si non sint substantiæ immateriales. Ergo tota ratio obiectiua huius scientiæ, quæ illam suo modo constituit, & ab aliis distinguit, est substantia immaterialis: hæc ergo erit ædæquatum obiectum eius.

Solutio
ex Scoto.

Respondeo concessâ autoritate & explicatione eius, negando consequentiam. Si enim nulla esset substantia immaterialis, tunc omne Ens esset Physicum & naturale; proindeque considerationis Physicæ, vt docet Doctor Subtilis eo loci: ex quo propterea non sequitur solam substantiam immaterialem esse obiectum ædæquatum Metaphysicæ, per quod à cæteris scientiis distinguitur; aliàs non diceret Philosophus hanc scientiam esse vniuersalem: sed solum ablatâ substantiâ immateriali, non fore amplius rationes communes substantiis materialibus, & immaterialibus, quæ ratio-

nes constituunt obiectum ædæquatum huius scientiæ primæ & vniuersalis, cuius est de Ente inquantum est Ens speculare, vt subiungit idem Philosophus: quare existente solâ substantiâ materiali, datâ illâ hypothesi, omnia forent materialia, naturis constantia, & ad Physicam, tunc scientiarum primam, spectantia.

Obijcitur secundò contra eandem partem idem Aristoteles 4. Metaphysicæ. cap. 2. vbi habet: *atque tot sunt Philosophiæ partes, quot substantiæ sunt.* At duplex est tantum substantia, materialis vna, immaterialis altera: ergo duplex erit Philosophiæ pars, duplexque scientia, altera de substantia corporea naturali, nimirum Physica, altera de immateriali, Deo scilicet & Intelligentiis, nempe Metaphysica. Respondeo primò cum multis modernis concedendo totum argumentum: nam reuera quot sunt substantiæ, tot sunt scientiæ de substantia. Non sequitur tamen quodd Metaphysica sit de substantia immateriali vt de ædæquato obiecto, quemadmodum Physica est ædæquata de substantia corporea naturali: sed sufficit quodd de substantia immateriali sit aliqua scientia, sicut & de substantia materiali, licet non eodem modo.

Responsio 1.

Respondeo secundò auctoritatem Aristotelis sic esse intelligendam, quemadmodum docet Doctor Subtilis & noster magnus Alexander in illum locum, vt tot sint partes Philosophiæ, scilicet huius, quot sunt substantiæ: nam licet Metaphy-

Responsio 2. ex Scoto & Alexandro Alensi.

sica sit vna, quasdam nihilominus habet partes subiectiuas, quarum altera agit de substantia sensibili, non quidem per se, sed per accedens, contineturque septimo & octauo libris, & ista pars, inquit Scotus, est prima primitate doctrinæ, quia omnis doctrina incipit à notioribus: altera disputat de substantia insensibili & immateriali, & continetur duodecimo huius, estque posteriori posterioritate doctrinæ, licet sit prior prioritate dignitatis & intentionis huius scientiæ.

Obiectio. Obijciatur tertio contra eandem partem; Obiectum Metaphysicæ abstrahit ab omni materia: sed sola substantia immaterialis abstrahit ab omni materia:

Responso. Ergo sola substantia immaterialis est obiectum huius scientiæ. Respondeo distinguendo maiorem, nimirum Metaphysicam abstrahere ab omni materia permissuè seu per aliud; non formaliter & per se: Nam Ens abstrahit tantum à materia, ratione substantiæ immaterialis, in qua reperitur absque materia, licet ratione substantiæ materialis non abstrahat à materia saltem secundum esse, cum in ipsa non existat absque materia.

At verò substantia immaterialis per se & secundum se abstrahit. propter hanc autem diuersitatem abstractionis ab omni materia repertam in Ente, ut sic, & in substantia immateriali, non censuerunt multiplicandos habitus totales Metaphysicæ, Philosophi, quorum alter occupetur circa ea quæ abstrahunt tantum à materia permissuè, & per aliud; alter verò circa ea quæ ab-

strahunt à materia per se: quia unicam Metaphysicam ita nostro captui accommodarunt quæ pro vtriusque sufficeret.

Quinta Conclusio.

ENS solum prædicamentale quod in decem prædicamenta diuiditur non est obiectum adæquatum huius scientiæ. Conclusio est aduersus Mirandulanum & quosdam alios, & probatur: Aliquod Ens non prædicamentale, puta Deus, est aliquo modo naturaliter scibile: Ergo in aliqua scientia scibile: Sed nulla alia scientia potest excogitari ad quam potiori iure spectet, quam ad Metaphysicam, cum sit omnium scientiarum naturalium prima & dignissima: Ergo aliquod Ens non prædicamentale est Metaphysicæ considerationis, proindeque solum Ens prædicamentale non est obiectum adæquatum eius. Ista quidem ratio procedit de Metaphysica ut hominum arbitrio constituta. De Metaphysica autem ex natura rei posset probari conclusio, ex eo nimirum, quia disserit de ijs, quæ sunt communia Enti prædicamentali & non prædicamentali: Nam Ens reale in tota sua latitudine considerat, & non tantum Ens prædicamentale.

Obijciatur primo Aristoteles, qui postquam libro sexto Metaph. docuit subiectum huius scientiæ esse Ens, postea libro septimo diuidit hoc Ens in decem prædicamenta. Ergo voluit Ens, quod diuiditur in decem prædicamenta, esse obiectum huius scientiæ.

Respondeo negando Aristotelem illud idem Ens quod constituit obiectum Metaphysicæ di-

Conclusio est aduersus Mirandulanum:

Obiectio 1.

Responso.

nihil postea in decem prædicamenta : sed aliud inferius ipso, nempe Ens causatum : quod ex eo confirmatur, quia duodecimo Metaph. disputat de prima substantia quæ est Ens incausatum.

Obiectio 1.

Obijcitur secundò : Deus & Intelligentiæ (illi enim reiiciunt etiam Intelligentias à prædicamentis) non spectant ad Metaphysicam nisi per accidens & extrinsecè, quatenus scilicet sunt principia & causæ obiecti illius : Ergo non per se vt obiectum, vel vt pars obiecti. Respondeo negando antecedens ; quia hæc scientia non solum considerat Deum & Intelligentias sub ratione principij vel causæ, sed illas proprietates & attributa de eis perquirir, quæ potest lumine naturali consequi. Confirmatur ex Aristotele 4. Metaph. textu septimo, vbi ait Metaphysicam superare Philosophiam naturalem, quia considerat primam substantiam & alias substantias abstractas, nimirum vt præcipuum obiectum : Nam vt extrinseca principia, etiam à Philosopho naturali, aliquo modo considerantur, vt patet ex 8. Physicorum. Ita

Antho-
nius
An-
dreas 1.
Meta-
physic.
c. 1.

Antonius Andreas lib. 1. Metaphysicæ, q. 1. respondendo ad secundum argumentum principale. Obserua tamen quòd ista semper procedunt de Metaphysica vt hominum arbitrio constituta, & nostro captui accommodata.

Sexta Conclusio.

Substantia vniuersaliter sumpta prout est indifferens ad substantiam materialem & immaterialem, finitam, & infinitam,

non est adæquatum obiectum huius scientiæ. Conclusio videtur contra Niphum & quosdam alios, & probatur 1. autoritate Aristotelis 4. Metaph. textu 1. vbi docet Metaphysicam agere de Ente vt Ens est, & reliquas scientias abscindere sibi partem Entis : sed substantia est tantum pars Entis, ergo illa non est Metaphysicæ considerationis adæquata materia. Probatur 2. ratione : Proprietates quæ demonstrantur de Ente in hac scientia, sunt communes substantiæ & accidentibus, sicut & Ens ipsum : ergo sola substantia, excludendo accidentia, non est adæquatum obiectum huius scientiæ.

Est contra Niphum. 4. Metaphysic. c. 1.

Obijcitur 1. autoritas Aristotelis 7. Metaph. cap. 1. in fine, vbi post diuisionem Entis in substantiam & accidentia, ita Metaph. concludit : *Quapropter nobis maxime & primum & solum (vt est dicere) de sic Ente speculandum quid est.* Id est, nobis incumbit hic solum disputare de substantia. Respondeo cum Doctore Subtili

Obiectio 1. ex Arist. 7. Metaphysic. cap. 1.

Respondeo sic.

hic, Metaphysicam quidem principaliter, non tamen solum, differere de substantia : & idèd notanter ait Aristoteles : *solum (vt est dicere)* vel *(vt ita dicam)* de sic Ente, hoc est, de substantia, *speculandum est.* Hæc enim particula *(vt est dicere)* est oratio diminuens, quæ solemus vt per exaggerationem in his quæ non habent omni ex parte veritatem. Videri poterit idem Scotus in 2. dist. 3. q. 4. contra istam conclusionem : Vbi docet Metaphysicam *determinare de substantia tanquam de primo, & principali obiecto suo.*

Obiectio 2.

Obijcitur 2. Accidentia considerantur in Metaphysica tantum quatenus proprietates substantiar. Ergo sola substantia est obiectum adæquatum eius. Antecedens manifestatur exemplo Philosophiæ naturalis, in qua considerantur accidentia tanquam proprietates corporis naturalis. Consequentia verò probatur. Nulla scientia demonstrans proprietates aliquas de subiecto, habet pro subiecto, aliquid commune subiecto & proprietatibus eius. v. g. scientia quæ demonstraret aliquas proprietates de homine, non haberet pro subiecto, aliquid commune homini & proprietatibus demonstrabilibus de ipso: sed, ex antecedente, Metaphysica considerat accidentia tanquam proprietates demonstrabiles de substantia: ergo non habet pro subiecto aliquid commune substantiæ & accidentibus, sed solam substantiam. Respondetur negando antecedens: neque enim Metaphysica demonstrat primò accidentia, putà quantitatem & qualitatem de substantia: sed potius vnum, verum & bonum de Ente: Adde quodd, si verum esset antecedens, sequeretur solam substantiam de qua demonstrari possent accidentia, scilicet finitam, esse subiectum adæquatum Metaphysicæ: non enim demonstrari possunt accidentia de substantia infinita, quippe quorum non est receptiua. Hunc vltcrius sequitur quod si substantia secundum se, ponatur adæquatum obiectum Metaphysicæ, assignari debent proprietates quæ de ipsa, vt sic, demonstrarentur,

quæ quidem vt patet, non possunt esse accidentia, quæ considerantur in Metaphysica. Ad exemplum de Philosophia naturali: Respondeo negando paritatem, tum quia accidentia quæ spectantur in Philosophia naturali, sunt proprietates reciproce cum omni planè corpore naturali: non sic autem accidentia spectata in Metaphysica, respectu substantiæ, vt dictum est: tum quia Metaphysica est scientia vniuersalissima, quæ completitur omnia entia, ac per consequens accidentia, tanquam partes obiecti sui adæquati, maximè cum de illis Ens, & Entis communes affectiones, absolute enuntiarì possint.

Porro aduerte hanc sententiam eò facilis à nobis defendi, quia admittimus vnum conceptum obiectiuum Entis communem substantiæ & accidenti: qui enim huiusmodi conceptum non admittunt, nihil habent reale abstractius substantia & accidente, quod possint statuere huius scientiæ obiectum adæquatum. Sed de hoc infra.

Septima conclusio.

ENS reale in quantum Ens, est obiectum adæquatum Metaphysicæ. Hanc conclusionem iam latis superque probatam ex confutatione aliarum opinionum, iterum optimè probat noster Antonius Andreas. 1. Metaph. q. 1. art. 3. conclus. 3. hoc pacto: *Hanc, inquit, ostendo sic. primò authoritativum, secundò rationibus; authoritativum scilicet Aristotelis, qui postquam distinxit 6. Metaph. tres partes scienti-*

Anto-
nius
An-
dreas 1.
Metaph.
q. 1. art.
3. con-
clus. 3.

Respon-
sio.

tia speculativa : quærit utrum prima Philosophia sit universalis , aut circa aliquod genus determinatum? Soluit dicendo quod est universalis, & inde circa finem solutionis dicit : De Ente in quantum Ens , huius utique erit speculativa. Praterèa ibidem in 6. dicit quod si non est altera substantia, praterquam naturam consistens, tunc physica erit prima scientia: quia physica tunc esset de omnibus Entibus, sicut nunc est de omnibus naturalibus; quia tunc omnia Entia essent naturalia. Sed nunc de omnibus naturalibus primum subiectum eius est aliquod commune omnibus naturalibus. Ergo subiectum prima scientia est aliquid communissimum, Aliter consequentia Aristotelis esset nulla. Illud autem communissimum non est nisi Ens.

Probatur denique rationibus.

Primo sic. Illud est subiectum cuiuslibet scientia, cuius per se primo sunt passionibus, quæ considerantur per se in illa scientia. Sed nihil ab Ente est huiusmodi; quia passionibus quæ considerantur in Metaphysica sunt per se primo illius. Ergo Ens, & nihil aliud, est subiectum primum huius scientia. Maior est evidens accipiendo per se primo, ut accipit Aristoteles 1. Post. cap. de universalibus, ubi dicit illud inesse primo alicui, quod scilicet inest ei secundum quod ipsum, & non per aliud, sed omni alij inest per ipsum. Hac est enim conditio primi subiecti cuiuslibet passionis. Sed minor patet quantum ad utramque partem; quia passionibus Metaphysica, puta unum, verum, bonum, unum & multa, actus & potentia, idem & distinctum, non sunt alicuius inferioris Entis per se primo, sed cuiuslibet in quantum Ens, nam alias non convenirent omni Enti : ergo

sunt per se primo passionibus Entis in quantum Ens.

Praterèa si Metaphysica esset de aliquo genere determinato, & non de Ente in quantum Ens : tunc aliqua scientia esset prior & superior ista; consequens est falsum, quia iam ista diceretur improprie ab Aristotele 6. huius, & 1. de Generat. & alibi frequenter prima philosophia, quia nihil est prius primo. Probatur autem consequentia : Illud genus determinatum de quo esset Metaphysica, haberet aliquid superius ad ipsum, de quo per se primo possent aliqua proprietates demonstrari in aliqua scientia. Ergo eadem passionibus essent demonstrabiles de subiecto huius scientia, accipiendo pro medio illud subiectum superius cuius essent illa passionibus primo, quo modo v. g. probatur Isoclem habere tres angulos, sumendo pro medio triangulum, qui est aliquid superius, cui primo convenit habere tres angulos. Et ita illa scientia de subiecto communiori demonstrabit aliquid tantum conclusionem, quod accipitur hic pro principio. Et sic simpliciter illa scientia erit prior & superior ista.

Praterèa maxima scientia est circa maxime scibilia secundum Aristotelem hic in prologo. Sed Metaphysica est maxima scientia, secundum eundem, ibidem. Ergo est circa maxime scibilia. Maxime autem scibilia dicuntur dupliciter, vel quia primo omnium sciuntur, sine quibus alia non possunt sciri : cuiusmodi sunt communissima, ut Ens in quantum Ens, & quicquid consequitur Ens in quantum Ens : vel quia sunt certissima scibilia, cuiusmodi sunt principia & causæ, quæ tanto secundum se certiora sunt, quanto

sunt priora. Ex illis enim dependet tota certitudo posterierum. Ergo Metaphysica considerabit hæc utraque maximè scibilia; nimirum Ens inquantum Ens, atque prima principia, & causas.

Octava Conclusio.

Ratio formalis qua obiecti Metaphysicæ optimè explicatur per hanc notam reduplicationis (*inquantum Ens*) probatur. Ratio formalis, qua, est forma seu ratio obiecti, quæ constituit ipsum formaliter in eo esse quod scientia per se considerat. At per particulam illam reduplicatiuam (*inquantum Ens*) exprimitur forma constituens ipsum Ens in eo esse quod Metaphysica per se considerat. Ergo per illam particulam exprimitur ratio formalis qua obiecti Metaphysicæ. Maiorem declarauimus prænotato secundo. Minorem sic probabo. Illa ratio constituit obiectum scientiæ in eo esse quod illa scientia per se considerat, quæ est forma constituens ipsum in tali esse, cui vt sic insunt proprietates demonstrabiles de ipso in illa scientia: At per particulam illam (*inquantum Ens*) exprimitur forma vel ratio constituens Ens in tali gradu, cui vt sic insunt proprietates primò & per se, quæ de ipso etiam vt sic demonstrari possunt in Metaphysica; ergo per particulam illam (*inquantum Ens*) exprimitur ratio constituens ipsum Ens in tali esse, quod Metaphysica per se considerat. Maior iterum est certa: quia scientia omnis per se versatur circa subiectum suum, quatenus illud ha-

bet passiones, quæ per principia illius scientiæ demonstrari possunt in illa scientia cuius est obiectum. Minor etiam est euidens, quia Enti vt sic, & in illa amplitudine sumpto insunt proprietates cum incomplexæ, vt vnum, verum, bonum; tum complexæ, vt actus, & potentia, idem & distinctum, & cæt. quæ de Ente quatenus est Ens demonstrantur in Metaphysica: ergo per particulam illam, (*inquantum Ens*) exprimitur ratio constituens Ens in tali esse, cui vt sic insunt proprietates primò & per se, quæ de ipso vt sic, demonstrari possunt in Metaphysica. Et hanc quidem doctrinam non satis intellexit Niphus censor doctrinæ Doctoris subtilis, cum 1. Metaphysic. disput. 1. cap. 5. respond. ad 9. docet per particulam hanc (*inquantum Ens*) reduplicari tantum modum intelligendi: Ita vt obiectum Metaphysicæ sit omne illud quod intelligitur sub eo modo, sub quo Ens intelligitur. Nam hoc dicere, est confundere rationem formalem, qua, cum ratione formali, *sub qua*, obiecti Metaphysicæ: quæ tamen rationes longè differunt.

Porro quia ratio, per quam, principaliter habet locum in scientia partiali: quia nimirum omnis conclusio per aliquam rationem priorem, scilicet per principium aliquod demonstratur: idèdè hic, vbi de scientia totali disputamus, illam omittimus. Quod spectat ad rationem formalem, *sub qua*, obiecti huius scientiæ; iam ex dictis & Aristotelis testimonio, & Philosophorum omnium consensu constat

esse abstractionem ab omni plane materia, cum singulari, cum sensibili, ac intelligibili. Quod si aliqua immersa materia consideres *Metaphysica*, id non per se, neque ut docens; sed vel per accideret, vel ut imperans id præstat, ut sequenti questione dicemus.

QVÆSTIO QVINTA.

Utrum Metaphysica consideret verum omnium quidditates in particulari?



QVÆSTIO supponit rerum quidditates esse in duplici differentia; quasdam communes, ut est quidditas hominis quæ est ens & substantia; alias particulares, ut eiusdem hominis quidditas, quæ est animal rationale. Quæritur itaque, an *Metaphysica* consideret peculiarem hominis quidditatem, quæ animal rationale est? An solum communem, quæ ens est & substantia? Pro huius questionis solutione,

Prænotandum est *Metaphysicam*, sicut & *Dialecticam*, duobus modis spectari posse, scilicet ut sunt absoluti ex se & propriis limitibus contenti, & ut respiciunt alias disciplinas: *Metaphysica* quidem, prout illis imperat & præest: *Dialectica* verò, prout eisdem inferuit & famulatur. Hæc isto posteriori modo sumpta, dicitur utens & famula: priori modo docens. Illa etiam priori modo docens, posteriori

modo præses & imperans rectè dici potest. Atque hac ratione Aristoteles 4. *Metaphy.* cap. 2. 4 *Metaphy.* 5. *Metaphysicam*, & *Dialecticam*, ad inuicem comparauit; quod hi tres habitus non contenti propriis limitibus circa totum ens negotientur; sed *Metaphysica* differt à *Dialectica* quidem modo potestatis: Addit Philosophus, *hoc est*, inquit Scotus noster, *Ratione maioris virtutis in probando*: quia *Metaphysica* procedit certò & demonstratiuè; *Dialectica* verò incertò & opinatiuè. A *Sophistica* verò differt *vita probare*, hoc est, *electione & intentione finis*: quia *Metaphysica* intendit veritatem: *Sophistica* verò solam veritatis apparentiam. Hoc posito, sit

Prima Conclusio.

M*etaphysica* absolutè spectata, saltem ut hominum arbitrio constituta, non solum considerat rationes vniuersales Entis, sed etiam peculiare rationes quarundam specierum eiusdem Entis, scilicet *Intelligentiarum*, prædicamentorum, præsertim rationes substantiæ & accidentis, & generaliter eorum omnium, quæ æquè bene possunt esse & intelligi absque materia, atque cum materia, ut sunt rationes naturæ, essentia, virtutis, potentia, operationis, actionis, passionis, dependentia, independentia, causæ, effectus, & similes.

Probatur: quia vel ista sunt partes subiectiuæ obiecti *Metaphysices*, vel saltem conueniunt in abstractione illa sub qua *Meta-*

physica obiectum suum considerat.

Obiectio 1. Metaphysica non agit de Intelligentiis secundum proprias earum rationes, ut probatum est quæst. præcedente ex Doct. Subt. q. 1. prologi ratione 3. contra Philosophos.

Solutio Respondeo non agere de illis secundum proprias rationes depromptas ex earum quidditate & natura, ut pote viâ sensus naturaliter incognita, sed secundum eas, quas ex sensibilibus venari possumus, ut dictum est præcedenti quæstione.

Obiectio 2. Metaphysica abstrahit ab omni materia: sed sunt quædam prædicamenta quæ necessarîo concernunt materiam saltem intelligibilem, ut quantitas, imò etiam sensibilem, ut Situs & Habitus: ergo Metaphysica non descendit ad considerationem peculiarem omnium prædicamentorum.

Solutio Respondeo distinguendo maiorem, scilicet Metaphysicam abstrahere ab omni materia, ea quæ per se & primò considerat, non verò ea quæ sunt illi adiumento ad distinguenda ea quæ sunt peculiari considerationis eius; unde quia Substantia, Qualitas, Relatio, Actio, Passio & Vbi abstrahunt ab omni materia, cum æquè benè possint esse & intelligi absque materia atque cum materia, idè illa primò & per se Metaphysica considerat. Quia verò Quantitas, Situs & Habitus concernunt materiam, non illa per se considerat, sed quatenus conducunt ad distinctionem & cognitionem eorum quæ abstrahunt à materia; quemadmodum

postquam Metaphysicus intellexit substantiam, cogitur eam diuidere in corpoream & spiritualem, speculando etiam illud membrum diuisionis, nempe substantiam corpoream; non quidem per se, sed quatenus conducit ad distinctam cognitionem substantiæ spiritualis, quæ quia abstrahit à materia, per se consideratur in Metaphysica saltem hominum beneplacito constituta.

Secunda Conclusio.

Metaphysica absolute speculata, non considerat omnium specierum Entis quidditates in particulari.

Est Aristotelis 1. Metaph. cap. 1. *Metaph. 2. vbi habet, Sapientem scire omnia ut possibile est scire, non habentem singulariter eorum scientiam.* Et lib. 4. in principio vbi distinguit hanc scientiam à cæteris, quia *speculatur Ens ut Ens est, & quæ ei per se insunt: nulla autem cæterarum vniuersaliter de Ente prout Ens est considerant, sed eius aliquam partem abscondentes quod ei accedit, speculantur, ut Mathematica scientia.* Cum ergo hæc scientia distinguatur à cæteris quia circa particularia Entia versantur; non versabitur circa partem illam Entis quam alix abscondunt.

Est etiam expressa Doctoris Subtilis sententia 1. Metaph. q. 9. vbi impugnatur Doctrinam quorundam quos refert, volentium ad Metaphysicam pertinere cognoscere quamlibet quidditatem secundum quod quidditas, & etiam secundum quod hæc quidditas, non tamen secundum

Secus
1. Metaphysic.
q. 9.

cundum omnem rationem cuiuscunque eius quod accidit huic quidditati v. g. ad *Metaphysicam* spectare cognoscere corpus secundum quod corpus est, & etiam hoc corpus secundum rationem huius corporis, imò etiam mobile secundum quod mobile : quia, inquit, mobilitas est de quidditate mobilis, idè *Metaphysici* est cognoscere mobile sub ratione mobilitatis. Istud autem mobile non est de quidditate corporis, sed ei accidit : Idè ad *Physicam* spectat cognoscere corpus sub ratione talis accidentis. Impugnat itaque primò hanc doctrinam in eo quod statuat mobilitatem rationem formalem obiecti *Physicæ*; sed de his in *Physicis*. Secundò principaliter simulque probando conclusionem sic : Si *Metaphysicus* consideret mobile quatenus mobile, tunc eadem ratio formalis obiectiva considerabitur in duabus scientijs, quia etiam iam consideratur in *Physica*. Sed hoc est impossibile stante distinctione scientiarum : ergo mobile quò mobile non consideratur in *Metaphysica*. Minor est evidens, quia scientiæ primò distinguuntur penes varias rationes formales obiectivas. Sequela Maioris probatur : quantumcunque mobilitas ad diuersa comparatur, nimirum ad corpus cui accidit, & ad mobile cui est intrinseca & essentialis, semper remanet mobilitas, & secundum propriam rationem essentialem verumque istud respicit : aliàs enim corpus esset mobile, quod tamen non haberet rationem

per se mobilitatis, & aliquid mobile quod eandem mobilitatis rationem per se non haberet; ergo eadem ratio formalis esset per se ratio obiectiva in diuersis scientijs. Præterea, *Metaphysica* abstrahit à motu & mobili secundum *Aristotelem* : ergo & à quidditate motus & mobilis. Probatur consequentia. Si *Metaphysica* abstrahendo à motu & mobili, non abstraheret à ratione & quidditate motus & mobilis; non tam ab ipso motu & mobili diceretur abstrahere, quàm ab aliquo consequente rationem quidditativam motus & mobilis; & tunc quæri posset, quid sit illud? & cum assignari non possit; verum manebit *Metaphysica* abstrahere à motu & mobili, quatenus abstrahit à quidditate motus & mobilis; itaque consequenter non considerabit ipsam quidditatem motus & mobilis.

Probatur insuper conclusio hac ratione Doctoris Subtilis : quia si *Metaphysica* consideraret quidditates particulares, tollerentur omnes aliæ scientiæ, & esset vna scientia de rebus omnibus, quod militat aduersus arbitratiam scientiarum diuisionem, quâ unicuique particularium scientiarum peculiaris est assignata materia, puta *Physicæ*, corpus naturale, & *Mathematicæ* quantitas. Quòd si hanc beneplacito hominum factam scientiarum diuisionem tollere volueris, nemini dubium est quin constitui possit vna scientia totalis ex *Metaphysica*, *Physica*, & *Mathematica*, ad quam

spectabit, & communes & peculiariæ rerum quidditates contemplari.

Fon-
ca.

Præterea ab aliis probatur ex his quæ de hac scientia, scripta reperiuntur: nec enim videmus Metaphysicos in suis libris persequi omnium rerum quidditates speciatim, veluti animalium, plantarum & similibus, ut fit in Physica; sed totum huius scientiæ negotium consumere in explicanda natura Entis, Substantiæ, Accidentis, & aliorum omnium attributorum, causarumque, & proprietatum generalium, & his adiungere explanationem naturæ primæ causæ, & aliarum substantiarum corporis expertum.

Postremò probari potest conclusio ex inuentione Metaphysicæ. Etenim antequam esset inuenta, iam aliæ scientiæ in particularibus quibusdam naturis cognoscendis versabantur. Non est igitur inuenta Metaphysica, ut omnes rerum essentias speciatim intelligeret, sed eas tantum, ad quarum intelligentiam cæterarum facultas non satis erat.

Obie-
ctio 1.
ex A-
rist. 4.
Meta-
physic.
text. 1.

Obijcitur primò authoritas Aristotelis 4. Metaph. textu 2. ubi habet: *Omnis autem generis unius sensus est vnus, atque scientia, ut Grammatica vna existens, omnes speculatur voces. Quapropter & Entis in quantum Ens quascumque species speculari, vnus est scientia genere: species autem specierum.* Ex quo colligunt aliqui Metaphysicam debere esse de Ente & de omnibus eius speciebus, & adhuc specierum speciebus: sicut visus est de omnibus visibilibus,

& Grammatica de omnibus vocibus; ergo Metaphysica descendit vsque ad peculiariæ rationes omnium specierum Entis.

Respondeo primò hoc esse verum ex natura rei, non ex voluntaria scientiarum diuisione. Respō-
sio 1.

Secundò dico hunc esse sensum verborum Aristotelis, ut voluerit vnus scientiæ genere, esse contemplari species Entis in communi & in genere; ad variarum tamen specierum scientias pertinere contemplari varias species Entis secundum proprias & específicas earum rationes; hoc modo exponit Aristotelem Doctor noster in suis commentariis in hunc locum, & post ipsum Suarez & Fon- Respō-
sio 2.

Obijcitur secundò: eodem modo se habent habitus scientifici circa cognoscibilia, quo se habent potentiæ circa obiecta sua; sed potentiæ bene ordinatæ sic se habent, quod superior potest in omnem rationem obiectiuam, in quam potest inferior, ut patet de imaginatiua, quæ potest in id omne in quod possunt potentiæ visua, auditiva, & aliæ sensitiuæ; ergo habitus scientifici ita se habebunt, ut circa id omne occupetur superior, circa quod occupantur inferiores: sed inferiores, ut Physica & Mathematicæ, occupantur circa omnes rerum quidditates in particulari, ergo illud idem præstabit superior, nempe Metaphysica. Obie-
ctio 2.

Respondet Scotus noster longè disparem esse rationem in habitibus & in potentiis: quia potentiæ habent maiorem vir- Respō-
sio ex
Scoto.

tutem; & superiores quidem adæquatè respiciunt obiecta vniuersalia & particularia, maximè cum ad illa determinantur per eorundem obiectorum proprias species; habitus autem scientifici non sic sunt indeterminati: imò quemadmodum species sensibilis non est indeterminata & determinabilis per aliud, sed potiùs ex se determinata & determinatiua alterius, nimirum phantasie circa hoc vel illud obiectum particulare: Ita habitus scientifici non sunt indeterminati, sed determinati, & etiam determinant intellectum indeterminatum circa propriam illam materiam quam ex se respiciunt: Ideoque non debet vnus & idem specie habitus occupari circa omnem planè materiam intelligibilem.

Obiecto 3.

Obijcitur tertio: Tam latè patet subiectum Metaphysicæ, quàm obiectum intellectus; vtrumque enim est Ens ex natura habitus & potentie: sed intellectus intelligit omne Ens speciatim & distinctè; ergo etiam Metaphysica cognoscit omnium rerum naturas speciatim. Quod ex eo confirmatur, quia ita se habet scientia ad subiectum, vt potentia ad obiectum: Potentia autem non solùm versatur circa obiectum in genere, sed etiam secundum speciem, vt visus non tantum circa colorem, sed etiam circa album, nigrum, & alios speciales colores; ergo habitus eodem modo sese habebit circa subiectum suum.

Respondetur tam latè patere subiectum Metaphysicæ, vt res

est, quàm patet obiectum intellectus, non tamen vt subiectum est, hoc est, vt cadit sub considerationem Metaphysicæ. Obiectum enim intellectus complectitur omnia Entia sub quauis ratione Entis; at subiectum Metaphysicæ vt subiectum est, non complectitur omnia Entia, nisi quatenus absque omni materia concipiuntur: Nec mirum; id enim circa quod versatur habitus, limitatius esse debet quàm id circa quod versatur potentia, alioqui vnus tantum habitus sufficeret vni tantum potentie.

Ad confirmationem dico comparationem inter habitum & potentiam in hoc non habere locum: nisi dicatur quod quæadmodum potentia, putà visiva, sub eadem ratione visibilitatis attingit omnia obiecta visibilia, alioqui in ratione rei valdè distincta: Ita placuit Philosophis, ea quæ aliqua ratione in modo considerandi conveniunt, ab vno aliquo habitu speculari.

Obijcit 4. Scotus: Cognitio Obiecti in vniuersali est imperfecta, quia 4. ex 4. ex est confusa & indistincta; ergo si sapiens per Metaphysicam cognoscat tantum in vniuersali, erit imperfectè sciens, & alij perfectè scientes, quod repugnat Aristoteli initio primi Metaph. vbi docet Sapientem, id est Metaphysicum, esse perfectissimè scientem. Respondeo Solutio cognitionem vniuersalis duobus modis spectari posse, primò vt est cognitio vniuersalis formaliter & vt habentis inferiora, secundò vt est cognitio simplicis quidditatis eius in- E ij

Scotus
in 1. dist.
3. q. 1.

cludendo sola prædicata essentialia, & secludendo inferiora quæ non sunt de conceptu eius: si vniuersale cognosceretur priori modo, non cognito respectu ad inferiora, confusè cognosceretur, quia ut sic est aliquid confusum & indistinctum: posteriori modo verò, nihil prohibet cognitionem eius esse distinctam, quia cum in se sit quidditas & natura aliqua distincta, distinctè quoque cognosci potest, quia ex Doctore Subt. in 1. dist. 3. q. 1. *Tunc aliquid distinctè concipitur, quando concipitur, sicut exprimitur per definitionem.* Et paulò post hæc subdit quibus nostra responsio confirmatur. *Secundo dico de cognitione actuali distinctè conceptuum, quòd primum sic conceptum est communissimum, quia nihil concipitur distinctè nisi quando concipiuntur omnia quæ includuntur in ratione eius essentiali: Ens includitur quidditatiuè in omnibus conceptibus quidditatiuè inferioribus; ergo nullus conceptus inferior distinctè concipitur, nisi concepto Ente: Ens autem non potest concipi, nisi distinctè, quia habet conceptum simpliciter simplicem; ergo potest concipi distinctè sine alijs, & alij non sine eo distinctè concepto; ergo Ens est primum conceptus distinctè conceptibilis. Ex hoc sequitur quòd ea quæ sunt sibi propinquiora, sunt priora; quia cognoscere distinctè habetur per definitionem qua inquiritur per viam diuisionis, incipiendo ab Ente usque ad conceptum definiti: In diuisione autem primum occurrunt conceptus communiores, deinde genera & differentia, in quibus concipitur distinctè conceptus inferior.*

Obijcitur vltimò Aristoteles Obiectio vltima ex Arist. 5. Metaphysicæ & Scoto 1. dist. 3. q. 1. & dist. 2. q. 1. *Metaphysicæ, vbi dicit alias particulares scientias, neque vllam de ipso quid est, rationem omnino facere. Idem habet Scotus noster in 2. dist. 3. q. 1. 5. ad quæstionem, vbi dicit ipsum quod quid est, esse per se obiectum intellectus, & per se ut sic considerari à Metaphysico. Item in 1. dist. 2. q. 1. in initio, dicit Geometram quidem confusè concipere lineam esse longitudinem sine latitudine; non concipere tamen adhuc distinctè ad quod genus pertineat linea, sicut considerat Metaphysicus, qui distinctè nouit lineam esse speciem quantitatis continuz distinctam contra superficiem & corpus. Ergo Metaphysicus speculatur omne quod quid est, seu omnes omnium rerum quidditates etiam in particulari.*

Respondeo primò, Aristotelem Respon-
intelligi posse de quod sio 1.
quid est, subiectorum particularium scientiarum, quæ ipsæ non demonstrant, saltem à priori, sed supponunt, & de ipsis proprietates, aliæ molliùs, ut Physica, aliæ exactiùs, ut Metaphysica demonstrant. Dico secundo, neque Aristotelem, neque Doctorem Subtilem negare voluisse particulares scientias considerare, quod quid est; quia quilibet scientia vtitur proprijs definitionibus, & demonstrationibus; sed solum intellexisse Metaphysicam omnium exactissimè & perfectissimè cognoscere ipsum quod quid est: nam ad perfectissimam cognitionem eius, necessaria

est omnium graduum essentia-
lium qui in ipso continentur,
etiam usque ad vniuersalissimos,
cognitio, quam solus habet
Metaphysicus; alioquin certum
est sistendo in propria materia,
quancumque scientiam cognos-
cere etiam ipsum, quod quid
est, quemadmodum Physica,
quæ, vt docet Aristoteles eo lo-
ci, definit semper cum materia:
Nullius enim, vt loquitur, ipso-
rum quæ considerat sine motu ra-
tio: & semper habent materiam:
hinc palam quomodo oportet in Phy-
sicis ipsum quod quid est querere
& definire. Ex his principaliter
soluitur ille locus Doctoris Sub-
tilis ex primo, dicendo quod
quia Metaphysicus Entis &
specierum eius communissimas
habet notiones, & diuidendo
Ens in suas species, nouit quæ
ad hanc, quæ ad illam speciem
pertinent; cognoscit lineam
spectare ad hanc speciem Entis,
nempe ad quantitatem, & non
ad aliam. Hæc solutio est eius-
dem Doctoris in suis commen-
tariis in sextum Metaphysic. vbi
habet: Et hoc aliquo modo acci-
pitur à Metaphysico, scilicet ipse
quod quid est cognitio, qui Meta-
physicus de eo quod quid est distin-
gitur loquendo, rationem facit, prout
possibile est fieri ad quod quid est
inquirendum: Cum enim talis ratio
sit vna diuisiua ex 2. Post. quæ debet
incipere à communissimis quæ certum
est inesse illi cuius quod quid quæri-
tur, quatenus illa communissima à
Metaphysico considerantur, eatenus
Metaphysicus innuit ad faciendum
rationem de quod quid est subie-
ctorum specialium, & etiam qua-
tenus diuidens in processu suo diri-

gitur per quadam principia com-
munia Metaphysica, vt de quolibet
affirmatio vel negatio.

prima Conclusio.

Metaphysica prout est præ-
ses & imperans, descen-
dit ad multorum consideratio-
nem quæ in suis rationibus ma-
teriam includunt. Probatur: Me-
taphysica hoc modo spectata
præscribit vnique scientiæ
proprium obiectum, vt dictum
est; sed cuiuscumque scientiæ
alterius ab ipsa obiectum ma-
teriam includit; ergo Meta-
physica vt imperans multa
considerat quæ materiam in-
cludunt. Ad hæc, Metaphysica
disputat de potentia passiuæ; er-
go de pura potentia passiuæ,
tquam de præcipuo significa-
to potentie passiuæ; at pura
potentia passiuæ est in materia
prima: ergo Metaphysica vt
imperans & communis artifex,
materiam ipsam, nedum ea quæ
materiam includunt, conside-
rat.

QVÆSTIO SEXTA.

*Vtrum Metaphysica sit
vna scientia?*

RÆNOTANDVM I. vt
iam aliquoties incul-
cauimus, Metaphy-
sicam duobus modis
posse spectari, scilicet ex natu-
ra rei, & vt hominum arbitrio
constituta est: priori modo com-
plectitur eorum duntaxat con-
siderationem quæ Enti finito &

infinito, substantiæ & accidenti, substantiæ corporeæ & spiritali communia sunt; quo pacto propriè dicitur Metaphysica: posteriori modo descendit usque ad substantiarum separatarum contemplationem: idq; veterum Philosophorum placito. *Placuit enim veteribus authoribus circa diuersa subiecta contemplari* (inquit Scotus noster 6. Metaphysic. q. 1.) *& ut considerationi suæ subdere, quot videbant aliquam conuenientiam in principijs, & in modo considerandi habere.*

Prænotandum 1. Metaphysicam, sicut & quamcumque aliã scientiam, duobus iterum modis posse considerari, scilicet vt in se, & vt in nobis; in se, quatenus est habitus aliquis vel qualitas absolutè, & secundum propriam Entitatem spectata; in nobis, prout actu existit in intellectu nostro, illumque promptum & expeditum efficit ad producendos ei habitui consimiles actus. Existimant multi ab intellectu, sicut & quodlibet aliud accidens, ab hoc vel illo numero subiecto cui inhæret, accipere suam vnitatem numericam, sed id inferiùs improbabitur ex mente Doctoris Subtilis.

Prænotandum 3. duplicem insuper posse reperiri vnitatem in Metaphysica, sicut & in qualibet alia scientia: Extrinsicam vnã, intrinsicam aliam. Extrinsicam ea est quam habet ab obiecto, quod cum sit causa partialis scientiæ, est etiam causa partialis vnitatis quæ ipsam consequitur. Intrinsicam, quam ex se & ex propriis intrinsicis habet, quatenus in se & ex se est

hæc specie qualitas & non alia; sed hæc posterior non ita nobis innotescit ac prior vnitatis: quia sicut actiones earumque vnitates per terminos; ita scientiæ earumque vnitates per obiecta melius nobis innotescunt: quare licet intendamus hic quærere vnitatem intrinsicam Metaphysicæ; tamen per extrinsicam, tanquam per nobis notiorē, eam inuestigare conabimur.

Prænotandum 4. ex Doctoribus Subtili 6. Metaphysic. q. 1. tribus modis aliquem habitum dici posse, vnum scilicet vnitatem generis remoti, vnitatem generis proximi, & vnitatem specificam formali. Vnitatem generis remoti, quando habitus inclinatur formaliter ad considerandum aliquod obiectum commune, & ex consideratione eius inclinatur tantum in vniuersali, & in potentia remota, ad considerandum proprias Entitates inferiorum, quæ sunt scibiles per proprias rationes eorum, & non per rationem obiecti communis, vt habitus v.g. qui inclinatur ad speculandum substantiam esse Ens per se subsistens, valdè remotè inclinaretur ad cognoscendam proprias rationes hominis, putà, illum esse risibilem, flebilem, doctrinæ capacem, & similes, quæ sciri non possunt per rationem generalem substantiæ, sed per propriam hominis quidditatem. Habitus tunc est vnitatem generis proximi, quando inclinatur ad speculandum aliquid formaliter, in quo continentur virtualiter rationes inferiorum, vt habitus inclinans

Habitus dici
potest
vnius
tribus
modis.

Duplex
vnitas
in scientijs,
intrinsicam
& extrinsicam.

formaliter ad considerandū omne corpus viuens esse generabile, augmentabile, alterabile, & corruptibile; inclinatur virtualiter ad cognoscendum hominem esse generabilem, augmentabilem, alterabilem, & corruptibilem: quia homo secundum eas rationes continetur virtualiter & permixtū in corpore viuente, ideoque ex eo quod formaliter hæ veritates considerentur de corpore viuente, possunt enuntiari de hoc corpore viuente, nempe de homine, quia homo continetur virtualiter in corpore viuente. Tandem habitus tunc est vnus vnitatem specificam, cum inclinatur ad speculandum formaliter aliquod obiectum specificū: v. g. habitus ille geometricus acquisitus ex multis actibus vel ex vno intensissimo & perfectissimo, quo inclinatur intellectus ad cognoscendum triangulum habere tres angulos, censetur vnus vnitatem specificam.

Habitus scientificus tribus modis spectari potest.

Ex his patet habitum scientificū tribus modis spectari posse; Primò simpliciter, in ordine ad obiectū suum incomplexum, circa quod primò, & per se, & immediatissimè versatur; & hoc modo est vnus specie actu & formaliter; & dicitur incomplexa incomplexi noticia seu potius intellectus; est enim simplex & incomplexa noticia, seu definitio obiecti primi: Secundò in ordine ad idem obiectum quatenus virtualiter continet vnitates de seipso, & de suis inferioribus demonstrabiles: & sic est vnus vnitatem generis virtualis proximi, quod quidem genus quia multa specie diffe-

rentia virtute continet; iste quoque habitus hoc modo dici potest virtute multiplex. Tertio prout coalescit ex multis principiis & conclusionibus iam actu elicitis ex illo obiecto incomplexo, & sic est actu specie multiplex, vnus tamen vnitatem generis actualis proximi.

Prænotandum 5. rationem; *sub qua*, videlicet hanc aut illam abstractionem à materia, non sufficere ad constituendum aliquem habitum specie vnus; quia, vt diximus, illa nihil est aliud quàm modus sub quo res considerantur in hac vel illa noticia: Habitus autem seu noticia non à modo, sub quo, sed ab obiecto, circa quod, specificatur; vnde cum sub eadem abstractione sint plura scibilia specie differentia, putà sub abstractione à sola materia singulari, & concretionem materiæ sensibilis, locus, tempus, motus, corpus animatum, corpus cæleste, & similia; habitus complectens hæc omnia, non poterit esse specie vnus, quantumvis abstractio sit specie vna: nec enim ab abstractione habet obiectum quod sit scibile, vt voluit Caietanus 1. p. q. 1. act. 3. sed à ratione, *per quam*, scilicet à principiis in demonstratione sic vel sic dispositis: nam ab eo habet aliquid quod sit scibile, à quo habet quod sit demonstrabile: At per principia, & non per hanc aut illam abstractionem, res quælibet scibilis, est demonstrabilis v. g. non per abstractionem à materia singulari, sed per hoc principium: *Omne animal rationale, est risibile*, demonstratur

hominem esse risibilem: Itaque non per hanc aut illam abstractionem sunt specificanda scibilia: sed per hæc aut illa media. Adeoque cum in vna & eadem totali notitia, sub eadem abstractione sint plura media specie differentia, plura quoque erunt scibilia specie distincta: placuit tamen diuersis Authoribus (inquit Scotus noster 6. Metaphysicorum q. 1. in fine) circa diuersa subiecta speculantibus tot sua considerationes subdere, quot viderunt habere convenientiam in modo considerandi, & connexionem in principijs; ita quod penes varios specie modos considerandi, non penes obiecta scibilia sub eodem specie modo, specie distincta, tres vulgatas scientias speculatiuas distinxerint. His prænotatis, sit hæc

Prima Conclusio.

Metaphysica sumpta pro simplici & incomplexa notitia solius Entis obiecti sui, est vna vnitate specifica formaliter. Patet ex dictis & amplius probatur. Ens in ratione cognoscibilis est quid vnum specie, licet in ratione rei sit minus vnum quàm genere. Ergo notitia incomplexa illius est vna specie. Consequentia patet, quia scientiæ specificantur ab obiectis. Antecedens probatur. Istud incomplexum, Ens, solitariè sumptum, & secluso quocumque respectu ad ea quæ continent virtualiter, siue illa sint eius propriæ passionēs, siue sua inferiora, natum est producere notitiam sui, per actus solo numero differentes. Ergo in ratione scibilis est quid vnum vnitate

specifica formaliter. Non immoror in explicanda vnitate generis virtualis, quam habet Metaphysica vt est notitia obiecti sui prout continentis virtualiter & suas proprietates, & sua inferiora, quia nodus difficultatis, & punctum controuersie consistit in sequenti conclusione.

Secunda Conclusio.

Metaphysica prout est scientia totalis constituta ex notitia incomplexa Entis sui obiecti, & ex omnibus peculiaribus notitiis suorum omnium principiorum & conclusionum simul, non est etiam vt sic vnus, sed multiplex specie habitus. Quicquid sit de mente aliorum, conclusio est Doctoris nostri 6. Metaphysic. q. 1. & in prologo Sententiarum q. 3. *Hoc modo* (inquit) *in scientijs assignatur obiectum commune, à quo non est habitus vnus secundum speciem, sed tantum secundum genus.* Probari autem potest imprimis generalibus rationibus, quibus probatur omnem planè scientiam totalem non esse hoc pacto specie vnā.

Peculiariter verò ultra Doctores nostræ Scholæ, hanc sententiam sequitur & rationibus Scoti probat ex modernis Fonseca 6. Metaphysic. cap. 1. q. 2. sect. 2. Primò, quia actus naturaliter est generatiuus habitus, per hoc quòd naturaliter suam similitudinem relinquit in passio: differentium autem specie secundum proprias rationes, agentium, sunt diuersæ similitudines reales:

reales : ergo quanta est differentia actuum, tanta & habituum. Atqui actus sciendi diversarum conclusionum, etiam eiusdem scientiæ totalis, semper sunt specie distincti : ergo & habitus sciendi qui ex illis gignuntur. Prior syllogismus est evidens : Subsumptio probatur. 1. Actus sciendi diversarum conclusionum constant præmissis & antecedentibus specie differentibus : ergo & illi specie differunt. Antecedens patet, quia ubi antecedentia non differunt, conclusiones etiam non differunt : tunc autem differunt antecedentia, vel cum media diversa sunt, vel cum idem medium quod potens est varias proprietates demonstrare de aliquo subiecto, coniungitur huiusmodi variis proprietatibus, ad illas inferendas de tali subiecto, ut rationale quod est ratio demonstrandi risibile & fletibile de homine : nam hæ conclusiones : *Homo est risibilis. Homo est fletibilis*, etiam specie differunt, licet per idem medium probentur. Præterea, cum intellectu principiorum aliquorum, & scientia aliquarum conclusionum in aliqua scientia totali, puta geometria, stare potest ignorantia aliquis conclusionis eiusdem scientiæ : neque enim omnes conclusiones geometriæ ita pendent ab invicem, ut cognitis quibusdam, necessitè cognoscantur omnes : at impossibile est respectu eiusdem incomplexi simul in eodem intellectu stare habitus oppositos : ergo conclusio ignorata non est idem specie complexum cum principiis &

conclusionibus scitis. Confirmatur primò ; quia quando conclusio ignorata addiscitur, habitus oppositus ignorantie præcedenti inducitur : ergo habitus ille qui de nouo acquiritur, non est eiusdem speciei cum priore iam acquisito : quia si sic, sicut ille qui de nouo acquiritur, expellit ignorantiam conclusionis prius ignoratæ ; ita & ille qui iam erat acquisitus ; cuius tamen contrarium videtur : eo quod cum eo stabat ignorantia illius conclusionis. Confirmatur secundò : Eorum quæ sunt idem specie infirmæ, quicquid naturaliter potest vnum efficere, aut non potest, potest vel non potest alterum, si tamen utrumque æquè perfectum sit, aut imperfectum : ergo si habitus scientiæ diversarum conclusionum, quarum neutra quicquam pendet ab altera, sunt idem specie in diversis hominibus, in quemcumque actum demonstrandi potest, aut non potest exire vnus ; potest aut non potest alter, si ambo sint æquè perfecti aut imperfecti : at per habitum conclusionis scitæ, non potest intellectus exire in actum sciendi conclusionis ignoratæ : ergo signum est habitus istarum conclusionum non esse eisdem omnino specie.

Respondent authores aduersæ sententiæ confirmiter suis principiis per habitum conclusionis scitæ, intellectum posse in actum conclusionis ignoratæ, dummodò ille habitus extendatur per aduentum demonstrationis circa conclusionem ignoratam. Volunt enim per actum solius primæ demonstrationis,

F.

acquiri habitum scientiæ totalis; per alios autem sine specie diuerfos, siue eisdem specie, non acquiri nouum habitum, sed eundem vel extendi circa diuerfas conclusiones, vel intendi circa easdem: quemadmodum vnum specie quantum extenditur per aduentum nouarum partium quantitatarum: & vna specie & numero albedo per aduentum nouorum graduum. Quibus si dicatur non esse partem rationem de aduentu nouarum demonstrationum in habitu totali scientifico, ac de incremento quantitatis, & intentione albedinis: quia hæc sunt ex partibus similaribus & eiusdem rationis, quæ facili in vnum quidpiam coalescunt: habitus autem totalis scientificus non potest componi ex demonstrationibus similaribus, cum vt plurimum sint ita dissimiles vt differant specie; ex quibus proinde non satis capi potest quomodo vnum quidpiam consurgere possit. Respondebunt iterum illas omnes vniri inter se ad compositionem totius scientiæ, quemadmodum vniuntur partes dissimiles animalis ad constitutionem totius animalis. Contrà; hoc modo ipsam suam sententiam inuertunt, dum illam stabilem moluntur; quia partes huiusmodi dissimiles scientiæ totalis ex eo sunt dissimiles, quia sunt diuersæ speciei. Nec exemplum compositionis animalis ex partibus dissimilaribus vlla ratione conducit ad manifestandum id quod tali compositione componitur, esse vnum specie, cum illa di-

cantur esse vnum specie, quæ participant idem genus proximum, & eandem differentiam infimam, non quæ componuntur physicè ex variis partibus dissimilaribus; quæ quia dissimiles sunt, ex eo diuersæ sunt speciei, vt sunt carnes & ossa; sicque etiam in scientia totali dissimiles demonstrationes efficiunt conclusiones dissimiles & diuersæ speciei.

Præterea in qualibet scientia totali, distinguuntur saltem specie habitus principiorum, qui dicitur intellectus, & habitus conclusionum, qui dicitur scientia, ex Aristotele 6. Ethic. cap. 6. cuius ratio est, quia principia sunt propter se, & ex terminis euidencia; conclusiones autem propter aliud, & per discursum; quæ distinctionis ratio est planè specifica; ergo scientia totalis non est vnus specie habitus. Hinc etiam probatur habitum omnium conclusionum scientiæ totalis non esse vnum & eundem specie: nam sicut principia, quorum termini specie differunt; ipsa quoque specie differunt, ita conclusiones quarum media specie differunt, ipsa quoque specie differunt: ergo habitus ex illis omnibus conclusionibus constitutus, non potest esse specie vnus. Quod si quis dicat esse eundem specie habitum, quia conclusiones illæ pendent à se inuicem, posteriores scilicet ex prioribus. Contrà, non plus pendet habitus posteriorum conclusionum ab habitu priorum, quàm habitus priorum conclusionum ab habitu principiorum; Ergo, si

non obstante dependentia priorum conclusionum ex principijs, habitus principiorum & priorum conclusionum sunt distincti specie; etiam non obstante dependentia posteriorum conclusionum ex prioribus, non minus habitus harum & illarum erunt distincti specie.

Vltimò sic probatur: Si quælibet scientia totalis esset vnus specie habitus, maximè propter vnitatem specificam rationis formalis, *sub qua*, considerantur ea omnia quæ tractantur in scientia totali, vt volunt adnerse sententiæ authores; sed hæc ratio nulla est. Probatur: Nam illa ratio (*sub qua*) est hæc aut illa abstractio à materia, vt docetur communiter; sed hæc aut illa abstractio à materia non satis est ad constituendum habitum specie vnum, vt dictum est, Prænotato 4. Ergo à ratione, *sub qua*, non habet habitus quòd sit specie vnus. Nec puto certè aduersarios ab hac aut illa abstractione à materia, docere posse tres vulgatas scientias speculatiuas aliam vnitatem specificam habere, quàm vnitatem specificam modi considerandi, cum qua vnitatem stat distinctio specifica scibilium, quia distinctio specifica principiorum, atque consequenter conclusionum scitarum.

Obiect.

1.

Obijcitur primò: Habitus scientiæ est in prima specie qualitatis, eiusque species quædam: omnis autem species qualitatis, quemadmodum est qualitas, ita & vna qualitas, non plures qualitates: Respondeo cum Fonseca, vulgatas scientias totales nò

esse ratione sui sub genere qualitatis, sed ratione habituum, quibus singulæ cōclusiones demonstrantur: sola enim ordinata eorum habituum collectio quamlibet scientiam totalem propriè constituit; quo etiam pacto mundus non est per se species aliqua substantiæ, sed ratione earum substantiarum ex quibus constat. Est enim nihil aliud quàm rerum omnium conuenientissimus ordo & dispositio, cùm tamen in libris de Cælo sub nomine cæli distinguatur ab hoc mundo, vt species quædam substantiæ à suo vnico indiuiduo.

Obijcitur 2. habitus fidei catholicæ et si sit de tam multis

Obiect.

credibilibus; tamen est vna specie qualitas in omnibus fidelibus, & vna numero in singulis, quæ tota simul infunditur in baptismo, totaque amittitur ab hæretico, qui vel vnum negat fidei articulum. Ergo videtur esse eadem ratio de scientia totali, quæ licet sit de tot scibilibus, erit tamen vna specie in omnibus intellectibus in quibus existit, & vna numero in singulis.

Respondet Fonseca negando consequentiam, & rationem

Respōl.

disparitatis assignando in eo quòd fides catholica quantumvis sit de innumeris credibilibus, innitatur vni tantum rationi diuinæ reuelationis; scientia verbò totalis tot habeat rationes, seu media, quot habet conclusiones diuersas: ac proinde hanc esse diuersam: illam verbò vnā specie in omnibus. Sed existimo melius sa-

Respōl.

2.

Non est
vnica
specie
fides in
omni-
bus.

tisfactum ita negando antee-
dens; neque enim est vnica spe-
cie fides in omnibus fidelibus,
quantumuis sit vnica ratio cre-
dendi, nempe reuelatio diuina,
sicut nec vnicus specie habitus
conclusionis scientificus, quan-
tumuis medium sit vnicum, si
possit assumi ad probanda spe-
cie diuersa de aliquo subiecto;
nam eâ vel solâ ratione, nimi-
rum quia sub eodem medio re-
uelationis diuinæ, multa specie
distincta credi possunt, non est
vnica illorum omnium fides;
quâ enim ratione idem princi-
pium potest esse medium de-
monstrationis diuersarum con-
clusionum; eâdem, reuelatio di-
uina potest esse ratio assentien-
di varijs specie credibilibus.

Obie-
ctio 3.

Obijciunt. Vt se habet sensus
ad objecta sensibilia, ita scien-
tia ad objecta scibilia, ita docet
Arist. 3. de anima cap. 8. at sensus
non diuiditur in varias species
sensuum iuxta varietatem ob-
iectorum materialium, quæ sunt
ipsæ qualitates sensibiles, alio-
qui quot sunt species colorum
v. g. tot essent species sensuum
qui circa eas versantur; sed di-
uiditur iuxta varietatem ob-
iectorum formalium, hoc est ra-
tionum seu modorum sentien-
di: omnes enim colores v. g. vno
& eodem modo sentiuntur. Er-
go & scientia non est diuiden-
da in varias species iuxta varie-
tatem obiectorum materialium,
quæ sunt ipsa objecta scibilia,
sed iuxta varietatem obiecto-
rum formalium, id est modorum
considerandi scibilia, quæ sunt
varie abstractiones à materia,
quarum quilibet est commu-

nis pluribus obiectis scibilibus.

Respondeo comparisonem
in eo solùm consistere, quòd
quemadmodum potentia sensi-
tiuæ specificantur penes varias
rationes sub quibus attingunt
objecta sua; & earum potentia-
rum actus, penes varias rationes
obiectiuas, quas in ipsis obiectis
percipiunt, (existimo enim vi-
sionem hominis, v. g. & visio-
nem lapidis distingui specie
penes varias specie rationes ob-
iectiuas existentes in homine
& lapide, quibus eadem poten-
tia visiva mouetur:) ita scientiæ
totales distinguuntur penes va-
rias rationes sub quibus, nimi-
rum varias abstractiones à ma-
teria, & scientiæ partiales penes
rationes per quas impellitur in-
tellectus ad hunc vel illum as-
sensum conclusionis scientificæ:
& ita, quemadmodum vnus
specie potentia plures sunt spe-
cie actus, propter varias specie
rationes obiectiuas motiuas: ita
vnus scientiæ totalis, plures
sunt specie scientiæ partiales,
propter diuersas specie rationes
motiuas & inductiuas ad assen-
sum scientificum. Patet itaque
quomodo ex hac collatione po-
tentiarum sensitiuarum cum
scientijs, sic explicata, potius
illustretur, quàm impugnetur
propositum.

Visio
homi-
nis &
visio la-
pidis
specie
diffe-
runt in
eodem
oculo.

Tertia Conclusio.

Metaphysica pura & tran-
scendens, sicut & alia
quæcumque scientia totalis, est
vna vnitate generis actualis pro-
ximi. Probat: Illa scientia est
vna eiusmodi vnitate, quæ in-

clinat ad speculandum aliquid formaliter, in quo continentur virtualiter rationes inferiorum, & per quod aliqua possunt ostendi demonstratiue de illis inferioribus; sed *Metaphysica* id præstat, inclinatur enim ad speculandum formaliter *Ens*, in quo rationes Substantiæ & Accidentis virtualiter continentur, & per quod aliqua possunt ostendi demonstratiue de Substantia & Accidente: v. g. quod omnis Substantia sit actu vel potentia; quia omne *Ens* est actu vel potentia: quod omne *Accidens* sit ei cuius est accidens, idem vel distinctum, quia omne *Ens* est alteri idem, vel distinctum. Ergo *Metaphysica* pura quæ est Entis, & eorum omnium quæ sunt indifferentia ad Substantiam incorpoream & corpoream, est vna vnitatem generis proximi actualis. Dico (actualis) quia illa notitia est notitia generis actualis quæ occupatur circa ipsum vt habens species actu; sed *Metaphysica* est huiusmodi: namque speculatur *Ens*, quod habet actu Substantiam & Accidentem, vt proprias species actu, cum etiam in *Metaphysica* instituantur speciales disputationes de Substantia & Accidente. Ergo *Metaphysica* est vna vnitatem generis actualis. Non existimes tamen propterea *Ens* esse genus saltem in ratione nature, sed tantum in ratione scibilis.

Ex his colligitur *Scotum* nostrum non statuisse solum vnitatem per Accidentem, aut aggregationis, in sciētijs totalibus,

vt moderni quidam existimant; imò verò vnitatem naturalem, & per se: quia licet vnitatem generica sit minor vnitatem, quàm vnitatem specifica; illa non est tamen minus vnitatem per se, quàm ista. Sicut enim multa indiuidua eiusdem speciei ordinantur naturaliter ad suam speciem, tanquam ad suum naturale correlatiuum: Ita multæ species eiusdem generis ordinantur naturaliter & per se ad suum genus, tanquam ad suum per se correlatiuum; ac proinde habitus qui occupatur circa hæc omnia sic habentia naturalem coordinationem & vnitatem per se, est etiam vnus per se.

Quarta Conclusio.

M*etaphysica* prout communiter traditur in Scholis, & quatenus complectitur considerationes Entis, Dei, & Intelligentiarum, non est vna vnitatem generis actualis proximi, sed remoti dumtaxat. Probatur: Ille habitus est vnus vnitatem generis actualis remoti, qui inclinatur formaliter ad considerandum aliquod obiectum commune, & ex eo inclinatur tantum in vniuersali, & in potentia remota ad considerandum proprias Entitates inferiorum, quæ sunt scibiles per proprias rationes eorum, & non per rationem obiecti communis. Sed *Metaphysica* sic sumpta id solum præstat. Ergo vt sic est solum vna vnitatem generis remoti. Maior supponitur vera ex his quæ diximus quarto prenotato, exponendo quid sit notitia

tiam esse vnâ unitate generis remoti. Minor probatur: Metaphysica prout communiter traditur in Scholis, inclinât ad speculandum Ens formaliter, obiectum communissimum & vniuersalissimum; & ex eo inclinât tantum in vniuersali, & in potentia remota ad considerandum proprias entitates Dei, & Intelligentiarum, quæ non sunt scibiles per rationem communem Entis: Ad probandum enim v.g. Deum esse infinitum, æternum, &c. non assumitur pro medio Ens ipsum, aut Entis aliqua communis affectio. Ergo Metaphysica sic sumpta inclinât ad considerandum formaliter aliquod obiectum commune, & ex eo solum in potentia valde remota ad considerandum proprias rationes eorum quæ sub illo obiecto communi continentur, Dei nimirum, & Intelligentiarum.

Præterea si Ens, Deus, & Intelligentiæ considerentur ex natura rei, de illis haberi possunt tres scientiæ totales à se mutuo genere proximo distinctæ, nimirum Metaphysica pura, Theologia naturalis, & Intelligentiologia, ergo illæ tres scientiæ solo hominum arbitrio connexæ, non possunt habere unitatem generis actualis proximi, sed remoti solum.

Obijci solum potest contra hanc Doctrinam idem genus abstractionis à materia, in quo cõueniunt Ens, Deus, & Intelligentiæ, ratione cuius Metaphysica dici potest vna specie, vel saltem genere proximo. Nam non alia etiam ratione, Physica

dicitur vna, cùm aliis ablata eâ abstractione quæ est Physicæ propria, illa quæ considerantur in Physica, etia plusquam genere proximo differant. Sed imprimis responderetur conuenientiam in modo abstractionis non sufficere ad unitatem specificam aut genericam proximam scientiæ, si modò principia & rationes per quas intellectus impellitur ad assensum, diuersæ sint. Quemadmodum enim sub eodem abstractionis genere, in vnica scientia totali, possunt esse plures scientiæ partiales specie distinctæ, propter diuersa specie motiua, quæ tamen omnes habent unitatem generis proximi, non ab hoc aut illo modo abstractionis, sed ab obiecto quod semel cognitum, potest inclinare ad cognitionem inferiorum suorum, etiam per suam rationem; ita sub eodem abstractionis genere, possunt esse plures scientiæ totales inter se genere proximo distinctæ, & unitatem solius generis remoti habentes, si modò vnaquæque habeat sua propria principia, & conueniant solum in aliquo genere, quod semel cognitum, nõ potest inclinare per cognitionem suæ rationis, ad cognitionem eorum quæ sub eo continentur; quod in proposito contingere probabilius existimo. Secundò dico Entis, Dei, & Intelligentiarum considerationes non ad eam conuenire in modo abstractionis, vt propterea debeant esse vna specie scientiæ, vt defenditur communiter, vel vna genere proximo: Nam longè aliter Deus & In-

telligentiæ abstrahunt à materia, quàm Ens & Substantia; quia Ens & Substantia materiam saltem permittunt, licet non includant; Deus autem & Intelligentiæ nec permittunt nec includunt. Vnde saltem ex mente aduersariorum, scientia de Ente, & scientia de Deo, ac de Intelligentiis, deberent esse distinctæ speciei, si specificentur penes varias rationes abstractionis: Quia abstractio ab omni materia secundum esse, Deo & Intelligentiis propria, & abstractio ab omni materia secundum considerationem, quæ conuenit Enti, distinguuntur speciei, propterea quòd hæc permittat materiam, illa non sic.

Nec est quòd dicatur hanc Doctrinam militare aduersus Arist. qui notitiam de Ente, de Deo, & de Intelligentiis vt vnâ totalem scientiam speculatiuam, à Mathematicis & Physica distinctam, tradidit, quam modò primam Philosophiam, & Sapientiam, quia agit de Ente & de altissimis Principiis, modò Theologiam, quia disputat de Deo appellat; nam fateor quidem Aristotelem, & veteres Philosophos propter istam qualemcumque conuenientiâ in eodem abstractionis genere, has tres scientias totales, Metaphysicam, Theologiam naturalem, & Intelligentiologiam simul ad vnâsse, & vt vnâ explicuisse; nunquam tamen inter illas ita strictam & præcisam vnitatem statuere voluisse, ac statuunt communiter moderni. Adde quòd pura Metaphysica potest etiam dici Theologia, non quòd

agat de Deo absolutè, & per se, vt Metaphysica hominum arbitrio constituta; sed respectiue, quatenus scilicet est prima causa; quia puri Metaphysici est agere de omnium primis & vniuersalissimis causis. Exemplum quod adducitur de Physica, nihil probat, quia omnia Physica conueniunt in vna omnino abstractionis ratione specifica; & præterea habent ordinem naturalem ad vnum obiectum commune, quod semel cognitum per rationem suam potest inclinare ad cognitionem eorum quæ sub eo continentur.

Quòd dicunt aliqui scientiam Suarez. de Deo, & de alijs substantijs separatis, debere tradere cognitionem prædicatorum communium & transcendentium, quia nimirum illa scientia est suprema omnium naturalium: proindeque nullam aliam superiorem debet agnoscere, in qua tractentur Entis, & Entis proprietatum rationes; videtur sine sufficienti fundamento dictum. Nam si intelligent scientiâ de Deo & de Intelligentiis esse summam, quòd sit omnium naturalium dignissima, verum est quidem, sed nihil ad rem, quia rationabiliter queri posset cur in hac potius scientia, quantumvis excellenti, de hac specie Entis, nempe Deo & alijs substantijs separatis, quàm in Philosophia naturali, quæ est de altera specie Entis, tractari debeant Entis communes rationes? Si verò intelligent esse summam, quia est abstractissima, negatur: quia loquendo præcisè

ex natura rerum, scientia quæ est de Ente & de prædicatis transcendentibus, est abstractior. Quod item dicunt ea omnia quæ in hac scientia tractantur, adeò esse inter se connexa, vt non possint commodè diuersis scientijs attribui, videtur omnino gratis dici: quia ex natura rerum, non est maior connectio inter Ens, & vnâ suarum specierum, quàm inter ipsum idem, & alteram, nisi quia sortè vna est nobilior altera, & magis conuenit cum Ente in modo abstractionis: sed hæc ad vnitatem specificam huius scientiæ stabilendam non sufficiunt.

vel recipiunt aliquid ab inuicem.

Prænotandum 2. duplex esse Imperium, scilicet practicum, & speculatiuum. Imperium practicum est quo imperatur aliquid circa mores, & vltra genus contemplationis exercendum; vt cum intellectus per prudentiam, vel potius voluntas directa per intellectum prudentem, imperat omnibus actibus humanis vt ad bonum conuertantur. Imperium speculatiuum est quo imperatur aliquid ad veri cognitionem, & solum genus contemplationis ordinatum, vt si Physicus per hoc principium speculatiuum:

Corpus naturale est quod natura constat, imperaret & dirigeret eum qui cæli indagandæ naturæ daret operam, ad illam cognitionem, quâ sciret cælum esse corpus naturale, quia constat naturis.

QVÆSTIO SEPTIMA.

Vtrum Metaphysica sit omnium scientiarum nobilissima?



X vltima conditione sapientiæ allatæ quæstione primâ, constat ex Aristotele Metaphysicam esse cæterarum scientiarum imperatricem, ac consequenter nobilissimam: nunc tamen specialius est inquirendum in quibus consistat eius imperium & nobilitas præ cæteris.

Prænotandum itaque 1. Metaphysicam, & alias sciētias, prout ad præsens institutum pertinet, posse spectari tribus modis, scilicet vel in ordine ad obiecta sua, vel absolute, in se, quatenus sunt quidam mentis habitus totales constituti ex suis propriis principijs & conclusionibus, vel tertio in ordine ad se inuicem, quatenus scilicet vel conferunt,

Prænotandum 3. scientiam imperantē esse quandoque propriè & strictè subalternantem, respectu ancillantæ, vt est Geometria respectu Perspectiue; aliquando verò non. Imperans tunc est propriè subalternans, & ancillans subalternata: cum huius est ab illa tanta dependentia, vt hæc non possit alicui esse scientia, sine illa; quemadmodum Perspectiua nulli intellectui est scientia sine Geometria; propterea quod non contingat esse scientiam sine demonstrationibus; Perspectiua autem nihil perfectè demonstret sine Geometria, vt docet Doctor Subtilis in 3. distinct. 24. q. vnicæ: Tunc verò imperans non est subalternans,

Scientiarum spectantur tribus modis.

alternans, nec ancillans subalternata, cum hæc potest alicui esse scientia, sine illa, licet ab ea lucem & claritatem aliquam accipiat, ut in proposito contingere mox probabitur. His positis, iii,

Prima Conclusio.

IN ordine ad obiecta, Metaphysica præstat aliis scientiis. Probat: quia ultra id quod Ens ipsum in vniuersum considerat, descendit etiam particulariter ad omniū nobilissimas species Entis, scilicet Deum & Intelligentias.

Secunda Conclusio.

Metaphysica in se absolute spectata eminet etiā aliis scientiis in se consideratis. Probat: iisdem rationibus quibus q. 1. ostendimus illam esse sapientiam, ac consequenter certissimam, ad docendum aptissimam, & maximè propter se expetendam; ista enim arguunt maximam eius dignitatem. Non aliter autem probatur eius certitudo, quàm ex principiorum eius certitudine, quæ eā ratione certissima iudicantur, quia sunt simplicissima, naturā suā notissima, & maximè stabilia; nec aliter eius ad docendum aptitudo, quàm ex eorumdem principiorum independentia & superioritate.

Obiectio 1.

Obijcitur tamen i. contra certitudinem eius. Mathematicæ scientiæ certiores sunt Metaphysicæ, quia illæ ex principiis euidentissimis, imò & sensu no-

tissimis procedunt; hæc verò ex principiis à sensibus remotissimis, obscurissimis, & difficilissimis, ac proinde etiam incertissimis: ergo Metaphysica certitudine nō eminet aliis scientiis. Respondetur quòd etsi hæc scientia prout est in intellectu sensibus immerso minus certum & accuratum sibi vindicet demonstrandi modum, propter eā quòd res in quibus versatur, longissimè distant à sensibus; si tamen ea absolute & simpliciter spectetur, etiam Mathematicas scientias demonstrandi certitudine superat: versatur enim in rebus non modò simplicissimis, & suapte naturā notissimis, sed etiam omnium maximè stabilibus, ut potè omnis materiæ, ac mutationis expertibus.

Solutio

Obijcitur 2. Contra id quod dicitur Metaphysicam esse omnium ad docendum aptissimam. Dialectica est aptior ad docendum quàm Metaphysica, quia tradit modum sciendi, docendi scilicet, & discendi. Ergo Metaphysica non est omnium aptissima ad docendum. Respondetur Dialecticam esse aptiorem ad docendum, quàm Metaphysicam, quantum ad methodum, & modum seu formam; non verò quantum ad materiam, seu principia per quæ demonstrationes fiunt. Nec est quòd dicas hoc etiam competere aliis scientiis, quæ, sicut & Metaphysica, ratione materiæ catenus etiā sunt aptæ ad docendum, quatenus in propria materia, rem demonstrant per proprias causas, sicut & Metaphysica. Nam licet aliæ scientiæ demonstrent suas pro-

Obiectio 2.

Solutio

præteritas vel effectus per proprias causas eis accommodatas: quia tamen illæ causæ non sunt primæ nec independentes, sed superioribus subordinatæ, idè non sunt ita aptæ ad docendum ac Metaphysicæ, quæ primarum causarum & principia considerat, quæque propter alios scientiis in principiorum ac causarum independentia, & superioritate eminet; quò fit ut per se sola, & sine alterius adminiculo doceat exactè omnia quæ sub obiectum eius cadunt: Aliæ verò scientiæ in multis pendent ab hac, ut exactam causarum cognitionem tradere possint.

Tertia Conclusio.

Metaphysica comparata cum alijs scientijs quatenus eis aliquid confert, est illis præstantior. Probatur, quia imperat omnibus, non imperio quidem practico, sed speculativo, dirigendo scilicet illas ad veri cognitionem, tradendo principiorum altissimorum certitudinem, primarum causarum cognitionem, obiectorum suorum limitationem, & alia: Tamen propter hoc imperium, non sibi propriè subalternat alias scientias. Prima pars conclusionis patet ex dictis, quæstione 2. conclusione 2. Secunda pars probatur: Ad propriam subalternationis rationem, oportet subalternatam indigere subalternante, ut rationem induat scientiæ: At multæ scientiæ inferiores Metaphysicæ, non indigent Meta-

physicæ, ut sint perfectæ scientiæ; Constat de Philosophia naturali, & Mathematicis: nam ut dicic Fôseca, et si harum scientiarum principia possint à Metaphysico demonstrari deductione ad impossibile, propter quòd prima principia Metaphysicæ sunt omnium manifestissima, & quorum opposita sunt omnium absurdissima; non omnia tamen ab illo ostensivè demonstrantur; tum quia cùm cæteræ scientiæ habeant plurima principia immediata, seu, quod idem est, indemonstrabilia, non possunt eorum omnia principia ostensivè demonstrari à priori, ut patet ex primo Posteriorum. cap. 2. text. 5. alioqui iam non essent immediata ac indemonstrabilia: tùm quia alioqui nulla alia scientia demonstraret, *propter quid*; ac proinde ut aliquid sciretur *propter quid*, oporteret prius addiscere Metaphysicam: quod tamen non fieri docet experientia. Confirmatur præterea hæc conclusio ex Doctore Subtili primo Metaphysicorum. q. 9. ubi hanc rem breviter attingit.

Obijciatur 1. Ultra hanc subalternationem ratione principiorum, est alius modus subalternationis ratione obiecti, quando videlicet subiectum subalternatæ continetur sub obiecto subalternantis, & in obiecto illius additur differentia accidentalis supra obiectum huius; quo pacto Musica subalternatur Arithmeticæ. At subiecta cæterarum scientiarum includunt subiectum Metaphysicæ, eique addunt accidentia-

Obiecto t.

rias differentias cōtinui, discreti, & alias huiusmodi, quæ accidunt Fnti, quatenus Ens est: hæc ergo scientia cæteras sibi subalternat.

Solutio 1.

Respondeo primò ad maiorem, non semper requiri vt differentia obiecti subalternatæ sit per accidens illi: dicuntur enim libri de cælo, & de corpore generabili & corruptibili, subalternari octo libris Physicorum, in quibus differitur de corpore naturali in se: neque tamen supra corpus naturale, differentiam addunt accidentariam, sed per se.

Solutio 2.

Secundò nego minorem; nam differentia quæ additur, debet immediatè afficere subie-

ctum subalternantis, vt sonus numerum; at naturalitas, continuitas, & discretio non Ens ipsum, sed illa quidem corpus; hæc verò magnitudinem, & multitudinem afficiunt.

Obijcitur 2. Etiam ratione Obie-
principiorum cæteræ scientiæ subalternantur Metaphysicæ: patet de Dialectica, quæ hæc suâ pronuntiata: *Quinque sunt species vniuersalium. Decem sunt Prædicamenta.* Non aliter probare potest, quàm per Metaphysicam. Respondeo hoc probare cæteras scientias subalternatione quadam partiali, & quoad aliquas veritates, subalternari Metaphysicæ, non subalternatione totali, de qua hic loquimur.

*Et hæc de Præludijs rerum
Metaphysicarum.*





F. M A R T I N I
MEVRISSE ROYENSIS,
ORDINIS MINORVM, DOCTO-
RIS ET PROFESSORIS THEOLOGI
Parisiensis, Rerum Metaphysicarum

LIBER PRIMVS.

DE ENTE ET EIVS
diuisionibus ac modis.

QVÆSTIO PRIMÆ.

Quid nomine Entis intelligatur?

Ens, res,
& ali-
quid
idem si-
gnifi-
cant ex
Aureo-
lo.



RENOTAN-
DUM. ex Au-
reolo nostro in
primò Sentent.
dist. 2. parte 1.
art. 1. vocabu-
la Entis, rei, &
alicuius, idem planè significare,
& etymologia solùm differe:
Tum quia idem obijcitur intel-
lectui nomine Entis, quod no-
mine rei, & alicuius; Tum quia
ista eandem omninò patiuntur

diuisiones. Sicut enim Entis
aliud est actû, & aliud poten-
tia; aliud in anima, & aliud ex-
tra animam, aliud substantia, &
aliud accidens: Ita rei, alia est
actû, alia potentia, alia in ani-
ma, alia extra animam, alia sub-
stantia, alia accidens; Et idem
dicendum est de aliquo; Tum
quia sicut nihil & non Ens,
& equipollent: ita nihil & non
res, nihil & non aliquid. Quod
spectat ad harum dictionum

Res à
verbo
reor, vel
à parti-
cipio
ratus.

Repre-
hendi-
tur He-
nricus à
Docto-
re Sub-
tili, in 1.
dist. 3.
q. 5. &
dist. 36.

etymologiam, mox dicemus unde dicatur Ens. Henricus apud Doctorem Subtil. in 1. dist. 3. q. 5. & dist. 36. q. vnica. docet nomen, res, vel à verbo, reor, vel à participio, ratus, originem trahere: & quidem prout à verbo, reor, deducitur; tam ad entia rationis, quam ad entia rei se extendere; prout autem à participio, ratus, ducit originem, solis Entibus rei convenire, quodd nimirum illa rata sint & firma. Nihilominus multa reprehendit in quibusdam dictis illius Doctor Subtilis, potissimum in eo quodd latè philosophando de Ente rato, doceat ratitudinem Entis (si tamen his barbaris dictionibus post ipsum vti liceat) consistere in respectu exemplati ad suum exemplar, quatenus Ens ratum illud est quod habet quidditatem veram & realem, per quam distinguitur à figmentis: figmenta enim, inquit, non habent exemplari: vel in respectu producti ad suum producentem & efficiens, quatenus Ens ratum idem est quod Ens aliquale seu existens. Hæc inquam reprehendit Scotus; primum quidem, quia falsum est ratitudinem Entis consistere in respectu æterno ad suum exemplar, eo modo quo id docet Henricus, nimirum sic quodd omne Ens aliud à Deo, virtute illius ratitudinis, & respectus, habuerit aliquod esse reple ab æterno: Nam, ut docet in 1. dist. 36. & nos etiam infra docebimus, nullum Ens aliud à Deo, habuit aliquod esse reale ab æterno: Secundum verò, quia quantumvis omne Ens

creatum & finitum habeat respectum ad suum efficiens; tamen ratitudo seu firmitas & certitudo eius non consistit in illo respectu: Quodd autem dicitur, inquit Scotus, quodd homo est Ens formaliter ratum aliqua relatione, videtur valde absurdum; quia secundum August. 7. de Trinit. cap. 1. Si est nihil ad se, nihil est ad aliud. Et hoc ipsi concedunt quodd relatio non potest fundari in relatione, sed in absoluto. Quare igitur de fundamento talis relationis, qua dicitur ratitudo, dicatur, & est est ad se: Ergo non includit essentialiter in suo intellectu per se respectum; quia nihil essentialiter includens respectum, est ad se formaliter. Istud, à, in quantum est ad se, aut est ratum, & habeo propositum; aut non est ratum; & tunc ille respectus fundabitur in Ente non rato; & respectus per ipsum Henricum, est idem fundamento: Ergo respectus est idem Enti non rato; & maxime est consequens inconueniens, si accipiatur non ratum pro illo, cui repugnat esse: quia tunc sequitur quodd ratitudo illa fundatur in non rato, quodd est nihil: & ita ille respectus esset nihil, & tunc Ens ratum esset ex duobus nihilis. Hæc Scotus in 1. dist. 36. Idem ferè habet dist. 3. q. 5. Quantum ad istum articulum, inquit, dico quodd nullus respectus est ratitudo; scilicet quo aliquod est firmum Ens, vel verum Ens, vel certum Ens in quacumque Entitate: quia omnis respectus aliquid habet in quo fundatur, quodd secundum se, non est ad aliud: & in illo priori, in quo est essentialiter Ens ad se, si non est essentialiter Ens certum, aut Ens firmum, non erit capax alicuius respectus, per quem fiat Ens ratum.

quia ens ratum si fiat ratum ; aut fiet ratum ex se, quod includit contradictionem, quia quidquid est ex se aliquale, est necessarium tale : aut ab aliquo causante fiet ratum ; & si hoc, primo naturaliter absolutum aliquid potest terminare illam causationem, quam respectus : quia formalis ratio cuiuslibet termini primi producti, non est necessarius respectus.

Quia autem Henricus in favorem suæ sententiæ, adduxerat illud Avicennæ 5. Metaphysicorum : *Humanitas est tantum humanitas* : quatenus ostenderet rationem humanitatis non esse rem ratam ; proindeque oportere quòd aliquo alio extra rationem humanitatis, putà respectu aliquo, sit ens ratum. Idèd respondet Doctor Subtilis quòd particula illa, *tantum*, non excludit ea quæ sunt de per se ratione humanitatis, cuiusmodi est Entitas rata : sed excludit illa quæ sunt per se passiones Entis, vt vnum, actus, potentia &c. sicut patet ex verbis ipsiusmet Avicennæ. Concludit itaque Scotus Ens ratum illòd esse quod habet esse essentiae & existentiae ; vel saltem cui non repugnat illud utrumque esse.

Prænotandum 2. Ens ex ratione dictionis consideratum, esse participium verbi substantiui, *est*, non tamen ex usu Philosophorum solam participij significationem retinuisse, sed nominis obtinuisse : & vt participium quidem, rem actu existentem denotare : vt nomen verò, id vel cui actu competit, vel cui competere potest existentia, significare : quod conue-

nit etiam verbo substantiuo, *Ens* est, quod nunc rem actu existentem, vt in propositionibus de secundo adiacente ; nunc essentiam, vel saltem essentialis prædicati convenientiam, vt in propositionibus de tertio, significat. Et hanc quidem duplicem significationem paucis completatur Aristoteles 3. de Anima. cap. 4. vbi habet : *Aliud est magnitudinem esse, & aliud magnitudinis esse.* i. aliud est magnitudinem existere, aliud est magnitudini inesse suam quidditatem. Hoc idem verificatur in quibusdam alijs prædicatis essentialibus, vt in hac voce *viuentis*, quæ vt participium verbi *viui*, significat actum viuendi, & vt nomen substantiuum eiusdem verbi, gradum vitæ, seu viuentis essentiam denotat ; quomodo in Categoria Substantiæ, tanquam attributum essentialie continetur. Ratione prioris significationis, dicimus Scotum mortuum, quia actu non viuit. Ratione posterioris, dicimus esse viuentem, quia cùm sit homo & animal, gradu vitæ non caret. Merito itaque dubitari potest an cùm in Metaphysica de Ente disceptatur, id solùm quod actu est, vel potius indifferenter tam id quod est, quàm id quod potest esse, eius nomine significetur? Quidam ex Thomistis, quos refert Maius, ex doctissima Prædicatorum familia, lib. 1. sup. Metaphysicæ cap. 3. & lib. 2. cap. 12. volunt entis nomine existentiam significari : illemet verò non existentiam, sed potius essentiam denotari sustinet.

Concludit
Scotus
rationem
Entis
non
consti-
tere in
respec-
tu vltro
nec
exem-
plar ad
exem-
plar,
nec
produ-
cti aut
effectus
ad effi-
ciens :
sed in
esse es-
sentiae
& exi-
stentiæ,
vel sal-
tem in
non re-
pugna-
tia ad
illud
utrum-
que ef-
fe.

Ens
duobus
modis
specta-
tur, vt
partici-
pium &
vt no-
men
verba-
le.

Duo-
busmo-
dis res
acci-
pitur
ex do-
ctore
Subili.
q. 3.
quodli-
betica.

Prænotandum 3. Ens, sicut & rem, varijs modis usurpari, vt docet Doctor Subrilis q. 3. quodlibet. art. 1. Primò enim sumitur communissimè, prout se extendit ad id omne quod non est nihil: illud autem solùm propriissimè est nihil, quod includit contradictionem; quia quod includit contradictionem excludit omne esse, tam extra intellectum, quàm in intellectu: Quod enim includit contradictionem, sicut non potest esse extra animam, ita non potest esse aliquid intelligibile, seu aliquod ens in anima: numquam enim contradictorium cum contradictorio constituit vnum intelligibile, nec vt obiectum cum obiecto, nec vt modus cum obiecto. Non quidem vt obiectum cum obiecto: quia quod includit contradictionem, coalescit ex multis, quorum vnum est contradictorium alteri, vt chymæra, cuius partes quantumvis sint per se, & separatim intelligibiles, tanquam obiecta veluti partialia: tamen simul vnitz constitutere nequeunt vnum quidpiam intelligibile ex obiecto & obiecto, quippe quorum vnum repugnat alteri, tam à parte rei, quàm à parte intellectus rectè concipientis: nec item vt modus cum obiecto; quia quod includit contradictionem, inuoluit multa simul impossibilia; omnis autem modus debet esse compossibilis cum re cuius est modus. Itaque quod includit contradictionem, non constituit vnum quidpiam intelligibile ex obiecto & modo obie-

cti. Hoc modo igitur communissimè nomen Entis siue rei usurpabitur pro eo omni quod vel esse, vel saltem intelligi poterit: & hæc quidem acceptio quamuis videatur extensa valde, non est tamen impertinens: nam & intentiones logicas, & relationes rationis, entia rationis solemus nuncupare. Secundo modo minus communiter sumitur Ens siue res pro eo solùm quod habet vel habere potest esse extra animam: & sic entia rationis non sunt entia, sed nihil; non quidem nihil quod includit contradictionem: sed nihil quod nec est, nec esse potest aliquod ens extra animam. Tertio modo nimis strictè nomen entis siue rei denotat apud Boëtium 1. de Trinit. cap. 10. illud solùm quod ita propriè est ens & res, vt non sit modus vel circumstantia rei: sicque secundum ipsum, finitas, infinitas, actus, potentia, & fortè septem postrema summa genera non sunt res & entia. Quarto strictissimè sumitur ens apud Aristotelem 7. Metaphysic. pro sola substantia: nam eò loci dicit Accidentia non esse entia nisi entis: quod, quo modo sit intelligendum, inferius dicemus. Iam queritur quid horum, entis nomen, quod apud Metaphysicos passim circumfertur, intelligatur?

Prima Conclusio.

ENtis nomine sumpto absolute, & sine vlla modificatione, non ens in anima, sed ens extra animam semper in-

telligitur. Probatur: Analogum in propositione, positum stat semper pro potiori significato: Sed Ens respectu Entis in anima, & Entis extra animam, est analogum, immò & arguiocum, ut sequenti quæstione dicitur: Ergo in quacumque oratione siue propositione, siue modificatione, positum, stare debet pro potiori Entis significato: At illud est Ens extra animam: Nam Ens in anima, non tam est Ens, quàm Entis similitudo: Ergo Entis nomine sumpto absolute, & sine modificatione, non Ens in anima, sed Ens extra animam debet intelligi. Confirmatur exemplo huius vocis, *homo*, quæ absolute sumpta, non pictum, sed verum hominem significat.

Secunda Conclusio.

Quamvis Entis nomine, omne Ens extra animam intelligatur; non tamen primum & proxime id quod quouis modo est extra animam, puta passionēs & proprietates Entis, sed ipsum Ens, cuius sunt tales proprietates, debet intelligi. Probatur. Nam cum profertur ista dictio, *Ens*, intellectus statim non concipit passionem aliquā, veri, scilicet, aut boni rationem; sed ipsum gradum universalissimum ab his & illis rebus; his, aut illis rationibus, constitutis, hoc vel illo modo affectis, abstractissimum, quo simplicissime quidpiam esse aliquid actu, vel potestate, & non esse nihil, dicitur. Ergo licet Entis nomine, omne Ens extra animam in-

telligatur; non tamen primum & proxime id quod quouis modo est extra animam; sed illud solum quod habet rationem illam simplicissimam essendi aliquid, & non essendi nihil, primum, directe, & ex germana vocis significatione debet intelligi.

Tertia Conclusio.

Entis nomine, nec existentia, nec essentia proprie significatur. Probatur ex ratione significationis Concretorum & Abstractorum. Ens sumptum tam ut participium, quàm ut nomen, est quid concretum. Ergo rem abstractam simpliciter non significat. At existentia & essentia sunt abstracta, existentia quidem modus seu forma quā aliquid actu est, essentia verò forma quā aliquid simpliciter esse dicitur. Ergo Ens nec existentiam, nec essentiam proprie significat. Et certe qui ita loquuntur, eodem modo loquuntur ac si dicerent albi nomine albedinem denotare, cum potius id quod habet albedinem significetur.

Quarta Conclusio.

Ens ex usu Metaphysicorum, non usurpatur quā participium, ut id quod actu est duntaxat denotet; sed quā nomen, ut tam id quod est, quàm illud quod potest esse, & cui non repugnat essentia & existentia, indifferenter significet. Probatur hæc communi ratione: Res considerantur in scientiis prout abstrahunt

Cōcreta non significant formas in abstracto.

Resque
confide-
rantur
instan-
tijs, ab-
strahit
ab exi-
stentia.

abstrahunt ab existentia: quia considerantur quatenus perpetuæ sunt; ut autem actu existentes, non sunt perpetuæ. Ergo Ens quod consideratur in Metaphysica, quæ est vera scientia, debet abstrahere ab existentia: proindeque sumi non debet ut rem actu existentem, sed ut id quod est, vel quod potest esse, significat.

QVÆSTIO SECVNDA.

*Quæ & qualis sit divisio Entis
in Ens rei, & Ens
rationis?*

Entis al-
iud rea-
le, aliud
ratio-
nis.



VÆSTIO supponit Entium aliud esse reale, aliud rationis: seu aliud esse extra animam, & aliud in anima, ut loquitur Aristoteles.

Ens ratio-
nis sumitur
tribus
modis
ex Sco-
to in 4.
dist. 1.
q. 2.

Prænotandum tamen 1. Ens rationis tribus modis usurpatur, ut docet Doctor Subtilis in 4. dist. 1. q. 2. Primo modo, pro eo quod habet esse in anima, vel intellectu seu ratione, tanquam in subiecto & in causa, ut species, actus, habitus, verbum mentis, & similia, quæ & directè produciuntur à ratione tanquam à propria causa, & remanent in ratione tanquam in proprio subiecto. Ex Arist. 3. de anima. c. 5. ubi habet: *Reliè igitur, in-
guunt, qui dicunt animam esse lo-
cum specierum: praterquam quod
nec tota, sed intellectiva; nec actus,
sed potestate, est species illa.* Secundo sumitur pro eo quod est

in intellectu obiectivè, seu quod obicitur intellectui cognoscendum, ut uniuersalia, ex eodem Arist. 2. de anima. cap. 5. mihi pagina 637. & in antiquis impressionibus text. 60. ubi dicit: *Ipsa autem, supple uniuersalia, sunt quodammodo in ipsa anima:* Quodammodo, id est, obiectivè, ut interpretantur nostri. Tertio denique accipitur Ens rationis, vel pro eo quod cum nihil sit, apprehenditur tamen, ex imperfectione intellectus nostri, per modum Entis, ut negationes & priuationes: Vel pro eo quod remanet in obiecto cognito, vel comparato, ex eo quoddam cognitum vel comparatum ad aliud, fuerit, ut genus, species, attributum, subiectum, & alia similes relationes rationis, vel secundæ intentiones, ac etiam denominationes extrinsecæ, quibus denominantur obiecta ex operatione intellectus, vel alterius facultatis collatiuæ circa ipsa.

Ens rationis primo & secundo modo sumptum, non est Ens rationis simpliciter, sed Ens reale: quod patet primò de Ente rationis primo modo sumpto; tum quia quod inhæret realiter subiecto reali, illud censetur accidens reale; tum quia quod per se & directè sit à causa reali, est Ens reale; tum quia quod continetur per se in Categoria Qualitatis, est Ens rei, quia in Categorijs solam Entia rei collocantur: Ens rationis primo modo sumptum est huiusmodi: Ergo simpliciter est Ens reale. Patet etiam de Ente rationis secundo modo usurpato: quia

illud est natura aliqua realis representata sub vniuersalitate intellectui vt intelligatur, ita tamen vt vniuersalitas non sit pars conceptus eius primi, nec modus cum natura ipsa intellectus, sed modus dumtaxat naturam intelligendi: & ita quantumuis vniuersalitas ipsa fieret ab intellectu; (de quo alijs) tamen illud ens rationis quod est obiectiue in intellectu, non est simpliciter ens rationis, sed rei: quia quod primò & perse obijciatur intellectui, est natura realis, nõ vniuersalitas. Ita Scotus noster in 2. dist. 3. q. 1. §. *ad questionem*. Ens rationis tertio modo sumptum, quod scilicet est simpliciter ens rationis, & nullo modo reale, illud est quod habet esse dumtaxat per actionem intellectus considerantis. Verùm huius entis rationis natura, causis, & proprietatibus nunc omiſſis; queritur quānam ratione se habeat ens ad ens rei, & ens rationis: An scilicet omnium prima diuisione diuidatur in illa duo membra? & an illa diuisio sit vniuoci in vniuocata, vel potius æquiuoci in æquiuocata?

Diuisio
vna
duobus
modis
dici
potest
prior
altera.

Prænotandum 2. duobus modis vnā diuisionem esse posse altera priorem; vno modo secundum dignitatem, & altero secundum naturam. Illa est prior secundum dignitatem, cuius membra diuidentia sunt alijs nobiliora: Illa verò est prior secundum naturam, cuius membra diuidentia magis distant. Nam lex optimæ diuisionis est, vt tradatur per membra contraria: quæ autem magis distant, sunt

magis contraria: ergo diuisio tradita per membra magis distantia, erit omnium prima secundum naturam.

Prænotandum 3. *Vniuoca seu synonyma ex Aristotele in Antepredicamentis, esse quod: vnum nomen est commune, & ratio substantia secundum illud nomen, eadem. Equiuoca autem seu homonyma, quorum nomen quidem est commune, sed ratio substantia, secundum illud nomen, diuersa.* Inter hæc autem vniuoca & æquiuoca, non datur medium, vt obseruat Doctor Subtilis in 1. dist. 8. q. 2. Non enim primò denominatiua media sunt inter illa; nam licet non prædicentur vniuocè de suis subiectis, quia de illis non prædicantur essentialiter, sed denominatiue; tamen sunt prædicata vniuoca, quia tribuunt eandem rationem, licet accidentariam, secundum idem nomen, suis subiectis, vt patet de albo respectu niuis & parietis. Nam hoc discrimen statuitur à Doctore nostro in 1. dist. 3. q. 3. & in 3. dist. 7. q. 1. inter vniuocè prædicari, & esse prædicatum vniuocum, quod illud sit prædicari secundum eandem rationem essentialē vniuocatis; hoc verò sit prædicari secundum eandem rationem accidentariam inferioribus. Non mediante etiam analogia inter vniuoca & æquiuoca. Nam inter vnum & multa, nullum medium inueniri potest in rebus; ergo nec in vocibus, inter significare vnum & multa, medium inuenietur. At vniuoca & æquiuoca opponuntur penes significare vnum & multa; er-

Inter
vniuoca
&
æqui-
uoca
non
datur
mediū.

Quid
sit vniuocè
prædicari,
&
esse
prædicatum
vniuocum.

go inter ea nullum potest constitui medium. Si igitur nomen aliquod significat quidpiam vnum multis commune, vniuocum est: si verò plura, æquiuocum. Quare nullum est analogum quod sit simpliciter tale; sed vel est analogum vniuocum, vel analogum æquiuocum: Analogum quidem vniuocum; si ratio eius vna & eadem conueniat multis, cum ordine tamen; ita vt prius dicatur de vno, quàm de altero: Vt v.g. ratio animalis respectu hominis & bruti, quæ eadem, cum ordine tamen, competit illis. Prius enim, hoc est nobilius, ratione scilicet nobilioris differentię, conuenit homini quàm bruto: Non enim homo dicitur perfectior homo quàm brutum, sed perfectius animal. Et quidem quia ratio illa animalis est eadem in homine & bruto, dicitur vniuoca: quia autem in illis est cum ordine quodam, dicitur analogica. Hęc doctrina est Aristotelis 7. Physic. cap. 4. text. 3r. & 10. Metaphysic. text. 26. & alijs in locis, in quibus docet analogiam in natura generum subesse, quam analogiam D. Thom. in 1. dist. 19. q. 5. art. 2. vocat analogiam secundum esse, & Caietanus in libello de analogia nominum cap. 1. analogiam inæqualitatis; & hanc stare cum vniuocatione nullus inficiatur. Analogum æquiuocum est cuius ratio est diuersa in multis, seruata tamen similitudine vnus cum altera, vt ratio risus respectu hominis & prati, quæ diuersa omnino in homine & prato, propter simi-

litudinem tamen quam habet pratum cum flore, cum risu hominis, dicitur analogica æquiuoca: & quidem quia diuersa est in vtroque, dicitur æquiuoca: quia autem cum ista diuersitate formali, seruat similitudinem aliquam, dicitur analogica. Hinc patet qua ratione dixerit Scotus noster in 1. dist. 8. q. 2. §. ad argumenta opinionum opposita, ad tertium, solam vnitatem attributionis non ponere vnitatem vniuocationis: quia vnitatis attributionis minor est vnitatis vniuocationis; minor autem vnitatis non concludit maiorem, licet stare possit cum illa, sicut v.g. quæ sunt vnum genere, sunt vnum specie, licet vnitatis generis sit minor quàm vnitatis speciei. Nam his verbis intendit non omne Analogum attributione debere esse vniuocum, sed esse indifferens ad hoc vt sit vniuocum vel æquiuocum, prout eius ratio se habebit respectu eorum quibus conuenit. Sunt itaque duo vniuocorum genera, & totidem æquiuocorum. Primum genus vniuocorum est eorum quæ habent eandem rationem, & eodem omnino modo distributam inferioribus, & eius generis vix reperiuntur alia quàm species infimæ, quarum rationes eadem & eodem modo, ratione differentiarum individualium, æqualis omnino perfectionis aut imperfectionis, participantur à suis inferioribus: & hæc dicuntur purè vniuoca. Alterum genus est eorum quorum est eadem ratio, non tamen eodem modo, sed cum ordine

communicata inferioribus : sic sunt genera & species nō infimę : & ista dicuntur vniuoca analoga. Primum item genus æquiuocorum est eorum quę habent diuersam omninō rationem, & nulla similitudine communicatam multis : & hæc sunt purē æquiuoca. Alterum est eorum quorum est diuersa ratio, cum aliqua tamen similitudine & proportionē inexistente in multis, vt ridere respectu hominis, & prati : & ista dicuntur æquiuoca analoga. Quod si quis inde velit inferre inter purē æquiuoca, & purē vniuoca, dari medium, nempe vniuoca analoga, & æquiuoca analoga : dicendum erit illa non esse media, ratione rationis eorum, quę participatur ab inferioribus, quę semper est vna vel multiplex; sed tantū ratione illius rationis, vt participatur ab iisdem inferioribus. Participare enim rationem diuersam seruata similitudine, in quo consistit ratio Analogi æquiuoci ; & participare rationem eandem, seruato ordine, aut dependentia, in quo consistit ratio Analogi vniuoci, videntur mediare inter participare eandem rationem eodem omninō modo, in quo consistit ratio puri vniuoci, & participare rationem diuersam, nulla seruata similitudine, in quo consistit ratio puri æquiuoci. Quare cū definiuntur analoga : *quorum nomen est commune, & ratio substantia, secundum illud nomen, partim eadem, partim diuersa* : distinctione opus est. Ratio enim substantię quę participatur, in

se necessariō est vel eadem, vel diuersa : vt autem varijs modis & rationibus participatur, est partim eadem, partim diuersa. Vltra quod hæc doctrina est Doctoris nostri, & interpretum eius Radę in 1. controuerſ. 27. art. 1. & Posnaniensis in 1. dist. 3. q. 1. art. 3. dubit. 3. Item Ochami in 1. dist. 1. q. 9. lit. e. dicentis nullam esse prædicationem analogam distinctam contra prædicationem vniuocam, & æquiuocam : videtur etiam non obscurē insinuata ab Arist. qui in Antepædicamentis agens de æquiuocis & vniuocis, vt hæc admitteret ad Categorias, illa ab iisdem arceret : non meminit analogorum, quorum tamen eo loci præsertim, mentionem debuisset facere. Item 1. Posterior. dicit quod simile, quod quidem dicitur de colore respectu coloris, & de figura respectu figurę, est æquiuocum, & secundum analogiam dictum. Confirmari etiam potest discurrendo breuiter per omnia analogorum genera. Cū enim analogorum alia sint attributionis, alia proportionis seu proportionalitatis ; & attributionis quidem, alia sint quorum ratio est eadem in analogatis, vt animal v. g. cuius ratio est eadem in suis speciebus, quę dicuntur tamen analogata attributionis, quia minus nobiles per quandam attributionem, respiciunt nobiliorem tanquam suam mensuram & metrum : Alia sint, quorum ratio est omninō diuersa, vt sanum respectu animalis, diætę, potionis, & deambulationis : Nam causare sani-

tatem, & esse formaliter sanum, sunt rationes secundum se diuersæ. Proportionis verò, alia sint metaphorica, vt ridere respectu hominis, & prati: Alia verò propria, vt pes respectu extræ partis animalis, montis, & scamni, & principium respectu fundamenti domus, puncti lineæ, & præmissarum demonstrationis: Constat iam primò, analogorum attributionis priora esse vniuoca, & posteriora æquiouoca; nam nulla est ratio sanitatis v.g. in qua animal, dicta, & potio non sint omnino diuersa: quia tamen cum ista diuersitate æquiouoca, deambulatione, potio, & dicta attribuuntur ad animal, cuius sanitatem efficiunt; hinc fit vt illa non sint simpliciter æquiouocata, sed æquiouocata analogata. Constat etiam analogorum proportionis priora esse æquiouoca; quia ridere propriè dicitur de homine, & per metaphoram solum de prato florente: posteriora autem esse vniuoca, vt communiter fatentur moderni ex Arist. 5. Metaph. cap. 1. vbi enumerans v. g. principia omnia diuersæ rationis, asserit illa conuenire in ratione principij, his verbis: *Omnibus igitur principijs commune est esse primum, unde aut est, aut fit, aut cognoscitur.* Ergo analogata non sunt media inter vniuoca & æquiouoca; sed omne planè analogum est aut vniuocum, aut æquiouocum, prout eius ratio se habet ad illa, de quibus dicitur.

His positis controuertitur inter Scholasticos, an ad Ens rei & ad Ens rationis, Ens traufcen-

dentissimè sumptum sit synonymum, vel homonymum? Et si homonymum, an purè homonymum, an homonymum analogum? Aliqui, quos refert Franciscus Suarez tom. 2. Metaphysic. disput. 47. sect. 3. nu. 2. existimant aliqua saltem Entia rei & Entia rationis synonymè conuenire, nimirum relationes reales, & relationes rationis, ad quas docent genus prædicamenti ad aliquid, esse synonymum. Pro hac sententia refertur D. Thom. 1. p. qu. 28. art. 1. vbi habet: *Considerandum est quòd solum in ijs qua dicuntur ad aliquid, inueniuntur aliqua secundum rationem tantum, & non secundum rem.* Quibus verbis, inquit Suarez, sentit ea quæ secundum rationem tantum referuntur, verè ac vniuocè esse ad aliquid: nam si solum esset sermo de denominatione æquiouoca, vel analogata, non tantum in eis quæ sunt ad aliquid, sed etiam in alijs generibus, inuenirentur aliqua secundum rationem tantum, vt cæcitas in qualitate, & sic de alijs. Citatur adhuc art. 2. eiusdem quæst. & quæstione 13. art. 7. & quodlibet. 1. art. 2. & alibi sæpè. Vnde Cajetanus dictis locis 1. p. apertè sentit ipsum esse, ad vniuocè dici de relatione reali, & de relatione rationis: Ita etiam Capreolus in 1. dist. 33. q. 1. & Soncinnas 5. Metaphysic. q. 16. conclus. 2. quamquam Masius lib. 1. Metaphysic. cap. 7. citet hunc 4. Metaphysic. q. 5. & 10. q. 1. pro sententia eorum qui docent Ens esse purè homonymum ad Ens rei & rationis,

Idem Maſus eodem 1. Meta-
phyſic. cap. 9. in ſolutione vl-
timi argumenti, putat Scotiſtas
etiā exiſtimare Ens habere
vnicū conceptum, & eſſe ſy-
nonymū ad Ens rei & ad Ens ra-
tionis, ſed immeritō; quia nullus
Scotiſta hanc Doctrinā vſ-
quam tradidit. Alij innume-
ri docent Ens eſſe purē homo-
nymū ad Ens rei & rationis.
Alij conſent eſſe quidem homo-
nymū, at non purē, ſed ho-
monymū analogum. Verita-
tem ſequentibus conſuſionibus
aperio.

Prima Concluſio.

Diuiſione omnium prima ſe-
cundum naturam, Ens di-
uidi debet in Ens extra animā,
& in Ens in animā. Ultra
quōd hæc conſuſio patet ex 2.
prænotato; eſt inſuper Doctō-
ris Subtilis in 1. d. 36. q. vnica,
in reſponſionibus ad argumenta;
& in hunc modū declaratur: Di-
uiſio Entis in Ens extra animā,
& in Ens in animā, eſt omnium
communiſſima & generaliſſima;
Cæteræ enim diuiſiones Entis,
quotquot ſunt, min⁹ latē pa-
tent, continenturque ſub alter-
utro membro huius diuiſionis.
Ergo hæc diuiſio eſt omnium pri-
ma ſecundum naturam.

Secunda Concluſio.

Ens non eſt vniuocum ad
Ens rei, & rationis. Con-
cluſio eſt expreſſa Doctōris Sub-
tilis in 1. diſt. 29. q. vnica, vbi
querens, An ratio principij di-
catur vniuocē ſeu ſynonymē de

principio eſſentiali, & notionali
in diuinis? Reſpondet negati-
uē, non aliā ratione, niſi quia
principium vt ſumitur eſſential-
iter in diuinis, non dicit niſi
reſpectum rationis, quia reſpe-
ctum ad creaturas: Dei autem
ad creaturas nullus eſt realis reſ-
pectus, ſed rationis tantum, vt
probat eodem 1. lib. d. 30. q. 2.
Principium autem vt ſumitur
notionaliter ſeu perſonaliter, di-
cit reſpectum realem: Docent
enim communiter Theologi pa-
ternitatem, filiationem, & alias
relationes perſonales ſeu notio-
nales, in diuinis, eſſe reales; En-
ti autem reali, & Enti rationis
nihil eſt commune vniuocum;
Quia, inquit, *ei quod eſt ſecun-
dum quid tale, & ei quod eſt ſim-
plicit̃er tale in quantum tale, non
eſt commune vniuocum illud quod
accipitur in eis ſecundum quid, &
ſimplicit̃er.* Accedit ratio: Ens
communiſſimē ſumptum, & vt
competit Enti rei & Enti ratio-
nis, non poteſt habere vnum
conceptum: Ergo non poteſt
ſynonymē dici de Ente rei, &
Ente rationis. Conſequentia
patet, Antecedens probatur. Vel
ille conceptus conſiſteret ſeclu-
ſo opere intellectus, vel non; ſi
conſiſteret, ergo aliquid conſiſ-
tens præter opus intellectus,
includeretur quidditatiuē in eo
quod non eſſet præter opus in-
tellectus, cuiuſmodi eſt Ens ra-
tionis. Si non eſſet præter, ſed
per opus intellectus: ergo ali-
quid habens eſſe tantū per in-
tellectum, includeretur quiddi-
tatiuē in eo quod haberet eſſe
præter opus intellectus, quod
quidem fieri nequit. Ergo con-

Enti rei
& Enti
rationis
nihil eſt
cōmu-
ne vni-
uocum.

ceptus Entis cōmunissimè sumpti & indifferentis ad Ens rei, & Ens rationis, non est vnus; nec adèd synonymus.

Noster Franciscus Mayronis nititur soluere hanc rationem, dicens quodd conceptus Entis nec est realis, nec rationis formaliter; sed tantum permissiue; sicut animal nec est rationale nec irrationale formaliter, sed tantum permissiue seu potestatiue. Vetum hæc solutio nulla est. Nam animalis præcisi à rationali & irrationali, datur vna ratio sine contradictione: Entis autem vt abstracti ab Ente rei & Ente rationis dari non potest vna ratio sine contradictione, vt probat ratio allata.

Obiect.
2.

Obijcies 1. Doctor Subtilis quæst. 3. quodlib. art. 1. docet Ens communissimè acceptum, & prout est indifferens ad Ens rei, & Ens rationis, posse poni primum obiectum nostri intellectus. At obiectum primum nostri intellectus debet esse vniuocum, vt colligitur ex eodem Doctore in 1. d. 3. qu. 3. Ergo Ens in se, synonymè seu vniuocè dicitur de Ente rei, & Ente rationis.

Solutio
Quo-
modo
Ens cō-
munis-
sumptum sit
primum
obiectū
intellectus.

Respondetur distinguendo maiorem, scilicet Ens eo modo acceptum posse, poni primum obiectum nostri intellectus, quocumque modo illud se habeat ad intellectum, siue mouendo siue terminando actionem eius; siue obijciatur vt per se intelligibile, siue vt intelligibile tantum per accidens; Sive vt intelligibile directum, siue vt intelligibile reductiuum; siue vt intelligibile secundum se, siue vt in-

telligibile secundum quid; siue vt intelligibile in se & sua vi, siue vt intelligibile in alio & vi alterius: Non autem posse poni primum, primitate obiecti motiui per se, & primò intelligibilis; nam istud est tantum Ens reale, vt docet in 1. dist. 3. qu. 3. Hoc modo verò licet obiectum primum intellectus sit vniuocum; Priori tamen modo non potest esse vniuocum, nec illius datur vnica ratio, quæ primò & per se apprehendatur ab intellectu.

Obijcies 2. Quorum passio Obiecti est vniuoca, eorum ratio est synonyma: Sed Entis realis, & Entis rationis, quædam passio est vniuoca: ergo huius vtriusque Entis ratio erit vniuoca. Maior est euident, quia cū passio proximè emanet à ratione & natura rei, rectè à posteriori, ex passione vniuoca, colligi poterit ratio vniuoca. Minor probatur: Intelligibilitas est passio Entis; Sed illa est vniuoca Enti rei, & Enti rationis: ergo Entis rei & Entis rationis quædam passio est vniuoca. Maior item est euident. Minor probatur: Sicut intelligibilitas per se, competit Enti reali, ita intelligibilitas per se, conuenit Enti rationis, putà secundis intentionibus: aliàs secundæ intentiones per se non considerarentur à Logico; ergo penes hoc, videtur intelligibilitas synonymè dici de Ente reali, & Ente rationis. Omissis multis quæ habet Lichetus noster de hac re in 1. d. 3. q. 3. §. *Quantum ad secundum articulum principalem*: Respondeo breuiter ne-

Solutio.

gando minorem posterioris syllogismi; & ad ultimam probationem dicendo ly, *per se*, respectu intelligibilitatis entium rationis, sumi posse dupliciter; primò itau per seitas illa (si ita fari liceat) cadat in entia rationis, & efficiat hunc sensum; Entia rationis sunt per se intelligibilia; secundò itaut cadat in scientiam, vt sit sensus: Entia rationis, vel secundæ intēctiones, quocumque modo sunt intelligibiles, intelliguntur & considerantur per se à Logico; Priori modo, falsum est entia rationis esse per se intelligibilia, quia intelligi possunt solum in alio, & virtute alterius, nimirum entis realis: & hoc modo tamen per seitas intelligibilitatis eorum potest causare vniuocationem inter illa, & entia realia; quia hoc modo potest intelligibilia esse vniuocationis entis: Posteriori modo, nullam potest causare vniuocationem; quia quantumuis Logicus consideraret per se secundas intēctiones, non eas tamen consideraret vt per se & vi propria intelligibiles, sed abstrahendo à ratione quā possunt intelligi, illas per se & non per accidens consideraret. Adde quoddā valde dubium est, an Logicus consideret per se secundas intēctiones; An verò potius quatenus inferuiunt actionibus intellectus dirigendis.

Tertia Conclusio.

ENS communissimè sumptum est æquiuocum ad ens rei & ens rationis; non tamen

purè æquiuocum, sed æquiuocum analogum. Conclusio est communis in nostra Schola, vt videre licet apud Anthonium Sirectum in suis Formalitatibus art. 1. principali. Ens, inquit, diuiditur in ens reale, & ens rationis: & ista est diuisio æquiuoci analogi in sua æquiuocata analogata. Probatur: Illud est æquiuocum analogum, cuius nomen est commune, & ratio secundum illud nomen, diuersa: seruatur tamen attributione, vel proportionem vnius ad aliud. Sed ens communissimè sumptum est huiusmodi respectu Entis rei, & Entis rationis. Nam in primis nomen est commune, & ratio diuersa: quia ratio Entis realis consistit in eo quoddā existat vel possit existere independentē ab intellectu: Ratio autem Entis rationis consistit in eo quoddā nec existat nec possit existere independentē ab intellectu, aut aliter facultate habente vim fabricandi entia rationis. Præterea seruatur attributio vnius ad alterum: Nam Ens rationis attribuitur ad ens reale tanquam ad suum metrum & mensuram, à qua mensuratur eius entitas, existentia, & intelligibilia. Adde quoddā ens rationis est intelligibile per ens reale, sicut negatio est cognoscibilis per affirmationem, & privatio per habitum. Seruatur etiam inter vtrumque aliqua proportio vel proportionabilitas, vt docet noster Vallo. Quia sicut se habet ens reale respectu suorum inferiorum in suo ordine, sic se habet ens rationis respectu suorum, in suo etiam ordine.

ordine. Item sicut se habet intelligibilitas Entis realis, ad Ens reale; Ita se habet intelligibilitas Entis rationis, ad Ens rationis: Nam sicut illa est intelligibilitas per se, quia Ens reale est Ens per se (perfectate scilicet opposita Enti secundum quid:) Ita ista est intelligibilitas secundum quid; quia Ens rationis est Ens secundum quid. Ergo Ens communissimè & transcendentalissimè sumptum, est æquiuocum analogum ad Ens reale, & Ens rationis.

QVÆSTIO TERTIA.

Quid sit Ens rationis?

PRÆMISSA diuisione Entis, in Ens reale, & in Ens rationis: operæpretium duxi priusquam de Ente reali, quod est propria Metaphysicæ materia, disputem, pauca præmittere de Ente rationis: non quòd eius consideratio per se ad Metaphysicam pertineat, sed quia per accidens debet illud speculari, eodem modo quo Physicus contemplando per se locum, contemplatur quoque per accidens vacuum, quod loco priuatiuè opponitur. Non possum autem imprimis non conqueri de illis qui adeò prolixas disputationes instituunt de huiusmodi signmentis, ut quæ vno verbo explicari possunt, innumeris implicent difficultatibus, scribendo etiam multa falsa, & turpiter im-

nendo veteribus authoribus ea quæ nunquam in mentem eorum venerunt. Ita modernus aliquis, qui duos ingentes tomos in Logicam edidit, in suis prolegomenis parte 1. qu. 4. cap. 1. nitens ostendere Entia rationis non indigere cognitione reflexa, ut fiant; citat Scotum 7. Metaphysic. qu. 10. & Antonium Andream ibidem, quæst. 9. & Scotistas omnes, pro opposita sententia, cum tamen illi dictis locis ne quidem Entium rationis meminerint, & alibi vbi cumque de illorum effectiōne loquantur, nusquam dixerint ad id, opus esse cognitione reflexa intellectus, imò neque id quidem ex eorum dictis colligi possit. Sed omittamus hos scriptores, & mentem Scoti nostri breuiter aperiamus.

Prænotandum itaque primò ex Scoto in 4. dist. 1. quæst. 2. paulò post initium, Ens rationis propriè definiri non potest, quia quod verè & propriè definitur, debet habere veram & propriam quidditatem: At Ens rationis non est huiusmodi: cum enim non sit res, non est etiam quid: proinde quidditatem non habet. Restat itaque ut Entis rationis aliqua possit assignari ratio neminis, vel descriptio explicans illius quaecumque esse.

Prænotandum 2. actionem intellectus esse, vel absolutam, vel relatiuam. Absoluta est quæ cognoscimus rem absolutè, & sine ordine ad aliud, ut cum cognosco hominem esse animal. Comparatiua seu relatiua est quæ cognoscitur res cum ordine &

Ens ratio-
nis
propriè
definiri
non
potest.

Actio
intellectus
multi-
plex.

habitudine ad aliud, vt cū cognosco hominem referri ad indiuidua. Vtraque ista actio intellectus est iterū vel directā, vel reflexa. Directa est quā res primò & directè cognoscitur, vt cū intelligo hominem, animal, &c. Reflexa est quā res cum reflexione cognoscitur, vt cū v. g. intelligo me intelligere. Idem dicere possumus de actionibus voluntatis, quæ est etiam facultas directā, collatiua, & reflexiua. Directa quia directè, simpliciter, & absolūtè vult: Collatiua, quia potest vnum conferre cum altero, putā vnum medium ordinatum ad finem cum altero, vel etiam multa media cum fine. Tandem reflexiua, quia potest reflecti supra suam actionem, vt cū v. g. vult se velle.

Prænotandum 3. Ens rationis communiter diuidi in fictitium, & fundatum; fundatum insuper subdividi in negationes, & relationes. Ens rationis fictitium est quod absque vllō fundamento, simpliciter fingitur ab intellectu, vel ab alia facultate habente virtutem fingendi, & copulandi extrema impossibilia, cuiusmodi est phantasia. Huius generis sunt Chimæra, Hircoceruus, & similia, quæ vulgò entia prohibita & impossibilia nuncupantur. Ens rationis fundatum est quod vel fingitur in aliquo fundamento, vel resultat in aliquo fundamēto, ex operatione intellectus, vel alterius potentie collatiue circa ipsum: & quidem negationes & priuationes sunt entia rationis ficta in fundamento,

nam quatenus sunt Entia rationis, nihil aliud sunt quā formæ quædam, quæ finguntur malè afficere subiecta, quorum sunt negationes & priuationes: Verbi gratiā, cæcitas quatenus est Ens rationis, nihil aliud est quā forma quædam praua, ficta ex imperfectione intellectus non potentis semper cognoscere res vt sunt, vt pessimè afficiens oculum: alioqui enim cæcitas est Ens reale, saltem priuatiuum, quia est in subiecto priuato, nullo cogitante intellectu. Cætera Entia rationis quæ habent esse per resultantiam, sunt relationes rationis, vel denominationes extrinsecæ, vt sunt verbi gratia, genus, species, prædicatum, subiectum, & similia. His positis, sic

Prima Conclusio.

Definitio Entis rationis, quæ vulgò tradi solet, quā dicitur Ens rationis esse id quod cū non habeat veram Entitatem, cogitatur tamen ab intellectu per modum Entis; non est legitima. Probatur: quia relationes rationis sunt Entia rationis: neque tamen opus est vt concipiantur per modum Entis, ad hoc vt sint Entia rationis. Ergo definitio vel descriptio allata non est legitima, & vniuersim vera. Maior patet. Minor probatur: quia ex eo, verbi gratia, quod intellectus formauit hanc propositionem: *Petrus est homo*, resultat in homine, relatio prædicati ad Petrum; & in Petro, relatio subiecti ad hominem; quæ

Ens rationis multiplex.

relationes sunt Entia rationis, ex illa mera resultantia, absque eo quod intellectus reflectatur supra illam suam operationem, & apprehendat rationē prædicati & subiecti per modum Entis. Ergo relationes rationis non sunt Entia rationis, ex eo præcisè quia apprehenduntur ad modum Entis. Confirmatur ex Doctore Subtili in 1. dist. 2. qu. 2. §. *Sed hic restat*. Vbi dicit illud omne quod ponitur, vel quod reperitur in aliquo, ex sola operatione intellectus, absque impressione facta ab obiecto, esse Ens rationis. Et in 4. dist. 1. qu. 2. ubi dicit relationem rationis nihil aliud esse quàm comparisonem, quā obiectum aliquod consideratum comparatur ad aliud, per actum intellectus comparantis. Ecce iterum in 1. dist. 35. ubi dicit quod *in eodem instanti, in quo intellectus diuinus producit lapidem in esse intelligibilem, est relatio in lapide ad intellectum diuinum intelligentem ipsum*: Relatio, inquam, rationis, non realis: Ex quibus omnibus locis, constat de mente Scoti, non esse opus actione reflexa intellectus, quā concipiatur aliquid per modum Entis, cum tamen non habeat veram Entitatem, ad hoc ut sit Ens rationis. Fateor descriptionem illam conuenire posse Entibus rationis purè fictitijs, & fictitijs in fundamento, ut patet ex eorum natura: falsum est tamen vniuersim conuenire omnibus Entibus rationis, quia non relationibus rationis, ut dictum est.

Secunda Conclusio.

ENS rationis vniuersim describi potest, id quod fingitur ab intellectu, cum non sit; vel quod resultat ex aliqua operatione intellectus, vel alterius potentiz collatiuæ circa obiectum aliquod primò consideratum, absque vlla impressione facta ab illo obiecto. Conclusio ista patet ex dictis: & amplius declaratur ex eo, quia hæc descriptio complectitur omnia Entia rationis tam ficticia simpliciter, quàm ficticia in fundamento, ac ea etiam quæ habent esse per resultantiam, ut sunt relationes rationis, & denominationes extrinsecæ, quibus denominantur obiecta cognita, vel comparata ab intellectu, vel ab alia facultate collatiua. Sicut enim, verbi gratia, ex eo quod oculus videt parietem, sequitur in pariete, denominatio extrinseca, quā denominatur visus: Ita ex eo quod intellectus cognoscat vel comparet obiectum aliquod, sequitur denominatio quædam extrinseca, quā obiectum illud denominatur cognitum, vel comparatum hæc aut illā comparisonem, putā vel subiecti, vel prædicati, vel speciei, vel generis, aut alia simili.

Potro dixi sæpissimè relationes rationis fieri ab intellectu, vel ab alia facultate collatiua: quia Scotus noster sentit in primo, dist. 45. q. vnica, & in tertio, dist. 26. q. vnica. non solum ex actione intellectus, sed etiam ex actione voluntatis, &

Aliæ facultates quàm intellectus possunt etiam facere Entia rationis

expli-
catur-
que
quomo-
do.

etiam fortassis phantasiæ, resultare entia rationis; quod in hunc modum declaratur: quia entia rationis quæ habent esse per resultantiam, vel sunt denominationes quædam extrinsecæ, quæ remanent in obiectis apprehensis, actione simplici; vel sunt respectus rationis, qui consurgunt inter obiecta comparata, actione quadam collatiua; sed hoc utroque modo possunt fieri entia rationis à voluntate; & quidem primo modo; patet: quia sicut ab actione cognoscitiua intellectus, consurgit denominatio quædam extrinseca, esse cogniti, in obiecto; Ita ex operatione volitiua voluntatis, consurgit in obiecto, denominatio extrinseca, esse voliti. Item secundo modo; quia voluntas est facultas collatiua, sicut & intellectus; quod patet ex eo, quia potest comparare bonum aliquod ad finem. Ergo quemadmodum ex actione collatiua intellectus, resultat inter obiecta comparata, respectus aliquis rationis: Ita ex actione collatiua voluntatis, resultat inter obiecta comparata respectus aliquis rationis: rationis, inquam, non ab intellectu qui solus denominatur ratio, sed ex eo quòd respectus ille non sit in obiectis comparatis, ex natura rei: quicquid enim non inest alicui à parte rei, dici solet ens rationis. Id optimè explicat Doctor Subtilis in 1. dist. 45. his verbis: *Sed tunc argues: Si volitum habet relationem ad voluntatem diuinam, aut relationem realem, aut secundum rationem tantum: si realem,*

igitur fundamentum suum est reale: ergo illa res habet esse reale ab aeterno. Si relationem rationis tantum: contra, non est per actum intellectus diuini comparanti obiectum illud ad intellectum suum: ergo non est relatio rationis in eo. Licet enim intellectus diuinus primo comparet illud obiectum ut cognitum, ad intellectum suum, quàm sit volitum ab ipso: & in illo priori, cause relationem rationis ipsius obiecti, ut cogniti, ad intellectum suum: non tamen videtur causare aliquam relationem eius ad voluntatem.

Licet hic posset responderi quòd ista relatio voliti ad voluntatem, sit per actum intellectus diuini comparanti obiectum volitum, ad voluntatem suam: quia primo comparat obiectum ad voluntatem suam, quàm comparet ad intellectum suum, si poneretur idem esse sufficere in obiecto intellectus, ut obiectum est cognitum, & voluntati ut volitum est: & quòd nullo modo esset volitum, nisi quia primo fuit intellectum: tamen respondeo aliter quòd in isto obiecto, ut volito, est relatio alia ad voluntatem diuinam, quàm illa qua in eo est ut intellecto ad intellectum diuinum: & ista alia relatio, non est relatio realis: nec tamen est rationis, loquendo stricte de relatione rationis, scilicet intellectus. Nec ista diuisio est sufficiens, quòd omnis relatio, aut est realis, aut rationis, accipiendo relationem rationis stricte: quia omni potentia qua potest habere actum circa obiectum existens, vel non existens, & illud obiectum potest actu suo comparare ad aliud, ad quòd tale obiectum non comparatur ex natura rei; potest in obiecto ut obiectum est, causare relationem ipsius ad aliud: qua

quidem relatio non est realis, quia non est ex natura obiecti, in se: nec tamen est stricta rationis; quia non semper illa potentia comparans est ratio tantum, siue potentia ratiocinativa; potest enim voluntas viens aliquo bono ad finem, causare in obiecto relationem ad illum finem. Et nec est illa realis relatio, quia non est in aliquo ex natura rei, sed ex comparatione voluntati conferentis; potest enim vii Deo ad creaturam. Nec est illa relatio rationis, quia potentia ista causans istam comparationem, non est ratio, siue intellectus, siue imaginatio dicatur talis virtus collatiua, siue quacumque alia. Certum est enim quod voluntas est talis potentia collatiua & comparatiua, ita bene sicut potentia intellectiua; & ideo certum est quod utraque istarum potentiarum, potest obiectum suum comparare, & in obiecto suo causare relationem non realem, quia sic esset ibi in tali ex natura rei, siue omni comparatione: nec relationem rationis strictè sumptam, pro relatione causata ab intellectu, licet eam quandoque concomitetur relatio rationis causata ab intellectu; sed voluntas diuina, & etiam voluntas omnis (quicquid sit de imaginatione, de qua modo non) potest comparare seipsam, ad obiectum in esse velito, ad aeternum, & è conuerso: & sic potest in obiecto causare relationem rationis ad ipsam. Hæc Scotus. Idem fecit habet in 3. dist. 26. q. vni. ca. Omnis, inquit, potentia potest obiectum suum comparare ad aliud, & in eo sic comparato, causare respectum rationis, qui non inest ex natura rei, sed ex actu potentia. Et ita sicut ratio comparando obiectum suum, potest causare in eo respectum

rationis, sic & voluntas comparando obiectum suum, potest causare in eo respectum aliquem, qui potest dici respectus appetitiuus: & talis causatur in obiecto utribili per actum vsus, quando voluntas vititur aliquo, & talis potest dici bonus in Deo, quando volo illud bonum infinitum in se, esse mihi bonum, quia voluntas comparat istud bonum obiecti ad aliud quadam comparatione, quia non est in eo ex natura rei.

Tertia Conclusio.

ENS rationis causari potest per quamcumque operationem intellectus, tam directam, quam comparatiuam, ac etiam reflexam. Probatur discurrendo per singulas. Imprimis enim causari potest per directam, non quod id quod directè produciatur ab intellectu, sit Ens rationis, eo modo quo nunc usurpamus Ens rationis; Est enim actus realis intellectus; sed quia ex eo quod intellectus directè fertur in obiectum aliquod; ex illa operatione directâ, consurgere potest Ens aliquod rationis, putâ esse cognitum: & illud quidem Ens rationis quod sequitur ex actione directâ, est semper denominatio quædam extrinseca. Secundò causari etiam potest per actionem comparatiuam, quâ intellectus vnum obiectum consideratum comparat cum alio obiecto considerato: ex hac enim comparatione, resultant respectus rationis inter ipsa obiecta comparata, putâ esse subiectum, esse prædicatum, &c. Et hæc quidem effectio Entis rationis

per actionem comparatiuam, est notissima apud omnes. Tertio causari etiam potest per actionem reflexam, vel cum intellectus apprehendit id quod reliquum est in obiectis cognitis, vel comparatis ad modum entis, cum tamen non sit ens. (Sed hoc non inuenitur nisi in intellectu imperfecto, qualis est intellectus humanus) vel cum intellectus simpliciter apprehendit id quod reliquum est, & ei tribuit denominationem rationis per iudicium aliquod, quo iudicat illud non esse in re ex natura rei, sed tantum beneficio intellectus considerantis: Hoc enim saltem videtur spectare aliquo modo ad complementum entitatis ipsius entis rationis.

Porro idem dici potest seruata proportionem, de voluntate quod dictum est de intellectu. De phantasia autem, & de imaginatiua nihil determino nunc: solum dicam istas facultates, esse optimas effectrices entium rationis pure fictitiorum, coniungendo scilicet simul species rerum impossibilem, & ex illis fingendo montes aureos.

QVÆSTIO QVARTA.

Verum intellectus diuinus possit efficere entia rationis?



Vt docent omnia planè entia rationis ortum habere ex imperfectione intellectus concipientis rem aliter quam sit; vt Suarez disput. vl-

tima Metaphysic. & alij multi: consequenter debent dicere intellectum Diuinum non posse facere entia rationis, quia impium esset ponere imperfectionem aliquam in intellectu Diuino.

Prænotandum nihilominus Non ex dictis, nō omnia entia rationis ortum habere ex imperfectione intellectus, sed fictitia solum, tum simplicia, tum fundata: illa quidem, quia fiunt ex vniōne impossibilem, ita quod intellectus fingat vnita esse, quæ ne quidem sunt vnibilia: Hæc verò, quia fiunt ex errore, & ex praua quadam apprehensione, quâ intellectus apprehendit aliquid per modum entis, quod tamen non est ens. Quæ verò habent esse per resultantiam, non oriuntur ex imperfectione vllius intellectus; quia in illis nihil fingitur, nullus est error, nulla deceptio: sed mera resultantia alicuius, quod non reperitur in re ex natura rei, sed solum ex operatione intellectus considerantis, absque vlla impressione facta ab obiecto. Huiusmodi sunt denominationes extrinsecæ rationis, vt esse cognitum, quatenus dicit respectum ad intellectum cognoscentem obiectum aliquod reale, & vniuersim ea omnia quæ resultant ex operatione directa intellectus: Item relationes rationis, & ea omnia quæ resultant ex operatione collatiua eiusdem intellectus: Similiter apprehensio illius entis rationis, vel potius comparatio illa reflexiua rationis, quâ intellectus per quandam reflexionem

Non omnia entia rationis ortum habent ex imperfectione intellectus.

comparat se ad id quod habet in se respectum rationis. Nam & hoc tertium genus entium rationis habentium esse per resultantiam, agnouit Scotus in 1. dist. 35. q. vnica. §. *poteſt dici ad quaſtionem*, in fine. vbi habet: *In tertio inſtanti, forte, intellectus Diuinus poteſt comparare ſuam intellectionem ad quodcumque intelligibile, ad quod nos poſſumus comparare: & tunc comparando ſe ad lapidem intellectum, poteſt cauſare in ſe relationem rationis.* His poſitis ſit,

Prima Concluſio.

In intellectus diuinus non facit vlla entia rationis fictitia. Patet ex dictis, quia illa omnia ortum habent ex imperfectione intellectus. Hinc colligitur diuisionem illam entis rationis in fictitium, & fundatum; & entis rationis fundati in illud quod est fictum in fundamento, & quod habet esse per resultantiam in fundamento, esse dumtaxat admittendam in ordine ad intellectum nostrum, non simpliciter. Quia imprimis, respectu intellectus Diuini, & forte etiam Angelici, nulla sunt entia rationis pure fictitia, propter rationem superius insinuatam. Nulla sunt etiam entia rationis ficta in fundamento: quia huiusmodi entia sunt vel negationes vel priuationes: Negationes autem & priuationes non alia ratione sunt entia rationis, quam quia non apprehenduntur ut sunt, sed ut formae quaedam prauae, & male afficientes subiecta, quorum sunt

negationes aut priuationes. Intellectus autem Diuinus non apprehendit haec entia aliter quam sint: Ideoque respectu illius, illa non sunt entia rationis: sed entia realia, priuatiua tamen.

Obijcies 1. Deus concurrit cum intellectu humano ad effectum illorum entium rationis, etiam ut causa prima & principalis. Ergo Deus facit entia rationis fictitia.

Respondeo hoc argumentum eodem modo soluendum esse, quo cetera de concursu Dei cum actionibus creatis inuoluentibus imperfectionem aliquam, in quibus omnibus, Deus concurrit ad id quod materiale est, & Physicum; non vero ad ipsum formale imperfectionis. Ad argumentum itaque dico Deum concurrere ad effectum physicam entium rationis, seu ad materiale fictionis; non autem ad formale eiusdem. Sic Deus concurrit ad peccatum, ad actus falsos, erroneos, & ad discursivos intellectus nostri.

Obijcies 2. Deus cognoscit entia rationis fictitia. Ergo efficit illa: quia totum illorum fieri consistit in cognosci.

Respondeo concesso Antecedente, negando consequentiam & confirmationem eius: fictio enim, & cognitio fictionis, vel rei fictae, non sunt vnum & idem. Quamquam vero Theologorum sit prolixius examinare an, & quomodo Deus cognoscat entia rationis, vbi disputant de scientia Dei. Nihilominus occasione huius ante-

Obiectio 1.

Solutio

Obiectio 2.

Solutio

Quomodo Deus cognoscat entia rationis.

cedentis, breuiter dico Deum cognoscere entia rationis etiam fictitia: quod probatur ex eo, quia comprehendit omnem facultatem naturæ humanæ, tum intellectiuam, tum imaginatiuam: proindeque non potest non cognoscere quidquid quoquo modo est ab ipsa, siue sit verum, siue fictum. Non sequitur tamen propterea, quod intellectus Diuinus cognitionem alicuius rei mutuetur à rebus creatis. Tamen si enim entia fictitia non repræsententur immediatè in Essentia Diuina, quia essentia Diuina non est causa immediata illorum: Tamen repræsentatur intellectus fingens, & actus eius fictitiuus, atque consequenter res ficta.

Secunda Conclusio.

DEus potest facere entia rationis habentia esse per resultantiam, præsertim relationes rationis. Vltra quod ista sententia tribuitur communiter Diuo Thomæ 1. p. q. 15. art. 2. ad 2. & 3. & q. 3. de veritat. art. 2. ad 7. est etiam expressa Doctoris nostri locis citatis præcedenti quæstione; vbi non modò intellectui, sed etiam voluntati Diuinæ tribuit effectiorem relationum rationis, vt videre licebit in eius verbis. Illud idem iterum expresse habet in 1. dist. 30. q. 2. §. *Respondetur igitur*. vbi dicit quod essentia diuina potest comparari ad creaturam, & hoc tam per actum intellectus creati, quam per actum intellectus increati, & sic in ea causari relatio ratio-

nis. Item dist. 35. q. vnica. §. *Potest dici ad quæstionem*. vbi hæc habet: *Dem in primo instanti intelligit essentiam sub ratione merè absolutâ. In secundo instanti producit lapidem in esse intelligibili. & intelligit lapidem: ita quod ibi est relatio in lapide intellecto ad intellectionem Diuinam: sed nulla adhuc in intellectione Diuina ad lapidem: sed intellectus diuina terminat relationem lapidis intellecti ad ipsam. In tertio instanti forè intellectus Diuinus potest comparare suam intellectionem ad quocumque intelligibile, ad quod nos possumus comparare; & tunc comparando se ad lapidem intellectum, potest causare in se relationem rationis. Et in quarto instanti potest quasi reflecti super istam relationem causatam in tertio instanti, & tunc illa relatio rationis cognita erit. Aliquid adhuc simile tangit dist. 36.*

Huius autem rei ratio fundamentalis est, quia ad huiusmodi entium rationis effectiorem, sufficit intellectum cōparasse vnā rem cum altera: ex hac enim comparatione insurgunt relationes rationis in rebus comparatis. Neque ad id opus est actione reflexa, quæ solūm confert vt cognoscantur istæ relationes rationis, quæ etsi non cognoscerentur per huiusmodi actionem reflexam, non minùs adhuc essent relationes rationis. Multò minùs opus est vt apprehendantur ad modum entium, cum tamen non sint entia. Imò hoc videtur detrachere earum entitati: cum enim res apprehenditur aliter quàm sit, hoc detrahit eius entitati & rationi. Quare etiam cum intel-

lectus diuinus quasi per reflectionem aliquam, cognoscit istas relationes rationis, eas apprehendit omnino vt sunt, iudicans videlicet optimè illas non esse in rebus ipsis ex natura rei, sed ex sola operatione intellectus purè considerantis. Idem dicatur seruata proportionè de voluntate diuina, quæ etiam ex Doctore Subtili potest facere *Entia rationis*, prout *Ens rationis* dicitur illud omne quod non est *Ens reale*: Aliàs enim si ratio pressius accipitur, potius dicenda sunt *Entia volubilia*, vel beneplaciti, quàm *Entia rationis*.

QVÆSTIO QVINTA.

*Quis ordo stabilendus inter
Entis realis diuisiones?*



C V *Ens reale* diuidatur in Deum, & creaturas, in infinitum & finitum, in quantum & non quantum, in absolutum & respectuum, in vnum & multa, in incausatum & causatum, in independens & dependens, in substantiam & accidens, in simplex & compositum, in necessarium & contingens, in *Ens simpliciter*, & in *Ens secundum quid*, in *Ens actu*, & in *Ens potentia*, &c. meritò dubitatur, quænam sint harum diuisionum rationes, & quis inter illas ordo seruari debeat? Nam super hoc negotio parua

non est, inter *Metaphysicos* contentio.

Prænotandum itaque primò has diuisiones non ita sibi inuicem subordinari, vt vna sit omnino prior alijs, & aliæ sint veluti solum subdivisiones: Nam in multis, putà in ijs, quibus diuiditur *Ens* in Deum & creaturas, infinitum & finitum, incausatum & causatum, independens & dependens; diuisum est vnum & idem, & membra diuidentia eadem: Deus enim, *Ens infinitum*, incausatum, & independens, idem significant: Item creatura, *Ens finitum*, causatum & dependens, idem.

Prænotandum 2. ab hoc instituto esse remouendas diuisiones illas, quibus æquiuoca diuiduntur in sua æquiuocata, quippe, quæ non tam diuisiones, quàm æquiuocæ vocis interpretationes censeri debent: & ea quidem ratione prius etià egimus de diuisione æquiuocæ *Entis* transcendentiissimè sumpti in *Ens reale* & *Ens rationis*, quàm de veris & proprijs *Entis* diuisionibus disputaremus. Ratio autem ea est, quia in disciplinis, prius est tollenda æquiuocatio vocis, quàm de rebus! vnico conceptu constantibus propriè diuidendis agatur. Eapropter si diuisio *Entis* in vnum & multa, in *Ens per se*, & in *Ens per accidens*, sit æquiuoca (de quo aliàs disputandum non est, an præmitti debeat veris & proprijs *Entis* diuisionibus, de quibus solum hic agimus.

Prænotandum 3. varijs rationibus contingere membra ali-

qua diuidentia diuidere aliquod diuisum, scilicet vel per se immediate, suppressis modis, vel differentiis, ratione quarum diuidunt ipsum: vt cum v. g. homo & brutum diuidunt animal: nam immediate hæc duæ species diuidunt ipsum suum genus, sine formali expressione rationalis & irrationalis, quæ sunt tamen rationes diuidendi animal, & constituendi hominem, & brutum, vt duas species oppositas illius generis. Et quidem harum diuisionum, quibus animal diuiditur in hominem & brutum, & in rationale, & irrationale, vna non tam dici debet prior quàm expressior altera: Nam sunt æquæ immediate, & eò solùm differunt, quòd posterior exprimat rationes oppositionis membrorum; prior autem solam faciat mentionem membrorum, in quorum constitutione continentur huiusmodi rationes oppositionis. Quia verò istæ rationes supponunt aliquando pro seipsis, aliquando verò pro membris diuidentibus: rationale enim v. g. supponit aliquando præcisè pro differentia illa specifica, quæ dicitur rationalitas; aliquando verò pro tota specie, cum videlicet suppletur animal quoties effertur. Ideò diligenter erant attendendæ istæ variz suppositiones, vt dicatur animal diuidi in rationale & irrationale, quando supponunt pro tota specie: Dicatur autem diuidi per rationale, & irrationale, quando supponunt pro seipsis: Nec enim ita rectè dici-

Differentiæ aliquando supponunt pro seipsis aliquando pro membris diuidentibus.

tur genus diuidi, in, quàm per suas differentias.

Fit iterum diuisio rei in sua inferiora, ratione constitutionis propriæ Entitatis eorum, cum scilicet ipsa aut varijs rationibus constituuntur, aut eorum aliqua componuntur, alia verò non: vt si quis diceret v. g. omnis substantia vel est simplex, vel composita.

Contingit etiam aliquando diuisionem fieri penes proprietates membrorum diuidentium, vt si quis diuideret animal v. g. per risibile & hinnibile.

Aliquando non quidem penes proprietates Entitatis, sed penes proprietates existentie membrorum diuidentium; vt si quis diceret: Omnis natura intellectualis creata, vel existit indefectibiliter intrinsecè, vt natura Angelica, quæ ex suis constitutiuis intrinsecis est indefectibilis; vel existit defectibiliter per potentiam iutrinsecam, vt natura humana, quæ ratione suorum principiorum constitutiuorum est corruptibilis & defectibilis.

Notanda sunt hæc omnia.

Iterum contingit fieri penes actualitatem vel potentialitatem existentie, vt si quis diceret omnem rem vel actu existere, vel esse adhuc in potentia productiua sui rosei.

Iterum contingit membra diuidentia diuidere suum superius, ratione quarundem relationum, quæ quia sunt impossibiles simul, ideò constituunt oppositionem inter membra diuisionis: vt si quis diceret: Quicquid est, aut habet

rationem producentis & causantis, aut habet rationem producti & causati.

Prænotandum 4. diuisionum vnā esse priorem altera, vel quia extrema eius magis distant, vel quia est vniuersalior; Non enim semper illa est vniuersalior, cuius extrema magis distant: v. g. Diuisio quā diuiditur Ens in Deum & creaturas, non est vniuersalior ea quā idem Ens diuiditur in absolutum & respectiuum; cum vtraque totum Ens exhaustiat, & hæc sub illa non contineatur: illius tamen extrema magis distant, quā huius; quia illius extrema distant infinitè, huius autem non sic; Cum etiam Entium creatorum alia sint absoluta, alia respectiua. Quod si contingat aliquam diuisionem esse æquè vniuersalem, ac aliam, & cum hoc, extrema eius magis distare; in construenda diuisionum serie, inchoandum est ab ea cuius extrema magis distant, & quæ simul æquè est vniuersalis. Quia stante æqualitate vniuersalitatis, maior illa distantia extremorum vnus, præ extremis alterius, satis est vt sit prior ea, quæ iam non est magis vniuersalis, & cuius etiam extrema minus distant. Et quidem si eius extrema habeant rationem aliquam, per quam contrahant suum superius, scilicet vel differentiam, vel modum; prius est assignanda diuisio superioris in membra diuidentia, quàm exprimitur ratio diuisionis: quia prius res est ponenda, quàm positionis eius reddatur

ratio: expressio autem differentiarum, vel modorum, per quos fit diuisio, videtur esse ratio diuisionis, & contractionis, quā membra diuidentia diuidunt & contrahunt diuisum, licet interim diuisio immediatè in membra, & diuisio expressiua rationum diuisionis, sint æquè vniuersales. Sic seruando rectum ordinem, prius est animal v. g. diuidendum in hominem & brutum, quàm dicatur diuisionem istam fieri per rationale & irrationale. Si iterum inter membra diuidentia, reperiantur aliæ rationes, quibus opponantur; penes illas sient aliæ diuisiones, seruato tamen ordine illarum; ita vt primum in inferiora fiat diuisio per modos, maximè si sint intrinseci: deinde per proprietates, aut per modos proprietatum; denique per rationes relationum, & sic deinceps. Quibus diuisionibus positis, descendendum erit ad subdiuisiones, seruato earum ordine.

Prænotandum 5. inter diuisionem quā ens diuiditur in Deum & creaturas, & diuisionem quā diuiditur, seu potius exprimitur diuisionem istam fieri per finitum & infinitum, esse inferendam aliam diuisionem, quā Ens diuidatur in illud cui competit, & in illud cui non competit quantitas virtutis; & hoc propter relationes diuinas, quibus Doctor Subtilis qu. 5. quodlibetica, docet non competere quantitatē virtutis. Nec est reiicienda ista diuisio vt inepta, licet ingrata multis. Quem-

Quo-
modo
se ha-
beat
diuisio
Entis, in
Ens
quan-
tum &
non
quan-
tum.

admodum enim secundum Philo-
sophum 1. Physic. text. Com-
ment. 15. finitum & infinitum
quantitati congruunt: Ita fini-
tum & infinitum vt modi entis,
solis entibus quantitatem per-
fectionis non competat; nec
illis conuenient finitum aut in-
finitum: atque adeo diuisio per
finitum & infinitum non esset
immediata; quia illud ens quod
nec finitum nec infinitum est,
esset medium inter vtrumque
diuisionis membrum. Nec vl-
lum Scoti discipulum is ordo
debet mouere: Nam cum ex
doctrina eius inferatur, etiam
in creatis, reperiri entia quibus
deest quantitas virtutis, vt for-
te rationes omnes hypostaticæ:
minùs distat ens non quantum
ab ente quanto, cum vtrumque
in creatis reperiatur, quàm Deus
& creatura. Non est autem si-
milis ratio de finito & infinito,
quæ licet magis distent, quàm
ens quantum & non quantum:
quia tamen vtrumque scilicet
cum finitum, tùm infinitum
continetur sub ente, cui com-
petit quantitas virtutis; ideo
prius diuidi debet ens in quan-
tum & non quantum, quàm di-
uidatur in finitum & infinitum.
Dices diuidi quoque prius de-
bere in quantum & non quan-
tum, quàm in Deum & creatu-
ras, cum diuisio in Deum, &
creaturas, sit eadem ac diuisio
in finitum & infinitum, maximè
si ista non supponant pro modis
entis, sed potius pro ente ipso,
quod vel finitum, vel infinitum

dicatur. Dico ego non parem
esse variusque illius diuisionis
rationem: Nam cum ens diui-
ditur in Deum & creaturas, no-
mine Dei solet intelligi quid-
quid est in diuinis, siue sit Deus
& ens infinitum formaliter, siue
tantum realiter aut per identi-
tatem, vt loquuntur, siue sit es-
sentia, siue proprietas, siue at-
tributum, siue relatio. Item no-
mine creaturæ, quidquid est,
quònis modo, creatum intelli-
gitur. Cum autem diuiditur per
finitum, & infinitum, iam ex vi
dictionum & rationum illorum,
videtur debere concipi nomine
infiniti id cui competit per se
& formaliter ratio infinitatis,
proindeque sub nomine infiniti
comprehendi non posse rela-
tiones diuinas, quippe quibus
ratio infinitatis non competit
formaliter. Cum itaque nihil
prohibeat nomine Dei nos in-
telligere relationes, & non ita
rectè nomine infiniti: certè vi-
detur habenda ratio entis cui
formaliter competit vel non
competit quantitas virtutis, vt
interponatur inter diuisionem
illam, quâ ens diuiditur in Deum
& creaturas, & illam quâ expri-
mitur diuisionem illam fieri per
finitum & infinitum. His posi-
tis, sit

Prima Conclusio.

PRima omnium diuisione.
Ens reale debet diuidi in
Deum, & creaturas. Probatur:
Omnium diuisionum Entis rea-
lis nulla est, cuius extrema ma-
gis distent: quia vnum excedit
aliud ultra omnem determina-

tam proportionem, vel determinabilem, vt loquitur Doctor Subtilis, q. 5. quodlibetica, art. 1. & cum hoc, nulla alia est vniuersaliſq; iſta, licet multæ aliæ ſint æquæ vniuerſales. Quia totum ens ita adæquatè exhaurit, vt nihil ſit in tota rerum vniuerſitate quod non ſit vel Deus, vel creatura, intelligendo nomine Dei quidquid quouis modo eſt in diuinis; & nomine creaturæ quidquid quouis modo factum eſt, & diſtinctum eſſentialiter à Deo, ſiue illud per creationē, vt Angeli, ſiue per faſionem, vt Adā; ſiue per emanationem, vt proprietates naturarum creaturarum, ſiue per reſultantiam, vt relationes creaturæ, vel alio modo, factum ſit. Hanc proximè ſequi poteſt entis diuiſio in finitum, & infinitum, modò infinitum ſupponat pro eo quod quouis modo eſt in diuinis, & finitum pro eo quod quouis modo eſt effectum, & non pro eo quod formaliter ſolū, & non aliter finitum aut infinitum eſt. Nam ſic, propter relationes diuinas, eſſet præmittenda diuiſio entis in quantum & non quantum. Sumendo autem infinitum & finitum pro eo quod quouis modo, ſiue ratione ſui, ſiue ratione alterius, infinitum aut finitum eſt; ſaluari poteſt iſ ordo diuiſionum, nonobſtantibus relationibus diuinis, quæ continebuntur ſub altero membrorum huius diuiſionis; quia ſi non ratione ſui, ſaltem ratione alterius, nempe eſſentiæ diuinæ, cui ſunt eædem, ſunt infinitæ. Sicque omne ens erit

vel infinitum vel finitum, ſcilicet aut ratione ſui, vel per identitatem realem cum eo, cum quo realiter eſt idem. Dixi autem hanc proximè ſequi aliam; quia vel infinitum & finitum ſumuntur pro extremis diuidendibus; & ſic ſolis terminis diſfert à priori: vel ſumuntur pro modis ipſis intrinſecis Entis, quibus ens determinatur, & membra diuiſionis oppoſita conſtituuntur: & ſic iſta proximè ſequi debet priorem: quia, vt dicemus, nihil eſt intimius rei conſtitutæ iam per ſua eſſentialia, quàm modus eius intrinſecus. Hoc ordine poni debent, ſi quæ ſint, aliæ entis diuiſiones, quibus Deus & creatura ſcindunt ipſum, per alios quosuis modos intrinſecos.

Has ſequuntur illæ quibus Deus & creatura diuidunt ens per aliquos modos ſeu rationes aut proprietates modorum ſuorum, vt eſt illa quæ ens diuiditur in illud quod principio & fine caret, & in illud quod alterutro vel utroque nō caret. Nam ſemper & immutabiliter exiſtere, & non ſemper nec immutabiliter exiſtere, ſunt modi modorum, nempe exiſtentialium Dei, & creaturæ, ſi tamen exiſtentia Dei ſit modus eſſentiæ diuinæ. Item iſta quæ ens diuiditur in neceſſarium & contingens, nomine neceſſarij intelligendo illud quod ſimpliciter non poteſt non eſſe, qualis eſt ſolus Deus, & nomine contingentis, illud quod poteſt non eſſe, ſaltem per potentiam in alio, vt loquitur Scotus, qualis eſt omnis creatura. Nam illa

omnimoda necessitas cùm physica, cùm metaphysica, quâ Deus est ens necessarium, seu necesse esse; & contingentia quâ omnis planè creatura dicitur posse non esse, sunt rationes vel modi Dei & creaturæ, vel saltem existentiae eorum.

Has sequi debent diuisiones, quibus Deus & creatura diuidunt ens per suas proprietates, ut sunt Entis aliud immutabile, aliud mutabile: aliud incomprehensibile, aliud comprehensibile, & cæteræ huiusmodi. Demùm aliæ, quibus eadem extrema diuidunt ens per relationes impossibiles in vno eorum, ut sunt Entis aliud incausatum & incausabile; aliud causatum, & causabile: aliud independens, aliud dependens, & similes: quia rationes illæ relationum sunt, meo iudicio, nouissimæ omnium, per quas Deus & creatura possunt ens diuidere.

Porro licet omnes prædictæ diuisiones aliqualem ordinem seruent inter se, ut visum est; tamen vna dici non debet vniuersalior altera, quia sunt æquè vniuersales. Nec vnus extrema magis aut minus distant inter se, quàm alterius; quia sunt eadem in omnibus, & diuersis tantum rationibus, in illis considerantur.

Secunda Conclusio.

Secundò, Ens debet diuidi diuisionibus illis quæ sunt æquè vniuersales, ac prædictæ, & quarum tamen extrema mi-

nus distant, cuius rationis est illa, quâ ens diuiditur in absolutum & respectiuum. Probat. Hoc genere diuisionum, membra diuidentia exhauriunt etiam totum ens, & nihil differunt à præcedentibus in vniuersalitate ambitus. Ergo nihil impedit quin ponantur eodem ordine quo prædictæ, nisi quia earum extrema minùs distant. Ergo immediatè sequi saltem debent prædictas. Constat autem exemplo diuisionis entis in absolutum & respectiuum, illud vtrumque quod dicitur, nempe & huius generis diuisiones esse æquè vniuersales ac prædictas, & illarum membra minùs distare. Nam primò nullum est ens propriè dictum siue creatum, siue increatum, quod non sit vel absolutum, vel respectiuum, ut constat reòè inspicienti. Cum hoc, illud vtrumque membrum conuenire etiam potest enti creato, quia etiam entis creati aliud est absolutum, ut substantia, qualitas, &cæt. Aliud respectiuum, ut paternitas, filiatio, actio, passio, & similia. Extrema autem diuisionum superiore conclusione allatarum conuenire non possunt enti creato: Nullum enim est ens creatum quod sit simul Deus & creatura, independens & dependens. Itaque extrema huius diuisionis minùs distant quàm illarum.

Tertia Conclusio.

Tertium & vltimum locum obtinent diuisiones illæ, quibus ens subdividitur. Nec istud tam probatione, quàm expositione indiget. Itaque si sit opus diuidere ens increatum; ab illo tanquam à nobiliori membro erit inchoandum, dicendo ens increatum diuiditur in essentiam & relationes, in absolutum & respectuum, in quantum & non quantum, & cæt. Denique progrediendum erit ad ens creatum, dicendo entis creati aliud substantia, aliud accidens; aliud simplex, aliud compositum; aliud actu, aliud potentia; aliud absolutum, aliud respectuum; aliud necessarium, (intelligendo illud non esse tale quacumque necessitate) aliud contingens, & cæt.

Ultra hæc omnia, dantur aliquæ rationes incompletæ entium, vt sunt modi & vltimæ differentię, quæ propriè loquendo nec sunt Deus, nec creatura, nec substantia, nec accidens, ac consequenter neque ens saltem quidditatiuè, sed quid entis. Si quis itaque veller inferre diuisionem entis in substantiam & accidens v. g. non esse adæquatam, quia datur medium inter membra diuidentia, putà substantia, vel inhærentia, quæ nec est substantia, nec accidens: dicendum erit vel substantiam posse adhuc subdividi, nimirum in substantiam completam, & substantiam incompletam: ac etiam

accidens in accidens completum, & in accidens incompletum; & sub posteriori membro contineri differentias substantiales & accidentium, quæ sunt substantiæ & accidentia quædam incompleta: vel potius illa solum de quibus ens prædicatur propriè, quidditatiuè, & in recto, diuidere ens hoc pacto; cuius rationis non sunt modi entis, de quibus nec quidditatiuè, nec in recto ens prædicatur, vt alijs dicemus.

Porro hinc non disputo peculiariter de ente in actu & in potentia, de necessario & contingenti, de perfecto seu quanto, & non quanto, quia ista commodius tractabuntur vbi de proprietatibus entis agemus.

QVÆSTIO SEXTA.

Verum Ens ex natura sua habeat conceptum, seu rationem aliquam vnam?

QUÆSTIO intelligitur de ente præsertim quod est commune ad Deum & creaturas, ad substantiam & ad accidens: quia consideratio entis vt respicit hæc inferiora, potissimè intenditur in hac materia; quod tamen de illo, vt sic, quæritur, potest similiter quæri de quacumque alia natura communi cum generica, quam specifica. Quare doctrina quam sumus determinaturi de ente quo ad istud, de quacumque etiam natura communi intelligitur.

Prænotandum itaque. 1. ex Doctore Subtili Theoremate 8. Licheto in 1. dist. 3. qu. 1. Aureolo in 1. distinct. 2. p. 1. art. 1. Ioanne de Bassolis in 1. dist. 8. q. 1. & aliis nostris tùm veteribus, tum modernis, conceptum Entis, sicut & cuiuscunque alterius naturæ, esse duplicem, scilicet formalem, & obiectiuum. Formalis est actus ille quo intellectus actu & formaliter intelligit; obiectiuus est res intellecta. Prior propriè dicitur conceptus, quia illo propriè & formaliter dicitur intellectus actu concipere seu intelligere. Posterior æquiuocè tantum vt dicit Scotus loco citato, vel per denominationem extrinsecam à conceptu formali, vt loquitur Suarez tom. 1. Metaphisicæ disputat. secunda, sect. prima, dicitur conceptus. Quia, vt satis exactè animaduertit noster Guillelmus de Rubione contra Aureolum in 1. dist. 3. qu. 3. art. 2. licet res extrà à conceptu distincta, dicatur concipi vel concepta in concreto, quia est obiectum conceptus, non tamen dicitur conceptus in abstracto, scilicet propriè loquendo; sed ita denominatur ab actu qui circa rem ipsam conceptam occupatur. Dicitur autem obiectiuus, quia cùm res aliqua concipitur, non se habet vt forma inhærens facultati concipienti, sed obijcitur eidem facultati concipienti, quatenus in illam suo actu concipiendi tendat. Et quidem omnes omninò vtriusque scholæ Magistri de conceptu obiectiuo philosophantur eodem modo

quo illum explicuimus. Contradicunt tamen Fonseca 4. Metaph. qu. 2. sect. 1. Suarez loco citato, & cum eis fortè Thomistæ iis quæ diximus de conceptu formali, quem non existimant esse ipsam actualem intellectiōnem, seu conceptionem; sed potius terminum conceptionis mentalis; proindeque non vocari etiam conceptionem, sed conceptum, quia est veluti quædam proles mentis, quæ exprimitur ad repræsentandum obiectum, quod sine tali prole, seu specie, & similitudine expressa, repræsentari non posset intellectui. Sed quicquid sit de hac doctrina, de qua aliàs; conueniunt omnes in eo quodd doceant intellectum conceptu formali, seu vt terminum conceptionis expresso, vt volunt, seu potius vt ipso actu intelligendi, vt volumus, in rem quæ proponitur & obijcitur ei concipienda, versari. Quod sufficit ad hoc vt conueniant etiam in vnitatem illam conceptus formalis, quam inquirimus.

Prænotandum 2. aliam esse vnitatem conceptus formalis, & aliam vnitatem conceptus obiectiuus. Nam vnitatem conceptus formalis est semper vnitatem numerica, quia quilibet conceptus formalis est vnus numero actus intellectus: Neque enim intellectus elicit simul totam aliquam speciem, aut totum aliquod genus conceptuum; sed vel hunc, vel istum numero; modò tamen solo numero, modò etiam specie distinctum ab alio; quia non omnia indiuidua, quantumvis vni-

Quid sit conceptus formalis, an scilicet terminus actus intellectus, & species expressa; an potius ipsemet actus intellectus?

tate numerica constantia, solo numero differunt; sed etiam aliquando specie, ut patet de Petro & Bucephalo. Conceptus autem obiectiui vnitas, nunc est vnitas numerica, nunc vnitas formalis minor vnitate numerica. Nam si obiectum quod potest concipi sit vnum numero, ut Petrus; conceptus obiectiuus erit vnus numero: si sit vnum specie, vel genere, vel alia vnitate transcendentali adhuc minore; conceptus obiectiuus simili vnitate vnus erit: quia conceptus obiectiuus & obiectum quod potest concipi idem sunt omnino. Nihilominus cum agitur de vnitate conceptus formalis, non solet ea inquiri numerica, quam habet ex natura sua; sed ea quam habet respectu eius, ad quod terminatur, vel quod repræsentat, ut loquuntur alij: ita ut status questionis in eo sit positus, ut petatur; an conceptus formalis Entis ita sit vnus, ut ad vnum quidpiam terminetur, vel ut vnum quidpiam repræsentet? An verò tametsi vnus sit numero actus intellectus; non dicatur tamen vnus terminatiue, quod nimirum ad multa simul terminetur; quod sit ut perfectè non possit intelligi vnitas conceptus formalis nisi intellecta vnitate conceptus obiectiui.

Prænotandum tamen 3. conceptum obiectiuum posse spectari duobus modis, scilicet vel ut est res, & natura aliqua, quæ concipi potest ab intellectu; vel ut est obiectum actu conceptum ab eodem intellectu. Priori modo, Conceptus ille est

vnus eadem vnitate, qua natura conceptibilis est vna, ut dictum est. Posteriori modo est vnus vnitate numericâ, extrinsecâ tamen, per respectum scilicet ad actum intellectus, seu, conceptum. Formalem vnicum numero, quo conceptus obiectiuus concipitur. Ita Scotus noster in 2. dist. 3. qu. 1. §. *Sed contra istud*, his verbis: *Hec est enim solum possibile de obiecto eodem, indifferenti actu considerato ab intellectu, quod quidem ut intellectum habet vnitatem numeralem obiecti*. In hoc tamen est ulterior controuersia, an quemadmodum per denominationem extrinsecam, conceptus omnis obiectiuus dicitur à Scoto vnus numero, à conceptu formali, qui est vnus numero actus intellectus: Num etiam conceptus obiectiuus Entis, per denominationem extrinsecam, dici debeat vnus, non solum numero, ab vnitate numerica conceptus formalis; sed vnus vnitate communi denominante ipsum sic vnum, ex eo solum quod intellectus multas naturas in Ente convenientes, ad modum vnus concipiat; quemadmodum volunt aliqui eundem conceptum obiectiuum, denominari præcisum denominatione extrinsecâ, ab actu intellectus præscindente illum à conceptibus particularibus Entium particularium? An verò potius, secus quo cumque actu intellectus, atque consequenter quacunque denominatione extrinsecâ; adhuc conceptus obiectiuus Entis sit vnus vnitate illa formali, & communi ex ratione & natu-

ra sua? Et si hoc sit, in quo consistat huiusmodi vnitas? an in conuenientia & similitudine omnium Entium inter se? an in indiuisione ipsius Entis quatenus Ens est in se? aut in aliqua alia ratione?

Prænotandum 4. vnitatem conceptuum obiectiuorum, Entis nimirum, & naturarum conceptibilem, non esse solùm vnitatem rationis, quasi scilicet multæ species eiusdem generis dicantur solùm quid vnum, quia intellectus illas omnes ad modum vnius concipit, vt vult Suarez tom 1. *Metaphysic. disp. 2. sect. 2. num. 15.* & docetur communiter. Sed esse vnitatem realem, minorem vnitatem numericam, qua quidem naturæ ex se ita sunt affectæ, vt quantum est ex se, non sint actu diuisæ, sed indistinctæ, diuisibiles tamen per differentias extrinsecas super-aduenientes. Siue autem vnitas illa sit simplex aliqua conuenientia realis multorum inter se actu distinctorum, seu similitudo transcendentalis quam habent ad inuicem; siue sit vnitas tantùm priuatiua & non positiua; siue potius sit aliqua indistinctio naturæ, quæ ex suis principijs non habet vnde distinguatur, & esset omnino eadem quantum est ex se, si per impossibile differentię genericæ aut specificæ aut indiuiduales, quæ sunt ei planè extrinsecæ, illam non diuiderent, & distinguerent in multis; siue sit aliquid aliud, explicabimus inferius, vbi ex professo de multiplici vnitatem disputabimus. Quod spectat ad præsens insti-

tutum, quærimus an audito nomine Entis, ratio aliqua vna à parte rei nobis obijciatur, an multæ rationes simul, quas per modum vnius vel distinctè vel confusè concipiamus; an verò multæ iterum rationes quas etiam per modum plurium concipiamus; an conceptus substantiæ, vel alterius inferioris?

Prænotandum 5. Dubitari maximè, an admissa illa vnitatem reali conceptus obiectiuus Entis, sit conceptus ille distinctus; an verò remaneat adhuc confusus? Qui vnitatem ei tribuunt, communiter confusionem auferunt, & existimant idè debere conceptum illum esse distinctum, quia est vnus. Super hoc negotio, varijs in locis, varia & pugnancia videtur dicere Scotus noster: nam in 1. dist. 3. qu. 2. §. *Loquendo igitur*, docet Ens non posse concipi nisi distinctè: *Quia*, inquit, *habet conceptum simpliciter simplicem: Ergo potest concipi distinctè sine alijs, & alij non sine eo distinctè concepti.* Ergo Ens est primus conceptus distinctè conceptibilis. Aliibi verò, nimirum in 1. distinct. 8. qu. 2. *Ad argumentum principale*, docet conceptum Entis esse imperfectum: *Quia distinctio*, inquit, *sufficit ad habendum conceptum perfectum vel imperfectum de eodem, quorum imperfectus sit communis, & perfectus sit proprius.* Quo loco loquitur de conceptu communi Entis. Præterea 4. *Metaphysic. cap. 3. in expositione textus habet ex Aristot. 1. Physic. omnem nostram cognitionem incipere à commu-*

nibus & confusis : quasi velit communiora esse magis confusa. Sed ista ad mentem eius rectè explicata nullo pacto pugnant. Quod ut ostendatur : sciendum est hoc esse peculiare conceptui Entis, præ alijs conceptibus naturarum communium, quod simul sit confusus, vel saltem imperfectus, & tamen distinctè concipi possit. Quia, ut docet Scotus in 1. dist. 3. qu. 2. §. *Loquendo igitur*, objectum aliquid distinctè concipi, est concipi sicut exprimitur per definitionem : conceptum autem esse imperfectum, est illum repræsentari sine modo sibi intrinseco, si quem habeat. Exempli gratiâ : Conceptus obiectivus albedinis varijs modis spectatæ, potest & distinctè concipi, & esse imperfectus : Imperfectus quidem in ordine ad suos gradus intrinsecos, qui non concipiuntur simul cum albedine, quando præcisè sub ratione albedinis concipitur : distinctè autem concipitur, quatenus est natura aliqua de prædicamento qualitatis, constans genere & differentia, quæ secundum ea omnia quæ sunt sibi essentialia, est conceptibilis clarè & distinctè ab intellectu. Et ne videamur duntaxat ludere in verbis : possumus dicere conceptum albedinis esse simul confusum, & distinctum, ut dicamus etiam illud esse distinctum, quod distinctè concipitur : Confusum quidem, prout est conceptus Entitatis conceptæ sine suis gradibus entitativis ; distinctum verò, prout est conceptus essentiae conceptæ

cum omnibus suis gradibus essentialibus. Neque enim existimo Doctorem Subtilem alia ratione usum fuisse hac forma loquendi : Nimirum conceptum aliquem distinctè concipi ; non verò conceptum aliquem esse distinctum in ordine ad gradus entitativos, vel ad modos intrinsecos ; nisi ut aliquali illo verborum discrimine ad placitum institutorum, res ipsas distingeret, & diceret ad tollendam æquivocationem, conceptum esse vel distinctum, vel confusum in ordine ad suos gradus, vel modos, vel etiam ad sua inferiora, cum quibus est distinctus, & sine quibus est confusus. Conceptum autem distinctè vel confusè concipi in ordine ad duplicem definitionem, nominis scilicet, & rei, quæ de illo dari potest : Ita quod confusè concipiatur, quando concipitur sicut exprimitur per nomen ; distinctè verò, quando concipitur, sicut exprimitur per definitionem ; Et sic audito nomine conceptus confusi vel distincti, statim intelligeretur dici confusum vel distinctum in ordine ad gradus, vel modos, vel inferiora : & audito nomine conceptus qui distinctè vel confusè concipitur ; statim intelligeretur dici distinctè, vel confusè concipi, in ordine ad definitionem nominis vel rei, quarum priore res confusè, posteriore verò distinctè concipitur. Nunc applicando ista ad propositum : Ens considerari potest duobus modis, scilicet vel in ordine ad suos modos ; vel in ordine ad descri-

ptionem quæ de illo dari potest. In ordine ad suos modos, conceptus eius est confusus & imperfectus sine illis, sicut conceptus albedinis sine gradibus albedinis. Quia, ut habet Scorus in 1. dist. 8. qu. 2. ad arg. princip. conceptus ille non est conceptus Entis secundum totam & adæquatam suam realitatem. In ordine autem ad descriptionem quæ de illo potest haberi, distinctè & clarè concipitur; quia ut sic, est conceptus simpliciter simplex, qui cum scitur totaliter scitur, quemadmodum cum ignoratur, totaliter ignoratur. Dixi autem initio huius prænotati; hoc esse peculiare conceptui Entis, inter alios naturarum communium conceptus. Nam aliarum naturarum realitates completæ sunt & perfectæ absque differentiis, per quas contrahuntur. Animalitas enim v. g. est completa & perfecta absque rationalitate vel irrationalitate, quippe quæ ad rationem animalis ut sic, in quocumque gradu spectati, nihil conferunt. Ens autem non est aliqua realitas perfecta, etiam in ratione Entis, in quocumque gradu spectati, sine modis; quia conceptus Entis abstrahens à modis, non est conceptus Entis in quocumque gradu spectati. Ideo illi peculiare est, ut distinctè possit concipi, quatenus scilicet est conceptus quidam abstrahens à modis, qui per descriptionem aliquam vnam potest exprimi; & tamen sit imperfectus in ordine ad suos modos, qui realitatem eius adæquate complent. Naturarum autem communium conceptus ob-

iectivi non dicuntur imperfecti sine differentiis; quia etiam sine illis, in quocumque gradu, possunt esse perfecti.

His positis, opus est iam mentem nostræ Scholæ super questione proposita statim aperiāmus: Nā aliorum opiniones, nimis esset operosum referre, præsertim eorum qui negant vniucationem Entis. Nam eorum quidam admittunt vnitatem vniuersæ conceptus, tam formalis, quam obiectivi; asseruntque omnia quæ dixerunt de conceptu Entis, longè clariora & certiora videri, quàm quodd ens sit analogum; & ideo non rectè propter defendendam analogiam, negari vnitatem conceptus Entis: sed si alterum negandum esset, potius analogiam quæ incerta est, quàm vnitatem conceptus, quæ certis demonstrationibus videtur demonstrari, esse negandam. Ita Suarez tom. 1. Metaphysic. disput. 2. sect. 2. num. 34. Cum hoc tamen non vult illam vnitatem, præsertim conceptus obiectivi Entis, esse realem; sed duntaxat rationis & extrinsecam, prouenientem à formali conceptu, quo intellectus multa concipit sub Ente, per modum vnius. Alij tot videntur distinctionibus, nimirum conceptus in confusum simpliciter, in distinctum simpliciter, & in confusum simul & distinctum: Item conceptus vnius in vnum re, & vnum ratione: Iterum in vnum ratione simpliciter, & in vnum ratione secundum quid: Item conceptus præcisi in præcisu re, & præcisu ratione: Iterum in præcisu

Refe-
runtur
variæ
senten-
tiæ eo-
rum qui
negant
vniuo-
cationem
Entis.

ratione simpliciter, & præcisum ratione secundum quid: vt merito dixerit Suarez tot distinctionum diuersitatem obesse potius, quàm prodesse claritati. Ita tamen Fonseca qui 4. Metaph. cap. 2. q. 2. sect. 3. 4. & 5. dicit se aliter effugere non posse vniuocationem entis. Apud ipsos citantur innumer alij, quorum tot sententiæ, quot capita.

Nostri Nominales admittunt vnitatem conceptus formalis, & vnitatem conceptus obiectiui reiiciunt. Ita noster Guillelmus de Rubione in 1. dist. 3. q. 3. 6. & idè quantum, qui conformiter doctrinæ nostri Ochami in 1. dist. 2. questionibus 5. 6. & 7. docet conceptum entis non esse vnum obiectum tantum, sed plura se totis distincta: quod & de conceptu hominis, & de conceptu cuiuscumque alterius naturæ vniuersalis affirmat; licet tamen in multis discrepet ab eodem Ochamo. Noster Ioannes de Bassolis in 1. dist. 8. q. 1. 6. propter istas instantias, est in eadem sententia. *Secundò videtur dicendum*, inquit, quòd ens est analogum ad prædicta, & significat omnia illa immediate, tamen ordine quodam, saltē vel rationis, vel naturæ, sicut & inter se entia ordinem habent; primò Deum, secundò creaturam, primò substantiam, secundò accidenti, &c.

Sententia nostri Aureoli in 1. dist. 2. parte 1. art. 2. statim initio, est longè magis apparens, quam, licet alijs verbis, sequuntur omnes ferè qui vnitatem conceptus entis, & vniuocationem eiusdem reiiciunt. Comprehenditur autem tribus pro-

positionibus; duabus negatiuis, & tertia affirmatiua.

Prima est, quòd conceptus communissimus qui formatur in mente, audito vocabulo isto, ens, aut, aliquid, non habet in se actu & distinctè proprias rationes omnium, distinctiue; imò nec aliquam habet determinatè, aut distinctè.

Secunda est, quòd iste conceptus nullam habet in se rationem communem omnibus entibus & rationibus eorum.

Tertia, & quidem affirmatiua, elicitur ex istis, videlicet, quòd conceptus ille est simpliciter denudatus in actu ab omni ratione vna, vel pluribus, propria, vel communi, tantummodò vnus existens vnitatē confusionis, & omnimodè indeterminationis, qui nimirum conceptus, solum applicatur ad proprias omnium rationes, coincidit in illas, nullo addito illi, quia qualibet propria ratio est iste conceptus, & nihil addit: unde est pars illius conceptus totalis, cuius totalitas non est integritas, sed confusionis & indeterminationis; nec partialitas propriarum rationum est partialitas integrans & constitutiva, sed determinans & explicatiua.

Et loquitur de conceptu obiectiuo: Nam paulò antè dixerat: Si primo modo accipiatur conceptus, scilicet pro actu intellectus realiter intellectui inha: ente, tunc est questio vtrum vnica intellectiōe possit intelligi totus ambitus entis? & non dubium quòd sic: Cum enim dicitur, omne ens, vel, omne quòd est aliquid, vel, omnis res, certum est quòd vnica intellectiōe transit intellectus super totum significatum entis, & alicuius, & rei: cum signum vniuersale, omne,

distribuat pro toto significato entis,
& alicuius.

Hanc sententiam, & eius rationes multis insequitur de Rubione loco citato; sed in casum laborat; & certè inter omnes sententias iam enumeratas, quas non ita probabiles existimo, ista minùs longè displicet.

Qui nobiscum vniuationem entis recipiunt; in hoc solum à nobis discrepant, vt non velint vnitatem conceptus obiectiui entis, esse vnitatem realem, sed rationis dumtaxat. In cæteris nobiscum omnino conueniunt. Ita multi Professores Parisienses: Quibus in eo quoddam dicunt vnitatem conceptus obiectiui entis, non esse realem, fauere videntur etiam quidam ex nostris, præsertim Rada, qui in 1. Controversia 21. Respondendo ad quartum initio Controversiæ propositum: docet quod Deus, & creatura sunt primò diuersa subiectiue; quia scilicet in nulla realitate contrahibili per differentias, conueniunt; sed non sunt primò diuersa obiectiue, & quoad intellectum. Quibus verbis innuit Deum, & creaturam conuenire tantum per intellectum. Ita etiam noster de Herrera in 1. disp. 14. Notabili ultimo: vbi apertè sentit non dari conceptum entis communem Deo, & creaturæ, communitate reali. Contrarium tenet Ioannes Canonicus 1. Physic. q. 3. vbi expressè habet ens quod est commune Deo & creaturæ, dicere communitatem realem: cui consentit Faber Fauentius in sua Philosophia naturali, theo-

remate 95. cap. 2. His positus, sit

Prima Conclusio.

Conceptus formalis entis est vnus. Hæc est communis sententia, etiam eorum qui negant vniuationem entis, demptis Caietano in opuscul. de analog. nom. cap. 4. & alijs paucis, vt fatetur Fonseca 4. Metaph. cap. 2. q. 2. sect. 2. Et probatur. Conceptum formalem entis esse vnum ea vnitatem, quam hic inquirimus, est non solum actum illum, quo ens concipitur, vel similitudinem illam expressam, vt alijs placet, quæ repræsentatur, esse vnum numero actum intellectus, aut vnam numero prolem conceptam à mente; sed est actum illum non terminari simul ad plura, sed ad vnum; vel similitudinem illam non repræsentare simul plura, sed vnum. Atqui conceptus formalis entis est huiusmodi. Ergo est vnus. Maior ab omnibus conceditur. Minor probatur tribus modis, scilicet ab experientia, à posteriori, & à priori.

Ab experientia, quia vt habet Suarez, & ante ipsum Aureolus noster in 1. dist. 2. part. 1. art. 3. audito nomine, entis, experimur mentem nostram non distrahi, neque diuidi in plures conceptus, sed colligi potius ad vnum, sicut cum concipit hominem, animal, & similia.

A posteriori: Voces institutæ sunt ad exprimendos nostros conceptus, ex Arist. 1. de Interpretatione: ergo ex vnitatem si-

xima
etudi-
tione
prædi-
tus, cui
sum

quoque
valde
addi-
tus, in
sua Lo-
gica,
quam
nondū
miseri in
lucem.

Domi-
nus de
Raco-
nis Do-
ctor
Theo-
logus
Parisi-
ensis
olim
Profes-
sor; quæ
conclu-
sionem
eximi-
us, cui-
sum
addi-
ctissi-
mus, in
sua Lo-
gica.
tract. 2.
de Ca-
tego-
ria q. 1.
art. 1.
propo-
sit. 1.
Et Do-
minus
Pitard
vir sū-
mo in-
genio,
& ma-

gnificationis illarum, colligitur vnitas conceptus, qui per illas exprimitur. Atqui vox illa, ens, ex primæua sua institutione, significat aliquid vnum, vt probabitur tertia Conclusionē. Ergo conceptum vnum. Confirmatur hæc ratio ex Aureolo. Quia quâ ratione vox illa, ens, significaret plura, eâdem significaret omnia; quia non est ratio, cur potius significet tantum aliqua, quàm omnia, cum non tantum aliqua, sed omnia quæ sunt, sint entia. Modò si immediate significet omnia; nullus intellectus creatus poterit formare conceptum formalem entis; probatur, quia alioquin intellectus ille intelligeret simul infinita, imò & ipsam rationem Deitatis, quod est impossibile.

Probatur insuper à priori. Conceptus obiectiuus est vnus, ergo & formalis. Antecedens probabitur inferius; consequentia probatur: quia actus specificatur saltem extrinsecè per obiectum suum; conceptus obiectiuus est obiectum formalis conceptus: ergo formalis conceptus specificatur ab obiectiuo; ita quidd vnitatem suam saltem extrinsecam sumat ab ipso.

Secunda Conclusio.

Conceptus formalis entis dici potest, diuersis respectibus, distinctus, & confusus: atque consequenter vnus distinctus, & vnus unitate confusionis, & indeterminationis, vt loquitur Aureolus. Probatur. Conceptus obiectiuus est, di-

uersis respectibus, distinctus simul & confusus. Ergo & formalis. Antecedens mox probabitur. Consequentia patet, quia conceptus obiectiuus est id quod concipitur; ergo si sit varijs rationibus, distinctus & confusus; varijs quoque rationibus, distinctus & confusus concipietur. Sed conceptus formalis, quo quid distinctum concipitur, est distinctus, ea ratione quâ ad illud distinctum terminatur; & conceptus formalis quo quid confusum concipitur, est etiam confusus ea ratione quâ ad illud confusum terminatur. Ergo conceptus formalis entis, varijs respectibus, est partim confusus, partim distinctus,

Tertia Conclusio.

Conceptus entis obiectiuus est vnus. Probatur: Ens ex natura sua, dicit aliquid commune nondum contractum quatenus ens est simpliciter, sed incontractum, indeterminatum, &, quantum est ex se, indiuisum. Sed vt sic potest obici intellectui vt concipiatur: quatenus autem obicitur intellectui vt concipiatur, est conceptus obiectiuus. Ergo conceptus entis obiectiuus de se non est contractus, sed incontractus, &, quantum est ex se, indiuisus. Hoc autem est esse vnum, ea unitate, quam hic inquirimus. Ergo conceptus obiectiuus est vnus. Maior in qua est tota difficultas, probatur: Ens naturâ suâ dicit simpliciter id quod est, id est, id quod existit, vel potest existere: sed id quod est, est quid

incontractum, & indiuisum, commune tamen & indifferens naturâ suâ ad multa. Ergo Ens naturâ suâ dicit aliquid nondum contractum sed indiuisum; ita ut, ex se, nullum eorum dicat, ad quæ est indifferens, seu determinari potest. Responderent nostri Nominales: Ens naturâ suâ dicere quodlibet quod est, non distinctè, & determinatè; sed indistinctè & indeterminatè: proindeque nō dicere immediatè quid vnum, sed plura, licet non ut plura: quia non dicit ea ut distinguuntur, sed ut aliquo modo conueniunt. Ab hac sententia non discrepat Suarez tom. 1. Metaphysic. disp. 1. sect. 1. num. 8. Quando exprimens quid intelligat per conceptum Entis obiectiuum esse vnum; dicit idē esse vnum, quia expressè conceptus ille non dicit substantiam, neque accidens, neque Deum, neque creaturam, sed hæc omnia per modum vnius, scilicet quatenus sunt inter se aliquo modo similia, & conueniunt in essendo. Contrâ. Illud non dicit præcisè multa ut conuenientia, quod præcisè dicit id in quo multa conueniunt, vel conuenire possunt, sed Ens ex se præcisè dicit id in quo multa conueniunt, vel conuenire possunt: ergo præcisè non dicit illa multa quæ conueniunt. Maior probatur. Dicere præcisè id in quo multa conueniunt, est dicere fundamentum conuenientiz: Dicere verò multa quæ conueniunt, est dicere extrema conuenientiz: Fundamentū autē non est præcisè extrema, nec extrema fun-

damentum. Ergo dicere præcisè id in quo multa conueniunt, vel possunt conuenire, non est præcisè dicere illa multa quæ conueniunt. Minor probatur. Ens ex se præcisè non habet vnde dicat extrema seu multa quæ conueniunt: quia aliqua non possunt esse extrema & multa, nisi per aliquam diuersitatem, aut pluralitatem: Ens autem ex se nullam dicit pluralitatem; quia pluralitas aut diuersitas poni non potest in Ente nisi ratione modorum determinantium ipsum, & constituentium varias & distinctas naturas; Ens autem ex se non dicit modos, sed abstrahit ab illis. Ergo ex se non dicit multa quantumcunque conuenientia.

Nec est quod dicatur Ens non dicere illa ut multa, sed tantum ut conuenientia, & per modum vnius. Quia quandoque exprimuntur aliqua multa conuenire; licet non dicantur multa reduplicatiuè, & ut multa; exprimuntur tamen & specificantur illa multa. Ens autem non habet ex se, vnde multa aliqua exprimat, aut specificet: ergo, propriè loquendo, non dicit multa ut conueniunt, sed id potius in quo multa illa, per alias rationes, constituta ut multa, conueniunt, vel possunt conuenire.

Obijcit 1. noster Aureolus in 1. dist. 2. part. 1. art. 4. 1. Obiecta
Ille conceptus qui incidit in identitatem omnimodam, nullo penitus addito, cum omni ratione; non habet aliquam vnam rationem. Hæc propositio tenet in virtute primi principij. Quæcumque

Quæcumque vni & eidem sunt eadem, inter se sunt eadem, illo modo identitatis quo sunt idem in tertio. Sed constat quodd rationes propriæ Entium non sunt eadem, imò distinctissimæ inter se: ergo non possunt penitus idem esse alicui vni rationi, quin saltem addatur aliqua propria ratio illi, in qua conveniunt, propter quam inter se formaliter distinguantur. Sed conceptus Entis in idem coincidit cum omni ratione, nullo penitus addito sibi: Aut enim coincidit aliquo sibi addito, aut nullo, cum sint contradictoria aliquid & nullum: Si aliquo addito; ergo Ente addito, cum Ens & aliquid idem sint; Ens autem addi non potest, imò volens dare quodd conceptus Entis coincidat aliquo addito, concedit quodd nullo, & ita habetur propositum. Relinquitur ergo quod conceptus Entis non includat aliquam unam rationem communem.

Solutio. Respondeo quidquid sit de maiore, negando minorem: Nam conceptus Entis non coincidit cum omni planè ratione, nullo penitus addito, sed aliquo. Et cum dicitur; Ergo Ente addito; quia Ens & aliquid convertuntur. Respondeo distinguendo, scilicet, Ente qualitativo addito, non Ente quidditativo: seu addito aliquo quod sit potius quid Entis, quàm Ens. Hanc solutionem impugnat Aureolus, sed eius impugnationes inferius impugnabimus, cum ostendemus Ens non prædicari quidditativè de suis modis.

Obiect. Obijcit 2. Quodcumque

differentiæ dividentes conceptum aliquem, sic se habent quodd non est possibile dare medium per abnegationem & indifferentiam utriusque; conceptus iste qui per differentiastales dividitur, est denudatus ab omni una ratione. Hæc propositio patet; quoniam ex opposito prædicati, destruitur subiectum; & idcirco prædicatum clauditur in subiecto: Constat enim quodd si conceptus includit unam aliquam rationem; istam rationem oportet esse indifferentem differentiis divinis, & mediam per abnegationem utriusque: sicut patet quodd ratio sensibilis nec est rationalis, nec est irrationalis, sed abstracta, & media, & indifferens ad utramque. Undè si ratio sensibilis esset ratio rationalitatis, aut irrationalitatis; necessariò sensibile divinum per rationale & irrationale, non diceret unam rationem, sed plures, ut patet. Sed constat quodd Ens dividitur per absolutum, & respectivum: & non est aliqua ratio quæ possit abstrahere, & se habere per indifferentiam ad respectivum & absolutum: omnis enim ratio vel est absoluta, vel respectiva: Nec est possibile imaginari quod non sit actu ratio absoluta, aut ratio respectiva, cum contradictoriè se habeant esse ad se, & esse ad aliud. Ergo conceptus Entis divinus per respectivum, & absolutum, est denudatus ab omni una ratione communi.

Cui argumento si respondeatur rationem Entis ut abstractam ab Ente absoluto, & respec-

diuo, dicere vtrumque permiffuè, & neutrum actualiter, quatenus fcilicet neutrum dicit ex fe, poteft tamen vtriusque rationem admittere aduenientibus propriis rationibus abfoluti & refpectiui. Contrà iterum vrget Aureolus: Impossibile eft conceptum intellectus terminari ad aliquam rationem, quin intelligat eam ad fe, & fine termino alio cointellecto; vel non ad fe, & aliquo termino cointellecto; Contradictoria enim funt immediata rationi alicui, cointelligere terminum, & non cointelligere terminum. Sinon cointelligitur terminus, ratio erit. abfoluta: si cointelligitur terminus, erit refpectiua: fic igitur talis media ratio vna exco- gitari non poteft.

Solu-
tio.

Refpondeo concessa maiore prioris argumenti, negando partem illam minoris, quâ asserit impossibile esse dari aliquam rationem vnam abstractam & indifferentem ad abfolutum & refpectiuum: & ad probationem dico fieri valdè benè poffè, vt ratio illa obiectiua ita concipiat- ur vt abstrahat & à termino cointellecto, & à termino non cointellecto; quia ponimus rationem illam confusè tantùm concipi, quando concipitur per ordinem ad inferiora, qualia funt abfolutum & refpectiuum. Quòd si Ens, per ordinem ad abfolutum & refpectiuum, distinctè conciperetur; oporteret necessariò alterutrum intelligi, fcilicet aut abfolutum, aut refpectiuum: quia in Doctrina Scoti, Ens distinctè concipi per ordinem ad sua inferiora, nihil

aliud est, quàm illud concipi secundùm gradus, vel modos, per quos ad inferiora determinatur. Et quidem hoc pacto concipiendò rationem Entis, impossibile est quin concipiantur simul rationes abfoluti & refpectiui: Concipiendò autem Ens confusè, nihil prohibet, vt sic confusè conceptum, abstrahere à rationibus abfoluti & refpectiui. Addere possumus quòd abfolutum & refpectiuum non funt contradictoria, sed disparata. Iterum dato quòd in illis ellet contradictio: extremis contradictionis poteft esse aliquid commune vniuocum, vt dicemus inferiùs soluendo quasdam rationes Henrici contra vniuocationem Entis.

Obijcit 3. Primò diuersa non conueniunt in aliqua communi ratione: nam si conueniunt, alio conueniunt, & alio differunt, & sic non funt primò diuersa, sicut patet 10. Metaphysic. Sed decem prædicamenta conueniunt in conceptu Entis, vt patet, decem autem prædicamenta funt primò diuersa, quia funt prima intellecta irrefolubilia, simplicissima, & quæ definiri nõ possunt: nec componuntur ex duobus conceptibus sicut commentator elicit 3. & 8. Metaphysic. & Philosophus ibidem. Ergo conceptus Entis in quo conueniunt, est simpliciter denudatus ab omni ratione communi.

Refpondeo ad Maiorem, decem prædicamenta esse primò diuersa, quia non conueniunt in aliqua communi ratione subiectiua; benè, tamen obiectiua.

Obie-
ctio 3.

Rationem autem subiectiuam voco rationem aliquam, secundum omnem gradum sibi possibilem, spectatam, adhuc communem & indifferentem, quæ potest esse subiectum respectu superioris cuiusdam prædicati, & quæ est, etiam ut completa secundum omnes gradus sibi debitos, adhuc contrahibilis per aliquas differentias: Cuius conditionis sunt rationes omnes genericæ & specificæ. Substantia enim v.g. in ratione substantiæ est natura aliqua, quæ potest esse completa secundum omnem gradum substantiæ, sine differentiis corporei & incorporei; & etiam in eo statu indifferens ad illas differentias, & capax recipiendi superioris cuiusdam prædicati, scilicet prædicati entis. Rationem autem obiectiuam volo esse rationem, quæ non potest subiici superiori prædicato, quippe quo caret; potest tamen obijci intellectui; non quod ab actu eius seu collatiuo, seu abstractiuo dependeat, cum ex se sit abstracta ea vel ratione, quia non includit suos modos ex natura sua; Illos tamen postulat ut compleatur secundum omnem gradum sibi possibilem. Quare ut completa secundum omnem gradum sibi possibilem, non est amplius indeterminata & indifferens. Et huiusmodi est ratio Entis, respectu cuius decem summa genera non sunt primò diuersa, nec proinde simpliciter simplicia & irresolubilia: Sunt enim tantum simplicia, quia irresolubilia in realitates, & realitates, scilicet

in genus & differentiam: Non autem ita simplicia, quin possint resolui in rationem aliquam obiectiuam, in qua conueniunt, & in modos quibus differunt. Quare autem ratio obiectiuæ cum sit etiam aliquid independens ab intellectu, potius dicatur conceptus, vel res conceptibilis, quam realitas; dicitur sequenti Conclusionem in solutione argumenti. Vel, ut docet Tatarus in Commentariis primi sent. dist. 3. q. 1. pag. mihi 139. columna 2. post Ioannem Canonicum 1. Phys. & Trombetam in sua Metaphis. Realitas subiectiuæ est res quæ existit vel potest existere. Realitas autem obiectiuæ est ratio aliqua ex natura rei cognoscibilis, & nata terminare actum intelligendi, & mouere ad intellectionem sui, ante quemcumque actum, siue collatiuum, siue abstractiuum intellectus; licet tamen dici possit abstractibilis à suis inferioribus, per respectum ad actum abstractiuum intellectus naturaliter posteriorem ipsa realitate vel ratione obiectiuæ.

Qui unitatem entis dicunt non esse realem, docent falsum esse, ens ex natura & ratione sua dicere solum simplicem illam & vnā rationem essendi; Sed id habere, nimirum quod vnū quidpiam significet per actum nostri intellectus concipientis gradum illum generalissimum, non conceptus gradibus inferioribus. Propter hanc rem, igitur sit huius questionis

Quarta Conclusio.

VNitas conceptus obiecti-
ui entis non est vnitas so-
lùm extrinseca, ab vnitatem con-
ceptus formalis; nec vnitas ra-
tionis: sed vnitas realis, non nu-
merica, sed formalis transcen-
dentalis, omnium vnitatum mi-
nima, quæ consistit in indistin-
ctione naturæ entis spectati præ-
cisè quatenus ens est. Prior pars
probat. Quodcumque obie-
ctum præsupponitur ad actum
qui circa illud occupatur. Ergo
& vnitas obiecti præsupponitur
ad vnitatem actus. Confirmatur
ex eo quod actus specificetur
saltem extrinsecè ab obie-
cto. At conceptus obiectiuus
entis est obiectum conceptus
formalis, seu illius actus intelle-
ctus qui circa ipsum occupatur.
Ergo conceptus obiectiuus entis
præsupponitur naturaliter
conceptui formali eiusdem: &
per consequens vnitas conce-
ptus obiectiuus entis præsuppo-
nitur ad vnitatem conceptus
formalis eiusdem entis. Con-
firmatur istud ampliùs in hoc
proposito. Nam ens est obie-
ctum primum intellectus. Sicut
autem nullus actus potentie
cuiuscumque constituit obie-
ctum suum primum; Ita nec fa-
cit vnitatem eius. Ergo verifi-
cabile non est conceptus obie-
ctiuus entis desumere suam
vnitatem ab vnitate conceptus
formalis eiusdem entis, quasi
non alia vnitate esset vnus, nisi
quia conceptus formalis eius
est vnus.

Hinc colligitur veritas
secundæ partis conclusionis,

contra communem sententiam;
Nimirum conceptum obie-
ctiuum entis non esse vnum so-
la ratione, sed esse vnum vni-
tate reali: Et probatur. Quod
nullo cogitante intellectu est
indiuisum in se, & ex se, & di-
uisum à quolibet alio; illud est
vnum vnitatem reali. Sed ens est
huiusmodi: ergo ens est vnum
vnitatem reali. Maior conceditur
ab omnibus. Minor probatur.
Ens nullo cogitante intellectu
abstrahit à modis, per quos di-
uiditur, aut diuidi potest. Quod
tamen sic non intelligo, quasi
ens realiter sit à modis suis se-
paratum, & existens actu sine
illis; Sed quia ipsa præcisa ra-
tio & quidditas entis formaliter
ut sic, non dicit modos,
quippe qui nullo cogitante in-
tellectu, sunt alia modalitas, vel
formalitas ab ipsa præcisa ra-
tione entis, ut sic. Ergo ens etiam
nullo cogitante intellectu est
indiuisum in se & diuisum à
quolibet alio, quod non est ens.
Nec est quod dicatur esse actu
realiter diuisum in omnibus
particularibus entibus; ac idem
non posse esse realiter indiuisum.

Respondeo enim & esse rea-
liter indiuisum, & realiter di-
uisum. Indiuisum ex se, & per
se; diuisum autem per aliud;
non tamen per nihil; sed per
aliud quod sit potius quid en-
tis, quàm ens; aut quod sit ens
qualitatiuè solùm, ut dicemus;
non autem quidditatiuè. Et cer-
tè supposita diuersitate & di-
stinctione graduum in naturis, ut
vtraque Schola Doctoris Sub-
tilis, & Thomistarum suppo-
nit, contra Ochamum: suppo-

sito etiam quòd Ens non prædicetur de suis modis quidditatiuè, vt infrà probabimus, cum Scoto: hæc Doctrina nullam patitur difficultatem.

Probari nihilominus potest iterum ista secunda pars conclusionis his rationibus Anthonij Andreæ 1. Metaph. q. 1. art. 3. *Conceptus Entis communis Deo & creatura est vnus realiter.* Hanc ostendo sic. *Omni conceptus qui prædicatur in quid de aliquibus, prædicatione dicente; hoc est hoc, est vnus conceptus realiter.* Sed conceptus Entis est huiusmodi. Ergo est vnus realiter. Maior est euidentis: *Quia oppositum prædicati insert oppositum subiecti.* Dato enim quod non sit vnus realiter, iam non prædicabitur in quid de pluribus: nulum enim Ens rationis prædicatur de ente reali essentialiter, & in quid. Minor probatur simili modo quo arguit Arist. 1. Topicorum: *Quia illud prædicatur in quid, de aliquo, per quod respondetur ad interrogationem factam per quid de eo: Huiusmodi est Ens.* Quia si quæras, quid est Deus? respondetur quòd Ens: similiter est de creatura. Respondetur fortè quòd Ens non habet communem aliquam realem, sed solum quantum ad quandam indifferentiam concipiendi. Cum ergo dicitur quòd prædicatur in quid; non est intelligendum quòd sit aliquid commune reale, quod prædicetur in quid de pluribus; sed sub vno modo concipiendi continentur plures res, quarum qualibet prædicatur de hoc, & de illo seorsum: puta realis Dei contenta sub vno modo concipiendi Ens in communi, prædicatur de Deo: & realis creatura contenta sub alio modo concipiendi Ens, de crea-

tura. Contrà; *Quia si sic: tunc prædicatio Entis de Deo, non esset prædicatio superioris de inferiori, sed eiusdem de seipso.* Similiter & de alijs, quod nullus sana mentis diceret.

Præterea: ad principale. Vniuersum potentia, vnus est obiectum adæquatum: sed Ens commune Deo & creatura est primum obiectum intellectus secundum Arist. 1. Metaphysica cap. 5. Ens & res primà impressione imprimuntur in anima. Ergo Ens sic commune, est aliquid vnum. Non vnum secundum rationem. Ergo vnum realiter. Probatio assumpti: *Obiectum potentia præcedit naturaliter actum potentia.* Ergo non est vnum per intellectum: quia in suo priori est aliquid vnum.

Præterea: Circumscripto omni intellectu, Deus & creatura habent aliquam convenientiam: quia plus conueniunt, quam Ens & nihil. Ergo illa convenientia est realis, & ita fundamentum istius convenientie est reale; quia nulla relatio realis potest fundari super Ens rationis: non enim maiori entitatis est res fundata, quam fundans. Fundamentum istius convenientie est vnum, cum sit relatio de priorimodo relatiuorum ex quinto Metaphysica capite, De ad aliquid. Ergo Deus & creatura habent aliquam unitatem realem. Et hæc est unitas Entis, in quo conueniunt Deus & creatura.

Præterea: Intellectus intelligens Ens commune Deo & creatura; aut est verus, aut falsus. Si est falsus, nihil ad propositum: si verus; Ergo sic oportet esse ex parte rei quòd aliquid realiter sit commune. Tunc enim intellectus est verus, quando intelligit sicut se habet in re, secundum

dum *Arist. nono Metaph. cap. ult.*

Confirmatur: quia aliter vniuersalitas Entis esset quoddam fictitium, & Chymara; nisi intellectus à parte rei cogatur ad sic abstractendum vnum aliquod commune: unde oportet quod omni unitati cuiusvis vtri conceptus, correspondeat aliqua unitas ex natura rei.

Tertia pars conclusionis est evidens. Nam certum est Ens non esse quid vnum numero, nec genere, nec specie, cum nec sit indiuiduum, nec species, nec genus. Restat itaque vt quia est quid transcendētale, eius quoque unitas sit transcendētalitatis. Et quia quod plus aliqua unitas recedit ab unitate numerica, eò minor est: Unitas illa transcendētalitatis quæ omnium maximè recedit à numerica, erit omniū unitatum minima.

Quarta pars iam patet ex dictis, & amplius declaratur: Quia eò Ens est vnū, propter quod quantum est ex se, est indiuisum, proindeque eius unitas consistere debet in indistinctione rationis eius vt sic, quatenus scilicet ex natura sua, non dicit modos per quos diuidi aut determinari potest. Et certè contra hanc totam Doctrinam, nulla ferè difficultas excogitari potest, nisi illa vulgaris quæ communiter dicitur Ens naturā suā esse multiplex. Sed parua est: dicimus enim Ens esse multiplex vt existens, & actu determinatum in multis; non autem vt est simplex aliqua natura; vel esse multiplex per aliud, non per se: vel esse multiplex quia non potest existere nisi multiplex; potest tamen obijci intellectui non vt

multiplex, sed vt vnum. Nam Ens vt est reale duo respicit, scilicet, vel inferiora in quibus semper est actu multa: vel intellectum cui semper obijciatur vt vnum. Subiectiue itaque, seu prout existit in inferioribus suis, Ens non est à parte rei vnum; obiectiue autem est à parte rei vnum: quia potest obijci intellectui vt vnū. & hoc nequidem habet ab intellectu, quia ante intellectum, Ens aliquo pacto distinguitur à suis modis. Et quia non aliunde habet à parte rei quod sit multiplex, quàm à suis modis: ideo etiam vt distinctum aliquo pacto ab illis ante intellectum, non habet vt sic, quod sit multiplex. Ergo ante intellectum erit saltem quid vnum per negationem diuisionis & multiplici-
tatis. Quæ negatio licet facilius quo ad nos exprimat talem Entis unitatem: Non est tamen huiusmodi unitas simplex aliqua negatio aut priuatio diuisionis: sed positua consistentia, & absolutissima coherencia vnus & eiusdem cum seipso vt indiuiso, & indistincto.

Obijciunt auctoritas Doctoris Subtilis in 1. dist. 8. q. 2. §. *Ad argument. opinionis opposita contra secundam partem conclusionis*, qui dicit: Deum & creaturam non esse primò diuersa in conceptibus; esse tamen primò diuersa in realitate; quia in nulla realitate conueniunt. Ex quibus verbis colligitur Ens vt vnum, seu, vt id in quo Deus & creatura conueniunt, non esse aliquid reale, sed solum conceptum aliquem intellectus.

Respondeo eo loci Doctorem Subtilem intelligere per realitatem in qua Deus & creaturæ non conueniunt, realitatem aliquam quæ secundum omnem gradum spectata, sit perfecta absque rationibus ipsam contrahentibus: cuius rationis est realitas animalis quæ secundum quemlibet gradum qui potest illi competere, est perfecta, absque rationalitate & irrationalitate quæ sunt rationes per quas contrahi potest. Cuius realitatis ut sic, potest haberi conceptus perfectus, absque eo quod concipiantur prædictæ rationes contrahentes. Nomine autem conceptus, intelligere realitatem illam quæ secundum quemlibet sui gradum non est perfecta absque rationibus eam determinantibus, ut est Ens: quod si secundum omnem gradum sibi debitum concipiatur, concipietur cum suis modis intrinsicis, proindeque de illa realitate non potest haberi conceptus perfectus, qui non sit conceptus eius & modi eius simul. Ita seipsum exponit eadem quæstione, respondendo ad argumentum principale. Existimauerim autem hanc posteriori modo sumptam realitatem, non appellasse realitatem, sed conceptum, seu rem conceptibilem: quia apud ipsum realitas absolute sumpta, dicere debet omnem gradum sibi possibilem. Res autem conceptibilis non debet dicere omnem gradum sibi possibilem, ut sit conceptibilis: quia potest concipi, licet imperfectè, secundum aliquos. Proindeque quia realitas dicit

collectionem omnium graduum possibilem, & conceptibilitas non sic: res denudata propriis modis sibi intrinsicis, veriùs dicitur conceptus, seu res conceptibilis, quàm realitas. Sic Doctori Subtili albedo, ut est entitas, cui, ut debentur necessariò gradus aliqui, quatenus est denudata gradibus illis sibi debitis, & concipi potest ut simplex albedo, ut sic est veriùs conceptus seu res conceptibilis, quàm realitas.

ultima Conclusio.

Conceptus entis obiectiuus, variis rationibus, est distinctus & confusus. Probat: Conceptus entis per ordinem ad descriptionem quæ de eo potest haberi, est distinctus, & per ordinem ad modos quibus determinari potest, est confusus. Ergo variis rationibus est distinctus simul & confusus. Prior pars antecedentis probatur: Conceptus entis explicatus per hanc descriptionem, quæ dicitur esse id quod est, distinctè & clarè dicit gradum generalissimum essendi, diuisum à quolibet gradu imaginabili non essendi, & præcisum ex se ab hoc aut illo modo essendi. Ergo ut sic est distinctus. Posterior pars probatur. Idem conceptus obiectiuus in ordine ad modos per quos determinari potest, & ad inferiora ad quæ, per modos determinari potest, ita se habet, ut nullum modum, vel nullum inferius dicat determinare, sed omnes modos, & omnia inferiora indeterminat.

nate. Ergo ut sic est confusus. Ex his sequitur unitatem conceptus obiectui Entis, variis illis rationibus, spectatam, esse quonque modo unitatem distinctam, modo unitatem confusam: distinctam, ut sequitur ens in ordine ad orationem expressivam conceptus eius: confusam verò, ut sequitur idem ens in ordine ad modos per quos, vel ad inferiora ad quæ determinari potest. Et quidem hoc posteriori sensu, subscribam vltro conclusioni Aureoli, quā concludit quòd conceptus Entis est simpliciter denudatus ab omni ratione vna, vel pluribus, propria, vel communi: Et idcirco est tantum vnus unitate confusionis, implicitè omnem rem, & omnem rationem continens, explicitè rationem nullam.

Obiiciis: Conceptus obiectivus Entis in ordine ad descriptionem, nullum modum & nullum inferius dicit determinatè. Ergo, ut sic, est confusus.

Respondeo negando consequentiam. Nam ad confusionem conceptus Entis, de mente Scoti, non sufficit quòd nullum modum, aut nullum inferius dicit determinatè: sed oportet præterea ut ad modos ipsos & ad inferiora comparetur. Dicitur enim confusus, quia omnia respicit confusè. Ut autem subest descriptioni, sub ea ratione, non respicit præcisè inferiora, in quibus existit: sed rationem, per quam eius ratio exprimitur. Cætera de unitate conceptus Entis explicabuntur, vbi de unitate formali naturarum ex processu disputabimus.

QVÆSTIO SEPTIMA.

An Conceptus Entis sit aliquo modo præcisus, & distinctus ante intellectum, à suis inferioribus?

DE utroque conceptu àm formali, quàm obiectivo, procedit quæstio. Pro cuius solutione,

Prænotandum 1. quantum ad præsens institutum attinet, triplicem esse præcisionem, seu abstractionem præcisivam, scilicet Physicam, Metaphysicam, & Logicam. Præcisio Physica est quæ duo aliqua physicè & realiter separantur, ut est ea quæ membrum aliquod præscinditur à corpore.

Metaphysica ea est, quæ rationes aliquæ formales in aliquo realiter identificatæ, & inseparabiles, ita præcisæ sunt ab invicem, ut neutra aliam includat, ut est ea quæ rationes animalis & rationalis in homine præcisæ sunt ab invicem.

Præcisio Logica ea est quæ aliqua per solam actionem intellectus ab invicè præscinduntur, & abstrahuntur, ut ea quæ abstracta præscinduntur à concretis in substantialibus; ut animal, & animalitas, rationale & rationalitas, & similia. Atque adeo huiusmodi præcisiones sic se habent, ut prior oriatur ex aliqua actione seu præcisione physica, secunda ex ipsa rerum natura, tertia ex sola actione intellectus

Triplex præcisio, Physica, Metaphysica, & Logica.

tellectus. Sic se habent iterum, ut priores inferant, vel saltem inferre possint posteriores, non vice versa. Hinc sit ut ea quæ iam præcisa sunt Metaphysicè, dicantur adhuc sæpissimè præcindi per intellectum, quatenus scilicet illa iam naturâ suâ præcisa, intellectus sic præcisa considerat, & concipit vnum, alio non concepto. Quare cum apud Doctorem Subtilem & alios, dicitur intellectus noster aliqua ab aliis præcindere; illud non sic semper debet intelligi, quasi ista non sint iam alia præcisione præcisa; sed quia siue præcisa sint, siue non; intellectus illa iterum præcindit, concipiendo vnum, alio non concepto. Cum enim, ut dictum est, duo sint conceptus, alter formalis, & alter obiectiuus; & quidem obiectiuus semper sit prior formali, tanquam partialis causa eius, sitque idem conceptus obiectiuus nihil aliud quam ipsum obiectum ut habitualiter in intellectu, seu ut intelligibile; sit ut moueat vel mouere possit intellectû; quatenus sese exhibet ei præsens, vel in specie intelligibili, vel aliter. Intellectus autem qui potest abstrahere ab obiecto omnem rationem intelligibilem, in eodem obiecto vel formaliter, vel virtualiter inclusam, putâ ab albedine relucente in specie intelligibili, rationem coloris, qualitatís, accidentis, & Entis; potest consequenter versari circa illud abstractum, sine eo quòd versetur circa id à quo abstraxit; quia ex natura sua potest coniuncta in re diuidere, & res diuisas

componere; & ita vnum, alio non concepto, concipere. Igitur tametsi strictè loquendo præcisio in eo vidatur à distinctione distingui; quòd distinctio intercedat inter gradus atque vniuersales; præcisio verò sit distinctio superioris ab inferioribus: nihilominus pro vno & eodem hic vsurpantur. Et ita inuestigando præcisionem Entis, à suis inferioribus; etiam eiusdem Entis distinctionem ab istis inferioribus euoluemus.

Prænotandum 1. nos hîc supponere dari præcisionem Metaphysicam, seu distinctionem aliquam ex natura rei inter gradus superiores & inferiores naturarum & indiuiduorum, ut alibi probabimus. Quod quidem si verum sit inter gradus prædicamentales; ut inter substantiam & corpus; inter hominem & animal: non minus verum erit inter prædicamentales, ut inter Ens, & creaturam, inter Ens & substantiam. Nam quod aliqui concedunt istam distinctionem inter gradus prædicamentales, ut Fonsca 2. Metaphysic. in Commentario capitis secundi circa finem, & lib. 5. cap. 7. qu. 5. sect. 5. ad secundum: Non concedunt autem inter prædicamentales & transcendentales, præsertim inter Deum, vel creaturam, & Ens, ut illemet alibi: istud videtur sine rationabili fundamêto dici. Nam quod dicunt hoc esse speciale inter hos gradus, propterea quòd oporteret gradus inferiores additos Enti, à quo distinguerentur ex natura

rei, fore nihil; ostendatur esse falsum, ubi de modis determinantibus Ens, & de modo, quo Ens ipsum de illis prædicatur, agemus. His positis, sit

Prima Conclusio.

Conceptus formalis Entis elicitivè sumptus, est præcisus & distinctus realiter à conceptibus formalibus inferiorum; sumptus autem terminativè, est non tantum distinctus realiter, sed est omnino alterius rationis & naturæ à conceptibus eorundem inferiorum. Prior pars conclusionis probatur. Conceptus formalis Entis elicitivè sumptus est actus intellectus realiter distinctus à quolibet alio actu eiusdem intellectus; Ergo & ab actu quo intellectus concipit substantiam & accidens: sed actus quibus intellectus concipit substantiam & accidens, sunt conceptus formales inferiorum Entis, ut patet. Ergo conceptus formalis Entis est re præcisus & distinctus à conceptibus formalibus inferiorum Entis. Secunda pars probatur. Quia actus desumunt suam speciem, saltem extrinsecè, ab objectis, à quibus partialiter causantur, & ad quæ terminantur; Sed conceptus formalis Entis versatur circa Ens. Ergo ab Ente desumit suam speciem: Ens autem est omnino alterius rationis, ab inferioribus suis. Ergo conceptus formalis Entis terminativè sumptus non modò distinguitur re, sed etiam ratione formali à conceptibus formalibus inferiorum Entis.

Dico non tantum re, sed etiam ratione formali seu quidditativa: quia aliquando plus est distinguere ratione formali, quam solum realiter, ut in proposito. Nam duo conceptus formales Entis v.g. distinguuntur realiter, quatenus sunt duo actus intellectus realiter distincti: Terminativè autem non distinguuntur ratione formali; quia sunt eiusdem speciei & naturæ. Itaque distinguuntur ratione formali, quandoque plus est quam distinguere realiter. Non immoror in hac conclusione, quippe in qua non est potissima difficultas, sed in sequente.

Secunda Conclusio.

Conceptus obiectivus Entis est distinctus & præcisus ex natura rei à conceptibus obiectivis inferiorum. Hæc conclusio fundatur in illa generali Doctrina nostræ Scholæ, quæ docetur dari distinctionem aliquam ex natura rei inter gradus transcendentales, genericos, differentiales, & individuales alicuius unius individui. Quam Doctrinam ut magis conformem Aristoteli, ac etiam D. Thom. ab impugnationibus Francisci Suarez tom. 1. Metaphysic. disput. 6. sect. 9. inferius vindicare conabimur. Probatur interrim conclusio. Conceptus ille qui naturam suam pauciora dicit quam alius, est naturam suam præcisus & distinctus ab eo. Sed conceptus Entis naturam suam pauciora dicit quam conceptus inferiorum. Ergo est naturam suam præcisus & distinctus à con-

ceptibus inferiorum. Maior est nota. Minor probatur. Conceptus Entis dicit solùm gradum essendi: Conceptus inferiorum dicunt supra istum gradum, vel gradum subsistendi, vel gradum viuendi, vel gradum sentiendi, vel gradum inhzrendi, vel alium. Ergo conceptus Entis naturâ suâ pauciora dicit quàm conceptus inferiorū.

Respondetur communiter, secundum Doctrinam nostrorum Nominalium, falsum esse quod Ens naturâ suâ pauciora dicat, quàm conceptus inferiorum; sed id habere solùm ab intellectu inadæquatè concipiente naturam aliquam, in qua separat & distinguit gradus illos prædictos ab inuicem, qui ex natura rei sunt in natura ipsa omnino indistincti: Ideoque cùm Petrus v. g. per suam vnâ & simplicem entitatem, sit Ens, & substantia, & corpus, & viuens, & animal, & rationalis, & homo, & Petrus, simulque sit hæc omnia indistinctè: Intellectus tamen concipiendo rationem Entis, non conceptis aliis; dicitur distinguere gradum Entis ab aliis gradibus inferioribus. Atque ad id si quæ sit inter gradus ipsos distinctio, tota pendet ab intellectu, & minime ab ipsa rei natura petitur.

Contrâ. Si gradus illi in Petro distinguuntur tantum per intellectum, & sunt omnino indistincti à parte rei: sicut verum est rationalitatem Petri esse actum primum ratiocinandi: Ita verum erit animalitatem eiusdem Petri esse actum primum ratiocinandi. At istud falsum est: Ergo

& aliud.

Respondetur illam simplicem entitatem prout est rationalis, esse actum primum ratiocinandi, non autem prout est animal, aut viuens, aut substantia. Quia quantumvis entitas illa sit actu vna & indistincta, & adæquatè spectata, sit simul & existens, & subsistens, & viuens, & sentiens, & rationalis: inadæquatè tamen spectata; nunc est ratio vnus, putà ratiocinationis, & non alietius, putà subsistentiæ, vel existentiæ.

Contrâ. Simplicem illam entitatem, esse actum primum ratiocinandi, vt est rationalis, & non vt est animal: est entitatem illam esse actum primum ratiocinandi, prout concipitur tantum rationalis, & non concipitur animal; vel vt à parte rei est rationalis, & non animal. Si dicatur posterius, habetur propositum: Nam aliquid posse ratiocinari quâ rationale à parte rei, & non quâ animal; est rationale, & animal non esse idem à parte rei: Si prius. Contrâ. Si per possibile vel impossibile, Petrus non esset animal, & esset substantia rationalis, haberet actum primum ratiocinandi, non tantum vt conciperetur rationalis, & non conciperetur animal; sed vt reuera esset rationalis, & non esset animal. Ergo nunc habet actum primum ratiocinandi non tantum quâ concipitur ratiocinabilis, & non concipitur animal; Sed vt à parte rei est rationalis & non animal. Probatur consequentia. Quia rectè probatur hoc naturâ suâ, non esse illud, quando

illo circumscripto, remanet hoc: Sed circumscripto animali, remaneret adhuc rationale: Ergo naturâ suâ animal non est rationale.

Dicetur, quòd tunc Petrus foret alia entitas. Oprimè. Ergo foret alia entitas per subtractionem alicuius, ex cuius ablatione sequeretur alia entitas; non autem per ablationem rationalis. Ergo foret alia entitas per ablationem alicuius quod non esset rationale. Ergo rationale, & illud quod per possibile vel impossibile esset ablatum, non sunt idem. Licet itaque non simus ita materiales, vt conceptus entis, & substantiæ, & corporis, & viventis, & animalis, & rationalis, & Petreïtatis realiter actu diuidamus, & quasi separemus abinuicem: Non tamen etiam sumus ita Chymærici, vt imaginemur solum illos distinguere per intellectum: Sed media gradimur via, dicendo gradus illos Metaphysicè, seu suis proprijs distinguere rationibus.

Probatum iterum hæc Conclusio rationibus Doctoris Subtilis. Omnis intellectus certus de aliquo, & dubius de diuersis, habet conceptum tum formalem tum obiectiuum de eo de quo est certus, alium à conceptibus tum formalibus, tum obiectiuis eorum de quibus est dubius. Sed intellectus potest esse certus de aliquo quod sit ens, dubitando an sit ens finitum vel infinitum, creatum vel increatum. Ergo conceptus entis de aliquo est alius à conceptibus entis finiti & infiniti,

creati & increati. Quòd si sit alius: Ergo præcisus & distinctus: & hoc quidem ex natura rei: quia illud de quo intellectus est certus, natum est, ex natura sua, parere talem certitudinem, quemadmodum illa de quibus est dubius, parere nata sunt dubitationem. Maior est nota, quippe cuius subiectum inuoluit prædicatum. Nam vnus & idem conceptus non potest simul esse certus & dubius. Minor probatur. Philosophi qui contendebant de primo rerum omnium principio, erant certi quòd illud erat ens, & dubitabant quale illud esset, an ignis, vel aer, vel aqua, vel aliquid aliud, aut finitum, aut infinitum. Ergo intellectus potest esse certus de aliquo quod sit ens, dubitando quale sit ens?

Respondent Nominales intellectum posse simul esse certum & dubium de eodem conceptu, varijs modis, scilicet vel confusè vel distinctè spectato: certum quidem de illo confusè spectato: dubium verò de eodem distinctè considerato: & quia ens nihil aliud est quàm omnia entia confusè spectata: & inferiora eius, ipsa eadem omnia entia iam distinctè spectata; nihil prohibet de omnibus entibus confusè spectatis, dari conceptum aliquem tum formalem, tum obiectiuum alium à conceptu tum formali tum obiectiuo eorundem omnium entium distinctè consideratorum.

Contrà. Omne vniuersale est quoddam totum, & eâ ratione dicitur totum confusum, quia

sub se continet partes subiectivas, quæ non concipiuntur virtute ipsius etiam distinctè concepti. Ergo non dicitur totum confusum per ordinem ad aliquam unam rationem modò distinctè, modò confusè conceptum. Ergo conceptus entis ut alicuius totius confusi, non est idem ac conceptus partium eius subiectivarum. Probatur. Quia solùm fortè dubitari posset; an vnus & idem conceptus possit esse simul certus & dubius in ordine ad vnā, & eandem rationem, nunc minùs perfectè, nunc perfectiùs cognitā. Dico fortè: Quia cùm ex doctrina nostra, illud dicatur distinctè concipi, cùm concipitur sicut exprimitur per definitionem; illud verò confusè concipi, cùm concipitur sicut exprimitur per nomen: iam clarum est conceptum confusum & distinctum, hoc pacto, non esse vnum & eundem; quia non est idem conceptus nominis, & definitionis. Nec etiam fortè conceptus alicuius distinctè concepti est vnus per ordinem ad definitionem, nunc minùs expressam, nunc expressiorem. Quia cùm essentia rerum sint sicut numeri, quibus si tantum addatur vnus gradus, variantur: conceptus rei expressæ per expressiorem definitionem, erit alius à conceptu eiusdem rei expressæ per minùs expressam definitionem: Quia res conceptibilis, quippe cui est gradus additus, est etiam alia. At nullo modo dubitari potest quin conceptus alicuius totius confusi confusione partium sub-

iectivarum, sit alius à conceptu earundem partium subiectivarum: quia ex natura rei non sunt omnino idem, totum confusum seu potentiale, & partes eius subiectivæ. Ens autem est quoddam totum confusum confusione partium subiectivarum. Ergo conceptus eius non est vnus & idem cum conceptu partium eius subiectivarum, quæ sunt Deus & creatura, substantia & accidens.

Respondet iterum huic rationi Doctoris quidam Ioannes Roditon citatus apud ipsum in 1. dist. 12. q. 6. & post ipsum Socinnas, 4. Metaphis. q. 2. & 3. & quidam alij apud Franciscum Suarez, conceptum obiectuum entis, esse alium à conceptibus inferiorum, non alietate præcisionis, sed alietate disunctionis. Hoc est, esse alium à conceptibus inferiorum, eodem modo quo totum aliquod disunctum est aliud à suis partibus. Cuiusmodi est hoc disunctum: vel dies est, vel nox. Quod quidem præcisè nec diem, nec noctem dicit, nec etiam aliquid ex natura rei præcisum ab utroque; sed vel vnum, vel aliud membrorum disunctorum. Ens enim (dicunt ipsi) nec substantiam dicit præcisè, nec accidens; nec etiam aliquid ex natura rei præcisum ab utroque; sed vel vnum, vel aliud; scilicet vel substantiam, vel accidens.

Contra istud est primò, quia certitudo ipsa entis, de quo intellectus est certus, præcedit omnem apprehensionem quorumcumque diuidentium ipsum ens. Ergo præcedit certitudi-

nem de toto disuncto. Antecedens probatur. Quia cum primum apprehenditur Ens, vel aliquid; non statim apprehenduntur rationes istæ, nimirum esse à se, vel ab alio; esse Deum, vel creaturam; substantiam, vel accidens. Ergo apprehensio Entis præcedit apprehensionem membrorum diuidentium ipsum. Ergo & certitudo; quia talis apprehensio est certa. Consequentia probatur. Quia apprehensio totius disuncti supponit apprehensionem inferiorum diuidentium: quia disunctum constituitur ex diuidentibus.

Præterea. Si hoc esset, sequeretur hanc prædicationem; substantia est ens: efficere hunc sensum. Substantia est substantia vel accidens. Quod constat esse falsum. Nec exemplum est ad propositum. Nam nullum totum disunctum prædicari potest de altera parte determinata disunctionis, dicendo v.g. dies vel nox, est dies. Ens autem prædicatur de altera parte determinatè diuidente ipsum; dicendo Ens est substantia; vel Ens est accideas. Ergo ens respectu suarum partium subiectiuarum, non est totum aliquod disunctum. Alias quasdam responsiones ad rationem Scoti asserti, & soluit noster Faustinus Theor. 86. cap. 2. Philosophiæ naturalis.

Probatur iterum conclusio ab Antonio Andrea in hunc modum. *Impossibile est aliqua plura in uno & eodem conceptu simul conuenire, & differre: sed Deus & Creatura conueniunt in Ente, vel conceptu Entis: quia utrumque verè est Ens. Differunt autem*

proprijs conceptibus, sicut patet, quia non est idem conceptus Dei, & creaturæ. Ergo conceptus Entis est alius à conceptu Dei & creaturæ.

Respondent aliqui aliqua plura non posse simul conuenire quidem & differre in conceptu vniuoco: benè tamen in conceptu analogo, qualis est conceptus Entis. Quia, dicunt, hoc est discriminis inter vniuocum, & analogum quo ad hoc, quòd vniuocum sit in quo multa conueniunt, & non differunt. Analogum vero id in quo plura & conueniunt & differrunt, cùm analogi ratio partim sit eadem, partim diuersa.

Contrà. Ens est analogum vniuocum. Ergo ratio eius non est partim eadem, partim diuersa in se, vt dictum est superius; sed est eadem, & cum ordine tantum ab inferioribus participata. Sed prius est rationem illam esse vnā & eādem, quā cum ordine participari. Nam esse vnā habet ex se. Cum ordine autem participari habet à modis determinantibus ipsam. Ergo prius est aliqua plura in ratione ista conuenire, quā propter ordinem participationis eius, differte. At ratio ista, in qua Deus & creatura conueniunt, est præcisè ratio Entis: non autem cum ordine vel dependentia participari ab hoc vel illo Ente. Ergo in ratione Entis præcisè non habent aliqua multa quòd conueniant simul, & differant.

Respondet Suarez aliqua plura posse simul conuenire & differre in aliquo etiam vniuoco, dummodò conuenientia &

distinctio eorum sint diuersorum ordinum; puta si conuenientia sit rationis tantum, & distinctio realis; vel conuenientia imperfecta, & distinctio seu disconuenientia perfecta. At, inquit, tom. 1. Metaph. disp. 2. sect. 3. num. 16. res ita se habet in proposito. Nam conuenientia inferiorum Entis in Ente, est rationis tantum; distinctio autem, realis. Item conuenientia est imperfecta, distinctio perfecta. Quare cum aliqua plura possint in aliquo vno secundum quid conuenire, & in eodem simpliciter differre: inferiora entis poterunt secundum rationem, imperfectè, & secundum quid conuenire; & in eodem secundum rem, perfectè, & simpliciter differre.

Contrà. Conuenientia inferiorum entis in ente, est similitudo quam habent inferiora entis ad inuicem. Sed similitudo illa non est rationis tantum, in sententia eius, & in rei veritate: Nam non habet per intellectum, aliquod vnum ens reale, quod sit simile alteri enti reali, ex eo quod sit ens reale. Ergo conuenientia etiam inferiorum Entis in Ente, non est rationis tantum. Confirmatur ex ipso, qui in eadem periodo, in qua dicit conuenientiam illam esse secundum rationem tantum; paulò post, dicit conuenientiam, & similitudinem quam inferiora Entis inter se habent, esse realem.

Item contrà id quod dicit de conuenientia illa imperfecta. Quandocumque aliqua plura simul conueniunt, & differunt;

quantumuis imperfectè conueniant, & perfectè differant: ab eo tamen præcisè, & formaliter non habent unde conueniant, à quo habent quod differant. Ergo quantumuis imperfectè inferiora Entis in Ente conueniant, & perfectè differant; ab eo tamen formaliter non habent unde conueniant, à quo habent quod differant. Antecedens probari posset inductione per ea omnia quæ quouis modo conueniunt, & differunt: Sed hoc vnum sufficit exemplum. Brutum & planta v. g. imperfectè conueniunt, & perfectè differunt. Constat tamen non ab eodem formaliter habere quod imperfectè conueniant, à quo habent quod perfectè differant. Nam à gradu viuientis habent quod imperfectè conueniant, & à gradibus sentientis, & non sentientis quod perfectè differant. Ergo quantumuis aliqua imperfectè conueniant, & perfectè differant: ab eo tamen formaliter non habent quod conueniant, à quo habent quod differant.

Præterea, in sententia nostra: ex eo tantum dicuntur inferiora Entis in Ente conuenire imperfectè, quia illud in quo conueniunt, nempe Ens ipsum, non est omnium perfectissima, imò omnium minima vnitatem, vnum, in qua quidem vnitatem fundatur proximè ista conuenientia; sicut in vnitatem albedinis, v. g. fundatur similitudo. Sed vnitatem quantumuis imperfecta nunquam est fundamentum proximum differentie, sed numerus ex Aristotele. Ergo ab

eo non habent aliqua præcisè quòd conueniant etiam imperfectè, à quo habent quòd differant.

Probatur insuper conclusio. Conceptus entis est prior naturaliter conceptu Dei & creaturæ. Ergo est alius. Antecedens patet. Quia ille conceptus naturaliter est prior, à quo non conuertitur subsistendi consequentia, ex Postprædicamentis, & 5. Metaphysic. cap. de priori. Sed conceptus entis est huiusmodi. Nam rectè sequitur: est Deus. Ergo Ens; & non è conuerso. Similiter: est creatura. Ergo ens; & non è conuerso. Ergo conceptus entis est naturaliter prior conceptu Dei & creaturæ. Consequentia probatur. Prius in suo priori non dependet à posteriori, nec quantum ad esse, nec quantum ad cognosci: quia vt sic non repugnat sibi esse sine posteriori. Ergo est aliud à posteriori.

Præterea. Inter conceptus quidditativos, solus conceptus entis est simpliciter simplex. Ergo est alius à quocumque conceptu entis inferioris, cuiusmodi sunt Deus & creatura. Antecedens nunc supponitur. Consequentia patet. Quia impossibile est eundem conceptum esse simpliciter simplicem, & non simpliciter simplicem. Nullus autem conceptus entis inferioris est simpliciter simplex omninò. Ergo conceptus entis est alius à quocumque conceptu entis inferioris.

Tandem ita probari potest. Non eo formaliter aliquid est substantia v. g. quo est ens. Er-

go ratio entis est alia & distincta formaliter à ratione substantiæ. Atque idem erit iudicium de aliis inferioribus entis. Antecedens probatur. Si eo quidpiam formaliter esset substantia, quo est ens: ex quo aliquid esset ens, esset substantia. At id dici non potest: aliàs, cum etiam accidens ipsum sit ens; ex eo esset substantia, ex quo est ens, sicque accidens esset substantia, quod est falsum. Ergo non eo aliquid formaliter est substantia, quo est ens.

Respondet Suarez ex eo aliquid esse substantiam, ex quo est ens substantiale; & similiter ex eo aliquid esse accidens, ex quo est ens accidentale. Esse autem ens substantiale, vel ens accidentale, non esse duo aliqua distincta formaliter, sed tantum per intellectum. Quare cum dicitur non eo aliquid est substantia, quo est ens: non eo præciso per intellectum, verum est; non eo præciso ex natura rei, falsum est: nam vno & eodem à parte rei, aliquid est substantia, & ens.

Contrà. Esse Ens substantiale plus dicit à parte rei, quàm esse Ens simpliciter. Ergo non eo à parte rei aliquid est Ens substantiale, quo est Ens simpliciter. Ergo non tantum per intellectum, verum etiam à parte rei, non eo aliquid est substantia, quo est Ens simpliciter. Antecedens probatur: quia esse Ens substantiale dicit conceptum compositum; esse autem Ens simpliciter, dicit vnicum conceptum simplicissimum, etià ex natura rei, præcisum à conceptu

ceptu Entis substantialis. Nam ad hoc vt aliquid dicatur præcisum ex natura rei ab alio, sufficit quòd non sit motum vel excitatum ab intellectu vt dicatur esse; & cum hoc sit mouens & excitans, vel motuum & excitatum intellectus ad cognitionem sui, ante omnem cognitionem & apprehensionem sui. At conceptus Entis est huiusmodi. Ergo est præcisus ex natura rei à conceptu Entis substantialis. Ergo esse Ens substantiale plus dicit à parte rei, quàm esse Ens simpliciter. Consequentia est euidens. Nam si esse Ens substantiale plus dicat à parte rei, quàm esse Ens simpliciter; constat non eo præcisè à parte rei aliquid posse esse Ens substantiale, quo est Ens simpliciter.

Præterea. Si esse Ens substantiale, & esse Ens simpliciter non differunt nisi per intellectum, & sint idem à parte rei: sicut Ens simpliciter ex natura rei dicitur de accidente; Ita esse Ens substantiale dicitur de eodem: Hoc autem est falsum, vt patet. Ergo non sunt vnum & idem à parte rei Ens, & Ens substantiale.

Obiect. Idem Suarez tom. 1. Metaphysic. disput. 2. sect. 2. tria proponit argumenta in hanc sententiam, quæ sunt fundamenta suæ opinionis, quorum primum est satis prolixum, & non multum vrgens. Nam premit tantum querendo quomodo se habeant ens & substantia vt distincta ex natura rei?

Solutio. Sed responderetur breuiter se habere vt conceptum commu-

nissimum, & conceptum minus communem, qui conceptus minus communis non habet simpliciter quòd sit ens ex eo quòd sit substantia; sed quòd sit tale ens. Sicut homo v. g. non habet simpliciter quòd sit animal, ex eo quòd sit homo; sed quòd sit tale animal. Vnde quemadmodum præciso animali ab homine, non contingit amplius esse hominem; non quòd homo sit tantum animal; sed quia animal ad essentialem hominis constitutionem requiritur: Ita præciso Ente à substantia, non contingit amplius esse substantiam; non quòd substantia sit tantum Ens simpliciter, seu sit tantum gradus ille communissimus Entis: sed quia gradus ille ad essentialem substantiæ constitutionem desideratur.

Dicet fortè non esse parem rationem in exemplo, & proposito: quia præciso animali ab homine, remanet adhuc aliquid, quod non est formaliter animal, nimirum rationale. At præciso Ente à substantia nihil remanet quod non sit adhuc Ens formaliter, vel erit nihil. Igitur falsum est posse præscindi Ens à substantia, sicut in sententia Scoti præscinditur animal ab homine.

Respondetur id quod remanet, præciso Ente à substantia, non esse Ens quidditatum & determinabile, de quo solum loquimur; sed Ens qualificatum, seu modificatum, & determinatum. Quæ responsio specialem habet locum inferius.

Obijcit 2. Conceptus Entis

Instantia.

Soluitur.

Obiectio 2.

non solum à creaturis; sed etià à Deo præscinditur. Sed in Deo non distinguitur ex natura rei, conceptus Entis ut sic, à conceptu talis Entis, scilicet increati vel infiniti. Ergo neque in cæteris Entibus. Maiorem non improbat Scotus. Minor probatur, tum ex summa Dei simplicitate: Nam si in eo esset aliqua distinctio ex natura rei, non esset summè simplex: tum etiam quia aliàs daretur in rebus aliqua ratio realis ex natura rei distincta ab omnibus alijs ex se, & naturâ suâ prior Deo ut Deus est, scilicet illa ratio Entis, quæ in Deo esset distincta à ratione Dei. Hoc autem est impossibile: quia Deus ut Deus essentialiter est primum Ens & duratione, & perfectione, & naturâ. Denique quia illamet ratio Entis quæ in Deo est, essentialiter habet diuinas proprietates, ut esse independentem & increatam: vnde etiam secundum illam rationem Entis prout est in re, infinitè distat Deus à creaturis. Ergo in Deo non distinguitur ex natura rei conceptus Entis ut sic, à conceptu talis Entis, scilicet increati vel infiniti.

Solutio.

Respondeo concessâ maiore, negando minorem; & ad primam probationem eius dicendo huiusmodi distinctionem non repugnare diuinæ simplicitati, ut egregiè probat Scotus, & nos cum eo alibi probamus. Ad secundam dicendo impossibile esse dari realitatem aliquam priorem Deo, non autem conceptum: seu impossibile esse dari rationem aliquam subiecti-

uam priorem Deo; non autem rationem aliquam obiectiuam: seu impossibile esse dari aliquid prius Deo prioritate existentie, non autem dari aliquid prius tantum prioritate generalitatis & prædicationis. Aliquid autem esse primum Ens duratione, perfectione, & naturâ competit tantum naturæ, seu realitati subiectiue, quæ primò & per se potest existere; non autem conceptui alicui generalissimo, qui non prius durat, nec prius existit, quàm eius inferiora, in quibus, & virtute quorum solum existit. Ad tertiam nego illam rationem entis quæ est in Deo, habere præcisè & formaliter ut est simplex ratio Entis, diuinas proprietates. Nam præcisè ut est ratio Entis, nihil habet nisi rationem Entis. Tamen ut illa ratio est iam non ratio Entis simpliciter; sed talis Entis; tunc habet diuinas proprietates. Vno verbo, ratio Entis essentialiter & realiter habet diuinas proprietates; formaliter non habet.

Obijcit 3. sola distinctio conceptuum nostrorum, quibus aliquid percipimus per modum communis & particularis, non indicat sufficientem distinctionem ex natura rei, in re concepta. Ergo neque illam indicat in conceptu Entis, respectu suorum inferiorum. Antecedens patet tum in rebus diuinis, ubi conceptus personæ diuinæ communis est tribus personis diuinis, in quo conceptu conueniunt personæ diuinæ, & in propriis distinguuntur, & tamen in vnaquaque earum ratio personæ,

Obiect.

& ratio talis personæ non distinguatur ex natura rei, sed tantum ratione. Similiter datur conceptus sapientiæ, & tamen nec sapientia increata, nec creata habet distinctionem ex natura rei, à sapientia ut sic considerata. Tùm in rebus creatis, exemplum est in luce solis, ubi & est virtus illuminandi, in qua convenit cum splendore ignis, & calefaciendi, in qua convenit cum calore, & exsiccandi in qua convenit cum siccitate; & ab eis omnibus potest intellectus varios conceptus abstrahere, quos omnes in luce ex natura rei existimate distinctos frivolum est, & sine fundamento.

Solutio. Respondeo antecedens verum esse, si illa distinctio conceptuum nostrorum non causaretur ab aliquo distincto, vel saltem, non eodem, præcedente ipsam distinctionem. Quia autem ponimus distinctionem conceptuum nostrorum oriri à distinctione rerum conceptibilium: idèò antecedens falsum est. Distinctionem autem conceptuum nostrorum oriri à distinctione, vel saltem non identitate rerum vel rationum conceptibilium præcedente ipsam, constat etiam in exemplis allatis. Idèò enim intellectus meus habet conceptum distinctum paternitatis divinæ, & personæ divinæ: quia à parte rei non est idem, esse personam divinam, & esse Patrem. Quia Verbo divino convenit esse personam divinam, non tamen convenit esse Patrem. Quòd si eo præcisè & formaliter, pater esset pater, quo est

persona: ex quo aliqua persona divina haberet quòd esset persona, haberet quoque quòd esset Pater, quòd apparet esse falsum. Confirmatur ista responsio autoritate Doctoris nostri doctis rationem illam personæ, ut dicit aliquid commune Patri, & Filio, & Spiritui sancto, non significare secundam intentionem. Multò clarius id apparet esse verum in alijs exemplis. Nam in sapientia creata, non est idem à parte rei, esse sapientiam, & esse creatam. Quia sapientiæ divinæ convenit esse sapientiam, non tamen convenit esse creatam. Exemplum solis ipsis etiam cæcis patet potius esse ad oppositum, quàm ad propositum Suarij. Ipsi enim cæci experiuntur calorem solis, & non lucem: quòd fit ut à posteriori, rectè illi possint inferre, lucere in sole, non esse idem à parte rei, ac calefacere; ac proinde virtutem luccendi non esse omnino & præcisè à parte rei, virtutem calefaciendi in sole. Ab experientia enim virtutis unius, alia non experta, rectè colligitur virtutem experientia comparatam, non esse omnino à parte rei virtutem non probatam experientiâ.

Ex his sequitur conceptum obiectivum Entis esse etiam ratione præcisum à conceptibus obiectivis suorum inferiorum; quia distinctio & præcisio maior infert minorem. Vnde sequitur: Ens ex natura rei est præcisum à suis inferioribus. Ergo multò magis præcisum erit per intellectum.

QVÆSTIO OCTAVA.

*Utrum Ens sit Vniuocum ad
Deum & creaturas, & ad
Substantiam & accidens?*



X duabus præcedentibus quæstionibus, satis constat affirmationem debere esse huius quæstionis responſionem: nihilominus ad maiorem illius euidentiam,

Prænotandum 1. ex nostro Antonio Andr. 4. Metaphys. qu. 1. §. *Quantum ad secundum*. Et Tatareto in Commentarijs primi Sententiarum, dist. 3. qu. 3. Triplicem esse vniuocationem, scilicet Physicam, Logicam, & Metaphysicam.

triplex
vniuo-
catio,
Physi-
ca, Lo-
gica, &
Meta-
physi-
ca.

Vniuocatio Physica, est unitas naturæ formalis, perfectissima, ex natura rei, circumscripto omni opere intellectus, cum vno nomine importante istam rationem pluribus; & hæc reperitur duntaxat in specie specialissima, in qua, & non in genere, fieri propriæ comparationem docet Philosophus 7. Physic. quia species specialissima dicit vnā naturam & vniuocam, in qua non latent æquiuationes, quemadmodum in genere, quod propterea dicitur æquiuocum, æquiuatione opposita huiusmodi vniuationi Physicæ, eo quod natura generica non est tantā unitate vna, quantā unitate est vna natura specifica, vt docent Commentator & Themistius 1. de anima.

Et hoc videlicet ratione inæqualis perfectionis differentiarum contrahentium genus, & æqualis perfectionis differentiarum contrahentium speciem specialissimam.

Vniuocatio Logica est unitas alicuius realitatis, vel intentionis primæ, sub aliqua intentione Logica, putâ, vel generis, vel differentiz, vel alicuius alterius, conceptæ; quâ vniuatione, non modo genera, & species, sed etiam transcendentia dici possunt vniuoca; quippe quæ subesse possunt secundæ cuidam intentioni, v.g. intentioni vniuersalitatis. Et quidem vniuocum, hac vniuatione, stare potest cum æquiuoco, æquiuatione Physica; quia genus v. g. quod est æquiuocum æquiuatione Physica, est etiam vniuocum vniuatione Logica.

Vniuocatio Metaphysica est unitas alicuius primæ intentionis conceptibilis, & abstrahibilis à pluribus inferioribus, ex natura rei, non affecta vlla intentione secunda. Et hac vniuatione censentur vniuoca, quæcumque non sunt vniuoca vniuatione physica.

Prænotandum 2. ex Francisco de Marchia, apud Tataretum in Commentarijs primi dist. 3. q. 1. & Patre de Rada controuersia 21. primi sent. quadruplicem esse gradum vniuationis.

Quatuor vniuationis gradus.

Primus & omnium perfectissimus est, cuius ratio vniuoca est æqualis omnino perfectionis, & eodem ordine essentiali, & eodem modo essendi repe-

itur in suis inferioribus; & in hoc gradu occurrit sola species atoma, cuius ratio vniuoca, & communis suis indiuiduis, est æqualis omnino perfectionis, etiam adiunctis differentiis indiuiduantibus; quippe quarum vna non est perfectior alia: Item eodem essendi modo, & eodem ordine essentiali descendit in ipsa indiuidua, & non secundum prius, & posterius essentialiter; quia indiuidua eiusdem speciei, sic se habent, vt vnum essentialiter, non sit prius altero.

Secundus vniuocationis gradus est, cuius vniuoca ratio eodem essendi modo, & eodem ordine essentiali; non tamen cum æquali perfectionis gradu, reperitur in suis inferioribus. Huius conditionis est vniuocatio generum, quæ ratione differentiarum adiunctarum, perfectius sunt in vna, quàm in alia specie, vt animal v. g. quod perfectius extrinsecè, videlicet ratione perfectioris differentie, est in homine, quàm in bruto.

Tertius gradus vniuocationis est, cuius vniuoca ratio, eodem quidem essendi modo, scilicet, essentialiter, & realiter, & sine vlla dependentia vnus inferioris ad aliud; non tamen eodem ordine essentiali inuenitur in suis inferioribus. Ad hunc gradum spectat numerus, qui per prius essentialiter descendit ad binarium, quàm ad ternarium.

Quartus gradus vniuocationis est cuius sola ratio vniuoca, seclusis eodem modo essendi, eodem ordine essentiali, & æquali perfectionis gradu, reperitur

in suis inferioribus, & hoc gradu vniuocationis, ens est vniuocum respectu Dei, & creature, substantie, & accidentis: Nam dicit vnitatem rationis communis Deo, & creature, substantie & accidenti; Non habet tamen eundem essendi modum in Deo & creatura, in substantia, & accidente: Quia in Deo est independens, in creatura dependens: in substantia quoque suo modo independens, in accidente dependens. Non habet etiam vnitatem ordinis essentialis, quia ratio entis prius essentialiter est in Deo, quàm in creatura; neque tandem habet vnitatem gradus perfectionis, quia in Deo ratio entis est perfectissima, in creatura non sic.

Ex his quatuor vniuocationis gradibus, primus est perfectissimè vniuocus, & per accessum, vel recessum ab eo, dicuntur vniuoca magis vel minus perfectè vniuoca; quare secundus gradus erit perfectior tertio, & tertius quarto. Minima itaque vniuocatio est in quarto gradu, in quo præcisè spectatur vnitatem rationis. Nihilominus quia vniuocum dicitur, cuius est vnica ratio multis communis, si hæc adsit, & absint cætera, illud semper manebit vniuocum. Et hoc quidem confirmat Scotus noster in 1. dist. 3. q. 1. qui dicit ad tollendam contentionem, quæ posset oriri super nomine vniuocationis; *conceptum vniuocum cum esse, qui ita est vnus, vt eum vnitas sufficiat ad contradictionem, affirmando. & negando, ipsum de vno, & eodem: entis.*

Quomodo
Scotus
sumat
vniuocationem
entis.

sufficiat etiam pro modo syllogistico, quatenus nimirum extrema unita in tali medio sic vno, sine fallacia equiuocationis, concludantur esse vnum inter se. Vbi nomine vniuoci, intelligit solum vniuocum quod opponitur æquiuoco, quippe cuius unitas, putà, solius nominis non sufficit ad contradictionem: quia sine contradictione, de eodem nomine verificantur ista; canis currit, & canis non currit; quia æquè primo cursus affirmatur de cane latrabili, atque negatur de cane sydereo. Non sufficit item pro medio syllogistico ad vnienda aliqua extrema; quia in vna præmissa accipi potest pro vno significato, & in alia pro altero, vt in hoc syllogismo: *Canis est animal; sed sydus est canis; ergo sydus est animal.* Ens autem ad vtrumque sufficit, & ad contradictionem videlicet, & ad rationem medijs syllogistici. Si qui sint qui plura desiderent ad vniuocationem, iam nobiscum de solo nomine contendunt.

Multiplicia analogia.

Prænotandum 3. multiplicia esse analogia: Nam eorum quædam sunt attributionis, & alia proportionis seu proportionalitatis. Analogia attributionis sunt vel quæ attribuuntur ad aliquod tertium, vt ambulatio & dixta quatenus sana, ad animal: vel quorum vnum attribuitur ad aliud, vt potio sana ad animal sanum. Priora dicuntur analogia ad vnum; posteriora dicuntur vnus ad alterum. Iterum analogorum attributionis quædam sunt, in quibus forma denominans ipsa, est intrinseca, vt Deus & creatura, in qui-

bus ratio entis est intrinseca: Et hanc analogiam in hoc etiam exemplo ponit & explicat Scotus in 2. distinct. 12. q. 2. §. ad primam rationem, ante medium. Alia, in quorum vno est intrinseca, & in alio extrinseca, & per denominationem extrinsecam, vt animal sanum, & deambulatio sana; in quorum primo, sanitas est intrinseca, in secundo extrinseca, & per externam habitudinem ad animal. Hanc diuisionem non satis animaduertit Fonseca. 4. Metaph. cap. 2. q. 1. sect. 7. vbi dicit, non rectè philosophari eos, qui in ente solam analogiam attributionis agnoscunt. Coguntur enim fateri, inquit, solam substantiam esse formaliter ens, quemadmodum solum animal est formaliter sanum. Quasi verò in omni analogia attributionis, alterum tantum extremorum analogorum deberet habere formam dominantem intrinsecè, & alterum extrinsecè: Nam vt loquitur Scotus loco nunc citato: *Si res ita se habeat in vno exemplo, in centum est contrarium: Nulla enim maior est analogia quam sit creatura ad Deum in ratione essendi; & tamen sic esse primò & principaliter conuenit Deo, quod tamen realiter & vniuocè conuenit creatura.*

Inter hæc autem, est multiplex differentia. Nam eorum in quibus vtrouique forma denominans est intrinseca, non datur tantum vnum nomen, sed etiam vnus conceptus communis omnibus analogatis; cuius rei ratio est, quia eorum analogia, non consistit in ipsius rationis

præcisè diuersitate; sed in quibusdam modis, & rationibus posterioribus illa ratione communi: quò sit vt nonobstantibus modis istis, non desinat illa ratio esse vna & communis. Eorum autem in quibus vtrouque ratio denominans non est intrinseca, datur tantum nomen vnum commune; & ratio multiplex. Et ex hac differentia sequitur alia; nimirum analogorum in quibus ratio est vtrouque intrinseca, analogum analogans posse esse medium in demonstratione; quia dicit vnum conceptum communem pluribus. Aliorum autem non sic. Quia nomen quod est eis commune, subest pluribus conceptibus. Hinc rursus sequitur tertia differentia; nimirum, illa in quibus ratio est intrinseca, esse analoga vniuoca; Alia autem esse analoga æquiuoca. Nam vniuoca dicuntur, quorum nomen est commune, & ratio substantiæ, secundum illud nomen, eadem: Illa autem sunt huiusmodi; quia quantumuis illa ratio variis modis participetur ab extremis analogatis, non tamen ipsa in se est varia & multiplex, sed vna. Iterum, *Æquiuoca* dicuntur quorum nomen est commune, & ratio, secundum illud nomen, varia, & multiplex. Illorum autem, in quibus forma denominans non est vtrouque intrinseca, ratio est varia, & multiplex; ergo sunt æquiuoca. Hæc dicta sint pro confirmatione sententiæ Doctoris Subtilis, qui docet, vbi cumque entis vniuocationem defendit, analogiam stare cum huiusmodi vniuoca-

tione, ac proinde ens esse quidem vniuocum ad Deum & creaturas, substantiam, & accidens: cum hoc tamen esse etiam analogum.

Analogia proportionalitatis sunt, quorum ratio est semper eadem, propter proportionem vnius ad alterum: quandoque tamen est tantum in vno extremorum analogatorum propriè, & in alio per Metaphoram: vt risus respectu hominis, & pratis: quandoque etiam est propria in extremis analogatis, vt ratio principij, quæ est propria & non Metaphorica in fundamento domus, puncto lineæ, & præmissis demonstrationis. Quà ratione superius diximus cum Aristotele, hæc esse vniuoca, alia verò æquiuoca. Et hoc certè non satis ponderauit Suarez tom. 2. Metaphysic. disp. 38. sect. 3. num. 11. vbi impugnans opinionem eorum qui falsò docent ens esse analogum, analogià proportionalitatis, ad Deum & creaturas: ex eo opinionem illam falsitatis arguit, quia, inquit, omnis vera analogia proportionalitatis includit aliquid Metaphoræ & improprietatis. Constat enim esse quædam analogia proportionalitatis, in quibus ratio denominans nulli inest per Metaphoram; nisi fortè velit illa non esse vera analogia proportionalitatis.

Prænotandum 4. ex nostro Guiljelmo de Rubione in 1. dist. 3. q. 3. §. *Et ideo quantum ad istum articulum*, Vniuocum opponi soli æquiuoco, non verò analogo, & denominatiuo: quia vniuocum se habet ad æquiuo-

cum sicut vnum ad multa: vnum autem propriè solum multis opponitur: se habet autem ad analogum & denominatiuum, tanquam veluti superius ad sua inferiora. Quia vniucum aliud est purum, aliud non purum. Non purum est, aut analogum, aut denominatiuum. Nullum superius autem opponitur suis inferioribus. Itaque vniucum non opponitur analogo & denominatiuo: sed ab analogo distinguitur tantum vniucum purum, & à denominatiuo vniucum quidditatiuum, seu illud quod est & prædicatum vniucum, & vniuocè prædicatur.

Conceptus
entis est
simplici-
ter
simplex
tanquam
vltimò
determi-
nabi-
lis.

Prænotandum 5. conceptum entis esse simpliciter simplicem, id est, indiuisibilem & irresolubilem in plures conceptus, ex quibus constituatur: quia autem contingit duobus modis conceptum aliquem esse simpliciter simplicem, scilicet vel eum est vltimò determinabilis; vel eum est vltimò determinatiuus: conceptus entis non est simpliciter simplex, tanquam vltimò determinatiuus; quia talis conceptus est conceptus vltimæ differentie: sed est simpliciter simplex tanquam vltimò determinabilis: quia nullus est superior & vltior ipso, qui possit determinari. Ex eo autem quodd sit simpliciter simplex, duo sequuntur. Primum quodd quoties scitur aut ignoratur: totaliter scitur aut ignoratur. Secundum, quodd vbiicumque adest vel abest, totus est in eo, in quo est. & totus abest ab eo, à quo abest. Quia quod est simpliciter simplex, & non con-

stans ex multis gradibus, aut rationibus, non contingit secundum vnum gradum sciri, & secundum alium ignorari. Item non contingit secundum vnum gradum adest, & secundum alium, abesse. Ergo quando scitur, aut ignoratur; adest, vel abest: totus scitur, aut ignoratur; totus adest, vel abest.

Prænotandum 6. ex Apostolo, ad Romanos 1. *Inuisibilia ipsius Dei, per ea quæ facta sunt, intellecta conspici, sempiternamque virtutem eius, & diuinitatem.* Quod fit, vt author est D. Dionysius, de diuinis nominibus, vel per eminentiam, vel per causalitatem, vel per abnegationem, seu remotionem. Et quidem cognoscimus aliqua esse in Deo formaliter, & alia tantum eminenter. Eminenter dicimus Deum esse lapidem, solem, &c. Formaliter dicimus esse sapientem, iustum, &c. Priora dicimus esse in Deo, per viam causalitatis, & eminentie: posteriora per viam abnegationis. Et differentia est inter ea quæ ex creatis visibilibus, colligimus esse in Deo eminenter, & inter ea quæ concludimus esse formaliter: quodd Deo vt est illa eminenter, & illis vt in propria natura existentibus, non debeat esse aliquid commune vniucum: Neque enim lapis, v. g. est quid vniucum ad Deum vt est lapis eminenter, & ad lapidem habentem propriam naturam lapidis; ipsis autem rebus existentibus in Deo formaliter, & in nobis etiam, debeat esse ratio communis vniuoca v. g. sapientie vt est in Deo formaliter & in nobis, est communis

communis vniuoca ratio sapientiz. Cuius rei rationem optimam affert Doct. Subt. in 1. dist. 3. q. 1. §. *Praterea illi duo conceptus*. Quia v. g. si non sit aliqua ratio communis vniuoca sapientiz infinitz, & sapientiz finitiz, nulla restat via intellectui nostro creato colligendi sapientiam esse in Deo formaliter. Patet: Quia quâ ratione dicitur sapientiam esse in Deo formaliter; eadem dicitur & lapidem esse in Deo formaliter: sicut enim dicitur sapientiam esse in Deo formaliter, quia ex sapientia creata, intellectus noster format conceptum aliquem sapientiz omninô alium à conceptu sapientiz creatz, ad quem conceptum sapientia creata habet attributionem; Ita dici poterit ex lapide, posse conceptum aliquem alium à conceptu lapidis creati formari, putâ conceptum idêz lapidis in Deo, ad quem conceptum lapis iste habet attributionem: & ita formaliter dicitur Deus lapis, secundum illum conceptum analogicum, sicut dicitur sapiens, secundum illum conceptum analogicum, & varium quem aliqui ponunt: hoc autem constat esse falsum. Ergo ex eo quod concludamus aliqua esse in Deo formaliter, & alia non: concludendum est his quæ sunt in Deo formaliter, & in nobis, debere rationem aliquam communem vniuocam assignari. Confirmatur istud ex D. Anselmo de libero arbitrio cap. 1. reprehendente definitionem illam Liberi Arbitrij, quâ definitur à quibusdam potestas peccandi. *Nam*

si ita definitur, inquit, iam liberum arbitrium non erit in Deo; quod est falsum. Hæc autem reprehensio nulla esset, si secundum aliam rationem omninô, diceretur liberum arbitrium de Deo, & secundum aliam de creatura. Et certè fauet D. Dionysius docens nos cognoscere Deum per viam abnegationis. Cognoscimus enim prius aliquid positium, & illius rationem aliquam propriam assignamus; sed quia videmus rationem illam mixtam esse quibusdam imperfectionibus naturaliter posterioribus ista ratione; illam exuimus huiusmodi imperfectionibus, & induimus omnibus perfectionibus etiam eadem ratione posterioribus, quas imaginari possumus, & sic illam rationem dicimus esse in Deo formaliter. Clarum est autem semper eandem manere rationem; quia cum illa imperfectionum ablatio, & perfectionum additio sint naturaliter posteriores ista ratione; idèd fit vt illa secundum se semper eadem maneat.

Prænotandum vltimò: Nihil posse cognosci per aliud; nisi vel quidditatiuè, vel eminenter, vel virtualiter saltem includatur in eo: Nam si aliquo saltem istorum moderum non includatur in ipso; non poterit cognosci per illud. Sic per hominem v. g. cognoscitur animal; quia animal includitur in homine quidditatiuè. Ita per hominem cognoscitur risibilitas, quia homo continet virtualiter risibilitatem. Item cognoscitur aliquo modo planta per hominem, quia etiam ho-

mo continet plantam eminenter. Deus autem nec virtualiter, nec eminenter continetur in creatura; quia hoc esset illi imperfectio. Ergo si cognoscatur per eam, debet contineri in ea quidditatiuè, vel secundum specialem, vel secundum communem aliquam rationem. Non continetur autem quidditatiuè in creatura secundum specialem rationem; Deitas enim non est de essentia creaturæ. Ergo continetur in ipsa secundum generalem illam rationem, per quam cognoscitur, puta per rationem Entis. Ergo creatura illa quæ nata est mouere intellectum humanum ad cognitionem sui, nata est facere conceptum illius generalis rationis, puta Entis, quæ nata est annuntiari de Deo quidditatiuè. Non posset autem facere huiusmodi conceptum, nisi ille esset vniuocus ad Deum, & ad creaturam illam quæ potest mouere intellectum humanum pro hoc statu ad cognitionem sui. Quia si non sit vniuocus; sed vel æquiuocus, vel analogus; erit omnino aliter rationis à conceptu creaturæ; ac proinde non continebitur quidditatiuè in creatura: non continebitur etiam eminenter, nec virtualiter vt dictum est. Ergo nulla restaret via, per quam creatura illa quæ potest mouere intellectum humanum, pro hoc statu, ad cognitionem sui, posset causare huiusmodi conceptum. Ergo si conceptus Entis qui dicitur de Deo quidditatiuè, habetur ab intellectu nostro, pro hoc statu, per creaturam; oportet conceptum illum esse vni-

uocum ad Deum, & ipsam creaturam. Creatura autem potens mouere intellectum humanum naturaliter, pro hoc statu, est sola creatura sensibilis, seu quidditas rei sensibilis, vt loquitur Scotus, puta albedo, lux, sol, & alia id genus.

His ita constitutis, duæ sunt de quæstione proposita Sententiæ. Prima est quorundam apud D. Thomam quæst. 7. de potentia art. 7. dicentium Ens esse æquiuocum ad inferiora prædicta. Citatur noster Aureolus pro hac sententia in 1. dist. 2. qu. 1. Verum eo loci solam vnitatem conceptus Entis impugnat; & æquicationis eius ne quidem meminit. Secunda & communissima sententia est Ens esse Analogum; quam tenent omnes cum Aristotele 4. Metaphysic. cap. 1. In hac tamen communi sententia non parua est controuersia. Nam D. Thom. 1. p. quæst. 13. art. 5. statuit quidem Ens analogum ad Deum & creaturas; non concedit tamen esse vniuocum, nisi dicatur ipsum solam vniuocationem simplicem, & non vniuocationem analogam, qualis sufficit ad contradictionem, & pro medio syllogistico, denegare. Quam certè solam negare constabit ipsum diligentius inspicienti. Cæteri tamen Thomistæ apud Suarem, Entis vniuocationem funditus euertere moluntur. Alij solam analogiam astruunt, & ad vniuocationem destruendam sufficientes non vident rationes. Ita Suarez, qui dicta sectione num. 9. & 10. dicit analogiam En-

tis probari posse duobus modis; vel negando vniuocationem, vel affirmando analogiam positiuè. Et quidem pro parte negatiua dari quidem graues & acutas rationes: Illud tamen semper in illis difficile superesse, quia vel nimium probant, vel efficaces non sunt: Ideoque veritatem analogiz potius esse stabi- liendam per affirmationem eius, quam per negationem vniuoca- tionis. Et quidem ipse, si ver- bis, non tamen rationibus, nec re ipsa à nobis discrepat. Et sa- tis apparet non liberè protulisse quid sentiret super ista con- trouersia.

Alij vniuocationem Entis simul cum eiusdem analogia de- fendunt: Sed istam vniuocationem constituunt præcisè in vo- ce, & in conceptu ficto & for- mato ab intellectu, ex eo quòd intellectus videns rem aliquam extra animam, fingit consimi- lem in mente representatiuam omnium singularium, quæ non vidit, similem illi rei quam vi- dit. Ita nostri Nominales, præ- fertim Guillelmus Ocham, & Guillelmus de Rubione. Nam Guillelmus Ocham in 1. dist. 2. quæ. 8. lit. E. vniuersaliter loquens de vniuersali, hæc ha- bet: *Idè potest aliter dici proba- biliter quòd vniuersale non est ali- quid reale habens esse subiectiuum nec in anima, nec extra animam: Sed tamen habet esse obiectiuum in anima, & est quoddam fictum habens esse tale in esse obiectiuo, quale ha- bet res extra in esse subiectiuo: & hoc per istum modum, quòd intel- lectus videns aliquam rem extra animam, fingit consimilem rem in*

mente: Ita quòd si haberet virtu- tem productiuam; talem rem in esse subiectiuo, numero distinctam à priori, produceret extra: Et esset consimiliter & proportionaliter si- cut & de artifice. Sicut enim arti- fex videns domum, vel adificium aliquod extra, fingit in anima sua consimilem domum, vel adificium, & postea consimilem producit ex- tra, & solo numero distinctam à priori: Ita in proposito, illud fi- ctum in mente ex visione alicuius rei extra, esset vnum exemplar: ita enim sicut domus facta, si fingens haberet virtutem productiuam rea- lem, & exemplar ipsum artificiat: Ita illud fictum esset exemplar res- pectu singularium. Et illud potest vocari vniuersale, quòd est exem- plar, & indifferenter respiciens om- nia singularia extra; & propter il- lam similitudinem in esse obiectiuo, potest supponere pro rebus extra ha- bentibus consimile esse extra intelle- ctum. Et ita isto modo vniuersa- le, non est per generationem, sed per abstractionem, quia non est nisi fictio quadam. Deinde multis probat istud vniuersale habere tantum esse obiectiuum in intellectu. vel eni non placet ista opinio, in- quit, de talibus fictis in esse obiectiuo, potest tenere quòd conceptus Entis, & quodlibet vniuersale, est aliqua qualitas existens subiectiuè in mente, quæ ex natura sua est signum rei extra, sicut vox est si- gnum rei ad placitum insistentiu: & secundum istam opinionem, de- bet concedi quòd quodlibet vniuer- sale, & genus generalissimum est verè res singulari, & res existens determinati generis. Est tamen vni- uersali per predicationem, non pro se, sed pro rebus quas significat. Et

ita ordo predicamentalis substantia, est unum compositum, siue aggregatum ex multis qualitatibus naturaliter se habentibus secundum superius & inferius. Hoc est quod unum in illo ordine ex natura sua, est plurium signum, & aliud paucorum: Sicut si fieret talis coordinatio ex vocibus; esset tamen in hoc differentia, quod voces coordinata secundum superius & inferius, non significant illa quae significant nisi per voluntariam institutionem: Alia autem significant naturaliter; & ex natura sua sunt genera & species.

Denique nona quaestione, litteris, SS. applicando ita ad Ens, dicit quod nulli uniuoco correspondet aliquid unum, sed multa simul à parte rei; putà, Enti omnia simul Entia. Quando dicitur tamen: Animal est Ens, sensus non est. Animal est omnia Entia, sed, Animal est vnū ex omnibus Entibus: *Quapropter*, inquit, nullum uniuersale Entis, Item nullum aliud uniuersale uniuocum, per quod intelligitur conceptus aliqui factum ex perceptione alicuius particularis Entis, vel alterius inferioris eius uniuersalis, cuius, illud erit inferius, est de essentia uniuocatum suorum: Nec ponit in eis aliquid realiter, nec facit compositionem cum eis, nec cum aliquo quod est in eis.

Vniuocationem Entis hoc modo intellectam, postmodum probat argumentis Doctoris Subtilis, quae ipse proposito suo accommodat.

Sententia Doctoris Subtilis. Est Ens esse analogum uniuocum; & uniuocationem eius consistere in aliqua vna ratione

à parte rei importata Entibus inferioribus, per vnum nomen; & analogiam, id est eo quod ista vna ratio non eodem omnino modo, sed per ordinem, & per attributionem vnus ad aliud, participetur ab iisdem inferioribus. Haec sententia sequentibus conclusionibus declarabitur.

Prima Conclusio.

ENS non est æquiuocum. Conclusio est aduersus Porphyrium, & multos Græcos: & probatur. Nullum æquiuocum potest esse medium demonstrationis. Sed Ens potest esse medium demonstrationis, putà, *homo est Ens. Ergo est vnus.* Concludit enim iste syllogismus tanquam legitimus, & sine vlla æquiuocatione. Ergo Ens non est æquiuocum.

Ens nō
est æqui
uocum.

Præterea, si Ens esset æquiuocum, non haberet proprias passiones; quia omnis propria passio est alicuius determinatæ naturæ. Sed Ens habet proprias passiones, vt probabitur; & iam etiam probatur ex eo quod habeatur scientia de Ente, quod non esset, si Ens non haberet passiones. Ergo Ens non est æquiuocum.

Obiicitur 1. Porphyrius cap. Obiectio 1.
de Specie, dicens: *si quis omnia entia vocet, æquiuocè nuncupabit.*

Respondet Doctor Subtilis Solutio.
Porphyrium loqui ex mente Aristotelis: Et quia id nullibi apud Aristotelem reperitur, ided non esse magnificandam istam authoritatem, quamuis

posset exponi fortè de æquiuocatione physica, quâ omnia entia, propter species athomas, sunt æquiuoca.

dine, potest bene esse vniuocatio.

Secunda Conclusio.

Obiect.

2.

Obiicitur 1. Aristot. 7. Metaphysicorum, vbi dicit accidentia esse entia, sicut Logici dicunt non ens, esse ens; & non scibile esse scibile. Sed hæc exempla æquiuocationem indicant. Ergo saltem accidentia non conueniunt cum substantia, nisi æquiuocè.

Solutio

Respondetur ista exempla non esse in eo rigore accipienda; sed in eo tantum fieri comparationem; quod quemadmodum secundæ intentiones Logicæ non sunt primò scibiles, sed secundò, quia priùs cognoscuntur primæ intentiones: Ita Philosophus agens, eo loci; de ordine quo res definiuntur; dicit substantiam per se primò definiri: per se quidem, quia est vnum per se: primò verò, quia substantia præcedit omnia alia entia tempore, & cognitione: Accidentia verò definiri quidem etiam per se, sed non primò: per se quidem, quia accidentis est vnum per se, cum sit ens per se. Esse autem ens per se, probat illa diuisio quâ Aristoteles diuidit ens per se, in decem summa genera: Non primò verò, quia prius definitur substantia quàm accidentis. Ita expressè Aristoteles his verbis: *Quod quid erat esse substantiarum est & non solum, sed aliorum simpliciter, non tamen primò. Ens igitur, addit Scotus, vel quid, vel definitionem habere; quodcumque istorum simpliciter dicitur de accidente, sed non aquè primò: & nonobstante tali or-*

Substantia definitur per se primò; Accidentia verò definiuntur quidem per se, sed non primò, & quare.

Ens est analogum ad Deum & creaturas; ad substantiam & accidentis. Conclusio est Aristotelis 4. Metaphysic. cap. 2. *Ens autem, inquit, multu quidem modis dicitur; verum ad vnum, vnamque quandam naturam, & non æquiuocè: sed quemadmodum omne sanum ad sanitatem, &c. Ita & ens multipliciter quidem dicitur, sed totum ad vnum principium.* Est etiam Doctoris Subtilis 4. Metaphysic. q. 1. in 1. dist. 3. q. 1. & dist. 8. q. 2. vbi respondens ad omnes auctoritates Aristotelis probantis entis analogiam, dicit analogiam stare cum vniuocatione; ac proinde licet ens sit vniuocum, esse tamen etiam analogum. Idem etiam habet in 2. dist. 12. §. ad primam rationem. Vbi respondens ad argumentum aliquod, in quo videbatur probari materiam primam non esse propriè ens, quia non habet esse nisi per analogiam ad formam, cui primò attribuitur: quæ enim analogantur in aliquo primo, sic se habent quòd primum sit intrinsecè & realiter: tale, cætera verò, non nisi per attributionem ad ipsum; vt patet de sanitate, quæ est realiter in animali; & in dixta non nisi per attributionem ad animal.

Respondendo, inquam, ad illud argumentum, sic habet: *Ad aliud de analogia, quòd illud recipitur tantum in vno realiter, & in alijs per attributionem; dico quòd hoc est falsum: quia si ita est*

in uno exemplo, in centum est contrarium: nulla enim maior est analogia, quam si creatura ad Deum in ratione essendi, & tamen sic esse primò & principaliter conuenit Deo, quod tamen realiter & uniuersè conuenit creaturæ. Simile est de bonitate & sapientia, & huiusmodi. Gradus etiam sunt in perfectionibus specierum, & per attributionem se habent ad aliquam perfectionem; & tamen non est tota perfectio in una, nec etiam tota entitas in substantia, ita quod accidens non sit ens, nec habeat formalem entitatem, quamuis per attributionem se habeat ad substantiam. Nec etiam exemplum multum ualet: quia non est idem, conceptus sanitatis, qui dicitur de urina, & de animali, & de diæta. Nam non est idem formalis conceptus sanitatis, ut est equalitas humorum, & ut est quid causatum sanitatis, vel significationum sanitatis, licet in utroque materialiter includatur formalis conceptus sanitatis: & tunc dico, quod huiusmodi conceptus sunt formaliter diuersi in illis, de quibus dicuntur. Nam causatum sanitatis est formaliter in diæta, vel in salis potione, vel herba; significationum in urina est. Et hi conceptus formaliter diuersi ordinantur ad istum conceptum sanitatis, qui est equalitas, vel proportio humorum, quæ ut sic formaliter est solum in animali.

Ita etiam Antonius Andreas 4. Metaphysic. q. i. respondendo ad primum, ubi paucis repetens, & complectens ea quæ variis in locis docuerat præceptor eius de hac re; hæc habet. Ad illud quartum Metaphysic. de sano &c. Dico quod Philosophus 4. Metaphysic. concedit ordinem essen-

tialem inter species eiusdem generis. Nam ibi vult quod in quolibet genere, est unum primum, quod est mensura omnium aliorum; mensurata autem habent ordinem essentialem ad mensuram: & tamen non obstante tali attributione, nullus negat conceptum generis esse unum, quia prædicatur in quid de pluribus differentibus specie. Si enim genus non haberet unum conceptum alium à conceptibus specierum, nullus conceptus diceretur in quid de pluribus, sed quilibet de seipso, & sic idem prædicaretur de eodem, & non genus de specie. Confirmatur, quia Philosophus 7. Physic. ut iam allegatum est, dicit quod in generibus latent equiuocationes, propter quod non potest esse comparatio secundum genus: Non tamen est ibi equiuocatio in genere, quantum ad Logicum; sed quantum ad realem Historicum, quia non est ibi unitas natura. Omnes ergo auctoritates quæ essent de hac materia, siue in Metaphysica, siue in Physica, possent exponi propter diuersitatem realem illorum in quibus est attributio: cum quæ diuersitate, stat unitas conceptus abstractibilis ab eis, sicut patet de genere. Concedo ergo quod accidens habet essentialem attributionem ad substantiam, & per consequens quod ens est analogum ad ea; & tamen ab hoc & ab illo potest abstrahi unus conceptus communis uniuersus. Nam analogia realis & uniuocatio Metaphysicalis realiter non repugnant in eodem conceptu. Et paulò infra, respondendo ad secundum, dicit inter substantiam & accidens, esse analogiam secundum perfectius & imperfectius, cum quæ tamen stat vera uniuocatio.

Qualis sit analogia Entis, nimirum attributionis, & non proportionalitatis formalium.

Ex his omnibus habemus non modò certam entis analogiam, sed etiam qualis sit, & in quo consistat. Cùm enim doceat Scotus noster solam vnitatem attributionis, non ponere vnitatem vniuocationis, neque illam esse hanc formaliter; vtrumque tamen posse simul consistere; satis indicat analogiam Entis non esse tantùm analogiam proportionalitatis, sed analogiam attributionis. Quamuis enim dici posset entitatem diuinam ita se habere ad existentiam diuinam, sicut entitas creata ad existentiam creatam; & substantiam ita se habere ad subsistentiam; sicut se habet accidens ad inhærentiam: vnde haberi fortè posset aliqua analogia proportionalitatis: Tamen alia strictior analogia, nimirum attributionis, poni solet inter ista analogata. Consistit autem hæc analogia non in attributione plurium ad vnum, idest, Dei & creaturæ, v. g. ad aliquod tertium: quia nihil potest excogitari prius Deo, & creatura; vt per ordinem ad illud, tam Deus, quàm creatura dicantur entia; sed in attributione vnius ad alterum: Non quidem Dei, ad creaturam, sed è conuerso creaturæ ad Deum: Non quòd creatura sit ens tantùm per habitudinem extrinsecam ad Deum: sed quia habet essentialem habitudinem, seu dependentiam, à Deo. Et hoc est contra Fonsecam, loco superius citato, docentem creaturas, quatenus dicuntur entia per attributionem ad Deum, appellari entia denominatione ex-

trinsecâ, ab entitate diuina: At quatenus dicuntur entia secundum proportionem, esse ac dici entia à propriis entitatibus. Quæ sententia ex eo videtur improbabilis, quia seclusâ omni analogiâ proportionalitatis, & solâ manente analogiâ attributionis; semper creatura esset ens, saltè formaliter, per propriam entitatem, & non per entitatem diuinam: Er ex eo tantùm diceretur habere analogiam attributionis ad Deum, vt reuera dicitur, vel quia Deus est ens in infinitum perfectius quàm sit creatura, vel quia creatura dependet à Deo in genere causæ exemplaris, efficientis, & finalis. Quod sufficit quidem ad constituendam analogiam aliquam dependentiæ; non autem ad constituendam analogiam extrinsecâ denominationis vnius ab altero. Quòd si contingat creaturam non fore amplius, ablato Deo per impossibile; hoc non fieret, quòd Deus sit formalis entitas creaturæ; sed quia creatura ita dependet à Deo, vt nec fieri, nec conseruari possit sine eo.

Neque contra hoc obstat, quòd nomen Entis interdum attribuatur Deo, vt illi singulare & proprium, Exod. 3. & quòd *omnes gentes sic sint coram eo, quasi non sint, & quasi nihilum & inane reputentur ei.* Hæc enim non dicuntur, quasi creaturæ non sint verè ac propriè entia; Sed quòd infinitè distent à Deo, quodque Deus singulari & excellenti quodam modo sit id quod est, & fons totius esse, à quo habent ex-

trinsecam denominationem vnius ab altero, contrariè secundum.

Non est analogia attributionis in Ente, pluriū ad vnu; sed vnius ad alterū.

Ista attributio non est per ex-

tera ut sint, quemadmodum notarunt D. Hieron. in illud Ephes. 3. *ex quo omnis paternitas in caelo, & terra nominatur.* & quidam alij.

Ista tota Doctrina est etiam applicanda Enti, ut respicit substantiam & accidens. Est enim analogum ad illa, simili ratione analogiæ, quâ dictum est esse analogum ad Deum & creaturas, nimirum analogiâ dependentiæ vnius ab altero; non autem analogiâ extrinsecæ denominationis vnius ab altero. Cum enim substantia & accidens non habeant attributionem ad aliquod tertium, sed habeant attributionem vnius ad alterum; non quidem substantiæ ad accidens; sed è conuerso, accidentis ad substantiam; attributio illa non in eo consistit, quòd accidens dicatur tantum Ens per denominationem extrinsecam à substantia; sed quia in existendo ita dependet à substantia, tanquam à proprio subiecto, ut extra ipsam, nequaquam possit existere naturaliter. Quòd sit ut dixerit Aristoteles accidens non esse Ens, nisi quia Entis; est enim Ens Entity, scilicet substantiæ; quia non existit nisi in Ente, nimirum in substantia: Non verò quia per habitudinem ad substantiam tantum, sit aut dicatur Ens formaliter. Et hoc est contra Aegidium, & quosdam alios apud Fonssecam 4. Metaphysic. capite secundo, quæst. 1. sect. 7.

Tertia Conclusio.

ENS est etiam Vniuocum ad Deum & creaturas; ad substantiam & ad accidens. Conclusio est Doctores Subtilis multis in locis, sed præsertim in 1. dist. 3. quæst. 1. & 3. & dist. 8. quæst. 2. Anthonij Andree 4. Metaphysic. qu. 1. Nostrorum Nominalium, & omnium auctorum nostræ Scholæ: Item quorundam acutissimorum Professorum Parisiensium. Et ab hac non dissentit reipia Suarez, ut constat ex tom. 2. Metaphysic. disp. 28. sect. 3. num. 17. circa finem, ubi hæc habet: *Quantum, ut verum fatear, inter eos qui admittunt vnum conceptum cõfusum Entis, vix potest esse in hac questione dissensio de re, sed de modo loquendi: Nam sine dubio habet Ens magnam similitudinem cum terminis vniuersis, cum medio vno conceptu absoluto, & sine addito, de Deo, & creatura prædictur; quam salam convenientiam considerarunt, qui illud vniuocum appellarunt.*

Ens est
vniuo-
cum.

Subtilissimi
domini
de Ra-
conisim
sua Lo-
gica, &
in sua
Meta-
physica:
Domini
li-
ard, &
aliorum.

Colligitur autem veritas huius conclusionis evidentissimè ex duabus præcedentibus quæstionibus, & ex prædictis, ad hanc quæstionem, fundamentis. Nam si Ens habet vnum conceptum præcisum à suis inferioribus, importatum per hoc nomen, Ens; quantuncumque per prius descendat in vnum suorum inferiorum, quàm in aliud; hoc tamen non poterit vniuocationem eius impedire. Sufficit enim ad rationem veri & proprii vniuocum, quòd no-

men

men eius sit multis commune, & ratio, secundum illud nomen, vna & eadem. Nec ad veram vniuocationem plura desiderauit Aristoteles in Antepredicamentis.

Probatum tamen insuper conclusio 1. Authoritate Aristotelis 2. Metaphysic. cap. 2. circa finem, quam refert & examinat optimè Doctor Subtilis in 1. dist. 8. qu. 2. *Principia sempiternorum sunt verissima*, inquit Aristot. *Quia vnumquodque illud præ cæteris maximè tale est, secundum quod alijs vniuocatio inest.* Quibus verbis sic intendit argumentari Philosophus. Vnumquodque illud præ cæteris maximè tale est, secundum quod alijs inest vniuocatio. Sed per principia sempiterna, alijs inest vniuocatio veritatis, seu veritas dicitur de alijs vniuocè. Ergo maximè ipsa principia erunt vera. Ex ista autem maxima potest & hoc subsumi. Sed Deus est alijs Entitatis vniuocatio. Ergo Deus maximè est Ens. Nam vt ratio Aristotelis concludat; oportet id quod est causa, & ea quibus est causa, conuenire vniuocè in eo, ratione cuius, illud dicitur alijs causa; Aliàs si conueniunt tantùm æquiuocè, vel analogicè non vniuocè; argumentum eius habebit quatuor terminos, & nihil concludet. Adde quòd expressè habet Philosophus: *Per quod alijs inest vniuocatio*; Tùm quia affert exemplum de igne, qui ex eo est maximè calidus, quia alijs causa caloris existit; certum est autem ignem esse causam vniuocam caloris in alijs: Tùm denique quia id totum cõ-

firmat Commentator Comment. 4. 2. Metaphysic. Et hæc omnia quidem si diligentius examinasset Caietanus de Ente & Essentia; non respondisset huic rationi, Eius vocari ab Aristotele vniuocum, per comparisonem ad æquiuocum; in eo solum quòd cùm sit analogum, ac proinde medium inter vniuocum & æquiuocum; per comparisonem ad vnum extremorum, induat, inquit Caietanus, rationem alterius. Nam hæc solutio non satisfacit: nihil enim concluderet Aristotelis ratio, & in ea essent quatuor termini, vt dictum est. Quia in Maiore loquitur de vera vniuocatione, & in minore loqueretur de analogia.

Probatum 2. conclusio: Omnis inquisitio Metaphysica de Deo, procedit sic; considerando scilicet rationem formalem alicuius, & auferendo ab illa ratione formali, omnem imperfectionem; quam habet in creaturis, & reseruando illam rationem formalem, & attribuendo illi omninò summam perfectionem, & cum ista summa perfectione, applicando illam Deo. v. g. Ratio formalis sapientiæ, vel intellectus, vel voluntatis consideratur primò in se, & secundum se; & quia vt sic non includit formaliter imperfectionem aliquam, nec limitationem; remouentur ab ipsa imperfectiones illæ quæ concomitantur eam in creaturis, & reseruata eadem ratione sapientiæ & voluntatis vel intellectus, attribuuntur ista Deo perfectissimè. Ergo omnis inquisitio de Deo, supponit intellectum habere cõceptum cun-

dem vniuocum ijs quæ accipit ex creaturis, & ijs quæ attribuit Deo. Quod si id negetur, & dicatur sufficere conceptum quendam Analogum: Contra istud est, inquit, Scotus; quia tunc non magis ex vnitæ attributionis sapientiæ creatæ ad increatam, possemus concludere Deum esse sapientem, quàm Deum esse lapidem: quia sicut sapientia creata dicit attributionem ad sapientiam increatam: ita lapis creatus ad conceptum aliquem in Deo formatum; seu ad ideam, secundum quam potest ad extra produci: Et sicut ex ratione sapientiæ, possumus concludere Deum esse sapientem: ita ex conceptu lapidis creati, possumus concludere quod Deus sit lapis. Vel sicut ex conceptu lapidis, non possumus concludere Deum esse lapidem; ita nec ex ratione sapientiæ, quod Deus sit sapiens.

Tertio probatur conclusio. Ens non est vniuocum. Ergo Deus non potest à nobis naturaliter cognosci, aliquo conceptu simplici: sed consequens est manifestè falsum, & contra omnes Philosophos, & Theologos: Ergo antecedens non est verum. Probo consequentiam; quia nullum obiectum facit conceptum simplicem & proprium sui, in aliquo intellectu, & conceptum simplicem & proprium alterius obiecti, nisi contineat illud obiectum essentialiter, vel virtualiter: Sed obiectum creatum relucens in phantasmate, vel in specie intelligibili, quod est obiectum nostri intellectus, pro isto statu,

non continet aliquid increatum essentialiter, nec virtualiter, seclusa vniuocatione Dei; & creaturæ in Ente: Ergo nullum obiectum creatum potest causare conceptum simplicem de Deo, in nostro intellectu, seclusa vniuocatione Entis: Ergo si Ens non est vniuocum; sub nullo simplici conceptu possumus Deum intelligere. Maior huius syllogismi videtur vera; & confirmari potest exemplo hominis v. g. qui causat cognitionem sui, & omnium quæ includuntur essentialiter in eo, & propriarum passionum, quas continet virtualiter; & præterea nullius rei cognitionem simplicem & propriam producit, quia nihil aliud continet essentialiter, vel virtualiter, Minor verbò ostenditur. Imprimis, seclusa vniuocatione Entis, vel alterius prædicati, obiectum creatum non continet essentialiter aliquid increatum, vt patet, nec aliquid dictum de Deo, quia nihil idem essentialiter includitur essentialiter in Deo, & creatura, vniuocatione omnis conceptus seclusa. Item obiectum creatum non continet essentialiter increatum secundum aliquid omnino sibi proprium: Ergo non facit conceptum simplicem, & proprium Entis increati. Nec continet obiectum creatum obiectum increatum virtualiter, quia contra rationem posterioris essentialiter est, continere virtualiter suum prius: quia posterius essentialiter non potest esse causa prioris essentialiter, Ergo sequitur, quod nullum obiectum creatum potest causare conceptum simpli-

cem de Deo, seclufa vniuocatione; quia conceptus non vniuocus Deo & creaturis, nec essentialiter, nec virtualiter continetur in obiecto creato.

Caictanus in primam partem D. Thom. q. 13. art. 5. & alibi, negat consequentiam argumenti, & ad probationem dicit, quod aliquid continere virtualiter aliud, potest intelligi duobus modis: Vno modo sicut causa virtute sua continet effectum: alio modo, sicut effectus continet virtutem causae participando illam: Hoc stante, inquit Caict. Minor est falsa; quia effectus quilibet virtualiter continet secundo modo Deum: nec oportet, inquit, quod continens isto modo sit prius, imò necessarium est posterius. Quod si mihi dixeris, inquit Caict. quod hoc est abuti vocabulis, quia apud omnes, continere virtualiter, non attribuitur nisi causae. Dico quod si fiat vis in verbo, falsa est Maior, eo quod datur triplex modus continendi, scilicet essentialiter, virtualiter, & participatiue, quo posteriori modo effectus continet in se causam. Hæc Caict.

Responsio hæc non satisfacit argumento; nam ex eo quod effectus participet causam, non sequitur ex ipso concludi posse aliquid proprium formaliter conuenire ipsi causae, sed ad summum, effectum talem esse à tali causa; at ex creaturis concludimus aliquid esse in Deo formaliter: Ergo non tantum creatura conuenit cum Deo participatiue; sed in quadam similitudine fundata in aliqua ratione vniuoca, vir-

tute cuius concluditur aliquid de Deo quidditatiue, & formaliter. Vno verbo: ad concludendum aliquid formaliter de Deo, non sufficit vnitas proportionis, sed vnitas similitudinis, vt loquitur Scotus.

Seruata proportione, rationationes istae fieri possunt de substantia & accidente, vt conueniunt in Ente; nam Substantia non immutat immediatè intellectum nostrum, ad aliquam intellectionem sui; sed solum accidens sensibile: vnde sequitur quod si intellectus noster habeat aliquem conceptum quidditativum de substantia; conceptus ille habeatur per cognitionem accidentis: at nullus alius conceptus ab accidente potest abstrahi, qui conueniat substantiae simul cum accidente, nisi conceptus Entis: Ergo si Ens non sit vniuocum, nullus conceptus vniuocus & quidditativus habebitur de Substantia, qui explicet & ingrediatur rationem substantiae. Substantiam autè non immutare sensum nostrum immediatè, sed solum accidens sensibile, probat Scotus noster in 1. d. 3. qu. 3. Quia, inquit, *quicquid praesentia sua immutat intellectum*; absentia illius potest naturaliter cognosci ab intellectu, quando sensus non immutatur, vt constat ex secundo de anima, vbi dicitur visum esse tenebrarum perceptivum, quando scilicet lux non est praesens, & visus actu non immutatur. Igitur si intellectus naturaliter immutatur à substantia immediatè, ad actum aliquem circa ipsam eliciendum; sequitur quod Substantia non praesente,

posset naturaliter cognosci ipsam non esse præsentem; & ita naturaliter posset cognosci non esse substantiam panis in hostia Altaris consecrata, quod est manifestè falsum. De hac re videndus est Doctor in 1. dist. 22. q. vnicæ, & Faber Faentinus in Philosophia naturali, Theoremate 89. cap. vnico.

Probari tandem potest conclusio confutatione rationum, quibus aliqui probare nituntur ens esse analogum non vniuocum, ad Deum & creaturas, ad substantiam & ad accidens: ex eo siquidem existimant non esse vniuocum: quia quantumvis ens ipsum abstractè & confusè sit conceptum; tamen ex vi sua postulat hunc ordinem, ut primò, ac per se, & quasi completè competat Deo, & per illud descendat ad reliqua, quibus non insit nisi cum habitudine & dependentia à Deo. Ergo in hoc deficit à ratione vniuocitatis: nam vniuocum ex se ita est indifferens, ut æqualiter, & sine villo ordine, vel habitudine vnus ad alterum, ad inferiora descendat. Vnde ens respectu Dei & creaturarum, merito ab illis inter analogia computatur. Ita Suarez tom. 2. Metaph. disp. 28. sect. 3. numero 17. & disput. 32. sect. 2. num. 15. quo posteriore loco docet in hoc differre vnitatem conceptus entis, ab vnitatem generis, quod genus licet in speciebus sit inæqualiter perfectum ratione inæqualium differentiarum, ex quo dici solet physicè, aut secundum rem, esse æquiuocum seu analogum; tamen secundum se sumptum non solum abstrahat ab illa inæqua-

litate, sed etiam ab omni ordine vnus ad alterum; quia non descendit ad vnā speciem median- te alterā, aut per habitudinem ad alteram; & idèd metaphysicè est perfectè vniuocum; secus verò est de ente propter contrariam rationem. Accedit etiam quod inæqualitas generis, prout existit in speciebus, prouenit solum ex differentiis contrahentibus, quæ formaliter ac præcisè genus ipsum non includunt, solumque consistit in diuersis gradibus perfectionis; at verò illi modi quibus ens creatum determinatur ad esse substantiæ vel accidentis, intrinsecè includunt ipsum ens: & idèd dicitur ens quodam modo ex se habere illam inæqualitatem, quam habet in substantia & accidente; quæ etiam non consistit in qualicumque diuersitate perfectionis, sed in participatione adèd diuersa, ut in substantia sit absolutè & simpliciter; in accidente verò solum diminutè, & per habitudinem ad substantiam.

Sed vel hæ rationes non militant contra nos, vel etiam militant aduersus ipsum. Nam vel tantum probant inæqualitatem inferiorum entis, & ordinem, quo per prius descendit ad vnum, quàm ad aliud, & dependentiam vnus ab altero, putà creaturæ à Deo, & accidentis à substantia, seruata vnitatem conceptus obiectiui entis: vel destruunt vnitatem conceptus obiectiui entis. Si primum, ut res habere debet in sententia eius; nihil contra nos: quia istam analogiam ordinis & dependentiæ admittimus: sed credimus illam

posse cum vniuocatione consistere: quandoquidē æquiuocatio Physica, & vniuocatio Metaphysica simul stant in natura generica. Nec est quodd dicat vnitatem entis, aliam esse ab vnitatem generis: scimus namque illam esse hac longè minorem, & imperfectiorem; imò esse omnium vnitatum minimam & imperfectissimam: Hoc tamen non destruit vniuocationem; sed ad summum efficit illam esse omnium vniuocationum minimam, & in quartò vniuocationis gradu: ad quam vniuocationem sufficere præmonuimus vnitatem conceptus obiectui communis suis inferioribus, licet absit vnitatis modi essendi, & ordinis essentialis, & gradus perfectionis. Si secundum dicatur, quemadmodum reuera videtur hic Suarez contra sua principia sentire; iam militat aduersus seipsum; & ad hoc dicimus inæqualitatem inferiorum entis, non esse formaliter in ente ipso, sed tantum permissiuè. Ex eo enim existimo in sententia nostra, ens esse minimum omnium vniuocationum; non quodd in se sit actu diuissum, & multiplex, & inæquale: sed quia permittit se cum pluribus vagari. Et licet differentia sit inter modos entis, & differentias generis; quodd modi sint in ente, differentia verò sint extra genus: Hoc tamen ita non debet intelligi, quasi modi entis sint de ratione formali eius, vt inferiùs dicemus: sed quia non distinguuntur ab ente, sicut realitas à realitate, sed tantum sicut modus à realitate: differentia verò distinguuntur à genere, sicut

realitas à realitate: quod non obstat quòd minùs ens in se absoluatur à suis modis, sicut genus absoluitur à suis differentiis, vt dicatur esse vnum & vniuocum ad sua inferiora. Quodd si quis mordicùs vellet ordinem & dependentiam vnus inferioris ab alio, destruere vniuocationem, iam esset disceptatio de nomine. Adde quodd in ea sententia, viz aliud esset vniuocum, quàm species athoma: quia in genere datur etiam dependentia, scilicet specierum mensurarum ad speciem mensurantem: cum in quolibet genere sit semper aliquod primum, quod est cæterorum mensura. Doctissimus Dominus de Raconis tract. 2. de Cæteg. disput. 2. sect. 1. q. 2. art. 2. proposit. 1. subtiliter ostendit conditionem illam, vt scilicet gradus communis synonymus conueniat inferioribus, absque vllò ordine & dependentia vnus ab altero, non requiri ad synonymiam, exemplo habitus qui dependet à naturali facultate in qua insidet, qualitate mauente vniuocà & synonymà ad habitum & ad naturalem facultatem.

Triginta circiter varia argumenta legi, quæ hanc conclusionem videntur impugnare; sed eorum aliqua solam analogiam probant, & vniuocationem non tangunt, vt sunt authoritates quædam Aristotelis; & illarum nostrum intentum potius demonstrant, quàm impugnant. Alia directè impugnant entis vnitatem, & eorum solutio patet ex dictis, duabus præcedentibus questionibus. Alia speciatim tangunt

difficultatem illam de ratione quâ ens determinatur ad sua inferiora, & quomodo contrahi possit per rationes quæ sint etiam formaliter entia; & eorum solutio pendet ex dicendis, duabus sequentibus quæstionibus. Alia denique destruere nituntur vniuocationem, propter istam inæqualitatem, dependentiam, & ordinem inferiorum entis; & eorum solutio patet ex hac vltima ratione. Potiora, & specialem difficultatem habentia solum subiiciam; & primò quidem ea quæ spectant ad ens in communi. Secundò ea, quæ spectant ad ens, vt est indifferens ad Deum & creaturas. Tertio denique ea quæ tangunt ens vt indifferens ad substantiam & ad accidens.

Obiectio 1.

Obiicitur ergo 1. ex Aristot. 3. Metaphysic. text. 10. Ens non est genus. Ergo simpliciter non est vniuocum. Antecedens ex eo probatur ab Aristotele, quia si ens esset genus, differentia non esset ens: nullum enim genus prædicatur de suis differentiis; atque adeò falsum esset dicere differentias entis esse entia. Consequentia probatur. Si ens sit vniuocum, non potest esse aliud vniuersale, aut prædicabile quàm genus: Nec enim est species, nec differentia, nec proprium, nec accidens. Ergo si non sit genus, nec erit vniuocum.

Solutio.

Respondetur concessio antecedente; negando consequentiam. Nam Aristoteles ex probatione quâ probat ens non esse genus, potius confirmat, quàm infirmit nostram conclusionem: Non enim negat ens esse genus, quia non sit vniuocum; sed quia, inquit,

prædicatur propter suam communiter, de suis differentiis: nullum autem genus dicitur de suis differentiis. Quomodo autem ens dicatur de differentiis, & de quibus dicatur, & de quibus non dicatur, dicemus sequente quæstione. Addit ad hæc Doctor Subtilis negari posse rationem antecedentem, saluâ etiam autoritate Aristotelis: quia eò loci facit argumenta in vtramque partem oppositam: vnde non concludunt omnia argumenta eius: quia duo opposita non possunt concludi, nisi alterum argumentum sit sophisticum. Quod rectè ponderauit eius commentator, dicens quoddam in primo argumento Aristotelis ad primam quæstionem disputatam, est fallacia consequentis. Habet enim Aristoteles: Si contraria pertinent ad eandem scientiam. Ergo non contraria non pertinent ad eandem scientiam. Hæc enim consequentia non valet; sicut nec ista: Si homo currit: Ergo non homo non currit. Canis enim est non homo, & tamen potest dici quoddam canis currit. Similiter dici posset hanc consequentiam non valere, quam eò loci facit Aristoteles. Quare si vnum est genus, aut ens etiam est genus: nulla differentia erit vnum, aut ens. Nam, inquit Scotas, aut Aristoteles intendit inferre nullam differentiam esse ens vel vnum per se primo modo; & sic conclusio non est inconueniens de vno, licet in sententia Aristotelis esset inconueniens de ente. Quia licet oporteat differentiam esse ens per se primo modo; non tamen oportet esse vnum per se

Quare ens non sit genus secundum Aristotelem.

primo modo : potest enim esse vna unitate alterius. Aut intendit inferre negatiuam absolute, scilicet quod differentia nullo modo sit ens ; & tunc non valet consequentia. Non enim si rationale est differentia respectu animalis, sequitur quod rationale non est animal, sed quod non est per se primo modo animal. Hæc sane sunt præclara pro intelligentia mentis Aristotelis. Sistendum est tamen in priore solutione. Ad confirmationem autem consequentiæ negatæ, dicendum non omne uniuocum esse genus, vel speciem, vel differentiam, vel proprium, vel accidens : sed solum uniuocum prædicamentale, non transcendente ; cuiusmodi est ens.

Obie-
ctio 2.

Obiicitur 2. quia Parmenides & Melissus dicebant omnia esse vnum ens : idem Aristoteles 1. Physic. text. 13. ponit hoc principium, *Ens multipliciter dicitur*. Ex quo sic arguit contra ipsos. Ens multipliciter dicitur, ita ut entis aliud sit ær, aliud aqua, aliud ignis, &c. Ergo si omnia sint vnum ens, aut erunt hoc vnum ens, aut illud, scilicet aut ær, aut aqua, aut aliud. At ista consequentia Aristotelis non valeret, si ens esset uniuocum : sicut quia homo est uniuocus, ista non valet: Omnis homo est vnus homo. Ergo vel iste vnus homo, vel ille vnus homo. Ergo ens non est uniuocum.

Solu-
tio.
Quo-
modo
ens di-
catur

Respondetur quod ad destruendam illam opinionem Parmenidis & Melissi ; non oportet ut ens dicatur multipliciter, idest æquiuocè, sed sufficit quod dicatur multipliciter, idest de mul-

tis, ad inquirendum de quo illorum intelligant omnia esse vnum: sicut si qui dicerent omnia esse vnum animal ; esset animal distinguendum, & querendum de quo animali id dicerent, an scilicet omnia essent vnum hominè, vel vnum equum, vel vnum leonem. Ita Philosophus arguit contra Parmenidem & Melissum. Dicebant enim omnia esse vnum ens. Contra quod sic arguit : Ens dicitur multipliciter, scilicet de aqua, ære, & aliis. Ergo vel omnia sunt vnus ær, vel vna aqua, vel aliud. Cum ergo dicitur in minore, quod ista consequentia non valeret, si ens esset uniuocum ; negandum est : quia cum ista consequentia Aristotelis, valde bene stat uniuocatio entis. Siquidem fatendum est quod si Parmenides & Melissus voluissent omnia esse vnum ens confusum & indeterminatum, nulla esset consequentia Aristotelis, sed peccaret fallaciâ consequentis. Non enim valet consequentia formaliter, descendendo à prædicato tantum confusè accepto, ad particularia determinata. Ut si quis diceret : substantia corporea est animal. Ergo, est homo, vel equus: quia hoc prædicatum, animal, est confusum & indeterminatum in illa propositione, & non stat determinatè vel pro equo, vel pro homine. Quia tamen illi volebant omnia esse vnum ens determinatè : idem optinè inserit Philosophus: Omnia sunt vnum ens determinatè. Ergo vel hoc vnum ens, vel illud.

Obiicitur 3. Illud omne quod est uniuocum, aliter definitur definitione rei, quàm definitione

Obie-
ctio 3.

vocis & nominis. At definitio rationis entis, & definitio nominis eiusdem, sunt vna & eadem: Si quæras enim quid ens significet? respondebitur significare id quod est in rerum natura. Si quæras quid rei? illud idem respondebitur. Ergo ens non est vniuocum.

Solutio.

Respondetur negando maiorem. Contingit enim aliqua definiri eodem modo definitione quid rei, & definitione quid nominis propter eorum maximam communitatem, & simplicem rationem: tunc enim sufficit nomen ad exprimendam illam rationem maximè generalem & simplicem. Quod quidem non in ente modò, sed & in generibus generalissimis fieri cernimus. Nam & definitione quid rei, & definitione quid nominis definitur substantia: v. g. id quod subsistit, & quantitas secundum quam aliquid dicitur quantum.

Obiectio 4.

Obijcitur ex D. Thoma specialiter contra vniuocationem entis ad Deum & creaturas. Quando effectus non adæquat virtutem causæ, nomen vtrique commune non dicitur vniuocè, sed analogicè de illis: sed creaturæ sunt effectus Dei qui non adæquant virtutem eius. Ergo non sunt vniuocè, sed analogicè entia cum Deo. Maior probatur. Nam quando effectus non adæquat virtutem causæ, non recipit similitudinem eius secundum eandem rationem. Ergo nec potest habere nomen vniuocum; cum illud sit huiusmodi quod secundum eandem rationem dicitur.

Respondetur maiorem esse vti-ram, quando effectus in nulla planè ratione adæquat virtutem suæ causæ: esse autem falsam, si in aliqua saltem communissima ratione eam adæquet; maximè verò si secundum eam communissimam rationem dicantur vniuocari. Licet autem creatura secundum peculiarem rationem, non adæquet rationem suæ causæ; tamen secundum communem rationem Entis adæquat. Quia nihil Entis vt sic, plus est in Deo, quàm in creatura. Quod enim dicit vnum gradum indiuisibilem (vt loquitur Dominus de Raconis) & non ex multis gradibus compositum, nihil magis habet in vno eorum in quibus est, quàm in aliis, sed totum est vbicumque est. Quia indiuisibile vt indiuisibile magis vel minus esse repugnat. Atqui Ens dicit vnum gradum indiuisibilem in se, & non ex multis gradibus compositum, aliàs deberet assignari aliquis gradus superior Entis, quo simul cum alio inferiori componeretur. Ergo Ens vt sic, nihil magis habet in Deo, quàm in creaturis.

Obijcitur 5. Illis quæ sunt totaliter & immediatè sub extremis contradictionis, nihil est commune vniuocum. Deus & creatura sunt omnino, & immediatè sub extremis contradictionis, scilicet sub dependere, & non dependere: quia Deus non dependet, creatura dependet; sub causato, & non causato, esse ab alio, & non ab alio. Ergo nihil eis est commune vniuocum.

Respondet Doctor Subtilis ad illud.

illud argumentum, quod est Henrici, quod vel minor intelligit Deum & creaturas esse ipsamet extrema contradictionis; & tunc falsa est: quia Deus non est sola negatio dependentiæ, aut creatura sola negatio necesse esse. Vel intelligit Deum & creaturas esse Entia, quibus competit ista contradictio; & tunc concessa minore, dicit esse falsam maiorem. Nam id est commune omnibus membris diuidentibus aliquid superius; quod illis semper conueniant extrema contradictionis, vt rationale, & irrationale, vel non rationale; nec minus propter hoc, definit ratio communis esse illis vniuoca.

Obiectio 6.

Obijciunt 6. contra vniuocationem Entis ad substantiam & ad accedens. Si accedens esset Ens vniuocè cum substantia, non definiretur per substantiam contra Arist. 7. Metaph. cap. 1. Sequela patet. Quia quæ vniuocè conueniunt in aliqua ratione, conueniunt in eadem definitione, & idèd non potest vnum per aliud definiri.

Solutio Respondeo negando sequentiam antecedentis, & ad probationem eius dicendo, ea quæ cõueniunt in aliqua ratione communi, conuenire quoque in eadem definitione communi eius in quo conueniunt, & cum hoc posse vnum definiri per aliud, cum descenditur ad proprias definitiones, maximè si ea quæ conueniunt vniuocè, habeant etiam analogiam ad inuicem, cuiusmodi sunt substantia & accedens, quæ conueniunt quidem

in definitione Entis. Sicut enim substantia est id quod est, vel quod potest esse in rerum natura: Ita accedens est id quod est, vel quod potest esse in rerum natura: & in ista communissima definitione vnum non definitur per aliud. Cum tamen descenditur ad proprias rationes, ratione analogiæ ordinis, & dependentiæ, quam habet accedens à substantia in existendo, definitur accedens per substantiam, non tanquam per aliquid sibi intrinsecum & essentiale, sed tanquam per aliquid extrinsecum, quo tamen dependet, & in existere, & in euentius cognosci, saltem respectu nostri.

Obijciunt 7. Si Ens est vniuocum substantiæ & accidenti, poni poterit in eorum definitionibus. At hoc est contra Aristotelem 8. Metaphysic. & contra communem vsum Philosophorum. Ergo Ens non est vniuocum. Hoc argumentum est Caietani alioqui subtilissimi; non tamen multum urget. Nam admittimus sequelam maioris: potest enim definiri substantia Ens per se, & accedens Ens in alio. Neque hoc est contra Aristotelem, & communem Philosophorum vsum; qui negant solummodò Ens non debere poni in definitionibus substantiarum & accidentium determinantum, constantibus proprio genere & propriâ differentiâ; non verò in definitionibus substantiæ & accidentis in se. Quod si urget Caietanus, vt reuera urget, debere quoque

Obiectio 7.

Solutio

poni Ens, si sit vniuocum, in definitionibus substantiarum & accidentium determinatorum, puta hominis & albedinis; negabimus primò, quia id est superuacuum. Cum enim res quælibet definitur, supponitur esse Ens. Nam quæstio quid est, supponit quæstionem an est. Deinde dicemus non esse inconueniens poni Ens in definitione hominis vel albedinis, ut illa definitio sit clarior & explicatior. Licet enim implicite animal dicat corpus, & substantiam, & Ens: tamen si explicitè dixerò hominem esse Ens, & substantiam, & corpus, & viuens, &c. nulum erit inconueniens, nisi quia ista definitio esset nimis proluxa & morosa. Tertiò dicemus quòd si ratio illa valeret, nedum concluderet de Ente, sed de substantia, & de quocumque superiori vniuoco; & sic in definitione speciei specialissimæ, necesse esset ponere omnia genera superiora explicitè, quod tamen non fit, quia id est superfluum.

Quarta Conclusio.

ENS non est vniuocum vniuocatione Physicà, sed Logicà, & Metaphysicà; & quidem in quarto gradu, qui est omnium minimus vniuocationis gradus. Hanc Doctrinam tradit ex Doctore Subtili Anthonius Andreas 4. Metaphysic. q. 1. §. *Quæcum ad secundum.*

Prima pars ex eo probatur; quia vniuocatio Physica, utpotè omnium strictissima, colligitur ex Arist. 7. Physic. reperiri tantum in specie athoma, propter

omnimodam vnitatem naturæ æqualiter ab inuidinis participatæ. Ergo Ens non est vniuocum tali vniuocatione. Hinc patet nec esse vniuocum in primo vniuocationis gradu; quia primus vniuocationis gradus, & vniuocatio Physica idem sunt, ut constat ex 1. & 2. prænotionis.

Secunda pars probatur. Illud quod dicit aliquam vnam realitatem vel primam intentionem conceptam sub aliqua intentione Logica, est vniuocum vniuocatione Logicà, sed Ens communiter sumptum est huiusmodi. Ergo est vniuocum vniuocatione Logicà. Maior patet ex definitione vniuocationis Logicæ superius allatæ. Minor etiam est euidens. Quia licet Ens communiter sumptum non concipiatur sub intentione generis, vel differentiæ, vel alicuius alterius intentionis secundæ in genere; concipi tamen potest sub intentione vniuersalis, quæ utique est intentio secunda vel Logica.

Tertia pars probatur. Ad vniuocationem Metaphysicam sufficit vnitatis naturæ alterius à natura specifica athoma, vel etiam vnitatis conceptus realis abstrahibilis à multis, & prædicabilis de multis secundum idem nomen, & eandem rationem. Sed ens habet talem vnitatem, ut iam sæpè probatum est. Ergo est vniuocum vniuocatione Metaphysicà. Quia tamen in vniuocatione Metaphysicà dantur gradus, ut dictum est superius; ens est vniuocum vniuocatione Metaphysicà in quarto gradu, hoc est in eo gradu vniuocationis, ad quem sufficit vnitatis conceptus obiectiui.

Quod tamen ita intelligas, vt non existimes ens ratione sui petere ordinem aliquem, aut dicere ex se inaequalitatem graduum perfectionis. Cùm enim sit simpliciter simplex, non potest admittere in se & ex se talem inaequalitatem; sed quia, nonobstante tali simplicitate, ens est communissimum, & permittit se cum pluribus vagari, & pluribus communicari; idèd permissiuè & non formaliter est intelligendus defectus ille vniuocationis in primo, secundo, vel tertio gradu, scilicet carentia perfectionis graduum, vel modi essendi, vel ordinis in descendendo ad sua inferiora.

Posset hñc dubitari an sint aliqua alia prædicata vel quidditatiua, vel denominatiua quæ dicantur de Deo, & de creaturis, de substantia, & de accidente vniuoce? Sed hoc non resoluimus modò, quia solum huius prædicati quidditatiui, entis nimirum, vniuocationem nitimur astruere. Breviter tamen respondere possumus affirmatiuè. Substantia enim v. g. quæ est prædicatum quidditatiuum, quatenus dicit id quod per se existit seu subsistit, dicitur de substantia infinita, & de substantia finita vniuoce; non tamen quatenus dicit id quod subsistat accidentibus, quippe sub qua ratione non est in Deo: quâ ratione fortè dixit D. Augustinus lib. 7. de Trinit. substantiam abusiue dici de Deo; tum quia etiam substantia prout est genus generalissimum, non dicitur de Deo, quippe qui non nisi supersubstantialiter dicitur substantia vt loquitur D. Damascenus in Ele-

mentario, cap. 8. cùm eius substantia sit ultra substantiam, vt dicit Boëtius lib. 1. de Trinit. cap. 12. Item sapientia quæ est prædicatum denominatiuum, dicitur etiam vniuoce de sapientia increata, & de sapientia creata, prout dici vniuoce, idem est ac esse prædicatum vniuocum. Est enim nimis puerile ista duo distinguere, vt obseruat Scotus uoster. Et huius dicti ratio est, quia, vt diximus prænotato tertio, denominatiuum non pugnat cum vniuoce, imò stare potest cum vniuoce. Hæc dicta sufficiant tanquam probabiliora de vniuocatione Entis ad substantiam & ad accedens, ad Deum & ad creaturas: quamuis ingenuè fatear eas tanquam nihilum reputari in conspectu eius qui est, qui erat, & qui in æternum erit.

QVÆSTIO NONA.

Quomodo ens dicatur de suis modis, de suis proprietatibus, & vltimis differentijs.



DE singularis est circa hanc quæstionem Doctoris Subtilis opinio, vt cum deferant & impugnent omnes tùm veteres, tùm moderni, demptis Antonio Andrea, Rada, Faentino, & alijs paucis, qui adhuc nec inter se omnino conueniunt, nec sufficienter mentem eius explicant. Oritur autem hæc quæstio, & eius difficultas, ex supradictis de vniuocatione entis: Nam dato quòd ens sit vniuocum; dubitari me-

ritò per quid determinetur ad sua inferiora? An scilicet per nihil, vel per aliquid? Et si per aliquid: quomodo id fieri poterit? Nam ens determinari per aliquid, est ens determinari per ens: est etiam aliquid determinari per aliquid; quia ens & aliquid conuertuntur. Repugnat autem ens determinari per ens, vel aliquid determinari per aliquid. Ergo repugnat ens determinari per aliquid. Non determinatur etiam per nihil. Ergo nullo modo determinatur. Ergo non est vniuocum. Quia autem huic difficultati existimatur communiter occurrissè Scotus, dicendo ens determinari per aliquid, quod non est aliquid, nec ens quidditatiuè, sed tantum qualitatiuè & quasi per accideus; cum etiam aliàs dixerit vltimas differentias, & proprias passionis entis non esse entia quidditatiuè, seu ens non prædicari de his omnibus, in quid: idè omnes ipsum insequuntur tanquam inexpiabile quoddam facinus in philosophia patrauerit. Sic Thomistæ omnes, præsertim Caietanus de ente & essentia q. 3. & Soncinna 4. Metaphysic. q. 19. Ex nostris Ioannes de Baisolis in 1. dist. 28. Guillelmus Ocham in 1. dist. 2. q. 9. Aureolus, & ex recentioribus Franciscus Suarez tom. 1. Metaphysic. disp. 2. sect. 5. Et Fonseca 4. Metaphysic. cap. 2. q. 3. sect. 2. columnâ mihi terciâ. Quamuis autem temerarium videretur antepone quiesdam priuati iudicium, tot grauium Authorum iudicio: Non videtur tamen etiam probabile tantum Doctorem, quem Scaliger meritò in-

MAM VERITATIS appellat, & qui, vt loquitur, & testatur Ocham, alios in subtilitate iudicij excellerebat, addè absurdè delirasse in hac sententia, quam toties repetiit & inculcauit, vt eam omninò improbabilem reliquerit; maximè cum magna pars eorum qui ipsum impugnant, mentem eius non ceperint, & disputent in ipsum, ex falsis assumptis, & illi impositis fundamentis; inter quos videri poterunt Franciscus Suarez, & Fonseca locis citatis, viri aliàs profundissimi & eruditissimi, qui impugnantes id quod habet de variis rationibus, quibus ens prædicatur de differentiis vltimis, & non vltimis; dicunt nullas esse differentias non vltimas, quales eas assignat Scotus; quia ex Scoto, inquit, differentia non vltima ea est, quæ petitur à tota forma; nulla autem differentia, dicunt, petitur à tota forma. Ergo &c. Scotus autem nullibi dixit differentiam non vltimam peti à tota forma; licet fortè etiam hoc verum sit: vnde & in hoc, & in multis alijs, impugnatur ex falsis fundamentis.

Prænotandum itaque primò pro solutione huius quæstionis, latius patere, esse prædicatum vniuocum, quàm prædicari in quid. Quia quicquid prædicatur in quid de multis, secundum idem nomen, & eandem rationem, est prædicatum vniuocum: sed non omne prædicatum vniuocum, prædicatur in quid; album enim v. g. est prædicatum vniuocum respectu niuis & laniæ; non prædicatur tamen in quid de illis. Et hoc est quod di-

citur cōmuniter aliud esse prædicari vniuocè, & aliud esse prædicatum vniuocū. Nam prædicari in quid, est prædicari vniuocè. Queritur itaque an ens respectu omnium planè intelligibilium, ac per consequens suorum modorum, vltimarum differentiarum, & proprietatum suarum, non modò sit prædicatum vniuocum, verumetiam prædicetur in quid, nec nec? Et si non prædicetur in quid, sed in quale, quid sit istud, prædicari in quale; seu quid sit, modos, differentias vltimas, & proprietates entis esse entia qualitatiua, non quidditatiua?

Prænotandum 1. aliud esse aliquid esse ens, & aliud esse entale (si hoc termino barbaro vti liceat.) Nam aliquid esse ens propriè, est non tantum non esse nihil, sed est esse, vel posse esse in rerum naturâ: Ita vt verè dici possit id quod existit, vel quod potest existere. Aliquid autem esse entale licet sit esse extra nihil, non est tamen aliquid ita existere, vel posse existere, vt verè dici possit id quod existit, vel quod potest existere: Sed potiùs id quo aliud existit, vel id quo existens seu ens qualificatur, afficitur, vel vltimò clauditur, & terminatur. Nec istud absurdum videri debet, vt patet exemplo substantiæ & accidentis: licet enim omne ens sit substantia vel accidens; non tamen id omne quod non est accidens; ita est substantia, vt sit id quod propriè & per se existit vel subsistit, vt patet de modis, proprietatibus, & differentiis substantiæ, quæ vel qualificant, vel deter-

minant, vel aliter afficiunt substantiam. Quod verò dicit Suarez nihil posse esse id quo ens qualificatur, nisi etiam sit id quod est, seu sit aliquid reale; videtur in solis verbis consistere; licet enim sit aliquid reale, quia non est nihil; non tamen quiddid non est nihil, est æqualiter id quod existit; vt patet exemplo substantiæ, & modorum substantialium: Proindeque, quemadmodum illud membrum entis quod opponitur accidenti, diuidi potest in substantiam & substantiale, comprehendendo tamen vtrumque illud, nomine substantiæ, per respectum ad accedens; ita id quod propriè opponitur nihilo, distribui potest in ens & entale, comprehendendo etiam ipsum vtrumque, nomine entis, per respectum ad nihil. Et quemadmodum non dicitur substantia prædicari in quid de substantiali; sed tantum in quale: quia substantiale non tam est substantia quidditatiua, quàm qualificatiua: Ita videtur ens non debere prædicari in quid de entali, sed in quale: quia entale non tam est ens quidificans, quàm determinans, qualificans, & aliter afficiens.

Supposito autem quòd ens non dicatur in quid, de suis modis, de suis proprietatibus, & de differentiis vltimis; dubitari potest quomodo respectu eorum omnium entalium, sit prædicatum vniuocum? An scilicet quia, quemadmodum ens quidditatiuum est vniuocum ad omnia entia quidditatiua, ita ens qualitatiuum sit vniuocum ad omnia entia qualitatiua: vel an ens

quidditatum sit vniuocum in ordine ad entia qualitativa : vel tertio an ens in se, sit vniuocum ad ens quidditativum, & ens qualitativum, seu ad ens propriè & ad entale.

Prænotandum 3. prædicationum formalium, de quibus alibi, alias esse quidditativas, & alias qualitativas. Iterum quidditativarum, alias esse in quibus prædicatum hoc solum habet, quod sit de essentia subiecti, licet non prædicetur ad modum quidditatis; & alias in quibus non solum prædicatum est de essentia subiecti; sed etiam enuntiatur de subiecto, ad modum quidditatis; hoc est, quando quæritur simpliciter, quid sit subiectum? respondetur esse illud prædicatum. Prioris generis sunt illæ, in quibus differentia essentialia prædicantur vel de speciebus, quarum sunt differentia, vel de inferioribus illarum specierum. Posterioris generis sunt illæ, in quibus genera de speciebus, & species de individuis prædicantur; & hæ solum propriè dicuntur quidditativæ, priores non sic. Item qualitativarum alia sunt, in quibus prædicatum quidem est de essentia subiecti, prædicantur tamen ad modum qualitatis; & hæ sunt eadem cum prioribus quidditativis, quæ propter ea dicuntur veriùs qualitativæ, quàm quidditativæ. Alia verò in quibus prædicatum est accidens, vel proprium, vel commune subiecto: & huius rationis sunt illæ, in quibus vel risibilitas, vel albedo enuntiatur de homine.

Prænotandum 4. ex Arist. 1.

Post. cap. de statu principiorum, ut optimè observat Doctor Subtilis in 1. dist. 3. q. 3. 5. ad questionem igitur respondens. Quod prædicationes per se non conuertuntur; ita quod si prædicatum dicatur de subiecto per se; non è conuerso dicitur subiectum de prædicato per se, sed per accidens: cuius rei rationem optimam affert noster Rada: Quia nimirum, inquit, subiectum includit causam formalem inhaerentia prædicati: vnde sicut non datur circulus in dependentia essentiali, quantum ad esse rei; ita non datur circulus in dependentia prædicatorum in subiecto, quantum ad inhaerentiam formalem prædicati ad subiectum. Si igitur subiectum includit causam formalem, ob quam prædicatum sibi inest per se, nullatenus prædicatum potest esse causa, ob quam subiectum sibi per se inest; aliàs daretur circulus in dependentijs essentialibus, quod implicare docet Scotus lib. de primo principio, cap. 1.

Prænotandum 5. in omni composito Metaphysico, duplicem reperiri gradum & conceptum; alterum determinabilem, alterum determinativum, quemadmodum in homine v. g. conceptus animalis est determinabilis, & conceptus rationalis, determinativus. Graduum autem seu. rationum determinabilium, alia sunt vltimò determinabiles, & alia non vltimò determinabiles. Item rationum determinantium, alia sunt vltimò determinativæ, & alia non vltimò determinativæ. Rationes non vltimò determinabiles.

In dependentijs essentialibus non datur circulus. Gradus alij determinabiles; alij determinativi. Sic determinativorum alij vltimò, alij non vltimò determinativi.

æ sunt, quibus datur alia ratio superiùs, vel vltteriùs determinabilis; vt sunt rationes omnium generum, quibus est superior & vltteriùs determinabilis ratio Entis. Ipsa autem ratio Entis est vltimò determinabilis; quia ipsa nulla datur vltterior determinabilis. Similiter rationes non vltimò determinantes *æ* sunt, quibus datur ratio vltteriùs determinans, vt sunt omnes rationes differentiarum intermediarum, quibus vltterior datur ratio determinatiua, scilicet ratio vltimæ differentiæ: Ipsa autem ratio vltimæ differentiæ est vltimò determinatiua, quia vltimo determinatiuo nihil datur vltterius determinatiuum. Est autem discrimen inter vtræque istas rationes determinabiles, & vtræque rationes determinatiuas; quòd rationes non vltimò determinabiles non sunt tantùm & simpliciter determinabiles; Sed etiam habent aliquid determinatiui admixtum, vel ratione sui, vel ratione alterius sibi coniuncti, v. g. ratio substantiæ non est simpliciter & tantùm determinabilis per corporeum & incorporeum; sed habet aliquid determinatiui admixtum, scilicet substantiam vel perfectatam, per quam determinat Ens: Ratio verò vltimò determinabilis sit tantùm & simpliciter talis; ita vt nihil habeat determinatiui admixtum: Sic est ratio Entis, quæ cùm sit omnium suprema, nullius alterius poterit esse determinatiua, nec ratione sui, nec ratione alterius sibi coniuncti; atque aded erit simpliciter & tantùm determinabilis. Simili-

ter rationes non vltimò determinatiuæ non sunt tantùm & simpliciter determinatiuæ, sed habent etiam aliquid determinabilitatis admixtum, vel ratione sui, vel ratione alicuius sibi coniuncti; vt sunt rationes differentiarum intermediarum, quæ cùm sint determinatiuæ ex eo quòd sunt differentiæ, sunt etiã aliquo modo determinabiles per inferiores differentias, vel immediatè ratione sui, vel ratione totius quod constituunt; vt sensitiuum v. g. quod est determinabile per rationale, & irrationale, vel ratione sui immediatè, vel ratione animalis quod constituit: Aut enim dici potest, sensitiuum aliud esse rationale, aliud irrationale; vel saltem, animal aliud esse rationale, aliud esse irrationale. Ratio verò vltimò determinatiua est simpliciter, & tantùm determinatiua, ita vt nihil planè determinabilitatis admixtum habeat. Huiusmodi sunt rationes vltimarum differentiarum: Differentia enim vltima, quæ vltima, non potest esse vllâ ratione vltteriùs determinabilis.

Ex his sequitur primò rationes non vltimò determinabiles, & determinatiuas, non esse conceptus simpliciter simplices; rationes verò vltimò determinabiles, & vltimò determinatiuas esse conceptus simpliciter simplices. Quia conceptus simpliciter simplex is est, qui non potest resolui in plures, quorum alter sit determinabilis, & alter determinatiuus: Solæ autem rationes vltimò determinabiles & vltimò determinatiuæ sunt huiusmodi,

vt patet ; non autem rationes non vltimò determinabiles , & determinatix. Nec valet quòd dicas solas rationes non vltimò determinabiles, non esse conceptus simpliciter simplices , vt sunt rationes generum, quas constat resolui in plures conceptus, quorum alter est potentialis & determinabilis, alter verò actualis & determinatiuus : Non verò rationes non vltimò determinatiuas, vt sunt rationes differentiarum intermediarum ; quippe quas constat non posse resolui in plures conceptus, quorum alter sit determinabilis, alter determinatiuus ; aliàs non essent amplius differentix, sed vel genera, vel species : Hoc inquam non valet : quia ad destruendam simplicitatem conceptus simpliciter de qua hìc loquimur, sufficit aliquid idem posse variis rationibus esse posse determinabile, & determinatiuum, quales ostendimus esse rationes differentiarum intermediarum. Sequitur secundò rationes vltimò determinabiles, & rationes vltimò determinantes, esse primò diuersas, quia vna nihil planè alterius includit.

Prænotandum vltimò, vt iam colligitur ex dictis, differentiarum alias esse non vltimas, & alias vltimas ; & quidem tam hæ, quàm illæ in hoc à genere distinguuntur, quòd genus sumatur semper à parte essentiali, potentiali, & perfectibili ; differentix verò sumantur ab alia parte essentiali, actuali & perfectiua ; ita vt illud vnde sumitur genus, habeat rationem materiæ, & illud à quo sumitur differentia, rationem formæ, vt

probat Doctor in 1. dist. 8. qu. 2. Ex Arist. 8. Metaphysic. cap. 9. dicente quòd oportet terminum, id est, definitionem, esse orationem longam, quia significat aliquid de aliquo, ita quòd oportet illud esse materiam, & illud formam. Aliquando verò contingit ea ex quibus desumuntur genus & differentia, esse alias & alias res ; sicut fugendo v. g. plures formas in homine, animal desinitur à sensitua, & rationale ab intellectiua ; & tunc illa res à qua accipitur genus, verè est potentialis & perfectibilis ab illa re, à qua accipitur differentia. Quandoque autem contingit non esse alias & alias res, sed tantum alias & alias formalitates, vel alios & alios conceptus reales eiusdem rei ; quando, scilicet, species uon addit rem aliquam supra naturam generis, vt in Angelis, & in accidentibus : & tunc formalitas, vnde sumitur genus, est etiam potentialis ad illam, à qua sumitur differentia. Non perficitur autem realiter ab ea, propter identitatem istarum rationum ad aliquod totum cui realiter primò sunt eadem, quod quidem totum primò producit, & in ipso toto ambæ istæ formalitates producuntur ; si tamen altera istarum sine alia produceretur, verè esset potentialis ad eam, & verè esset imperfecta sine ea. Ista autem compositio formalitatum vel realitatum distinctarum formaliter, quarum altera est potentialis, & alia actualis hoc modo, est minima quæ sufficit ad rationem generis & differentix

rentiæ. An verò genus & differentia accipiantur ita ab illis diuersis realitatibus, vel formalitatibus, vel tamen primò accipiantur à toto, ratione tantum istarum formalitatum, aut realitatum; vel etiam primò & formaliter, & non solum radicaliter accipiantur ab iisdem realitatibus vel conceptibus realibus, nunc non determino.

Differentia vltima in hoc distinguitur à non vltima, quòd non vltima ita sumitur à forma, quocunque modo sumatur, vt non accipiat ab vltima realitate, seu ab vltimo gradu Entitatis formæ: Differentia verò vltima præcisè accipiat ab vltima perfectione, vltima realitate, seu vltimo gradu Entitatis formæ. Et hoc solum discrimen ponit Scotus noster inter differentias non vltimas, & vltimas. Vnde satis mirari non possum viros alioqui graues non ponderasse, ne dicam non legisse, hanc Doctrinam apud Scotum. Non enim sumplissent occasionem ipsum impugnandi ex fundamento ad libitum excogitato, & ei immeritò imposito, nimirum ex eo quòd dicant Scotum docere differentiam non vltimam accipi à tota forma. Nam vbi cumque Scotus de hac re loquitur, nimirum in 1. dist. 3. q. 3. §. *contra istam vniucationem*. Et in 1. dist. 3. q. 6. §. *Ad questionem ergo respondes*, & alibi, dicit quidem differentiam non vltimam sumi à formâ, non autem à materiâ; & differentiam vltimam ita sumi à formâ, vt non quomodolibet ab ea sumatur, sed ab vltimo gradu En-

titatis eius: nullibi autem dicit differentiam non vltimam sumi à tota forma. Nec etiam id dicere debuit pro explicatione & confirmatione suæ Doctrinæ. Ponendo enim vnicam animam in homine (vt res habet) non negaret Scotus differentiam videntis peti à gradu vitæ, differentiam sensitiui peti à gradu sentiendi, & differentiam rationalis accipi à gradu intellectiui. Nec inde sequitur, vt ipsi volunt, Ens non posse prædicari de huiusmodi differentiis, videntis, sentientis, & alijs intermedijs in quid, si non prædicetur in quid, de vltimis. Cùm autem probant, quia ex Scoto, aiunt, Ens non prædicatur in quid de differentiis vltimis, quoniam sunt simpliciter simplices. At, dicunt, Differentiæ etiam intermediæ sunt simpliciter simplices: quia sumuntur à gradibus æquè simplicibus formæ, atque sumuntur differentiæ vltimæ. Ergo si Ens non prædicetur in quid de differentiis vltimis: non prædicabitur etiam in quid de differentiis intermedijs.

Respondeo ipsos non satis, ^{Solutio.} meo iudicio, intellexisse in quo Scotus ponat rationem conceptus simpliciter simplicis, & conceptus non simpliciter simplicis. Hoc autem totum declaratum est præcedente prænotato; ex quo intelligi potest differentias intermedias, & non vltimas, à quocumque accipiantur, ex hoc solum quia sunt non vltimæ, non posse esse simpliciter simplices, quia sunt determinatiuæ simul & determinabiles. Porro non est quòd aded laborent Scotistæ

nostri ad inuestigandum quænam propriè differentia censeri debet vltima. Nam ex mente Scoti, ea sola est vltima, quæ solùm est vltimò determinatiua; & huius conditionis sunt omnes & solæ differentiæ indiuiduantes. Nam differentiæ specierum athomarum sunt determinabiles per differentias indiuiduales: vnde propriè dici non possunt vltimæ: nisi fortè dicatur eâ ratione esse vltimas, quia, non sunt determinabiles per alias differentias specierum, & naturarum constitutivas; quò sit vt aliqui ex nostris dicant differentias vltimas, alias esse vltimas vltimatæ specificationis, & alias vltimas vltimatæ determinationis. Sed hoc mihi non probatur. Quemadmodum enim genus summum noui dicitur vltimò determinabile, licet sit natura propriè dicta vltimò determinabilis; quia datur ens vltèriùs determinabile: Ita differentia vltimò constitutiua naturæ, qualis est differentia speciei athomæ, dici non debet differentia simpliciter vltima, quia vltra ipsam datur alia vltimò omnimò determinatiua, nimirum differentia indiuidualis. His positis, sit

Prima Conclusio.

ENS est vniuocum ad omnia planè entia tam quidditatiua, quàm qualitatiua. Conclusio est Doctoris Subtilis in 1. dist. 3. q. 3. & alibi passim, estque probata superiùs: & ad hoc videtur efficax ratio desumpta ex simplicitate & indiuisibilitate entis, quia ens vbicumque est, ibi to-

tum est. Nec valet si dicatur rationes entis quidditatiui, & entis qualitatiui esse diuersas, & rationem entis qualitatiui habere analogiam ad ens quidditatiuum; illa siquidem diuersitas & analogia non tollit vniuocationem, quippè quæ secum patitur vniuersalem conceptus entis, qui consistit in hoc præcisè, quòd non sit nihil, aut aliquid fictum, sed sit aliquid reale. At veidè tam ens qualitatiuum, quàm ens quidditatiuum est aliquid reale, & non nihil. Ergo ens est vniuocum ad omnia planè entia tam qualitatiua, quàm quidditatiua. In hac conclusione nobiscum sentiunt, qui docent ens esse vniuocum ad omnia entia tam completa, quàm incompleta. Et in hoc tantùm dissentimus ab illis, quia non dicimus omnia entia incompleta esse qualitatiua: nam differentiæ non vltimæ sunt entia incompleta, & tamen ens prædicatur de illis vniuocè quidditatiuè: Quia, vt inferiùs dicemus, ad rationem entis qualitatiui, non sufficit vt quomodolibet afficiat & qualificet aliud: sed oportet vt ita qualificet, quòd nullam aliam rationem induat, putà qualificabilis aut determinabilis; quòd quidem non reperitur in differentijs vltimis.

Aliter etiam dici potest ens esse vniuocum ad entia qualitatiua, quatenus scilicet est vniuocum determinabile per illa determinantia, vel vnicum denominabile, per illa denominantia, vt loquitur Doctor Subtilis. Sic se habent enim gradus determinabiles & gradus determinatiui, quòd gradus determinabiles non

sint tantum vniuoci respectu suorum inferiorum, quando sunt vniuoci; sed etiam respectu graduum determinatiuorum, non quidem de quibus dicantur vniuocè, quasi scilicet ratio graduum determinatiuorum, sit ratio graduum determinabilium; sed per quos determinantur vniuocè; quia gradus illi determinabiles per alios, & prædicabiles de alijs, non habent vnitatem solum quâ prædicabiles de suis inferioribus, vel quâ sunt in illis & participantur ab illis, sed etiam quâ determinabiles: vna siquidem ratio est determinabilis, sicut vna ratio est prædicabilis. At Ens se habet ad Entia qualitatiua, putà ad vltimas differentias, vt determinabile, ad determinantia. Ergo etiam vt sic, est vniuocum ad illas.

Secunda Conclusio.

NON solum Ens est vniuocum, sed etiam quidditatiuum ad Deum & creaturas, ad substantiam & accidens, & ad omnia genera, species, & indiuidua. De priori parte conclusionis nihil nunc occurrit dicendum. Posterior est certa non solum apud illos qui Entis vniuocationem sustinent, verum & apud eos qui eiusdem Entis analogiam defendunt, demptis fortè illis qui satis absurdè docent accidentia esse tantum Entia, per denominationem extrinsecam. Probatur: Ens est prædicatum quidditatiuum respectu aliquorum. Ergo maximè respectu illorum de quibus enuntiatur in

recto, formaliter, & in quaestione quid: huiusmodi autem sunt omnia prædicta. Ergo Ens prædicatur de illis quidditatiuè.

Tertia Conclusio.

ENS non prædicatur in quid de suis modis intrinsecis, & determinatiuis. Conclusio est Doctoris Subulsi in 1. dist. 8. qu. 2. *Ad primum argumentum principale*, vbi dicit conceptum Entis contrahi per aliquos conceptus contrahentes dicentes quale, hoc est, per aliquos conceptus, qui sunt Entia qualitatiua, non quidditatiua. Est etiam Antonij Andr. 5. Metaphysic. quæst. 7. ad argumenta. Probatur autem: Nullum determinabile prædicatur in quid de suo determinatiuo, sed tantum de tertio constituto ex determinabili & determinatiuo; & consequenter de his omnibus, de quibus ipsum constitutum prædicatur in quid, vt habet Arist. in Antepædicamentis. Sed Ens est determinabile per suos modos intrinsecos. Ergo non prædicatur de illis in quid. Minor est euidens. Maior etiam videtur indubitata, & probari posset exemplo omnium determinabilium, & determinatiuorum. Hoc vnum sufficiat. Animal v. g. non prædicatur in quid de rationali. Quærenti enim quid sit rationale? non rectè responderetur esse animal: vnde etiam communiter docetur hanc prædicationem; rationale est animal, esse tantum materialem, quia nimirum animal non enuntiatur

Ens nō
prædi-
catur in
quid de
suis mo-
dis.

derationali per se ; sed tantum ratione hominis , de quo animal enuntiatur per se , & in quid , cui rationale identificatur. Seruatâ autem proportionem idem iudicium esse debet de modis Entis respectu Entis. Nec enim hæc prædicatio est per se, saltem quidditativa : Infinitum est Ens ; sed tantum materialis, ratione scilicet Dei , cui infinitas identificatur , & de quo Ens in quid prædicatur.

Obie-
ctio 1. Obijcies : Modi Entis simul cum Ente constituunt varias rerum essentias. v. g. Infinitum cum Ente Deum ; finitum cum Ente creaturam constituit : Ergo sunt reales & positiui. Si autem huiusmodi sunt ; quomodo mente concipi potest eos non includere intrinsecè & essentialiter Ens ? Hoc modo ratiocinatur Suarez tom. 1. Metaphysic. disp. 2. sect. 5. num. 8.

Solu-
tio. Respondetur intacto pro nunc antecedente, ad consequentiam, modos Entis esse reales & positiuos, & includere intrinsecè & realiter Ens ; non tamen essentialiter & quidditatiuè. Et certè cum esse modos Entis , sit potius Entia esse talia , quàm esse Entia simpliciter : Miror quâ ratione concipi non poterit ipsos esse veriùs qualitatiuè, quàm quidditatiuè Entia, seu esse potius Entalia, seu Entis talitates (ignoscatur barbarismis) quàm Entia.

Quarta Conclusio.

Ens nõ prædicatur in
ENS non prædicatur in quid de suis passionibus. Hæc conclusio est Doctoris nostri in

1. dist. 3. qu. 3. 5. *Ad questionem igitur.* Est etiam quorundam aliorum , præsertim Fonseca 4. Metaphysic. cap. 2. qu. 3. sect. 2. conclusione tertiâ. Probat autem Doctor Subtilis hanc conclusionem tribus argumentis.

Primum. Ens non prædicatur per se de passionibus suis. Ergo nec in questione, quid est? Probatur antecedens. Passio per se secundo modo prædicatur de subiecto, ex 1. Posteriorum : Et idèd omne subiectum ponitur quasi additamentum in definitione suæ passionis ex eodem 1. Post. Et 7. Metaphysic. cap. 5. text. 18. Quæ autem hoc modo ponuntur in definitionibus rerum, non sunt per se primo modo in ratione quidditativa eorum. Ergo Ens non erit de ratione quidditativa suarum passionum. Confirmatur : quia cum passiones Entis dicantur per se de Ente ; necessariò efficitur vt Ens dicatur de illis per accidens, siue non per se: docet enim Aristot. 1. Post. cap. 18. text. 35. propositiones per se non conuerti in alias per se.

Secundum. Ens diuiditur sufficienter, tanquam in illa quæ includunt quidditatiuè ipsum, in ens increatum , & in decem genera , & in partes essentielles decem generum. Saltem non videtur habere plura quidditatiuè quin sint in istis. Atqui proprietates entis nihil sunt horum , vt patet ; alioqui non essent transcendentes. Ergo ens non prædicatur, in quid , de suis proprietatibus.

Tertium. Si vnum v. g. quod

quid de suis passionibus.

est prima passio entis, est quidditativum ens; aut præcisè est ens, aut addit enti aliquid, de quo etiam quidditatiuè dicatur ens, aut aliquid de quo ens quidditatiuè non dicatur. Primum dici non potest: quia idem esset passio suiipsius, & idem dimanaret à seipso, & idem supponeretur ad seipsum; quæ omnia falsa sunt. Nec item secundum; tùm quia vnum bis includeret ens quidditatiuè: tùm quia daretur progressus in infinitum; eadem enim questio fieri posset de illo addito, atque de ipso vno, & pari ratione de quocumque alio simili addito. Igitur dari debet tertium, nempe vnum addere enti aliquid tanquam passionem illius, quod non subijcitur Enti in quæstione, quid est?

Vltima Conclusio.

Ens
non
prædi-
catur
in quid
de dif-
feren-
tiis vlti-
mis.

ENS non prædicatur, in quid, de vltimis differentiis. Conclusio est expressa Doctoris Subtilis in 1. dist. 3. q. 3. §. *ad questionem igitur respondeo*; quam probat duobus argumentis.

Primum. Si differentiæ includunt ens vniuocè, id est, quidditatiuè dictum de eis, & non sunt omnino idem: ergo sunt diuersa aliquid idem entia; sed talia sunt propriè differentia ex 5. & 10. Metaphysic. Ergo differentiæ vltimæ propriè erunt differentes. Ergo aliis differentiis differentes: quo posito inquiritur: an istæ differentiæ, quibus vltimæ differunt, includant ens quidditatiuè, vel non? Si primum; argumentabitur sicut priùs, & sic dabitur progressus in infinitum

in differentiis, vel stabitur ad aliquas omnino non includentes ens quidditatiuè, quod est propositum.

Secundum. Quæ Physicè componuntur, resoluuntur vltimò in purum actum, & in puram potentiam, ita vt purus ille actus nihil planè potentialitatis includat, nec vice versà, pura potentia aliquid actualitatis. Ergo quæ Metaphysicè componuntur, simili resolutione resoluuntur vltimò in realitatem purè determinabilem, & in realitatem purè determinatiuam, ita vt vna nihil planè includat alterius; sed realitas vltimò determinabilis, est realitas entis, & realitas vltimò determinatiua, est realitas vltimæ differentiæ. Ergo ens & vltima differentia sic se habent, quòd ratio vnius nihil planè includit rationis alterius. Ergo ens non prædicatur quidditatiuè de vltima differentia; quia quod prædicatur quidditatiuè de aliquo, debet includi in ipso.

Obijci-
tio 1.
Obijci-
tur 1. Quandocumque contingit intellectum posse esse simul certum & dubium de aliquo; illud non est simpliciter simplex, sed compositum ex multis realitatibus, de quarum vna est certitudo, & de altera dubitatio. At contingit intellectum esse simul certum & dubium de differentia vltima: Certum quidem, quòd sit ens; dubium verò, quòd sit tale ens, putà qualitativum. Ergo differentia vltima non erit simpliciter simplex. Tunc ponendo illam esse compositam ex ente, scilicet, & talitate entis; ratio entis de quo habetur certitudo, prædicabitur de

ea quidditatiuè: Cùm enim priùs certum sit ipsam esse ens, quàm esse tale ens; priùs ens dicitur de ea, quàm dicatur esse tale ens; tunc autem dicitur tantùm ens de ea qualitatiuè, cùm dicitur esse tale ens. Ergo cùm ens dicitur de ea, dicitur quidditatiuè; quia non datur medium inter ens dici quidditatiuè, & dici qualitatiuè de aliquo. Ergo ens dicitur quidditatiuè de vltima differentia. Hoc fere modo arguit Ocham in 1. dist. 2. q. 9. lit. E.

Solutio.

Tres solutiones possunt afferri ad hoc argumentum ex Doctore Subtili: sed hæc magis arripet, quàm concessa maiore, negatur minor; quia conceptus vltimæ differentiæ est simpliciter simplex: videt cùm scitur seu attingitur, totaliter attingitur, & cùm ignoratur, totaliter ignoratur. Vnde circa ipsum non potest esse certitudo simul & dubitatio; quia non potest secundum aliquid concipi, & secundum aliquid ignorari, vt docet Aristot. 9. Metaphysic. de conceptibus simpliciter simplicibus. Eo igitur actu quo concipio vltimam differentiam, eodem concipio illam esse ens qualitatiuum, seu esse aliquid entale, quemadmodum quo actu concipio aliquid esse ens, eodem concipio illud esse vltimè determinabile. Ideò quemadmodum ratio entis, vt sic, est simpliciter simplex, circa quam non contingit certitudo & dubitatio: Ita conceptus huiusmodi entalis, vt sic, est simpliciter simplex, circa quam non contingit certitudo & dubitatio.

Obiectio 2.

Obiicitur 2. Ad quæstionem,

quid est differentia vltima? Respondetur vel esse nihil, vel esse aliquid: non esse nihil: ergo esse aliquid, ergo esse ens; quia ens & aliquid conuertuntur.

Respondetur neutrum propriè responderi: non enim nihil primò; nec etiam aliquid propriè, sed potius aliquidificans, ac per consequens entale, non ens.

Obiicitur 3. Ex substantiis non obiectis substantia ex 1. Physic. sed ex differentijs vltimis sunt substantiæ primæ. Ergo vltimæ differentiæ sunt substantiæ. Ergo sunt entia quidditatiua; quia omnis substantia est ens quidditatiuè.

Respondeo ex non substantijs saltem partialibus, non fieri substantias Physicas, de quibus loquitur Aristoteles; fieri tamen ex non substantijs propriè, substantias Metaphysicas, quales sunt substantiæ primæ: sufficit enim ad earum constitutionem, aliqua esse substantias, & alia esse substantialia: differentiæ vltimæ non sunt substantiæ, sed sunt substantialia; atque consequenter entalia, non entia quidditatiua.

Obiicitur 4. Plus conueniunt inter se differentiæ vltimæ, & proprietates entis, quàm conueniant illæmet & nihil. Sed non potest excogitari aliud communius, in quo conueniant, quàm ens. Ergo conueniunt in ente.

Respondeo, concessa maiore, distinguendo minorem; quia duobus modis possunt in illo communi conuenire, scilicet vniuocè & quidditatiuè: & sic proprietates entis, & differentiæ vlt-

Solutio.

Solutio 3.

Solutio.

Solutio 4.

Solutio.

timæ non plus conueniunt in ente, quàm illæmet, & nihil; sicut nec duæ vltimæ differentię substantiales plus conueniunt quidditatiuè in substantia, quàm conueniant vna illarum & nihil: Secundo sic, vt illæ differentię vltimæ eatenus dicantur in illo communi conuenire, quia sunt vltimi termini & extremitates illius communis, vltimò determinantes ipsum: Et sic vltimæ differentię plus conueniunt, quàm conueniant vna illarum, & nihil: quia quælibet vltima differentia est determinatiua entis: nihil autem non est determinatiuum entis; sed hoc modo differentias vltimas conuenire in ente, non est conuenire in ipso vniuocum, idest, quidditatiuè.

Obiectio vltima ex Ocho.

Obijcit vltimò Guillelmus Ocham loco citato: Quælibet creatura plus distinguitur à Deo, quàm vltima differentia à quacumque realitate creata. Sed nonobstante distinctione creaturæ à Deo, est aliquid commune vniuocum in quid, Deo & creaturæ. Ergo vltimæ differentię & alteri realitati creatæ dabitur aliquid commune vniuocum quidditatiuum. Ergo aliquid prædicabitur, in quid, de vltima differentia: Illud autem maximè debet esse ens. Ergo ens prædicatur, in quid, de vltima differentia.

Solutio.

Respondeo rationationem istam nihil concludere; quia defectus prædicationis, in quid, de vltimis differentiis, non prouenit ex maiore vel minore distantia entitatis extremorum; sed prouenit ex oppositione formali rationis eorundem extremorum. Distantia autem Dei ad creaturas

est distantia entitatis, non vt oppositæ entitati creaturarum, sed vt superantis in infinitum entitates creatas; quò fit vt nonobstante istâ distantia, possit vtrique extremo esse aliquid commune vniuocum quidditatiuum. At vbi est distantia oppositionis extremorum, vt in proposito; videndum est prius in quo gradu sit ista oppositio: & si tanta sit, vt omnem tollat conuenientiam, vel adhuc aliquam patiatur. In proposito vidè, oppositio cuiuscumque entitatis determinabilis, & purè determinatiuæ, tanta est, vt nullam planè patiatur conuenientiam quidditatiuam, vt probatum est. Ergo alteri entitati creatæ, saltè determinabili, & vltimæ differentię vt potè purè determinatiuæ, nihil erit commune vniuocum quidditatiuum.

QVÆSTIO DECIMA.

Per quid, & quomodo Ens determinetur ad Deum & creaturas, ad substantiam & ad accidens?



NIHIL nobis in hac controuersia cum illis, qui docent Entis rationem nullo modo præcisam esse à rationibus inferiori. Si enim Ens in se nullo modo præcisum est ab aliis Entibus, sed est ex natura sua determinatum in illis, vel est illamet immediatè, vt vult Aureolus, & quidam alij cum ipso; non indiget determinatiuis, per que

determinetur ad alia entia. Quæstio itaque procedit suppositâ præcisione rationis Entis, siue per intellectum tantum, ut volunt multi, siue ex natura rei, ut volumus, detur huiusmodi præcisio.

duobus
modis
aliquid
determi-
natur, vel
per differ-
entias, vel
per mo-
dos: &
hoc iterum
duobus mo-
dis; vel
per mo-
dum eõ
positio-
nis, vel
per mo-
dum ex-
plica-
tionis.

Prænotandum itaque primò duobus modis præsertim, intelligi posse fieri huiusmodi determinationem, scilicet vel per differentias, vel per modos intrinsecos: per modos autem intrinsecos iterum duobus modis; scilicet vel per modum compositionis alterius cuiusdam tertij ex potenciali determinabili, & actuali determinatio; vel per modum explicationis eiusdem; quasi scilicet modus nihil aliud præstet, quam vnâ & eandem realitatem magis explicare, seu magis distinctam & perfectam reddere. Est autem inter alia, hoc discrimen ad præsens institutum atinens, inter differentiam, & modum intrinsecum, quòd differentia sit alia realitas à realitate generis determinabilis, quæ addita realitati determinabili generis, illam à proprio statu dimouet, & ad alium statum transfert. Modus intrinsecus verò non sit alia realitas à realitate determinabili; sed sit veluti gradus internus seu modus intrinsecus ipsius realitatis, qui solum ea ratione dicitur illam determinare, quia illam intra seipsam perficit.

Alij sũt
modi
essendi,
& alij
modi
prædi-
candi.

Prænotandum 2. alios esse modos essendi, & alios modos prædicandi, de quibus Logici. Iam itaque controuertitur an Ens determinetur per differentias, an per modos; & si per modos;

an per modum compositionis, an per modum explicationis; & quomodo non determinetur potius per modos prædicandi, ut volunt aliqui apud Anthonium Andream s. Metaphysic. quæst. 7. quam per modos essendi.

Docent aliqui, quòd si restringatur Ens creatum ad completum, verè illud contrahi per proprias differentias, ac proinde esse genus. Quidem alij docent Ens determinari per differentias vel modos, (nam parum aut nihil curant distinguere inter modos & differentias) & hoc quidem per modum compositionis. Franciscus Suarez tom. 1. Metaphysic. disput. 2. sect. 6. nrm. 7. docet determinari per modum expressioris conceptionis, ita ut cõceptus substantiæ v. g. sit æquè simplex & æquè irresolubilis, ac conceptus Entis, solumque ab eo differat, quia conceptus substantiæ est magis determinatus quam conceptus Entis. Non crederet autem, meo iudicio, hoc genus determinationis posse consistere cum modis determinantibus, & cum præcisione ex natura rei, rationis Entis ab inferioribus: Quia veritatem huiusmodi determinationis astruit præsertim tùm ex eo quòd supponat Ens non determinari per modos, tùm quia supponat eius præcisionem fieri tantum per intellectum. Quidquid, meo quidem iudicio senserit Doctor noster super hac re, sequentibus conclusionibus aperiam.

Primus

Prima Conclusio.

Ens nõ
de-er-
mina-
tur per
diffe-
rentias,
sed per
modos

ENS non determinatur ad Deum & creaturas, ad substantiam, & ad accidens per veras & proprias differentias. Sed tantum per modos. Probatur. Ens determinatur ad Deum & creaturas per infinitum & finitum, & ad substantiam & accidens per perfectitatem & inalicetatem, sed hæc sunt tantum modi, & non differentia. Ergo Ens non determinatur per differentias, sed per modos ad prædicta inferiora. Maior est evidens. Minor probatur. Differentia est realitas alia à realitate generis quod determinat: Modus autem est gradus realitatis determinabilis, sine quo nec existere, nec perfecte concipi potest entitas determinabilis. Sed infinitum & finitum &c. non sunt realitates extra realitatem Entis determinabilis, sed sunt gradus intrinsecè perfectientes Ens, sine quibus, nec existere, nec perfecte concipi potest. Ergo infinitum & finitum, per se, & in alio, non sunt differentia, sed modi intrinsecè Entis. Si maior negetur, quæstio erit tunc tantum de nomine: Hoc enim discrimen ponit Scotus inter differentiam & modum, ut prænotauimus, quod differentia primò sit semper alia realitas simpliciter formaliter distincta à realitate generis: Modus autem sit tantum gradus realitatis determinabilis, ac proinde distinctus ab illa tantum formaliter modaliter. Secundo quod propter eam realitas generis possit in quocumque gradu sibi debito perfecte

concipi, sine realitate differentiæ; quia in quocumque gradu concipitur animalitas, v. g. in ea non concipitur rationalitas nec irrationalitas. Realitas autem determinabilis à modo, non possit perfecte concipi sine ipso: nam si Ens v. g. concipitur cum omni gradu sibi debito, necessario concipi debet vel cum modo infinitatis, vel finitatis. Quod sit ut conceptus generis possit esse perfectus sine conceptu differentiæ, & possit terminare cognitionem intuitiuam intellectus absque ipso: Conceptus autem realitatis determinabilis à modo, non possit terminare cognitionem intuitiuam perfectam intellectus; nec proinde possit esse perfectus absque conceptu modi determinantis. Minor iam etiam patet. Quia infinitum & finitum, per se, & in alio sic se habent respectu Entis: Modificant enim intrinsecè Ens, & illud intra propriam realitatem perficiunt; item conceptus Entis sine huiusmodi modis est confusus & imperfectus, & perfectus cum illis. Sicut enim quatuor vel duo gradus albedinis v. g. perficiendo albedinem, non illam extra propriam realitatem extrahunt, sed intra illam perficiunt: Ita finitum & infinitum, per se & in alio, Ens intra propriam suam realitatem perficiunt, & determinant. Qui enim dicit Ens infinitum vel finitum, ens per se & ens in alio, nihil aliud dicit quàm ens, sed vel tantum vel tantum; vel hoc, vel tali modo se habens.

Cum ergo pro parte negativa dicitur eam tantum ratione

corporeum & incorporeum v. g. esse differentias contrahentes substantiam, quia sunt etiam incompleta; ac idem etiam per se, & in alio, esse differentias respectu entis creati completi, quia sunt etiam entia incompleta. Respondeo ad rationem differentiarum hoc non sufficere, sed alia multa desiderari ut dictum est, quæ in modis illis à nobis assignatis reperiri nequeunt.

Secunda Conclusio.

Determinatio Entis non fit ad modum compositionis, sed ad modum explanationis.

Determinatio illa per modos, non fit ad modum compositionis, sed ad modum explanationis id est modi illi non ita modificant Ens, quasi illud sit aliquid potentiale perfectibile per modos; & modi sint etiam quid actuale perfectum huiusmodi determinabilis: Sed quia illud magis explicat, & reddunt ex confuso distinctum, & ex imperfecto perfectum. Primum ostendam hanc opinionem esse Doctoris Subtilis. Secundò probabo veritatem illius.

Quod spectat ad primum, Franciscus Suarez tom. 1. Metaphysic. disp. 2. sect. 6. num. 8. agnoscit Scotum nostrum in ea fuisse sententia, differre tamen à D. Thoma in modo explicandi illam. Ego tamen existimo illos duos celebres Doctores in hoc non aliter, quàm verbis, differre: Nam reipsa idem omnino dicunt.

En verba D. Thomæ q. 1. de veritate art. 1. *Quod primo intellectus concipit, quasi notissimum, & in quo omnes conceptiones resolvit,*

est Ens: unde oportet quòd omnes alia conceptiones intellectus accipiantur ex additione ad Ens: sed Entis nihil potest addi, quasi extranea natura, per modum quo differentia additur generi: quia qualibet natura essentialiter est Ens: sed secundum hoc aliqui dicuntur addere supra Ens, in quantum exprimunt ipsum modum, qui nomine ipsius Entis non exprimitur. Et post. Substantia non addit supra Ens, aliquam differentiam: sed nomine substantia exprimitur specialis modus essendi.

En verba Doctoris Subtilis in 1. dist. 8. quæst. 2. *Ad primum principale. Conceptus contrahentes Ens, dicunt modum intrinsecum ipsius contracti, & non aliquam realitatem perfectientem illam, puta realitatem differentia. Et infra. Conceptus Entis sine modo est conceptus communis & imperfectus; conceptus autem eiusdem Entis cum modo, est iam conceptus proprius & perfectus. Et infra dicit conceptum Entis & modi non esse conceptum generis & differentiarum. Quia, inquit, conceptus generis & differentia requirunt distinctionem realitatum, & non tantum eiusdem realitatis perfectæ & imperfectæ concepta. Iterum in eodem 1. d. 3. quæst. 1. §. Quarto dico. Infinitum, inquit, non est quasi passivum Entis, sed dicit modum intrinsecum illius, ita quòd cum dico Ens infinitum, non habeo conceptum quasi per accidens ex subiecto & passione: sed conceptum per se subiecti in certo gradu perfectionis, scilicet infinitatis: sicut albedo intensa non dicit conceptum per accidens, sicut albedo visibilis: imò intensio dicit gradum intrinsecum albedinis*

in se; & ita pater simplicitas huius conceptus, scilicet ens infinitum. Item alibi docet ens non esse perfectibile nec potentiale respectu modorum, sicut genus est potentiale & perfectibile per suas differentias; quia modi entis constituunt tantum ipsum in certo gradu perfectionis.

Certe hæc omnia; nimirum conceptum entis esse imperfectum, & confusum sine modis; esse autem distinctum & perfectum cum modis. Item infinitatem constituere tantum ens in certo gradu perfectionis. Modum non esse quid actuale perficiens, nec ens esse perfectibile potentiale & similia, satis indicant Doctorem nostrum simul cum D. Thoma sensisse ens non determinari ad modum compositionis alicuius cuiusdam tertij, ex perfectivo & perfectibili: sed ad modum explanationis vnius & eiusdem, intra seipsum.

Quod spectat ad secundum: Hæc sententia probatur 1. auctoritate Aristot. 8. Metaphysic. cap. 6. circa finem. Vbi dicit quod quemadmodum ens statim est quid, & quantum & quale: ita in substantijs separatis & simplicibus, quia non est materia quasi expectans aduentum formæ, ut faciant per se vnum, idem statim sunt ens & vnum. Id est, sicut ens non per aliud distinctum realiter, imò nec formaliter simpliciter, sed seipso paulò aliter tamen se habente à parte rei, statim est substantia, & quantitas & qualitas. Ita substantiæ separatae &c. Ex hac enim comparatione, dato quod ens ex se non significet primum omnia entia, sed aliquem

conceptum obiectuum ex natura rei præcisum à conceptibus suorum inferiorum: Non potest aliter explicari quomodo statim sit quid, & quantum & quale, nisi quia seipso, id est per modos sibi intrinsecos (ut explicat eò loci Doctor Subtilis) statim sit quid, vel quantum, vel quale.

Præterea suadet Doctor Subtilis in 1. dist. 8. q. 2. ad primum, hunc modum determinationis esse possibilem, exemplo albedinis: Si esset albedo (inquit) sub decimo gradu intensus, quantumcumque esset simplex omnino in re, posset tamen concipi sub ratione albedinis tantæ; & tunc, perfecte conciperetur conceptus adequato illi albedini ut tanta; vel posset concipi præcisè sub ratione albedinis, & tunc conciperetur conceptus imperfecto, & deficiente à perfectione rei. Conceptus autem imperfectus posset esse communis illi albedini decem graduum, & alij; & conceptus perfectus esset conceptus proprius huius vel alterius albedinis. Requiritur igitur distinctio inter illud à quo accipitur conceptus communis, & illud à quo accipitur conceptus proprius; non ut distinctio realitatis & realitatis; sed ut distinctio realitatis & modi proprii & intrinseci eiusdem realitatis. Quia distinctio sufficit ad habendum perfectum conceptum, vel imperfectum de eodem, quarum imperfectum sit communis, & proprius sit perfectus. Hæc Scotus. Ex quibus vult inferre quod quemadmodum decem gradus albedinis & albedo non se habent ut genus & differentia; sed ut realitas & gradus realitatis, vel ut vnum & idem, modò minus, modò magis expres-

sum; ac proinde non aliter quàm distinctione formali omnium minimà seu modali distinctum à seipso: Ita ens infinitum v. g. & ens, non se habent vt genus & differentia; sed vt realitas & modus internus seu intrinsecus realitatis, seu vt vnum & idem, modò minùs, modò magis expressum; vel modò imperfectè, modò perfectè conceptum; ac proinde simili distinctione formali minore, à seipso, distinctum. Quòd si talis modus determinationis sit possibilis, cum etiam sufficiat, & aduersus ipsum nihil possit afferri quod facilè solui non possit; non videtur esse alius excogitandus.

Porro hæc omnia valdè benè coherent cum tota nostra doctrina. Primò cum vniuocatione entis, quia rationem entis quod hucusque probauimus esse vniuocum, volumus esse tantùm imperfectam, confusam, & indeterminatam, confusione scilicet & indeterminatione inferiorum & modorum determinantium. Coherent etiam cum præcisione, ex natura rei, rationis entis ab inferioribus: cum enim ens & ens infinitum distinguantur plusquàm ratione; quatenus scilicet illa magis vel minùs expressa ratio, vel illa ratio nunc imperfecta, nunc perfecta reperitur etiam vt sic in conceptibus obiectiuis; sit vt illa communis & confusa ratio, vt communis & confusa, sit ex se præcisa à seipsa vt distincta & determinata: Nam etiam ex natura rei, gradus essendi, priùs potest, nobis obijci, quàm gradus essendi sic vel sic. Et quanquam Physicè & realiter

non sit prior gradus essendi, quàm gradus sic vel sic essendi; tamen Metaphysicè & conceptibiliter prior est. Coherent etiam cum veritate modorum intrinsecorum entis. Cum enim oporteat ens determinari per aliquid, & non determinetur per aliquid extrinsecum, vel quasi extrinsecum, nec etiam per seipsum simpliciter vt sic, aliàs enim remaneret semper ens; oportet vt determinetur per aliquid sibi intrinsecum; & illud sunt modi intrinseci eius. Coherent denique cum eo quod dicimus conceptum entis esse simpliciter simplicem, & conceptus entis infiniti, & entis finiti non esse aded simpliciter simplices: quia conceptus entis vt sic, est irresolubilis in plures conceptus; conceptus autem aliorum entium non sic sunt irresolubiles, imò verò resolui possunt in conceptum determinabilem, & conceptum determinatum, quorum prior est conceptus entis, & alius est conceptus modi eius. Nec hoc obstat summæ simplicitati entis infiniti. Quia plures illi conceptus non faciunt compositionem; sed tantùm explicationem & determinationem.

Tertia Conclusio.

ENS non determinatur per modos prædicandi; sed per modos essendi. Probatur. Modus prædicandi sequitur modum essendi. Ergo priùs est ens determinari per modos essendi, quàm per modos prædicandi. In hac conclusione non immoror. Dico tantùm cum Anthonio Andrea

loco citato, quoddam sicut ens, primam sui divisionem, simpliciter descendit per finitum & infinitum in ens creatum & increatum, tanquam per modos intrinsecos; sic Ens finitum & creatum, quod diuiditur in decem genera, determinatur ad illa, per modos intrinsecos essendi distinctos inter se ex natura rei, quorum quilibet habet rationem contractiui respectu Entis, & constitutiui respectu alicuius predicamenti, v. g. perfectitas respectu substantiae, & inalietas respectu accidentis in se, & haec vel illa inalietas respectu huius vel alterius predicamenti accidentis.

Prænotandum itaque 1. nomen modi varijs rationibus vsurpari. Primò vt significet omnem determinationem vel limitationem præfixam vnique rei finitæ, iuxta mensuram eius, quâ ratione sumitur apud D. August. lib. 4. de Genes. cap. 3. explicantem illud Sapientiae 11. *Omnia in mensura & numero & pendere disposuisti. Mensura*, inquit, *omni rei modum præfigit*: Secundò vt significet omne Ens prædicamentale præter substantiam, quantitatem & qualitatem: Quia ratione Scotus noster quodlibet. 3. docet Boëtium 1. de Trinit. cap. 10. sumpsisse modum, cum dicit alias esse res quæ quasi rem monstrant, & alias quæ quasi circumstantiam vel modum rei; quia illæ prædicantur sic quoddam secundum se rem aliquam monstrent: Iste verò vt rem non esse, sed potius aliquid extrinsecus rei apponant: Et sic, inquit Scotus, modus est id quod habitudinem vnus dicit ad alterum. Hæc eadem ratione sumit modum Doctor Subtilis in 2. dist. 1. q. 4. §. *Contra istam opinionem* circa quasi finem, cum dicit relationem realem esse modum sui fundamenti. Tertiò vt significet generaliter omnes respectus transcendentales aliquorum adinuicem, sed præsertim respectus dependentiæ effectus à causa, vel sustentati à sustentante, vel alios huiusmodi: hæc ratione sumitur modus à plerisque modernis, cum dicunt accidentia in Sacramento Eucharistiæ acquirere nouum modum existendi post consecrationem; & relationem vnionis inter Ver-

Modi
varie
acce-
ptiones.

QVÆSTIO VNDECIMA.

*Quid & quoruplex sit
modus Entis?*

DOCTOR Subtilis in 1. dist. 8. quæst. 3. §. *Teneo opinionem meam mediam*, & §. *ad primum argumentum principale*, satis clarè & distinctè aperuit quid sentiret de modis præsertim intrinsecis entis; quia tamen quidam interpretes Doctrinæ eius, multis difficultatibus hanc rem implicuerunt; idèd opus est vt mentem illius Doctoris, reiectis alijs, nudè declaremus. Mouetur autem hæc quæstio post præmotas de Ente, quia cognitio modorum Entis spectat ad Metaphysicam, sicut & Ens ipsum, quod etiam magis explicabitur, ex declaratione & explicatione modorum eius.

bum & Humanitatem assumptam, esse modum vnionis, &c. Quare, vt significet quasdam conditiones vel ipsius causæ effectus; vel existentie eiusdem effectus. Hoc modo dicimus contingentiam, necessitatem, possibilitatem & actualitatem esse modos aut causæ quæ causat necessariò vel contingenter; aut ipsius effectus, qui existit necessariò vel contingenter, actu, vel possibiliter. Quintò, vt significet rationes determinantes intrinsecè aliquod superius indeterminatum; quomodo diximus hæcenus finitum & infinitum esse modos determinantes rationem Entis. Sextò denique, vt significet perfectionem intrinsecam alicuius entitatis indiuidualis; quomodo intensio in qualitate, & extensio in quantitate dicuntur modi qualitatis vel quantitatis.

Quid
sic mo-
dus a-
pud ali-
quos
discipu-
los Sco-
ti.

Prænotandum 2. non posse de omnibus omninò modis intelligi hanc definitionem modi, quam tradunt Sirectus & alij ex Scoto. *Modus intrinsecus est, qui additus alteri, non variat rationem formalem constituti per ipsum*: Nam neque hanc definitionem ita tradidit Scotus; neque illam potuit intelligere de omnibus modis. Quod non considerantes multi, premuntur in hac definitione explicanda; & eorum aliqui volunt modum intrinsecum additum alicui determinabili: non variare rationem formalem eius: Alij non variare rationem constituti ex re & modo. Alij neutrius rationem variare: Alij, vt Posnaniensis, hanc definitionem

esse intelligendam de modis in genere, non de modis supra genus: quia, inquit, finitum & infinitum in quantitate, non variant rationem quantitatis: variant autem rationem Entis, si in Ente reperiuntur. Alij aliter sentiunt. His positis, sit

Prima Conclusio.

Modus in vniuersum ita potest describi: *Modus est, qui additus rei, illam modificat, vel in se, vel in alio, vel ad aliud, vel quo ad esse, vel quo ad operari.* Et quidem modificare rem in se, conuenit modis primi, & sexti generis. Nam mensura vniuscuiusque rei, & intrinseca perfectio Entitatis indiuidualis, rem modificant in se. Modificare rem in alio, vel in alijs, conuenit modis quinti generis, vt sunt infinitum & finitum quæ modificant Ens, in Deo & in creaturis. Modificare rem in ordine ad aliud, competit modis secundi & tertij generis; quia agere, pati, dependere, sustentari, & similia modificant rem vel in ordine ad passum, vel in ordine ad agens, vel ad id à quo res dependet, vel ad id à quo sustentatur. Modificare rem vel quo ad esse, vel quo ad operari, competit modis quarti generis, vt sunt necessariò, contingenter, actu, potentià, quæ vel rem afficiunt vt causantem, aut vt causatiuā, & sic illam modificant quo ad operari, vel rem afficiunt vt existentem, aut potentem existere, & sic illam modificant quo ad esse.

Descri-
ptio mo-
di tra-
dita vt
potuit
mut.

Secunda Conclusio.

Quibus
modis
conue-
niat de-
finicio
modi
tradita
à for-
mali-
santi-
bus.

Definitio illa modi intrinseci vulgaris apud nostros Scotistas, nimirum quod *modus intrinsecus sit qui additus alteri, non variat rationem formalem eius, vel constituitur per ipsum*, principaliter intelligitur de modis sexti generis. Probatur. Modi illi vel sunt ipsimet gradus entitatiui & indiuiduales; vel rationes aliquæ modales consequentes additionem vel ablationem huiusmodi graduum, vt sunt intensio vel remissio, & extensio, v. g. sed hæc addita quantitati vel qualitati, non variant rationes earum. Probatur: Variatur ratio formalis alicuius rei, per solam additionem graduum formalium, non per additionem graduum entitatiuorum. Albedo enim vt quatuor v. g. non est alterius rationis formalis ab albedine vt duo, licet habeat plures gradus entitatiuos, quàm albedo vt duo. Ergo modi illi additi rei cuius sunt modi, non variant rationem eius formalem. Idem dicendum de infinito & finito respectu quantitatis; quia modi illi seu proprietates quantitatis illam solum determinant & modificant in certo gradu suæ propriæ entitatis, nec aliquid immutant de eius quidditate & natura. Quod autem dicta definitio debeat intelligi principaliter de his modis, quamuis etiam aliquâ ratione possit alijs applicari, vt constat: ex eo suadet, quia Scotus noster disputabat de his modis, prout conueniunt & distinguuntur à dif-

ferentijs; & in eo primùm conuenire volebat, quod quædam modum differentiarum diuidunt, & constituunt; ita etiam hi modi diuidunt aliquàlter & constituunt; & in eo differre primò: quia differentiarum diuidunt aliquid cui sunt extrinsecæ; hi modi autem diuidunt aliquid, cui sunt intrinseci v. g. rationale & irrationale diuidunt animal, extra cuius rationem sunt, & cui quasi forinsecus adueniunt; quatuor gradus verò vel duo albedinis diuidunt albedinem, non tanquam superius aliquod, cui sunt extrinseci, sed tanquam quid confusum quod intrinsecè determinant. Secundò, quia differentiarum constituunt nouam quandam naturam, quam formaliter ingrediuntur; idè dicuntur variare seu distinguere naturam constituti; quomodo rationale v. g. constituit humanam naturam, cuius est gradus quidditativus partialis. Hi verò modi non tam constituunt nouam, quàm eandem priorem naturam magis explicent & determinent. v. g. intensio, vel quatuor gradus albedinis additi albedini, non aliam naturam ab albedine constituunt, sed eandem albedinem magis explicant & determinant. Tertiò, quia res determinabilis per differentias, potest perfectè concipi absque suis differentijs, vt patet de Animali, quod in quocunque gradu sibi debito, potest concipi absque eo quod in eo concipiatur rationalitas vel irrationalitas: Res autem modificabilis per huiusmodi modos, non potest perfectè concipi, absque suis modis; si enim aliqua albedo per-

Differentia
notata
digna
inret
differ-
entias
& mo-
dos.

fectè concipiatur, debet necessariò concipi sub tot vel tot gradibus: Item, si quantitas secundum omnem rationem & modum sibi intrinsicè concipiatur, debet concipi vel ut finita, vel ut infinita. Ex quibus sequitur quartò realitatem determinabilem per differentias, esse verè in potentia ad illas, tanquam perfectibile ad proprium perfectiū; rem autem modificabilem per tales huiusmodi modos, non esse in potentia ad illos; quia modi non sunt aliæ realitates perfectiæ distinctæ à rebus modificabilibus. Sequitur quintò illud quod sic est potentiale ad differentias; esse naturam quandam distinctam & determinatam in genere suo, licet sit ulterius determinanda per differentias, quæ illam contrahunt, & veluti pertrahunt ad alium statum: rem verò modificabilem per hos modos, esse indeterminatam & confusam absque his modis, qui propterea non tam contractiui aut determinatiui, quàm explicatiui dicuntur. Itaque prædicta definitio debet intelligi de huiusmodi modis, quippe qui distinguuntur à differentiis, in eo quod differentia variant aut distinguunt essentialiter naturam quam constituunt: Hi verò modi non sic.

Sed quia hæc omnia dicta sunt à Scoto nostro, ratione infiniti & finiti, ut sunt modi entis, quatenus scilicet ostenderet ens non esse genus, & hos modos non esse differentias, quamvis illud sit vniuocum contrahibile, & hi modi sint contractiui eius; videndum est an etiam prædicta definitio cadere possit in illos?

& hoc quidem difficultate non caret: quia videntur Deus & creatura distingui essentialiter & formaliter per finitum & infinitum: Item prædicamenta quoque distingui per modos, per quos ens determinatur ad illa. Quod quidem si verum sit, variabunt seu distinguunt hi modi ea quorum sunt constitutivi. Nec est quoddam dicatur illos non variare rationem entis quod determinant; hoc enim nihil est: quia nec etiam differentia variant rationem generis quod contrahunt. Nec item dici debet prædictam definitionem intelligendam esse de modis in genere, non de modis supra genus, seu de infinito & finito ut conveniunt enti prædicamentali, puta quantitati, non ut conveniunt enti in se. Quia occasione præsertim istorum modorum prout determinant ens in se, hæc omnia prædicta discrimina posuit Scotus inter modos & differentias, ex quibus collegerunt Scotistæ modum non variare seu non distinguere aut constituere novam quandam naturam, sed tantum priorem explicare: quæ certè non fuissent ad propositum dicta, si modi illi supra genus, de quibus præsertim erat intentum, verè contraherent aliquod determinatum superius, & novam quandam naturam constituerent. De hac difficultate sit hæc

Tertia Conclusio.

Definitio illa modi, quod sit qui additur rei, non variat rationem eius formalem, potest etiam intelligi de modis entis, videlicet

Quo-
modo
intelli-
garur
infini-
tum &
finitum
non va-
riare ra-
tionem
forma-
lem eius
quod
consti-
tuunt.

videlicet de infinito & finito. Ultra autoritatem Scoti, videtur ita posse suaderi. Infinitum & finitum non variant rationes transcendentium, sicut nec prædicamentaliū. Ergo addita huic transcendentī, Ens, non variabunt rationem eius formalem; nec cum ipso nouam quandam naturam constituent, sed tantum priorem magis explicabunt. Antecedens probatur. Bonitas infinita & bonitas finita, inquit Scotus, non sunt diuersæ rationis: quia infinitas addita bonitati, non variat rationem eius formalem, sed tantum illam intra eandem speciem in infinitum perficit entitatiuē: sed bonitas est prædicatum transcendens. Ergo infinitum & finitum non variant rationes transcendentium.

Dices. Ergo quemadmodum bonitas infinita & bonitas finita sunt eiusdem planè rationis. Ita Ens infinitum & Ens finitum erunt eiusdem etiam rationis. Ergo Deus & creatura erunt eiusdem omnino rationis. Respondendo concessa primâ consequentiâ, negando secundam. Quia Deus non est tantum Ens infinitum; sed etiam bonitas infinita, & sapientia infinita, & omnis planè perfectio infinita. Vnde si per impossibile, dari posset aliquid infinitum in illa sola ratione Entis, quod non esset infinitum in omni ratione Entis, vel proprietatis Entis; illud certè non esset alterius rationis ab ente finito, quemadmodum infinitum in sola ratione bonitatis non est alterius rationis à bonitate finita. Sed

quia infinitum illud in ratione præcisa Entis, habet etiam per quandam illationem necessariam quod sit infinitum in omni determinata ratione Entis dicentis saltem perfectionem simpliciter: idè sit ut illud sit Deus, & per consequens alterius rationis ab Ente finito. Vno verbo sola infinitas Entis non variat rationem formalem Entis, nec nouam naturam constituit, sed infinitas simpliciter. Quæ certè distinctio necessaria mihi videtur pro conciliandis quibusdam locis Doctoris Subtilis: Dicit enim aliquando infinitatem esse tantum modum intrinsecum, & non prædicatum essentiale: quodque esse prædicatum quidditatum: Quæ ex dictis nullam habent contradictionem: Nam infinitas alicuius vnius determinati prædicati, vel perfectionis determinatæ non est prædicatum quidditatum: sed modus illius prædicati, vel perfectionis determinatæ: & hæc dici potest infinitas intensiua. Infinitas autem simpliciter est infinitas omnium planè perfectionum simul, vel omnes perfectiones diuinæ simul habentes infinitatem simpliciter; quæ infinitas dici potest extensiua, estque prædicatum quidditatum & essentiale diunitatis.

Obijcies: Si hoc verum sit, sequetur infinitum non esse modum determinantem Ens ad Deum; quia modus ille potest intelligi in Ente, absque eo quodd Deus intelligatur. Hoc autem repugnat dictis. Respondeo negando sequelam maioris; quia licet possit concipi Ens infini-

Infini-
tum du-
plex.

tum formaliter, absque eo quodd Deus actu concipiatur ; tamen realiter & consequenti necessitate, debet concipi Deus, ex conceptione Entis infiniti, quia Ens infinitum, licet per locum extrinsecum, necessarid Deus est.

Quarta Conclusio.

NON videtur mihi prædicta definitio competere possè modis determinantibus Ens completum creatum ad decem Categorias. Probatur : quia modi illi scilicet & immediatè constituunt diuersas naturas, & non perficiunt Ens intra propriam suam rationem formalem, sed illud ita modificant & determinant, vt simul cum ipso decem varias classes Entium essentialiter distinctorum constituent. Ergo definitio illa modi non potest eis modis competere.

Dices Anthonium Andream ex Doctore Subtili, eodem modo philosophari de eis modis, atque de finito & infinito respectu Entis, vt diximus vltimà conclusionem præcedentis questionis. Ergo sicut prædicta definitio competit finito & infinito ; competit quoque his modis. Respondeo eodem modo esse philosophatum in eo quodd quemadmodum finitum & infinitum sunt modi intrinseci Entis in se ; ita per se, & in alio v. g. sunt modi intrinseci Entis creati completi : Cum hoc tamen discrimine, quodd finitum & infinitum sunt modi intrinseci talis conditionis, vt non constituent aut distinguant nouam quandam naturam, sed prio-

rem tantum, cuius sunt modi, magis explicant, & in certo gradu constituent, & perficiant magis aut minus intra eandem rationem formalem : quia hi modi se habent vt intensio vel extensio, quæ modificant res quarum sunt modi, absque variatione formali illarum : per se autem & in alio, & consequenter alij modi determinantes Ens creatum completum ad decem prædicamenta, sunt alterius rationis, & magis ad differentias accedunt, ne dicam esse omninò differentias ; quia illud confusum quod explicant, non est tantum confusum confusione graduum intrinsecorum, vt est illud quod finitum & infinitum, vt sic, uata sunt explicare (dico vt sic, quia alià ratione Ens in se est etiam confusum confusione partium subiectuarum, quatenus scilicet per veras rationes constituentes Deum & creaturas, determinari potest ad Deum & creaturas.) Sed est confusum confusione partium subiectuarum, & graduum quidditativorum : Ens enim creatum & completum in ordine ad decem Categorias, est confusum confusione graduum quidditativorum.

Dices : Illud quod sic est confusum confusione partium subiectuarum, & graduum quidditativorum, solet determinari per veras differentias. Ergo modi determinantes Ens creatum & completum, erunt veræ differentia. Respondeo quodd supposità vniucatione Entis, supposito etiam quodd conceptus eius sit vnus, & ex natura rei præcisus

Definitio
modi
dicitur
ta à quibusdam
Scoti
discipulis,
non
conuenit
modis
determinantibus
Entis
completum
ad
decem
categorias.

à conceptibus inferiorum, & quod modi isti non perficiant ens intra eandem rationem formalem eius, sed ei quasi adueniant, & ex eorum aduentu coalescant ita diuersæ naturæ; facile non est assignare verum aliquod discrimen inter hos eodem modos, & differentias. Vnde etiam quidam existimant esse veras differentias, & ens creatum completum esse genus, & illud vnicam constituere Categoriā. Quia tamen hoc nimis recedit à doctrina Peripatetica; melius est dicamus non esse differentias, tum propter auctoritatem antiquorum Philosophorum, à quibus non licet facile recedere; tum propter rationes aliquot: primò quia differentia omnis distinguitur formaliter simpliciter à suo genere: Modi autem illi per se, & in alio, non distinguuntur formaliter simpliciter ab ente. Secundò, quia omnis differentia est semper alia realitas à realitate sui generis: Modi autem isti, nec sunt realitas, nec formalitas propriè distincta à realitate rei, cuius sunt modi. Nullus enim potest concipere per se & in alio, tantumquam formale aliquod obiectum quod per se sit capax terminare cognitionem intuitiuam. Tertio, quia illud quod natum est contrahi per veras differentias, debet esse longè minus confusum quàm sit ens contrahibile per hos modos: quod licet sit vnum vt diximus; tamen est aded confusum, vt modi illi censi debeat potius rationes explicatiuæ istius confusi, quàm contrariuæ istius vnius.

Vel si tota ista doctrina, his

duabus posterioribus conclusio- nibus, tradita, non placeat; dicamus esse duplicem modum intrinsecum, scilicet conceptus confusi, & naturæ cuiusdam determinatæ. Modus intrinsecus naturæ & realitatis determinatæ, non variat ipsam naturam, cuius est modus, quia supponitur illa natura iam constituta determinatè, per suos gradus essentialia, & specificos. Modus verò conceptus confusi variat rationem illius conceptus, cuius est modus intrinsecus. Quod sic intelligendum est, quia modus ille transfert rem cuius est modus, à ratione conceptus, ad rationem naturæ: quod quidem contingit & propter confusionem conceptus, & constitutionem naturæ: vel, vt melius loquar, propter explicationem naturæ. Ita enim res se habet in huiusmodi modis intrinsecis, conceptuum confusorum, vt dum determinant & explicant huiusmodi conceptus, statim coalescant naturæ, quæ quasi fuerant inuolutæ in huiusmodi conceptibus intellectis & acceptis sine suis modis.

Non est facile decernere quid in his rebus tenendum sit.

QVÆSTIO DVODECIMA.

Quid sit Entitas?



ENTITATIS nomen frequenter est in vsu apud Doctorem Subtilem, & à quibusdam dicitur abstractum entis; ab alijs verò modus essentiae rerum, secundum quem dicuntur diuisibiles, quando con-

tingit eas esse diuisibiles. Sed quicquid sit, explicatis entis nomine & ratione, nunc videtur esse entitatis aperienda ratio.

Abstrac-
tum
multi-
plex.

Prænotandum itaque primò abstractum esse multiplex; sed præsertim, quo ad præsens institutum attinet, esse duplex, scilicet abstractum ab inferioribus, & abstractum à concretis. Abstractum ab inferioribus illud est, quod ex se & natura sua, dicit rationem aliquam præcisam à rationibus inferiorum; quo modo, homo, animal, substantia, Ens, dicuntur abstracta. Abstracta à concretis sunt ipsæmet rationes concretorum in se spectatæ, & consideratæ; ut sunt humanitas, animalitas, entitas &c. Priora dicuntur abstracta non vltimata; posteriora dicuntur abstracta vltimata: illa abstracta conceptuum & rationum; hæc abstracta vocum: illa contingunt ex natura rei; hæc fiunt per intellectum. Nam abstractio hæc vltima entitatis ab ente (& idem dico de qualibet vltimata abstractione, ut humanitatis ab homine, & equinitatis ab equo) nullo modo supponit distinctionem in re ex natura rei; sed tantum ex modo nostro concipiendi, ut docet Ductor in 1. dist. 2. q. 7.

Quid
sit en-
titas ex
vfu Phi-
loso-
phorū.

Prænotandum 2. nomen entitatis, ex vfu Philosophorum, non sumi ut significet ipsam solam & nudam entis rationem in abstracto; sed vel vniuscuiusque rei rationem & naturam, vel modum illum rerum, secundum quem dicuntur diuisibiles, quando contingit eas esse diuisibiles, ut dicemus inferiùs. Dicitur enim

natura substantiæ v.g. entitas substantiæ, & natura accidentis entitatis accidentis. Et hoc modo entitas non significat tantum gradum entis in abstracto, qui est in substantia, tanquam prædicatum eius quidditativum omnium primum & communissimum; sed significat totam ipsam rationem vel naturam substantiæ aut accidentis.

Prænotandum 3. rem vnam & eandem, secundum varios gradus spectatam, esse indiuisibilem simul & diuisibilem; indiuisibilem quidem, secundum gradus essentielles & específicos; diuisibilem verò, secundum gradus quos vocant entitativos, v.g. albedo secundum suos gradus específicos, est indiuisibilis, quia constat ex gradibus generico & differentiali, qui non suscipiunt magis & minus. At verò secundum gradus intensionis & remissionis, qui dicuntur gradus entitativi, est diuisibilis; quia vna albedo constat pluribus vel paucioribus gradibus intensionis aut remissionis, quàm alia. Et hæc quidem distinctio graduum in gradus essentielles seu específicos, & in gradus individuales & entitativos, est satis vulgaris apud Philosophos. Gradus essentielles seu specifici dicuntur illi qui constituunt vnamquamque rem in certa ac determinata specie entis, quales sunt gradus generici & differentiales. Gradus entitativi verò ij sunt qui constituunt vnāquamque rem intra eandem speciem, modò magis, modò minus perfectam: vnde definiuntur ab Antonio Andrea 8. Metaphysic. q. 6. & super sex principijs, q. 17.

Res vna
& eadem se-
cundum
varios
gradus,
est indi-
uisibilis &
diuisi-
bilis.

Quid
sint
gradus
specifici
& gra-
dus en-
titativi.

Defini-
tur gra-
dus en-
titatiuus
ex An-
thonio
An-
dræa.

Portio perfectiōnalis forma specifica,
extra eius conceptum quidditatum,
ipsam formam specificam intra
suum conceptum essentialiter inclu-
dens, inclusa realiter intra concep-
tum individui. Cuius quidem
descriptionis partes omnes sunt
satis euidentes intuenti. Ratio-
ne priorum graduum res dicun-
tur habere essentiam: Ratione
posterorum dicuntur habere en-
titatem. Et quia essentia rerum
constant certis & determinatis
gradibus; idē res secundum gra-
dus illos específicos, sunt indiui-
sibiles. Quia verò gradus entita-
tiui sunt illimitati & indeter-
minati; idē res secundum illos
gradus, dicuntur esse diuisibiles:
& ita entitas est veluti entis quan-
titas, non quidem molis, sed vir-
tutis, perfectiōnis, & vigoris. His
positis, sit

Prima Conclusio.

Prima
acce-
ptio En-
titatis.

Entitatis nomen, apud Do-
ctorem Subtilem, frequen-
tius vsurpatur pro cuiusque rei
maximè præcisa ratione in ab-
stracto. Declaratur. Cū enim
disceptatur de re quapiam, siue
sit diuisibilis, siue non; vt est An-
gelus v.g. & secundum se præcisè
sumitur; solet à nobis exprimi
nomine entitatis, dicendo hoc
vel illud esse ipsissimam entita-
tem huius vel alterius rei: & in
hoc sensu parū discrepat en-
titas ab essentia cuiusque rei.
Sicut enim dicimus essentiam
hominis consistere in animali
rationali: Ita dicimus animal &
rationale esse ipsammet entita-
tem hominis.

Secunda Conclusio.

Requerent etiam vsurpatur
entitatis nomen, vt significet
illum modum essentia, secun-
dum quem dicitur diuisibilis, si
contingat eam esse diuisibilem.
Probatur. Nam communis Phi-
losophorum vsus obtinuit, vt
quoties res aliqua patitur inæ-
qualitatem & diuisibilitatem ali-
quam intra eandem indiuisibi-
lem naturam, tunc dicatur diui-
sibilis entitatiuè, seu secundum
entitatem. Ergo entitatis nomen
vsurpatur etiam vt significet mo-
dum essentia, secundum quem
est diuisibilis, si contingat eam
esse diuisibilem. Dico si contin-
gat eam esse diuisibilem: Nam
determinabimus sequenti quæ-
stione an entia aliqua sint diui-
sibilia secundum gradus entita-
tios, & quanam illa sint.

Secun-
da acce-
ptio En-
titatis.

Dices ex dictis sequi dari
rationem aliquam priorem &
communiorem Ente, nempe ra-
tionem entitatis. Respondeo ne-
gando hanc sequelam; quia ra-
tio Entis & entitatis est eadem,
varijs tantum modis significandi
expressa.

Occasione huius argumenti
dubitabis an de facto nulla de-
tur ratio prior & communior
Ente? Cui breuiter respondeo
negatiuè: Si enim sint aliqua
rationes quæ videantur commu-
niores ratione Entis; vel illæ
sunt secundæ intentiones, vt sunt
rationes vniuersalis, transcen-
dētis, & similes; vel sunt pro-
prietates Entis, quæ de facto non
magis latè patent quàm Ens ip-
sum, vt sunt esse idem, & distin-
ctum, & similes.

QVÆSTIO XIII.

Quibus entibus competat entitas diuisibilis secundum magis & minus?



DIFFICULTAS potissimè interta in hac quæstione est de substantia; an nimirum saluâ authoritate Aristotelis, ea dici possit suscipere magis & minus. Quamquam autem non sit propriè huius loci hanc rem discutere: tamen ad vberiorè præcedentis quæstionis intelligentiam, & propter rei hîc à nobis proponendæ iucunditatem, libet eam impræsentiarum non prætermittere. Difficultas autem oritur præsertim ex verbis Aristotelis in Categorijs cap. 5. quod est de substantia, vbi habet: *videtur autem substantia non recipere intensiorem & remissionem*, non dico substantiam substantiâ non esse magis & minus substantiam: Iam enim dictum fuit hoc esse. sed dico substantiam quamque non dici magis vel minus id ipsum quod est. veluti si hæc substantia est homo, non erit se ipso, aut alius alio magis & minus homo. Non est enim alius alio magis homo: ut album est aliud alio magis & minus album, & honestum est aliud alio magis & minus honestum. Quinimo, idem se ipso dicitur magis & minus tale: ut corpus, cum sit album, magis album dicitur nunc, quam prius, & cum sit calidum, magis & minus cali-

dum dicitur. Substantia verò nec magis substantia dicitur, nec minus. Nam nec homo magis in præsentia dicitur homo, quam prius: nec aliud quicquam eorum quæ sunt substantiæ: quæ substantia non potest recipere intensiorem & remissionem. Ex his enim verbis habetur expressè substantiam non suscipere magis & minus.

Nec est quoddam dicatur Philosophum esse intelligendum de susceptione magis & minus secundum gradus específicos: quia in hoc substantia non differt à qualitate, quippe quæ etiam secundum gradus quidditatiuos & específicos, non est susceptiua magis & minus.

Ex alio verò capite habet idem Aristoteles 8. Metaphysic. cap. 3. quoddam si substantia suscipit magis & minus, ea est quæ secundum materiam est. Quibus verbis intendit, ut ait Scotus in suis Commentariis ad hunc locum, quoddam licet natura specifica substantialis, ut specifica, non suscipiat magis & minus; tamen ut est cum materia, id est, ut est contracta ad esse individuale & materiale, potest suscipere magis & minus. Idem sentit Alexander Alenf. ibidem. Pro huius difficultatis solutione, & totius quæstionis resolutione,

Prænotandum 1. formas aliquas, nimirum saltem accidentarias, suscipere magis & minus, id est, habere modò plures, modò pauciores gradus suæ entitatis, eadem manente naturâ & specie rei. Quod quomodo fiat, non satis constat apud Philosophos. Dicunt enim aliqui id sic-

Forme quædam suscipiunt magis & minus.

ri per approximationem vel remotionem à contrario formæ quæ intenditur vel remittitur. Alij per maiorem vel minorem dispositionem subiecti. Alij propter maiorem vel minorem radicationem formæ in materia. Alij denique per additionem gradus ad gradum, secluso omni respectu ad subiectum. Et hanc quidem postremam sententiam tenet Doctor Subtilis in 1. dist. 17. quæst. 3. & 8. Metaph. qu. 3. & Antonius Andreas super sex principia, quæstione ultimâ, & 8. Metaphysic. qu. 6. Tenetur etiam communiter ab omnibus. Et quia non est huius loci hanc rem diligentius examinare; sufficiat si dicamus cum Scoto, tunc rem aliquam suscipere magis & minus, quando habet maiorem vel minorem quantitatem perfectionis naturalis, & virtutis seu vigoris; Ita quod si intra eandem speciem, detur aliquod individuum habens maiorem bonitatem naturalem, quàm aliud; dicatur suscipere magis, & aliud minus in ipsa præcisa entitate: si autem habeat maiorem virtutem seu vigorem in operando quàm aliud; dicatur suscipere magis, & aliud minus in ipsa virtute seu potentia entitatis. Et quidem hæc susceptio magis & minus semper sequitur primam; & utraque saltem reperitur in substantiis. Datur enim adhuc alia alterius conditionis susceptio magis & minus intra eandem entitatem individualement, quâ modò minus, modò magis perfecta est; & hæc non reperitur in substantiis, ut mox dicemus.

Prænotandum 2. formas accidentarias capaces intensiōnis & remissionis, duobus modis spectari posse, scilicet vel in abstracto & secundum se; vel in concreto & ut in subiecto. Priori modo propriè non recipiunt magis & minus, sed potius maius & minus; quia magis & minus denotant subiectum receptivum esse tale vel tale secundum gradus formæ receptæ: Maius autem & minus denotant quantitatem perfectionis & virtutis seu vigoris formæ, secundum quam potest magis vel minus qualificare subiectum receptivum. Sic v. g. vna albedo non est magis vel minus albedo quàm alia, sed subiectum est magis vel minus album: Vna tamen albedo est maior seu perfectior & intensior quàm alia, cum videlicet habet plures gradus quàm alia: nihilominus ista quantitas seu latitudo graduum in qualitate explicari solet communiter per ista adverbia *magis*, & *minus*; ita quod idem sit iuxta vulgarem locutionem, albedinem suscipere magis & minus; ac albedinem habere plures vel pauciores gradus. Eodem modo, servatâ proportionem, Natura substantialis spectari potest duobus modis; scilicet vel in se, vel ut in supposito. Priori modo non suscipit magis & minus, sed maius & minus ut statim probabimus. Secundo modo suscipit magis & minus: & ita temet non dicatur vnus homo magis homo quàm alius; tamen, si daretur aliquod adiectivum, expressivum huius vel alterius ta-

Receptivus aptus ut suscipiat magis & minus, quàm forme: propriè suscipiunt maius & minus.

latis suppositi, iuxta gradus formæ substantialis; certè denominari posset, per illud aduerbium, suppositum magis vel minus tale, putà magis vel minus virile aut humanum.

Suscipere magis & minus cōtingit dupliciter, scilicet individualiter, & successiue per motum.

Prænotandum 3. ex Doctore Subtili. 8. Metaphysic. q. 3. duplicem esse modum suscipiendi magis & minus, videlicet indiuisibiliter & totum simul, ac diuisibiliter & successiue per motum. Quæ priori modo suscipiunt magis & minus, dicuntur habere gradus respectu aliorum eiusdem speciei, non tamen respectu sui, quasi nimirum in illa sua individuali entitate, modò plures, modò pauciores gradus habere possint. Quæ verò suscipiunt magis & minus posteriori modo, etiam respectu sui, dicuntur habere gradus: Ita quòd eadè entitas individualis nūc plures, nūc pauciores gradus habeat.

Hic sē- tit Alexander cum Auerroëse fortamento. rū suscipere magis & minus successiue & per motum.

Prænotat 4. noster Alexander 8. Metaphysic. text. 10. formarum quasdam propter sui determinationem consistere in esse determinatissimo, & prædicamentali: & tales formæ, inquit, non possunt fundare magis & minus infra vnam speciem, quia ex quo sunt in esse prædicamentali determinato, à quocumque attinguntur, eodem modo attinguntur, & sub eodem gradu; & per consequens non attinguntur secundum magis & minus. Et de talibus formis, verum est quòd in eis non est prius & posterius infra speciem, quia prius & posterius infra speciem, supponunt gradum & gradum infra speciem; quod est impossibile in forma prædicamentali. Aliæ sunt

formæ, inquit, quæ consistunt in esse determinato, propter sui appropinquationem ad materiam; ita quòd possunt secundum magis & minus participari à materia, quales sunt formæ elementorum: & de talibus non videtur impossibile quòd suscipiant magis & minus: Magis enim & minus videntur fundari super formam indeterminatam, hoc est, super formam quæ potest terminari per vim agentis, secundum diuersos gradus in ipsis indiuiduis: tales igitur formæ propter sui indeterminationem, suscipiunt magis & minus.

His positis, videamus quid certum sit, & quid controuertitur in hac materia. Certum est imprimis non modò substantiam, sed nec vllum accidens suscipere magis & minus secundum gradus específicos. Certum est secundò qualitatem suscipere magis & minus secundum gradus entitativos & indiuiduales.

Controuertitur autem de substantia; an etiam ipsa secundum eodè gradus, suscipiat magis & minus? Negant multi. Affirmat Auerroës 3. de Cælo Comento 67. & 4. de Cælo Comento 4. Henricus apud Doctorem Subtilem 8. Metaphysic. q. 3. Scotus ibidem, Antonius Andr. etiam ibidem. q. 6. sed in hac affirmatiua, vltèrius controuertitur; an sicut qualitas, sic substantia in eadem individuali entitate paulatim, & per motum intendatur & remittatur? Sustinent Auerroës, Alexander Alenf. & Antonius Andreas quòd sic: Scotus & Henricus quòd non. Veritatem sequentibus conclusionibus aperiemus.

Prima

Prima Conclusio.

Substā-
tia non
suscipit
magis
& mi-
nus se-
cūdū
gradus
specifi-
cos &
essen-
tiales.

NVlla substantia suscipit ma-
gis & minus secundū gra-
dus específicos & quidditatuos.
Conclusio est communis apud
Philosophos, & habetur expre-
sē apud Aristotelem 8. Meta-
physic. cap. 3. vbi comparat re-
rum quidditates numeris, in eo
quod primō quemadmodum num-
erus est diuisibilis in non diui-
sibilia, quia est resolubilis in vni-
tates, quæ amplius diuidi non
possunt; ita rerum quidditates
& definitiones sunt resolubiles
ad aliqua indiuisibilia, quia in
definitionibus datur status, nec
procedit in infinitum. Secū-
dō in eo quod, quemadmodum
ex additione vel ablatione facta
in numeris, variatur species
numeri; ita addito vel substra-
cto aliquo à definitione, semper
variatur definitio & quidditas
definibilis. Tertiō in eo quod,
quemadmodum numerus non
suscipit magis nec minus; ita
rerum quidditates & essentia
non suscipiunt magis & minus.
Hanc veritatem multis confir-
mat Doctor Subtilis in 1. dist.
17. qu. 3. vbi referens multas au-
thoritates quæ pugnare viden-
tur aduersus susceptionem ma-
gis & minus in gradibus entita-
tiuus, vt sunt v. g. præter alla-
tas, illa Porphyrij in vocibus
cap. de Differentia: quā dicit dif-
ferentiam formalem non susci-
pere magis & minus. Et alia au-
thoris sex principiorum, quā di-
citur formam in simplici & in-
uariabili consistere essentia: illas
omnes explicat dicendo, non es-

se intelligendas de gradibus en-
titatiuis; sed de gradibus essen-
tialibus & specificis; de quibus
certē sunt intelligenda etiam re-
liqua, quæ solent afferri aduersus
sequentem conclusionem.

Secunda Conclusio.

SUBstantia suscipit magis &
minus, secundū gradus en-
titatiuos & indiuiduales. Hæc
conclusio probari non potest ra-
tionibus valdē demonstratiuis &
cogentibus, vt ingenuē fateatur
Scotus loco superius citato: est
tamen Aristotelis 8. Metaphysic.
cap. 3. vbi dicit: *Quemadmodum
nec numerus habet magis & minus;
ita neque substantia quæ secundū
speciem est; sed si est quidem, ea est
quæ secundū materiam est.* Qui-
bus verbis intelligit substantiam
vt in materia, & vt in indiui-
duis, suscipere magis & minus.
Ita sentiunt præter Scotum, An-
tonius Andreas 8. Metaphysic.
qu. 6. & Alexander Alenf. in
suis Commentarijs ad locum ci-
tatum Aristotelis. Item Faber
Fauentinus Theoremate 65. Phi-
losophiæ naturalis, ac etiam Le-
uinus Lemnius lib. 1. de occul-
tis naturæ miraculis cap. 13. Fa-
uet quidam Articulus Parisien-
sis, quo erroris arguitur si quis
dixerit animam Christi, etiam in
substantialibus, non esse perfe-
ctiorem animā Iudæ. Si enim
hoc verum sit de anima intelle-
ctiua; verum erit absolutē loquē-
do substantiam suscipere magis
& minus. Eadem sententia tribus
solet D. Thomæ 1. parte, quæst.
85. art. 7. vbi ait. *Quod quantū
corpus est perfectius dispositum, tam-*

Substā-
tia sus-
cipit
magis
& mi-
nus se-
cūdū
gradus
entita-
tiuus
& indi-
uidua-
les, sed
indiui-
sibili-
ter, &
non per
mētū.

Parūm
mode-
stē se
gerit
hic ro-
letus.

Suade-
tur ani-
marum
inæqua-
litas.

to meliorem sortitur animam. Et certe quamquam non ignorem ob morbi seuitiam, ob capiti inflicto vulnus, ob casum denique & concussionem, affecto cerebro, mentem obstupefcere; ac è conuerso ex optima dispositione organorum, animam perfectius operari; non videtur tamen tanta inæqualitas animarum & operationum earum purè & simpliciter repetenda ex organis corporis hoc vel illo modo affectis; cum præsertim corpus sit propter animam, non verò anima propter corpus.

Adde quod id vel èo maxime suaderi potest, quia vtraque Schola etiam istam inæqualitatem videtur supponere in animabus separatis. Cum enim disputatur an inæqualitas visionis beatificæ sit petenda ex sola inæqualitate luminis gloriæ, vel etiam ex inæqualitate naturalis perfectionis intellectus: siue dicatur petenda ex utroque capite, ut sentit Schola Doctoris Subtilis: siue ex altero duntaxat ut sentit Schola D. Thomæ: semper supponitur reperiri quandam inæqualitatem naturalis perfectionis, & vigoris in ipsis intellectibus animarum separatarum.

Nec est quodd dicatur ex hoc concludi non debere substantiam animæ suscipere magis & minus, cum intellectus non sit substantia, sed qualitas: Nam primò nostra Schola sustinet esse substantiam; Secundò, dato quodd esset qualitas, inæqualitas perfectionis illius qualitatis arguit inæqualitatem substantiæ, cuius est qualitas.

Præterea, ista tanta & tam insignis inæqualitas perfectionis & vigoris naturalis quæ conspicitur in varijs hominum animis, tota refundi non debet in corporis organa, sed etiam in ipsasmet facultates animæ, atque consequenter in ipsam animam. Quis enim crederet Aristotelis, v. g. Diui Augustini, & Doctoris Subtilis, quibus multi cum Pico Mirandulano existimant nullos esse comparandos, animas non excelluisse supra animas non modò rusticorum, sed etiam innumerorum aliorum, qui datâ etiam quâvis operâ, semper obtusi permanserunt? Certè illud acumen ingenij, illa soliditas iudicij, ille magnus vigor animi quæ reperiuntur in quibusdam, præ alijs, satis indicant non esse æquales omnium hominum animas: præsertim cum aliqui hominum nihil differre videantur à brutis: alij verò nihil differre videantur ab Angelis. Nec est quodd occurratur dicendo hoc esse repetendum vel ex organis corporis, vel ex ipsis animæ facultatibus: Etenim semper hæc duo attentè consideranda sunt; nimirum & corpora esse propter animas; & ex perfectione facultatum colligi perfectionem animarum.

Præterea ita suaderi adhuc potest conclusio. Datur maxima inæqualitas Angelorum, & fortè etiam non specifica; ita quodd intra vnam & eandem speciem reperitur ista inæqualitas. Ergo idem iudicium fieri potest de hominum animabus.

Addo & id videri pertinere ad diuinam prouidentiam, & sa-

pientiam, ut nimirum ista varietas animorum & commendet divinam sapientiam, & melius perficiat varios effectus, quos divina providentia disposuit. Alij enim ordinati sunt ut doceant, ut præsent, ut ducant, ut instruant; alij ut doceantur, regantur, & alia viliora opera exerceant: & ad hæc maxime confert ista varietas & inæqualitas perfectionis animarum.

Denique id confirmari potest à posteriori, nimirum ex varijs donis supernaturalibus, quibus variè illustrantur animæ: si enim ad decorem summæ beatitudinis conferat illa varietas perfectionis supernaturalis animarum: similiter ad decorem vniuersi confert inæqualitas perfectionis naturalis earundem. Adde quòd iuxta perfectionem naturæ, videtur Deus sua dona distribuere.

Præterea, in cæteris speciebus hæc inæqualitas evidentissimè apparet; contingit enim frequenter duas plantas v. g. eiusdem omnino speciei sub eodem solis aspectu, & in eodem solo existentes, esse inæqualis perfectionis, & vnam longè dulciores fructus producere quàm alteram. Quod certè euenit ob maiorem vigorem facultatis nutritiæ, atque consequenter formæ substantialis ipsius plantæ.

Contra istam veritatem autem nihil ferè obici potest, nisi auctoritas Aristotelis superius allata, ex Prædicamentis capite de substantia; sed illa soluta manet ex prænotatis, vbi diximus Aristotelem esse intelligendum de susceptione magis & minùs successiua, & per motum in eadem

entitate individuali, modò minùs, modò magis perfecta; non de susceptione magis & minùs indivisibili & tota simul: Illa enim nunquam contingit in eadem entitate substantiali individuali; quippe quæ non est modò minùs, modò magis perfecta: Hæc autè sic; seu potius in tota specie, & in omnibus indiuiduis totius speciei ad inuicem comparatis. Et hoc est quod habet Scotus 8. Metaphysic. q. 3. §. ad quæstionem, cum dicit: *Aliud de substantia notandum quòd magis & minùs aliter sunt in accidentibus, quàm in substantijs; quia in substantijs magis & minùs inducuntur mutatione indivisibili; in accidentibus, motu continuo.*

Potitò quod spectat ad modum loquendi, dico, quòd licet substantia sit susceptiua graduum, non debet tamen propriè dici suscipere magis & minùs: tùm quia illa denominatio est qualitatiua: tùm quia intelligitur de ijs formis quæ secundùm seipsas absolutè intendi & remitti possunt paulatim, & per motum: cuiusmodi non sunt naturæ vel formæ substantiales. Quare in substantia, licet gradus non sint specifici, sunt tamen in tota specie, quatenus secundùm hos existit in hoc, & secundùm alios existit in alio supposito. In qualitate autem gradus, seu latitudo graduum non est tantùm in tota specie, sed etiam in quolibet indiuiduo absolutè spectato, quod quidem in se, & ratione sui est susceptiuum magis & minùs.

Quid
circa
modum
loquendi.

Tertia Conclusio.

Nulla substantia suscipit magis & minus diuisibiliter & per motum.

Nulla substantia suscipit magis & minus successiue, diuisibiliter & per motum. Conclusio est Doctoris Subtilis locis citatis, estque communis etiam apud Philosophos, & sic breuiter probari potest.

Si aliqua substantia susciperet magis & minus diuisibiliter & per motum, maxime formæ substantiales elementorum, vt volunt Auerroës & alij superius citati, quæ cum consistant in esse determinato, propter sui appropinquationem ad materiam, videntur posse suscipere magis & minus, secundum quod magis & minus participari possunt à materia, vt philosophatur noster Alexander. Sed nec formæ substantiales elementorum hoc modo suscipiunt magis & minus: Ergo nulla substantia hoc modo, nimirum diuisibiliter & per motum, suscipit magis & minus. Minor probatur experientia. Experimur enim formis accidentales elementorum remitti ab agente contratio, & postmodum, recedente ipso contratio, redire ad pristinum statum intensum: non posset autem fieri huiusmodi reditus si etiam formæ substantiales simul cum accidentarijs paulatim remitterentur. Cum enim huiusmodi reditus sit à forma substantiali, non poterit fieri nisi secundum virtutem & actiuitatem eius: at forma substantialis remissa non potest producere qualitatem sibi connaturalem in summo. Ergo signum est huiusmodi formas substantiales

elementorum simul cum accidentarijs non fuisse remissas. Quædam argumenta proponuntur aduersus hanc conclusionem; sed vel supponunt falsum, nimirum elementa remanere formaliter in mixto; vel solui possunt ex probatione conclusionis. Adde quodd, ne actum agere videamur; super solutionibus eorum videri poterit Faber Faentinus Theoremate 65. Philosophiæ naturalis cap. 4.

QVÆSTIO XIII.

Quid sit Essentia?



SICUT ab eo quod est *Quid*
sapere, vocatur sapien- *lit El-*
tia: sic ab eo quod est *sentia.*
esse, vocatur Essentia,
inquit Augustissimus Augustinus
XII. de Ciuit. Dei. cap. n. Attamen vt id intelligatur, & magis innotescat id quod queritur,

Prænotandum i. quodd verbum istud, *esse*, ex vi sua infinitiui verbi, significat ipsum actum essendi, sicut currere actum ipsum currendi; & in hac significatione grammaticali, *esse* idem est re & ratione ac existere, atque consequenter hoc modo essentia erit idem ac existentia re & ratione, solumque grammaticaliter, & nominibus different, & hoc sensu est intelligendus Gabriel in 3. dist. 6. q. 2. art. 1. notabili 2. vbi habet, quodd *existere non differt ab esse, nam existere est esse actualiter, & hoc idem est esse, nam quod non est actualiter simpliciter non est. Est ergo idem esse, & actualiter esse, & per consequens idem esse & existere.*

Iuxta hanc eandem significacionem grammaticalem, esse, ens, & essentia non differunt secundum rem significatam, inquit idem Gabriel ibidem notabili 1. sed tantum secundum rationem significandi, quia vnum est verbum, aliud participium, & aliud abstractum vtriusque; & sic ens idem erit ac habens esse actu, seu existens, & essentia id quo aliquid est actu, sicut existentia id quo aliquid existit. Nihilominus quia in qualibet dictione non est spectanda sola vis, sed etiam usus eiusdem, ideo ex usu Philosophorum & veterum Theologorum præsertim nostrorum Richardi, Scoti, Ocham, de Bassolis, & Gabrielis, esse non sumitur communiter ad significandum ipsum actum essendi, sed ut est indifferens ad esse essentiae, esse existentiae, esse subsistentiae, & esse propositionale, ut loquuntur Gabriel & Bassolis in 3. dist. 6. & quidem esse essentiae, apud illos, significat gradum essendi; esse existentiae non gradum solum, sed & actum essendi; esse subsistentiae gradum existendi incommunicabiliter; & esse propositionale complexionem prædicati cum subiecto in aliqua propositione. Et secundum hanc distributionem, esse essentiae, ens, & essentia non differunt etiam nisi in modo concipiendi, inquit Scotus noster in 3. dist. 6. q. 1. Et quemadmodum esse essentiae hoc pacto significat tantum gradum essendi, & non actum; sic & ens & essentia, sed varijs rationibus grammaticibus, vnum scilicet in concreto, & aliud in abstracto. Et hinc orta est illa duplex si-

gnificatio huius vocis ens, quæ nimirum primò significat, ut participium, ipsum actum essendi quatenus formatur à verbo, esse, secundum vim suam spectato, & quæ secundò significat ut nomen, gradum essendi, quatenus formatur à verbo, esse, ex usu Philosophorum determinato, & applicato ad esse essentiae. Quam duplicem significacionem agnouit etiam Alexander noster 4. Metaphysic. text. 14. his verbis: *Primo modo accipiendo ens, illud vocatur ens quod habet essentiam; secundo modo accipiendo ens, illud vocatur ens quod habet essentiam actualem.*

Iam controuertitur quomodo differant esse essentiae & esse existentiae, seu essentia & existentia; sed hanc controuersiam dirimemus inferiùs. Solum hæc dicta sint ut intelligatur quàm benè dixerit D. Augustinus essentiam quocumque modo spectatam, ab esse fuisse vocatam.

Prænotandum 2. quemadmodum superiori quæstione prænotauimus de entitate, nomen essentiae quantumvis sit ortum ab esse vel ente, ex usu tamen Philosophorum non significare solam & nudam rationem essendi in abstracto, sed id omne quod in qualibet re est primum & radix cæterorum, & quod vnamquamque rem in suo esse specifico constituit. Cum enim dicitur essentia hominis v. g. nomine essentiae non debet intelligi sola ratio essendi hominis in abstracto; sed natura tota hominis constituta ex gradibus essendi, subsistendi, viuendi, sentiendi, ratiocinandi, & cæteris. Quod

Essentia non significat solum gradum entis in abstracto.

dico propter aliquos, qui existimant hominem v. g. quatenus constat essentia & existentia, esse ens. Essentia enim hominis non dicit simpliciter gradum entis, sed talis entis. *Author essentiarum omnium, alijs dedit esse amplius, alijs minus, atque ita naturas essentiarum gradibus ordinavit*, inquit D. Aug. 12. de Civitate Dei cap. 2.

Prænotandum 3. nomen essentia, quidditatis, naturæ, & rationis formalis idem penitus significare, & differre tantum penes varias habitudines, per quas semper unam & eandem rem explicant: Dicitur enim essentia, tanquam id quo aliquid est hæc vel illa species entis, & cui competit vel competere potest existentia: essentia enim proprie dicitur per ordinem ad existentiam. Quidditas autem est id quo res est aliquid & constituitur per prædicata vel principia, per quæ respondetur cum quaeritur quid illa sit: Dicitur autem natura id quod in re quavis primum est, & radix proprietatum illius rei, à nascendo, quia proprietates ab ea nascuntur: *Ipsa natura* inquit D. Aug. lib. 2. de moribus Manich. cap. 2. *nihil est aliud quam id quod intelligitur in suo genere aliquid esse. Itaque ut nos iam novo nomine, ab eo quod est esse, vocamus essentiam, quam plerumque etiam substantiam nominamus*: Ita veteres qui hac nomina non habebant, pro essentia naturam nominabant. Dicitur denique ratio formalis id quod formalius, principalius, & expressius in qualibet re concipitur. Tamen, ut præstius & ex-

pressius loquamur, non omnis ratio formalis est essentia vel natura: Cum enim essentia sit id quo primum res est, & quod in re primum concipitur, videtur in re ipsa debere esse aliqua alia, quæ insit tantum secundario, & secundario etiam in ipsa concipiantur; puta modos & proprietates, quæ quamvis etiam suas habeant essentias & naturas; ne tamen confundamus naturas rerum, cum rationibus proprietatum earum; melius erit rationem formalem alicuius determinati entis & naturæ appellare nomine essentia, & rationem rei quæ consequitur naturam, appellare nomine rationis formalis; quamvis hoc discrimen apud rectè philosophantes sit parvi momenti. His positis, sit

Prima Conclusio.

Cum essentia sit id omne, quod in unaquaque re primum est, non potest proprie defini à priori, sed vel describi, vel explicari aut per ordinem ad effectus, vel passionem rei, cuius est essentia, vel per ordinem ad nostrum modum concipiendi & loquendi. Ita philosophatur Suarez tom. 1. Metaphysic. disp. 2. sect. 4. numer. 5. Explicatur, simulque probatur conclusio.

Primo modo dicimus essentiam rei esse id quod est primum & radicale ac intimum principium omnium actionum, ac proprietatum quæ rei conveniunt; & hac ratione dicitur natura ex Aristotele 5. Metaph. text. 5. quasi

Essentia proprie defini non potest à priori.

fit id vnde aliquid nascitur.

Secundo modo dicimus essentia rei esse id quod per definitionem explicatur, vel quod primò concipitur in re: Primò, inquam, non ordine originis: Priùs enim concipimus ea quæ sunt extra essentiam rei; sed ordine nobilitatis & naturæ: nam illud est de essentia rei, quod concipimus primò illi conuenire, & per quod intelligimus ipsam rem primò constitui: & hoc modo essentia vocatur etiam quidditas in ordine ad locutiones nostras; quia est id per quod respondemus ad quæstionem; quid sit res? Ex his inferes ea sola prædicata ad essentiam cuiusque rei pertinere tanquam verè constitutiva & completiva eius, sine quibus res quæque in sua completa ratione concipi non potest.

Secunda Conclusio.

Quotuplex est Ens, totuplex est essentia: quia essentia dicitur ab esse. Ideoque cum Ens aliud sit potentia, aliud actu, aliud simplex, aliud compositum, aliud substantia, aliud accedens: Ita essentia, alia est actu, alia potestate, alia simplex, alia composita, alia substantialis, alia accidentaria. Essentia actu est, quo aliquid actu est in determinato genere rerum, vt essentia Angeli vel hominis actualiter existentis. Essentia potestate, vel possibilis, est natura possibilis cuiusdam totius possibilis, per quam ipsum potest constitui in certo & determinato genere rerum.

Dubitabis an essentia possibilis dici possit realis? Et ra-

tio dubitandi est, quia Scotus noster in primo, dist. 37. q. vnicâ, docet contra Henricum, res nullum habuisse esse reale essentia antequam crearentur, cum tamen sic essent possibiles, & consentiunt Suarez tom. 2. Metaphysic. disput. 31. sect. 2. & reliqui Philosophi & Theologi; vnde sequi videtur essentiam possibilem non debere dici realem. Ex alia parte verò docetur communiter ad rationem Entis realis, non requiri actualement existentiam; sed sufficere quoddam nullam inuoluat repugnantiam, & sit aptum esse, seu realiter existere; ex quo sequitur Ens possibile esse reale, ac per consequens essentiam possibilem esse realem. Huic dubitationi breuiter fit satis, dicendo essentiam possibilem esse realem realitate obiectiuâ, diminutâ, & secundum quid, non autem realitate subiectiuâ, & simpliciter. Et ad rationes dubitandi dicitur Scotum nostrum & reliquos Theologos non negare essentia possibilibus istam realitatem diminutam & obiectiuam; sed tantum realitatem simplicem, qualem illis videtur assignare Henricus. Volebat enim res per creationem non acquirere nouum quoddam esse essentia, sed tantum nouum esse existentia: Vnde quemadmodum essentia actu existens est realis realitate propria, & independente à realitate existentia: Ita si non est de nouo condita, oportet eam ab æterno fuisse realem propria realitate independente à realitate existentia. Hoc autem solum impugnat Scotus. Nomine itaque

Quomodo essentia possibilis dici possit realis.

Multi-plex est essentia.

essentia realis intelligunt Metaphysici essentiam quæ vel realitate possibili, vel realitate sumpti est realis, quatenus illam distinguant ab essentia ficta & rationis; cum tamen essentia possibilis, ut in se, nihil sit. Consentit Caietanus huic Doctrinæ de Ente & essentia, cap. 4. q. 6. ubi dicit Ens reale dupliciter accipi: vno modo ut distinguitur contra Ens fabricatum ab intellectu, quod propriè est Ens rationis; alio modo ut distinguitur contra non existens actu. Essentia ergo creaturæ secundum se, est Ens reale, priori modo, scilicet in potentia; non verò posteriori modo & in actu, quod est propriè esse Ens reale. Vno verbo, si essentia creaturæ præcise ac secundum se sumpta, & nondum facta, consideretur ut actu Ens, vel ei tribuatur actu esse; sic vel non est consideranda in se, sed in sua causa, nec habet aliud esse reale ab esse suæ causæ; vel si consideretur ac in se habens esse, sic verum est secundum eam considerationem non esse Ens reale, sed rationis seu cognitum, ut loquitur Scotus, quia non est in se, sed obiectivè tantum in intellectu.

Essentia simplex ea est, quæ nec est composita ex multis gradibus, quorum vnus sit actus & alius potentia; nec est vllâ ratione cum alio componibilis. Huius rationis est sola essentia diuina, in qua reperiuntur quidem distinctæ rationes formales, illæ tamen non efficiunt compositionem, ut docet Scotus varijs in locis in primo. Essentia composita est quæ constat mul-

tis gradibus componentibus, quorum vnus sit actus, & alius potentia; vel quæ constat vnico, qui est in potentia ad ulteriorem possibilem vel actualem, cum quo est componibilis; & hoc modo docet Doctor Subtilis in 1. dist. 8. q. 1. omnem essentiam creatam esse compositam, & confirmatur per D. August. 6. de Trinitate cap. 6. ubi dicit quod nulla creatura est in se simplex. Sic autem breuiter philosophatur Scotus super hac re. *Concedo igitur, inquit, quod aliqua creatura est simplex, hoc est, non composita ex rebus. Tamen nulla creatura est perfectè simplex, Quomodo quin aliquo modo sit composita vel componibilis, & quomodo omnis creatura sit composita.* *Composita declaro sic; quia habet entitatem cum priuatione alicuius gradus entitatis. Nulla enim creatura habet entitatem, secundum totam perfectionem, qua nata est competere entitati in ipsa, & ideo priuatur. Sicut talpa dicitur esse cæca, quia nata est habere visum secundum rationem animalis, non secundum rationem talpæ, secundum Philosophum lib. 5. Metaph. cap. de priuatione. Componitur igitur non ex re, & re positius, sed ex re positius & priuatione, id est ex entitate aliqua quam habet, & ex carentia alicuius gradus perfectionis entitatis, cuius ipsum non est capax; tamen ipsam Ens est capax. Sicut talpa, secundum se non est nata videre, sed secundum quod animal nata est videre. Nec tamen ista compositio ex positius & priuatione est in essentia rei. Quia priuatio non est de essentia alicuius positius.*

Ad istam etiam compositionem, sequitur

sequitur compositio actus, & potentia obiectiva. Quicquid enim est Ens, & caret aliqua perfectione Entis, est simpliciter possibile, & terminus potentia simpliciter, cuius terminus non potest esse Ens infinitum, quod est necesse esse.

Est etiam qualibet creatura componibilis. Quod patet de accidente, quod est componibile cum subiecto. In substantia etiam patet, tam de forma, quam de materia. De substantia etiam per se generabili & corruptibili patet quod est receptiva accidentis, nulla igitur substantia esset non receptiva, nisi propter perfectiorem sui. Sed perfectissima intelligentia est receptiva accidentis, quia capax est sua intellectus & volitionis, quæ non est substantia illius.

Quot
modis
rerum
essentia
componitur.

Omnis essentia verè composita, constituitur vel ex materia & forma, vt essentia Physica; vel ex genere & differentia, & hæc duobus modis, vel pro materiali, vel pro formali: ex genere & differentia pro materiali, vt Essentia Metaphysica; ex genere & differentia pro formali, vt essentia Logica. Quod enim docent multi compositionem Logicā esse simpliciter ex genere & differentia, & Metaphysicam fieri ex actu & potentia, non satis rem explicant: quia commune est omni planè compositioni tūc Physicæ, tūc Metaphysicæ, tūc Logicæ, vt fiat ex actu & potentia; quia dantur actus & potentia Physica, actus & potentia Metaphysica, actus & potentia Logica, quamvis etiam alio sensu potentia Logica soleat accipi pro non repugnantia.

Sunt aliz quædam compo-

sitiones Physicæ & Metaphysicæ, sed hic loquimur solum de compositione essentiarum, vel de essentijs compositis. Porro essentia substantiæ, & essentia accidentis patebunt ex dicendis de substantia & accidente.

Tertia Conclusio.

Potissima proprietas essentia est quod sit indivisibilis: suadet declarando duos modos quibus contingit eam esse indivisibile, primò quia æqualiter omnino participatur ab ijs quorū est essentia, sicut essentia animalis v. g. quæ æqualiter participatur ab homine & à bruto. Secundò, quia si essentia quippiam etiam vel minimum addatur aut minuat, statim mutatur & fit alia essentia; quā ratione dixit Philosophus 8. Metaphysic. cap. 3. substantias seu essentias esse aliquo modo numeros: *Quemadmodum enim, inquit eò loci, si quid eorum ex quibus numerus constat, sublatum à numero, aut additum fuerit, non idem numerus, sed diversus emergit, etiam si minimum fuerit illud: sic neque definitio, neque quidditas ulterius eadem erit, si ablatum ab ea quidpiam, aut additum ei fuerit.* Exemplum addit Scotus apud Anthonium Andream in Commentariis ad hunc locum, substantia animata sensibilis est quidditas siue definitio animalis. Si verò subtrahatur sensibile, statim constituitur quidditas siue definitio plantæ, ex quo patet quod quidditas seu essentia specifica rei indivisibili consistit.

Y

QVÆSTIO XV.

*An rerum essentia sint
æternæ.*



VÆSTIO procedit
potissimum de rerum
creatarum essentiis:
Nam essentiam diui-
nam esse secundum existentiam
& durationem æternam, pro-
bant Theologi, vbi de Dei æter-
nitate disputant. Quamuis au-
tem Doctoris Subtilis sententia
super hæc re sit communis, elara
& facilis; tamen aliqui, nescio
quo animo, eam adeo lacerant
& peruertunt, vt aliam omnino
doctrinam ad nutum fingentes,
& hæresim insimulantes, impin-
gant & attribuant Scoto ea quæ
nunquam in mentem eius vene-
runt. Ita Bannes in 1. p. Di-
ui Thomæ q. 14. art. 6. & quæ-
st. 15. art. 1. Vbi dicit sententiam
Scoti super quæstione propo-
sita esse chymæricam, & parum
fidei consentaneam, & videri
eandem cum illa quam refert
Vvaldenfis lib. 1. de antiquitate
fid. cap. 8. Ex Vvieleff. libro de
Ideis, vbi asserbat, inquit, Ideas
nihil aliud esse quam creaturas
secundum esse reale, quam habent
ab æterno. Ita etiam Ca-
ietanus 1. p. quæst. 34. art. 3. vbi
dicit productionem creaturarum
ab æterno, in esse cognito, esse
chymæricam, & periculosam, ergo
non esse admittendam; quia
ex ea, inquit, sequitur Deum
non posse esse, quin sint crea-
turæ in illo esse cognito, & di-
minuto, quod in Philosophia

ridiculum, in fide verò scanda-
lum videtur. Et ita, inquit no-
ster Rada, in 1. controuers. 29.
art. 3. in fine quæstioni secundi, in-
noeens Scotus ab his qui cum
ignorant, impugnatur & irride-
tur, cum ipsi potius risu digni
sint, qui ob crasum suum inge-
niū, & materiæ nimis immersum,
Scoticâ disciplinam à materialibus
cōceptibus maximè eleuatâ,
haudquaquam attingere possunt.
Et certè illi, velint nolint, co-
guntur conformiter suis princi-
piis de distinctione reali existen-
tiæ ab essentia, tenere senten-
tiam, quam imponunt Scoto, &
impugnant tanquam ipsius, sei-
licet essentias rerum secundum
esse reale essentiæ, æternas esse.
Nam hoc est eorum præcipuum
fundamentum, vt dicant essen-
tiam & existentiâ distingui reali-
ter: quemadmodum videre est apud
Raphaëlem Ripam de ente & es-
sentia cap. 5. quæst. 6. Dicunt enim:
Res secundum esse essentiæ sunt
æternæ: non sunt autem æternæ
secundum esse existentie. Ergo
essentia & existentia in rebus
creatis distinguuntur realiter. Sed
de hæc re disputabimus inferius
ex professo.

Alij longè perspicaciori men-
tis acumine præditi, mentem
Scoti melius capientes, ipsum
ab his calumnijs vendicant, vt
Franciscus Suarez tom. 2. Me-
taphysic. disp. 31. per totam sec-
tionem secundam, & Gabriel
Vasquez in 1. p. D. Thomæ. disp.
70. c. 2. circa medium, & disp.
104. cap. 3. Et quia non solum
Philosophis, verum etiam Theo-
logis scribo; Philosophicis quæ-
dam Theologica miscebo, vt ni-

Libera-
tur Sco-
tus à
calum-
niis.

hil ad hanc rem pertinens in-
tactum relinquatur.

Triplex esse creaturarum distin-
gui posse, scilicet virtuale, co-
gnitum, & reale. Esse virtuale
illud est quod habent in sua cau-
sa secundum quod produci pos-
sunt ab illa; quod ideo non tam
esse creaturarum, quàm esse ip-
sius causæ dici debet. Sic lapi-
dem in Deo contineri virtuali-
ter, seu lapidem habere esse vir-
tuale, nihil aliud est quàm esse
Dei ut potentis producere lapi-
dem; sicut esse caloris in sole,
nihil aliud est quàm esse solis ut
potentis producere calorem, &
esse rosæ in roseto, ipsummet
esse roseti ut potentis verno
tempore producere rosam. Esse
cognitum quod ab alijs obie-
ctiis dicitur, illud est secun-
dum quod ab intellectu diuino
cognoscuntur, cui naturale est
omnia producibilia cognoscere,
antequam producantur. Et de
hoc esse cognito scribit Scotus
noster in 1. dist. 3. q. 4. & dist. 45.
q. vnicâ, & dist. 36. q. vnicâ, &
in 2. dist. 1. q. 1. & in quodlibetis
q. 1. & q. 14. Et est illud esse quod
adde grauitur impugnant præ-
dicti Thomistæ, quia falsâ qua-
dam imaginatione delusi arbi-
trantur Scotum voluisse illud,
esse aliquo modo reale, vel sal-
tem, ut loquitur Bannes, medium
quoddam inter ens reale & ens
rationis: Cum tamen, ut dicit
Gabriel Vasquez, id ne quidem
per somnium Scotus cogitaue-
rit, ut etiam videbimus inferius.
Esse reale, quod alij vocant
actuale, illud est quod creaturæ
habent extra suas causas secun-

dum veram & propriam existen-
tiam, quale est illud quod nunc
habent Angeli, homines, cæli, &c.

Prænotandum 2. triplicem as-
signari posse potentiam, logicam,
obiectiuam, & subiectiuam. Po-
tentia logica nihil est aliud
apud Scotum, quàm non repu-
gnantia terminorum: & hoc sen-
su quidquid est etiam summè
necessarium, ut Deus, dicitur pos-
sibile. Potentia obiectiua est po-
tentia rei ad existendum, cuius
terminus est existentia actualis
extra causas; & hæc potentia
non est modus aliquis essendi
positiuus eius rei quæ in poten-
tia esse dicitur, ut quidam volunt
Scotum nostrum existimasse:
Nam ut optimè aduertit Suarez
tom. 2. Metaphysic. disput. 31.
sect. 3. num. 2. Scotus vocauit
ens in potentia obiectiua, ipsum
ens possibile, quia se habet ut
obiectum potentia productiua.
Possibilitas autem illa obiectiua
entis possibilis ex parte illius
solum dicit vel supponit non
repugnantiam ut fiat: ex parte
verò extrinsecæ causæ dicit vir-
tutem ad illud efficiendum. Et
quidem quatenus dicit non re-
pugnantiam ut fiat, dicitur pos-
sibilitas logica, quæ apud Sco-
tum, est non repugnantia: qua-
tenus autem respicit virtutem
causæ extrinsecæ à qua fieri po-
test, dicitur possibilitas obiecti-
ua. Et quia prius est non esse re-
pugnantiam in re, quàm obiecti
virtuti causæ ut fiat: ideo egre-
giè dixit Scotus noster in 1. dist.
36. q. vnicâ, in fine, Possibilita-
tem obiectiuam consequi possi-
bilitatem logicam, seu non re-
pugnantiam.

Hic
non ec-
pit me-
tem
Scoti
Gabriel
Vas-
quez.

Circa hominem breuiter aduerte
Gabrielem Vasquez virum aliàs
in citandis, referendis, & expli-
candis authorum placitis accu-
ratissimum 1.p.q.104. cap. 3. non
omni ex parte cepisse mentem
Doctores Subtilis, cum dicit ip-
sum voluisse possibilitatem en-
tis possibilis causari ab intel-
lectu diuino, & res non esse pos-
sibiles, vel impossibiles seipsis.
Nam loco nunc citato ita scri-
bit Scotus: *Quare homini non re-
pugnat esse Chymara repugnans?*
Ratio est, quia hoc est hoc, & illud
est illud, & hoc in quocumque in-
tellectu concipiente. Quia quidquid
repugnat alicui formaliter, ex se re-
pugnat ei; & quod non repugnat
formaliter, ex se non repugnat: Nec
est hoc fingendum quod homini non
repugnat, quia est ens in potentia;
& Chymara repugnat, quia non est
ens in potentia, imò magis è con-
uerso, quia homini non repugnat, ideo
possibile est potentia logica: & quia
Chymara repugnat, ideo est impos-
sibile impossibilitate opposita: &
istam possibilitatem consequitur pos-
sibilitas obiectiua, & hoc supposita
omnipotentia Dei, quæ respicit omne
possibile, dummodo sit aliud ab illa.
Tamen illa possibilitas Logica ab-
solutè ratione sui posset stare, licet
per impossibile nulla potentia eam
respiceret. Prima igitur omnino ra-
tio & non reducibilis ad aliam, qua-
re homini non repugnat esse, est quia
homo formaliter est homo, & hoc sine
inre realiter, siue in intellectu con-
ceptibiliter: Et prima ratio quare
Chymara repugnat esse est Chyma-
ra, in quantum Chymara.

Res
possi-
bilis seip-
sâ est
possi-
bilis.

Expli-
catur
locus
Scoti.

Id verò quod habet idem Scotus
in eodem 1. dist. 43. q. vnicâ.
S. aliter dico, nimirum ens possi-

bile habere quoddam sit primò pos-
sibile ab intellectu diuino pro-
ducente in primo instanti illud
in esse intelligibili, non debuit
mouere Gabrielem Vasquez;
quia non vult ed loci ens possi-
bile habere suam possibilitatem
præcisè & formaliter ab intel-
lectu diuino; sed hunc proces-
sum seruari debere, primò scili-
cet & in primo instanti (loqui-
tur autem de primo instanti
comparatè ad reliqua sequen-
tia, non absolute) ante quod
creatura nullum habet esse, nec
reale, nec possibile, nec intelli-
gibile, intellectum diuinum pro-
ducere illam in esse intelligibili
simul & intellecto; quia, vt fu-
sius dicemus inferiùs, creatura
non priùs habet esse intelli-
gibile, quàm intellectum respectu
Dei: in secundo verò instanti natu-
ræ habere seipsâ esse possibi-
le; quia, inquit, seipsâ formaliter
non repugnat sibi esse. In 3. deni-
que instanti esse obiectum di-
uinæ omnipotentia. Cum ergo
apertè dicat Scotus creaturam in
illo secundo instanti, habere seip-
sâ esse possibile, quia seipsâ for-
maliter non repugnat sibi esse;
non debuit ab hac sententia,
quam, capite sequenti, Vasquez
approbat, arcere Scotum nos-
trum: quod enim plures Patro-
nos illius sententiæ adhibuif-
set; ed probabiliorem illam re-
liquisset. Habet igitur, addit Ly-
chetus, lapis v. g. esse possibile
ex se formaliter, quia per ratio-
nem intrinsecam: Si enim qua-
ratur quo lapis potest verè ex-
istere: Respondetur quoddam est ra-
lis entitas cui non repugnat for-
maliter existere: Et sic quiddi-

Vnde
petatur
possi-
bilis re-
rum.

Possi-
bilis re-
rum pe-
tatur à
seipsis
intrin-
secè, &
ab in-
tellectu
diuino
extrin-
secè.

tas lapidis est ratio formalis, quare lapidi non repugnat formalis existentia, & per ipsam quidditatem potest à priori demonstrari aptitudo existendi; vt patet à Scoto in 2. dist. 1. q. 3. Reducendo tamen istud quasi ad primum principium extrinsecum, intellectus diuinus erit illud à quo est prima ratio possibilitatis in lapide, ita quodd loquendo de ratione extrinseca, suè originatiua, suè productiua dante esse tale vel tale, intellectus diuinus, siue actus intellectus diuini, est ille qui producit lapidem in tali esse possibili.

Potentia subiectiua quid?

Potentia subiectiua est potentia subiecti ad formam vel substantialem, vel accidentariam: quare terminus eius est hæc vel illa forma recipienda.

Prænotandum 3. quodd cum duplex aliud distinguatur esse rerum, nimirum essentie & existentie: dubitari an secundum utrumque, vel alterum; putà secundum esse essentie, vel neutrum, essentie sint aeternae? Qui ponunt mundum esse ab æterno; volunt consequenter res secundum utrumque esse, æternas esse. Conformiter principiis fidei aliter sentire tenemur. Referunt Suarez tom. 2. Metaphysic. disp. 31. sect. 2. num. 1. & Vasquez in 1. p. disp. 70. cap. 1. quendam errorem Vicleffi damnatum in Concilio Constantiensis, quo dicebat creaturas ab æterno habuisse aliquod esse reale distinctum ab esse Dei. Item quodd omnis creatura esset Deus: Imò & quodlibet esset Deus. Sed de hac sententia quam etiam ipsi

variè explicant, parum nobis curandum est. Scotus noster in 1. dist. 36. q. vnicà refert & impugnât opinionem Henrici, qui varijs locis asseruit essentias rerum ex se habere quoddam esse essentie, quod vocat esse reale; æternum, & improductum, conueniens creaturis independenter à Deo, quodque in eis supponitur, non solum ante efficientiam, sed etiam ante scientiam Dei, vt ratione illius possint esse obiecta scientie diuinæ, & fundare relationem ad Deum cognoscentem. Hæc sententia abhinc aliquot annis reuixit apud aliquos, alioquin doctos & subtiles, in Vniuersitate Parisiensi, qui existimantes realitatem essentie non peti ab existentia; sed essentiam esse realem seclusà existentia; consequenter docuerunt essentias esse reales ab æterno, licet tantum in tempore cœperint existere.

Prænotandum 4. nullam essentiam creabilem fuisse realem antequam creata sit; quia ante creationem nihil erat præter Deum: vnde quicquid erat præter ipsum, nihil erat, quod tam de vniuersalibus, quam de particularibus essentijs verum est; non quodd existentia sit id quo formaliter essentia est realis; sed quia realitas quæ est alius modus essentie non competit essentie antequam existat. Cuius rei ratio est, quia tunc res existit cum ponitur extra suas causas: Cum autem ponitur extra suas causas, ponitur etiam extra nihil, quia eà ratione competit ei existentia, quia ponitur extra suas causas; & eà ratione quia

Nihil creatū reale ab æterno.

Error Vicleffi de esse reali rerū ab æterno.

ponitur extra nihil, competit ei realitas; & quia etiam hæc duo simul ei competunt; idè non priùs essentia est realis, quàm existens. Nec est quoddam dicant essentiam in suo conceptu formaliter includere aliquam realitatem, & aliquid verum esse. Nam vel ratio essentiae est in re, vel in intellectu tantum; puta animal rationale in Petro, vel in intellectu diuino concipiente illud antequam sit in Petro. Primo modo ratio essentiae est realis quidem, sed illa realitas non competit ei antequam existat. Secundo modo non est realis sed tantum diminuta vel intellecta; nisi dicatur quoddam est realis realitate aptitudinali, potentiali, & obiectiua.

Ad id autem quoddam dicunt essentias rerum secundum se esse magis vel minus perfectas, & non quia existunt & sunt extra suas causas; non posse autem esse tales, nisi secundum aliquod esse verum & reale, quod cum non sit esse existentiae, habebunt aliud esse reale ab illo esse per quod existunt. Ad illud, inquam, dico essentias quidem rerum esse inaequales, & istam inaequalitatem non peti ab existentia; imò verò, ut docet Doctor Subtilis in 2. dist. 3. qu. 3. inaequalitatem existentiarum peti ab inaequalitate essentiarum; sed peti ab ipso esse essentiae, seu à varijs gradibus ipsarum essentiarum, qui tamen gradus non valent ponere istam inaequalitatem realem & actu, nisi beneficio existentiae, per quam cum sint actu, ponunt etiam ipsam inaequalitatem actu. Et licet philosophemur

de essentijs illis inaequalibus, praecisè existentia; & scientie etiam sint de illis tanquam de veris entibus realibus, tamen non existentibus; non philosophamur tamen de illis, nec habentur scientie de illis, ut sic, nisi tanquam de essentijs realibus realitate possibili, non actuali: unde dico quoddam hominem esse animal rationale, antequam existat homo, nihil est aliud quàm aliquid esse ita conceptum & intellectum ab intellectu diuino, vel non repugnantia aliqua terminorum, & potentia aliqua logica, quam sequitur obiectiua; non verò entitas aliqua, aut realitas actualis. His positis, sit

Prima Conclusio.

Res creatæ non sunt æternæ, nec secundum esse essentiae, nec secundum esse existentie, nec secundum vllum aliud esse reale. Hæc sententia est expressa Doctoris nostri contra Henricum in 1. dist. 36. q. vnicà. Vbi habet quoddam res ab æterno sunt nihil, prout nihil dicit negationem essentiae & existentie. Et probatur sic ab ipso principaliter, quod ad esse essentiae. Lapis v. g. præ habuit verum esse reale ante sui productionem in esse existentie. Igitur quando producit à Deo, non producit de nihilo, & per consequens non creatur, & ita nulla creatura erit creata, quod est alienum à fide.

Aliter alij formant istam ratiocinationem sic: Illud cuius essentia præsupponitur suæ pro-

Res
creatæ
nō sunt
æternæ
secundum
vllum
esse reale.

ductioni, per illam productionem non creatur: Sed secundum Henricum, essentia creaturę præsupponitur suę productioni. Ergo non creatur. Major probatur: Quia sicut illud cuius materia intrinseca, & ex qua, præsupponitur suę productioni, non creatur; sic nec illud cuius essentia præsupponitur suę productioni.

Secundò, Si creatura ante sui productionem in esse existentię, haberet esse essentię reale, sequeretur quoddam nulla res posset annihilari. Probatur. Sicut enim quando producit, producit de ente secundum essentiam; ita quando corrumpitur, videtur redire in Ens secundum essentiam, & non in nihil. Hoc autem est absurdum. Ergo & id vnde sequitur.

Occurrit responsio: In contrarium.

Respondent quod ad hoc ut aliquid creetur de nouo, & annihiletur, sufficit ut fiat ex non existente, & redeat in non existens; non autem quod fiat ex sola essentia, præsertim vniuersali, & redeat in essentiam. Contrà: Ad veram creationem oportet tantum præcessisse nihil absolute & simpliciter: aliàs si sufficiat præcessisse nihil tantum secundum quid, nulla dabitur mutatio perfectiua, quæ aliquā ratione dici non possit creatio. Ergo illa essentia vniuersalis quæ præcedit generationem, est nihil absolute & simpliciter. Confirmatur præsertim de annihilatione; quia annihilatis omnibus singularibus, annihilantur quoque naturæ vniuersales. Ablatis primis substantijs, impossibile est aliquid remanere, inquit,

Arist. in Prædicamentis, cap. de substantia. Et quando res desinit esse, nomen perdit & definitionem ex Auerroës. Phylis. Comment. 63. Ergo annihilatio ni nihil succedit.

Et certè doctrina istorum falso nititur fundamento, eo quia nimirum existimant propositiones quas vocamus sempiternæ veritatis, ut sunt hominem esse risibilem, animal esse corpus sensitivum, & similes, non posse esse veras, nisi dicant aliquid reale; ac proinde cum sint veræ ab æterno, debere quoque dicere aliquid reale ab æterno; sicque essentias secundum esse essentia verum & reale, æternas esse. Hoc, inquam, est falso niti fundamento; quia in propositionibus illis, habetur tantum ratio sempiternæ veritatis earum fundatæ in necessaria connexionem & habitudinem extremorum earundem: & quia necessaria illa connexio ante existentiam extremorum, nihil aliud dicit quàm vnum aliquod possibile esse de ratione alterius possibili; hoc est quando ipsum erit, necessariò erit hoc vel illud; certè sempiterna illa veritas satis potest intelligi absque aliquo reali actuali esse essentia, v. g. hæc propositio: Homo est animal, est sempiternæ veritatis, siue homo existat; siue non: veritas autem illa consistit in eo quod non potest esse homo, quin sit animal: vnde cum antequam existant homo & animal; homo & animal, sint extrema tantum possibilia: hominem esse animal, antequam homo & animal existant, non est

De propositionibus sempiternæ veritatis.

aliquid reale actuale, sed tantum aliquid reale possibile, scilicet hoc extremum possibile, animal, esse de ratione huius extremi possibilis, hominis videlicet. Franciscus Suarez tom. 1. Metaphysic. disp. 31. sect. 1. num. 8. confirmat egregie totam hanc doctrinam, ubi respondendo ad quoddam argumentum, quo arguebatur prædicata essentialia ab æterno verè prædicari, aut prædicari posse de essentia; omnem autem veritatem fundari in aliquo esse, dicit: Nunc breviter respondetur cum D. Thoma 1. p. quæst. 10. art. 3. ad tertium, ab æterno non fuisse veritatem in illis propositionibus, nisi quatenus erant obiectivè in mente divina, quia subiectivè seu realiter non erant in se: neque obiectivè in alio intellectu: Vt autem vera esset scientia quâ Deus ab æterno cognovit hominem esse animal rationale, non oportuit essentiam hominis habere ex æternitate, aliquod esse reale in actu; quia illud esse non significat actuale esse & reale, sed solam connexionem intrinsecam talium extremorum: Hæc autem connexio non fundatur in actuali esse, sed in potentiali.

Dices per illam scientiam non cognosci hominem posse esse animal rationale, sed necessariò esse animal rationale: Ergo solum esse potentiale non est sufficiens fundamentum eius.

Respondetur negando consequentiam: quia illa necessitas non est absoluta essendi secundum aliquod esse reale in actu, sed quo ad hoc, est possibilitas

tantum: includit tamen necessitatem conditionalem, quia mirum si homo producendus est, necessariò futurus est animal rationale.

Aliàs multas rationes affert Scotus, quas, quia ad meram Theologiam pertinent, præterendo. Tantum hanc licet adhuc subiicere, per quam fundamentum Henrici destruit. Ex D. Aug. inquit, 1. super Genesim, cap. 7. Non aliter novit Deus facta quàm lienda. Præcognovit igitur Deus esse existentem, sicut esse essentem. Sed propter istam relationem fundatam in esse existentem ad Deum cognoscentem illud, nullus concedit esse existentem rerum, fuisse verum esse ab æterno. Ergo eâ vel solâ ratione, quia in esse essentem rerum, fundatur relatio ad Deum cognoscentem illud ab æterno, non sequitur illud esse essentem, esse verum ac reale aliquod esse ab æterno; sed sufficit quod sit esse quoddam cognitum, diminutum, secundum quid, & rationis.

Obiectio 1.

Obijcit sibi 1. Doctor Subtilis: Omne fundamentum relationis quando fundat relationem, est secundum illud esse, secundum quod fundat: Aliter secundum illud esse non fundaret; Sed lapis v. g. secundum verum esse essentem, fundat istam relationem æternam ad Deum, vt scientem, & hoc in æternitate: Ergo lapis est in æternitate secundum illud esse quod fundat. Minor probatur: quia secundum illud esse fundat relationem ad Deum vt scientem, secundum quod, esse eius vt obiectum cognoscitur à Deo: Cognoscitur autem

autem à Deo verè sub ratione essentiae, & non sub ratione essentiae diminutæ; quia prima intellectio à Deo non est reflexiua:

Ergo lapis in æternitate fundat relationem ad Deum scientem, secundum esse reale essentiae. Omisâ responsione Doctoris Subtilis, in qua multa explicat ad Logicam spectantia; dico breuiter lapidem fundare relationem cogniti ad Deum cognoscentem, secundum esse reale; non quod habet adhuc, sed quod habere potest, & sic secundum esse reale possibile, non actuale.

Urgebis: Scientia quâ Deus cognoscit lapidem, est realis ab æterno; ergo obiectum cognitum est reale.

Respondeo admissio antecedente; negando consequentiam: quia realitas scientiæ diuinæ non desumitur ab obiecto secundario, quale est lapis, sed ab obiecto primario, quale est essentia diuina. Et ratio est, quia obiectum secundarium non potest mouere intellectum diuinum ad cognitionem sui, licet possit illum terminare, vt docent Theologi; realitas autem scientiæ alicuius, sumi debet ab obiecto motiuo, non autem terminatiuo solum; quia à motiuo, & non à terminatiuo specificatur.

Obieitur 2. Relatio realis est inter extrema realia realiter distincta: sed creatura antequam creetur, realiter refertur ad Deum, vt mensuratum ad propriam mensuram, & vt habens conformitatem cum actu diuino intelligendi; ergo creatura habet aliquod esse reale ab æterno. Maior est euident. Minor probatur;

quia huiusmodi relatio resultat inter illa duo extrema, seclusâ quacumque operatione intellectus.

Respondetur concessâ maiore; negando minorem; & ad probationem dicitur creaturam non esse mensuratam ab æterno secundum aliquod esse reale inuicem, sed tantum secundum aliquod esse cognitum, & diminutum.

Obieitur 3. Res creatæ secundum esse essentiae reponuntur sub certo quodam prædicamento, & sub certo genere, siue existant, siue non. Antichristus enim v. g. nunc non existens reponitur in prædicamento substantiæ, ac si existet; ergo est vnum & idem esse essentiae rei non existentis & existentis.

Respondetur reponi quidem in prædicamentis secundum esse essentiae siue possibile siue actuale; deinde sequi tantum essentiam rei non existentis esse eandem atque rei existentis, non identitate reali & positiuâ; sed identitate negatiuâ; quia nimirum res producibilis & producta, non sunt duæ res, sed vnâ; neque habent duas essentias, sed vnâ. Hæc autem vnitas seu identitas negatiua apprehenditur à nobis ad modum positiuæ, quia comparamus rem positiuam obiectiue existentem in intellectu, ad rem actu existentem, ac si essent duo extrema positiua, cum tamen reipsâ non sit nisi vnum.

Ex hac autem responsione patet coordinationem prædicamentalem esse æquè rerum non existentium atque existentium.

Solutio.

Obiectio 1.

Abstrahit enim ab existentibus & non existentibus, ut docet Doctor Subtilis in 1. dist. 3. q. 3. quatenus nimirum ad prædicationalem coordinationem, per se non pertinet existentia actualis. Et prout est rerum non existentium, se tenere penes intellectum diuinum formantem ordinem quendam obiectiuum inter gradus prædicamentales, secundum magis & minus commune; prout verò est rerum existentium, fundari in rebus ipsis actualiter existentibus.

Secunda Conclusio.

De esse
cogni-
to re-
rum, &
quid il-
lud sit
secun-
dum
Scotū.

Essentia & existentia rerum sunt æternæ secundum esse cognitum, quod Scotus appellat esse secundum quid & diminutum: Quia aliquid esse tantum, quia cognoscitur, non est simpliciter esse, nec perfectè esse; sed esse secundum quid & diminutè. Et quia hæc conclusio à nemine negari potest, nisi negetur Deum habere ab æterno scientiam comprehensiuam sui ipsius, & omnium rerum antequam existant; & quia etiam non tam ad Metaphysicum, quam ad Theologum spectat eius exacta discussio; non immoror in illa probanda. Tantum mentem Scoti nostri circa illud esse cognitum aperio, ut intelligatur quàm gratis in hac re, à multis impugnetur.

Scotus itaque per illud esse cognitum non intelligit aliquid esse reale; quia stante hoc, remanet in sententia eius, creatura cognita purum nihil. Respondendo enim ad quoddam ar-

gumentum Henrici in 1. dist. 36. quaestione unica, quo petebatur quomodo esse possibile creaturarum fuerit nihil ab æterno, cum etiam illud quod est impossibile, sit nihil, & certè magis nihil quàm esse possibile; dicit utrumque esse nihil ab æterno, & unum non esse magis nihil quàm aliud. Labet illius verba, in quibus multa præclara continentur, huc fideliter referre. *Ad confirmationem*, inquit, *in qua additur, quod tunc unum nihil magis est nihil, quàm aliud nihil; respondeo quod tripliciter inest negatio alicui. Quandoque non propter repugnantiam alicuius positiui ad affirmationem illius negationis, sed propter solam negationem causa non ponentis illum effectum. Sicut si aliqua superficies esset neutra, esset quidem non alba, non propter repugnantiam superficiei ad affirmationem oppositam huic negationi: sed propter negationem causa non ponentis albedinem in esse superficiei. Quandoque autem inest negatio positiui, propter repugnantiam eius ad affirmationem oppositam illi negationi: hoc dupliciter: Quandoque enim præcisè est talis repugnantia propter aliquod unum de intellectibus utriusque: sicut in speciebus ultimis eiusdem generis proximi, negationes earum mutue dicuntur de illis propter repugnantiam earum, quæ est propter solum unum inclusum in intellectu utriusque, scilicet propter differentiam ultimam completiuam: Quandoque autem propter plura inclusa in intellectu utriusque, vel alterius: sicut si accipiantur species specialissima diuinum generum generalissimorum, repugnant quidem sibi inuicem affirmationes propter*

multa inclusa in eis, tot scilicet, quos sunt predicata dicta in quid de utroque in suo genere. Nihil enim dicitur in quid de albedine, quod non sit medium ostendendi hanc hominem non est albedo: Nihil etiā dicitur de homine in quid, quod non est medium ostendendi eandem: & ideo ista; Homo non est albedo, vera est propter repugnantiam extremorum simpliciter, siue propter multa inclusa in intellectu repugnantium, quorum quodlibet ex utraque parte esset sufficiens ratio talis repugnantia. Et tamen in omnibus istis inhaerentis negationum, licet ex diversis causis insint, non dicitur aliquid magis, vel minus negatum, sed quodlibet simpliciter non tale: Ita enim est simpliciter sapor nihil albedinis sicut homo. Et similiter superficies nihil habet albedinis posito isto casu. Et ratio, quare non magis est hac negatio quam illa, est: quia qualibet negatio negat totam affirmationem sibi oppositam, ex quacumque ratione sit talis, siue propter unam rationem, siue propter plures. Ita in proposito, homini in aeternitate inest non esse aliquid. Sed homini non repugnat affirmatio, quae est esse aliquid, sed tantum inest negatio propter negationem aeternae, vel aeternae causa non ponentis in esse. Chyma autem repugnat, quia nulla causa potest in eo causare esse aliquid. Aliter igitur inest ista negatio, nihil est, homini in aeternitate, & chyma: & tamen non propter hoc est unum magis nihil altero.

Dicent fortassis errasse saltem Scotum in modo loquendi, quia minus bene loquutus est, dicendo intellectum diuinum produxisse res ab aeterno secundum illud esse cognitum. Illa siqui-

dem dictio, productio, male sonat in hac propositio. Hunc tamen modum loquendi scuerius illi notant quam meretur, forsitan mentem illius non assecuti, inquit Gabriel Vasquez l. p. disput. 70. cap. 2. Audiamus proinde quemodo Scotus ipse sese explicet. Dico quod productio ista, inquit loco citato, quā scilicet intellectus diuinus producit res in esse cognitum, est in esse alterius rationis ab omni esse simpliciter, & non est relationis tantum, sed etiam, fundamenti absoluti: non quidem secundum esse essentia, vel existentia, quod est rerum esse, sed secundum esse diminutum, quod est esse secundum quid, etiam entis absoluti: quod tamen Ens absolutum secundum istud esse diminutum, concommitatur relatio rationis. Exemplum huius: Si Caesar esset annihilatus, & tamen esset status Caesaris, Caesar esset representatus per statum; illud esse representatum est alterius rationis ab omni esse simpliciter siue essentia siue existentia: Nec est esse diminutum Caesaris quasi aliquid Caesaris habeat hoc esse, & aliquid non (sicut Aethiops est diminute albus, quia aliquid eius est verè albus & aliquid non) sed totius Caesaris: & eius esse a causa sua est verum esse existentia & essentia, cuius totius secundum totale esse suum, est istud esse secundum quid; & in ipso secundum istud esse secundum quid, potest esse aliqua relatio ad statum. Hac Scotus.

Vtitur autem nomine productionis, non quod Deus per aliquam potentiam ab aeterno res produxerit in aliqua etiam minutissima existentia: Sed quia

Quo-
modo
sit in-
telligē-
dum in-
tellec-
tū diuinū
produ-
xisse res
ab aeterno,
in
esse co-
gnito.

Quo-
modo
chyma
non
sit ma-
gis ni-
hil, quā
ab aeterno.

intellectus diuinus contulit rebus ipsum qualecumque esse diminutum eius, secundum quod dicuntur esse aliquid aliud à Deo formaliter; non aliud re, sed aliud cognitione, cum antea nullum esse formale nec intelligibile, nec cognitum haberent, sed essent duntaxat per esse suæ causæ, scilicet Dei. Nec mirari quis debet si Scotus asserat intellectum diuinum produxisse res non tantum secundum esse cognitum, sed etiam secundum esse intelligibile. Non ignorauit enim res esse intelligibiles saltem virtualiter in essentia diuina, antequam cognoscantur actu ab intellectu diuino: sed eâ ratione dixit intellectum diuinum produxisse res in esse intelligibili, quia essentia diuina ut prior intellectu, præcisè secundum rationem essentia non est exemplar actualè & formale creaturarum: nec in ea veluti in speculo res ipsæ relucunt, proindeque non sunt representatæ in essentia intellectui diuino ut intelligantur; ut optimè declarat noster Ioannes de Bassolis in 1. dist. 36. quæst. 1. art. 2. Ad hoc autem ut aliquid dicatur intelligibile, formaliter loquendo, & eo modo, quo dicitur aliquid formaliter intelligibile, debet actu representari vel in se ipso, vel in specie. Non sunt autem creaturæ representatæ actu in essentia diuina ante intellectiōnem: quia pro eo instanti sunt tantum in ipsa, tanquam effectus in sua causa, scilicet eminenter, eleuatè, virtualiter & indistinctè. Sed de his fusiùs Theologi.

Ex dictis autem hætenus à Scoto, manifestum est in sententia eius, illud esse cognitum non esse quid medium inter Ens reale & Ens rationis, quasi sit quid participans rationem vtriusque huius extremi; sed, ut communis fert opinio, posse dici quid medium; quatenus nec est propriè Ens reale, quia est tale tantum in potentia; nec etiam propriè Ens rationis & fictitium; quia esse fictitium non dicit ordinem ad possibilem actualitatem; esse autem cognitum dicit. Nihilominus in rigore, Scotus potius diceret illud esse cognitum, esse Ens quoddam rationis, quàm Ens aliquod reale; quia habet quoddam sit tantum virtute intellectus diuini, sicut entia rationis habent esse virtute intellectus nostri. Quare & comparat illius productionem confectioni secundarum intentionum, & esse cogniti quod intellectus noster rebus ipsis tribuit, cum hoc tamen discrimine, quoddam esse cognitum à nostro intellectu rebus tributum, non est primum earum esse, sed secundarium: esse autem cognitum quod diuinus intellectus rebus ipsis tribuit, est primum earum esse, ante quod nullum est prius, per quod res formaliter esse dicantur. Propter quod dicitur eas in esse cognito producere, quia primum esse formale quod habent, est hoc esse cognitum, & diminutum. Est & aliud discrimen, quod esse cognitum, quod intellectus creatus rebus tribuit, est ipsis extrinsecum, à quo extrinsecè denominantur cognita: esse verò co-

Esse co-
gnitum
secun-
dum
Scotum
est po-
tius esse
quod-
dam ra-
tionis,
quàm
aliquod
esse rea-
le.

gnitum, in quo res à diuino intellectu producuntur non est eis extrinsecum, sed est id quo primò & formaliter habent esse, licet diminutum: sicut esse quod noster intellectus secundis tribuit intentionibus non est eis extrinsecum, sed intrinsecum, proprium, ac formale, licet diminutum, & secundum quid; est tamen extrinsecum primis intentionibus.

Tertia Conclusio.

Essentiæ & existentia rerum sunt æternæ, secundum esse ideale. Probatur: Nam aut esse ideale creaturarum est ipsamet essentia diuina vt representatione quadam continens creaturas, vt voluit Alexander noster 1. p. q. 23. membro 4. art. 1. Seraphicus Doctor in 1. dist. 35. art. 1. q. 1. & D. Thom. 1. p. q. 15. art. 2. vel est ipsummet esse cognitum creaturarum, vt probabilius existimant Doctor noster in 1. dist. 35. q. 1. §. *Ad ista*. Ocham ibidem q. 5. Gabriel eadem dist. & questione, art. 2. & Durand. dist. 36. q. 3. Sed sunt æternæ secundum illud esse hoc utroque modo sumptum, vt patet. Ergo essentia & existentia rerum sunt æternæ secundum esse ideale. Dico existentias etiam hoc modo esse æternas; quia Scotus noster eodem modo philosophatur de cognitione existentiarum, ac de cognitione essentiarum. De hoc esse ideali disputabimus fusè satis duabus sequentibus questionibus.

Quarta Conclusio.

Essentiæ rerum sunt æternæ secundum esse obiectiuum. Probatur: Nam aut illud esse est illarum esse cognitum, quatenus secundum illud sunt obiectum diuini intellectus, & terminus diuinæ cognitionis: aut est illarum esse possibile, secundum quod obijciuntur diuinæ omnipotentia, & dicuntur esse in potentia obiectiua. Sed secundum illud esse obiectiuum hoc utroque modo explicatum, essentia rerum sunt æternæ, tum quia Deus ab æterno cognouit illas, tum quia potuit illas ab æterno producere: Ergo essentia rerum secundum esse obiectiuum, sunt æternæ.

Quinta Conclusio.

Essentiæ rerum secundum esse virtuale sunt æternæ. Probatur: Illud esse virtuale creaturarum nihil aliud est quàm esse suæ causæ, scilicet Dei vt habentis virtutem producendi illas; sed esse Dei vt habentis virtutem producendi creaturas, est æternum. Ergo essentia rerum, seu res & creature sunt æternæ secundum esse virtuale. Si quis rectè intellexerit hoc esse virtuale, faciliter intelliget multa Patrum dicta, quibus dicuntur creaturæ in Deo nobilioribus existere, quàm in seipsis, viuere vitâ ipsius Dei, vt loquitur D. Aug. varijs in locis, esse incorruptibiles, immutabiles, & æternas. Nam cum, vt dictum est, illud esse sit esse ipsius Dei; non est mi-

rum si creaturæ secundum illud esse, fortiantur proprietates illas quæ soli Deo conveniunt.

Ex his omnibus colligitur rerum essentias nudas & incomplexas, de quibus hucusque loquuti sumus, propriè & simpliciter non debere dici æternas; sed tantum diminutè & secundum quid, vel denominatione quadam extrinsecâ ab intellectu diuino producente illas in eo esse, secundum quod dici possunt æternæ.

Quomodo
essentia
rerum
complexæ
dici
possint
æternæ.

De essentijs complexis, seu de propositionibus sempiternæ veritatis, aliter philosophandum est: Cùm enim illæ abstrahant ab existentia & tempore (existentia enim est modus solius essentiæ incomplexæ) abstrahere quoque debent à modis existentis, quales sunt æternitas, vel tempus; quare nec simpliciter, nec secundum quid dici debent æternæ, aut temporales. Dicuntur tamen æternæ veritatis, æternitate quadam negatiuâ, quatenus nimirum nullum habent principium durationis, nec in tempore incepti earum veritas; cùm ante omne tempus, æquè ac in tempore, semper sint & fuerint veræ.

Super his omnibus dictis videri poterit noster Guillelmus Oham in 1. dist. 36. q. 1. vbi docet quomodo creaturæ contineantur in Deo perfectionaliter, eminenter, exemplariter, intelligibiliter, virtualiter, & causaliter; & quomodo continentia ista non sit aliqua continentia realis, præsertim subiectiua; sed sit tantum vel virtus Dei potentis producere creaturas, aut intelligere;

vel etiam ipsemet Deus ut superans in infinitum perfectiones omnium rerum creabilium; quapropter præpositionem illam, *in*, idem significare atque ob, vel ex, vel, ab, vel, a; quia nimirum creaturæ sunt obiectum diuini intellectus, vel effectus producti aut producibiles à Deo. Multa alia præclarè & subtiliter ibi prosequitur: quæ quia potius ad Theologos quàm ad Metaphysicos attinent, ea lubens prætermitto.

QVÆSTIO XVI.

An sint, & quâ ratione admitti debeant *Ideæ*?



DEAS multis appellare nominibus conceditur, ait Augustissimus Augustinus lib. 83. qq. q. 46. sed paucissimis videre: anima enim negatur eas intueri posse nisi rationalis, eâ scilicet parte quâ excellit, id est; ipsâ mente atque ratione, quasi quadam facie vel oculo suo interiore atque intelligibili; & ea quidem ipsa rationalis anima non emus & qualibet, sed qua sentita ac pura fuerit, hac assertur illi visum esse idonea. Suppositâ ergo hac mentis puritate ad cognitionem idearum necessariâ: occasione præcedentis quæstionis, in qua egimus de rerum essentijs & quidditatibus; tùm etiam quia philosophus passim in Metaphysica, præsertim 1. & 7. libro, disputat de ideis contra Platonem; operæpretium est ut

Hæc dicuntur à D. Augustino ex mente Platonis.

quæ Philosophi & Theologi de illis tradere solent, breuiter complectamur.

authoritatibus omnium Scholasticorum in 1. dist. 35. & dist. 36. & Alexandri Alenf. 1. parte q. 23. memb. 4. & alibi.

Aristoteles non tam Ideas, quam ratione ponendi eas inseparatus est.

Prænotandum itaque Philosophum non tam reprehendisse Platonem propterea quod admiserit ideas, quam quia eas falso quodam fundamento, & vanis rationibus eas Platonem stabilire arbitraretur, ut animaduertit Doctor Subtilis 7. Metaphysic. q. 11. Existimauit enim Arist. Platonem posuisse ideas quasi substantias quasdam separatas realiter à singularibus & sensibilibus, quæ tamen conferrent tum ad generationem præsertim vniuocam, tum ad effectum, tum ad substantiam, tum ad rationem exemplarem, tum ad scientiam & cognitionem eorumdem singularium & sensibilibus. An autem id ita crudè docuerit Plato, non satis constat. Quidam existimant ita esse; alij contrà sentiunt, præsertim D. Aug. loco citato, & multis alijs in locis, & Doctor Subtilis in 1. dist. 35. q. vnicâ: & noster Franciscus in 1. dist. 45. & innumerati alij tum Patres tum Scholastici.

Prima Conclusio.

Probat-
ur ex-
istentia
idearû.

Admittendæ sunt ideæ. Probat-
ur authoritatibus Patrum, Diui Dionysii Areopagite, s. de diuinis nominibus, Clementis Alexandrini lib. 5. Stromatum. Iustini Martyris in Orat. parænetica ad Gentes, Diui Augustini loco citato, & lib. 11. de Ciuitate Dei cap. 10. & lib. 12. cap. 26. & lib. 5. de Genesi ad litteram cap. 13. & epist. 115. Probat-
ur etiam

Accedunt authoritates Philosophorum, Boëtij de Consolatione Metro. 9. Senecæ epist. 66. Cælij Rhodigini lib. 16. lectio-
num antiquarum cap. 17. Philonis, Plutarchi, Plotini & aliorum.

Obserrat autem Eusebius lib. 11. de Præparatione Euangelica cap. 1. Socratem fuisse primum inuentorem idearum, quanquam Plato nominis inuentor extiterit, ut testis est D. Aug. lib. 85. qq. q. 46. quod etiam innuit Aristoteles lib. 13. Metaphysicæ cap. 4. ubi dicit Socratem quidem posuisse vniuersalia, non tamen separata à singularibus, ut quidam postmodum posuerunt.

Secunda Conclusio.

Ideæ non sunt admittendæ propter rationes Platonis, saltem eo modo intellectas, quod illas intellexit Aristoteles: Non quidem imprimis propter generationem vniuocam; quia genitum non est eiusdem rationis cum generante, propter ideam, sed propter formam eiusdem rationis in generante & genito: Non etiam propter existentiam singularium & sensibilibus, tum quia sensibilia semper existerent sicut ideæ semper existunt, tum quia quod est extra aliquid, non potest ei esse ratio existendi: ideæ autem ponit Plato extra sensibilia: Non etiam propter substantiam sensibilem, quia substantia sensibilem debet eis esse in-

Examinantur & confutatur breuiter rationes, propter quas Plato ponebat ideas.

trinfeca & interna; ideæ autem sunt extra fenfibilia: Non etiam propter rationem exemplarem, quia vnius & eiuſdem plures eſſent ſpecies & ideæ: quia enim Socrates v. g. eſt homo, & animal, & bipes; alia eſſet ſpecies & idea hominis, alia animalis, alia bipedis: Non etiam propter ſcientiã; quia tunc res maximè cognoscitur, quando cognoscitur eius intrinfeca: Cognitio autè idearũ, ex poſitione Platonis, non eſſet cognitio intrinfecorũ ipſorum ſingularium & ſenſibilium. Ergo cognitio idearum nihil conferret ad ſcientiam & cognitionem ſenſibilem: Non denique propter effectiõnem ſimpliciter ſenſibilem; quia eũdem ideæ ſecundũ Platonem vniformiter ſemper ſe habeant, & ſint perpetuæ; ſi, poſitis ideis, fierent indiuidua ſenſibilia, ſequeretur indiuidua ſenſibilia ſemper eſſe, ſemperque fieri, quod falſum eſt. Adde quodd, ſicut ſe habent artificialia ad cauſas artificiales, ſic ſe habent naturalia ad cauſas naturales; ſed artificialia, putà domus & annulus ſunt à cauſis ſuis, quorum tamen Platonici ſpecies & ideas non ponunt. Ergo non eſt et am opus ponere naturalia fieri ab ideis; ſed ſufficit quodd ponantur fieri à ſuis cauſis proximis & naturalibus.

Præterea, ex poſitione Platonis, ſequeretur vnum & eũdem eſſe ſimul ideam & ideatum, exemplar & exemplatum. Sicut enim ille ponit ſpecies eſſe ideas ſingularium ſenſibilium; ita ponit genera eſſe ideas ſpecierum; ideòque quemadmodum ſpecies

ſunt ideæ reſpectu ſingularium; ita erunt ideatæ reſpectu generum. His & alijs rationibus inſequitur Ariſt. ideas Platonis.

Nihilominus Euſtratus ſuper primum Ethicorum ſcribit Platonem & Platonicos non ita ſenſiſſe de ideis, ſicut eis imponit Philoſophus. *Ideas*, inquit, *non ita ponunt Platonici, ſicut imponit Philoſophus, ſed ideas dicunt rationes epichitendas, id eſt, ſuperſtantes omnino & ſupererectas & corporibus & numeris, & numerum quendam diuinum, per quem velut per exemplum, conditorem operari conuenit materiale ſuſtinentem.* Ita etiam ſentit D. Auguſt. Et certè quęcunque Plato ſcripſit de ideis, poſſunt ſanè intelligi. Quod enim imprimis dicit illas eſſe perpetuas, participari ab indiuiduis, & non exiſtere in ipſis indiuiduis, conceditur ab omnibus, & habetur expreſſè apud D. Auguſt. variis in locis, in quibus docet ideas eſſe rationes rerum, ſecundũ quas factæ ſunt, incommutabiliter permanentes; rationes diuinas, æternas & incommutabiles; principales formas, vel rationes rerum ſtabiles, atque incommutabiles, quæ ipſæ formatæ non ſunt, ac per hoc æternæ, ac ſemper eodem modo ſe ſe habentes, quarum participatione fit quicquid eſt. Quod item dicit Plato in Parmenide, ideas eſſe nobis ignotas: etiam illud idem dicit D. Aug. eũdem docet eas videri non poſſe, niſi viſione beatà. Quod inſuper dicit Plato ideas eſſe formas, per ſe ſubſiſtentes: idem etiam dicit D. Dionyſius cap. j. de diuinis

Defenditur
Plato.

Reducuntur
ad verum &
bonum
ſeuſum
omnes
rationes
Platonis.

uinis nominibus, vbi habet exemplaria esse rationes substantificas existentium, & singulariter præexistentes: Quod ita tamen non debet intelligi, quasi formæ illæ existant per se, & veluti in aëre, vel in spatiis imaginariis; sed quod ad eorum existentiam & permanentiam non indigeant singularium sensibilibus existentia; quippe quæ, vt docet D. Aug. in diuina intelligentia continentur.

Et quidem, iuxta hanc doctrinam, solui possunt omnes impugnationes Aristotelis. Ideæ enim imprimis conferunt ad generationem vniuocam rerum, sic intelligendo quod quæcunque generantur vel producuntur; generantur vel producuntur iuxta illas ideas & similitudines eorum: adde quod generantia naturalia generant etiam sibi simile per ideas, quatenus nimirum opus illorum est opus intelligentiæ, seu opus alicuius primi agentis per ideas & per artem. Conferunt etiam ad singularium sensibilibus effectiorem, substantiam, & existentiam; non quod sint ipsamet substantia & existentia sensibilibus; sed quod sint rationes ad quas respiciens author rerum omnium, contulit rebus sensibilibus substantiam & existentiam: quâ ratione dicuntur à D. Aug. rationes æternæ existentes in mente diuina, secundum quas res sunt formabiles ad extra. Conferunt etiam ad rationem exemplarem, vt constat ex iam dictis. Neque contra id facit ratio Aristotelis: concedunt enim Theologi vnus & eiusdem indiuidui posse esse plu-

res ideas, secundum quod in ipso plura sunt proprijs rationibus distincta. Coniungunt tandem ad singularium sensibilibus scientiam, quatenus videlicet quæcunque cognoscuntur, cognoscuntur in aliqua luce creata, quæ quidem est imago lucis primæ, vt explicat noster Magnus Alexander 7. Metaphysic. his verbis: *Ponunt ergo isti aliquod exemplar separatum, ad quod intellectus afficiendo, percipit de re sinceram veritatem, quæ sincera veritas est imago illius exemplaris. Et hi sic dicentes, videntur sequi viam beati Augustini, quasi ubique in suis libris, qui videtur ponere quod nunquam sincera veritas, videtur nisi in regulis æternis. Imaginantur ergo isti, qui sunt huius positionis tria, scilicet illud quod intelligitur, siue quod percipitur, siue quod indicatur: & intellectus iudicantis siue percipientem, & regulas æternas, siue exemplaria, per quæ indicat. Istud autem per quod indicamus, est lux incorporea, siue æterna lux, & est exemplum Augustini in multis locis, quod vnum & idem scitur, siue indicatur à duobus, siue percipitur per legem æternam & per corpoream irradiantes unicuique: Non autem intelligendum est quod siue Augustinus, siue isti intendunt dicere quod ista exemplaria sunt eodem modo quo ponebat Plato, scilicet quod sint aliquæ idea separata per se existentes; sed quod solum sunt idea in mente diuina: Ita quod intellectus noster nunquam perfecte intelligit aliquam rem, nisi ex hoc, quod spirituales illuminationem habet, & illustrationem ab istis ideis. Sic ergo isti ponunt & docent etiam hanc*

fuisse intentionem Platonis ponentis regulas aternas, vel exemplarias, non extra mentem divinam, sed in mente divina. Et paulò pòst. Tamen intelligendum est, quod lux ista est derivatio quadam primæ lucis; ita quid facit in se ipsud, ut quod videtur in ista luce, quodammodo videatur in illa: Debeamus enim imaginari quod lux intellectus agentis est quadam derivatio lucis primæ, siue primi exemplaris: & idè quicquid videtur in ista luce, quodammodo videtur in illa. Si enim proponatur alicui quid magis amandum? non poterit videre nisi in aliqua luce: hæc autem lux in qua videt, est lux amata sibi, quæ tamen est imago quadam lucis primæ; & idè videndo in hac, quodammodo videt in illa. Et hoc fortè voluit dicere Plato quod intellectus semper afficit ad aliquod exemplar separatum, quia intellectus quicquid videt, in aliqua luce videt; quæ quidem lux est imago lucis separatæ, & exemplaris. Hoc etiam voluit dicere August. quando dixit quod quicquid videtur, videtur in regulis æternis, & in aliquo quod est supra animas nostras; quia videtur in aliqua luce nostri generis, quia in luce intellectus agentis; quæ quidem lux est imago regularum æternarum.

Tertia Conclusio.

Propter
quid
sint
Ideæ.

Ideæ debent admitti propter effectiorem rerum omnium: ita ut sint rationes secundum quas est formabile & effectibile, quicquid est formabile & effectibile ad extra. Probatur imprimis autoritate Diui August. lib. 83. qq. qu. 46. ubi habet:

Ideæ sunt principales formæ quædam, vel rationes rerum stabiles, atque incommutabiles, quæ ipsæ formæ non sunt, ac per hoc æternæ ac semper eodem modo sese habentes, quæ in divina intelligentia continentur: & cum ipsæ neque oriuntur, neque intereant: secundum eas tamen formari dicitur, quicquid oriri & interire potest, & omne quod oritur & interit. Et lib. 12. de Civitate Dei, cap. 25. ubi habet: Hæc enim vi divinâ (ideam intelligit) & ut ita dicam, effectivâ, quæ fieri nescit, sed facere, accepit speciem, cum mundus fieret, & rotunditas cæli, & rotunditas solis, &c. Accedit authoritas Boëtij de Consolatione, Prosa. 9.

Tu cuncta superno

Ducis ab exemplo; pulchrum pulcherrimus ipse

Mundum mente gerens, similique imagine formans.

Et Seneca Epist. 66. Plato, inquit, præter hæc quatuor causas adiecit exemplar, quod ipse ideam vocat: hoc est enim ad quod respiciens artifex, id quod destinabat efficere: nihil autem ad rem, utrum foris habeat exemplar, ad quod referat oculos, an intus quod sibi ipse concepit. Hæc exemplaris rerum omnium Deus intra se habet, numerosque vniuersalium quæ agenda sunt, modosque mente complexus est, plenus his figuris, quas Plato Ideas appellat, immortales, incommutabiles, & infatigabiles.

Probari insuper potest istud hæc ratiocinatione Doctoris Subtilis in 1. dist. 35. qu. vnicâ. §. Ad ista. Deus omnia causat vel causare potest; non irrationabiliter: ergo rationabiliter. Igitur habet rationem se-

cundum quam format: non autem eandem omnium: ergo singula propriis rationibus format; non autem rationibus extra se; quia non eget in efficiendo, aliquo alio à se: igitur rationibus in mente sua. Nihil autem in mente sua est, nisi incommutabile. Ergo omne formabile potest Deus formare, secundum rationem propriam sibi æternam in mente sua. Nihil autem in mente sua tale ponitur nisi idea: Ergo idea ponitur in mente diuina, ut secundum eam Deus causet, vel causare possit ad extra.

Præterea probari adhuc potest hac ratione Alexandri Alensis 7. Metaphysis. tex. 44. Deus est causa efficiens omnium rerum: Ergo vel per modum nature, vel per modum artis: Non per modum nature: quia sic Deus necessario produceret ad extra: Ergo per modum artis: Omnis autem efficiens per modum artis, requirit exemplar ad quod respiciens operetur; cum enim illud agens non sit determinatum ad hoc potius quam ad illud producendum per formam aliquam naturalem; opus est ut determinetur per aliquid aliud: illud autem est exemplar, exemplar verò est idea: Ergo à primo ad ultimum, omne efficiens per modum artis, requirit ideas; licque Deus, qui res omnes produxit per modum artis, illas produxit per ideas: & hoc sensu fortè dixit Plato participatione idearum sensibilia constare: quemadmodum Diuus August. idearum participatione fieri, ut sit quicquid est. Nec in hoc est

reprehendendus Plato ab Aristotele, quasi senserit ideas est naturas vniuersales per se subsistentes & realiter separatas à singularibus, quarum veluti participatione seu partione quadam reali singularia constarent. Duplex enim distingui potest participatio; vna physica, formalis, & subiectiua, quæ v. g. materia participat formam, & paries albedinem: cuius participationis ratione fit, ut id quod participatur, sit subiectiue in participante: altera est veluti metaphorica, attributiua, & assecutiua seu imitatiua, quæ exemplatum seu ideatum dicitur participare exemplar & ideam, ad cuius imitationem fit. De priori participatione non est intelligendus Plato, sed de posteriori, ut constat ex ijs quæ habet, & quæ refert ex Socrate in Parmenide.

Duplex participatio, Physica & Metaphorica.

QVÆSTIO XVII.

Quid sint Ideæ?



VAMQVAM Theologorum sit hanc rem. diligentius examinare; Tamen etiam nobis incumbit, ad vberiores eorum quæ hætenus de rerum essentijs & naturis diximus, eam non omnino prætermittere. Disputant autem Theologi de ideis, præsertim diuinis, in 1. dist. 35. & 36. & noster Alexander 1. p. q. 23. membro 4. & alibi, & D. Thomas 1. p. q. 15. ubi quidem non tam varia idearum

nomina; non tàm etiam varias earundem rationes & definitiones afferunt & expendunt, quàm quid sit id, cui propriè conuenit ratio ideæ. Quod certè eò difficilius ab eis determinatur, quòd, in hoc, tot ferè sunt sententiæ, quot capita. Nos clarè & dilucidè totam hanc rem perstringemus, & mentem Doctoris Subtilis breuiter aperiemus.

Prænotandum itaque primò ad rationem ideæ spectare quòd sit forma repræsentatiua rei ideatæ, & quòd res ideata sit producibilis ab artifice secundum illam formam; quæ propterea debet esse non qualiscumque, sed forma obiecta intellectui, ad quam artifex aspiciens operetur: Et hinc fit vt idea sit regula & mensura rei ideatæ; quia illa fit instar suæ ideæ.

Ex quibus constat nec habitus nec species intelligibiles esse ideas; quia idea terminat cognitionem siue directam, siue reflexam; directam, si ponatur esse conceptus obiectiuus; reflexam, si ponatur esse conceptus formalis; species autem intelligibiles & habitus non terminant cognitionem, sed potiùs principiant. Quòd verò idea distinguatur realiter ab artifice, & quòd inhæreat intellectui eius, hoc se habet per accidens ad rationem ideæ: Nam ideæ diuinæ non inhærent intellectui diuino, nec etiam fortè distinguuntur realiter ab eo, sunt tamen veræ ideæ. Quòd etiam idea sit determinatiua & directiua artificis ad suum opus, non pertinet ad ideam, vt sic, sed ad ideam existentem in intellectu imperfecto, & indi-

gente determinatione & directione, qualis non est intellectus diuinus.

Prænotandum 2. vel potiùs repetendum ex dictis de vnitatem conceptus entis, duplicem esse conceptum, alterum formalem, alterum obiectiuum. Conceptus obiectiuus est res ipsa vt cognita: conceptus formalis est vel actus intelligendi, vel similitudo aliqua expressa obiecti. Quidam existimant ideam esse conceptum formalem rei ideatæ. Ita Foulca 7. Metaphysic. cap. 8. q. 2. & Franciscus Suarez tom. 1. Metaphysic. disp. 25. quod tam de diuinis, quàm de creatis ideis dicendum esse existimant. Alij volunt ideam esse conceptum obiectiuum rei ideatæ; & eorum aliqui volunt esse rem ipsam faciendam, prout est cognita & obiecta intellectui artificis. Ita Scotus, Ocham, Gabriel, de Bassolis, & alij, qui docent ideas diuinas esse ipsummet esse cognitum creaturarum. Alij volunt esse quoddam aliud obiectum, ad cuius imitationem aliquid producat: Ita sentiunt illi omnes qui sustinent essentiam diuinam esse ideam creaturarum, quorum alij volunt esse ipsam essentiam nudè spectatam, vt noster Guillelmus de Rubione iu 1. dist. 35. q. 2. art. 1. Alij eandem essentiam vt imitabilem & participabilem à creaturis, vt D. Thomas 1. p. q. 15. art. 1. & 2. & ibidem Caietanus, & reliqui Thomistæ. Alij eandem essentiam vt similitudinem expressam creaturarum, vt Gabriel Vasquez 1. p. disput. 72. cap. 2. Alij vtrumque admittunt, scilicet tàm ipsum esse cognitum rei

Quæ
spectat
ad ideam.

faciendæ, quàm aliud obiectum imitabile, putà essentiam diuinam, esse ideam creaturæ producibilis. Ita noster Richardus in 1. dist. 35. art. 2. q. 2. & Durandus etiam in 1. dist. 36. quæst. 3. Mitto opinionem Seraphici Doctoris in 1. dist. 35. quæst. 5. volentis veritatem diuinam esse ideam creaturarum. Ostendemus enim inferiùs hanc sententiam sanè intellectam, esse verissimam.

Prænotandum 3. pro intelligentia opinionis eorum, qui dicunt ideam esse conceptum formalem rei faciendæ, Deum non intelligere beneficio alicuius qualitatis productæ, sicut nos intelligimus: quia enim imperfecti sumus in intelligendo, priusquam facultas nostra intellectiua operetur circa obiectum intelligibile, producit qualitatem aliquam, nimirum verbum mentis, seu actuale intellectionem, quâ denominatur formaliter intelligens, & quâ formaliter afficitur circa obiectum intelligibile; Deus autem non producit huiusmodi qualitatem, vt formaliter dicatur intelligere; sed est intelligens formaliter ipso actu operatio intelligendi, ante quem non supponitur, & ad quem non requiritur actus aliquis productiuis qualitatis: Quid sit vt licet in nobis assignare possimus conceptum aliquem formalem, qui sit idea, putà idolum aliquod ab intellectu nostro formatum, quod sit repræsentatiuum rei faciendæ: nihilominus hoc idem assignari non potest in intellectu diuino, quippè qui non format rationes aliquas rerum à se faciendarum. Neque etiam suffi-

cienter assignarunt quis vel quid sit conceptus ille formalis, qui sit idea in Deo, illi omnes qui docent ideam non esse conceptum obiectiuium, sed formalem etiam in Deo. Quia tamen inferiùs ostendemus ab hac sententia fortassis non fuisse alienum Doctorem Subtilem; idè breuiter dicimus conceptum formalem in Deo esse ipsammet cognitionem diuinam vt terminatam ad creaturas, vel vt repræsentatiuum creaturarum; non verò formam vel rationem aliquam quasi formatam virtute intellectus diuini, vt videtur ponere Fonseca loco citato, sectio-nibus, 4. & 5.

Prænotandum 4. Doctorem Subtilem in 1. dist. 35. q. vnicâ, §. *Ad ista*, docere ipsum esse obiectiuium & cognitum creaturarum esse ideam earundem creaturarum. Quod tamen sic intellexit in 4. dist. 1. q. 1. §. *ista ergo*, vt voluerit etiam cognitionem diuinam terminatam ad creaturas esse ideam creaturarum; & id quidem non solum connotatiue vt sentit Guillelmus Ocham in 1. dist. 35. q. 5. Nec etiam solum participatiue, ex eo nimirum quia esse cognitum participat aliquo modo esse cognitionis; sed etiam verè & propriè: quia quâ ratione obiectum cognitum vt terminans cognitionem diuinam, est idea rei faciendæ; eâdem etiam cognitio diuina vt terminata ad esse cognitum, potest esse idea eiusdem rei faciendæ; non quoddam esse cognitum & cognitio sint vnum & idem, vt malè sensit noster de Herrera in 1. disp. 16. q. 1. concl. 5. Nam Do-

Ex Do-
ctore
Subtili,
non tã-
rùm
esse co-
gnitum
est.
Idea,
sed etiã
ipsa co-
gnitio
diuina.

Deus
intelli-
git ali-
er quã
101.

Aa iij

ctor Subtilis, loco citato, loquens de esse cognito creaturarum, dicit; *Et si velis quærere aliquod esse verum huius obiecti ut sit, nullum est quærere nisi secundum quid: nisi dicatur quòd istud esse secundum quid, reducitur ad aliquod esse simpliciter, quòd est esse ipsius intellectus; sed istud esse simpliciter non est esse formaliter eius quòd dicitur esse secundum quid; sed est eius terminatiue vel principiatue, ita quòd ad istud verum esse, illud esse secundum quid reducitur.* Sed quia, quoad hoc, est eadem ratio cognitionis diuinæ ut terminatæ ad creaturas; ac ipsius esse cogniti creaturarum ut terminantis cognitionem diuinam. Sicut enim esse cognitum creaturarum ut terminans cognitionem diuinam, repræsentat sufficienter intellectui diuino rem faciendam; ita cognitio diuina ut terminata ad creaturas cognitæ, repræsentat etiam sufficienter eadem intellectui easdem creaturas faciendas. Ergo vtrumque seorsim poni poterit idea creaturarum. Exemplum esse potest in obiecto Logicæ quòd statuitur à plerisque vel tria instrumenta sciendi ut directiua operationum mentis; vel operationes mentis ut dirigibiles per instrumenta sciendi. Tametsi enim nec instrumenta sciendi sint ipsæ actiones dirigibiles; nec etiam actiones dirigibiles instrumenta sciendi; tamen sufficiens est ratio in vtrisque seorsim sumptis, ut constituantur obiectum Logicæ. Porro Doctorem Subtilem ita sensisse de diuinis ideis, quemadmodum volumus, constat ex ijs quæ habet in 4. dist.

1. q. 1. §. ista ergo. vbi examinando doctrinam aliquam quæ statuerat Angelum non posse creare, sic loquitur. *Contra istam rationem instatur per illud 7. Metaph. cap. 5. Domus extrà sit à domo in mente: Et tamen domus extrà habet verius esse domus, quàm domus in mente: quia dicitur in mente habet esse diminutum respectu domus extrà, sicut ens cognitum est diminutum ens respectu ens realis: ergo imperfectius, scilicet habens esse in cognitione, potest esse principium producendi perfectius. Et applicatur istud exemplum ad propositum sic; Sicut se habet domus in mente artificis ad domum extrà; ita se habet Angelus cognitus in cognitione Angeli, ad Angelum extrà: ergo ab Angelo cognito in intellectu alterius Angeli, potest fieri Angelus extrà. Non ergo accidentalitas cognitionis Angelicæ, prohibet substantia intellecta creationem.*

Ad primum dico, quòd aliud est loqui de veriori, seu perfectiori esse simpliciter; Et de veriori seu perfectiori esse huius; lapis enim in mente diuina, habet esse simpliciter verius, Et perfectius, quàm lapis extrà: quia obiectum ut cognitum, dicitur habere illud esse quòd habet ipsa cognitio. Vnde secundum Aug. super illud Ioan. 1. Quod factum est in ipso; vita erat: Res cognita est in verbo, vita creatrix. Et ideo quia cognitio eius, est realiter vita creatrix: quòd enim de cognito dicitur obiectiue, hoc in ipsa cognitione oportet inueniri realiter: lapis tamen in intellectu diuino, non habet verius esse lapideus, quàm lapis extrà; alioquin aliquid intrinsecum realiter Deo, esset formaliter Et propriè lapis.

Hoc
valde
notan-
dū est:
quia fit
à cog-
nitio-
ne do-
mus in
mente.

Ad propositum, domus in intel-
lectu artificis dicitur habere illud
esse, quod formaliter habet ipsa cog-
nitio domus: sed ipsa cognitio est
simpliciter perfectior quam forma
domus extrā; quia cognitio est qua-
dam perfectio naturalis anime: for-
ma autem domus extrā vel non est re-
alis, vel si est, multò est imperfectior
quàm illa cognitio. Sic ergo patet ad
argumentum, quia domus extrā dici-
tur fieri à domo in mente, quia fit à
cognitione domus in mente, tanquam
à principio formali, & illa cog-
nitio domus, est simpliciter perfectior
domo extrā: ipsa autem domus in-
tra pro quanto participat esse cog-
nitionis, perfectior est seipsā extrā.

Et cum dicitur, quod est Ens dimi-
nutum; & domus extrā, est Ens
reale; dico, quod cognitio eius est
Ens reale, & perfectius Ens quàm
domus extrā; domus autem in men-
te participat nobilius esse reale quā
sit illud esse extrā. Et sic intelli-
gendum est illud Aug. 9. de Tri-
nit. 10. vel 11. scilicet quod supe-
rius habet nobilius esse in se quàm
in intellectu; è converso autem in-
ferius habet nobilius esse in intel-
lectu, quàm in seipso. Hoc intelligen-
dum est de illo esse quod formaliter
est ipsius cognitionis, & partici-
patius ipsius cogniti. His politis sit.

Prima Conclusio.

Veria
nomina
idearū.
Ideæ præsertim diuinæ, de
quibus potissimum hîc lo-
quimur, variis appellantur no-
minibus. Dicuntur enim ratio-
nes, formæ, similitudines, sa-
pientiæ, vires effectiuæ, condi-
tiones, speculationes, exempla-
ria, species, cogitationes, natu-
ræ, quidditates, &c. Nihilomi-

nus si vim dictionis græcæ spe-
ctemus, idea idem est quod for-
ma & species. Ratio enim inquit
D. August. à Græci λόγος dicitur;
Tamen si quis Ideas rationes
appellauerit, à re ipsa non aberrabit.
Ludouicus Viues in lib. 7. de
Ciuit. Dei. cap. 28. censet Ideas
Platonicas à spectando dictas
fuisse: Quoniam, inquit, qui ali-
quid est alturus, Ideam inspicit,
ad quam actionem suam aptet; ut
pictori qui de exemplari aliquid
pingit, hoc exemplar est Idea.
Alexander Alenf. 1. parte q. 23.
memb. 4. art. 1. statuit nescio
quod discrimen inter sapien-
tiam, artem & exemplar; ac
rationem & ideam; quod nimi-
rum sapientia, ars & exemplar
se teneant ex parte cognoscentis;
ratio verò & idea ex parte
rei cognitæ. Sed differentia
hæc nulla est, quia exemplar in
re ipsa est idem quod ratio &
idea. Ex hac tamen doctrina
Alexandri constat Franciscum
Suarem non satis examinasse
mentem eius, cum docet iuxta
ipsum, ideam esse conceptum for-
malem: si enim idea se teneat
ex parte rei cognitæ, ut sentit
Alexander, erit potius conceptus
obicctiuus, quàm conceptus for-
malis.

Secunda Conclusio.

Idea describitur à D. Dionysio
lib. 4. de diuinis nominibus.
Exemplar sempiternorum, Deo sem-
per præsens, ad quod Deus cunctæ
Varie
que sunt, afficiens, motus & fa-
briatus est. Iterum describitur à
Doctore Subtili, iuxta mentem
D. August. Ratio aterna & incom-

mutabilis in mente diuina; secundum quam aliquid est formabile extra, tanquam secundum propriam rationem eius. Item describitur à Duraudo in vniuersum prout completitur tam diuinas, quam creatas ideas, Ratio rei apud intellectum existens obiectiuè, ad cuius imitationem aliquid est producibile. Iterum describitur ab Ochamo, Aliquod cognitum, ad quod agens afficit in producendo, ut secundum ipsum, aliquid simile, vel ipsummet producat in esse reali. In qua definitione habetur ideam esse conceptum obiectiuum, vel ipsiusmet rei faciendæ, vel alterius, ad cuius imitationem res facienda est. Vt autem melius intelligantur hæ descriptiones, videnda sunt ea quæ habet D. Aug. lib. 83. qq. q. 46. vbi multa tradit scitu dignissima de nominibus & rationibus ideatum. Lubet eius verba subijcere: *Ideas*, inquit, Plato primus appellasse perhibetur: non tamen si hoc nomen antequam ipse institueret, non erat, idè vel res ipse non erant, quas ideas vocauit, vel à nullo erant intellectæ; sed alio fortasse, atque alio nomine ab alijs, atque alijs nuncupata sunt. Licet enim cuiunque rei incognita, qua nullum habeat vstratum nomen, quodlibet nomen imponere. Nam non est verisimile sapientes aut nullos fuisse ante Platonem, aut istas quas Plato, ut dictum est, ideas vocat, quacumque res sint, non intellexisse: siquidem tanta in eis vis constituitur, ut nisi, his intellectis, sapiens esse nemo possit. Credibile est etiam præter Græciam, fuisse in alijs Gentibus sapientes; quod etiam Plato ipse non solum peregrinando, sapientia perficienda gratià satis restatus

est, sed etiam in libris suis commemorat. Hos ergo (si qui fuerint) non existimandum est Ideas ignorasse: quamuis alio fortasse eas nomine vocitauerint. Sed de nomine hactenus dictum sit: rem videamus, quæ maxime consideranda, atque noscenda est in potestate constitutis vocabulis, ut quod volens quisque appelleret rem quam cognouit.

Ideas igitur Latine possumus, vel formas, vel species dicere, ut verbum ex verbo transferre videamur. Si autem rationes eas vocemus, ab interpretandi quidem proprietate discedimus. Rationes enim græcè λόγος appellantur, non ideas: sed tamen quisquis hoc vocabulo uti voluerit, a re ipsa non errabit. Sunt namque ideas principales forma quædam, vel rationes rerum stabiles, atque incommutabiles, quæ ipsa formæ non sunt: ac per hoc æternæ, ac semper eodem modo sese habentes, quæ in diuina intelligentia continentur; Et cum ipsa nec oriuntur, nec intereant, secundum tamen eas formari dicitur omne quod oriri & interire potest, & omne quod oritur & interit. Anima verò negatur eas inueniri posse nisi rationalis, eâ sui parte, quâ excellit, id est, ipsâ mente, atque ratione quasi quadam facie vel oculo suo interiori, atque intelligibili: & ea quidem ipsa rationalis anima non omnis & qualibet, sed quæ sancta & pura fuerit, hæc asseritur illi visum esse idonea id est quæ illum ipsum oculum, quo videntur ista, sanum & sincerum, & serenum & similem his rebus, quas videre intendit, habuerit. Quis autem religiosus ac verâ Religione imbutus, quamuis nondum possit hæc intueri, negare tamen audeat, imò non etiam proficatur

teatur omnia quæ sunt, id est quæcumque in suo genere propria quadam naturâ continentur, ut sint, Deo auctore, esse præcreata, eoque auctore omnia quæ viuunt, vivere, atque universalem rerum incolumitatem ordinemque ipsum, quo ea quæ mutantur suos temporales cursus certo moderamine celebrant summi Dei legibus contineri & gubernari? Quo confitente atque concessa, quis audeat dicere Deum irrationabiliter omnia condidisse? Quod si rectè dici & credi non potest; restat ut omnia ratione sint condita, nec eadem ratione homo quæ equus. Hoc enim absurdum est existimare. Singula igitur proprijs suis creata rationibus: Hæc autem rationes ubi arbitrandum est esse, nisi in ipsa mente Creatoris? Non enim extra se quicquam possumus intuebatur, ut secundum id, constitueret, quod constituerat. Nam hoc opinari sacrilegum est. Quod si hæc rerum omnium creandarum creaturæ rationes in diuina mente continentur, nec in diuina mente quicquam nisi æternum, atque immutabile potest esse, atque hæc rerum rationes principales appellat ideas Plato; non solum sunt ideas, sed ipsæ veræ sunt, quia æternæ sunt, & eiusmodi atque incommutabiles manent, quarum participatione fit, ut sit quicquid est, quomodo est, quarum visione animæ rationalis fit beatissima; quas rationes siue ideas, siue formas, siue species; siue rationes licet vocare, & multis appellare conceditur nominibus, sed paucissimis videre. Hæc tenet Augustinus.

Tertius Conclusio.

Idea est vel conceptus obiecti-
uius ut terminans conceptum

formalem, aut ut representatus in conceptu formali rei faciendæ; vel conceptus formalis, aut aliquid se habens instar conceptus formalis, ut terminatus ad conceptum obiectiuum, aut ut representans conceptum obiectiuum eiusdem rei faciendæ. Declarabitur, simulque probabitur mox ista conclusio. Ac imprimis quidem idea non est conceptus obiectiuus alterius rei, ad cuius imitationem fiat res ideata, ut patet ex verbis conclusionis. Non quod conceptus obiectiuus alterius rei absolute loquendo, non possit aliquando esse idea, ut patet de ideis seu exemplaribus extrinsecis: sed quia non potest esse idea proxima & immediata, de qua solum hæc loquimur, sed duntaxat remota, & causa ideæ proximæ & intrinsecæ.

Et quidem hoc peculiariter ostenditur in diuinis ideis, quæ quidem non ponuntur conceptus obiectiuus alterius rei, nisi vel essentia diuinæ, vel attributi veritatis diuinæ: sed neutrum horum est idea proxima & propriè dicta rerum producibilium. Probatur primò de essentia diuina, impugnando scilicet omnes modos quibus statuitur idea creaturarum. Imprimis enim quidam dicunt essentiam diuinam absolute & nudè spectatam esse ideam creaturarum. Sic noster Guillelmus de Rubione. Hoc autem ex eo improbat; tùm quia idea est id ad quod aspiciens artifex operatur: Sed Deus non operatur præcisè ad extra, ex eo quod intueatur essentiam suam absolute, & simpliciter spectatam; tùm quia iuxta hoc, assignari non posset pluralitas idea-

Ostenditur nulla ratione essentia diuinæ esse ideam creaturarum.

rum in mente diuina; quia essentia diuina absolute spectata non induit rationem pluralitatis, præsertim respecturum ad extra: Ergo essentia diuina absolute & simpliciter spectata non potest esse idea creaturarum. Alij dicunt essentiam diuinam prout habet rationem principij quo, respectu cognitionis diuinæ, quæ creaturæ cognoscuntur producibiles, habere rationem ideæ. Impugnatur; quia essentia diuina ut sic, habet se ut species intelligibilis respectu intellectus; sed species intelligibilis, vel quoddam se habet instar speciei intelligibilis non est idea: Ergo neque essentia diuina, quatenus induit hanc rationem.

Alij sistent essentiam diuinam quatenus imitabilem & participabilem à creaturis, esse ideam earumdem. Ita absolute D. Thomas, & probabiliter noster Richardus & Durandus, Franciscus Suarez tom. 1. Metaph. disp. 25. sect. 1. numer. 15. ex eo arguit hanc sententiam improbabilitatis: Quia, inquit, cognoscere essentiam, ut participabilem à creatura, nihil aliud est quam cognoscere ex vi talis essentię posse creaturam talem gradum entis participare: sed hoc non est aliud, quam cognoscere ipsam creaturam, quatenus ex vi eminentis virtutis Dei potest ab illa prodire: Ergo talis cognitio reuera est cognitio creaturæ in Deo; Ergo si obiectum illius cognitionis est idea, creatura erit idea. Et quia hic author putat creaturam, etiam ut cognitam non posse esse ideam; ideo existimat, nec essentiam ut parti-

cipabilem à creaturis, posse esse ideam illarum. Nos conformiter nostris principiis, alio modo improbamus hanc sententiam, nou quidem argumento petito ex impugnatione illius respectus imitabilitatis, ut quidam ex nostris; quia Doctor subtilis non tam impugnat respectus illos imitabilitatis & participabilitatis propter ideas, quam quia admittebantur ab Henrico, tanquam necessarij Deo ad cognitionem creaturarum: Sed hoc pacto illam improbamus. Essentia diuina non potest esse idea creaturarum, quatenus est imitabilis ab illis, si nulla possit assignari imitabilitas, quæ quasi constituat essentiam diuinam in ratione ideæ: sed nulla potest assignari. Probatur; quia aut illa esset imitabilitas essentię diuinę secundum suum esse formale, vel secundum suum esse eminentiale, ut patet: sed quocunque istorum duorum modorum ponatur essentia diuina imitabilis à creaturis, non potest, ut sic, esse idea illarum: Non primò secundum suum esse formale; quia essentia diuina secundum suum esse formale superat in infinitum creaturas, & non potest creatura esse imitativa essentię diuinę secundum suum esse formale: Nec aliter Deus produceret creaturam ex idea, si produceret illam aspicendo ad essentiam suam secundum suum esse formale, quam si artifex aliquis ex intuitu elephantis produceret muscam; imò longè minùs, ut patet, propter distantiam infinitam, quæ intercedit inter Deum & creaturas. Non etiam essentia diuina est

idea creaturarum, quatenus est imitabilis ab illis secundum suum esse eminentiale; quia quoties producitur aliquid ex intuitu alterius, in quo continetur eminenter, non producitur ex idea; quippe quæ debet esse ipsissima forma imitabilis à re ideata, & non aliud eminentius & perfectius: patet exemplo illius qui produceret plantam ex intuitu hominis, in quo continetur eminenter: clarum est enim quod sic producendo plantam, non produceret illam ex idea. Vno verbo dico cum D. Bonaventura, imitationem, quæ creatura ponitur posse imitari Deum, non esse sufficientem ad rationem ideæ, quia, ut verbis eius utar, in modico potest finitum imitari infinitum: unde semper maior est dissimilitudo, quàm similitudo.

Alij existant essentiam divinam prout est cognitio & similitudo quasi expressa creaturarum, esse eorum idem. Ita Gabriel Vasquez 1. p. dist. 72. cap. 2. Hoc autem non aliter probant, quàm confutatione suppositæ & præcensuræ aliarum opinionum: Quibus confutatis, dicunt nihil superesse quod habeat rationem ideæ creaturarum, nisi essentiam divinam hoc modo acceptam. Improbatur nihilominus, quia hæc sententia supponit creaturas habere esse intelligibile & representatum in essentia divina ante quæcumque actum intellectus divini; quod tamen falsum est: Licet enim creaturæ habeant esse intelligibile virtualiter in essentia divina, ante actum intellectus divini; non habent tamen esse

intelligibile formaliter; aliàs pertinerent ad memoriam Patris, sicque cùm Verbum divinum nascatur de tota memoria Patris, nasceretur de memoria creata, & per consequens esset similitudo & imago creaturæ ex vi suæ productionis; sicque creatura quæ non est necesse esse, esset ratio producendi ut memoria, vel per modum memoriæ, Verbum divinum quod est simpliciter necesse esse; quod tamen est absurdum. Et hæc videtur esse ratio D. Anselmi in Monologio cap. 28. cùm Verbum gignatur de tota memoria, & creatura prius sit in memoria quàm in intelligentia; sequitur quoddam verbum ex vi suæ productionis sit similitudo creaturæ: Et hinc concludit ibidem quoddam Verbum divinum non esset summa veritas, nec per consequens Deus: quia principium productivum eius totaliter & adequatè sumptum, non esset Deus.

Præterea sic ratiocinatur noster Ioannes de Bafolis in 1. dist. 36. q. 1. art. 2. Creatura de se nullum habet esse nec rei nec rationis. Ergo in quocumque esse ponatur, poni debet necessarîo per actum alicuius productivæ potentie; & si illud esse est reale, oportet quoddam potentia sit realiter productiva; si rationis, quoddam sit productiva secundum rationem: sed esse actu & formaliter intelligibile est primum esse in quo creatura potest poni: ergo ponitur in illo, per actum alicuius potentie, & præcipue primæ potentie productivæ, quæ est intellectus; quia istud esse non est reale, sed

Essentia
ut ver-
bū, crea-
turarū
non est
idea ca-
rum cō-
tra Ga-
brielem
Vas-
quez.

rationis. Et certè concipi non potest quo pacto essentia diuina ante actum intellectus diuini, possit esse species expressa, & verbum creaturarum; quia in eo instanti nihilungi potest quod sit expressiuum, & veluti formatiuum creaturarum in esse intelligibili. Solus enim intellectus diuinus per suam cognitionem exprimit & quasi format ipsas creaturas in esse intelligibili; & sic expresse & veluti formatae sunt ideas sui ipsius, quatenus produci possunt in esse reali; vt statim dicemus. Ideoque quantumuis exprimantur & veluti formentur in essentia diuina, per actum intellectus diuini, non potest tamen ipsa essentia esse idea illarum; quia non est expressiua earundem, sed solus intellectus, vt dictum est.

Expli-
carur
quã ra-
tione
veritas
diui-
na pos-
sibile
idea
creatu-
rarum.

Superest examinemus sententiam nostri Seraphici Doctoris D. Bonauenturae, qui docet veritatem diuinam esse ideam creaturarum. Statuit enim hoc discrimen inter cognitionem nostram; & cognitionem diuinam; quodd in cognitione nostra, similitudo rei cognita sit in nobis, & veritas sit in re cognita; proindeque similitudo sit expressiua veritatis; veritas autem expressa per similitudinem: in cognitione autem diuina, veritas sit in cognoscente, & similitudo in re cognita; proindeque veritas sit expressiua similitudinis, similitudo vero expressa per veritatem; & quia ratio expressiua apud ipsum, est idea, idcirco veritas diuina est idea; Itaque veritas diuina, & non essentia, vt male sentie-

Vasquez, iuxta hanc sententiam sit ratio expressa, & veluti verbum creaturarum. Nihilominus si hoc intelligatur de attributo veritatis diuinæ, redit eadem difficultas, quæ de essentia; quia non potest concipi quã ratione ante actum intellectus diuini, veritas ipsa sit expressiua & veluti formatiua creaturarum in esse intelligibili: quare iuxta hunc sensum erit falsa hæc positio. Tamen conformiter Doctrinæ diui Augustini, potest esse verissima & certissima: dicit enim Diuus Augustinus lib. de vera Religione capit. 31. loquens de veritate diuina: *Hæc est, inquit, illa incommutabilis veritas, quæ lex omnium artium rectè dicitur, & ars omnipotentis artificis.* Ex lib. 4. *Musicae: Veritas, inquit, vocatur ars Dei supremi; veritate facta cuncta sunt, omniumque forma veritas.* Vbi nomine veritatis non intelligit Diuus Augustinus simpliciter attributum veritatis diuinæ, sed ipsamet ideas rerum, quas appellat veritatem, propter illarum soliditatem, firmitatem, incommutabilitatem & conformitatem ad producibilia; sed ex his non habetur clarè, quid sit id cui conuenit ratio ideæ; imò hæc sententia, hoc modo explicata, accedere videtur ad opinionem Doctoris Subtilis.

His dictis, iam declaremus & probemus nostram sententiam. Dicimus ergo conceptum obiectiui ipsiusmet rei producibilis, quatenus terminat conceptum formalem, vel representatur in conceptu formali eius, esse ideam eiusdem. Hæc est

prima pars nostræ positionis, quâ nihil aliud dicitur quàm esse cognitum, seu esse obiectivum creaturarum, prout terminat cognitionem divinam, eamque connotat, esse ideam creaturarum producibilem. Altera pars est ipsum conceptum formalem ut terminatum ad conceptum obiectivum, seu cognitionem divinam ut terminatam ad creaturas in esse cognito, esse etiâ ideam creaturarum producibilem. Quod enim de esse cognito, ut terminante cognitionem divinam, dicitur; dici quoque potest de cognitione divina ut terminata ad esse cognitum. Et certè existimo illos omnes, qui constituunt ideas in conceptu formali, illud idem dicturos; ni putarent creaturas vlllo pacto non posse veluti concurrere ad constitutionem idearum diuinarum: Nam hac vel solâ ratione improbant sententiam Doctoris Subtilis & aliorum, qui idem cum ipso sentiunt: sed tolletur hic scrupulus inferids. Diximus autem in conclusione ideam esse conceptum formalem, vel aliud se habens instar conceptus formalis; quod quidem dictum est propter cognitionem divinam, quæ propriè non est conceptus formalis, se habet tamen instar conceptus formalis. Et quidem cùm intellectus diuinus non sit productivus alicuius conceptus formalis, vel verbi cuiusdam essentialis, quod sit idea creaturarum; existimo Doctorem Subtilem hanc rem optimè declarasse, dicendo creaturas productas in esse cognito, obiectivo, & representato per

actû intellectus diuini, esse ipsasmet ideas diuinas: Quamvis enim creaturæ hoc pacto sint obiectum intellectus diuini: habent tamen maximam convenientiam cum nostra specie expressa, & verbo mentis creato: Quia nimirum quemadmodum nostrum verbum mentis formatur ab intellectu nostro, estque terminus actionis eius: ita creaturæ in esse cognito producantur ab intellectu diuino, suntque terminus cognitionis eius. Item, quemadmodum nostrum verbum mentis, practicum scilicet, est representativum rei à nobis faciendæ; ita creaturæ in esse cognito sunt representatiuæ sui ipsius in esse reali, & quatenus sunt producendæ. Mitto alia plura. Diximus insuper conceptum obiectivum ut terminantem conceptum formalem, vel ut representatum in conceptu formali, esse ideam creaturarum, ut ostendamus esse cognitum creaturarum non aliâ ratione esse ideam ipsarum, quàm quia terminat cognitionem divinam; ut etiam dicamus cognitionem divinam ut terminatam ad esse cognitum, habere quoque rationem ideæ; illud enim utrumque tenet Doctor Subtilis, ut constat ex prænotatis. Quamquam igitur sequentes rationes videantur procedere de esse cognito simpliciter; tamen intelligendæ sunt de esse cognito, hoc modo explicato.

Audiamus imprimis sententiam Doctoris Subtilis. *Igitur videtur quòd lapis intellectus, inquit, possit dici idea: ipse enim habet omnes istas condiciones* (loquitur de conditionibus expressis in definitio-

ne ideæ) quia ipse est ratio fallibilis extra propria sibi: sicut arca in mente potest dici ratio respectu arca in materia: & est propria ratio, secundum quam arca in materia formatur: & ista ratio est æterna in mente diuina, ut cognitum in cognoscente per actum intellectus diuini: quidquid autem est in Deo secundum quodcumque esse, sine rei, sine rationis, per actum intellectus diuini, est æternum, sicut declaratum fuit supra, dist. 30. quod nulla relatio potest esse noua in Deo, per actum intellectus sui. Istud videtur sonare cum dicto Platonis, à quo accepit Diuus Augustinus nomen ideæ: Ipse enim posuit ideam quidditates rerum: per se quidem existentes secundum Aristotelem, & malè: secundum Augustinum in mente diuina, & benè: unde loquitur de mundo intelligibili secundum eum. Sicut igitur ponerentur idea, secundum illam impositionem Aristotelis, quidditates rerum; ita ponuntur secundum Platonem, ut videtur, quidditates habentes esse cognitum in intellectu diuino. Hoc posito, non oportet laborare circa relationes aliquas formaliter, siue in essentia, ut est obiectum; siue in essentia, ut est relatio: siue in essentia, ut est intelligere diuinum: quia relationes dicuntur idea; imò ipsum obiectum cognitum est idea secundum istud. Hæc Scotus.

Probat-
tur no-
stra po-
sitioni-
bus O-
chami,
Gabrie-
lis, &
Duran-
di.

Probat-
ur iam nostra sententia
his efficacissimis rationibus Ocha-
mi, Gabrielis & Durandi. Idea
est ratio rei apud intellectum
existens obiectiue, & cuius imi-
tationem aliquid est producibi-
le: Sed creatura ut intellecta à
Deo, se habet ad seipsam, ut est
producibilis ad extra in re, ut

ratio apud intellectum existens
obiectiue; ad imitationem etiam
rei, ut est intellecta produci, ipsa
producitur in re extra; ita quodd
idem ut productum imitatur se-
ipsum ut est intellectum produ-
ci: sic enim & non aliter, pro-
ducitur res extra, sicut præin-
tellecta fuit produci. Ergo crea-
tura ut à Deo intellecta, est idea
sui ipsius, ut est producibilis, vel
producta.

Præterea: sicut in mente diui-
na sunt ideæ omnium creatorum,
sic in mente artificis sunt ideæ
artificiorum: sed idea in mente
artificis, est ipsamet res artificia-
lis, ut præconcepta: Ergo idea in
mente diuina est ipsamet res pro-
ducenda, ut præintellecta. Mi-
nor declaratur auctoritate, & ra-
tione. Auctoritate quidem Ari-
stotelis 7. Meta. ubi dicit, quodd
sanitas in materia, est à sanitate
in anima, ita quodd eadem sanitas,
ut intellecta, est idea sui ipsius, ut
efficta. Ratione autem sic: Nihil
est in mente artificis, ad cuius
imitationem res exterioris produ-
catur, nisi ipsamet res, ut est in-
tellecta: Et si quis hoc neget,
quia artifex faciens arcam, v. g.
facit eam ad similitudinem alte-
rius arcæ, quam vidit, & cuius
conceptum penes se in mente
retinuit, hoc non valet; quia ac-
cidit quodd artifex cognitionem
arcæ hende accepit ex aliqua
prius visa; si enim nunquam ali-
quā vidisset, sed Deus infunderet
ei cognitionem arcæ faciende, ad-
huc produceret arcam per artem,
& per ideam; quæ tamen tunc
non esset nisi ipsamet res, ut in-
tellecta. Nunc etiam accipiente
artifice cognitionem arcæ hende,

Non videtur hic Durandus distinguere inter conceptum formalem & conceptum obiectiuum eiusdem rei faciendæ.

ex arca prius visa, cognitio arcæ visæ non sufficeret ad producendum per artem, nouam arcam, nisi formaretur de arca fienda, nouus conceptus : Conceptus autem de arca fienda, si esset, sufficeret absque conceptu de arca prius visa : Ergo magis habet rationem ideæ in nobis res fienda, vt prius concepta, quàm quæcumque res alia.

Præterea; Idea non ponitur nisi respectu effectus producti per artem, seu per agens per intellectum; sed agens per intellectum non differt ab agente naturali, nisi quia præcognoscit quod producit: illud autem non præcognoscit quod producit : Ergo idea non est aliud quàm res præcognita. Si ergo patet quoddam res creabilis, vt à Deo intellecta, habet rationem ideæ respectu sui ipsius, vt effecta.

Præterea : Creatura est cognita ab intellectu diuino, & Deus ad ipsam aspicit, vt rationabiliter producat; quantumcumque enim Deus aspiceret ad aliud, puta ad essentiam, si non cognosceret suum producibile, ignoranter produceret, & non rationabiliter; & per consequens, non per ideam : Ergo Deus in creaturam verè aspicit, & ipsam aspiciendo, potest eam producere.

Præterea. Illud quo præcognito potest cognoscens rationabiliter producere, & omni alio per impossibile non præcognito, & quo non præcognito, & quantumcumque alio cognito, non potest rationabiliter producere, est verè idea & exemplar. Sed posito per impossibile, quoddam Deus cognosceret creaturam producibilem, & non cognosceret suam essentiam,

si haberet potentiam productiuam; posset verè rationabiliter producere : & quantumcumque deus cognosceret essentiam suam; nisi cognosceret creaturam; non diceretur rationabiliter producere, quantumcumque produceret : Ergo ipsa creatura est idea.

His & aliis similibus rationibus, probatur nostra positio à citatis authoribus, qui non tantum discrimen ponunt inter conceptum formalem, & conceptum obiectiuum eiusdem rei faciendæ, vt si vnus sit idea, alter non sit etiam; in id verò respectu vnus, & eiusdem rei, videntur præsertim Ochamus & Durandus ponere vnicum conceptum, quo intellectus vel sibi fingit, vel sibi representat, & proponit rem faciendam. Neque certè opus est multiplicare huiusmodi conceptus in proposito : Nam experientià constat intellectum per suam cognitionem & intellectiōnem, sibi proponere rem ipsam faciendam, & ad illam aspicere, vt fiat extrà; quod quidem longè facilius est, quàm statuere conceptum aliquem formalem distinctum à conceptu obiectiuo, supra quem reflecti debeat intellectus, ad hoc vt fiat artificiatum extrà : nam sic admittitur conceptus obiectiuus, cum negatur : non potest enim conceptus formalis non esse conceptus obiectiuus illius actionis reflexæ intellectus, vt patet.

Obijciunt nihilominus primò. Obiectio 1. Idea est vera, & realis causa rei quæ fit per ipsam : Ergo non potest esse ipsamet res, quæ postea fit, vt antea erat præconcepta. Antecedens communiter conce-

Obiectio 1. Quæritur præcipuum fundamentum

cicci
Seatez,
& Ga
brielis
Vaf.
quez.

Solu-
tio.
Vnum
& idem
potest
esse cau-
sa sui.
ipſius in
genere
cauſæ
exem-
plaræ,
& fina-
lis, &
quare.

ditur. Conſequentia probatur. Vnum & idem non poteſt eſſe cauſa ſuiipſius. Nihil enim gignit ſeipſum ex D. Auguſt. 1. de Trinit. cap. 1.

Reſpondeo, conſeſſo antecedente, negando conſequentiam; & ad probationem dicendo vnum & idem non poſſe eſſe cauſam ſuiipſius in genere cauſæ efficiētis, de quo eſt intelligendus D. Auguſtinus; bene tamen in genere cauſæ exemplaris, & in genere cauſæ finalis: quia ad hoc vt aliquid ſit cauſa in genere cauſæ efficiētis, ſupponitur eſſe ſecundum ſuum eſſe reale; ad hoc autem vt aliquid ſit cauſa in alijs duobus generibus, ſufficit quod ſit ſecundum aliquod eſſe cognitum; cui, vt ſic, non repugnat cauſare ſeipſum ſecundum eſſe reale; præſertim cum eius cauſalitas conſiſtat in cognosceſſi vel obijci; vel in motione quâ mouetur agens ſecundum illud eſſe cognitum rei ſciendæ, vel habendæ.

Statuunt aliqui diſcrimen inter cauſam finalem, & cauſam exemplarem quo ad hoc, quod ſinis vt apprehenſus non diſtinguatur neceſſariò à ſeipſo, ſecundum eſſe reale: At cauſa exemplaris debet eſſe aliquid diſtinctum à re faciendâ; quia exemplar ſeu idea eſt id, ad cuius imitationem ſit aliquid; nihil autem ſit ad imitationem ſui ipſius. Reſpondeo tamen hoc diſcrimen nullum eſſe; nec intercedere diſtinctionem neceſſariò inter ideam, & rem ideatam; proindeque vnum & idem poſſe fieri ad imitationem ſui ipſius ſecundum aliud & aliud eſſe; fieri quidem

ſecundum eſſe reale: ad imitationem verò ſui, ſecundum eſſe cognitum; cum nimirum res extra correfpondet omni ex parte, ſibi ipſi vt præſuit in intellectu: & ſic etiam vna & eadem res proponitur imitanda, & eſt ſi mul faciendâ; imitanda quidem ſecundum eſſe cognitum; faciendâ verò ſecundum eſſe reale.

Alij dicunt ideam non poſſe eſſe ipſam rem faciendam, quatenus eſt cognita; propterea quod munus ideæ ſit dirigere actionem agentis quoad ſpecificationem: hoc autem munus, inquirunt, non eſt obiecti cogniti, ſed cognitionis eius, quatenus in illa continetur, in eſſe repræſentatiuo. Sed nec iſtud valet. Eſto enim exemplar dirigat actionem agentis; falſum eſt munus iſtud non poſſe competere obiecto cognito: quemadmodum enim ſinis cognitus mouet agens ad agendum; ita res cognita dirigit agens, illudque determinat ad operandum; nec in hoc vlla apparet difficultas. Obijcitur 2. Diuus Auguſtinus multas enumerat proprietates Idearum; vt quoddam videlicet ſine illis nemo ſapiens & beatus eſſe poſſit; quoddam neque oriantur neque intereant; quoddam ſine æternæ; quoddam verè ſint, & cæt. Hæc autem competere non poſſunt creaturis cognitæ. Ergo ideæ non ſunt creaturæ in eſſe cognitæ. Reſpondeo negando minorem: Nam etiam ſine creaturis cognitæ præſertim vt connotantibus & terminantibus cognitionem diuinam, nemo poteſt eſſe ſapiens omni ex parte, nec etiam beatus, ſaltem beatitudine

Quo-
modo
vna &
eadem
reſpoſ-
ſit pro-
poni
imitan-
da, &
eſſe ſi-
mul fa-
cienda:

Obiectio 2.
deſum-
pta ex
proprietatibus
Idearum
quas
reſert
D. Auguſt.

Solutio.

accidentali

accidentali ea extēfina. Item, creaturæ cognitæ sunt æternæ; quia ut dicit noster Ochamus, sunt æternaliter, immotaliter immutabiliter & infæctibiliter intellectæ. Item, verè sunt; hoc est, verè intelliguntur. Item, neque oriuntur, neque intereunt; quia creaturæ neque de nouo incipiunt, neque postea desinunt intelligi à Deo; sed semper & immutabiliter intelliguntur, ad differentiam idearum nostrarum quæ nunc oriuntur, mox desinunt; quia incipiunt & desinunt à nobis intelligi.

dictis non est idea, nisi quatenus connotat cognitionem diuinam, quæ realis est; vel etiam ratione significati principalis, si idea ponatur ipsamet cognitio diuina, seu ut alij loquuntur, conceptus formalis eiusdem creaturæ, ut terminatus ad creaturam cognitum. Et sic ad minorem dicitur creaturam secundum esse cognitum, esse realem ratione connotati, videlicet cognitionis diuinæ quæ connotat & terminat; quod sufficit, ut dicatur idea esse forma realis.

Obijcitur 5. Idea est ratio cognoscendi obiectum; at creatura cognita non est ratio cognoscendi; imò potius est obiectum cognitum. Ergo creatura cognita non est idea. Respondent Doctor Subtilis, & Ocham negando maiorem: nec enim ponitur à D. Aug. idea ratio cognoscendi,

Obiectio 5.

Solutio.

sed ratio secundum quam aliquid est formabile ad extrā. Quod si alicubi reperiatur ideam esse rationem cognoscendi; id sic debet intelligi, quasi sit ratio terminandi cognitionem, non mouendi ad cognitionem: quia nimirum est terminus cognitionis, non vero ratio per quam aliquid cognoscatur: & ex eo confirmatur, quia essentia diuina, vel sub ratione causæ, vel sub ratione speculi, vel sub alia ratione cognita Theologis, est ratio sufficiens cognoscendi creaturas.

Ideæ non sunt rationes cognoscendi, sed faciendi.

Obijcitur 3. Sacrilegum est asserere Deum villo modo dependere à creaturis: sed si creaturæ cognitæ essent ideæ, dependeret à creaturis; quia omnis artifex dependet ab ideis in operando. Ergo ideæ non sunt creaturæ cognitæ. Respondeo concessā maiore, negando sequelam minoris; & ad probationem, dicendo artificem infinitum non indigere ideis in operando; illas tamen præhabere non ex indigentia, sed ex maxima perfectione; quia nimirum repugnat illi operari aliquid extrā, nisi cognoscat illud, & illud rationabiliter producat.

Obijcitur 4. Idea est forma realis in Deo: sed creatura secundum illud esse cognitum & obiectuum, non est quid reale, sed rationis, ut diximus superius: Ergo creatura cognita non est idea. Respondeo distinguendo maiorem, scilicet ideam esse formam, aut veluti formam realem in Deo, vel ratione connotati, si ponatur conceptus obiectiuus creaturæ, qui quidem ex

Obiectio 4.

Dubitabis an, cum dixerimus etiam cognitionem diuinam, ut terminatam ad creaturas in esse cognito, esse quoque ideam illarum, omnis cognitio diuina terminata ad aliquod obiectum se-

Cc

cundarium, habeat rationem ideæ? Respondeo quòd non: sed ex sola quæ terminatur ad obiectum secundarium producibile à Deo. Hinc malorum & priuationum non sunt ideæ; multo minus essentiae diuinæ, quæ est obiectum primum, & quæ non est aliquid producibile.

rendo, quærimus quid sit?

Prænotandum 2. existentiam actualem non esse potentiam neque subiectiuam, neque obiectiuam; sed esse actum aliquem, ut docet Scotus in 2. dist. 3. qu. 3. quia per ipsam, essentia quæ prius erat possibilis, fit actu formaliter, & quia quasi complet aut perficit essentiam, educendo illam, è sinu suarum causarum, & faciendo illam extrà illas sistere: Vnde existere dicitur quasi extrà sistere; & existentia quasi extrà sistens. Sed cum multiplex sit actus, alius Physicus seu informans, & alius Metaphysicus seu finiens; & tam Physicus quam Metaphysicus alter sit substantialis, alius verò accidentarius, alius primus, alius ultimus: Dubitatur quis vel qualis horum sit?

QVÆSTIO XVIII.

Quid sit Existentia?

Existentia præsertim rei creatæ procedit quæstio: cum enim forte in sententia nostra, existentia diuina

sit prædicatum essentiale diuinitatis, existentia autem creata non sit prædicatum essentiale creaturæ, ut dicit Doctor noster in 2. dist. 3. qu. 3. de hac utraque existentia, pro nunc æqualiter differere non possumus.

Existen-
tia &
esse idē
signifi-
cant.

Prænotandum itaque 1. illud quod nos vocamus existentiam, ab alijs vocari esse. Inde apud illos, compositio ex esse & essentia, si quæ sit, est compositio ex existentia & essentia: Verum cum multiplex sit esse, aliud essentia, aliud existentia, & aliud subsistentia, ut habet Doctor noster multis in locis, sed præsertim in 3. dist. 6. qu. 1. ut distinctius loquamur; melius erit cum de esse disputabitur, distinguere de quoniam esse erit sermo: & ita distinctè hic procedentes, non de esse simpliciter, sed de esse existentia, seu de existentia disle-

Prænotandum 3. existentiam posse ad varia comparari, scilicet vel ad essentiam cuius est existentia, vel ad illud quod præcessit essentiam quam afficit, quod est nihil, vel ad potentiam obiectiuam, vel ad causas producentes essentiam, vel ad seipsam, vel ad alia, non prout sunt simpliciter, sed vel prout causant, vel prout causantur, vel prout aliquid aliud præstant. Et secundum has varias comparationes, varias etiam sortitur rationes.

Prænotandum 4. pro intelligentia rationis quam sortitur, prout ad seipsam comparatur; eorum quæ sunt, aliqua esse hoc ipsum quod est, alia esse hoc, quo id quod est, esse dicitur: v. g. Dantur quædam quæ differunt, & alia quibus differentia differunt; Item, dantur quædam quæ

Existen-
tia non
est po-
tentia,
sed a-
ctus.

Existen-
tia ad
varia
compara-
tur.

Ratio
quæ, &
ratio
quæ: seu
id quod
& id
quo.

sunt alba, & alia quibus illa sunt alba: Et est inter illa hoc discrimen, quoddam eorum quæ differunt, dantur semper vltiores rationes, per quas ipsa differunt; diuersorum autem seu eorum quibus illa differunt, non dantur vltiores rationes differendi; quia sic, esset processus in infinitum, qui vt tollatur, deuenitur tandem ad aliqua, quibus alia differunt, & quæ se ipsis sunt primò diuersa; Et de omnibus alijs rebus, ita philosophandum est. His positis, sit.

Prima Conclusio.

Descriptio
existen-
tiae.

EXistencia, comparata ad essentiam, describitur actus Metaphysicus totalis, per quem tota res quæ prius fuerat in potentia obiectiua, in suis causis, & propriè nihil, sit actu, & ponitur extra suas causas, & extra nihil. Hæc descriptio sumitur ex nostro Alexandro Alenf. 7. Metaphysic. text. 22. Declaratur simulque probatur. Res antequam à Deo producat, hoc tantum habet quoddam potest produci, & vt sic dicitur habere esse non prohibitum, vt loquitur Alexander, seu esse possibile, vt loquitur Scotus: Cum autem producta est, non est amplius possibilis solum, sed est actu, & prout est actu, dicitur existere: quod sit vt existencia non sit aliquis actus partialis, cuiusmodi est forma physica, vel differentia aliqua, quæ supponit aliquid, putà vel materiam, vel genus in quo veluti recipiatur, & cui accadat; sed est ipsamet res realiter quæ producta est:

Quomodo
existen-
tia dic-
tatur
actus.

prout actu producta est: & eà ratione dicitur actus, quia correspondet potentiae obiectiuae, & totaliter actuatur id quod antea totum & totaliter fuerat possibile. Et ex his quidem iam satis impugnari posset illud esse receptum, de quo loquitur Cajetanus de ente & essentia cap. 5. Sed commodius impugnabitur, vbi agemus de distinctione existentiae ab essentia.

Pondò existentiam non esse actum physicum seu informantem, ex eo patet, quia actus physicus seu informans distinguitur realiter à subiecto in quo suum effectum formalem exercet, & cum eo facit veram & realem compositionem: At existentia non distinguitur realiter ab essentia. Deinde actus physicus & informans est pars essentialis rei naturalis; existentia vero nullius rei est pars essentialis: ergo existentia non est actus physicus. Restat itaque vt sit actus Metaphysicus; tum quia est transcendens & abstrahens ab omni materia, tum quia actuatur & complet rem modo quodam improprio, qui non potest aliter quam generaliter & Metaphysicè explicari.

Sic itaque existentia respectu essentiae dicitur actus, quia illum suo modo perficit & actuatur. Nihilominus etiam per habitudinem ad potentiam obiectiuam, dici potest etiam actus; quia potentia & actus sese mutuo respiciunt: & quia antequam res sit extra suas causas, dicitur esse in potentia obiectiua, quia nimirum est obiectum potentiae & virtutis earum; ita postquam

Existen-
tia non
est
actus
Physi-
cus.

Existen-
tia est
actus
respe-
ctus
essentiae,
& res-
pectus po-
tentiae
obiec-
tiuae.

Cc ij

posita est rei extra suas causas, dicitur esse in actu, quia potentia illa obiectiua redacta est ad actum, modo superius explicato.

Existētia ut comparata ad nihil, est realitas. Per habitudinem autem ad nihil, dicitur propriè realitas: quemadmodum enim antequam res sit, concipitur à nobis nihilitas tanquam forma priuatiua efficiens ipsam; ita postquam est, concipitur realitas illi opposita, tanquam forma vel modus etiam efficiens ipsam.

Per habitudinem autem ad causas vel producentes vel conseruantes essentiam, fortè ut sentit noster de Bâsôlis in 3. Dist. 6. q. vnicâ: existentia suprà essentiam, nihil addit nisi respectum aliquem ad ipsammet causam.

Porro determinandum est iam an existentia dici debeat actus accidentalis, nec ne? Iterum, An dici debeat actus vltimus, vel non vltimus essentiae? Quod spectat ad primum, existentia propriè dici non potest actus accidentalis; aliquo modo tamen dici potest accidentalis. Vtraque pars huius propositionis est expressa Doctoris Subtilis in 2. dist. 3. q. 3. Prior pars est aduersus Auicenam 5. suæ Metaphysicæ, &, ut credit Suarez, aduersus Thomistas, qui distinguunt existentiam realiter ab essentia, asserunt existentiam esse quoddam accidens pertinens ad certum quoddam prædicamentum, quando, vel quantitatis; quorum fundamentum est, quia duratio & existentia idem sunt? Nam durare nihil aliud est, quàm existere: Sed

duratio est accidens rei quæ durat, & propriè collocatur in prædicamento quantitatis, sub specie temporis, si duratio successiua sit; vel in prædicamento, quando, si sit alterius rationis: ergo & existentia. Nihilominus contra hanc sententiam, ita probatur ista propositionis pars. Existentia substantiæ non est accidens substantiæ: Ergo in vniuersum, existentia non est accidens eius, cuius est existentia. Consequentia tenet. Antecedens probatur. Generationis terminus est esse existentiae in substantia, vel aliquid substantiale habens tale esse, ut habet Scotus in 3. dist. 6. q. 1. ex Aristotele 5. Physicorum. Sed nullus terminus generationis neque formalis, qualis posset poni existentia, neque totalis, cuiusmodi est illud quod habet esse existentiae, est accidentalis: Ergo esse existentiae non est accidens substantiæ. Confirmatur; quia aliàs, omnis essentia substantialis existens esset vnum per accidens, & non per se, quod est absurdum. Addit Suarez. Si existentia esset accidens; Ergo vel commune, vel proprium: Non primum; quia accidens commune potest abesse absque subiecti corruptione, & prouenit ab extrinseco subiecto præexistenti. Neque etiam potest esse accidens proprium; quia proprium consequitur, & resultat ex re iam existente: & idèd nō per se ptimò fit per generationem, vel creationem, sed resultat ex re producta per generationem vel creationem. Itaque existentia substantiæ non est ac-

Existētia non est actus accidentalis.

cidens substantiæ, sed modus eius. Et idem seruata proportionem dici debet de existentia accidentis: illa enim est existentia substantialis, & hæc existentia accidentalis.

Tandem impugnando illam rationem Thomistarum, sic argui potest. Existentia non minus latè patet quam ipsum ens: at ens non pertinet ad certum genus, sed transcendit omnia genera. Ergo & existentia.

Quid addat duratio supra existentiam.

Respondendo nunc ad illam; dico existentiam & durationem differre: Nam existentia denotat tantum rem esse actu extra suas causas: Duratio verò significat mensuram & continuationem huiusmodi existentie: quare duratio dicitur existentia continuata; vt continuata.

Quomodo existentia dici possit actus accidentalis.

Altera pars eiusdem propositionis probatur. Id enim quod est extra rationem quidditativam alterius, dicitur aliquo modo accidens ipsi: Et eo sensu dixit Philosophus in Prædicamentis cap. de relatis, hominem accidere domino, quia non est de essentia domini, quatenus dominus est; & dicimus differentiam accidere generi. Sed existentia non est de ratione quidditativa eius, cuius est existentia. Ergo cā ratione, licet minus proprie, dici potest accidentalis ipsi. Confirmatur ex Alexandro Alensi 5. Metaphysic. text. 14. fol. 121. columnā mihi 4. in principio. Existentia est extra conceptum prædicamentorum; & questio, vtrum res existat, vel non existat? questio de accidentali est, accipiendo accidentale non quod est in prædicamento accidentis,

sed quod est extra conceptum rei.

Ex his sequitur quod cōm existentia non habet propriam aliquam sedem in Categorijis, neque sit proprium accidentis essentie cuius est existentia; vel transcendit omnia prædicamenta, sicut ens ipsum, vel reducit ad illud prædicamentum, ad quod spectat essentia cuius est existentia; Et ita existentia substantie reducitur ad prædicamentum substantie; existentia quantitatis ad prædicamentum quantitatis, & sic de cæteris. Non quod res existens vt sic, sit aliquod ens prædicamentale: quia ex Doct. Subt. in 2. dist. 4. q. 3. antequam concipiatur vlla existentia, completur tota coordinatio prædicamentalis. Constat enim huiusmodi coordinatio ex solis gradibus quidditativis; cuius conditionis non est existentia: Sed quia ex quibus coalescit eadem coordinatio, debent existere, vel posse saltem existere: vnde ex impossibilibus, quibus repugnat existentia, non constituuntur genera & species prædicamentales. Ita etiam scire non ster de Bassolis in 3. dist. 6. q. vnicā art. 1. 16. Dico igitur his verbis: Tercio dico; quod est actualis existentia semper ad idem genus & prædicamentum pertinet cum essentia; Aliter tamen; quia essentia per se, existentia autem per reductionem pertinet. Ex quo patet quod accidit rei vt ponitur in prædicamento, quod existat; pro tanto, quia licet non sit actu in prædicamento metaphysico, nisi actu existat; non tamen per rationem existentie est in prædicamento sed magis per rationem quiddi-

Existētia non spectat per se ad ordinationem prædicamentalem.

tatis vel essentia. Idem habet Alexander Alensis, loco superius citato.

Quo- Quod spectat ad secundum: **modo** Doctor Subtilis in 2. dist. 3. q. 3. docet existentiam esse actum ultimum rei; cuius ratio est, quia existentia est posterior omnibus gradibus essentialibus & quidditativis uniuscuiusque rei, cum adveniat essentiae completæ in ratione essentiae. Negari tamen non debet quin respectu eorum quæ consequuntur essentiam, siue illa sint proprietates, siue operationes, siue alia accidentia, existentia habeat potius rationem primi actus, quàm ultimi.

Qua- Addamus aliquid aliud; & **ratione** dicamus, quodd interdum etiam **dici** existentia per habitudinem ad **possit** essentiam quam modificat, dicitur **existē-** modus seu gradus intrinsecus essentiae. Ita noster Lichetus in fine Commentarii ad 2. sentent. Doctoris Subt. dist. 3. q. 3. Et hoc quidem sanè debet intelligi. Non est enim existentia modus aliquis adveniēns rei iam constitutæ; quia ante existentiam res non est. Nec est etiam propriè res ipsa aliter tantum se habens; quia rem nunc aliter se habere, supponit eam antè aliter se habuisse quàm nunc se habeat. Res autem antequam existat, propriè non se habet aliter quàm cum existit: Quia antequam existat simpliciter non est, dicitur tamen per existentiam aliquo pacto res se habere aliter quàm prius: quia per existentiam sit actu extra suas causas, cum antè non esset extra suas causas. Entitas itaque quæ subest his alienatibus, non, est

entitas aliqua realis aliter & aliter se habens, sed est sola quidditas rei abstrahens à possibili- tate & actualitate, quæ censetur modi eius ut sic abstractæ: Qui enim concipit hominem existere v. g. non tantum concipit naturam humanam; sed quædam modum adhibet, sub quo concipiatur; putà extra suas causas: ideòque respectu quidditatis propriè & essentiae, dicitur existentia modus, quatenus, ut loquitur Doctor noster in 2. dist. 3. q. 3. in fine, est extra, & sequitur totum esse quidditativum rei: & hæc ratio explicandi quomodo existentia sit modus, sumitur clarè ex nostro Alensii loco citato.

secunda Conclusio.

Existentia comparata ad seipsam, dici potest ratio sibi ipsi existendi eo modo quo potest ei competere ratio existendi: hæc conclusio patet ex 4. prænotato, & declaratur exemplo unitatis: quemadmodum enim unitas est quæ aliquid est unum, & est etiam sibi ipsi ratio cur sit una: Ita existentia est alteri & sibi ipsi ratio existendi.

Tertia Conclusio.

Per habitudinem ad nostras locutiones, existentia describi potest id per quod responderetur ad quæstionem, An sit? declaratur. Quemadmodum enim essentia est id per quod responderemus ad quæstionem; quid sit? ita existentia est id per quod responderemus ad quæstionem: an sit?

Existē-
tia est
id per
quod
respon-
demus
ad quæ-
stionē;
An res
sit?

Quæ-
stio, an
sit? non
quærit
tantum
existen-
tiam
actuale,
sed etiā
existen-
tiam
possibi-
lem.

Et id certè debet intelligi tam de existētia possibili, quàm de existētia actuali, quicquid aliter sentiat Suarez: Nam cùm quæritur: An res sit? non quæritur solum an sit acta: sed, an possit esse: Cùm per eiusmodi quæstionem, existētiā siue possibilem siue actualem, indifferenter quæramus.

Optimā tamen difficultate pulsus est Suarez ad id negandum: Quia, inquit, ratio entis consistit in possibilitate existendi, seu in posse esse; Ratio autem entis est prædicatum quidditativum rei quæ est ens. Ergo quæstio de possibilitate existendi, seu de posse esse, erit quæstio de aliquo prædicato quidditativo, licet communissimo: Idcoque, ut sic, quæstio an est? non distinguetur à quæstione quid est? atque adeo quæstio an est? quærit tantum existētiā actualem, & non possibilem. Sed huic difficultati occurritur, dicendo ipsum quidem quod potest esse, prædicatum esse quidditativum & essentiale; ipsam tamen possibilitatem existendi, in qua consistit ratio existētiæ possibilis, non esse prædicatum quidditativum. Quemadmodum enim in entitate actuali, distinguimus id quod est, ab eo quo est: Ita in entitate possibili distinguimus id quod potest esse, ab eo quo potest esse; quamvis hæc duo realiter idem sint, ut dicamus prius esse prædicatum quidditativum; posterior autem esse modum eius: Quare cùm dicitur rationem entis consistere in posse esse; hoc indiget explicatione: vel enim intelligitur rationem entis consi-

stere formaliter in ipsa possibilitate, seu non repugnantia existendi; ita ut ens sit formaliter id quo aliquid potest esse: & sic falsa est propositio. Vel intelligitur rationem entis esse id quod potest esse, quod non repugnat ut sit, seu cui potest existētia competere: & hoc pacto verum est rationem entis consistere in posse esse.

Quarta Conclusio.

Existētia comparata ad quædam alia, est eis conditio necessaria & intrinseca, per quam hoc vel illud præstant: puta comparata ad materiam, ad formam, & ad causam efficientem, est eis conditio necessaria, sine qua causare non possunt. Hoc autem ita breviter innotat. Materia & forma imprimis non causant, nisi illa recipiendo formam, hæc perficiendo materiam, & simul seipsis constituendo totum aliquod actu existens: sed hæc præstare non possunt nisi sine actu: Ergo nisi existant. Maior est certa. Minor probatur. Quod non est actu, est nihil: quod autem est nihil, non potest hoc modo causare; quia huiusmodi causalitas exercetur per exhibitionem propriæ entitatis causarum: Ergo materia & forma non possunt causare, causalitate sibi propria, nisi sint actu.

Suadetur etiam de causa efficiente, quæ non causat nisi operando, vel producendo aliquid ex propria sua virtute & potentia: quod certè intelligi non potest, nisi sit actu: nam omne operari præsupponit esse. Hoc autem

Existē-
tia a-
ctualis
requiri-
tur in
materia
forma,
& cau-
sa effi-
cientem,
ut suas
causalita-
tes exer-
ceant.

Existē-
tia pos-
sibilis
& futu-
ra suffi-
cit ad
causalita-
tatem suā.

idēd non desideratur ad causam finalem; quia causalitas finis non consistit in exhibitione propriæ entitatis, aut in exercitio propriæ virtutis; sed in motione quadam metaphorica, ad quam sufficit esse possibile, modō cognoscatur & apprehendatur ab agente propter finem. Sed de his subtilis Physici.

QVÆSTIO XIX.

Quæ sint causæ Existentiæ?



EXISTENTIA qui distingui volunt existentiam realiter ab essentia, multa satis absurda dicunt de causis

materiali & formali existentia, quæ prolixè confutat Suarez tom. 2. Metaphysic. disp. 31. sect. 8. Verū quia omnia ista sunt parui momenti, & parum conducunt ad explicationem doctrinæ nostri Doctoris; idēd etiam in illis non immoror. Tantū, priusquā alias causas existentia, si quas habeat explicem, moneo non esse controversiam primō inter auctores de causa materiali existentia propriè dicta; Cū enim existentia non sit compositum aliquod Physicum, non potest habere causam materialem propriè dictam; sed esse controversiam de causa materiali sumpta pro subiecto recipientē; quod Thomistæ, teste Caietano de ente & essentia ca. 5. volunt esse essentiam, in qua dicunt recipi esse existentia, quod

appellant esse receptum; tantū in proprio receptivo: quod tamen ex eo patet esse falsum, quia nec essentia possibilis, nec essentia actualis potest esse receptiva huiusmodi esse. Non essentia possibilis; quia illa nihil est. Non etiam actualis; quia receptivum distingui debet, ut sit, a receptibili: essentia autem actualis non distinguitur ab esse existentia, quod Caietanus fingit esse illud esse receptum, vel receptibile: quia essentiam esse actua-lem, est essentiam existere: Ergo nullā ratione potest essentia esse subiectum receptivum existentia. Solum potest a nobis concipi, licet satis improprie, vntm & idem, quatenus est id quod est, esse veluti receptivum sui ipsius, quatenus aliā ratione est, subiectio essendi. Res enim existens est id quod est, & existentia est sibi ipsi ratio existendi.

Moneo similiter non esse controversiam de causa formali propriè dicta, propter eandem rationem; sed de aliquali causa formali, qualem potest habere existentia. Dicunt tamen Thomistæ formam compositi naturalis, esse etiam formam existentia. Sed hoc intelligi non potest nisi dicatur (quod tamen ipsi non dicunt) quod quia esse totius compositi naturalis, & eius existentia non distinguuntur re: cū forma sit causa formalis illius esse; consequenter erit causa formalis existentia totius illius compositi. Et hoc modo, possunt intelligi auctoritates Aristotelis, quas illi afferunt pro sua sententia, ut est illa 5. Metaphysic. cap. 8. Alio verō modo

Confutatur esse receptivum Caietani.

Existencia non habet formā propriā.

Existencia non habet materiā propriā dictam.

Forma compositi non habet propriā formā existentia.

quodcumque fuerit causa existentie talibusque inexistentibus, quæ non dicantur de subiecto, ut anima animali. Anima enim quæ est causa formalis totius animalis, potest etiam dici causa existentie animalis; quia animal & sua existentia sunt vnum realiter: Quamquam illa authoritas & aliæ verius intelligantur de esse essentie, quàm de esse existentie. Habet enim textus citatus Græcus ἄλλοι δὲ τῶν πρὸς αὐτὸν ἀρτοὶ τοῦ εἶναι. *Alii verò modo, quodcumque fuerit causa ipsius esse.* Quia nimirum essentia rei principalis est à forma quàm à materia; & secundum hanc interpretationem nihil tenent Thomistæ. Melius est itaque dicamus causam formalem existentie esse ipsam suam rationem & quidditatem; sicut possemus dicere causas formales actuum simplicium, & etiam formarum, esse ipsas suas rationes. Et sic esse id, quo res existit & est actu; erit causa formalis existentie.

Aliam causam finalem existentie non possum assignare à causa finali essentie, nimirum gloriam Dei, & decorem vniuersi, propter quæ res à Deo conditæ sunt. Superest igitur, ut de causa efficiente eius pauca disputemus.

Prænotandum itaque causam efficientem ipsius esse simpliciter, esse causam effectricem existentie: quia, vel per esse simpliciter intelligitur essentia rei, quæ per veram aliquam efficientiam ponitur extra nihil; & sic nulla potest esse causa talis esse, quæ non sit etiam causa existentie,

quia existentia & eiusmodi esse re non differunt: vel per esse simpliciter creaturæ, de quo solum loquimur, intelligitur vtrumque esse tam essentie, quàm existentie: & sic adhuc clarius est causam effectricem esse, esse causam efficientem existentie: vel per ipsum esse, intelligitur ipsamet existentia; & sic querere causam efficientem esse, est querere causam efficientem existentie. Et hoc cā ratione præmonco, quia controuersia de causa efficiente existentie oritur ex controuersia de causa efficiente ipsius esse. Ea propter etiam dirimemus controuersiam quæ tangit causam efficientem ipsius esse, quia ipsa communius agitur in Scholis.

Recentiores quidam D. Thomæ discipuli dicunt solum Deum esse causam efficientem ipsius esse. Ita Bannez 1. p. q. 43. dubio 4. & quidam alij, qui censent D. Th. etiam in ea fuisse sententia multis in locis, sed præsertim 1. p. qu. 45. art. 5. quamquam Caietanus in Commentario huius articuli, & Ferrariensis 2. contra Gentes, cap. 21. & post ipsos etiam Suarez tom. 2. Metaphysic. disput. 31. sect. 9. num. 5. doceant D. Thomam non ita sensisse; imò falsitatis arguant Doctorum Subilem, quod in 4. dist. 1. qu. 1. putauerit ipsum ita sensisse. Verum eo loci parum curat Scotus quid alibi aliter de hoc proposito senserit D. Thomas: solum huic rei intendit, ut probet rationem D. Thomæ quā nititur ostendere creaturam non posse creare, esse insufficientem. Dicebat enim D. Thomas eo lo-

Isti auctores falsè imponunt Scoto, quod impossibile facit D. Thomas.

Causa ipsius esse est causa existentie.

ci, scilicet 1. p. qu. 45. art. 5. Esse est proprius effectus primæ & vniuersalissimæ causæ, quæ est Deus: Ergo creatio est propria actio solius Dei. Consequentia tenet; quia creatio est ad esse simpliciter: Antecedens sic probat: Effectus vniuersaliores reduci debent in causas vniuersaliores: sed inter omnes effectus, ipsum esse est vniuersalissimus effectus. Ergo debet reduci in causam vniuersalissimam. Ergo est proprius effectus vniuersalissimæ causæ; & per consequens Dei. Et confirmatur: quia in libro de causis dicitur, quod nec intelligentia, nec anima rationalis dat esse, nisi in quantum operatur operatione diuinâ.

Scotus ostendit subtilissimè hanc propositionem: effectus vniuersalissimus reuocari debet in causam vniuersalissimam, esse maiorem intellectum & virtutem ad probandum creaturam hunc posse creare.

Ad hanc ratiocinationem respondet Doctor noster, quod author illius, vel intelligit ipsum esse in vniuersum, esse proprium effectum Dei; vel intelligit quodcumque etiam esse particulare, esse proprium effectum Dei. Et quidem suppono, inquit, quod non intelligat primum; quia assertor prædictam rationem respondendo ad quandam questionem dubitabilem: nullus autem dubitauit vnquam quin omne esse creabile & producibile, in tota sua latitudine sit proprius effectus Dei: quia si aliqua causa secunda posset in omne esse creabile & producibile, secundum totam suam latitudinem, posset in seipsam, cum & ipsa sit ens quoddam creabile, vel producibile. Adde quod argumentum eius nihil concluderet. Non enim sequitur: Solus Deus potest in omne creabile, & producibile secundum totam

suam latitudinem: Ergo causa secunda non potest in hoc, vel illud creabile, aut producibile: Sicut non sequitur: Petrus non potest producere omnes homines, quia produceret seipsum: Ergo non potest producere hunc hominem. Restat itaque ut secundum intelligat; nimirum esse quodcumque particulare, esse proprium effectum Dei: ita ut ita causetur in rebus à solo Deo, ut cætera agentia non efficiant ipsum. Si enim hoc non intelligat, certè nulla est eius ratiocinatio. Hoc est autem quod improbat Doctor Subtilis. Siue itaque aliter alibi senserit D. Thomas, siue non; Scotus non curat. Sed vult solum quod si D. Tho. intelligat esse quodcumque particulare, ita esse proprium effectum Dei, ut ad ipsum causam secunda non concurrat, quemadmodum multi volunt Diu. Thomam sensisse, & necessarium est sensisse, ut argumentum eius aliquid concludat; malè intellexit. Si autem intellexit esse omne creabile, vel producibile in vniuersum, & secundum totam suam latitudinem, esse proprium effectum Dei; dicit quod nec de hoc aliquis dubitat, nec argumentum eius aliquid concludit, ut ostensum est. Patet itaque quod Scotus nihil falsè imposuit D. Thomæ.

Prima Conclusio.

Solus Deus est causa efficiens simpliciter esse producibilis, aut creabilis sumpti in tota sua latitudine; & per consequens est causa efficiens existentie sumptæ in tota sua latitudine. Probatur 1. Nullum agens à Deo est causa

Solus Deus est causa efficiens existentie sumptæ in tota sua latitudine.

efficiens talis esse; esset enim causa sui ipsius, cum omne agens à Deo contineatur sub ente producibili vel creabili: ergo solus Deus est causa efficiens talis esse.

Probari potest secundò ratione superius allatâ D. Thomæ; quia nimirum effectus vniuersalissimus reuocari debet in causam vniuersalissimam. Sed, ut rectè notat Doctor Subtilis, illa ratio nihil valet, nisi vniuersalitas effectus, & vniuersalitas causæ sumantur difformiter: nam si sumantur vniformiter, & dicatur effectum vniuersalissimum in prædicando, quale est ens, reuocari debere in causam vniuersalissimam in prædicando, ut est Deus; hoc nihil erit dicere; quia Deus non est causa vniuersalissima in prædicando. Si etiam dicatur effectum vniuersalissimum in perfectione, quale est ens, reuocari debere ad causam vniuersalissimam in perfectione, qualis est Deus, nihil etiam erit dicere; quia esse non est effectus vniuersalissimus in perfectione; quia inclusum nunquam est perfectius includentibus, cum eius ratio sit semper ratio includentis; esse autem includitur in omnibus; ergo non est perfectius ijs in quibus includitur. Si autem sumantur difformiter, & sensus sit effectum vniuersalissimum in prædicando, reuocari debere in causam vniuersalissimam in perfectione, qualis est Deus; poterit quo ad præsens institutum, aliquid concludere ratio D. Thomæ; quia non potest nisi causa perfectissima producere quod-

cumque factibile; non tamen concludit id quod D. Thomas intendebat per eam concludere, ut acutè demonstrat Scotus in 4. dist. 1. q. 1.

Secunda Conclusio.

DEUS solus non est causa efficiens esse cuiuslibet rei creatæ; sed etiam causæ secundæ verè ac propriè efficiunt esse suorum effectuum prout ab ipsis fiunt. Conclusio est aduersus quosdam Thomistas: existimat tamen noster Herrera in 2. disput. 3. q. 3. non esse contra D. Thomam, quem affirmat expresse hanc sententiam amplecti multis in locis; præsertim autem 3. contra Gentes, cap. 66. Sed quid sit de mente D. Thomæ, ita probatur à Doctore nostro in 4. dist. 1. q. 1. his verbis. Aliquod compositum generatur à causa aliqua creatâ; nisi è medio omnem actionem creaturæ tollas: ergo aliqua causa creatâ dat esse alicui composito. Consequentia probatur; quia à quocunque efficiente generatur compositum, ab eodem effectiue est esse compositi; ergo, si ab aliqua causa creatâ generatur compositum, ab ea est efficienter esse compositi, quod est esse simpliciter. Antecedens probatur dupliciter: Primò, quia secundum Philosophum 1. & 5. Phys. & 1. de Generat. & 2. Metaphys. generatio est ad esse; ergo causa efficiens generationis, est causa efficiens esse, ad quod generatio ipsa terminatur. Secundò, quia per actionem eius, à quo compositum gignitur, forma est ip materia: sed formam

Causæ secundæ sunt etiam causæ existētiæ.

Optimè discursus Scoti, quo probatur causam secundam causare etiam ipsam esse.

esse in materia est compositum habere esse: Ergo generans compositum, dat ipsi esse. Probatum minor; quia, si hoc non sit, aut ergo esse sequitur naturaliter ipsum compositum, quod est terminus generationis; aut præcedit ipsum naturaliter. Si præcedit: ergo prius est esse compositi, quam ipsum compositum, quod est omnino in intelligibile: Si verò sequitur, & non per actionem generationis; ergo absque contradictione posset compositum ab agente naturali produci, quin Deus daret illi productum esse: Imò simpliciter posset non dare illi esse; cum non agat ad extra, nisi merè liberè, & contingenter.

Nec dici potest, quodd esse non est à generante compositum, necessariò tamen concomitatur ipsum; quia non concomitatur ipsum, vt terminus actionis generantis ex D. Thoma, sed vt terminus actionis agentis primi per se, scilicet Dei, & non concomitatur vt præcedens compositum: ergo vt sequens est ipsum. Ergo sine contradictione poterit ipsum esse non sequi compositum.

Quod si dicas, addit adhuc Scotus, quodd oportet distinguere in quolibet productum esse huiusmodi, seu esse tale, & esse simpliciter; & quodd secundum prius esse, est effectus causæ secundæ & particularis, & secundum posterius, est effectus causæ primæ & vniuersalissimæ, scilicet Dei: Hoc non soluit, inquit, quia esse tale, putà esse equum vel leonem, vel hominem, & esse simpliciter in quolibet

productum, non sic distinguuntur, quin ab eadem causa sit esse simpliciter, à qua est esse huiusmodi. Si enim esse simpliciter, & esse tale distinguuntur ratione, siue aliquo modo aliter; quod dat alicui composito esse tale, dat illi esse simpliciter: generatio enim est actio physica, quā attingitur compositum secundum rationem physicam, & non secundum varias illas rationes Metaphysicas, conceptibiles, vel conceptas in ipso. Deus itaque producendo aliquod totum compositum Physicum vt causa prima; producit illud totum, & secundum omnem rationem conceptibilem in ipso: & Itidem præstat causam secundam, cum hac tamen differentia, quodd prima causa producit illud independenter; causa secunda dependenter à prima: causa prima quantum est ex se, non requirit subiectum nec ex quo nec in quo; causa secunda requirit &c. Neutra tamen est instrumentalis, sumendo propriè causam instrumentalem: sed vtraque principalis in ordine suo. De causa prima non est dubium. De secunda patet etiam, quia causa principalis ea dicitur quæ agit propriâ virtute accommodatâ & proportionatâ effectui, ita vt effectus non excedat virtutem causæ, neque in se, neque in modo quo ab agente fit. Sed causa secunda est huiusmodi respectu effectus compositi: Ignis enim generantis virtus v. g. est accommodata & proportionata tam in se, quam in modo producendi igni genito; quia ignis genitus in se primò non excedit virtu-

Causa
secunda
non
est
causa
solum
instrumentalis
ipsius
effectus.

tem ignis generantis ; uterque enim est eiusdem naturæ ac per consequens eiusdem virtutis : Non excedit etiam in modo producendi ; quia producit naturaliter & conformiter viribus ignis producentis. Ergo ignis generans est causa principalis ipsius esse ignis geniti. Nihilominus dicitur Deus solus causa esse simpliciter , & creatura causa huius vel illius esse ; quia Deus potest in quodcumque esse productum & producibile : creatura verbò determinata est ad hoc vel illud esse producendum, & non plus ultra.

Ex his iam constat quid dicendum sit de causa efficiente existentie : cum enim causa secunda, sit causa efficiens esse sui effectus ; erit etiam causa efficiens existentie eius. Nam causa secunda producit suum effectum in actu ; ergo existentem ; ergo consequenter producit existentiam eius : quia existentia & existens re non differunt. Confirmatur ex Doctore in 3. dist. 6. q. 1. §. *Contra conclusionem* ; ubi dicit quod terminus generationis est esse existentie , vel aliquid habens esse tale , ut habet Arist. 5. Physic.

Obiect. Obijcies Causa secunda non producit existentiam materię primæ in sententiâ nostrâ , quia illa supponitur existens generationi ergo non producit existentiam suorum effectuum. Respondet admissio antecedente , negando consequentiam quia ex eo tantum inferri potest causam secundam non posse efficere totam existentiam sui effectus, quoad omnes partes eius ; non au-

tem non posse efficere existentiam totius : quemadmodum enim causa secunda dicitur generare totum, licet non generet materiam : quia ad generationem totius , sufficit ut educat formam de gremio materię , & illam uniat cum materia, ex quibus totum resultat. Ita ad productionem existentie totius , sufficit ut faciat formam existere in materia, ex quo facit totum compositum esse actu, seu existere.

QVÆSTIO XX.

Quibus rebus competat Existentia?



Sta quæstio mihi videtur valde difficilis propter naturas communes, naturas individuales substantiales separatas à suis subsistentijs, partes Physicas, partes integrantes, accidentia, modos, proprietates, formalitates ; quibus omnibus an competat existentia maxime dubitatur.

Prænotandum igitur r. pro solutione harum difficultatum, talein esse existentiam cuiusque rei , qualis est essentia eiusdem : quare si essentia sit simplex, existentia erit simplex ; si essentia sit composita , existentia composita ; si essentia totalis vel partialis, existentia erit quoque totalis vel partialis &c. *Nescio enim ipsam fictionem* , ut loquitur Scotus in 4. dist. 11. q. 3. §. *ad rationem*, quod

esse sit quid superveniens essentia non compositum, si essentia sit composita. Et hoc verum est supposito fundamento distinctionis existentie ab essentia, quod sequenti questione probabimus.

Prænotandum 2. essentias rerum alias esse proprias; alias minus proprias: essentiam propriam appello uniuscuiusque rei naturam sumptam in propria & maxime usitata sua significatione quo modo dicimus essentiam hominis naturam hominis. Essentiam minus propriam voco rationem formalem uniuscuiusque rei; quomodo dicimus quidquid est, eo modo quo est, habere suam essentiam; quia esse non potest absque sua propria & intrinseca ratione essentiali; sic substantia, modi, attributa divina, & alie formalitates Metaphysicæ dicuntur habere suam essentiam.

Prænotandum 3. essentias illas propriè dictas, alias esse totales, ut homo, equus, lapis; & alias partiales: & partiales quidem, alias essentielles ut materia & forma & corpus humanum constitutum ex materia & forma corporeitatis; & alias integrantes, ut pes, & manus, &c.

Prænotandum 4. naturas communes quæ, ut patet ex dictis de distinctione, & præcisione entis à suis inferioribus, & magis patebit ex dicendis, distinguuntur ex natura rei à singularibus, dupliciter posse spectari, vel prout sunt actu in suis inferioribus, vel prout ab illis sunt præcisæ & abstractæ.

Prænotandum 5. Materiam

posse conservari diuinâ virtute sine omni forma Physica, tam substantiali, quàm accidentali, ut multis probat Doctor Subtilis in 2. dist. 12. qu. 2. & post ipsum omnes eius discipuli ibidem, & tenent nunc insigniores moderni. His positis, sit.

Prima Conclusio.

Essentia propriè dicta, actuali, totali & completa competit existentia propriè dicta totalis, & completa. Hæc conclusio apud neminem vertitur in dubium, & eius ratio est in promptu; quia essentia quælibet ut sit actu, exigit existentiam; & talem quidem exigit, qualis ipsa est; tùm quia essentia & existentia non distinguuntur; tùm quia tametsi distinguerentur, intelligi non potest essentiam aliquam esse actu per existentiam, quæ non sit eiusdem rationis, scilicet completa, si essentia sit completa: cùm enim sit actu completa, existit completa. Ergo per existentiam completam.

Essentia competit correspondentia completa.

Secunda Conclusio.

Essentia partiali & incompleta, ut sunt partes Physicæ, putà materia & forma, & partes integrantes, putà pes, manus, &c. competit etiam existentia partialis & incompleta.

Essentia partialis & incompleta competit existentia partialis & incompleta.

Prior pars conclusionis, quæ est de partibus physicis, est iam eorum in scholis; & essentia quidem partiali formali seu forme, existentiam quandam partialem consequuntur omnes, licet variis

rationibus & fundamentis. Thomistæ enim qui non concedunt existentiam materiæ, ex eo concedunt illam formæ, quia ipsa est actus; actui autem maxime propriè convenire debet existentia. Suarez etiam *Metaphysic.* 2. tom. disput. 31. sect. 11. num. 8. circa finem, quamvis agnoscat existentiam convenire materiæ; idcirco tamen vult illam competere formæ, quia forma est actualior quàm materia. Hæc tamen ratio mihi videtur insufficiens; quia formam esse actum, vel actualiorem quàm materiam, nihil ad existentiam eius, saltem ad inferendum potiori iure existentiam debere formæ competere, quàm materiæ: quemadmodum albedinem esse actum subiecti, nihil iuvat ad inferendum albedinem nobilius existere, quàm subiectum: Nam cum forma dicitur actus respectu materiæ, hoc intelligitur de actu physico: Non constat autem omnino actui physico, potiori iure debere existentiam competere, quàm potentie physice: Imò potius contrarium mihi videtur: cum enim materia semper maneat transcurtibus & corruptis formis, sitque ingenerabilis & incorruptibilis; videtur firmitus, solidius, magisque necessariò existere, quàm forma: idcirco licet forma sit actualior materiæ physice, seu in informando: materia tamen est actualior formæ metaphysice, seu in existendo; maxime cum omnis forma substantialis physica, vnicà exceptà animà rationali, non existat nisi dependenter à materia. Ratio itaque huius rei hæc mihi videtur: quia forma est

entitas quædam partialis actualis: Ergo illi competit existentia partialis; quia quidquid est actu, existit; & quidquid est actu pars & incompletum; partialiter & incompletè existit.

Quod præterea existentia conveniat materiæ etiam independentem à forma, tenent nostri omnes, Doctor Subtilis in 2. dist. 12. qu. 2. & ibidem Gabriel, Bassolis, & de Rubione q. 1. Item, ex recentioribus Fonseca 1. *Metaphysic.* cap. 7. qu. 3. sect. 3. & Suarez 1. tom. *Metaphysic.* disp. 13. sect. 4. contra D. Thomam, Durandum, Caietanum, Jaueolum, Ferrariensem, & alios Thomistas. Et quamvis hoc habeat peculiarem locum in physicis; tamen etiam hîc aliquàlter probatur. Et primò quidem materiæ competere existentiam, seu materiam esse verum ens reale actu existens in rerum natura constat, primò, quia est per se unum principium rei naturalis 1. & 2. *Physic.* Præterea, quia est per se causa 2. *Physic.* & 5. *Metaphysic.* Tertio, quia est pars substantialis compositi naturalis. Quarto, quia est per se fundamentum & subiectum omnium formarum substantialium 1. *Physic.* Hæc enim omnia convenire non possent materiæ, nisi ipsa realiter & actu existeret, quia quod actu principiat, causat, constituit, & subiicitur actuali actioni agentis, actualiter existere necesse est. Quod etiam existentia conveniat materiæ, independentem à forma, ita ferè probat noster Rada in 2. *Controuers.* 12. art. 2. ex Bassolis, & aliis. Materia est terminus creationis, & prius na-

Existētia cōpetit etiam materiæ.

Quomodo existētia cōpetat formæ.

turâ eam terminat, quàm formam recipiat : Ergo vt sic, verè & actualiter exiit : quia creatio terminatur ad entitatem actualiter existentem. Dices forsitan materiam non creari, sed concreari. Sit ita. Sed non per hoc excluditur ab ea, vera actualitas : quia sicut creatio est necessariò ad rem existentem tanquam ad terminum, ita & concreatio.

Secundò probatur istud : Materia secundum se est obiectum actionis agentis : Ergo secundum se antecedit actionem agentis : Ergo etiam antecedit formam, quæ non est nisi per actionem agentis : Ergo secundum se vt prior forma, est actus vel in actu. Patet hæc vltima consequentia ; quia subiectum actionis agentis naturalis necessariò est ens actu habens esse extra suam causam, aliàs agens ageret in nihil, vel circa nihil, quod non debet admitteri.

Præterea : Materia habet propriam entitatem & essentiam in rerum natura distinctam realiter & essentialiter ab entitate, & essentia cuiusque formæ specificæ, cuius potest esse subiectum : Ergo habet propriam actualitatem & existentiam aliam à quacumque actualitate & existentia cuiuscumque formæ. Patet consequentia : quia existentia sequitur essentiam, tanquam terminus eius intrinsicus : Ergo vbi est alia & alia essentia à parte rei, ibi est alia & alia existentia. Nec est quoddam dicatur actualitatem illam & existentiam materiæ provenire à forma : quia existentia est terminus seu modus intrin-

secus essentia : quidquid autem habet materia à forma, est illi extrinsecum : Ergo existentia materiæ non potest esse à forma.

Porro existentia illæ partiales materiæ & formæ sequuntur conditionem rerum, quarum sunt existentia, in eo nimirum, quia quemadmodum ex materia, & forma constituitur totum aliquod : Ita ex existentia materiæ & existentia formæ confurgit vna totalis existentia : & quemadmodum materia est in potentia ad formam per quam actuatur & perficitur : Ita quamvis existentia materiæ sit actus eiusdem materiæ ; tamen respectu existentia formæ est in potentia ; & ad constituendam existentiam totalem, concurrunt tanquam actus & potentia. Ita ferè Scotus noster in 4. dist. 11. q. 3. *Ad rationes*, in initio.

Argumenta quæ solent in contrarium obijci, procedunt omnia ex æquivocatione nominis potentia & actus. Cum enim dicitur materiam esse puram potentiam, id quidem verum est de potentia subiectiva in ordine ad actum physicum : Non autem de potentia obiectiva, quæ tamen sola dicit negationem actus entitatiui & existentia : Potentia enim subiectiva quæ potentia subiectiva, tantum abest quoddam dicat negationem existentia, quin potius necessariò dicit existentiam. Quandoquidem aliquid esse in potentia subiectiva, est aliquid esse receptivum alicuius actualiter existentis : nihil autem potest esse receptivum alicuius actualiter existentis, nisi etiam ipsum actualiter existat.

Ergo

Potentia subiectiva necessariò dicit existentiam.

Ergo nihil potest esse in potentia subiectiva, quin actualiter existat.

respondente: Ergo existētia partiali. Tamen ad huius rei maiore elucidationem dici potest partem quamlibet existentem in toto, existere per existentiam totius & per existentiam propriam, diuerso tamen modo: Nam existit primò per existentiam totius mediatè, & inadèquatè, seu excedenter (vt loquitur Suarez) & existit præterea immediatè & adèquatè per existentiam propriam & partialem, quæ in existētia totius includitur. Ita Scotus noster loco nunc citato his verbis: *Existētia pedis non est alia ab illa, quæ existo, sed tantum est aliqua existētia partialis in illa quæ existo.*

regran-
tibus.

Obie-
ctio.

Solu-
tio.

Obijciunt adhuc: Ex duobus entibus in actu non posse fieri vnum per se: ex materia autem & forma fieri vnum per se; ergo materiam non esse ens in actu. Sed respondetur ex duobus entibus in actu vltimo & eiusdem rationis, non posse fieri vnum per se; sicut v. g. ex duobus animabus, vel ex pariete & albedine; quia duæ animæ sunt duo actus eiusdem rationis, & quia paries est ens completum vltimatè. Ex duobus entibus autem in actu non vltimo, vel diuersæ rationis posse fieri vnum per se, sicut in proposito; actus enim materiæ est alterius rationis ab actu cum quo vnum per se constituit; quia ille est Metaphysicus & entitativus; iste verò Physicus & formalis. Addidi ex duobus entibus in actu non vltimo. Contingit enim aliquando ex duobus entibus in actu eiusdem rationis, fieri vnum per se, quando nimirum vnus illorum est non vltimus vt. v. g. ex forma corporeitatis, vel ex corpore habente formam corporeitatis, & ex alia forma physica, puta anima rationali, vnum per se coalescit.

Existimo itaque hanc conclusionis partem esse ad eam veram & firmam, vt contrarium nulla probabilitate defendi possit.

Alia pars conclusionis quæ est de partibus integrantibus est Doctoris Subtilis in 3. dist. 6. q. 1. quam existimo apud neminem negatam iri. Suadeturque sic:

Pars quælibet integrans, vt pars, existit actualiter in toto integrali: Ergo existētia ei cor-

A Tertia Conclusio.
cidentibus competit etiam propria existētia illis proportionata, quæ non est existētia subiecti, in quo inheret. Hæc conclusio est expressa Doctoris Subtilis in 4. dist. 12. q. 1. & expressior Ioannis de Bassolis ibidem, contra quosdam, quos ipsi referunt, qui docebant accidentia, quandiu inheret subiecto, non aliam habere existētia, quam existētia subiecti; atque ad eam cum separantur à subiecto, vt in Sacramento Eucharistiæ, accipere in ipsa sua separatione aliquod esse de nouo à Deo. Probat itaque Doctor conclusionem sic. Vnumquodque quod est extra causam suam, & intellectum, sicut habet entitatem propriam, ita & proprium esse, seu propriam existētia: Sed accidens habet propriam entitatem distinctam ab entitate subiecti: Ergo & existētia distinctam ab existētia subiecti.

Acci-
denti-
bus cõ-
petit
propria
existē-
tia.

E c

Quæ-
rē-
tia com-
petat
parti-
bus in-

Minor propositio est certa, & ita probari potest: Quod per se, secluso omni alio, terminat veram aliquam actionem, illud habet veram & propriam entitatem; sed accidens, productum iam subiecto, per se terminare potest veram aliquam actionem: Ergo habet veram & propriam entitatem. Maior autem pro nunc supponitur, & sequenti quaestione probabitur.

Præterea: Cum separantur accidentia à suo subiecto, in Eucharistiæ Sacramento, manent in sua actuali entitate: Ergo & in sua existentia; existentia autem illa non est existentia subiecti; quippe in quo non inhereant amplius; Ergo est propria eorum existentia.

Dicunt præcitati auctores Deum creare novum quoddam esse, per quod accidentia ipsa extra subiectum conservantur. Contrà. Accidentia illa non habent actualem entitatem de novo; quia antequam separarentur, & cum separantur, & cum separata sunt, sunt eadem actualiter entia: Ergo cum separantur non est opus novo quodam esse per quod extra subiectum conserventur: Ergo neque ut existant: quia illa accidentia existere, & esse actu, idem planè est.

Denique sic arguit Doctor. Si accidens quando separatur, habet novum esse, oportet ibi ponere aliquam transmutationem à carentia illius esse, ad istud esse; sed hoc est impossibile. Non enim potest poni qualis sit ista mutatio. Siquidem primò non est generatio, cum accidens non producat per generationem; nec

etiam augmentatio, nec alteratio; quia non acquiritur quantitas, nec qualitas per istam mutationem; quia tunc vel qualitas esset subiectum augmentationis, vel alterationis cuius esse acquiritur, vel esset quantitas & qualitas, & sic de isto posset argui in infinitum.

Item, esse illud novum, quia non est formaliter esse divinum, aut est substantia, vel accidens. Si substantia, vel in genere substantiæ; erit independens; & per consequens non erit formaliter esse alicuius accidentis, quia nullum accidens potest esse formaliter independens, vel per se esse. Si sit accidens, vel in genere accidentis, erit æquè dependens cum forma cuius est, & per consequens, per illud esse formaliter, non erit illud cuius est, ens independens, quod ipsi tamen dicunt, cum velint accidentia illa virtute talis novi esse, independentem existere. Adde quòd si semel admittatur esse illud esse accidens, vel de genere accidentis, putà esse existentiam quandam accidentariam; iam admittetur existentia accidentalis inferioris ordinis ab omni existentia substantiali: Ergo talis existentia poterit etiam naturaliter esse possibilis, & essentia accidentis conaturalis.

Obijci potest: Accidentis esse est inesse, & accidens non est ens, nisi quia entis: Ergo accidentis existere, est existere subiecti. Respondeo negando consequentiam; quippe quæ ex antecedente non rectè colligitur. Dicitur enim accidentis esse inesse, quia omne accidens naturà suà inhæret vel actu, vel aptitu-

Obiectio.

Solutio.

dine. Dicitur etiam accidens ens, quia entis, ubi particula, quia, non dicit rationem formalem ipsius accidentis, ita quod sit vnum esse, vel vna entitas formaliter accidentis & subiecti, alioquin ex ipsis non fieret vnum per accidens; sed potius videtur dicere rationem alicuius causalitatis extrinsecæ, quam habet subiectum respectu accidentis, quod nimirum fulcit & sustentat.

Porro aduerte diligenter existentiam accidentis non esse inherrentiam eius, nec actualem, nec aptitudinalcm; sed esse modum ab utraque illa inherrentia diiunctum; ab actuali quidem realiter, quia manente entitate actuali accidentis, atque aded saluâ eius existentia, potest accidens non inherere actualiter. Ab aptitudinali autem formaliter: quia inherrentia aptitudinalis dicit formaliter respectum ad subiectum: Existencia autem nec dicit, nec includit talem respectum, sicut nec ipsa essentia accidentis. (Suppono enim nunc iuxta mentem Doctoris, neutram inherrentiam esse de essentia accidentis) sed dicit tantum modum quo formaliter & intrinsecè accidens constituitur ens actu, vt sic.

Relationibus tum increatis, tum creatis propria competit existentia.

Quarta Conclusio,

Relationibus tum increatis, tum creatis propria competit existentia. Prior pars conclusionis est expressa Doctoris, q. 4. quodlibetica, art. 3. §. ad argumentum principale: ubi dicit quod licet in diuinis sit vnicum esse essentia seu simplex; est tamen

ibi aliud & aliud esse incommunicabile, siue hypostaticum, sicut & alia & alia persona. Ex quibus sic formatur ratio: Multiplex est esse hypostaticum, seu personale formaliter distinctum ab esse absoluto, seu simplici essentia; sed illud non est potentiale: ergo actuale. Non potest autem intelligi esse actuale nisi per existentiam. Ergo multiplex est existentia relatiua correspondens illi multiplici esse relatiuo seu hypostatico.

Addi potest: Pater generans præsupponitur, vel saltem intelligitur existens cum generat. Illud etiam quod generatur, vt terminans actionem eius intelligi debet existens, quia generatio terminari non potest ad non existens; & idem dici debet de termino spirato. Ergo tres illæ personæ sunt tres existentes. Non sunt autem tres existentes per vnicam existentiam propriam essentia diuinæ; quia per illam nec principiare, nec terminare possunt generationem aut spirationem, cum essentia nec generet, nec generetur, nec spiret, nec spiretur. Ergo sunt tres existentes per tres existentias. Talis autem multiplicatio existentiarum in personis, sicut & quælibet alia pluralitas in diuinis, non oritur nisi virtute relationum. Ergo tres existentia, virtute relationum conueniunt tribus personis diuinis. Ergo multo magis conuenient illis relationibus, cum etiam existendi sint capaces: Quemadmodum quia virtute relationum conuenit personis diuinis esse tres, conuenit etiam

E e ij

relationibus esse tres, quia capaces sunt quæ numerentur. Hanc rem fusiùs examinavi in materia de Trinitate, quæ etiam aliquando, Deo fauente, in lucem prodibit.

Rela-
tioni-
bus
creatis
-propria
conue-
nit exi-
stentia
distingui-
da ab
existen-
tia fun-
damenti.
ti.

Posterior pars conclusionis est aduersus nonnullos, qui existimant relationem creatam non existere nisi per existentiam fundamenti. Sed supponendo in sententia nostra relationem esse entitatem realiter distinctam à fundamento, vt etiam aliàs probabo, necessum est dicamus habere quoque propriam existentiam distinctam ab existentia fundamenti: & breuiter sic probari potest. Relatio est entitas actualis formaliter referens: fundamentum autem non est talis entitas, quia fundamentum non refert. Ergo relatio est alia entitas actualis ab entitate fundamenti: Ergo habet existentiam aliam ab existentia fundamenti: quia aliquid esse entitatem actualem, & existens, idem omnino sunt.

Quinta Conclusio.

Modis, pro-
pria-
tibus,
forma-
litate,
bus, seu
entita-
tibus
forma-
liter di-
stinctis,
naturis
commu-
nibus &
naturis
singula-

Modis, proprietatibus, formalitatibus seu entitatibus à seinquinque formaliter actu distinctis, ac proinde naturis communibus, multò magis naturis singularibus etiam destitutis propriâ substantiâ, suo modo & in suo genere, & ordine aliqualis competit existentia. Tota hæc conclusio & si aliquatenus dubia, mihi probatur tamen hac communi ratione. Hæc omnia prædicta habent suas suo modo entitates actu, quæ non sunt entitates rerum quas modificant, aut aliter

afficiunt, quod maximè verum est de modis & proprietatibus. Ergo habent etiam suas suo modo existentias. Exemplum de substantia quæ est modus substantialis distinctus reipsa à natura cuius est substantia, tantquam aliquid actuale, & extra causas suas positum ab alio ente etiam actuali: vnde concluditur necesse esse, vt includat proprium esse eodem modo distinctum ab alio ente.

Item, ille modus potest destrui conseruatâ naturâ cum sua existentia, & tunc mittit aliquod esse, & similiter potest fieri in natura iam existente: omne autem fieri terminatur ad aliquod esse existentiz. Ergo necesse est vt talis modus sicut actu est in rerum natura, ita habeat proprium esse.

Idem dici potest de proprietatibus, quæ licet producantur eadem actione quâ producuntur nature quarum sunt proprietates: Nihilominus, quia tali actioni primò & per se productiue naturarum accedit fluxus aliquis ab ipsis naturis in proprietates, videtur quoddam fluxus ille terminetur ad aliquid actuale consequens naturam, terminatur quoque ad aliquid suo modo existens.

Quod etiam nature singulari tam substantiali quàm accidentali destitute vltimatis modis vel substantiæ vel inhærentiæ, competat, existentia res est clara, quidquid reclamant aliqui Thomistæ: & probauimus superius de accidentibus non amplius inhærentibus in Eucharistiæ Sacramento, quibus tamen per sepa-

laribus
destru-
tis suâ
propriâ
substantiâ
vel
inhærentiâ,
conuenit
existentia.

rationem à suo subiecto, propria non tollitur existentia: probatur similiter de natura singulari substantiali exemplo naturæ assumptæ à Verbo Divino, quam destitutam propriâ subsistentiâ, & tamen existentem assumpsit. Atque huius rei, & veritatis propositionis ratio hæc est; quia natura illa vt præsupposita assumptioni, est aliquid actuale: Verbum enim Divinum non assumpsit naturam latentem adhuc in suis causis, sed naturam extra suas causas positam: Ergo existentem. Hanc materiam fusiùs examinaui in materia de Incarnatione, aliquando etiam, Deo fauente, typis mandanda, & de ea nonnihil dicam sequenti quæstione.

Grauior difficultas est de naturis cõmunibus & de formalitatibus, purâ de bonitate & iustitia distinctis in sententia natura formaliter actu in Deo. Et quidem quod spectat ad naturas cõmunes existimat Suarez tom. 2. Metaphysic. disput. 31. sect. 11. num. 3. ne quidem per intellectum posse tribui existentiam naturis cõmunibus distinctam ab existentia singularium. Quia inquit, natura communis præcisâ indiuiduatione, non est proximè capax existentie, imò secundum eum statum repugnat ei actualis existentia. Ergo concipiendo existentiam vt actum essentie, non potest secundum rationem concipi vt habens habitudinem immediatam ad naturam cõmunem vt cõmunem, sed solum ad rem indiuiduam.

Nihilominus suppositâ distinctione formali graduum su-

periorum ab inferioribus, existimo naturis cõmunibus suam suo modo competere existentiam quâ existant non extrâ, sed in singularibus; non per se, sed per aliud, & per existentiam quidem singularium fundamentaliter, per propriam autem formaliter. Gradus enim viuents v. g. est actu in Petro: ergo existit in Petro, & cùm sit gradus distinctus formaliter à Petro, vel tanquam inclusum ab includente, vel aliter; certè cùm esse & entitas illius gradus sint idem, & entitas illius gradus non sit formaliter entitas Petri, esse quoque seu existentia illius gradus, non erit formaliter esse seu existentia Petri, maxime cùm existentia illius gradus sit quasi quedam inexistencia, existentia autem Petri non sic. Sententia illa est præterea Scoti in 2. dist. 3. q. 3. vbi dicit naturam cõmunem habere existentiam in indiuiduis.

Itaque ad rationem allatam, dico naturis quidem cõmunibus à singularibus separatis, non posse competere existentiam, quia nec à parte rei, nec à parte intellectus rectè concipientis, possunt illæ naturæ existere separatæ à singularibus: Iisdem tamen naturis à singularibus tantum formaliter distinctis, posse suam suo modo competere existentiam: quia naturæ illæ etiam vt formaliter distinctæ à singularibus non sunt extrâ, sed in singularibus, & existentes actu in singularibus, distinguuntur formaliter ab ipsis. Vnde ratio Suarez impugnat quidem illos qui velent naturas cõmunes existere

vel per se, vel per intellectum separatas à singularibus; non autem illos qui dicunt illas habere quandam existentiam sibi propriam, per quam existunt in singularibus.

Porò de existentia illa graduum superiorum, & graduum indiuiduantium, eodem modo philosophandum est atque de ipsismet gradibus superioribus & indiuiduantibus. Ita quòd quemadmodum gradus superiores & inferiores non sunt res diuersæ, sed vna realiter habens tantum distinctas formaliter rationes, ex quibus componitur aliquid Metaphysicè: ita existentia naturarum seu graduum communium, & existentia graduum inferiorum non sunt distinctæ realiter existentiz, sed vna & eadem re, habens distinctas formaliter rationes, ex quibus illamet confurgit tanquam totum quoddam Metaphysicum.

Forma-
libus
ratio-
nibus
diuinis
propterea
compe-
runt
existen-
tia.

Atque hinc rectè sequitur formalitatibus seu entitatibus à se inuicem formaliter actu distinctis suas suo modo competere existentias. Ad quod asserendum, ultra rationem satis probabilem, me impellit autoritas eximij Doctoris nostræ Scholæ, Doctoris Subtilis insignis discipuli Ioannis [de Bassolis, qui duobus in locis hanc expressissimis verbis doctrinam tractat, scilicet in 1. dist. 8. q. 1. art. 2. §. Ad primum Aliorum: vbi hæc habet: *sed dico ultra, quod quodlibet attributum si penatur quidditativè distinctum ab essentia, & quolibet relatio habet proprium esse actualis existentia, quod est sibi*

quidditativè idem, & distinguitur ab esse actuali ipsius essentia, sicut & attributum ab essentia. Et in 3. dist. 6. q. vnicâ, art. 2. §. Dico igitur aliter: vbi ita loquitur: In Christo sunt plura esse ex parte diuini suppositi, loquendo de esse actualis existentia, quia sunt ibi tot esse, quot in ipso sunt distincta formaliter ex natura rei. Nam sicut dixi in 1. dist. 8. esse est idem quidditativè & formaliter cuilibet quod est in Deo ex natura rei. Præterea non solum essentia diuina quidditativè est esse, sed etiam intellectus diuinus quidditativè est esse, & voluntas etiam & filius diuina: & ista esse distinguuntur admodum quia omnia ista distinguuntur. Nec oportet quod sint in diuino supposito plures essentia, propter hoc, quia in diuino supposito non est nisi vna perfectio simpliciter prima in ordine omnium diuinorum, cui primò conuenit existere, & illud vocatur essentia.

QVÆSTIO XXI. Quomodo essentia & ex- istentia distinguantur?



Ranciscus Suarez tomo. 2. Metaphysic. disput. 51. sect. 6. tres numerat de questione proposita sententias, eorum videlicet qui inter essentiam & existentiam statuunt distinctionem realem; eorum qui statuunt distinctionem modalem, quos omnes reprehendit; & eorum qui solum ponunt distinctionem rationis cum fundamento tamen in

re, quam postremam sententiam approbat & probare contendit. Gabriel Vasquez in 3. p. D. Thomæ, tom. 1. disput. 72. cap. 1. ipsum, supresso tamen nomine, reprehendit, docetque omnium tum Philosophorum, tum Theologorum opiniones hac de re, ad duas dumtaxat classes debere referri, scilicet vel eorum qui volunt essentiam & existentiam distingui realiter, vel eorum qui docent distingui tantum ratione. Noster frater Ioannes de Bassolis in 3. distinct. 6. q. unicâ, art. 1. longè plures de eadem re refert sententias. Sed quidquid sit de varijs illis opinionibus, quas suppositâ distinctione formali quali mediâ inter distinctionem realem, & distinctionem rationis, constat esse tres ad minùs: mentem Doctoris nostri & rei veritatem diligenter inquiremus.

Prænotandum itaque 1. quòd cum existentia respectu essentia dicatur à nonnullis, esse, sintque esse & essentia idem ac existentia & essentia; non intelligi hîc per hanc dictionem, esse, concretum essentia: nam apud omnes, esse, ut est concretum essentia, distinguitur solâ ratione ab essentia, ut insinuat Doctor Subtilis in 3. distinct. 6. qu. 1. *Certum est, inquit, de esse essentia, quòd tantum differt ab essentia in modo concipiendi*: sed intelligi rationem illam essentia, per quam dicitur esse actû. Cum enim essentia sit ipsa natura & quidditas, cui convenit definitio, de qua demonstrantur passiones, & cui accedit produci extra causam, vel non produci; existentia est

ipsa ratio, quâ huiusmodi essentia constituitur formaliter actû, & extra causas, si modò sit essentia creata capax causarum.

Prænotandum 2. essentiam & existentiam posse quatuor modis ad inuicem comparari. Primò quatenus utraque habet esse reale & subiectiûm. Secundò prout vna habet esse reale, putâ existentia, & altera, nempe essentia, esse obiectiûm; quolibet enim natura creata ante esse subiectiûm quod habet in tempore per realem existentiam, habet esse obiectiûm ab æterno, & ante realem existentiam. Tertiò, quatenus existentia est realis, & essentia est simpliciter essentia, nec existens, nec non existens: quo pacto est id quod definitione explicatur: definitio enim abstrahit ab existentia, & non existentia rerum. Quartò denique prout utraque habet esse obiectiûm, & possibile ab æterno. Nam, ut ait Lichetus in 2. dist. 3. qu. 1. §. *Ad questionem: Sicut homo v. g. habet esse obiectiûm; sic existentia hominis in esse obiectiûm præcisè convenit homini, ut gradus intrinsecus illius: Et sicut essentia hominis ab æterno habet esse possibile; ita existentia in esse possibili convenit essentia hominis, ut gradus intrinsecus eius.*

Prænotandum 3. distinctionem realem maiorem, illam scilicet quam nos dicimus esse aliam à distinctione formali, habere gradus. Alia enim sic intercedit inter rem & rem, ut inter ipsas dicat separationem, vel separabilitatem, qualis est ea quæ intercedit inter animam & corpus, & vniuersim inter ea quorum

vnum potest existere absque alio; & hæc verè & propriè dicitur distinctio realis. Alia est quæ simpliciter intercedit inter rem & rem quantumvis vna separari nequeat ab altera. Quod tamen dico ex communi sententia: Nam fortè sequenti libro demonstrabimus ea sola distingui realiter, quæ vel sunt actu separata, vel sunt separabilia, vel se habent ad modum separabilium.

Prenotandum 4. supponendum esse pro nunc dari aliquam distinctionem formalem, ut infra probabimus, quam suppono esse inter illa quæ habent alias, & alias rationes ex se, seu ex natura rei, & ante actum intellectus, de qua etiam fusè sequenti lib. disputabimus: His positis, sit.

Prima Conclusio.

Quomodo se habeant essentia possibilis & existentia realis.

Essentia in esse obiectiuo seu possibili, & existentia realis non distinguuntur realiter positivè, sed realiter negativè, id est, sunt non idem realiter. prima pars conclusionis probatur: Distinctio realis positiva est inter extrema realia; essentia in esse obiectiuo, & existentia realis non sunt huiusmodi: Ergo ut sic, non distinguuntur ab invicem realiter positivè. Secunda pars probatur: Nihil & aliquid non sunt idem realiter: sed essentia possibilis & in esse obiectiuo est nihil de facto; existentia autem realis est aliquid: Ergo essentia possibilis, & existentia realis non sunt idem realiter. Similis distinctio intercedit inter vnum & idem prout nondum est, & actu est: quia ut

est, non est idem realiter sibi ipsi nondum existenti.

Secunda Conclusio.

Essentia realis & existentia realis non distinguuntur realiter separabiliter. Conclusio est expressa Doctoris nostri, multis in locis, sed præsertim in 2. dist. 1. qu. 2. §. *Quantum ad istum articulum.* Vbi habet quoddam quia de nihilo, id est, non de aliquo secundum esse existentia, potest Deus creare: per consequens de nihilo, id est, non de aliquo secundum esse essentie, potest etiam creare: quia, inquit, ut probatum est dist. 36. primi, numquam esse essentia separatur realiter ab esse existentia. Est etiam Ioannis de Baillois in 3. dist. 6. q. unica, art. 1. §. *primò* probo: qui licet teneat existentiam & essentiam realem distingui aliquo modo realiter; non vult tamen distingui realiter separabiliter, seu, ut loquitur, essentialiter. Sic enim argumentatur:

Illa quæ nec sunt separabilia in esse, nec in separabilibus, non distinguuntur essentialiter. Sed essentia, & esse eiusdem creaturæ, non sunt separabilia in esse, quia implicat contradictionem vnum poni in re, & in effectu sine alio. Quoddam enim essentia ponatur in re & in effectu, & non ponatur esse, contradictio est. Similiter, quoddam ipsum esse ponatur, & non sit alicuius esse. Non sunt etiam in separabilibus; quia in eadem creatura ponuntur, quæ non est separabilis in esse à seipsa. Ergo non distinguuntur essentialiter.

Probatur

Essentia realis & existentia realis non distinguuntur realiter separabiliter.

Probatur autem hoc vtrumq; , nempe nec essentiam sine existentia , nec existentiam sine essentia absque contradictione conservari posse , vt sic pateat veritas conclusionis .

Primum probatur: Essentia realis non est nihil. Ergo est aliquid , & quidem in rerum natura . Ergo eo vel solùm quia hoc habet , est inseparabilis ab existentia . Probatur consequentia . Essentiam esse realem , esse aliquid in rerum natura , & non esse nihil , non est aliud quàm essentiam existere . Ergo implicat essentiam aliquam esse realem , esse aliquid , non esse nihil , & non existere . Ridiculum ergo est , vt loquitur Suarez , & planè inintelligibile quod Quidam dicunt essentiam conservatam in rerum natura sine existentia , esse quidem ens , & extra nihil , non tamen esse formaliter in genere existentium .

Probatur secundum: Existentiam conservari sine essentia , est pereunte & destructà essentià , existentiam permanere . Hoc autem implicat . Probatur : Essentiam perire & destrui , est essentiam perdere illud esse actuale quod habebat in rerum natura : sed essentiam amittere illud esse actuale quod habebat in rerum natura , est essentiam amittere suam existentiam . Ergo implicat essentiam perire & destrui , permanente existentia . Confirmatur : Generatio essentia tendit necessariò ad essentiam existentem . Ergo corruptio eiusdem essentia , tendit necessariò ad essentiam non existentem .

Atque hinc sequitur essentiam

non posse ita separari ab existentia , vt vtraque seorsim ab alia conservetur dissolutà vnione illarum , sicut anima conservatur separata à corpore . Ratio est , quia inter actualem existentiam & essentiam non est vnio , sed identitas quæ dissolui non potest .

Solùm in hanc conclusionem potest obijci naturam aliquam posse existere per alienà existentiam , quemadmodum Thomistæ docent naturam humanam assumptam à Verbo existere per existentiam Verbi : atque adeò posse essentiam aliquam conservari absque propria saltem existentia . Verùm instantiam illam nullam & falsam esse sequenti quæstione demonstrabimus ,

Tertia Conclusio.

Essentia realis & existentia realis non distinguuntur realiter vllò modo . Conclusio ista est iam communis in Scholis , & est expressa Scoti nostri in multis locis doctrinae suæ , præsertim in 1. dist. 36. q. vnicà , & in 2. dist. 1. q. 2. & dist. 16. q. vnicà . §. *Rationes ista* , in fine . Vbi respondendo ad quoddam argumentum , dicit falsum esse quod eodem modo se habeat operari ad potentiam , quomodo se habet esse ad essentiam ; *Quia* , inquit , *esse est idem realiter cum essentia , non progrediens ab essentia ; alius autem vel operari est progrediens à potentia , nec est idem sibi realiter* . Item in 3. dist. 6. q. 1. vbi ex eo tantùm probat in Christo esse duplex esse existentia ; quia in ipso , duæ sunt natura & essentia ; esse

Nulla distinctione reali distinguuntur essentia realis & existentia realis.

autē existentia non est re distinctum ab esse essentia. Item in 4. dist. 13. q. 1. ubi ait falsum esse, quoddam esse sit aliud ab essentia

Probat autem hac potissimum ratione: Quidquid est, seipso realiter & nullo alio à se distincto est quidquid est; aliàs seipso esset nihil, si alio à se distincto esset id quod est. At hoc esset falsum, si existentia re distingueretur ab essentia. Ergo existentia & essentia re non differunt. Minor probatur. Per existentiam habet quidquid est, quoddam sit extra nihil: ergo quoddam sit aliquid: ergo quod sit actu id quod est. Ergo ex eo quoddam omne quod est, seipso sit id quod est, seu aliquid, & non nihil. Sequitur existentiam & essentiam re non distingui.

Præterea, Distinctio realis debet esse inter extrema realia realiter existentia. Sed: essentia, ut distinguitur contra existentiam, non est existens aut realis. Ergo inter essentiam & existentiam, non potest intercedere distinctio realis.

Præterea, Si existentia distinguitur realiter ab essentia, essentia non potest esse ens actu per existentiam. Probat ex aduersariis: Distinguitur existentia ab essentia tanquam actus essentia, ex quo cum essentia constituitur totum aliquid existens. At nullus actus distinctus realiter à potentia subiectiua, cum qua constituit aliquid, dat tali potentia ut sit actu; vel constituit intrinsecè & formaliter entitatem eius, cum ab ea distinguitur ut entitas simplex ab entitate simplici. Ergo si exi-

stentia distinguatur hoc pacto ab essentia; non habebit essentia per existentiam, quoddam sit intrinsecè & formaliter ens actu.

Quantumvis sit certa & communis hæc sententia: Nihilominus tamen D. Thomas multis in locis, sed præsertim 2. contra Gentes, cap. 52. & lib. de ente & essentia, cap. 5. sustinet quoddam in omni creatura, quidditas siue essentia & esse eius actualis existentia distinguuntur realiter. Et hanc quoque esse mentem D. Thomæ testantur Ripas & Cajetanus in Commentariis libri de ente & essentia. Eandem sententiam multis item probare nititur Paulus Soncinas 4. Metaphysic. q. 12. cuius, & omnium aliorum argumenta ita ferè paucis complectitur noster Ioannes de Balsolis in 3. dist. 6. q. vnicâ, art. 1.

Obijciunt 1. Participans differt realiter à participato; quia nihil participat seipsum. Sed essentia participat & recipit esse, quia est ens participans ipsum, ut patet. Ergo essentia & esse seu existentia, distinguuntur realiter. Respondetur concessâ maiore; negando minorem: Non enim essentia dicitur ens participans respectu sui esse, à quo participet aliquid; sed dicitur participans respectu suæ causæ efficientis; à qua suum esse participat aliquid. Vnde tam essentia quàm esse ensis saltim creati & dependentis est participans; & causa efficiens, putà Deus, est participata: ex quo sequitur tantum inter Deum & creaturam, esse distinctionem realera; non autem inter esse & essentiam. Quando

Obiectio.

Solutio.

Quomodo essentia & existentia distinguantur? 227

autem dicitur Deus à creatura participari; non est huius loci discutere.

Obiectio 2.

Obijcitur 2. Illud quod est per se in potentia ad aliquid, & quantum est ex se, indifferens ad ipsum, vel oppositum eius, differt realiter ab ipso. Hoc patet, quia nihil est indifferens ad seipsum, vel oppositum suum. Sed essentia, saltem creaturæ, de qua præsertim hic loquimur, est per se in potentia respectu sui esse, & in potentia contradictionis respectu esse, vel non esse; & potest intelligi sub opposito ipsius esse, puta sub non esse. Accidit enim sibi esse, vel non esse; nec alterum istorum sibi determinat; Si enim determinaret sibi esse, non posset non esse, & sic esset necesse esse; si etiam determinaret non esse, esset impossibile esse. Ergo essentia creaturæ, & suum esse distinguuntur realiter. Respondeo concessa maiore de eo quod est positivum, & in potentia subiectiva respectu alius, & oppositi eius, quo modo paries est in potentia ad albedinem & oppositum eius; negando minorem. Non enim prius essentia est aliquid, & postea in potentia ad suum esse. Sed eo ipso, quia est essentia realis, eo est necessarium sub esse, & non est indifferens ad oppositum eius, ita quod possit ipsa salva & integra permanens, recipere oppositum eius: si enim destrueretur esse eius, ipsam quoque destrui necesse est. Non ergo essentia est veluti quid tertium indifferens ad esse & non esse; sed ipsa habens esse, ex eo potest non esse, quia est dependens & creata, &

cum definit esse, tam quo ad essentiam, quam quo ad existentiam definit esse. Essentia quidem in potentia obiectiva est in tali potentia contradictionis; sed de illa non loquimur. Diximus enim priori conclusione huiusmodi essentiam, & existentiam realem distingui realiter negativè. Ex his patet quid dicendum sit ad probationes minoris.

Obiectio 3.

Obijcitur 3. Esse creaturæ debet esse receptum in alio, scilicet in essentia. Ergo distinguitur realiter ab essentia. Oportet enim recipiens esse realiter distinctum à recepto, cum nihil propriè sit in seipso, & in seipso recipiatur. Antecedens probatur, quia aliàs esse creaturæ esset infinitum, quemadmodum albedo v. g. esset infinita nisi esset recepta, vel nisi reciperetur in subiecto, à quo limitatur. Respondetur esse creaturæ dici esse receptum, non in aliquo præsupposito, sed ab aliquo, nimirum à Deo: ex quo sequitur non esse infinitum, quia ab eo limitatur, à quo dependet in fieri & in conservari. Adde quod ultra hoc, dici potest illud esse, seipso, & ex vi entitatis suæ, esse limitatum & finitum, neque indigere aliquo limitante, vel contrahente in re distincto à seipso, sed intrinsecè naturæ suæ esse tantæ, vel tantæ perfectionis per suam formalem entitatem. Sic entitas albedinis non tantum est limitata per subiectum, in quo recipitur, sed per seipsam formaliter.

Solutio.

Essentia creatæ ex natura sua est finita & limitata.

Solutio.

Ostenditur essentiam non esse in potentia contradictionis, respectu esse & non esse.

Obijcitur 4. Terminus generationis differt realiter ab eo quod non est terminus: sed existentia est terminus generationis

Obiectio 4.

Solutio.
Nō sola
existentia
generatur,
sed
essentia
existens.

ex 5. Physic. cap. 1. sicut non esse est terminus corruptionis; Essentia verò non est terminus generationis. Ergo existentia differt realiter ab essentia. Respondeo, concessā maiore, negando partem illam minoris, quā dicitur essentiam non esse terminum generationis. Non enim dicitur existentia terminus generationis, quodd existentia sola producat, sed quia est veluti forma sub qua generatur essentia: generatur enim essentia existens, vt existens.

Obiectio.

Obijciatur 5. Nulla res potest intelligi sub opposito eius, cui est idem realiter; non enim potest intelligi quodd homo sit non animal: sed essentia potest intelligi sub opposito existentie. Intelligo enim essentiam rosæ, v. g. non existere. Ergo essentia distinguitur ab existentia. Respondeo admissā maiore, negando minorem si intelligatur de essentia reali, de qua solum debet intelligi. Cum enim concipitur aliqua essentia sub modo opposito existentie, tunc non concipitur essentia realis, sed possibilis solum, & obiectiua. Quodd si urgeas etiam essentiam realem intelligi aliquando posse sine existentia, quod fieri non posset, si essentia & existentia essent vna, & eadem entitas. Respondeo essentiam realem intelligi posse siue existentia precipue, non autem diuise, quod etiam fieri potest in ijs quæ solā ratione distinguuntur.

Obiectio 6.

Obijciatur 6. Si essentia & esse non differunt realiter; hæc propositio, Essentia est, erit æquæ vera ab æterno, ac ista: Essentia

est essentia. Sed hoc falsum est. Essentie enim rerum non sunt ab æterno. Ego essentia & existentia distinguuntur realiter. Respondeo. deo negando sequelam maioris. Est enim alia ratio huius propositionis: essentia est, & istius: essentia est essentia: Nam prior dicit existentiam actualem subiecti. Posterior autem nescit solum prædicatum cum subiecto; hæc autem connexio potest esse æterna, quia, vt diximus, illa non exigit actualem existentiam eius, cum quo aliud connectit.

Quarta Conclusio.

Essentia realis & existentia realis non distinguuntur solum per intellectum. Conclusio est Ioannis de Bassolis in 3. dist. 6. qu. vnicā, art. 1. estque aduersus Gabrielem Vasquez in 3. p. disput. 72. cap. 2. necnon contra alios quosdam quos refert eò loci idem Vasquez, quorum tamen aliqui, præsertim Gabriel Biel, non expressè dicunt distinguuntur tantum per intellectum.

Probatur autem primò sic ista conclusio. Si essentia & existentia distinguantur solum per intellectum; vnum erit de per se conceptu quidditatiuo alterius. At existentia non est de per se conceptu quidditatiuo essentie etiam realis: Ergo essentia & existentia non distinguuntur solum per intellectum. Maior probatur: quia quæ solā ratione differunt, definitionibus non differunt; quæ enim definitionibus differunt, rationibus formalibus seu formaliter differunt. Minor probatur. Nullius essentie etiam

realis; definitionem ingreditur existentia; quælibet enim essentia cum definitur, abstrahit & ab existentia, & à non existentia.

Præterea. Non est idem omnino à parte rei existentiam dici de aliqua essentia, & essentiam dici de essentia, ut patet multis rationibus. Ergo ex natura rei, & ante intellectum differunt essentia & existentia.

Addit Ioannes de Bassolis: Illa non solum distinguuntur secundum rationem, quæ sunt aliquid positivum extra intellectum; & secundum unum illorum res ponitur, & habet esse per se & de re in prædicamento Metaphysico, & non secundum aliud: Sed ita se habent essentia & existentia; quia licet inseparabilia sint, tamen secundum essentiam res est in prædicamento per se, non autem secundum esse; quia accidit rei esse, pro quanto est in prædicamento; non quod actu sit in prædicamento, quando non est; sed quia per existere non est in prædicamento: Ergo essentia & existentia non solum distinguuntur secundum rationem.

Argumenta contra istam conclusionem nihil probant. Nam demonstrant solum vel essentiam & existentiam non posse separari, vel non distinguui tanquam duas res, aut duo extrema realia, realiter existentia, quod nos vltro fatemur: Non tamen ostendunt illa distinguui tantum per intellectum, cum datur media quædam distinctio per quam distinguantur. Pro qua assignanda sit hæc.

Prima Conclusio.

Quocumque modo sumatur essentia, siue ut in potentia obiectiva; siue ut præcisa ab existentia & à non existentia; siue ut concernens existentiam; semper saltem distinguuntur essentia & existentia formaliter, loquendo de essentia & existentia creata. Prior pars conclusionis patet ex priori conclusione, ubi probatum est essentiam in potentia obiectiva, & existentiam realem distinguui realiter negativè: Unde & fortiori sequitur distinguui formaliter, quia distinctio maior semper inferit minorem.

Quomodo essentia & existentia distinguantur.

Secunda pars patet similiter ex præcedente conclusione, quia essentia, ut sic, nec existens, nec non existens habet suam formalem rationem completam abque existentia: Ergo ut sic, distinguuitur formaliter ab ipsa.

Tertia pars, in qua maior videtur esse difficultas, est communis apud nos, & sic probari potest. Illa distinguuntur formaliter quæ habent distinctas rationes formales obiectivas, & quæ distinctis definitionibus definiuntur, vel distinctis descriptionibus describuntur. Sed essentia etiam existens, & existentia sunt huiusmodi: Alia est enim ratio essentia, etiam existentis, & alia ratio existentia: Ergo formaliter distinguuntur. Confirmari potest ex Aristotele 2. Post. ubi distinguit questionem, quid est, à questione, si est, quia prima spectat ad essentiam, posterior ad existentiam. Item ex

Ff. ii]

Boëtio de Hebdomadibus, ubi dicit quoddam in omni eo quod est citra Primum, differt quod est, à quo est; sed quod est, est essentia; & quo est, est existentia. Item ex Commentatore s. Metaphysic. ubi dicit quoddam quando est, prædicatur ut secundum adiacens, tunc est problema de accidentibus. Hoc autem fit quando prædicatur existentia. Ergo existentia est accidens essentia, hoc est, non est de ratione formali essentia. Et hæc quidem ratio præcedit, tam de essentia & existentia reali quam de essentia & existentia obiectiva, vel possibili. Nam sicut se habet existentia realis ad essentiam realem; sic se habet existentia obiectiva, vel possibilis ad essentiam obiectivam, vel possibilem.

Non sic itaque distinguuntur formaliter essentia & existentia; quasi ipsa entitas, ut est expressibilis per definitionem sit essentia, & eadem entitas, ut dicitur respectu ad suas causas productivas, dicatur existentia, quemadmodum differo doctur de Bassolis. Nam etiam ipsa essentia creata, ut creata; dicitur respectu ad causam à qua dependet, quatenus est creata. Adde quod ex sententia Scoti nostri in 1. dist. 36. quod 1. sicut datus est sentia possibilis; sic etiam datus existentia possibilis. Si tamen teneretur existentiam ex vi vocis significare ipsummet exercitium existendi, & non solum existentiam in actu signato; ut quidam volunt; satis appositè diceretur essentiam illam, quæ est existens, esse id quod per definitionem explicatur, & exis-

tentiam esse id per quod inditatur ipsam esse extra suas causas; atque proinde per existentiam significari respectum ad causas, extra quas ipsa ponit essentiam.

Veritas tamen crediderim essentiam & existentiam ita distinguui, ut essentia sit id quod est, & existentia id quo est. Ita ut essentia sit id quod intelligitur positum extra causas; & existentia id quo intrinsecè & formaliter essentia dicitur constitui extra causas. Quare & à nostris dicitur *modus essentia*; non quidem *modus adveniens* essentia; iam constituta; sed *modus constitutivus* essentia; non quatenus essentia est, sed quatenus *esse* est.

Et hæc quidem sententia non multum discrepat Suarez tom. 1. Metaphysic. disp. 3. sect. 6. Illa enim distinctio rationis rationem, quæ ab illo vocatur *distinctio rationis* cum fundamento in re ipsa parum differt à nostra distinctione ex natura rei, seu formali. Unde idem Suarez ibidem num. 9. non satis cepit mentem nostram de distinctione formali; præsertim modali; aliis non distinxerunt sententiam eorum qui distinguunt existentiam formaliter modaliter ab essentia; eandem pati distinctas, quas patitur sententia eorum qui illa distinguui volunt realiter. Ex eo autem male cepit mentem nostram; quia existentia non aliam esse distinctioem modalem; quam eam quæ v. g. quantitas à substantia, subsistentia à natura substantiali; & inharrentia actualis ab accidente

distinguntur. Hanc autem & similes distinctiones nos non dicimus esse formales: modò, verum etiam reales; quia vnum illorum potest esse sine alio. Nobis itaque distinctio formalis ex natura rei, est inter duo conceptibilia in vna & eadem re, quorum vnum ex natura rei, & ante intellectum est conceptibile sine altero, vt sunt in proposito, essentia & existentia, quorum vnum à parte rei potest concipi absque alio. Obijciatur enim nostro intellectui essentia semper capax distinctionis, & repositionis in prædicamentis siue existat, siue non existat: vt enim nobis occurrit, vt plurimum abstractit, si non negatiue, saltem præcisiue ab existentia. Quod si obijciatur nobis existens; satis nobis exhibet existentiam illam nihil ei conferre, quatenus essentia est, vel quatenus est exprimibilis per definitionem, & reponibilis in prædicamentis.

Nota tamen hanc distinctionem ex natura rei, quâ distinguatur essentia & existentia esse minimam inter omnes distinctiones ex natura rei.

Existentia similiter nobis obijciatur, tanquam ratio efficiens essentiam, & illam constituens formaliter actu in re, in natura rei. Et quia prius illas rationes intellectus reperit in re, quam illas fingat in illa, idcirco dicuntur distinguere formaliter ex natura rei: & quia ratio existentie non est ratio quidditatis, sed tantum modificans essentiam; quia nimirum essentia est in sua quidditate completa ante existentiam, & ab ea tantum mutatur modificationem suam actualitatis, vt dictum est; idcirco distinctio illa essentie ab existentia, dicitur formalis modalis. Hoc posito fundamento identitatis

essentie cum existentia, patet id quod habet Scotus in 2. dist. 3. q. 3. tales esse existentias, quales sunt essentie actuales; itaut si essentie actuales specie distinguantur, existentie quoque specie distinguantur. Nec tamen propterea sequitur ita esse distinguenda genera & species in existentijs, sicut distinguuntur in essentijs. Nò enim oportet distinguere differentias existentiarum à differentijs essentiarum, neque prædicamentales coordinationes, quia hæc solum distinguuntur propriè in eo quod est, seu quod habet rationem entis completi in vnoquoque prædicamento. Existentia autem non est, nec concipitur à nobis vt id quod est, sed vt quidam simplex modus, quod essentia constituitur in ratione actualis entis.

QVÆSTIO. XXII.

An res possit existere per
alienam existentiam?



Hæc questio perdetur ex præcedenti quæ si satis à nobis examinata est, facilis erit eius resolutio. Mouetur autem illam expresse propter quandam difficultatem Theologicam de Christi humanitate, quam Henricus quodlibeto 3. qu. 2. Dionysius Carthusianus in 2. dist. 6. q. 5. Ferrariensis 4. contra Gentes c. 35. & 41. Cajetanus, & graues recentiores Thomistæ, imò &

ipſemet D. Thomas 3. p. q. 27. art. 2. dicunt eſſe priuatam propriâ exiſtentiâ, ſicut & propriâ ſubſiſtentiâ; ac proinde ipſam exiſtere: exiſtentiâ Verbi; ſicut & ſubſiſtere Verbi ſubſiſtentiâ. Pro hac ſententia ſunt aliquæ authoritates & rationes inferius ſoluendæ. Quod ſi hæc ſententia vera eſt; maniſeſtum eſt eſſentiam & exiſtentiâ diſtingui realiter ſeparabiliter à ſe inuicem, cum vna poſſit eſſe abſque alia. Cæteri Theologi, Scotus, D. Bonauentura, Gabriel, De Baſſolis, De Rubione, Paludanus, & ex Thomiſtis Durandus in 3. diſt. 6. & ex recentioribus Suarez in 3. p. diſput. 36. & tom. 2. Metaphyſic. diſp. 31. ſect. 12. & Gabriel Vaſquez in 3. p. diſput. 71. contrarium ſuſtinent, docentque, quod quia nulla eſſentia ſeu natura poſſeſt eſſe abſque propria exiſtentiâ, etiam humanitas Chriſti non caret propria exiſtentiâ, quantumuis exiſtat in Verbo. Hanc rem licet à Metaphyſico propoſito aliquantulum alienam, quia viris Theologis ſcribo, iuuat abundè diſcutere.

Prima Concluſio.

Decla-
ratur
nullam
rem
exiſte-
re poſſe
per
alienâ
exiſtē-
tiam.

Nulla res poſſeſt exiſtere per alienam exiſtentiâ. Hæc concluſio patet ex dictis, & amplius ita probatur: Exiſtentiâ eſt id quo vnaquæque res habet formaliter, vt ſit actualis entitas in rerum natura; & extra nihil, ſeu extra cauſas ſuas: Cùm enim vnaquæque res creata primùm actu nihil ſit, ſed ſolùm in po-

tentia intelligitur exire ex illa potentia in actum, & deſinere eſſe nihil; intelligitur actu exiſtens: & huiusmodi exiſtentiâ eſt illa actualitas quâ intrinſecè & formaliter conſtituitur extra nihil, & extra ſuas cauſas. Nam ſi ex hoc quod res intelligitur actu eſſe in rerum natura, extra ſuas cauſas; non intelligitur actu exiſtens; quæro quid illi addat ſuperadueniens exiſtentiâ? Certè non poſſeſt illi tribuere vt actu ſit; quia hoc apertè ſupponitur ex vi prioris conceptus. Tribuet ergo quoddam hoc vel illo modo ſit: at hoc iam non pertinet ad rationem exiſtendi abſolutè; ſed ad determinationē & modificationē ipſius exiſtentiæ. Igitur exiſtentiâ nihil aliud eſt quam id quo vnaquæque res eſt formaliter realis & actualis entitas. Sed nulla res habet quoddam actualis entitas per actualē entitatem extrinſecam. Nā ſi per aliud quidpiam extrinſecum, habet quoddam ſit actualis entitas; per ſe, intrinſecè, & formaliter quiderit certè nihil. Ergo nulla res eſt actualis entitas per exiſtentiâ extrinſecam.

Obijciens. Poſſeſt aliqua res ſubſiſtere per ſubſiſtentiâ extrinſecam, vt de facto fides docet humanitatem Chriſti ſubſiſtere per ſubſiſtentiâ Verbi diuini: Ergo, poſſeſt exiſtere per exiſtentiâ alienam. Reſpondeo negando paritatem: quia ſubſiſtentiâ eſt modus diſtinctus realiter ab actuali eſſentiâ, non enim conſtituit illam in ratione entis in actu, nec primò ac formaliter eam diſtinguit ab ente in potentia; & ideo quauis ab illa ſeparètur, poſſeſt intelligi quid maneat

Obie-
ctio.
Solu-
tio.
1.
2.
3.
4.
5.
6.
7.
8.
9.
10.
11.
12.
13.
14.
15.
16.
17.
18.
19.
20.
21.
22.
23.
24.
25.
26.
27.
28.
29.
30.
31.
32.
33.
34.
35.
36.
37.
38.
39.
40.
41.
42.
43.
44.
45.
46.
47.
48.
49.
50.
51.
52.
53.
54.
55.
56.
57.
58.
59.
60.
61.
62.
63.
64.
65.
66.
67.
68.
69.
70.
71.
72.
73.
74.
75.
76.
77.
78.
79.
80.
81.
82.
83.
84.
85.
86.
87.
88.
89.
90.
91.
92.
93.
94.
95.
96.
97.
98.
99.
100.

maneat essentia actualis eadem, licet sub alio modo essendi. At secus est de existentia, quia ut dictum est, est primum formale constitutum actualis entitatis, & in re non distinguitur ab illa.

secunda Conclusio.

Humanitas Christi D. non existit per existentiam Verbi diuini, sed per propriam & intrinsecam; Itaut sint in Christo duæ existentie completæ, sicut & duæ naturæ seu essentia. Hæc conclusio probatur rationibus Scoti, & aliorum authorum nostræ Scholæ, in hunc modum.

Terminus per se generationis habet esse acquisitum per generationem; sed Christus fuit terminus generationis temporalis ex Matre; quia secundum D. Damascenum lib. 3. c. 7. *Christus fuit verè genus temporaliter ex matre.* Ergo per illam generationem verè acquisiuit aliquod esse: Non esse obiectiuum & in potentia; Ergo subiectiuum & actuale. Ergo esse existentie. Confirmatur ex 5. Physic. text. Comment. 7. vbi dicitur quod terminus generationis est esse existentie, vel aliquod habens esse tale. Illud autem esse non est increatum; quia esse increatum non fuit effectum per generationem temporalem. Ergo aliud: Et ita proprium & creatum existentie, per quod illa humanitas existebat.

Dices forsitan quiddam esse increatum non absolute, sed sub humanitate terminabat generationem temporalem. Contrà, quia esse increatum, ut erat hu-

manitatis, non dicebat nisi respectum rationis ad ipsum. At respectus rationis non est, nec esse potest ratio termini realis, nec generationis cuiuscumque.

Præterea, quia generatio illa erat noua & realis: Ergo Filius Dei eam terminabat secundum esse reale existentie nouum: actionis enim nouæ realis, non potest esse terminus antiquus nisi sub ratione noua reali terminet. Cum igitur esse existentie, vel habens esse existentie sit terminus generationis, necessariò debet esse existentia noua, seu nouum esse existentie.

Secundò ex Arist. 2. de anima cap. 4. text. 37. viuere viuentibus est esse: sed in Christo fuit alia vita ab increata; alioqui non fuisset verè mortuus. Est enim mors priuatio vitæ; vitâ autem increatâ priuari non potuit. Ergo fuit in eo aliud viuere ab increato; & per consequens, aliud esse etiam ab increato.

Respondent aliqui recentiores Aristotelem eo loci non vrsupasse vitam pro existentia, neque viuere pro ipso esse substantiali; sed pro operatione vitæ. Contrà: Ex antecedentibus & consequentibus constat Aristotelem per, viuere, intellexisse esse substantialem. Nam cum textu 36. dixisset animam esse causam effectricem motus; esse etiam causam cuius gratiâ, hoc est finalem, & esse formam & substantiam corporum animatorum; postmodum textu 37. subdit: *Causam namque cunctis ut sint, formam ipsam atque substantiam esse pater: at viuere viuentibus est esse.* Loquitur ergo Aristoteles de viuere quod

est esse substantiale animantis, & cuius ipsa anima est forma substantialis; non autem de viuere sumpto pro operatione, cuius suprà dixerat animam esse causam effectricem. Hoc ipsum confirmant etiam verba subsequen-
tia.

Tertiò: Humanitas, vt entitas actualis, ordine naturæ supponitur assumptioni: Ergo non constituitur in esse actualis entitatis per ipsam assumptionem: & per consequens nec per existentiam increatam, quæ cum sit terminus assumptionis non potest illi supponi.

Consequentia est euidens. Antecedens probatur multipliciter. Primò, quia fundamentum relationis naturaliter præcedit ipsam relationem, & secundum esse actualis existentie præcedit rationem relationis actualis: Sed vnio humanitatis ad Verbum fuit relatio actualis: Ergo eius fundamentum præcessit naturaliter eam secundum esse actualis existentie: Sed illud fundamentum erat ipsa humanitas: Igitur ipsa secundum esse actualis existentie; fuit prior naturaliter vnione: Ergo habuit esse existentie prius naturâ quàm vniretur: Sed illud necessariò erat creatum; quia ante vnionem, esse increatum non habuit, nec illud per vnionem amisit; ergo habet adhuc illud post vnionem.

Præterea: Modus rei, præsertim extraneus, supponit ordine naturæ rem cuius est modus: At vnio, vel assumptio est modus humanitatis extra naturam eius: Ergo ordine naturæ supponit illam in ratione entis actualis: &

per consequens non habet per hanc vnionem, rationem actualis entis: atque adeò nec existentiam ipsam. Et confirmatur, quia esse ordine naturæ prius est, quàm vniri.

Præterea, Vel prius saltem naturâ, quàm vniretur humanitas Verbo, habuit esse actualis existentie, vel non: Si primum, cum illud per vnionem non auiserit, quia nulla ratio assignari potest, ob quam esset corruptendum, cum non sit incompossibile cum esse personali Verbi aut vnione hypostatica; habebit sanè illud post vnionem: Si secundum: Ergo non potest præintelligi humanitas in actu ipsi assumptioni; quia res in actu non potest absque contradictione sine actu intelligi; & consequenter assumpta fuit, vt in potentia obiectiua existens: atque adeò, vt nihil, quod est figmentum.

Præterea, vel assumpta est humanitas, vt habens esse extra nihil, & extra suas causas, vel vt in ipsis existens: Si primum, ergo cum actuali existentia, quia intelligi haud potest res extra nihil, & extra suas causas sine actualitate: si secundum, ergo Verbum potius assumpsit causas humanitatis, quàm humanitatem, quia humanitas vt in suis causis, non distinguitur ab eis.

Quartò: Creatio animæ Christi, & vnio eius ad Verbum sunt distinctæ, atque diuersæ actiones, quarum prima supponitur secundæ, sicut creatio eiusdem animæ diuersa est ab vnione eius ad corpus, illique supponitur: sed per creationem reci-

pit anima aliquod esse actuale; terminus verò creationis est esse existentiz: Ergo recipit existentiam creatam. Probatur consequentia: quia per illam creationem fit aliquod esse in ipsa anima, quod non est esse essentiz vt distinguitur ab esse existentiz; quia vt sic, illud non est de nouo, sed æternum, cum reuera tantum sit esse in potentia: ergo est esse existentiz creatum, cum per creationem fiat; quod quidem manet in ipsa anima Verbo vnita: non enim potest perdere per assumptionem illud esse quod per creationem habuit.

Quintò, Illam naturam quam Verbum personauit, scilicet humanitatem assumptam, tota Trinitas produxit in ratione causæ efficientis, eamque conseruauit; sed causalitas causæ efficientis & conseruantis non terminatur nisi ad aliquod existere; & non ad incrementum; quia nihil efficit se ipsum: ergo ad esse creatum: & per consequens humanitas habet existentiam propriam & creatam.

Sextò, Si ista natura dimitteretur à Verbo, non oporteret sibi acquiri nouum esse per generationem, nec per creationem; & tamen ipsa dimissa ex hoc quòd dimissa non esset annihilata, nec esset ens in potentia, vt anima Antichristi ante creationem: ergo haberet aliquod esse in actu; non haberet autem nouum, quia tunc nulla esset mutatiopositiua: ergo haberet idem, quod modò habet; ergo illud esse quod modò habet humanitas Christi, est esse existen-

tiz creatum. Itaque natura humana assumpta, ex quo non est tantum in intellectu, neque in causa, sed extra causam suam, necessariò habet suam propriam existentiam actualem, sicut proprium suum esse quidditatum; sed non habet propriam substantiam, quia substantia ultra existentiam, addit fortè modum per se existendi cum exclusionem innitentiz ad aliud sicut ad suppositum, quem modum non habet natura assumpta à Verbo, cui inuititur, & in quo subsistit.

Obijcit primò quidam Thomista: Si humanitas Christi existit propriâ existentia, & sibi connaturali; sequitur quòd Beata Virgo non est formaliter appellanda Mater & Genitrix Dei: Sed consequens est contra id quod diffinitur in Concilio Ephesino primo, Canone primo, & Canone decimo tertio, ergo sententia asserens antecedens, nullatenus est admitenda.

Probatur sequela: Tota Christi humanitas secundum animam, & secundum corpus præexistit assumptioni; ita quòd anima priùs naturâ fuit creata, & tota humanitas priùs naturâ concepta, quàm assumeretur à Verbo, vt cõcedimus nos; ergo priùs naturâ, quàm Deus esset homo, & homo Deus, perfectum fuit & absolutum totum officium, & Dei creantis animam, & Virginis totam humanitatem concipientis & generantis, quia totum officium maternum à Beata Virgine in Christi generatione exhibitum, non attingit assumptionem humanitatis cum Verbo; quia hoc non ad Virginem ge-

Obie-
tio I.

Solu-
tio 1.

nerantem; sed ad Deum mirabilia operantem attinuit, sed totum eius officium consistit in productione humanitatis. Ergo beata Virgo erit simpliciter appellanda mater humanitatis, & non Dei. Respondet Suarez quod hæc difficultas, qualiscumque illa sit, multò magis verget si in Christi humanitate non est esse existentie creatum, sed tantum esse essentiae. Nam inde sequitur totam actionem seu causalitatem matris terminatam fuisse ad esse essentiae humanitatis, & ultra non fuisse progressam. Ergo multò magis sequitur concepisse solam humanitatem in esse essentiae, & non humanitatem existentem, nedum ipsum Christum aut Deum. Antecedens patet, quia ut supponit, Beata Virgo non concurrat immediatè ad unionem illius humanitatis, cum Verbo; ergo non concurrat ad actionem, quæ illa humanitas facta est existens, quia illa fuit vnitio iuxta hanc sententiam. Ergo tota causalitas Virginis versata est circa esse essentiae humanitatis, & in eo stetit. Ergo ex sententia opposita magis sequitur Virginem non genuisse Christum vel Deum; quia magis distat à Christo humanitas secundum solum esse essentiae, quàm humanitas iam existens; & nemo negare potest quin ordine naturæ saltem in aliquo genere causæ, scilicet materialis, prius habuerit illa humanitas saltem esse essentiae, quàm fuerit assumpta, seu vnita Verbo.

Solu-
tio 2.
Quo-
modo
Beatif-
suma
Virgo
fuerit
Mater
Dei.

His tamen omissis. Respondeo ad argumentum, in quantum militat aduersus doctrinam Scoti asseren-

tis matrem actiue ad proles generationem concurrere, sat fuisse ut ipsa ad generationem humanitatis cucurrerit, & ad generationem hominis actio tenderit, & verè ad esse hominis terminata fuerit. Nam licet ipsa non genuerit esse personale Verbi secundum se; genuit tamen humanitatem sub eo: Siquidem in eo instanti, quo propria subsistentia debebatur ipsi humanitati, eidem accessit esse personale Verbi Diuini, ita ut genuerit Verbum Diuinum ut subsistens in humanitate, vel humanitatem ut terminatam à Verbo Diuino; quod fit ut verè ac propriè dicatur genuisse Deum & hominem, sitque verè mater Dei, & hominis.

Obijcit 2. Ex opposita sententia, aliquot sequuntur inconuenientia quæ non videntur bene consentire cum doctrina sana, & modo loquendi Conciliorum: Ergo non est tenenda. Probatur antecedens. Ex illa enim sententia sequitur primò in Christo esse duplex esse, creatum scilicet & increatum, & consequenter quod Christus non sit vnum simpliciter, sed duo. Quia ex duobus entibus in actu, non fit vnum ens per se. Sequitur secundò humanitatem non existere in Verbo, sed in seipsa, & consequenter Deum non esse hominem, quia non esset homo nisi per existentiam humanitatis in eo. Quod verò illud primum sequatur, sic probatur. Humanitas non existit existentia Verbi. Ergo non existit in Verbo. Nam quid aliud est existere in alio, quàm per existentiam eius exi-

Obie-
ctio 2.

stere? Illud idem etiam videntur docuisse Patres, D. Damascenus lib. 3. de fide cap. 22. ubi ait humanitatem seu carnem in Verbo habuisse existentiam. Id quod etiam docet cap. 3. 11. & 12. Item Sophronius in epistola quæ in sexta Synodo, actione undecimâ, recitata fuit, & actione decimâ tertiâ, atque in Concilio Chalcedonenfi approbata, qui sic habet: *In verbo Dei, non in seipso habet, nempe natura humana, unâ*

existentiam cum verbo. Respondeo negando sequi ex nostra sententia aliquid inconueniens; & ad primum quod infertur & assertur, dico quod in Christo duplex est esse existentie, sicut & duplex natura actualis in eo est, videlicet esse existentie nature increate, & esse existentie proprium nature create; nec ob id sequitur quod Christus sit vnum per accidens; vel duo masculinè: siquidem non est in ipso nisi vnicum suppositum; ad hoc autem ut illud inconueniens sequeretur, oporteret in eo esse duo supposita. Ad secundum inconueniens respondeo falsum esse humanitatem non existere in Verbo, si non existat existentia Verbi; quemadmodum falsum est accidens non existere in subiecto; licet non existat existentia subiecti: Quia existere in aliquo, non est existere per existentiam eius, sed est habere existentiam suam sustentatam ab eo: Vnde potius ex eo quod humanitas Christi existat in Verbo, sequitur ipsam habere propriam existentiam, & addere tantum habitudinem dependentiæ ad suppositum Verbi, à quo

sustentatur, sicut & ipsa humanitas: Atque ita soluitur D. Damascenus. Sed difficilius est respondere ad Sophronium, qui dicit humanitatem habere vnâ existentiam cum Verbo Dei. Sed imprimis negant aliqui in ipso fonte haberi particulam illam, *Cum verbo.* Dicunt alij eò loci Sophronium non agere de vna aut duplici existentia humanitatis; quorsum enim de ea re, de qua nulla illuc vsque extiterat controuersia, Sophronius ageret? sed solum definire voluisse carnem, animam, & humanitatem simul tempore fuisse productam à Deo, & Verbo vnitam; atque id significasse cum dixit humanitatem Christi in Verbo Dei, non in seipso habere vnâ existentiam; ac si diceret non habuisse existentiam à Verbo diuisam, hoc est ab eo separatam. Addere possumus, in exemplaribus Græcis, pro existentia haberi *ὑπαρξίς*, quod nomen denotat substantiam, & ut notat Budæus in Commentarijs linguæ Græcæ, ferè idem est quod *ὕλη*. Cum igitur Sophronius dixit Christi humanitatem habere vnâ in Verbo existentiam; dicere voluit vnâ in illo, & cum illo habere subsistentiam. Ita Gabriel Vassquez loco citato.

Explicatur locus difficultatis Sophronij.

Solutio Duplex Esse in Christo Domini.

Quomodo humanitas Christi Domini existat in Verbo, tamen non existat existentia Verbi.

QVÆSTIO XXIII.

Verum ex essentia & existentia fiat compositio in rebus creatis?

Ad compositionem requiruntur plures, quorum vnum se habeat ut actus, & aliud ut potentia.



Prænotandum 1. totiplicem assignari posse compositionem, quoniam duplex est aliorum, quorum vnum se habet ut actus, & aliud ut potentia, distinctio: Ita quod sicut alia est distinctio realis, alia formalis, & hæc quidem adhuc multiplex, & alia rationis; sic alia est compositio realis, alia formalis, & alia rationis. Dixi quorum vnum se habet ut actus, & aliud ut potentia: quia si hoc desit, quantumvis aliqua distinguantur, & in aliquo vno reperiantur, non propterea tamen compositio nem efficiunt.

Prænotandum 2. vel potius repetendum ex dictis, essentiam posse duobus modis ad existentiam comparari, scilicet quatenus est adhuc in potentia obiectiva, & quatenus iam est actus. Henricus citatus multis in locis apud Doctorem Subtilem in 1. disp. 36. q. vnicâ, vult quod, quia essentia creata habet aliquod esse reale antequam existat, & secundum illud esse, est in potentia receptiva respectu existentie; ex essentia & existentia coalescat realis aliqua compositio; ex essentia quidem

ut potentia; ex existentia verò ut actu. Et quia hanc sententiam improbat Scotus noster eò loci, idèd aliqui ex nostra Schola sustinent ex essentia & existentia nullam planè consurgere compositionem, ne quidem rationis.

Prænotandum 3. in omni re modificata vel modata duo, distinguui posse aliquo pacto ex natura rei, scilicet rem ipsam modificatam, & modificationem eius, seu id quo modificatur. Et quamvis hæc non sint duo entia à parte rei, sed vna & eadem res, alio tantum vel alio modo se habens: nihilominus ipsa res quæ modificatur, & id quo modificatur, sunt duo conceptus obiectivi, quorum vnus habet rationem quasi potentie, & alius rationem actus. v. g. ens finitum est vna res hoc tantum modo, putà finito se habens; nihilominus ipsa res & modus finitatis eius obijciuntur probis vt duo conceptibilia, quorum vnum habet rationem potentie, & aliud rationem actus, ex quibus consurgit aliqualis compositio ex natura rei, saltem modalis.

Nec est quòd dicas primò ens finitum ut abstrahit à decem Prædicamentis, debere esse quidditatem simplicem; & idèd nullo modo compositam. Fateoremur debere esse quidditatem simplicem, non tamen entitatem omni ex parte simplicem; aliud est enim quidditas simplex, & aliud entitas simplex. Quidditas simplex negat pluralitatem conceptum quidditativorum, quæ in ente, ut abstrahit à decem Prædicamentis, reperiri non potest. Entitas autem simplex omni

In re modificata distinctur à re in se, & id quo modificatur, & id quo modificatur.

ex parte, debet negare omne aliud, etiam modum, ut docet Scotus in 1. dist. 8. qu. 3. *Ad primum.* Vbi dicit quoddam quando intelligitur aliqua realitas cum suo modo intrinseco, ille conceptus non est ita simpliciter simplex, quin possit concipi illa realitas cum modo illo.

Conciliatio
doctrinae
Scoti

Nec est quoddam dicere iterum hanc doctrinam videri repugnare Scoti, qui dicit rem & modum eius intrinsecum, non esse aliam, & aliam rem, sed vnam modum magis, modum minus expressam, vel alio, & alio modo se habentem: & iterum in 1. distinct. 3. qu. 2. conceptum entis infiniti esse simpliciter omni alio conceptu, qui de Deo haberi posset, quia est conceptus realitatis & modi eius. Non est, inquam, quoddam hac obijcias; quia ex his tantum colligitur compositionem ex re & modo, non esse tantam, & tam propriam, ac est compositio ex realitate & realitate, puta ex genere & differentia: non autem ex re & modo nullam prorsus fieri compositionem. Immo ex his quae docet in 1. dist. 3. qu. 2. habes tantum conceptum entis infiniti esse simpliciter conceptu entis boni, vel entis sapientis; sicque fieri comparisonem inter hos conceptus, non quasi vnus sit simpliciter simplex, & alter non; sed quia vnus est simpliciter alio: ex quo sequitur, quod si in Deo dari posset compositio, vnus esset tantum minus compositus, quam alius.

Vno verbo, si modus intrinsecus non sit aliquid fictum ab intellectu, ut res habet, sed sit

aliquid repertum in re ipsa efficiens & quasi actiuans ipsam suo modo à parte rei; vix intelligi potest quin ipsa res, ut modata, sit minus simplex, quam sit non modata; atque adeo si sit capax compositionis, aliquid aliter composita ex se ipsa tota aliter, & aliter se habente, & ex modo per quem aliter, & aliter se habet. His positis, sit.

Prima Conclusio.

EX essentia in potentia obiectiua, & existentia non fit compositio, saltem quasi essentia, hoc modo spectata, sit aliquid reale receptiuum existentiae tanquam proprii actus. Conclusio est Scoti nostri in 1. dist. 36. qu. vnicà, §. *Contra ista*, in fine, ubi contra Henricum, atque consequenter Thomistas, praesertim Caietanum, qui sententiam Henrici sequuntur, ita habet. *Quod etiam addit supple Henricus, compositionem esse in creaturis, per ipsam potentialitatem ad actum; non videtur rationabile, quia nihil videtur esse ibi quod cum alio componatur. Si enim tota albedo praexistat in potentia, ut terminus potentia, & postea ipsamet sit in actu, non est propter hoc aliqua compositio rei & rei. Igitur si praexistat res secundum esse essentia, & ipsa producat secundum esse existentia, non propterea res erit composita.*

Quomodo ex essentia & existentia non fiat compositio.

Doctrina notanda omnino.

Gabriel Vasquez in 3. p. disput. 72. cap. 2. hanc totam rem his verbis explicat optime: Cum essentiae tribuimus potentiam ad existendum, non tribuimus eam eo modo, quo enti in actu conuenire solet aliqua potentia ad

alium actum, sicuti homini necessienti aliquid, conuenit potentia sciendi illud; & materiae primae actu existenti conuenit potentia ad formam; sed tota ipsa essentia eâ ratione dicitur esse in potentia; quia cum non sit, non implicat contradictionem, vt esse possit, quod quidem non satis est, vt dicamus ex esse, & essentia aliquid constitui aut componi; hæc enim potentia essentiae ad existendum, non est coniuncta cum aliquo quod sit actu, ex quo quatenus est in potentia; & ex ipsa existentia adueniente aliquod tertium constituitur; quare neque ex natura rei (hoc est realiter in sententia eius) essentia distingui potest ab existentia. Est enim essentia, cum est in potentia, idem omnino quod postea actu erit, nisi quodd prius potest esse, & non est: postea verò totum illud quod poterat esse, actu est, ac proinde non sunt duo, ex quibus fiat compositio.

Hoc ipsum multis antè annis doctissimè expressit noster Alen-
sis 7. Metaphys. text. 21. quæ-
stiunculâ vltimâ, his verbis: *Ima-*
ginabimur ergo sic, scilicet quod to-
ta natura rei primò fuit tota sub
natura potenciali, & tota postea
fuit in actu, non quòd nos imagine-
mur, quòd tota res præcesserit &
fuerit sub natura potenciali, quæ po-
stea suscipiat actum; sed quòd tota
res, quæ præcessit, & fuit sub na-
tura potenciali, modò tota est sub
actu: istam autem rem, vt præce-
dit, vocant aliqui, & benè, esse non
prohibitum; hoc est, esse possibile, cui
non repugnat esse in actu; hoc autem
ens non prohibitum, & esse in actu

non sunt duo entia, sed unum. Eadem,
sub alio, & alio modo: qui tamè alius
& alius modus non est alia, & alia
res: & potest saluari, quòd ista res
fiat; quia ad istud fieri non plus
requiritur, nisi quòd eadem realitas
tota primò sit sub natura possibilis
(quod vocamus ens non prohibitum)
& tota postea fiat in actu.

Quidam autem istam rationem, vt præcedit, vocant essentiam; vt autem ipsa eadem est terminus actionis diuina, vocant esse. Imaginabimur enim sic, quòd illa realitas existens sub natura possibilis, adhuc non est ens in actu, sed quadam similitudo diuini intellectus; & ex hoc essentia potest dici: illa autem essentia eadem, quæ prius fuit similitudo, postea est terminus actionis diuinae, & ex hoc vocatur esse. Non ergo imaginabimur, quòd istud fieri habeat esse ex hoc, quòd esse recipiat esse, tanquam quadam diuersum re; sed ex hoc quòd illa eadem realitas, quæ primò cecidit sub conceptu faciendi, sit terminus eiusdem actionis faciendi & obiectum. Ex hoc toto discursu patet quantum aberrant ij, qui volunt ex essentia tanquam ex potentia quadam receptiua; & ex existentia tanquam ex actu eius, fieri compositionem aliquam veram & realem, & resultare totum quoddam compositum, nimirum ipsammet extensam.

Obijcies tamen ex eo sequi Obie-
Scotum non sibiipsum constare. Aio.
Nam in 1. dist. 8. qu. 2. docet
expressè contra D. Thomam,
non omnem creaturam esse com-
positam ex positioe & positioe;
quia dantur aliqui gradus en-
tium ita simplices, vt ex aliis
nullo modo componantur; ta-
men

Egre-
giè hic
philo-
sophia-
tur no-
tèrma-
gnos
Alexā-
der.

men omnem creaturam esse compositam ex aliquo positivo, & ex aliquo privativo, nimirum ex perfectione quam habet, & ex perfectione quâ caret, & quam potest habere, quatenus est ens; ex quo sequitur omnem creaturam esse compositam ex actu, & potentia obiectiva; quia, inquit, habet iam actum entitativum per quem est ens, & aliquid; & est in potentia obiectiva respectu illius perfectionis possibilis, cuius est capax, quatenus est ens,

Solutio
in qua
conci-
liatur
Scoti
doctri-
na.

Respondeo nihilominus Scotum non sibi contradicere: quia cum negat ex essentia in potentia obiectiva, & existentia fieri compositionem; hoc negat, quasi utrumque sit positivum, & unum in potentia receptiva respectu alterius, ut volebat Henricus, & docent Thomistæ. Et cum postmodum docet omnem creaturam esse compositam ex actu entitativo & potentia obiectiva, non vult hoc utrumque esse positivum; imò docet expressè unum esse positivum, & aliud privativum. Et hanc speciem qualiscumque compositionis introducit solum, ut ostendat quomodo Deus, cum sua summa simplicitate, est infinitus, quia nulla caret perfectione possibili. Creatura autem omnis quantumcumque simplex, semper est finita, quia caret multis perfectionibus possibilibus, si non quatenus est talis, vel talis creatura, saltem quatenus est ens, quia nulla perfectio repugnat enti, ut sic.

Secunda Conclusio.

EX essentia actuali & eius Quomodo ex essentia & existentia fiat aliqua compositio.
existentia fit aliqua compositio saltem modalis, quæ est minima inter omnes compositiones ex natura rei: & hanc compositionem vocant alij rationis cum fundamento in re. Tota hæc conclusio patet ex dictis prænotato tertio, & breviter adhuc ita suadetur: In essentia actuali seu existente duo nobis obijciuntur, nimirum ipsa essentia quæ est existens, & ipsa existentia quæ formaliter constituitur existens. Hæc autem duo sufficiunt ad compositionem illam saltem minimam & modalem; quia unum illorum nobis obijcitur tanquam affectum, & aliud tanquam afficiens, licet à parte rei sint una entitas. Et ex eo confirmatur; quia qui dicit essentiam existentem, plus dicit, quàm qui dicit essentiam simpliciter; unde conceptus essentia, ut existentis, est minus simplex, quàm conceptus essentia; ut sic; proindeque aliquo saltem pacto compositus, in quantum patitur posse componi: Ergo ex essentia actuali, & eius existentia confurgit aliqua compositio.

Obijcies: Ad compositionem Obie-
requiritur, ut extrema com-
ponentia sese mutuo excludant: at essentia & existentia sese mutuo non possunt excludere: etenim si sese excluderent, non essent amplius entia; essentia siquidem sine existentia nihil est: Solutio.
Ergo ex illis non potest fieri compositio. Respondeo ad ma-
Hh

iorem sese debere excludere eodem modo quo componunt: Componunt autem essentia & existentia formaliter modaliter tantum: Ergo debent se excludere formaliter modaliter tantum. Hæc autem exclusio, seu potius præcisio formalis modalis existentia ab essentia, non sufficit, ut essentia remaneat nihil; quia existentia non negatur de essentia. Hoc est, existentia abstrahit ab essentia præcisivè & simpliciter, non negativè, & diuivè, seu, ut diximus, concipitur sine essentia, non negatur de essentia.

Per intellectum existentia abstrahitur simpliciter ab essentia, non diuivè, seu negativè.

nus essentia est.

Prænotandum 2. Vnum esse perfectius alio, cum ex perfectione illius sequitur perfectio alterius, & non è contrà; v. g. quia esse hominis est perfectius esse leonis; idè sequitur vitam hominis esse perfectiorem vitam leonis, & non è contrà: Et ita quia homo simpliciter perfectior est leone; idè sequitur hominem viventem esse perfectiorem leone vivente. His positis, sit hæc.

Præca Conclusio.

Essentia quatenus essentia, & secundum sua prædicata quidditativa spectata, est perfectior existentia. Colligitur ex Scoto nostro in 2. dist. 2. qu. 3. ubi colligit differentias existentiarum ex differentijs essentiarum. Est item Fonseca 4. Metaphysic. cap. 2. qu. 7. Et sic breviter probatur. Idè homo existens est perfectior Leone existente, quia homo secundum essentiam suam est perfectior Leone etiam secundum essentiam suam. At si existentia esset perfectior essentia; sequeretur potius hominem existentem esse perfectiorem Leone existente; quia existentia hominis est perfectior existentia Leonis. Ergo existentia est minus perfecta, quam essentia; seu essentia est perfectior existentia. Probatur maior: Homo simpliciter & ut sic, est perfectior Leone; quia quidditas hominis est perfectior quidditate Leonis: Ergo homo existens est perfectior Leone existente, quia homo secundum suam essentiam, est perfectior

Essentia est perfectior existentia.

QVÆSTIO XXIII.

Utra sit perfectior essentia an existentia?



Hæc quæstio agitur potissimum ab ijs qui distinguunt essentiam realiter ab existentia.

Tamen etiam potest habere apud nos, non nihil difficultatis.

Prænotandum itaque primò nos non hic comparare essentiam in potentia obiectiva cum existentia, quia essentiam hoc pacto non esse perfectiorem existentia: ex eo patet, quia essentia potèntialis nihil est: existentia autem est aliquid reale; sed comparare essentiam actualem cum existentia præcisâ tamen ratione existentia, quæ ut sic, nec ut existens, nec ut non existens, concipitur, sed nudè & simpliciter, seu quate-

Leone secundum suam essentiam.

Confirmatur: Ratione essentiae constituuntur varij gradus entium, & non ratione existentiae. Quia existentia id solum praestat ut res sit actu: In essendo autem actu ut sic, non dantur gradus. Ergo perfectio vnus rei pra alia, non petitur ab existentia, sed ab essentia.

Præterea: Res est semper nobilior suo modo: existentia autem est modus essentiae. Ergo essentia est perfectior existentia.

QVÆSTIO XXV.

Vtrum existentia sit de quidditate Dei, & tamen existentia in se sit uniuoca ad existentiam diuinam, & ad existentiam creatam?



Propositâ uniuocatione entis ad Deum & creaturas, videtur non esse dubitandum de uniuocatione existentiae in se, ad existentiam incretam, & existentiam creatam. Nihilominus quia & existentia creata est tantum modus essentiae creatae, & existentia increata est predicatum essentiale & quidditativum essentiae diuinæ, ut communior fert sententia; Idcirco dubitatur merito an hoc, non obstante, existentia in se sit uniuoca ad existentiam

incretam, & existentiam creatam? Qui non admittunt uniuocationem, non habent hic difficultatem: Eorum autem qui tenent uniuocationem, alij dicunt quoddammodo existentia creata est modus essentiae creatae, sic & existentia increata est modus essentiae increatae. Ita Bargius, Trombeta, & ex nostris recentioribus Posnanensis in 1. Scoti dist. 2. q. 1. dubitatione 2. Alij omnes tenent existentiam diuinam esse predicatum quidditativum & essentiale diuinitatis; & cum hoc conuenire uniuocè cum existentia creata. Quo pacto autem duo hæc cohæreant, tum conclusionis probatione, tum prioris argumenti solutione patebit.

Vnica Conclusio.

Existencia increata est de conceptu quidditativo essentiae diuinæ, & non tantum modus eius. Ioannes de Bassolis in 1. dist. 8. q. 1. art. 2. testatur hanc conclusionem esse solennium Doctorum, etiam Scoti) cuius mentem satis tenebat) in 1. dist. 2. q. 1. ubi docet quoddammodo existentia in mediauissimè conuenit essentiae diuinæ, & quoddammodo propositio in qua praedicatur esse, de Deo, non est per se secundi modi, sed est in mediauissima, ad quem resoluntur omnes aliae propositiones enuntiantes aliquid de Deo. Id etiam docet adhuc quaestione 1. quodlibetica, art. 1. ubi habetur in litera cancellata, soluendo quoddam argumentum, quod in diuinis existentia est de conceptu essentiae, & praedicatur in tri-

Varia sententia diffinitionum Doctoris subtilis refferuntur.

Existencia increata est de quidditate Dei.

mo modo dicendi per se; sic quod propositio illa, per se est prima, & immediata ad quam omnes alix res solvuntur. Hanc item esse mentem Doctoris nostri testatur doctissimus eius interpres Lychetus ibidem, & eam sequuntur Mauricius, Vallo, Herrera & alij: Et ita probatur à Bassolis.

Primò. Illud quod ex se formaliter est summè necesse esse, includit esse, vel est esse ex suo conceptu quidditatiuo. Patet, quia aliàs non esset formaliter ex se necesse esse. Necesse esse autem includit esse ut patet: sed essentia diuina est ex se formaliter summè necesse esse: quia necesse esse est cui secundum primam & absolutissimam rationem suam, conuenit esse, secundum Auicennam s. Metaphysic. Ergo esse actualis existentie est de conceptu quodditatiuo essentiae diuinae.

Secundò. Illud in quo non differt quaestio, si est, & quid est, habet esse ex suo conceptu quidditatiuo. Sed hoc est in Deo. Ergo, &c. Maior est euidentis. Minor est Linconienfis in initio secundi Posteriorum; & colligi potest ex Patribus Augustino s. de Trinitate cap. 2. ubi dicit essentiam Dei dictam esse ab, esse, & sumit, esse, pro, existere, ut constat ex ligera. Et 12. de Ciui. ca. 2. ubi dicit Deum esse summam essentiam, quia summè est. Et Ambrosio, lib. 1. de fide contra Arianos, cap. 4. ubi concludit Hoc ipsum quod est, esse substantiam Dei. Item ex omnibus alijs qui cum Scriptura docent nihil esse magis proprium Deo,

& nullum nomen magis aptum, quam ipsum esse, seu existere; Quamquam fortè, ut verum fatear, nec Scriptura, nec Patres istas Metaphysicas quaestiones de ratione praedicatorum quidditatiuorum, & modorum dirimant; sed solum intendunt Deum semper esse, aeternum esse, & immutabilem, qui ab alio ut sit, non dependet, sicut creaturae dependent.

Tertiò: (& hanc rationem elegantiorē reddidit Suarez 3. p. tom. 1. disput. 11. sect. 2.) Immutabilitas seu inuariabilitas, ut loquitur Bassolius, est attributum essentiale conueniens Deo ratione suae naturae infinitae; sed esse immutabilem, includit essentialiter esse seu existere. Nā inuariabiliter existere supponit existere. Ergo si necessitas existendi, seu permanentia immutabilis in existendo sit de quidditate Dei, multò magis ipsum existere erit de quidditate Dei.

Obijciunt 1. Quaecumque in Deo aut in quocumque alio, se formaliter includunt, illa etiam in suis conceptibus simplicissimis & abstractissimis, se formaliter & quidditatiuè includunt. Sed existentia & essentia in suis conceptibus simplicissimis & abstractissimis, non se includunt quidditatiuè. Ergo etiam nec ut sunt in Deo, se includunt quidditatiuè Maior probatur. Manente eadem ratione formalis, manet eadem identitas vel diuersitas formalis: Sed in conceptu abstractissimo, manet eadem ratio formalis essentiae & existentiae, quae fuit in aliquo vno particulari. Ergo etiam manet

eadem identitas vel diuersitas formalis; igitur si se quidditatiuè includunt in aliquo particulari, v. g. in Deo, includunt se etiam quidditatiuè in conceptibus abstractissimis. Minor etiam propositio probatur. Quia si essentia in suo conceptu abstractissimo includeret existentiam; Ergo quælibet essentia formaliter includeret existentiam; Quia quod est per se tale, vbi cumq; ponatur, semper erit tale: Igitur & in creaturis, essentia includeret quidditatiuè existentiam.

Respondet negando maiorem, & probationem eius; quia essentia & existentia secundum suos simplicissimos & abstractissimos conceptus neutrum habent, scilicet quod sint quidditatiuè idem, vel non sint quidditatiuè idem. Quod enim existentia sit quidditatiuè eadem cum essentia, ex eo non habet quia existentia est, sed quia existentia diuina. Quod item existentia aliqua non sit quidditatiuè eadem cum essentia aliqua, sed sit tantum modus eius; non est quia simpliciter existentia est, sed quia existentia creata: existentia autem in se abstractit & a creata & ab increata. Itaque etiam existentia abstractit à ratione essendi vel non essendi quidditatiuè eandem cum essentia. Atq; hinc constat quo pacto existentia in se sit uniuoca existentie increate & existentie create, quantumvis illa sit predicatum essentiale, & hæc tantum modus. Quia ratio existentie vt sic, in eo formaliter constituit vt per eam res sit actu, & non nihil. In hac autem ratione conueniunt tum existen-

tia per quam res necessarîo & essentialiter est actu, cuius rationis est existentia diuina; tum existentia per quam res non necessarîo, sed tantum contingenter est actu, cuius conditionis est existentia creata. Ergo cum vinitate rationis existentie, stat vnâ existentiam posse esse de quidditate illius existentie cuius est existentia, & aliam non; sed tantum modum eius. Exemplum clarum est de sapientia, quæ secundum nos, est uniuoca sapientie increate, & sapientie create, & tamen illa est essentialis Deo, hæc verò nobis tantum contingens.

Obijciunt 2. Esse actu vel potentia sunt passionis entis; sed nulla passio præsertim subiecti communioris est de essentia inferioris, vt patet exemplo passionum quantitatis, quarum nulla est de essentia linear, vel superficiei. Ergo esse actu seu existere, nulli contento sub ente erit essentiale & quidditatiuum. Deus autem continetur sub ente. Ergo esse actu non erit essentiale Deo. Respondetur esse actu vel potentia in proposito, non esse passionis, sed partes entis: diuiditur enim ens in ens actu, & in ens potentia tanquam in partes subiectiuas. Per ens actu autem intelligitur ens existens: & cum entis existentis aliud necessarîo, aliud contingenter existat; fit vt esse actu, possit esse essentiale alicui enti, puta Deo.

Obijciunt 3. Existentia non est gradus essendi, sed modus essendi: omne autem predicatum essentiale & quidditatiuum debet esse gradus essendi, puta vel genericus vel specificus, vel trans-

Ph iij

Solutio.
Essentia & existentia in suis conceptibus simplicissimis nec se includunt, nec non includunt; sed abstractit & ab inclusione, & a non inclusione.

Obiectio 2.

Solutio.

Obiectio 3.

Solu-
tio.

cidentalis, vel simplex & totalis, vt in ijs quæ sunt ætus puri. Ergo existentia nulli essentia est prædicatum essentialle. Respondetur existentiam non esse gradum sed modum essendi in ijs quorum essentia & naturæ præcisâ existentia possunt intelligi omnibus suis gradibus & numeris completæ, vt sunt essentia creatæ, quæ secundum suas quidditates abstrahunt ab existentia; Non autem in eo

cuius essentia non concipitur completa suis omnibus gradibus absque existentia, qualis est essentia diuina, vt probatum est.

Solet hic disputari de substantia & inherencia; sed commodior erit eorum tractatio in tertio libro, vbi de partibus entis, videlicet de substantia & accidente disputabimus, quia substantia & inherencia non ad ens vt sic, sed ad ens substantiale & accidentale pertinent.

Et hæc de primo Libro Rerum Metaphysicarum.





F. M A R T I N I
MEVRISSE ROYENSIS;
ORDINIS MINORVM, DOCTO-
RIS ET PROFESSORIS THEOLOGI
Parisiensis, Rerum Metaphysicarum

LIBER SECVNDVS.
QVI EST DE PRINCIPIIS, ET
Proprietatibus Entis.

P R Æ F A T I O N C V L A .



METAPHYSICA non solum Ens ipsum, prout Ens est; sed etiam ea quæ per se ei insunt, speculatur, inquit Aristot. 4. Metaphysic. cap. 1. Itaut quemadmodum aliæ scientiæ non solum propria sua subiecta, sed & ipsorum principia, causas, & elementa considerant; sic Metaphysica non solum Ens ipsum, sed etiam Entis principia, causas, elementa, & proprietates, si quas habet, contemplatur. Eapropter

examinatis ijs quæ ad entis naturam pertinent, libro superiore; proximum est, vt ad eorum quæ Ens ipsum consequuntur, vel ad ipsum pertinent, explicationem accedamus. Erit autem iste liber cum propter rerum tractandarum varietatem, iucundissimus; tum propter earumdem difficultatem subtilissimus. In omnibus verò omnem operam adhibebimus, quatenus mentem Doctoris Subtilis assequamur, & illius singularem doctrinam quibus possimus rationibus, confirmemus. Quod vt facilius præste-

mus, hunc Librum in aliquot Capita diuidemus, & ad quodlibet Caput propriæ quæstiones excitabuntur. Quamuis autem in Physicis soleat agi de Principiis in vniuersum: quia tamen eorum consideratio, quam maximè necessaria est Theologis, quibus hoc opus tanquam apparatus quemdam præmitto; quia

etiam propter eius communissimam & abstractissimam rationem, ad Metaphysicum spectare videtur: Quia etiam fortassis de rebus Physicis scribere locus nobis non erit; idèd hoc primum Caput in duas partes secabitur; in quarum priore de Principio in vniuersum, & in posteriore de principiis Entis disputabitur.



CAPVT PRIMVM,

QVOD EST DE PRINCIPIO

in vniuersum, ac de Principijs Entis.

CAPITIS PRIMI, PARS PRIMA,

quæ est de Principio in communi.

QVÆSTIO PRIMA.

Quid, & quotuplex sit Principium?

Variz
acce-
ptiones
princi-
pij ex
Philo-
sopho
s. Meta-
physic.
cap. I.



RENOTANDVM
Aristotelem s.
Metaphysic. ca.
I. assignare quin-
que acceptiones
Principij.

Prima est, ut principium dicatur illud, vnde aliquid primò incipit moueri, v. g. illud dicitur principium viæ, vnde incipit motus, & ex opposito illud dicitur terminus, vbi motus desinit. Secunda, ut principium dicatur illud, vnde aliquid faciliùs inchoatur, sicut

in scientiis non semper, inquit, inchoandum est à primo rei principio secundum naturam, sed ab eo vnde quis possit faciliùs addiscere. Hanc obseruauit Commentator, priùs, in scientiis, dici duobus modis, videlicet secundum naturam, & quo ad nos. Modus autem noster addidiscendi frequentius incipit à priori, quo ad nos. Tertia, ut principium dicatur illud, quod in se qualibet primum generatur, aut fit, & existit, vt sedile in uani, fundamentum in edificio, & cor
vel

vel cerebrum in animali. Quarta, ut illud dicatur principium à quo, ut ab extrinseco aliquid fit, aut mouetur, aut contingit, quomodo v. g. Pater & Mater dicuntur principium pueri, & in ciuitatibus potestates & principatus dicuntur principia motuū qui in illis accidunt; quia ad eorum nutum, voluntatem & imperium ceteri mouentur: sic etiam conuitium dicitur belli principium, & artes principia artificiatorum. Quinta denique, ut principium dicatur id omne, vnde aliquid primum cognoscitur, ut principia respectu demonstrationum, & effectus respectu causarum, in quarum cognitionem inducunt. Hoc posito, sit

Prima Conclusio.

Descriptio principij ex Aristotele.

P Principium definitur ab Aristotele loco citato, *Primum id, vnde aliquid aut est, aut fit, aut cognoscitur.* Declaratur applicando definitionem istam omnibus acceptionibus principiorum e-numeratorum. Primum, dicitur esse, *primum*, ut significetur principium non esse ab alio, sed esse id, vnde est aliud. Etenim addit Alexander Alenf. in Commentario huius loci, siue sit id, vnde aliquid est, vel vnde aliquid fit, vel vnde aliquid mouetur, vel vnde aliquid cognoscitur; semper primitatem habet respectu eius, quod est ab eo. Primitatem inquam, vel simplicem, vel secundum quid; simplicem, qualem habet solus Deus respectu omnium quæ sunt ab ipso; vel secundum quid, & in certo

genere, qualem habet punctum respectu linear, vel instans respectu temporis. Nec enim requiritur, ut id omne quod est principium, sit simpliciter & absolute primum, aliàs solus Deus esset principium. Hinc sequitur omne principium esse aliquo modo prius iis omnibus quorum dicitur principium: quia id omne quod supponitur ab alio, est prius eo: sed omne principium supponitur à principiato, aliàs nulla esset ratio propter quam vnum esset principiatum, & aliud principium. Ergo omne principium est aliquo modo prius iis quorum dicitur principium.

Secunda particula est, *vnde*, quæ complectitur omnem rationem constitutionis, initiationis, emanationis, deriuationis & processions ab alio; significatque, *Post quod, à quo, ex quo, per quod, & propter quod* est aliud.

Tertia particula est; *Aliquid*, quæ etiam latissime est intelligenda, ut tam entia quàm non entia complectatur: Sicut enim nou ens principium esse potest, ita & principium habere. Inane enim spatium, v. g. quod extra cælos est, principium quoddam habet à quo inchoetur, siquidem ibi incipit, vbi cælum desinit.

Quarta particula, *Aut est*, additur ad significandum quædam esse principia essendi rerum, quæ scilicet vel res ipsas constituunt, ut sunt materia & forma respectu rerum naturalium, vel saltem si non constituent, producunt, ut pater diuinus respectu Filij.

Quinta Particula, *aut fit*, & in certo

Secunda particula descriptio- nis, vnde, ex- plicatur.

Tertia particula, ali- quid, declaratur.

Quarta particula, aut, exponitur.

Quinta

particula, aut sit, explicatur.

nitur, vt significetur quædam esse principia effectiōis rerum, & non, esse, illarum, vt priuatio.

Vltima particula, aut cognoscitur, elucidatur.

Vltima (aut cognoscitur) denotat quædam esse principia cognitionis rerum duntaxat, quæ nec ad esse, nec ad conseruationem earum aliquid conferunt: sic se habent creaturæ respectu Dei.

Obiectio 1.

Obijcies 1. Contra id quod dictum est in prima particula, omne principium esse aliquo modo prius eo cuius dicitur principium. Pater Diuinus est principium Filij, nec est tamen prior Filio. Ergo non omne principium est prius eo cuius est principium.

Solutio.

Respondeo concessâ maiore, distinguendo minorem, scilicet Patrem non esse priorem Filio duratione, perfectione, aut naturâ; esse tamen priorem origine. Ista autem prioritas, nec maiorem perfectionem in Patre, nec imperfectionem in Filio dicit; sed cum omnimoda similitudine æternitatis, perfectionis, & naturæ, significat duntaxat vnum esse ab alio.

Obiectio 1.

Obijcies 2. Principium & id quod est à principio sunt correlatiua: Sed vnum correlatiuorum non est prius altero. Ergo principium non est prius eo cuius est principium. Respondetur primo communiter ad hoc argumentum, principium & id cuius est Principium, si relatiue & formaliter sumantur, esse quidem simul, nec vnum esse prius altero; at si sumantur materialiter, scilicet pro rebus denominatis, quæ dicuntur principia, sic principium est prius eo, cuius est principium. Hoc est, ipse de-

nominationes principij & principijati sunt simul naturâ, non res quæ ab illis denominantur. Respondetur 2. ex Scoto nostro in 1. distinct. 28. qu. 3. §. ad questionem istam, similitudinem relatiuorum in eo solum consistere, quod posito vno necessarîo ponatur aliud, & ablato vno, aliud auferatur, ita vt nullo pacto possint existere sine se inuicem: Cum hac tamen similitudine, posse vnius ad aliud prioritatem quandam intercedere, illam scilicet quâ vnum eo est prius altero, quia est eo perfectius, ita quod, inquit, cum similitudine correlatiuorum secundum naturam, possit stare prioritas secundum perfectionem in vno respectu alterius. Quod etiam confirmatur ex Auicenna 6. Metaphysic. cap. 2. vbi vult quoddam causâ, vt sic, sit naturâ prior eo cuius est causâ, etiam quatenus ipsum est causatum. Et hoc pacto principium etiam formaliter & relatiue sumptum potest esse prius eo cuius est principium.

Solutio 1.

Principium est prius principio prioritate perfectionis.

Obijcies 3. Passim apud Theologos, Pater Diuinus dicitur principium totius Deitatis, fons & origo totius Diuinitatis. Ita enim loquuntur D. Augustinus 4. de Trinit. cap. 2. D. Dionysius cap. 3. de Diuinis nominibus. D. Athanasius oratione contra Grecales Sabellij, & hoc docent etiam communiter Theologi in 1. distinct. 29. Sed tota diuinitas non est, aut sit, aut cognoscitur à Patre, vel ex Patre; vel per Patrem; aliâs Pater esset principium sui ipsius, cum ipse etiam contineatur in Diuinitate; Ergo principium non est id vnde ali-

Obiectio 3.

Solutio.

Quomodo Pater diuinus dicatur principium totius Trinitatis & diuinitatis.

Solutio 1. Principium est prius principio materialiter non formaliter.

quid est, aut sit, aut cognoscitur. Respondeo cum D. Bona- uentura in expositione literæ distinctionis 29. quodd cum pater dicitur principium totius Diuinitatis, hoc est intelligendum per distributionem accommodam, ut sit sensus; Pater est principium totius Diuinitatis communicatæ; vel Pater est principium in Diuinitate, seu in Trinitate: quo pacto dicimus primam unitatem esse principium ternarij; non quodd sit principium suiipsius, sed quia inter tres unitates, quibus constat ternarius, primum locum obtinet.

Secunda Conclusio

Variz
diuifio-
nes &
subdi-
uifio-
nes prin-
cipio-
rum.

P Principiorum alia sunt cogni- tionis, alia rei. Principium cognitionis est quod sui cogni- tione ducit nos in cognitionem alterius rei, estque duplex, scilicet vel incomplexum, ut fumus respectu ignis; vel complexum, ut quælibet propositio anteceden- dens, ex qua consequens eruitur: estque etiam duplex, scilicet, vel speculatiuum, ut, *omne totum est maius sua parte*; vel practicum, ut, *quod tibi fieri non uis, alteri ne feceris*. Vtrumque iterum vel pri- mum seu immediatum, vel me- diatum. Rursus, principiorum cognitionis aliud est causa cur res sit & cognoscatur; ut causa res- pectu effectus in cuius cogniti- onem ducit; vel est tantum causa cur res cognoscatur, & non cur sit, ut effectus respectu causæ quam notificat. Principium rei est id unde res incipit, vel fit, vel est, ut dictum est. Et est primum duplex, scilicet vel negatiuum, ut

priuatio, vel positium; quod iterum duplex est, scilicet vel ex- trinsecum, ut Deus, finis, &c. vel intrinsecum, ut materia & forma respectu compositi naturalis; & istud iterum duplex, scilicet vel causans, ut materia & forma, vel non causans, ut punctum, in- stans, &c. Causans est adhuc du- plex, scilicet vel physicum, ut materia & forma, vel Meta- physicum, ut genus & diferen- tia. Mitto principiorum alia esse agendi, & eorum aliud quidem proximum, aliud remotum; alia esse patendi, quorum omnium exempla passim occurrunt in Phi- losophia.

Dubitabis an principium in se, sit uniuocum ad hæc omnia? Cui breuiter respon- deo ita esse, modò excipias entia rationis, ad quæ etiam se ex- tendit. Ob id enim negauit Sco- tus noster in 1. dist. 29. qu. uni- cæ, principium in diuinis esse uniuocum ad principium essen- tiale, & ad principium notionale; quia illud est ens rationis, & istud ens reale; enti enim rei, & enti rationis nihil potest esse commu- ne uniuocum. Hoc autem exce- pto veram esse nostram res- positionem ex eo suadet, quia Aristot. 1. Metaphysic. cap. 1. di- cit quodd omnibus principiis commune est esse primum, unde aut est, aut fit; aut cognoscitur aliquid; Ergo non solum in no- mine conueniunt; sed in hac communi ratione primitatis; quod sufficit ad uniuocatio- nem.

QVÆSTIO II.

Quomodo Principium & causa se habeant adinuicem?



Confe-
runtur
ad inui-
cem
princi-
pium
causa &
elemen-
tum.

QUONIAM hæc tria, nimirum principium, causa, & elementum pro vno & eodem satis frequenter vsurpantur à Philosophis; tamen communis opinio est ea distinguere tanquam magis, & minus commune, ut omne elementum sit, causa, & omnis causa principium, non è conuerso. Quia, ex Aristot. 5. Metaphysic. cap. 4. elementum est id ex quo primo inexistente aliquid constituitur; & idcirco non quæuis causa est elementum, quia non omnis causa est primo inexisterens seu interna rei constituta, ut patet de causis efficiente & finali, quare, ex causis, materia solum, & forma sunt elementa, & adhuc verius materia quam forma, quia illa est primum subiectum, & elementum, ex quo forma educitur. Similiter causa minus late patet quam principium; quia, illud solum principium nomen causæ meretur, ex quo vel à quo res habet esse per influxum aliquem, itant rei causatæ conferratur aliquid. Declarat istud optimè noster Alensis 5. Metaphysic. text. 1. paginâ mihi 105. Principium videtur generalius esse quam causa: Nam principium videtur

consistere in quodam ordine vniui ad aliud, sine illud aliud sumat esse ab illo, sine non. Videmus enim quod punctus est principium respectu lineæ, & fundamentum respectu domus; & tamen nec lineæ à puncto, nec domus à fundamento sumit esse. Causa autem est in quodam ordine vniui ad aliud, ita quod illud aliud sumit esse ab illo: quare videtur quod omnis causa principium sit, non è conuerso. Hæc ille.

Principium & causa.

Principium & causa sic se habent, quod latius pateat principium quam causa: primo, quia, ut dictum est, causa influit in suum effectum; principium autem non influit semper in id cuius est principium, ut patet de puncto respectu lineæ, & de aurore respectu diei: secundò, quia omnis causa est eis positumum, non autem principium ut patet de priuatione. Tertio, quia omnis causa est diuersæ naturæ à causato, non autem principium à principiato. Quarto, quia omnis causa est prior naturâ suo causato; principium non sic, ut patet de Patre diuino, qui est principium filij, nec tamen est naturâ prior ipso. Nec moueri quis debet à passim Patres Græci nominare causæ & causati admittant in diuinis respectu Patris & Filij; ut inde concluderetur, falsum esse hoc discrimen quod inter causam & principium statuimus. Dicimus enim quod omnes illi, et Basilianus, Nyssenus, Nazianzenus, Damascenus, & Theophilactus per

Principium
latius
patet
quam
causa.

has voces, ἀρχή & ἀρχαὶ, nihil aliud quàm principium & principiatum intelligunt, vt optimè declarat Bessarion in Concilio Florentino: Cùm enim in oratione quam ibi habuit pro vniōe Græcorum cum Latinis, sæpius nomine causæ vsus fuisset: tandem cap. vltimo illius orationis sic ait: *Notandum quòd sancti Doctores orientales etiam in diuinis vtiuntur nomine causæ & causati largo modo, non quidem vt limitationem & dependentiam importat; sed prout emanationem & productionem, à principio, eius quòd est à principio significat: & ideo me etiam ad Græcos loquentem his nominibus vsum fuisse.*


Explicatur
locus
difficilis
Aristotelis.

Superest grauis difficultas apud Aristotelem, qui videtur causam confundere cum principio, & asserere quòd vnum nec magis nec minus latè patet quàm aliud. Dicit enim 4. Metaphysic. cap. 2. *Itaque ens & vnum idem, ac vna natura sunt, præterea quòd se invicem sequuntur quemadmodum principium & causa.* Item 5. Metaphysic. cap. 1. postquam enumerauit varias acceptiones principij, subdit: *Toties autem, idest, tot modis, causæ quoque dicuntur, imòes namque causæ principia.* Ad primam auctoritatem respondetur Aristotelem ibi solum ostendere quò pacto vna scientia sit vnus generis obiecti: vt inde colligat ad eandem scientiam pertinere tractare de ente, & de vno. Respondit rationem, quia hæc duo naturæ sunt idem, hoc est ex natura rei non differunt. Cuius vero asserit: *quemadmodum principium & causa.* Non hoc asserit in exemplum mutue conuersionis,

sed identitatis ex natura rei, ob quam ad vnam scientiam vtriusque tractatio pertinet. Ita post multos alios respondet Vasquez 1. p. disput. 139. cap. 6. Ad secundum satisfaciunt optimè noster Alensis, dicens quòd postquam Aristoteles eo loci retulit quoddam acceptiones principij, subdit non solum illis modis sumi principium; sed præterea possit adhuc sumi omnibus illis modis, quibus causa sumitur. Quare sensus illius loci non est eorundem modis dici causam, quibus dicitur principium, ex quo rectè inferretur causam & principium æquè latè patere; sed sensus est, ultra acceptiones enumeratas principij, tot modis posse adhuc sumi principium, quot modis causa sumitur. Hunc autem esse huius loci legitimum sensum tribus de causis mihi persuadeo. Primò, quia cap. 1. recensens acceptiones principij, non numerauit eas quibus capitur causa, cum tamen totidem etiam modis principium dicatur, quibus dicitur causa, quos refert cap. 2. Præterea, quia hoc pacto rectè quadrat ratio illa quam subdit Arist. *Omnes namque causæ principia*, ac si dicat: *Cum omnis causa sit principium, rectè sequitur totidem modis etià dici principium, quot dicitur causa.* Cum tamen non sequatur contra tot modis dici causam, quot dicitur principium, etiam si omnis causa sit principium, quia principium latius patet quàm causa. Tertiò, quia si Aristoteles voluisset tot modis dici causam, quot modis dicitur principium, debuisset in cau-

merandi: modis quibus causa capitur, tot acceptiones eius assignare, quot principij assignarat, quod tamen non prestat; quia quinque acceptiones principij assignauerat, & causæ tantum quatuor assignat. Addo textum etiam græcum posse pati optimè hunc sensum. Habetur enim:

ἵσα ὧς δὲ τὰ ἀπὸ λέγειται, idest, si Verbum pro Verbo transferas: æque porro atque causæ, dicitur (supple) principium. Huic translationi licet nouæ, & apud omnes ferè inusitata, fauet Alensis, & eam omnino approbat Gabriel Vasquez 1. p. disput. 139. cap. 6.



CAPITIS PRIMI

PARS ALTERA, QUÆ EST

de Principiis Entis.

QVÆSTIO I.

An Ens habeat principia?

Varia principia explicantur.



Re-notandum, vel potius repetendum ex dictis, principiorum alia esse cognitionis, alia rei; & quidem in scientiis, illa vocari principia scientiæ, hæc verò principia subiecti: v. g. in physicis: *OMNE CORPVS NATVRÆ EST MOBILE*, est principium cognitionis & scientiæ; Materia autem, forma & priuatio sunt principia rei & subiecti. Principiorum autem scientiæ alia sunt complexa, suntque generalia effata seu pronuntiatia, quorum firmitati & veritati nittitur omnium propositionum quæ in tali scientia tra-

duntur, veritas; vt sunt; *QVODLIBET EST VEL NON EST. DE QVOLIBET AFFIRMATIO ET NEGATIO*, Alia dicuntur incomplexa, suntque prima cuiuslibet scientiæ elementa, vt in Logica, Vniuersale, Prædicamentum, Prædicatum, Subiectum, Definitio, &c. Et in Mathematicis, totum, pars, linea, punctum, vnitas, & similia. Principiorum denique complexorum alia spectant ad genus demonstrationis ostensivum, & alia ad genus demonstrationis deducens ad impossibile. Hoc principium *OMNE CORPVS NATVRÆ EST MOBILE*, spectat ad primum genus demonstrationis. Istud videtur: *IMPOSSIBILE*

NILLE EST IDEM SIMPL
MOVERI ET NON MOVERI,
pertinet ad secundum. Et quidem
quod spectat ad primum genus:
cū duobus modis aliquid demon-
strari possit, scilicet à priori
& à posteriori: demonstrando
aliquid à priori, debet fieri
resolutio in principia, quibus
conclusionis nititur veritas; &
quamquam hoc genus demon-
strationis sit nobilissimum, &
directè ad scientiam requisitum,
quippe in quo à causis ad effe-
ctus, & ab essentia rei ad pas-
siones demonstrandas procedi-
tur; nihilominus mutuatur suam
ultimam firmitatem ab altero:
cū enim in priori genere, se-
rie quadam argumentorum ad
prima vsque principia ventum
est, quæ à priori amplius pro-
bari non possunt; si contingat
ignarum aut proteruum quem-
piam ea negare; vbi tunc nul-
lus ostendendi locus suppetit,
recurrendum est ad istud genus
deducens ad impossibile, iuxta
regulas in Logica præscriptas.
Hinc dixit Auerroës 2. Metaphy-
sic. c. 1. sine primo omnium
principio huius generis, nemi-
nem posse securè disputare &
philosophari. Hoc posito, sit

Prima Conclusio.

ENs in se, verè & propriè non
habet principia rei. Conclu-
sio est Doctoris Subtilis q. 3.
prologi. §. *Ad primum argumen-*
tum prima quaestiois; Et proba-
tur: Nam vel illa essent extrin-
seca, vt efficiens & finis, vel
intrinseca vt sunt materia &
forma, vel actus & potentia:

Sed neutrum dici potest. Pro-
batur; Quod competit Enti in se,
conuenit cuilibet contento sub
ipso: Sed non conuenit cuilibet
Enti habere huiusmodi princi-
pia tum externa tum interna;
quia hoc Deo non conuenit, vt
patet: ergo neque competit En-
ti in se.

Obijcies 1. Essentia & existentia
sunt principia Entis vt sic: Ergo
Ens in se habet principia. Respon-
deo illa non esse verè & propriè
principia, vt satis norunt Philo-
sophi; tum quia non se habent
vt actus & potentia in consti-
tutione Entis, sed potius, vt res
& modus, vt dictum est; tū
quia sequeretur illa seorsum
sumpta esse quid simplicius Ente:
siquidem omne principium par-
tiale intrinsecè constitutum est
simplicius suo constituto; tū
quia sequeretur Deum etiam ha-
bere quædam principia quibus
intrinsecè constitueretur, quæ
omnia sunt absurda. Fateor ali-
quā ratione dici posse principia
Entis, quatenus nimirum vide-
tur Ens ex ipsis quasi constitui,
& quatenus si propriè constitue-
retur, non ex alijs principijs,
quàm ex essentia & existentia
constitueretur; quòd sit vt com-
muniter dicantur principia En-
tis.

Obijcies 2. Instantia allata de
Deo nulla est; quia tradunt cō-
muniter Theologi ipsum consti-
tui ex essentia & relatione. Solutio
Quid enim obstat quòd mind
essentia & relatio essent princi-
pia constitutiva eius? Respon-
deo obstat illud, nimirum quia
essentia & relatio non se habent
vt actus & potentia: essentia princi-

Obie-
ctio 1.
Solu-
tio
Quare
essentia
& exi-
stentia
dicantur
princi-
pia En-
tis.

Obie-
ctio 2.

Solutio
Essentia
& rela-
tio
propriè
non
sunt

Ens nō
habet
princi-
pia rei.

pia co-
sistit.
ua Dei.

liquidem non est in potentia ad relationem; sed est potius prima, fundamentalis, & radicalis entitas, emittens ex se relationem, & quasi dans illi esse. Præterea omne principium constitutum est prius & simplicius suo principiato. Deo autem nihil prius aut simplicius est.

secunda conclusio.

Ens
habet
princi-
pia
cogni-
tionis
tam
incom-
plexa
quàm
com-
plexa.

Ens in se habet principia cognitionis & scientiæ, tam incomplexa quàm complexa, & seruiencia saltem generi demonstrationis deducenti ad impossibile. Conclusio est Doctoris Subtilis loco citato. Et quidem de principiis incomplexis cognitionis patet: Sicut enim totum, pars, punctum, linea, vnitas, numerus & cætera, sunt principia incomplexa & prima veluti elementa, ex quibus fiunt propositiones Mathematicæ: ita etiam Ens, entitas, essentia, existentia, vnum, idem, distinctum, necessarium, contingens & similia, sunt principia incomplexa & prima veluti elementa, ex quibus fiunt propositiones in Metaphysica.

De principiis etiam complexis serquentibus saltem generi demonstrationis deducenti ad impossibile, probatur auctoritate Aristotelis, 4. Metaphysicæ. capit. 3. qui postquam docuit Metaphysici esse querere primas causas & prima principia; docet illud esse primum & firmissimum, scilicet; *IMPOSSIBILE EST IDEM SIMPL ESSE ET NON ESSE*. Principium autem istud inservire generi demon-

strationis deducenti ad impossibile patet ex regulis Logicæ. Ergo dantur principia Entis, tum incomplexa, tum complexa saltem seruiencia generi demonstrationis deducenti ad impossibile.

Iam queri potest, quid causæ sit, cur non dentur etiam principia complexa seruiencia generi demonstrationis ostensiuo? Anthonius Andreas 1. Metaph. qu. 1. art. 3. sub finem, existimat dari posse: docet enim proprietates Entis demonstrari posse de ipso, non quidem per definitionem experimentem quod quid est ipsius Entis, sed dicentem propter quid: quod sit propter ordinem passionum eiusdem Entis, quarum posterior probari potest per priorem, sicut vnum attributum in Dîuinis probatur de Deo per aliud. Idem sentire videtur Lichetus qu. 3. Prologi, vbi docet ex ipsa ratione Entis sumi posse principia ad demonstrandas passiones de ipso; & favere videtur etiam Doctor Subtilis eadem qu. 3. Prologi: vbi habet: *Non oportet principia scibiles esse principia in se ipsius subiecti, quia Entis in quantum Entis, quod ponitur subiectum Metaphysica, nulla sunt principia Metaphysica, quia tunc essent cuiuslibet Entis, sed oportet cuiuslibet Entis esse principia per quæ demonstrantur eius passiones de eo, ex quibus principia tanquam ex materijs demonstrationis formantur principia complexa, sicut propositiones per se nota. Hoc modo cuiuslibet subiecti possunt esse principia quantumcumque imprincipiati respectu suarum passionum.* Nihilominus negari non potest, quin illud genus

Nō sunt
principia
complexa
Entis
infer-
uentia
generi
demon-
stratio-
nis de-
ducenti
ad im-
possibi-
le, nisi
valde
imper-
fectē.

genus demonstrationis sit valde imperfectum respectu passionum Entis demonstrandum de ipso; nam ut habet Doctor Subtilis in 1. dist. 39. cum Entis conceptus sit simpliciter simplex, definiri non poterit; ideoque demonstrari non poterit prima passio Entis per definitionem eius. Nec item per definitionem ipsius passionis; quia ipsa non est magis definibilis quam Ens ipsum. Si autem passio aliqua sit non prima, difficile erit adhuc demonstrare ipsam de Ente; tum quia difficile est cognoscere ordinem earum adinvicem, ut sic cognoscatur per quamnam, tanquam per legitimum medium, possit illa non prima demonstrari: tum quia posito quoddam ille ordo cognosceretur, esset adhuc valde imperfecta demonstratio; quia premissæ non essent multum euidenciores conclusionē. Dato enim v. g. quoddam unitas esset prima passio Entis, & bonitas secunda: arguendo sic: Omne unum est bonum: Ens est unum: Ergo Ens est bonum. Patet quoddam premissæ non sunt euidenciores conclusionē; quod tamen esse debet in omni demonstratione. Illud idem repetit in 2. dist. 12. qu. 1. §. Dico igitur quod materia. Circa medium, ubi habet: In Ente in communi, unitas vel est idem quod ens, vel est passio immediatè consequens ens; & ideo non potest demonstrari de Ente: Quia si demonstraretur; aut hoc esset ex definitione subiecti, scilicet Entis, vel ex definitione unius: Sed ista sunt transcendentia, & non habent definitionem; & ideo unitas in communi, vel passio immediata Entis

qua est, esse unum, non potest demonstrari de Ente: vel si esse unum sit passio mediata; illud tamen per quod inest Enti, non est nobis notum.

Ex his sequitur de mente Doctoris Subtilis, nulla dari principia complexa inferuentia generi demonstrationis ostensiuo, saltem perfectè & propriè. Eapropter, ad ea quæ superius allata sunt ex ipso, & ex Licheto, dicendum est, vel illa intelligi debere de principiis complexis inferuentibus generi demonstrationis ostensiuo minùs perfectò; nam etiam potest aliquasiter describi ipsum Ens, dicendo videlicet illud esse quod non est nihil; sed quod existit vel quod potest existere: & ex hac descriptione possunt formari premissæ concludentes, Ens esse unum vel verum, vel bonum. Item potest haberi aliquas cognitio ordinis earundem proprietatum, & ex cognitione prioris, concludi posteriorem; sed hæc omnes demonstrationes erunt valde imperfectæ, quia premissæ non erunt multum euidenciores conclusionē.

Videamus iam quod nam sit principium complexum omnium primum & firmissimum.

Kx

QVÆSTIO II.

Quodnam sit principium
complexum omnium pri-
mum & firmissimum?

Afferū-
tur va-
riaprin-
cipia
com-
plexa.



Rænot. 1. mul-
ta esse principia
complexa, seu
effata & pro-
nunciata, qui-
bus demonstra-
tionum certitu-

do, & scientiarum veritas & fir-
mitas nititur, vt sunt: *Impossibile
est idem simul esse & non esse. Quo-
libet est, vel non est. Quicquid est,
quandiu est, necesse est esse. Quicquid
habet esse, est verum, bonum, &c. Totū
est minus sua parte. Si ab equalibus
equalia demas, quæ remanebunt,
erunt equalia*: Et si quæ sint alia.
Dubitatur iam quodnam sit ho-
um omnium primum & fir-
missimum effatum, ex cuiuseui-
dentia, certitudine, firmitate, &
in omnibus primitate cætera pen-
deant?

Meta-
physi-
cus de-
bet cō-
siderare
prima
princi-
pia.

Prænotandum 2. Ed rationabi-
lius hanc à nobis excitari quæ-
stionem: quia, vt docet Aristot.
4. Metaphysic. cap. 3. Solius Me-
taphysicæ est disputare de primis
principiis: Tūm quia æquè latè
patent ac Ens ipsum quod ille
considerat, tūm quia scientia cer-
tissima debet considerare princi-
pia certissima: Metaphysica au-
tem est certissima: Prima princi-
pia sunt etiam certissima: Ergo
Metaphysica debet considerare
prima principia; Tūm quia sunt
ex terminis communibus: termi-

ni autem communes sunt confi-
derationis Metaphysicæ. Unde, in-
quit, nemo eorum qui particulariter
considerant, conatur aliquid de eis,
sine quatenus vera, siue non, dicere.
Id est, nullus Philosophus parti-
cularis, putà Geometra, Mathe-
maticus, vel Physicus nititur
differere de ipsis principiis; sed
omnes quotquot sunt particula-
res scientiæ, illa præsupponunt,
& applicant prout opus est pro-
priis subiectis & materiis: v. g.
Geometra applicat istud princi-
pium, *Quodlibet est, vel non est. vel
de quolibet affirmatio & negatio
propriæ materiæ, dicendo: DIA-
METER EST SIMETER, VEL
ASTMETER*. Idem facit Logi-
cus, dicendo omnem propositio-
nem esse affirmatiuam, vel nega-
tiuam. Neque hæc particularia
effata existimātur certa, nisi qua-
tendus innituntur illi priori ge-
neralissimo & firmissimo: *IM-
POSSIBILE EST, IDEM ESSE
SIMPL ET NON ESSE*.

Prænotandum 3. Ex eodem A-
ristotele ibidem, tres requiri con-
ditiones ad rationem primi & fir-
missimi principij. Prima est, vt
circa ipsum non contingat erra-
re, vel decipi. Quia non contingit
error circa ea quæ sunt notissima:
Primum principium autem de-
bet esse notissimum. Ergo ad ra-
tionem principij primi & firmissi-
mi requiritur, vt circa ipsum
non contingat mentiri; hoc est
errare, vel decipi: Secunda con-
ditio est, vt non sit conditionale,
id est, notum ex suppositione, vel
conditione aliqua. Quia illud
principium cuius notitiam ne-
cessarium est habeat intelligens
quodlibet entium, non debet esse

Aliq-
particu-
lares
scientiæ
præsup-
ponunt
illa.

Tres
condi-
tiones
ad ratio-
nem pri-
mi &
firmissi-
mi princi-
pij.

notum ex suppositione; siquidem Philosophi disputant aliquando ex ijs, quæ sunt illis nota solum ex suppositione, nec semper oportet ea quibus positus disputant, esse nota simpliciter. At non ita debet esse de primo principio: Nam ea quæ sunt tantum nota ex suppositione, probari possunt per ea quæ sunt simpliciter nota. Primum principium autem probari non potest per aliud: Quo fit ut non ex conditione, sed simpliciter notum esse debeat. Hinc sequitur tertia conditio, ut scilicet primum principium acquiri non possit per demonstrationem, quia notitia eius non debet inniti notitiæ alterius: aut enim inniteretur notitiæ posteriorum, & hoc non: quia notitia prioris non innititur notitiæ posteriorum. Vel inniteretur notitiæ alterius prioris, & hoc adhuc non; quia omnium primo nihil est prius. Ex his patet quanam ratione dicantur prima principia naturaliter nota, eam nimirum, quia per nullam artem syllogisticam probantur; sed statim cognitis terminis apprehenduntur naturalibus viribus intellectus, qui tamen quo ad hoc vitur sensu, vel experientia, vel inductione. Notitia itaque actualis principiorum est iudicium seu actus iudicativus intellectus, quo iudicat hoc esse vel non esse illud, præcisi simplicis apprehensione terminorum, sibi notâ beneficio sensuum, adhibitis, quandoque etiam experientia vel inductione.

sit semper aliqua propositio; potest duobus modis considerari, scilicet vel quatenus est principium, vel quatenus est propositio simpliciter. Et quidem diversimodè philosophandum est de eius primitate quatenus principium est, & quatenus propositio est. Nam quæ principium, eius primitas petenda est ex conditionibus allatis, quæ propositio verè, aliunde eius primitas petenda est, nimirum ex eo quòd non sit modalis, sed simplex, non negans, sed affirmans, quòd termini eius sint simplices, & non resolvable in alios, & ex alijs quibusdam conditionibus expressis in Logica: Quòd fit ut eadem propositio possit esse simul prima & non prima; prima quæ propositio, non prima quæ principium, & vice versâ.

Prænotandum ultimò in tota serie demonstrationum ostensuarum, dari principium aliquod primum quod amplius probari non possit: quia in demonstrationibus non itur in infinitum. Illud tamen principium non debet vocari simpliciter primum, quia licet sit indemonstrabile ostensivè; probari tamen ulterius potest in genere demonstrationis deducens ad incommotum, ut diximus superiori quæstione. Querimus itaque quodnam sit principium omnium primum & firmissimum, tum in genere demonstrationis ostensivæ, tum in genere demonstrationis deducens ad impossibile, tum in ratione principij, tum in ratione propositionis simpliciter?

Quo-
modo
princi-
pia pri-
ma sint
per se
nota.

Discri-
men in-
ter

Prænotandum 4. quod cum omne principium complexum

Prima Conclusio.

Quid
sit pro-
positio
primò
prima
Item
secun-
dò, ter-
tiò,
quartò
& quin-
tò pri-
ma.

Istud principium in ratione propositionis, videlicet, *Ens est ens* est omnium primum. Conclusio est nostri Anthonij Andreæ 4. Metaphysic. q. 5. & eius fundamentum est, quia omnis propositio affirmans est identidica, idest dicens & notans identitatem prædicati cum subiecto, siue sit identitas accidentalis, siue sit essentialis: propositiones autem identidicæ seruant ordinem inter se, itaut alia sit primò prima, alia secundo prima, alia tertio, quartò, & quinto prima. Primò prima est ea in qua idem omnino de seipso prædicatur, vt homo est homo. Secundo prima, in qua pars formalis, vt differentia, prædicatur de toto, vt Homo est rationalis, &c. At in hac, *Ens est ens*, idem omnino prædicatur de seipso. Ergo ex eo habetur quòd sit primò prima. Vltèrius, constat ex terminis simplicissimis & primis, & qui non sunt villo modo in alios resolutibiles: quia omnis resolutio omnium planè terminorum & conceptuum, sit vltimò in terminum & conceptum entis. Ergo non solum est primò prima vt hæc; homo, est homo; animal est animal; sed vltèrius est omnium primò prima. In ratione itaque propositionis, hoc principium; *Impossibile est idem simul esse & non esse*, non potest esse primum; tùm quia est propositio modalis, quà simplex prior est, tùm quia in ea idem non prædicatur de seipso; tùm quia non constat terminis simplicissimis. Multi non capientes mentem huius

authoris, eum grauiter reprehendunt, cum tamen nihil aliud quàm id quod diximus intellexerit. Agendo enim questione 4. eiusdem libri de hac propositione: *Impossibile est idem simul esse & non esse*, sumpta in ratione principij; docet esse omnium primum & firmissimum principium, in quod cætera omnia resoluti debent.

Secunda Conclusio.

Istud principium: *Quidquid non est nihil, & actu existit, est Ens*; est omnium primum & firmissimum intra totam latitudinem demonstrationum generis ostensiuij. Probatur: quia sicut in conceptibus, vltima resolutio fit in conceptum entis; ita in principijs, vltima resolutio fit in principium immediatè sumptum ex ipso Ente. Sed principium allatum est huiusmodi: cum sit propositio in qua ratio Entis immediatè enuntiatur de Ente. Ergo principium illud est omnium primum & firmissimum intra totam latitudinem demonstrationum generis ostensiuij.

Præterea, Illud principium est omnium primum & firmissimum in genere ostensiuo, cui innititur veritas demonstrationis omnium primæ. Sed principium allatum est huiusmodi. Probatur: Demonstratio omnium primæ, ea est in qua prima proprietas Entis demonstratur de ipso; quia cum nihil sit prius ente, nulla potest esse demonstratio prior eâ in qua quod illi primum conuenit, de eo demonstratur. Sed huic principio iungitur veritas demon-

Quod
sit prin-
cipium
omniũ
primum
in ge-
nere
demon-
strandi
ostensiu-
uè.

strationis in qua prima proprietas Entis de ipso demonstratur. Sicut enim ad probandum risibilitatem de homine v. g. sumi debet pro principio ipsa ratio hominis. Ita ad probandum primam proprietatem de Ente, sumi debet pro principio ipsamet ratio Entis, quemadmodum & vniuersum loquendo; ad demonstrandum aliquam proprietatem de aliquo subiecto, sumi debet pro principio ipsamet ratio subiecti. Ergo huic principio; *Quidquid non est nihil & actu existit, est Ens*, vt potest in quo ratio entis enuntiatur de eo, innititur veritas demonstrationis omnium primarum. Hæc tamen omnia sunt intelligenda de genere demonstrationis ostensiuo minus perfecto, conformiter ijs quæ superiori quæstione docuimus.

Quia tamen proteruis & ignaris etiam satisfaciendum est; si contingat eos negare hoc principium & quodlibet aliud pertinens ad genus ostensiuum; recurrendum est ad quoddam aliud simpliciter primum & firmissimum, quod eos ducat ad incommodum. Dubitatur autem quodnam sit illud?

Tertia Conclusio.

Prinzipium omnium primum & firmissimum, de quo dici potest, vt de columnis Herculis: *Non plus ultra*, est istud; *Impossibile est idem simul esse & non esse*. Ita censent cum Aristotele 4. Metaphysic. ca. 3. 4. & 5. Alenxis & Scotus in suis commentarijs ad hæc Capita, & iterum Scotus 4. Metaphysic. q. 3. & An-

tonius Andreas. q. 4. & probatur applicando ei conditiones allatas prænotato 3. Primum enim principium illud est notissimum: Impossibile est enim aliquem existimare illud non esse verum, vt quidam dicunt Heraclitum existimasse, qui licet hoc verbis dixerit, mente tamen concipere non potuit; quia concipiendo aliquid idem simul esse & non esse, putat Sortem esse bonum & non esse bonum, est habere simul duas opiniones contrarias, quod esse impossibile ostendit Arist. 2. Peri Hermenias, sub finem. Præterea non est notum ex suppositione; quia in ipsum resoluuntur omnes demonstrationes, & ex ipso pendet omnium non tantum conclusionum, sed etiam principiorum veritas. Tertio demonstrari non potest, aliàs hoc fieret vel ostensiuè, vel ducendo ad incommodum. Non potest autem probari primo ostensiuè; quia omnis demonstratio ostensiuæ sit ex notioribus; nihil autem est notius primo principio. Non etiam deducendo ad incommodum; quia in nullum maius incommodum quis deduci potest, quam vt fateatur vñ & idem simul esse & non esse. Ergo principium illud est notissimum, non notum ex suppositione, & indemonstrabile, & per consequens omnium primum & firmissimum.

Variis autem modis solet effertri; primum affirmatiuè, per disunctionem, sic; *Necesse est aliquid esse aut non esse*; præterea sine modo, sic; *Quodlibet est, vel non est*; iterum negatiuè; *Impossibile est idem simul esse, & non esse*. Vel,

Varijs modis exprimitur primum principium.

Quod sit principium omnium primum in genere demonstrationum ducendum

fic: non potest ut idem simul sit, & non sit; vel sine modo, ut; Nullum Ens est simul, & non est; Item logicè, ut; impossibile est idem simul affirmari & negari de eodem. Vel sine modo, ut; de quolibet affirmatio vel negatio, &c.

Obiectio 1.

Obijcies, 1. ergo ex dictis videtur quod deberet istud principium sic exprimi, scilicet; *quodlibet est vel non est*, cum ut sic, paucioribus ac simplicioribus terminis constet, & tamen sit æquè verum, primum, & firmum atque istud; *Impossibile est idem simul esse & non esse*; Respondeo

Solutio

Primitas principij de sumenda ex paucioribus terminis.

posse quidem, verum istud videri magis firmum & primum quàm illud. Ex eo enim, quodlibet est vel non est; quia impossibile est idem simul esse & non esse. Nec enim mouere debet quod principium hoc pluribus & minùs simplicibus terminis constet; quantumvis enim hoc obstat primitati eius quatenus propositio est; non obstat tamen, imò iuuat quatenus principium. Eadem viâ respondetur ad aliud quod solet obijci, nimirum principium istud esse propositionem negatiuam, quæ semper supponit affirmatiuam, tanquam priorem; quamuis enim affirmatiua propositio sit prior negatiua, in genere propositionum; non est tamen semper in genere principiorum. Addunt Scotus nosse & Antonius Andreas, locis citatis, principium illud esse realiter & formaliter affirmatiuum; quoniam secundum vocem sit negatiuum, sicut & ista propositio: *Non impossibile est hominem currere*, quæ æquiualeat huic: *Possibile est hominem currere*, Nam hæc pro-

positio; *Impossibile est idem simul esse non esse*, æquiualeat isti: *Necesse est idem non simul esse & non esse*, quæ est affirmatiua de modo.

Obiectio 2.

Obijcit 2. subtiliter Doctor Subtilis: In Syllogismo ex oppositis, conclusio debet esse notior præmissis in falsitate: Sed in præmissis accipiuntur opposita contradictoriè; in conclusione autem negatur idem de seipso. Ergo negatio eiusdem de seipso est notior opposito illius primi principij, in quo dicuntur duo contradictoria non posse esse simul vera. V. g. in hoc Syllogismo: homo est animal: homo non est animal. Ergo animal non est animal: conclusio est notior præmissis, in quibus habetur oppositum primi principij; & per consequens aliquid est notius in veritate, primo principio, scilicet oppositum illius falsi notioris. Respondet primò ad quantum ad formam: ex huiusmodi falsis Syllogismis nihil rite probari, sicut nec ex Syllogismis hypotheticis & circularibus. Respondeo secundò quantum ad materiam, quod hoc principium: *Impossibile est idem simul esse & non esse*, est notius quàm negatio eiusdem de se ipso, quæ concluditur in Syllogismo ex oppositis. Vnde licet forsau aliquis negaret quod idem sit ipsum; tamen nunquam concederet quod idem sit ipsum & non ipsum; quapropter notius est in falsitate, quod idem sit ipsum & non ipsum, quàm quod idem non sit ipsum.

Solutio 2.

Obijci potest 3. Principium allatum innititur huic propositioni: *Impossibile est duo contradictoria esse simul vera*: Ergo non

Obiectio 3.

Solutio est omnium primum & firmissimum. Respondetur negando antecedens: ex eo enim duo contradictoria non possunt esse simul vera; quia impossibile est idem simul esse, & non esse.

Observabis autem quod cum dicitur impossibile esse idem simul esse & non esse, id esse intelligendum respectu unius & eiusdem, & eodem modo considerati, & habita ratione conditionum, quæ desiderantur ad veram contradictionem, prout determinatur in difficultatibus Logicis.

Quis
modus
superius
probati
di
primi
cipium,
si con
tingat

Porro ad hæc omnia addit Aristoteles principium illud esse ita notum, ut à nemine negari possit nisi ore tenus, non autem mente; & ita primum, ut omnino demonstrari non possit. Quod si contingat quempiam illud ne-

gare; superest adhuc vnus modus, quo possit probari, scilicet elenchicè, non demonstratiuè, arguendo videlicet contra negantè illud ex cõcessis: vel enim aliquid dicet & respondebit, vel nihil: si nihil, cum eo disputandum non est; quemadmodum neque cum planta, aut cum bruto. Si aliquid responderit, per syllogismum elenchicum facile erit ipsum conuincere de veritate istius principij; quia nihil vnquam poterit concedere, ex quo non habeatur clarè veritas eius. Vel, ut refert Scotus noster in 1. distinct. 39. ex Auicenna, 1. Metaphysic. erit verberandus, vel exponendus igni, quousque concedat quod non est idem comburi, & non comburi, vel vapulare, & non vapulare.



CAPVT SECVNDVM, QVOD EST DE PROPRIETA- tibus Entis in communi.

QVÆSTIO PRIMA.

An Ens habeat aliquas veras & proprias passiones?



Vm Metaphysica sit scientia, & cõ vel maximè, quia in ea fiunt demonstrationes; demonstrationes autem præsertim potissimæ sunt,

argumentationes in quibus proprietates demonstrantur de suis subiectis: Dubitati non potest, quin Ens habeat aliquas aliquo modo passiones; sed solum dubitari potest an illæ passiones sint veræ & propriæ?

Varie
senten-
tiæ re-
feruntur
circa
passio-
nes En-
tis.

Negat Suarez tom. 1. Metaphysic. disput. 3. sect. 1. Ens habere veras, & omnino reales passiones positivas ex natura rei ab ipso distinctas. Pro qua sententia citat D. Thom. de veritate qu. 1. art. 1. & alibi, Soncinnatem 4. Metaphysic. qu. 1. lauellum ibidem qu. 2. & Fonseca. ibidem cap. 2. qu. 3. Quanquam tum ibi, tum questione 5. sect. 2. asserat Ens habere veras ac proprias passiones quæ de ipso quatenus est Ens, demonstrari possunt; negetque solum huiusmodi passiones esse positivas. Sententia Doct. Subt. & nestræ Scholæ est, Ens habere veras & proprias passiones positivas, ex natura rei distinctas ab ipso. Itaque pro decisione huius rei,

Prænotandum ad rationem veræ & propriæ passionis alicuius subiecti realis, requiri & sufficere, ut sit aliquid necessariò consequens tale subiectum, cum quo reciprocetur, & à quo ratione seu definitione distinguatur, ut dicitur in Logica cap. de Proprio. Hoc posito, sit

Unica Conclusio.

Ens ha-
bet ve-
ras &
pro-
prias
passio-
nes di-
stinctas
ab ipso
ex na-
tura rei.

Ens habet veras & proprias passiones positivas, distinctas ab ipso ex natura rei. Existimo imprimis hanc conclusionem esse Doct. Subt. in 2. dist. 16. qu. unica, §. *Sed quia via hæc, ubi habet: Alia sunt contenta in alio, quo emittunt, quasi posteriora, quia quasi passiones continentur, nec sunt res alie ab ipso continente. Iste modo Ens continet multas passiones, quæ non sunt res alie ab ipso Ente, ut probat Aristot. in principio 4. Me-*

taphysic. Distinguntur tamen ab invicem formaliter, & quidditative, & etiam ab Ente: formalitate dico reali, & quidditative; aliter Metaphysica concludens tales passiones de Ente, & illas considerans, non esset scientia realis. Sicut ergo Ens continet unitivè rationem unius, veri & boni, sic anima, &c.

Ultra hanc autoritatem, nostra conclusio non 13 probabitur à nobis positivè, quàm soluendæ rationes & inconuenientiæ, quæ circa illam solent obijci. Hoc enim posito; nullus est qui nostram doctrinam non amplectatur potius quàm contrariam, cum magis faueat dignitati, certitudini, & modo procedendi scientifico huius summæ Philosophiæ, quàm opposita sententia. Sic itaque probatur:

Ratio potissima ob quam negantur Enti veræ proprietates, est quia nullum subiectum debet esse de intrinseca ratione seu de Essentia & definitione suæ proprietatis, ex Aristot. 7. Metaphysic. cap. 5. textu 18. & primo Post. cap. 18. textu 35. Nulla autem potest assignari proprietas Entis, de cuius intrinseca ratione non sit Ens ipsum, aliàs esset nihil, ut patet: At ista ratio nulla est. Probatur. Ens non est de intrinseca & quidditativa ratione suarum proprietatum; quia, ut diximus primo libro, nulla proprietas Entis est Ens quidditativè, sed tantum qualitativè: quare non dicunt gradum ipsum Entis, sed tantum rationes aliquas quæ circa ipsum sunt, quas nostri vocant ultimas extremitates Entis, & Alexander Alensis 1. p. qu. 13. membris 1. & 2. primas determi-
nationes

nationes Entis. Vnde quemadmodum homo prædicatur quidditatiuè quidem de Petro & Ioanne, non autem de risibili; sic Ens prædicatur quidem de Deo & creatura, non autem de suis proprietatibus. Nec valet, si dicas non esse parem rationem Entis, & aliorum prædicatorum, ex eo quia propter sui communitatem, debet se extendere ad omnia, quæ non sunt nihil. Fateor enim omnia quæ non sunt nihil, contineri sub Ente, non tamen omnia contineri vt subiecta quidditatiua, seu de quibus dicatur quidditatiuè: Ergo ratio illa, quæ nimirum dicitur Ens intelluquidditatiuè in suis proprietatibus, non vrget quò minus dicamus proprietates eius esse veras, & legitimas proprietates. Confirmatur ista doctrina ex Aristot. 4. Metaphysic. cap. 2. Qui postquam docuit Ens & vnum quod ponitur inter proprietates Entis, dicere vnam naturam realiter, subdit distingui ratione seu definitione. Addit Alexander loco citato memb. 2. ad secundum, differre intentionem vnius & intentionem Entis; ita quòd ratio vnius non importetur nomine Entis: Ad quod non est quod respondeant Moderni ad summum hoc indicare distinctionem rationis inter istas intentiones; nam dicit Alexander, quod etiam à parte rei, nisi illud prohiberet ratio intelligendi, quæ non potest intelligi nisi verum: Intellectus intelligeret Ens non cointellecto vero, quemadmodum etiam intelligit Ens non cointellecto bono. Ex quo sequitur falsum esse quod dicunt

Ens inquantum Ens, ex eo præcisè quòd tale est, absque alio modo reali ei superaddito, & ex natura rei distincto, habere quicquid positiuè necessarium est, vt sit vnum, verum, & bonum.

Mihi videtur apertè quoque falsum quod dicunt, per hæc attributa seu proprietates Entis, quamuis de formali nihil aliud dicant quàm negationes, vel habitudines quasdam, explicari tamen realem positiuam perfectionem Entis, non secundum aliquid reale superadditum ipsi Enti; sed secundum ipsam: met formalem seu essentialem rationem Entis. Vel enim hoc posito, sequitur formalem & essentialem rationem Entis non esse amplius simpliciter simplicem, sed constitutam ex multis rationibus, quarum alia sit absoluta, alia respectiua, alia positiua, & alia negatiua; cuius contrarium colligitur ex Aristot. 9. Metaph. cap. 10. Vel falsum est rationes istas vnius, veri & boni, non addere ipsi Enti aliquid reale ab eo formaliter, seu conceptibiliter distinctum. Si enim rationes vnius, veri, & boni sint de ratione formali & essentiali Entis, iam illa non erit simpliciter simplex, vt patet. Si autem sint tantum de realitate eius, & addantur ipsi ad explicandam eius naturam, vel quoad perfectionem, vel quoad integritatem, aut quid simile: inde non sequitur illas non addere rationi formali Entis aliquid reale formaliter, vel conceptibiliter saltem ab eo distinctum; proprietates enim aliarum rerum, putà hominis, vel equi conducunt etiam ad expli-

candas naturas earum rerum, quarum sunt proprietates, saltem quo ad earum perfectionem: nec minus tamen propter addunt ipsis naturis aliquid reale, distinctum saltem conceptibiliter ab eis. Quare ut hoc propositum concludamus, cum illa quæ dicuntur proprietates Entis, necessarid consequantur ipsum, & cum eo reciprocentur, ut ex dicendis patebit; cumque ab eo formaliter, seu conceptibiliter distinguantur: Nihil vetat quod minus dicamus illas esse proprias, veras & legitimas proprietates Entis.

His omnibus addi potest autoritas Aristot. 4. Metaphysic. cap. 2. Vbi habet quoddam quemadmodum numeri prout numerus est, propriæ passiones sunt, ut imparitas, paritas, commensuratio, æqualitas, excessus, defectus; & hæc tùm absolutis, tùm mutuo relatis insunt numeris. Similiter solido, & immobili, & mobili, & leui, & graui aliqua propria sunt: Ita & Enti prout Ens est, aliqua propria sunt: & hæc sunt de quibus veritatem considerare Philosophi est. Certè vltra autoritatem omnium antiquorum, Alensis & Scoti in hunc locum, asserentium Entis, prout Ens est, esse veras passiones: Comparatio illa quæ vitur Aristoteles, comparando numerum cum Ente; ut quemadmodum illius, sic huius asserat proprias esse passiones, satis indicat non adeo verum & certum esse quod dicunt Moderni Ens non habere passiones, sed solum intellectum nostrum in eo concipere aliqua admodum passionem.

Obijcies. Vnum nihil aliud

significat quàm Ens: Ergo falsum est illa duo ratione formaliter distingui. Respondco Ens & vnum duobus modis posse spectari, scilicet vel in abstracto, vel in concreto. In concreto quidem vnum significat Ens; sed materialiter tantum, non formaliter. Quemadmodum enim risibile, v. g. in concreto significat pro materiali id quod ride-re potest, quod est homo ipse: ita vnum in concreto significat pro materiali, id quod est indi-uisum in se, & diuisum à quolibet alio, quod est ens ipsum, ut est vnum: In abstracto autem propriis rationibus differunt, ut dictum est: Nam ens vel ratio Entis significat tantum gradum essendi: Ratio autem unitatis significat aliquid afficiens ipsam gradum seu rationem essendi, & determinans illam ad hoc, ut sit non modò simplex ratio essendi, sed ratio essendi taliter, scilicet indiuisibiliter à se, & diuisibili-ter à quolibet alio.

QVÆSTIO II.

*Quot sint proprietates En-
tis, & quem ordinem
inter se seruent?*



PRENOTANDUM
1. sex esse trans-
cendentia, ni-
mirum Ens, res,
aliquid, vnum,
verum, & bō-
num, quæ nostra

hoc vocabulo artificioso. **REV-**

Obie-
ctio.

Obie-
ctio.

Solutio

comprehendunt, quorum tria priora sunt synonyma, & nullo eorum est proprietas altius, nec potest vnum predicari de altero nisi predicatione identica & nugatoriâ. Tria autem posteriora censentur proprietates Entis.

Passio-
nū En-
tis alie
simplici-
es, alie
disiunctæ.

Prenotandum x. Ex Scoto in Commentariis ad secundum cap. libri 4. Metaphysic. passiones Entis alias esse simplices seu incomplexas, & alias complexas seu disiunctas. Simples sunt quæ simplicibus terminis efferuntur, vt sunt vnum, verum, & bonum; complexæ seu disiunctæ sunt quæ sub disiunctione conueniunt Enti; quemadmodum par vel impar conueniunt numero, & tales sunt vnum vel multa, actu vel potentiâ, idem vel distinctum, necessarium vel contingens, & similes.

Prima Conclusio.

Tres
sunt tā-
tū prop-
rietates En-
tis sim-
plices.

TRes tantum sunt proprietates Entis incomplexæ & simplices, scilicet vnum, verum & bonum, non plures, nec pauciores. Et quidem primò quoddam illa tria sint passiones Entis, ita suadet. Consequuntur Ens necessarium, cum eo reciprocatur, ab ipso & inter se rationibus formalibus differunt. Quia omne ens in se, & ad se spectatum, est integrum & indiuisum: Ergo vnum. Item: Omne Ens habet aliquid in se, cuius ratione potest dici conforme vel suis principiis, vel intellectui: vnde habet quod verum dicatur. Habet item aliquid quod potest fundare respectum ad voluntatem, vel ad aliud, cui est

conueniens; & inde habet quod sit bonum: Ergo omne ens est vnum, verum, & bonum. Similiter omne vnum est ens, & omne verum, & omne bonum. (Nota probationes istas peti ex communi doctrina: inferius enim determinabimus expressius in quibus consistant rationes harum proprietatum.) Rationes insuper illæ vnius, veri & boni ab ente, & inter se differunt, vt iam patuit & amplius patebit: Ergo nihil videtur eis deesse, quod minus sint veræ proprietates entis.

Quoddam autem non sint pauciores, probatur primò autoritate omnium ferè Philosophorum. Præsertim Alensis 1. part. qu. 13. membro 2. & Scoti passim, qui numquam pauciores assignarunt. Iterum ratione: Nulla est ex dictis proprietatibus quæ non consequatur ens, & quæ cum eo non conuertatur; & quæ non addat ad ipsum, rationem aliquam obiectiuam & conceptibilem. Ergo si quam illarum abstuleris, non omnes assignaueris.

Quoddam item non sint plures, vltra Philosophorum autoritates; ex eo probatur, quia nulla potest assignari quæ ad aliquam illarum reuocari non possit. Quidam enim assignant intelligibile & appetibile; sed illa ad verum & ad bonum reuocantur. Alij assignant pulchrum & perfectum; sed vel ista reuocantur ad bonum; vel non sunt reciproca cum Ente; sed vltra rationem boni, aliquid dicunt quod omni Enti competere non potest, vt patet de pulchro.

Porro noster Alensis loco iam citato, colligit numerum istarum

Nō sunt
plures,
nec pau-
ciores
passio-
nes sim-
plices
tribus.

proprietatum quibusdam rationibus, quæ licet à doctrina Doctoris Subtilis aliquantisper dissentiant; non erit ingratum tamen eas subijcere.

Pri-
ra do-
ctrina
nostri
Magni
Alexā-
dri Alē-
sis.

Dicendum, inquit, quod Ens est primum intelligibile. Prima autem entis determinationes sunt unum & verum & bonum: determinant enim Ens secundum quod consideratur esse verum in proprio genere; & etiam secundum relationem esse earum ad diuinam causam; & secundum relationem rerum ad animam quæ est imago diuinæ essentia. Secundum autem quod esse rerum consideratur in proprio genere, triplicatur Entis determinatio. Aut enim consideratur absolute & ut diuisum ab alijs, & in se indiuisum, & sic determinatur per unum. Secundum verò quod consideratur aliquod Ens comparatum ad aliud secundum distinctionem, determinatur per verum: primum enim est quo res habet discerni. Secundum verò quod consideratur comparatum ad aliud secundum convenientiam, siue ordinem; determinatur per bonum: bonum enim est ex quo res habet ordinari. Item secundum quod esse rerum comparatur in relatione ad causam diuinam; simili modo triplicatur determinatio. Causa enim diuina est causa in triplici genere causæ, scilicet efficiens, formalis, ut exemplaris, & finalis, quæquidem causalitas cum sit communis Trinitati, appropriatur ut causæ efficiens Patri, exemplaris Filio, finalis spiritui sancto. Esse creatura ut habet conformitatem ad causam efficientem, est unum quia prima causa efficiens est una. Item, ut habet conformitatem ad causam formalem exemplarem est verum; ut sicut

causa exemplaris est ars prima veritatis; sic creatura secundum quod sibi possibile est, sit in imitatione artis; & hoc est habere veritatem. Iterum quantum habet conformitatem ad causam finalem est bonum; ut sicut causa finalis est summa bonitas; sic in qualibet creatura sit inclinatio & conformitas ad summam bonitatem; & hæc est creatura bonitas. Vitas ergo esse creatura monstrat unitatem efficientis: veritas veritatem exemplaris; bonitas bonitatem finis. (Hæc secundâ ratione non colligitur numerus passionum Entis in se, sed tantum entis creati, ut patet.) Item per comparationem ad animam, triplicatur eadem determinatio: Nam esse rerum simpliciter comparatur ad animam, videlicet ut res ordinantur in memoria, percipiuntur intelligentiâ, diligantur voluntate. Est igitur in Ente quolibet, unitas per quam ordinetur in memoria & seruetur: Memoria enim ea quæ retinet secundum aliquam coordinationem relationis ad unum, & discretionem, componit. Item in quolibet est veritas per quam percipitur ab intelligentiâ. Et eandem bonitas, per quam diligatur & approbetur à voluntate. Hæc Alensis.

Obijci potest aduersus id quod Obiectum est vñ esse passionē entis. Aristotel. 4. Metaphysic. c. 2. dicit eandem esse passionem entis & vnius: ex quo colligi potest vnum non esse passionem entis; quia subiecti & passionis non sunt eadem proprietates. Respondet Scotus noster in suis commentarijs ad illum locum, quod licet vnum sit verè passio entis: tamen Philosophus hic dicit eandem esse passiones entis & vnius; ex

Obiectio.

Solutio.

Quomodo
fuit
eodem

pro-
pria-
tes Entis
& vai-
us.

oo nimirum , quia vnum est prima passio , & immediatius adherens ipsi enti , quâ median- te insunt omnes aliæ passiones : & ided habent quodammodò rationem subiecti respectu om- nium aliarum , vt sic dicantur æqualiter esse eadem passiones vtriusque.

Quod spectat ad ordinem quem passiones illæ inter se ser- uant, sit hæc.

Secunda Conclusio.

Facile
non est
assignare
ordinem
passio-
num
Entis.

FAcile non est videre ordi- nem huiusmodi passionum Entis; tamen ab omnibus Philo- sophis hoc ordine semper enu- merantur, vnum, verum, bo- num. Prior pars est Doctoris Subtilis, qui vbiicumque loquitur de huiusmodi passionibus, præsertim in 1. dist 39. §. *Quantum ad primum dico.* Scribit esse valdè difficile hunc ordinem as- signare. Posterior pars quâ dicitur vnum debere primo loco po- ni, secundo verum, & tertio bonum, est Alensis loco supe- rius citato, in fine membri se- cundi; & Anthonij Andreæ 1. Metaphysic. q. 1. qui hæc habet: *Respondet salvo meliori iudicio, quid- quid sit de alijs passionibus, quia nimis prolixum & difficile esset videre hoc de omnibus passionibus Entis: videtur quod vnum sit simpliciter prima passio Entis; cum quia de ea specialiter probat Ari- stoteles, quod significat eandem natu- ram cum ente 4. Metaphysic. cap. 2. & ibidem dicit quod eadem sunt*

partes entis & vnius; tum quia 11. Metaphysic. cap. 3. dicit quod ni- hil differt omnis entis reducere ad Ens & ad vnum; cum idem signi- ficient convertibiliter. Post vnum, videtur esse secundum verum, & ter- tia autem bonum. Nam ratio verita- tis videtur esse prior ex natura rei ratione bonitatis, sicut intellectus na- turaliter est prior voluntate.

Tertia Conclusio.

PAssiones Entis complexæ seu disiunctæ, vt eas vocat Sco- tus noster loco citato, sunt, esse actu vel potentiâ: esse idem vel diuersum: esse necessarium vel contingens: esse caducum vel æ- ternum: esse finitum vel infinitum, esse mobile vel immobile; esse causam vel effectum: esse vnum vel multiplex: esse verum vel falsum; esse bonum vel malum. Vbi notabis hîc, vñd, verum & bonum non sumi gene- ralissimè & transcendentaliter, quomodo sunt passiones entis reciproce, sed sub quadam pec- uliari ratione vnitatis, verita- tis & bonitatis, vt notauit Anthonius Andreas 4. Meta- physic. q. 3. §. *quantum ad tertium principale*, statim initio. Cæte- rum non de ijs omnibus, sed de tribus demtaxat complexis pro- prietatibus, nempe de necessario & contingenti, eodem & distin- cto, actu & potentia disputabi- mus. Reliquæ enim propieta- tes vel nullam continent diffi- cultatem, vel si quam continent, ex illarum trium explicatione, patebit.

Pro-
pria-
tes En-
tis dis-
iuncte
seu co-
plexæ.



CAPVT TERTIVM.

QVOD EST DE PROPRIETATIBVS

ENTIS SPECIATIM.



Voniam de sex proprietatib⁹ entis, tribus incōplexis videlicet vno, vero & bono; & tribus cōplexis seu dis-

iunctis, nimirum eodem vel distincto, necessario vel contingenti, & actu vel potentia sigillatim toto hoc Capite sumus acturi: iuxta earum numerum, tot erunt eiusdem Capituli partes.

PRIMA PARS HVIVS

CAPITIS, QVÆ EST

DE VNO.

QVÆSTIO I.

Quid vnum addat supra Ens, & in quo consistat eius ratio?



Via Ens est Ens & non entia; idēd est vnū. Si enim non esset vnum, patet quodd non esset Ens, sed entia. Idēd explicatā, priorī libro, naturā entis; proximum est vt ad naturam vnius indagandam accedamus, eō vel maxime quia se mutuo consequuntur, & quia vnum pertractari non debet, nec potest absque alio,

vt sæpē docet Philosophus in his Metaphysicis. Queritur itaque primō quid vnum addat supra Ens? Dicunt aliqui nihil positivum addere nec rationis, nec reale, neque ex natura rei, neque solā ratione ab ente distinctum: sed solā negationem aliquam per modum priuationis. Ita recentiores ferē omnes, Suarez tomo 1. Metaphysic. disput. 4. sect. 1. Fonseca libro 4. Metaphysic. cap. 2. quest. 5. à se-

Varie
senten-
tix re-
serua-
tur.

atione tertia vsque ad septimam : & pro hac sententia citant magnum turbam Doctorum , quorum multi sine dubio ita sentiunt , præsertim Diuus Thomas , qui ultra id quod habet 4. Metaphysic. lectione 2. ubi cum citat Suarez : iterum 1. parte , q. 30. art. 3. expressè dicit vnum non addere aliquid supra Ens , nisi negationem diuisionis tantum . An autem legitime pro hac sententia citetur Aristoteles , videbitur inferiùs . Guillelmus Ocham inter ceteros , in 1. distinctione 24. quæst. 1. acutè , suo more , explicat hanc opinionem . Præmissa enim multiplici diuisione & acceptione vnus dicit . Quod hoc nomen vnum vel vnitas , prout est predicabile de aliquare simplici , per carentiam quarumcunque partium realiter distinctarum (quale est illud vnum de quo hîc agimus) non importat aliquod reale additum illi , nec absolutum nec respectiuium . Quod non absolutum patet , quia : inquit , illud vel esset substantia vel qualitas , quia omne absolutum simpliciter per carentiam quarumcunque partium est substantia vel accidens : sed illud absolutum non potest esse substantia , manifestum est ; nec potest esse qualitas . Tum quia per potentiam diuinam talis substantia posset separari à tali qualitate , ipsa substantia remanente , & per consequens , remanente vna sine tali qualitate . Tum quia qualitas est vna sine aliqua tali qualitate absoluta addita : ergo multo magis ipsa substantia , secundum modum arguendi Commentatoris 4. Metaphysic. Nec illud additum poterit esse repositum reale additum , quia ille non posset esse sine termino : Sed illa substantia potest esse vna sine omni

aliotermine ; ergo . Dico ergo , inquit , quod res talis est vna sine omni alia re , sine absoluta sine respectiva addita . Veruntamen hæc non est prædicatio per se , primo modo : res est vna ; sed tantum secundo modo , si sit per se ; & hoc , quia hoc prædicabile significat illam rem & quamlibet aliam de qua prædicatur , connotando aliquid aliud ab ista ; ita quod in definitione exprimente quid nominis , ponitur Ens , & aliquid negatiuum , vt dicatur quod est Ens , & non entia . Et si isto modo alij intelligant , quando dicunt quod vnum non addit ultra id quod est vnum , nisi negationem vel priuationem diuisionis vel multipliciteris , concedo cum eis . Si tamen intelligatur illa additio alibi fieri , nisi in definitione exprimente quid nominis , non videtur mihi quod bene dicunt ; quia dico quod talis res est vna , nullo imaginabili addito sibi . Si dicatur quod negatio competit sibi : Ergo aliquid additur sibi , saltem negatio . Respondeo quod aliquid conuenire alicui est dupliciter , vel per realem inexistenciam , vel conuenientiam , vel per prædicationem . Primo modo nihil aliud importatum per vnum conuenit isti rei . Secundo modo tale negatiuum potest competere sibi , non per hoc quod aliquid sibi competat à parte rei , imò per hoc quod aliquid sibi non competit à parte rei : Sicut aliquis dicitur cæcus , non propter hoc quod aliqua cecitas sibi competat à parte rei , sed per hoc quod sibi non competit visus à parte rei , qui tamen sibi potest competere . Sic Sortes dicitur non , albus , non quod aliquid imaginabile à parte rei sibi conueniat , sed quia sibi non conuenit albedo . Et ita vniuersaliter talia prædicata negatiua competunt illis de quibus

Explicat
oppositam
sententiam
Guillelmi
Ocham
melius
quam
vllus
alius.

prædicentur, non quod aliquid imaginabile à parte rei illis conveniat, sed quia aliqua sibi non competunt: Et ideo dicit Philosophus: Ab eo quod res est, vel non est; est oratio vera vel falsa. Et ita est in proposito quod à dicitur unum, non quia aliquid sibi à parte rei conveniat, sed quia à est, à & Ens, & non est b. nec c. nec aliud Ens ab a. nec alia essentia.

Alij docent vnum addere suprâ Ens aliquid positivum. Ita Scotus noster in 2. distinctione 3. qu. 2. §. Concedo igitur, & 4. Metaphysic. quæst. 2. & ibidem Anthonius Andreas q. 3. Item magnus Pater Doctorum Alexander Aletius 1. part. quæst. 13. memb. 1. & 2. noster Ricardus Scoti Præceptor in 2. distinct. 24. art. 1. qu. 2. D. Bonaventura eadem dist. art. 1. qu. 1. quibus subferibit ex recentioribus Gabriel Vasquez l. p. Tom. 1. disput. 118. cap. 2. Quoniam modo verò illud positivum distinguatur ab Ente, nimirum an formaliter & ex natura rei; an verò sola ratione, unusquisque eorum determinat conformiter suis principiis de Identitatibus & distinctionibus rerum.

Prima Conclusio.

Vnum addit
suprà
Ens, ali-
quid
forma-
liter di-
stinctū
ab ipso.

VNum addit aliquid suprâ ens distinctum formaliter, non tamen realiter ab ipso. Conclusio patet ex dictis præcedenti quæstione, & eam adhuc probat Anthonius Andreas 4. Metaphysic. qu. 4. Conclusionem 2. Tum quia, inquit, si Ens & vnum dicerent vnam naturam quidditative & formaliter; esset na-

gatio si quis diceret; Ens est vnum. Tum quia prædicarentur de se mutuo in abstracto, effectque vera hæc prædicatio: Entitas est unitas, quæ tamen duo falsa sunt. Quod autem illud quod addit vnum, non sit distinctum realiter ab ente, ostendit Aristot. 4. Metaphysic. cap. 2. Tum quia non separantur quantum ad generationem & corruptionem; tum quia sunt idem realiter in tertio, de quo prædicantur per se, non per accidens. Ergo inter se sunt idem realiter. Patet quantum recedant à mente Aristotelis, qui colligunt ex his, quæ habet hic, ens & vnum non distingui formaliter, imò nec ratione. Ita enim loquitur: Si itaque Ens & vnum idem, ac una natura sunt, propterea quod se invicem sequuntur, quemadmodum Principium & causa, non quod vnâ ratione significantur, nihil quidem refert si etiam similiter putabimus, quinimò magis proderit. Idem enim unus homo, & Ens homo ac homo: & non significat diversum aliquid secundum dictionem repetitum, id est homo, & homo, & unus homo. Patet autem quod non separatur Ens, nec in generatione, nec in corruptione. Similiter & de uno: Quare manifestum est quod additio in his idem significat, & quod vnum nihil aliud est præter Ens. Item cuiusque substantia vnum est, non secundum accidens: Similiter & ipsum Ens quodvis. Quare quot unius species, totidem & Entis sunt. His enim verbis docet ens & vnum significare vnam naturam, tum quia se mutuo sequuntur, tum quia simul generantur & corrumpuntur; tum quia idem sunt

sunt in subiecto, in quo reperiuntur; cum hoc tamen docet differre ratione (Patet autem quid sit ratione differre apud Aristotelem) & non esse synonyma, ex quibus omnibus non maiorem identitatem inter ens & vnum, quàm realem licet inferre, vt patet: quia quæ se mutud consequuntur, quæ simul generantur; & quæ sunt idem in aliquo subiecto, possunt habere diuersas formalitates, seu diuersas rationes conceptibiles. Confirmatur ex Doctore Subtili in suis Commentariis ad eum locum Aristotelis, vbi habet: *Notandum quod dupliciter dicunt aliqua eandem naturam; vno modo quia habent identitatem realem, & distinctionem rationum realium ex natura rei: Alio modo, quia sunt idem secundum rem, & secundum rationem realem. Exemplum primum vt causa & principium: Nam eadem res est causa & principium; sed secundum aliam, & aliam rationem realem. Nam principium dicitur ratione primisati. Idem enim dico primum & principium l. Post. sed dicitur causa ratione dandi esse; quia causa est ad cuius esse, sequitur aliud. Et istæ rationes non sunt eadem ex natura rei: & vna est prior aliâ, sicut patet. Exemplum secundi, vt tunica & vestis, & quæcumque synonyma. Primo modo sunt idem Ens & vnum, & non secundo modo.*

Obiectio 1.

Obijcies 1. Ens secundum suam naturam & quidditatem spectatum, est vnum: Ergo vnitas entis non est quid additum supra naturam entis. Consequentia patet. Antecedens probatur: Omnis quidditas eo ipso quia est quid-

ditas, est veluti numerus, cui nihil addi, vel detrahi potest, quin mutetur. Ergo vt sic est per se sibiipso constans & integra, & in se indiuisa: Ergo vna. Respondet ita esse. Nihilominus aliâ ratione est quidditas, & aliâ ratione est secum perfecta, sibi eadem, & in se indiuisa: Nam quatenus quidditas simpliciter, nec est sibiipso eadem, nec diuersa; sed abstrahit ab his rationibus. Similiter conceptus entis, vt sic, dicit tantum rationem essendi abstrahentem ab eo quod illa sit vna, vel non vna: Nam, vt dictum est, quatenus est simpliciter ratio entis, non est ratio entis vt vnus; aliâ non posset concipi ens, quin conciperetur vt vnum; quod tamen falsum est.

Vrgebis: Ipsum vnum seipso est vnum, nullo sibi addito. Ergo etiam ens seipso erit vnum, nullo sibi addito. Respondet negando consequentiam; quia non est par ratio entis & vnus: Ens enim est id quod est vnum: Vnum autem est id quo Ens est vnum; ideoque quantumvis vnum esset seipso vnum, id tamen dici non posset de Ente, quod non potest esse vnum nisi per vnitatem, tanquam quasi per formam aliquam, quâ denominatur vnum. Adde quodd, ad antecedens dici potest ipsum vnum propriè non esse vnum, seu, vt correctius loquar, vnitatem non esse vnam. Quandocumque enim aliqua sunt rationes quibus alia denominantur talia, vel talia; rationes illæ non denominantur tales, ne talis denominationis esset assignanda vltior.

Difficultas.

Solutio.

Vnitas propriè non est vna, sed potius id quo aliud est vnum.

ratio, & ne sic daretur processus in infinitum : v. g. quia albedo est ratio, quâ aliud est album, ipsa non est alba, quia oporteret eam esse talem per aliam albedinem, & sic in infinitum procederetur.

Obiectio 2.

Obijcies 2. Ad hominem : In conclusione dicitur vnum addere aliquid supra Ens. Ergo addit ens supra ens, quia idem sonant ens & aliquid : Hoc autem est absurdum ; quia Enti in tota sua amplitudine sumpto nullum Ens restat addendum : Ergo falsum est vnum addere aliquid supra ens.

Solutio

Respondeo negando consequentiam ; quia hîc, aliquid latius patet quàm ens. Sumimus enim ens pro ipsa ratione essendi duntaxat : Sumimus autem aliquid pro eo omni quod quouis modo spectat ad ipsam rationem essendi, cuiusmodi sunt proprietates eius, quæ non sunt tam entia, quàm modificationes seu determinationes entis, vt eas vocat noster Alensis : quæque licet non sint entia formaliter ; non sunt tamen nihil, quia sunt entia realiter & identicè. Vel si velis vtrumque, nimirum ens & aliquid æquè latè patere ; dicam vnum addere ens supra ens, id est, ens qualitativum ad ens quidditativum, quia vnum non est ens quidditativum, sed tantum qualitativum, vt dictum est.

Secunda Conclusio.

Illud quod vnum addit supra

Illud quod vnum addit supra Ens, non est formaliter quid negativum ; sed est quid positivum. Conclusio est expressa Doctoris Subtilis in 2. distinct. 3.

qu. 2. §. *Concedo igitur*. Vbi dicit quod illa duplex negatio, nimirum priuatio diuisionis in se, & priuatio identitatis ad aliud, in qua multi statuunt rationem vnitatis, habet causam aliquam positivam, per quam insit rei, cuius est. Et quia præcipue citatur Aristoteles ab aduersariis contra conclusionem istam, imprimis probandum est eam esse expressam apud ipsum 10. Metaphysic. cap. 3. vbi sic habet : *Opponuntur autem vnum & multa multis modis, quorum vno, vnum & multitudo vt indiuisibile & diuisibile : quod enim aut diuisum aut diuisibile est, multitudo quadam dicitur ; quod verò indiuisibile, aut non diuisum, vnum. Cum autem oppositiones quatuor sint modis, horum alius secundum priuationem dicatur, contraria erunt profectò, & neque vt contradictio, neque vt ea quæ ad aliquid dicuntur. Quibus verbis referens Philosophus quatuor oppositorum species, & concludens vnitatem & multitudinem opponi contrariè ; certè satis insinuat vnitatem esse quid positivum ; quia extrema oppositionis contrariæ positiua sunt. Quod si quis dicat Aristotelem velle vnum & multa opponi priuatiuè : Esto, tamen non negauit, imò asseuerauit opponi etiam contrariè. Denique dici potest his verbis : *Horum alius secundum priuationem dicitur, non affirmasse Aristotelem vnum, & multa opponi priuatiuè, sed enumerasse vnum genus oppositionis ex quatuor quæ dixit esse, & illud reliquisse tanquam minimè conueniens vnitati & multitudini : Deinde, antequam enumeret re,**

Ens, est positivum.

liqua, affirmavit opponi contrariis, his verbis; *Contraria erunt profecto*. Tandem recenset alia duo genera, & aperte fatetur unitati & multitudini ea non conuenire. Hæc autem expositio colligitur ex his sequentibus verbis: *Dicitur autem ex contrario ipsum unum, & significatur ex diuisibili indiuisibile, eo quod magis multitudo, & indiuisibile sensibile est*. Quasi dicat, ideo unum significari negatione oppositi cum dicitur indiuisibile, etiam si opponatur illi contrariè: quia multitudo magis sensibilis & nota est; & quia, ut ait paulò inferiùs, simplicia & prima, qualis est unitas, meliùs negatione significamus, cum tamen eorum ratio sit positua. Quod si ex sententia eius, vnũ & multa priuatiuè opponerentur, frustra illi objectioni occurrisset, ut optimè notarunt nostri Alexander & Scotus ad hunc locum. Si enim unitas formaliter in negatione consistit, aut in priuatione; quid mirum si nomine negatiuo significetur? Sed audiamus ita præclare philosophantem Alexandrum:

Optime
hic
Philosophatur
Alexander.

Quæret aliquis, inquit, primum ratio vnus consistit in priuatione, an ratio multitudinis? Circa hanc questionem duo sunt declaranda. Primum, quod esse vniuscuiusque rei in unitate consistit: Secundum, quod licet unum sonet priuationem, tamen secundum veritatem magis habet rationem prioris quam multitudo. Primum patet: Nam essentia cuiuslibet rei vel simplex est, vel composita; si simplex est, statim apparet quod suum esse in unitate est, quia simplicitas est quadam unitas: si composita est, tunc esse eius est ex vni-

ne principiorum: quando enim principia sunt diuisa, res non habet esse: sic ergo & esse rei simplicis, & esse rei compositæ in unitate est. Hinc patet secundum: Ex hoc enim est esse cuiusque rei, quia est unum esse: & non esse eius est ex hoc quod principia eius diuisa sunt, & non unita: Ideo manifestum est quod unum respicit esse rei; & etiam indiuisibile ipsum esse respicit: diuisibile autem respicit non esse rei. Ex quo sequitur quod indiuisibile dicat positionem secundum rem: diuisibile autem priuationem. Sed tamen quia unum est ignotius nobis quam multitudo, & indiuisibile quam diuisibile; ideo ipsum nominamus per negationem & priuationem. Sic videmus quod incorporeum magis dicit rem positam, quam corporeum; sed tamen quia corporalia sunt nobis magis nota quam incorporea; ideo nominamus ista per nomen posituum; illa autem per negationem.

Eandem ferè tradit doctrinam 1. p. q. 13. memb. 1. ad primum arg. & Seraphicus Doctor in 1. disp. 24. art. 1. q. 1. vbi dicit quod de vno loqui possumus, vel quantum ad rationem intelligendi, vel quantum ad rem intellectam. Si quantum ad rationem intelligendi; priuatiuè, inquit, dicitur, & ratio eius præaffignatur per priuationem diuisionis sue multitudinis, & hoc est, quia unum est primum, & prima non habent intelligi à nobis, & notificari nisi per posteriora. Si autem loquamur quantum ad rem intellectam; sic unum habet respectum ad materiam & ad formam. Ratione respectus ad materiam, est in se indiuisum, tamen potentia diuisibile: & quia per

Mm ij

tentia materialis se habet per modum priuationis, similiter & vnum. Ratione respectus ad formam quæ dat esse distinctum & limitatum, sic dicit positionem. His verbis apertè docet vnum dici positiuè, non priuatiuè: quanquam fortè non rectè explicet in quo consistat ipsa ratio positiua vnius, sicut nec fortassis noster Alensis. Ille siquidem constituit illam in quodam respectu quem vnum habet ad formam. Ille verò in conformatione effectus ad priuam causam in genere causæ efficientis, qui quidem consequenter non de vnitatem in se, sed de vnitatem solius entis creati loquitur, vt constat. Enimuerò si quid possit assignari positiuum aliud ab ipsa entitate vt indiuisa, in quo consistat ratio vnius; arbitror esse identitatem rei ad seipsam, secundum quam est sibi ipsi ita cohærens, ita quasi completa, & proprijs gradibus terminata, vt sit vna natura & non plures.

Hoc autem ita esse mihi persuadeo, quia authores oppositæ sententiæ, meo quidem iudicio, non satis explicant in quo consistat ratio formalis vnius, cum dicunt vnum nihil addere supra Ens nisi negationem. Non enim imprimis constituunt ipsam rationem formalem vnius in sola negatione: Tum quia ex Aristotele 4. Metaphysic. Ens & vnus eandem naturam significant: Sed si vnum diceret de formali puram negationem, non posset significare eandem naturam cum Ente; quia Ens non dicit negationem, sed positiuam naturam. Tum quia vnum non dicitur vniuocè de

Ente rationis & reali; & tamen si præcisè consideretur negatio, æquè potest conuenire enti rationis, ac reali: Ergo signum est vnum non dicere de formali solam negationem; aliàs denominatio vnius æquè posset cadere in ens rationis & reale, quia significatio vocis potissimum attendenda est ex significato formalis. Itaque vt compleatur ratio formalis vnius, dicunt ipsi addendam esse entitatem, ita quoddam entitas vt indiuisa sit vnitatem. Et tamen postmodum explicando qualiter entitas se habeat ad istam negationem, dicunt esse fundamentum eius. Cum enim authores nostræ sententiæ demonstrant vnitatem non posse consistere in negatione: tum quia fundat relationem realem indentitatis, & similitudinis, ex 5. Metaphysic. cap. 1. nulla autem negatio fundat relationem realem. Tum quia vnum est prima mensura multitudinis, quoddam non potest conuenire negationi, cum nihil sit. Respondent ea omnia conuenire vnitati ratione fundamenti, nimirum entitatis in qua fundatur dicta negatio; & ita fundamentum vnitatis, volunt esse complementum formale eiusdem: quod quomodo sit alienum à recta philosophandi ratione, patet.

Cum itaque nulla negatio insit primò & per se alicui, sed semper ratione alicuius positiui, vt probat Doctor Subtilis in 1. dist. 28. q. 2. ad 1. & patet discurrenti per omnia negationum genera: Cumque negatio indiuisiōis insit enti; videtur non inesse immediatè per rationem ipsam entis; cum ipsa sit tantum

Explicatur
quid sit
positiuum
illud
quod
vnum
addit
supra
Ens.

Confutatur
modus
dicendi
& explicandi
suam
sententiam
aduersus
sanctorum.

ratio essendi absolute, & non essendi vnum vel plura, quia abstrahit ab his rationibus. Inerit itaque per aliam rationem proximior, nimirum per identitatem rei ad seipsam, per aliquam consistentiam & quasi cohesionem sibi ipsi, seu per terminationem proprijs gradibus constitutam, vel per quid simile quod meliori iudicio relinquendo discutiendum. Itaut ipsa identitas rei ad seipsam hoc modo, explicata, sit positiua ratio vnus, quæ tamen quo ad nos, melius explicatur per negationem. Quænam verò qualisve sit ista negatio, declaremus.

ultima Conclusio.

Negatio quæ dicit vnum, habet potius rationem priuationis, quàm simplicis negationis.

Negatio quam dicit vnum, non quidem formaliter sed consequenter, est indiuisio in se vel à se, & diuisio à quolibet alio, quæ quidem negatio habet rationem potius priuationis, quàm simplicis negationis. Prior pars huius conclusionis declaratur, simulque probatur. Quoties aliqua ratio non nobis innotescit, tunc optimâ methodo procedimus, cùm illam explicamus per negationem aliquam. Ignoram ergo rationem positiuam vnus, debuit circûloqui Philosophus per negationem aliquam. Nulla autem erat aptior negatio, quàm indiuisio in se, & diuisio ab alio; nam per has rationes, statim mens nostra cõcipit aliquid esse vnum, vt patet. Ergo negatio quam dicit vnum, est indiuisio in se, & diuisio ab alio.

Obseruabis nihilominus melius explicari nobis rationem

vnus per indiuisiõnem in se, quàm per diuisiõnem ab alio. Quia ad hoc vt aliquid sit verè & propriè vnum, non requiritur vt multa existant. Deus enim v. g. erat verè vnus antequam aliud ab eo existeret: Ad hoc autem vt aliquid sit diuisum ab alio, opus est vt multa existant; nisi dicatur, per diuisiõnem ab alio, non intelligi diuisiõnem actualem, sed tantum potentialem; quia eo ipso quo aliquid est vnum, est aptum natum non esse aliud, ac proinde diuisum ab alio. Primam itaque negationem, quæ est indiuisio in se vel à se, consequitur hæc secunda negatio, quæ est non identitas vel diuisio ab omni alio, inquit Scotus noster in suis commentarijs ad 2. caput quarti Metaphysicorum.

Secunda pars est Aristotelis 4. Metaphysic. cap. 2. vbi Alensis & Scotus obseruant duplicem esse negationem, vnã extra genus, & aliam in genere. Negatio extra genus ea est quæ negat aliquid absolute, quæque verificari potest tam de ente, quàm de non ente, vt non videns, non lapis, &c. quæ de chymæra, sicut & de planta verificari possunt. Negatio in genere ea est quæ non negatur aliquid absolute, sed tantum intra metas alicuius generis, vt cæcum, impar, &c. quorû primum verificari potest tantum de animali, quod est aptum ad visum, & aliud de numero, cui conuenit esse par vel impar. Quo posito, concludunt negationem illam quam dicit vnum consequenter, esse negationem in genere, seu in sub-

Negatio duplex, in genere, & extra genus.

iecto, vel subiecta materia, vt loquitur philosophus; aliàs vnū posset etiā dici de non Ente; ideoque negationem illam non esse absolutam & simplicem, sed declinare potius ad naturam priuationis. Consultè autem dicit Doctor Subtilis declinare ad naturam priuationis; non autem esse propriè priuationem: quia priuatio propria dicit negationem in subiecto apto nato: indiuisio autem quam addit vnum supra Ens, dicit negationem diuisionis in ente incapaci illius; quia vnumquodque Ens est inseparabile & indiuisibile à seipso, vt maximè patet exemplo Dei, cuius vnitas negat diuisionem Essentiæ eius, quæ tamē nullo modo diuidi potest. Dicitur itaque declinare ad naturam priuationis: quia sicut priuatio dicit negationem in subiecta natura: Ita vnitas dicit negationem non simpliciter & absolute, sed in ente reali, siue interim illud sit capax diuisionis, siue non. Addunt alij conformiter doctrinæ Doctoris Subtilis multis in locis, diuisionem quam negat vnum, simpliciter esse possibilem, esto non sit possibilis ei enti quod vnum denominatur: Et quia illa diuisio non est impossibilis Enti vt Ens est; idèd dici potest priuatio ratione capacitatis saltem in conceptu communi; eo modo quo talpa cæcus dicitur, quia vt animal, est capax visus, quamuis non vt tale animal.

Ex dictis sequitur (vt optimè notauit Doctor Subt. in suis commentarijs ad 4. Metaphysic. cap. 2.) ipsam negationem vel priua-

tionem quam importat vnum, non esse priuationem multitudinis; quia cū priuatio sit posterior habitu, sequeretur quod ipsa multitudo esset prior vno, quod est falsum; cū vnum sit principium multitudinis, & multitudo definiatur per vnum. Multitudo enim est quadam aggregatio unitatum. Si autem multitudo esset prior quàm vnum; posset vnum definiri per multitudinem, & ita daretur circulus nusquam admittendus in definitionibus.

QVÆSTIO II.

Quotuplex sit Vnitas?



Vamquam de sola transcendentali vnitate esset hoc loco dissendendum; quia tamen multiplex acceptio alicuius rei confusionem, & tandem ignorantiam parit: vt meliùs intelligatur quid sit vnitas transcendentalis, & faciliùs ab alijs omnibus unitatum generibus secernatur: & etiam occasione illius, quidquid difficilius circa alias unitatum species occurrit, examinetur, sit hæc.

Vnica Conclusio.

Multiplex est vnitas. Patet Responsum ex Aristot. 5. Metaphysic. cap. 6. Primò enim alia est per se, & alia per accidens. Unitates per accidens quatuor subijciuntur variæ vnitates.

Vnius
per ac-
cidents
qua-
tuor sūt
modi.

species, vel modos. Primus est secundum quem accidens & subiectum dicuntur vnum, vt Coriscus musicus. Secundus, quo duo accidentia sunt vnum, vt musicus iustus. Tertius, quo vnum accidens comparatur ad subiectum complexum ex subiecto & alio accidente, vt Coriscus, & Coriscus musicus, vel è contrà, vt musicus, & Coriscus musicus. Quartus est, quo complexum comparatur ad complexum; vt Coriscus musicus ad Coriscum musicum.

Quinq;
sunt
modi
vnus
per se.

Vnius per se denique quinque modos subiicit. Primus est, quo ea quæ sunt continua, vnum dicuntur vt fascis vinculo, & ligna visco colligata. Linea quoque etiam si curva sit, sed continua, vna dicitur. Sicuti partium etiam vnaquæque, vt crus & brachiū. Ex his autem ipsis, illa magis vnum sunt quæ naturā, quàm quæ arte continua sunt. Secundus est, quo ea dicuntur vnum quæ licet non sint diuidua, sunt tamen indiuisibilia secundum speciem & sensum; sic fluuius discontinuus, est vnus, quia species eius est indiuisibilis, tam secundum formam intrinsecam, quàm secundum sensum, hoc est secundum accidentia sensibilia. Horum subiectum proximum est vnum. Oleum autem & alij liquores non sic censentur vnum, bene tamen ratione subiecti finalis & remoti, putà aëris & aquæ, in quod resoluuntur vltimò. Tertius modus est eorum quæ sunt vnum genere, vel propinquo, vel remoto; propinquo, vt homo & equus; remoto, vt homo & planta. Quartus est eorum quo-

rum ratio est indiuisibilis in alias rationes inferiores. Sic indiuidua sunt vnum in ratione specifica infima, quæ in alias rationes non potest diuidi. Postremò denique ea dicuntur vnum, quorum ratio est omninò indiuisibilis, non tamen in alias inferiores rationes, sed & in partes rationis; sic conceptus simpliciter simplices dicuntur vnum, putà conceptus differentiar vltimar. Et quia vnum est indiuisibile; idè quod erit omnium maximè indiuisibile, erit omnium maximè vnum; & quia hoc postremum est maximè indiuisibile, vtpatet; est quoque maximè vnum, ad quod proindè cætera reuocantur.

Sufficiantiam autem horum quihque modorum vnus sic ferè colligit Doctor Subtilis ad hunc locum. De ratione vnus est quòd sit indiuisibile (hoc est de ratione vnus quo ad nos;) contingit autem duobus modis aliquid esse indiuisibile, scilicet vel simpliciter, vel secundum quid. Si simpliciter, sic est vltimus modus, qui est principalis, ad quem omnes alij reducuntur. Si secundum quid; aut ista indiuisibilitas attenditur penes quantitatem, aut penes naturam & quidditatem rei. Si priori modo, tunc est primus modus: continuum enim licet sit diuisibile simpliciter, tamen secundum se acceptum, est quoddam vnum & indiuisibile, vt sic. Si secundo modo; aut ista indiuisibilitas in natura rei attenditur penes subiectum reale Physicum & sensibile, & sic est secundus modus; aut penes subiectum conceptibile; & hoc dupliciter; quia aut

penes subiectum conceptibile commune ; & sic est tertius modus : aut penes subiectum conceptibile proprium , & sic est quartus modus.

Subijcit insuper Philosophus ibidem quatuor alios modos vnius. *Item, inquit, alia numero, alia specie, alia genere, alia analogice vnum sunt. Numerum quidem, quorum materia vna : Specie verò, quorum ratio vna : genere verò, quorum eadem prædicationis figura : secundum analogiam verò, quæcumque se habent ut aliud ad aliud.*

Vnum
nume-
ro, spe-
cie, ge-
nere, &
analo-
giâ.

Docent Alensis & Scotus in suis Commentariis ad hunc locum, hanc diuisionem esse logicalem ; quia eius frequentior est usus apud Dialecticos, quàm prioris. Dicuntur autem vnum numero , quorum materia vna, id est, differentia siue proprietatis individualis, quæ est præcisa causa indiuiduationis ex Scoto. Specie verò sunt vnum, quorum ratio, id est, definitio vna. Definitio enim propriè est speciei, cum definitio constet ex genere & differentia, ex quibus propriè constat species : Vnde si aliquando genus, putà subalternum definitur ; hoc fit quia habet aliquam rationem speciei : Genere autem dicuntur vnum, illa quorum est eadem figura prædicationis, id est, quæcumque sunt in eodem prædicamento : Quodlibet enim prædicamentum habet proprium modum prædicandi distinctum ab aliis prædicamentis ; sicut omnes qualitates, prædicantur de subiecto per modum formæ informantis. Secundum analogiam verò ea dicuntur vnum, quæcumque

se habent ut aliud ad aliud : quod dupliciter exponitur. Primo secundum quòd duo habent diuersas habitudines ad vnum ; eo modo quo dicimus vinam, & potionem habere habitudinem ad sanitatem animalis ; diuersis modis tamen : quia prior habet tantum habitudinem signi ; Posterior verò habitudinem causæ. Alio modo, secundum quòd comparantur duo diuersa ad alia duo diuersa, ut sicut v. g. se habet serenitas ad aërem, sic se habet tranquillitas ad mare : Et ideo serenitas & tranquillitas sunt vnum proportionem, & vtrumque significat quietem quamdam, reddendo singula singulis.

Noster Anthonius Andreas, s. Metaphysic. quæst. 6. multis uocatur ostendere sufficientiam huius diuisionis, & illam esse aliam à priori, licet interim duo membra prioris, nimirum vnum genere & vnum specie, in hac posteriore reperiantur ; quia, inquit, fundamenta huius sunt alia à fundamentis prioris : Enimverò prioris fundamenta sunt realia ; huius autem posteriores fundamenta sunt intentionalia. Quare etiam hæc posterior diuisio, dicitur esse Logica. Verum nec est quòd in his immoremur, nec quòd laboremus in his omnibus demonstrandis : Non enim mirum est quòd in hac utraque diuisione, eadem enumerauerit membra Philosophus ; tum quia in his Metaphysicis frequenter occurrunt similes repetitiones ; tum quia expeditiorem & frequentiore apud Dialecticos vnius diuisionem tradere voluit : quam ob causam dicitur quoque ad Dia-

ad Dialecticam pertinere : nam certè esset valdè difficile ostendere istorum quatuor modorum fundamenta esse intentionalia, vt patet præsertim de priore & posteriore ; quatenus diceremus eà ratione hanc posteriorem diuisionem ad Dialecticos pertinere, & esse aliam à priore. Hæc tradere volui, ne penitus ignoraremus, quæ de Vno & variis eius modis habet Philosophus.

Aliter itaque constituuntur species vel modi vnus seu vnitatis communiter, vt nimirum alia sit numerica, alia quantitativa (si quantitativa non sit potius in tali genere vnitas numerica, quàm alia à numerica) alia formalis seu naturæ ; alia vniuersalis, & alia transcendentalis.

Vnitas numerica, quantitativa, formalis, vniuersalis, & transcendentalis.

Numerica seu singularis & individualis est quâ indiuidua cuiusque naturæ sunt vna & indiuisa in se, & nullomodo diuisibilia in plures naturas singulares : Et hæc sequitur conditionem indiuidualem, vnde & dicitur indiuidualis.

Quantitativa seu categorica ea est quâ aliquid dicitur vnum in quantitate discreta, vel quæ est principium eiusdem quantitatis : Constat enim quantitas discreta ex huiusmodi vnitatibus quantitatis.

Vnitas formalis est vnitas naturæ secundum se considerata, & quatenus natura est simpliciter : estque duplex, generica nimirum & specifica.

Vnitas vniuersalis ea est quæ competit naturis præcisè à singularibus per intellectum, & conceptis per modum vnus : Cum enim natura quælibet generica &

specifica sit cõmunis naturæ suæ, & vniuersalis beneficio intellectus abstrahentis, præscinditis & conferentis illam cum singularibus ; vnitas formalis est ei propria quatenus communis est, & indifferens tùm ad sua inferiora, cum ad vniuersalitatem & singularitatem : vnitas autem vniuersalis conuenit ei quatenus est iam facta per intellectum vniuersalis. Qui dicunt naturas esse vniuersales ante intellectum, aliter philosophantur de hac vnitate vniuersali : Dicunt enim consequenter illam competere etiam naturis vniuersalibus ante intellectum ; & in hoc differre à formali, quodd formalis præcindat à communicabilitate, nec illam requirat ad conceptum suum formalem ; vniuersalis autem illam requirat : Deinde quodd formalis multiplicetur ad multiplicationem indiuiduorum, vniuersalis autem non sic. Ex ipsis aliqui volunt hanc vnitatem debere vocari vnitatem præcisionis : vnitatem enim vniuersalem sentiunt, etiam nobiscum fieri per intellectum : Alij confundunt vnitatem vniuersalem cum vnitate præcisionis, & volunt eam esse quæ competit naturis communibus in se, vt non existunt contractæ in suis inferioribus, siue talis vnitas conueniat beneficio intellectus, siue ex se ; dicuntque eam nihil aliud esse quàm actualement indiuisiõnem rei communis in sua inferiora, cum diuisione tamen aptitudinali, quâ natura apta est esse in pluribus ; & illam distinguunt ab vnitate formali, vt prius. Sed de his sequenti quæstione, in qua specialiter de vni-

tate formali, seu naturæ disputabimus, & ostendemus an multiplicetur in inferioribus; proindeque an ultra eam, danda sit à parte rei aliqua vnitas præcisionis; vel an potius ipsamet vnitas naturæ seu formalis sit etiam vnitas præcisionis, sub aliqua ratione spectata.

Superest vnitas transcendentalis, quæ competit Enti in se, & sequitur rationem eius: vnde quemadmodum ens dicit conceptum quemdam generalissimum & communissimum suo ambitu completentem particularia omnia entia; ita etiam vnitas transcendentalis est vnitas communissima suo ambitu completens omnes vnitates prædictas, demptâ eâ quæ sit per intellectum: Nulla enim vnitas rationis contineri potest sub vnitatem reali, qualis est transcendentalis. Sed de hac vnitatem plura dicemus in sequentibus.

Varie
alix v-
nitates
referū-
tur.

Alij statuunt innumeras alias vnitatum species, putà negatiuam, in illo scilicet, quodd non habet aliquid per quod distinguatur; positiuam in illo quod habet formam vel rationem aliquam distinguentem ipsam ab omni alio: Vnitatem subiecti, qualis est vnitas dulcedinis & albedinis ratione lactis: vnitatem aggregationis seu collectiuam, qualis est vnitas acerui lapidum: vnitatem ordinis, vt est vnitas exercitus, quæ est aliquantulum maior vnitatem aggregationis: vnitatem identitatis, quâ subiectum & sua passio sunt quid vnum: vnitatem vnionis, quâ compositum ex materia & forma est quid vnum; & cæteras quas

videre licebit apud nostros Formalisantes: Sed omnes certè reuocari possunt vel ad vnitatem per se, vel ad vnitatem per accidens. Nunc de vnitatem numerica, formali, vniuersali & transcendentali, quæ sunt propriæ instituto Metaphysico, disseramus.

QVÆSTIO III.

An detur aliqua vnitas ex natura rei minor vnitatem numerica?



Æc quæstio est nunc valdè celeberrima, & maxime in Scholis agitata, circa quam varia sunt philosophantiū

placita. Tota nostra Schola, docente Doctore Subtili in 2. dist. 3. quæst. 1. tenet partem affirmatiuam. Negatiuam tuerentur omnes alij, exceptis Fonseca s. Metaphysic. cap. 28. qu. 3. & paucis alijs, qui nec omnino nobiscum adhuc conueniunt, nec ipsædem principijs gradiuntur. Plures ex nostris Scotistis hanc rem tot difficultatum nodis implicauerunt; vt eam vel nimis difficilem, vel nimis probabilem effecerint. Doctrinam Scoti nudè aperiam, & ostendam sententiam eius esse omnino Peripateticam, & meo quidem iudicio, cæteris omnibus probabiliorem & anteponendam.

Prænotandum itaque imprimis, indiuidua alicuius vnus vnus

Indiui-
dua

vnus

speciei
habent
primò
vnitatē
simili-
tudinis
& con-
ueniē-
tiæ.

Speciei magis inter se conuenire, seu maiorem aliquam similitudinem habere, quàm indiuidua distinctarum specierum: Magis enim conueniunt Petrus & Ioannes v. g. quàm Petrus & Bucephalus: Quia illud vtrumque est animal rationale; hoc autem vtrumque non sic: & idè iam ex hoc capite, negari non potest quin natura humana v. g. habeat aliquam vnitatem similitudinis & conuenientiæ, fundatam in illis indiuiduis, prout habent in se rationes quibus inter se conueniunt & sunt similia. Sed vltra hanc vnitatem, videndum est, an illa natura non habeat aliam quandam vnitatem minorem vnitatē numericā, à parte rei. Dicitur communiter quòd non; quia aut nulla datur vnitas præter eam quam illa natura habet in indiuiduis; aut si quæ alia datur, sit tantum per intellectum. Vnitas enī formali, inquit, duobus modis spectari potest, scilicet vel quatenus est particularis huius naturæ humanæ existentis in Petro, vel alterius existentis in Ioanne; & sic est vnitas numerica; quia natura humana Petri distinguitur numero à natura humana Ioannis: vel secundò consideratur quatenus est communis, & conueniens naturæ, vt sic, & vt abstractæ à conditionibus indiuiduantibus: Et ita, inquit, sit tantum per intellectum; quia sicut nulla est natura communis à parte rei; ita nulla est vnitas naturæ communis à parte rei; sed tantum per intellectum. Pro huius rei decisionē

Subtili in 2. dist. 3. q. 1. & 6. naturam quamlibet specificam posse duobus modis spectari: primò nimirum quatenus est simplex natura; quomodo, inquit, de ea est consideratio Metaphysica, & assignatur definitio eius, & sunt propositiones per se primo modo, & est quod quid est, & per se obiectum intellectus: natura enim vt natura, est prior naturaliter quàm hæc natura, seu quàm natura singularis; & vt sic non determinat sibi hanc vel illam singularitatem, sed est indifferens ad omnes; ita quòd licet non possit existere in rerum natura absque aliqua singularitate; potest tamen existere absque hac vel illa. Et hoc est quod intendit Scotus, cum dicit naturam vt priorem naturaliter ratione contrahente ipsam ad singularitatem, non repugnare sibi esse sine illa ratione contrahente: repugnat enim esse simpliciter absque aliqua ratione contrahente; non repugnat tamen esse absque hac vel illa ratione contrahente. Secundò quatenus est contracta & effecta singularis per hanc vel illam rationem contrahentem. Naturam priori modo spectatam consequitur vnitas quædam, quæ dicitur vnitas nature; quæ quidem licet non sit prædicatum quidditatum eius, nec dicatur de natura per se primo modo; quia nimirum in eo statu, est tantum natura; nihilominus est proprietas necessariò consequens ipsam. Hoc modo, inquit Scotus, intelligo naturam habere vnitatem realem minorem vnitatē numericali; & licet non habeat eam de se, ita quòd sit intra rationem

duobus
modis
spectari
potest, vt
natura,
& con-
tracta.

Natura

Prænotandum 2. ex Doctore

N ii j

naturæ; quia equinitas est tantum equinitas secundum Avicennam s. metaphysic. tamen illa unitas est passio propria naturæ secundum suam entitatem primam: & per consequens nec est ex se hæc intraneæ; nec secundum entitatem propriam necessariò inclusam in ipsa natura secundum primam entitatem suam.

In quolibet individuo est duplex unitas, naturæ seu formalis & numerica.

Naturam posteriori modo spectatam consequitur duplex unitas, sicut & illa duplicem inuoluit entitatem, nimirum quidditativam & indiuidualem; ita ut prior unitas consequatur priorem entitatem, scilicet unitas naturæ entitatem quidditativam, & posterior unitas consequatur posteriorem entitatem, nimirum unitas numerica entitatem indiuidualem: & ita sicut in quolibet individuo spectantur entitas quidditativa & entitas indiuidualis: ita in quolibet individuo spectari debent unitas naturæ & unitas numerica. Et hoc aperte tradit Doctor Subtilis locis citatis cum dicit: *In eodem ergo quod est idem numero, est aliqua entitas quam consequitur minor unitas quam sit unitas numerica; & est realis, & illud cuius est unitas talis formaliter non est de se unum unitate numerica: Concedo ergo quod unitas realis non est alicuius entitatis existentis in duobus indiuiduis sed in uno.*

Et iterum: secundum illam entitatem habet unitatem sibi proportionabilem quæ est indifferens ad singularitatem; ita quod non repugnat illi unitati de se, quod cum quacumque singularitate ponatur. Et hinc patet deceptum fuisse Franciscum Suarem tom. 1. Metaphysic. disp. 6. sect. 1. num. 2. cum dicit in hoc differre Scotum à

Thomistis in modo explicandi hanc unitatem, quod Scotus non censet unitatem hanc multiplicari numero in ipsis indiuiduis; Thomistæ verò existimant multiplicari. Scotus enim ita existimat multiplicari, ut dicat unitatem illam non esse alicuius entitatis existentis in duobus indiuiduis, sed in vno, & illi non repugnare de se ut cum quacumque unitate singularitatis ponatur: Imò etiam explicat quomodo unitas illa non sit unitas numerica, licet reperitur in eodem numero: dicit enim quod quemadmodum color in albedine est vnus specie, licet non de se, nec per se, nec primo, sed denominatiue tantum: ita entitas quidditativa quæ est in Petro v. g. est vna numero, licet non de se, nec per se, nec primo, sed denominatiue tantum. Ideoque cum in asserenda hac unitate & in modo explicandi illam quo ad hoc, vtraque Schola conueniat; nulla restat dissentio, nisi fortè quia Doctor Subtilis distinguere illas duas unitates formaliter in eodem indiuiduo; Thomistæ verò solâ ratione. Sed hæc dissentio in hoc casu, parua est. His positis, sit hæc

Prima Conclusio.

Natura quælibet, præsertim specifica utroque modo spectata, siue nimirum ut natura, siue etiam contracta, habet unitatem quandam minorem unitate numerica, & distinctam ex natura rei à numerica, quæ consequitur ipsam quatenus natura est;

In hac conclusione conueniunt Thomistæ nobiscum.

vnde & appellari potest vnitas naturæ, vel vnitas formalis. Hæc conclusio, ni fallor, à nemine negari potest. Nam vltra quodd est Doctoris Subtilis locis citatis, & 7. Metaphysic. q. 10. & omnium authorum nostræ Scholæ, est etiam D. Thomæ opusculo de natura generis cap. 7. & de ente & essentia cap. 4. & ibidem Cajetani & aliorum Thomistarum. Statuunt enim, post Diuum Thomam, si credimus Cajetano, triplicem statum naturæ, vnum quo est in singularibus, alium quo est in intellectu, & tertium quo est natura simpliciter: & secundum huc statum, inquirunt, conueniunt ei sua prædicata quidditatiua, & vt sic, est indifferens vt sit tam in intellectu, quam in singularibus; & vt sit tam in hoc quam in illo singulari; & secundum hunc statum, vnitas formalis consequitur ipsam naturam; ita vt quemadmodum natura in illo statu est realis, ita etiam vnitas consequens ipsam, in eo statu sit realis.

Probari autem potest imprimis ex eo, quia quælibet natura est entitas aliqua. Ergo debet habere vnitatem naturæ, tanquam proprietatem inseparabilem ab ipsa.

Præterea, Etiam in Petro, natura humana est indiuisa in se & diuisa à qualibet alia: sed per hoc explicamus rationem vnitatis. Ergo ex eo concluditur ipsam habere vnitatem.

Præterea. Natura humana siue vt prior naturaliter singularitate, siue etiam contracta definiri potest. Ergo vt sic debet esse vna, ex Aristotele 4. &

7. Metaphysic.

Quodd verò hæc vnitas sit minor vnitate numerica, ex eo patet, quia vnitas numerica nullam permittit diuisionem in alias partes subiectiuas, vnitas autem naturæ permittit.

Quodd etiam distinguatur ex natura rei ab vnitate numerica, ex eo probare possumus; quia in quolibet indiuiduo, distinguitur gradus quidditatiui & indiuiduales ex natura rei: Ergo distinguui quoque debent vnitas consequens gradus quidditatiuos, & vnitas consequens gradus indiuiduales.

Dices: Quicquid est in eodem indiuiduo numero, est vnum numero: sed vnitas illa naturæ est in eodem indiuiduo numero. Ergo est vnitas numerica. Respondet Doctor Subtilis esse vnitatem numericam denominatiuè, non de se, nec per se, nec primo: Respondet primò, inquit, in alio simili manifestiori; quicquid est in vna specie, est vnum specie: Color ergo in albedine, est vnum specie: Ergo non habet vnitatem minorem vnitatis speciei; non sequitur. Nam sicut alias dictum est, scilicet in primo lib. quæst. de attributis, soluendo primò dubium; Aliquid potest dici animatum denominatiuè, vt eorpus; vel per se primò, vt homo; & ita superficies dicitur alba denominatiuè: superficies alba dicitur alba per se primo modo, quia subiectum includit prædicatum. Ita dico quodd potentiale quodd contrahitur per actuale, informatur ab illo actuali, & per hoc informatur ab illa vnitatis consequente illam actualitatem, siue illum actum: & ita est vnum vnitatis pro-

Na iij

prîa illius actualis, sed denominati-
uè est sic unum: Non autem est de se
sic unum, nec primò, nec per partem
essentialem. Color ergo in albedine est
unum specie, licet non de se, nec per
se, nec primò, sed denominatiuè tan-
tum. Differentia autem specifica est
una specie primò, quia sibi primò
repugnat diuidi in plura specie: Al-
bedo est una specie per se, sed non pri-
mò; quia per aliquid intrinsecum si-
bi, ut per illam differentiam. Ita
concedo quòd quicquid est in isto lapi-
de est unū numero, vel primò, vel per
se, vel denominatiuè. Primò fortè, ut
illud per quod unitas talis cōuenit huius
composito: per se, ut hic lapis, cuius
illud, quod est primò unum hac unita-
te, est per se pars: Denominatiuè autē
tantum, ut illud potentiale quod per-
ficitur isto actuali, quod quasi deno-
minatiuè respicit actualitatem eius,
& unitatem similiter.

Dubitabis an unitas illa for-
malis & naturæ minor unitate nu-
mericâ, non tantum conueniat
naturæ specificæ, verumetiam natu-
ræ genericæ? & ratio dubitan-
di est autoritas Doctoris Subti-
lis in 2. dist. 3. q. 1. §. Contra istud
arguitur ubi sic habet. Secundum
Philosophum 7. Physic. In specie a-
thomasis comparatio, quia est una na-
tura; non autem in genere, quia ge-
nus non habet saltem unitatem: ista
verò unitas non est unitas rationis,
quia conceptus generis est ita unus
apud intellectum, sicut conceptus spe-
ciei; alioquin nullus conceptus diceretur
in quid de multis speciebus, & ita
nullus conceptus esset genus, si tot es-
sent conceptus dicti de speciebus, quot
sunt conceptus specierum, quia tunc
in singulis prædicationibus, idem præ-
dicaretur de se. Ex hac autoritate
& ratione apertè habemus uni-

tatem conuenientem speciei, esse
realem; generi autem non sic. Ni-
hilominus nullus nostrorū inter-
pretum tangit hanc difficultatem:
Imò solus Rada in 2. Controuerf.
3. art. 1. respondendo ad quin-
tum, simpliciter dicit genus seu
naturam genericam habere unita-
tem minorem unitate numeri.
Respondetur itaque reuerà uni-
tatem formalem conuenire non
modò naturæ specificæ, verum-
etiam naturæ genericæ; neque id
potuisse negare Doctorem Sub-
tilem; sed argumentari tantum
hic ex cōcessis ab aduersarijs de
unitate rationis conceptus generi-
ci, ut inde demonstraret unita-
tem illam esse realem saltem in
specie athoma, in qua facilius
erat demonstrare illam unitatem
esse realem, quam in natura
generica, in qua unitas illa for-
malis realis est longè minor &
minùs probabilis, quam in na-
tura specifica: quia natura spe-
cifica non patitur diuisionem per
principia formalia, patitur autem
natura generica.

Contra prædicta occurrit dif-
ficultas. Diximus enim non mo-
dò de mente Diui Thomæ, verum-
etiam de mente Doctoris Subti-
lis, unitatem naturæ multiplicari
in inferioribus: ex quo videtur
sequi tot fore naturas específicas
quot sunt indiuidua. Respon-
deo tamen non ita esse: Licet enim
tot sint naturæ humanæ, v. g. rea-
liter & essentialiter distinctæ, quot
sunt homines: nihilominus tamen
non sunt tot species quot homi-
nes; quia per aduentum diffe-
rentiæ individualis contrahentis
vnamquamque istarum natura-
rum, ablata est ab vnaquaque,

lis con-
uenit
etiam
naturæ
generi-
cæ.

Obie-
ctio.

Solu-
tio.

Unitas
forma-

aptitudo proxima essendi in multis numero distinctis, quæ tamen requiritur ad rationem speciei. Cæterum, vix negari potest quin vnaquæque illarum naturarum fundare possit intentionem speciei saltem remotè, non quidem speciei distinctæ à specie quam altera fundare potest; sed eiusdem, ex eo nimirum, quia quemadmodum vnaquæque istarum naturarum, contracta est determinatè per aliquam determinatam singularitatem; ita quantum est ex se, determinari potuit per quamcumque, si non collectiue, saltem diuisiue.

Secunda Conclusio.

VNITAS hæc minor vnitate numericâ, non est de quidditate naturæ cuius est, sed propria passio eius. Est sententia Scoti suprâ, vbi sic ait: *Hoc ergo modo intelligi naturam habere vnitatem minorem vnitate numerali; licet non habeat eam de se, ita quod sit intra rationem naturæ, quia equinitas est tantum equinitas secundum Auicennam s. Metaphysic. tamen illa vnitas est passio propria naturæ secundum suam entitatem primam.* Probatur autem conclusio hac generali ratione: Vnitas in se siue vnitas transcendentalis, non est de ratione entis, sed tantum proprietates eius: Ergo vnitas huius entis, putà naturæ specificæ, vel naturæ genericæ, non est de ratione eius, sed tantum passio eiusdem.

QVÆSTIO III.

An detur aliqua vnitas communis?



Nitatem communem voco vnitatem naturæ superiori quæstione explicatam, non quatenus est in singulis indiuiduis, sed quatenus est in omnibus simul, secundum quam omnia indiuidua eiusdem naturæ censentur habere vnam, & eandem naturam, atque consequenter vnica formalem vnitatem. Suarez tom. 1. Metaphysic. disput. 6. sect. 1. & reliqui ferè omnes recentiores docent communiter, duo spectari posse in qualibet natura, videlicet naturam ipsam, & communitatem eius: Similiter in vnitate, duo spectari posse, nimirum vnitatem ipsam, & communitatem eius. Quo posito, dicunt naturam & eius vnitatem esse quidem realem, non tamen communitatem tum naturæ, tum vnitatis naturæ; quia, inquit, huiusmodi communitas fit tantum per cogitationem mentis: idèoque tot dari naturas seu essentias, quot dantur singularia; ac proinde nullam naturam esse vnam realiter, nisi sit singularis; quia vnitatem communem non habet natura, nisi per intellectum. Istud quoque confirmari videtur ex iis quæ suprâ retulimus ex Doctore Subtili in 2. distinct. 3. qu. 6.

§. *Ad quæstionem.* Vbi dicit quoddam unitas realis non est alicuius entitatis existentis in duobus indiuiduis, sed in vno. Ex alia parte verò, rationes omnes quas refert ibidem quæstione 1. §. *Contra istud arguitur*, non solum unitatem naturæ superiori quæstione explicatam, verumetiam unitatem communem stabilire videntur, ut patebit inferius.

In quo consistat unitas naturæ positivæ & negativæ.

Duplex diuisio naturæ, heterogenea & homogenea.

Prænotandum itaque 1. Pro solutione huius quæstionis, unitatem naturæ superius explicatam, primariò & positivè consistere in eo quoddam ipsa natura sit integra secundum sua prædicta quidditatiua, completa & terminata propriis gradibus, & quasi sibi coherens, ac in seipsa consistens: Secundariò, consequenter, & quoad nos consistere in duplici negatione consequente istam rationem positivam, scilicet in negatione diuisionis in se, & in negatione identitatis ad aliud. Huiusmodi autem unitas tolli non potest per contractionem. Quod ut intelligatur,

Prænotandum 2. rationes contrahentes esse in duplici differentia; quædam enim contrahunt, & diuidunt heterogeneè, id est, constituunt illud quod contrahunt, in alia, & alia ratione. Huius conditionis sunt omnes differentiarum specificarum. Aliæ contrahunt & diuidunt homogeneè, id est, diuidunt quidem & multiplicant illud quod contrahunt, sed relinquunt omnes partes subiectiuas diuisas in eadem ratione, seu in unitate rationis negante diuisionem heterogeneam. His positis, sit hæc

Unica Conclusio.

Datur unitas communis à parte rei conueniens naturæ communi, non solum communitate indifferentiæ ad vniuersalitatem & singularitatem; sed etiam communitate inexistentiæ in pluribus, ac prædicabilitatis de pluribus. Duplex enim assignari potest communitas naturæ; altera negatiua & indifferentiæ, quæ consistit in eo quoddam illa nec sit vniuersalis, nec singularis, sed sit indifferens ad utrumque; & de ea non loquimur: altera positiua, quæ consistit in eo quoddam natura respiciat simul multa, quibus communicare potest eandem rationem, & de ea loquimur. Probatur autem conclusio. Naturæ secundum se, & vt priori naturaliter rationibus contrahentibus ipsam, conuenit unitas naturæ & formalis; sed huiusmodi natura potest esse communis multis, in quibus insit & de quibus prædicetur. Ergo illi vt sic, potest competere unitas; maximè cum ista natura insit in pluribus, & prædicetur de pluribus secundum vnam & eandem rationem.

Astruitur & explicatur unitas communis.

Præterea: Unitas illa est proprietas naturæ consequens illam in quocumque statu ponatur: Ergo quemadmodum sequitur naturam contractam: Ita potest sequi naturam communem: Quia quæ ratione natura est in singulis indiuiduis eiusdem rationis; ita est simul in omnibus eiusdem rationis: Aliàs singula indiuidua essent eiusdem speciei, & omnia simul essent alterius, & alterius speciei.

Dicunt

Dicunt aduersarij naturam illam non esse communem à parte rei : Sed contra est, quia ad communitatē illam, sufficit quodd natura ex se ad nullum singulare sit contracta, sed quodd quantum est ex se, sit indeterminata ad omnia; & cum hoc habeat vnā rationem quam possint participare ea ad quæ determinatur & contrahitur : Hæc autem omnia habet natura secundum se, & non quatenus est in intellectu : Ergo communitas illa non conuenit naturæ, & vnitati eius per cogitationem mentis.

Vrgen, negando partem illam minoris, quæ dicitur naturam secundum se, habere vnā rationem realem in singularibus, à quibus participatur : Nam, dicunt, vnitas illa fit tantum ab intellectu apprehendente multa indiuidua per modum vnus. Respondeo tamen non ita esse; quia vnitas naturæ communis quam hic defendimus, non consistit in negatione diuisionis homogeneæ, sed tantum in negatione diuisionis heterogeneæ : Proindeque non opponitur multitudini & pluralitati indiuiduorum; sed dumtaxat alteri naturæ à qua est diuisa secundum se. Esto igitur, vnitas negans diuisionem homogeneam, fieret tantum ab intellectu apprehendente multa indiuidua alicuius naturæ per modum vnus; tamen vnitas negans diuisionem heterogeneam competit naturæ à parte rei, non tantum secundum se, vel vt est etiam singularis effecta; sed etiam quatenus communis est multis; in quibus est tantum multiplex

& pluralificata homogeneæ, seu secundum eandem rationem. Et ex hac quidem doctrina soluitur facillimè difficultas allata ex Doctore Subtili, dicendo vnitatem naturæ non esse alicuius entitatis existentis in duobus indiuiduis cum sui diuisione heterogenea, bene tamen cum sui diuisione homogenea.

Mouent alij difficultates aliquas satis vanas & friuolas, dicendo ex nostra doctrina sequi vnum & idem posse simul & semel existere naturaliter in duobus locis. Si enim, inquiunt, Petrus & Paulus sint quid vnum; dato quodd Petrus sit in cælis, & Paulus in inferis; vnum & idem simul & semel erit naturaliter in duobus locis. Sed ista, vt dixi, sunt parui momenti; nam natura contracta non potest habere nisi vnitatem negantem diuisionem heterogeneam, non autem vnitatem negantem diuisionem homogeneam: vnde esto Petrus & Paulus essent quid vnum, per negationem diuisionis heterogeneæ; non sunt tamen quid vnum per negationem diuisionis homogeneæ; ideoque quemadmodum, v. g. duæ guttæ aquæ possunt simul & semel existere in duobus locis; ita Petrus & Paulus. Nam quod facit diuisio Physica in toto homogeneo Physico; idem facit diuisio Metaphysica in toto homogeneo Metaphysico, qualis est natura aliqua specifica.

Natura humana est totum homogeneum Metaphysicum, & indiuidua naturæ humanæ sunt partes subiectiuius homogeneæ illius.

Ex his omnibus constat triplicem distingui posse vnitatem formalem, scilicet formalem simpliciter, quæ consequitur naturam quatenus natura est: Formalem communem, quæ conse-

triplex vnitas, formalis simpliciter, communis &c.

nume-
rica.

quitur naturam communem, communitate scilicet existentia in omnibus indiuiduis simul, & prædicabilitatis de iisdem; & unitatem formalem numericam denominatiue, & per accidens, quæ consequitur naturam, ut est in singulis indiuiduis, de qua præcedenti questione actum est.

Addendum est ijs iterum nos non philosophari de hac unitate comuni eodem modo, quo Fonseca 5. Metaphysic. cap. 28. qu. 3. sect. 4. philosophatur de sua unitate præcisionis, quam non vult ad inferiora descendere. Ego enim existimo hanc unitatem esse illammet quæ cum quacumque unitate singularitatis ponitur, quemadmodum eadem est etiam natura quæ modò communis, modò singularis est, & contracta.

Vnde quemadmodum natura eadem omnino spectatur hæc à nobis tribus modis; primò scilicet nudè & simpliciter, seu quatenus natura est: Secundò quatenus respicit multa quibus communicare potest eandem rationem, quo pacto dicitur communis: Tertio denique quatenus est contracta, quomodo dicitur singularis & vna numero: Ita etiam unitas formalis eadem omnino spectari potest tribus modis, scilicet ut formalis simpliciter, & ut consequitur naturam nudè spectatam, ut communis est, seu ut sequitur naturam respicientem multa; denique ut singularis est & vna numero, per accidens scilicet & denominatiue, ut dictum est. Et ratio est; quia natura illa quam consequitur illa unitas, est sem-

per eadem natura, & non alia, in se indiuisa, & diuisa heterogeneè à qualibet alia natura specifica: Ergo debet retinere semper suam unitatem, in quocumque statu concipiatur. Nunc probemus hæc unitatem rationibus Doctoris Subtilis in 2. distinct. 3. qu. 1. 5. *Contra istud arguitur.*

Vnius potentia est vnum obiectum; sed potentia sensitiua, puta visus, est vna potentia: Ergo habet vnum obiectum; non vnum numero; quia tunc non posset videre nisi vnum colorem numero: Nec vnum per intellectum; quia præcedit actum intellectus, sicut & sensus. Ergo est vnum aliquà alià unitate reali; quia sicut obiectum sensus, inquantum obiectum, præcedit intellectum; ita etiam secundum suam unitatem realem, præcedit omnem actum intellectus.

Dices quòd obiectum primum & adequatum sensus, est aliquid commune abstractum per intellectum ab omnibus alijs particularibus obiectis; & ita non habet unitatem nisi continentis illa plura obiecta particularia: Ita quòd obiectum sensus respectu vnius actus utique præcedit intellectum, & tunc est aliquod singulare; tamen obiectum primum sensus adequatum est aliquid vniuersale abstractum ab omnibus particularibus per intellectum. Contrà. Huius actionis sensus est vnum obiectum secundum aliquam unitatem realem, ex concessis: Sed non secundum unitatem numericam: Ergo secundum unitatem realem aliam ab unitate numerica. Probatur minor: Quia potentia

Prima
ratio
Scoti
desum-
pta ex
unitate
obiecti
sensus.

Eadem
unitas
naturæ,
modò
est for-
malis
simpli-
citer,
modò
còmu-
nis, mo-
dò nu-
merica
per ac-
cidens.

cognoscens obiectum secundum aliquam vnitatem, distinguit ipsum ab omni alio quod non est hæc vnitate vnum: sed sensus non cognoscit obiectum in quantum est distinctum à quolibet quod non est vnum illà vnitate numerali; quia nullus sensus discernit hunc radium solis v. g. differre naturaliter ab alio radio, cùm tamen sint diuersi per motum solis, si circumscribantur omnia sensibilia communia, putà diuersitas loci, vel situs. Similiter si per potentiam diuinam, ponerentur duo corpora æqualia, & omninò similia in albedine, tunc visus non distingueret illa duo alba, sed iudicaret esse vnum album tantum. Sensus ergo non cognoscit obiectum secundum vnitatem numeralem: Ergo secundum alià vnitatem realem: Ita quòd etiam vnus actus sensus non est vnum obiectum secundum vnitatem numeralem. Hæc ratiocinatio non tam nostram vnitatem formalem & Metaphysicam, quàm vnitatem quandam similitudinis & confusions stabilire videtur. Licet enim sensus hæc duo obiecta non distinguat; non sequitur tamen non esse distincta: quare licet habeant etiam illam vnitatem realem minorem vnitate numericà; non videtur tamen satis probata talis vnitas ex illa vnica actione sensus, qui illa duo obiecta propter omnimodam similitudinem, ac si essent vnum, confusè percipit. Melius itaque probatur nostra veritas sequentibus rationibus.

Secundatio In omni genere est vnum primum quod est rectum & men-

sura omnium, quæ sunt illius generis, ex 10. Metaphysic. & illa vnitas primi mensurantis est realis, alioquin non esset mensura nisi secundum considerationem rationis. Ergo etiam non essent aliqua entia mensurata & posteriora quæ dependerent à mensura, nisi secundum considerationem mentis; & tunc etiam intellectus posset attribuire alteri rationem mensuræ: quæ tamen omnia sunt absurda. Ista autem vnitas non est vnitas singularis vel numeralis: quia nullum est singulare in genere, quod sit mensura eorum omnium quæ sunt in illo genere: Nam ex 3. Metaphysic. in indiuiduis eiusdem speciei non est hoc prius, illud posterius. Ergo datur alia vnitas realis alia ab vnitate numerica, ac proinde minor illà.

Præterea: Idem, simile & æquale fundantur super vnum ex 5. Metaphysic. cap. de ad aliquid. Ita quòd licet similitudo habeat rem de genere qualitatis; & relatio tamen non est realis nisi habeat fundamentum reale, & rationem proximā fundandi realem, quæ est vnitas istarum qualitatum. Tunc sic: Nullo intellectu existente, est similitudo realis huius albi v. g. ad illud album secundum albedinem. Ergo aliqua realis vnitas est proximum fundamentum huius relationis; quia talis relatio non fundatur super ens rationis formaliter.

Non est autem vnitas numeralis, patet; quia hoc album & illud album non sunt idem numero: quia nihil vnum & idem numero est simile sibi ipso. Ergo est aliqua alia vnitas.

Tertratio
ex ratione
mésure.

Tertratio
de summa
ex ratione
fundamentis
identitatis
& æqualitatis
& similitudinis.

Quarta
ratio
desum-
pta ex
vnitate
oppositi-
onis
primæ.

Præterea. Vnius oppositio-
nis realis sunt duo extrema rea-
lia : contrarietas est oppositio
realis, vt patet : quia realiter
vnum contrariorum destruit &
corrumpit aliud, circumscripto
omni opere intellectus, & non
nisi quia sunt contraria. Igitur
vtrumque primum extremum
istius oppositionis realis, vt est
extremum, est vnum aliquâ vni-
tate reali : non autem vnitate
numerale; quia tunc præcisè hoc
album esset contrarium huic ni-
gro, vel præcisè aliud albū, quod
est inconueniens; quia tunc essent
tot contrarietates primæ, quot in-
diuidua cōtraria: Igitur est vnū ali-
quā aliā vnitate, nimirū vnitate illā
naturæ minore vnitate numericā.

Quinta
ratio
desum-
pta ex
vniuoca-
tione
petita
ab vni-
tate
formæ.

Præterea, Circumscripto omni
intellectu, hic ignis generat hunc
ignem similem sibi in forma, quia
generans generat sibi simile pro-
pter formam. Illa autem gene-
ratio est vniuoca. Sed generatio
vniuoca requirit vnitatem formæ
in generante & genito : & illa
vnitas non est numerica, vt pa-
tet. Ergo aliqua alia, & est realis.
Intellectus enim non facit gene-
rationem esse vniuocam, sed co-
gnoscit eam esse vniuocam. Ergo
datur aliqua vnitas realis alia
ab vnitate numerica.

Respondent multi ad has ra-
tiones, præsertim Nominales, vt
Guillelmus Ockham, & quidam
recentiores. Sed eorum respon-
siones dissolui possunt ex dictis;
Et quidem quod spectat ad No-
minales, qui ponunt solos conce-
ptus mentis vel solas voces esse
communes: eorum doctrina vt
minùs peripatetica, licet non
omniñò forrè improbabilis, reij-

citur communiter.

Alij exponunt Aristotelem
vel de vnitate similitudinis, vel
de vnitate reali tantum ratione
fundamenti. Sed hoc non satisfi-
cit rationibus Doctoris Subtilis
fundatis in doctrina peripatetica:
Cum enim dicitur v. g. ad ratio-
nem mensuræ requiri vnitatem
realem: si nulli indiuiduo com-
petat ratio mensuræ; sed tantum
naturæ; & indiuiduo consequen-
ter ratione naturæ; vnitas illa do-
bet esse vnitas naturæ, & qui-
dem vnitas communis à parte
rei, ex eo nimirum quia ratio
mensuræ conuenit naturæ vt non
includit conditiones indiuiduan-
tes & contrahentes. Non enim
v. g. natura humana est prior &
perfectior natura equi, quia Pe-
trus est perfectior Bucephalo; sed
potius è diametro, Petrus est per-
fectior Bucephalo, quia natura
humana est perfectior naturā
equi. Ita philosophari possumus
discurrendo per omnes rationes
Doctoris Subtilis.

Addit & istam rationem Scotus.
Si omnis vnitas realis est nume-
ralis; omnis diuersitas realis erit
numeralis. Consequens autem est
falsum. Ergo & antecedens. Pro-
batur consequentia : quia vnum
& multa, idem & diuersum
sunt opposita ex 10. Metaphysic.
Et toties dicitur vnum opposi-
torum, quoties dicitur & re-
liquum, ex 1. Topicorum; & sic,
si tantum est vnitas numeralis;
tantum est diuersitas numeralis.
Item omne diuersum est in se
vnum; quia vnum dicitur quod
est ab alio diuersum: Sicut ergo
est vnum, sic & diuersum: ergo
si vnum numeraliter, & diuer-

Sexta
ratio.
Omnis
diuer-
sitas nō
est nu-
merica.
Ergo
neque
omnis
vnitas
est nu-
merica.

sum numeraliter, & non plus. Falsitas consequentis probatur; Quia omnis diuersitas numeralis inquantum numeralis, est æqualis; & tunc, tantum differret Sortes à Platone, quantum differt à Bucephalo: & ita non posset intellectus abstrahere à Sorte & à Platone aliquid commune magis, quam à Sorte, & à Bucephalo; & tunc quodlibet vniuersale esset purè fictitium. His rationibus manet satis probata hæc veritas: nimirum dari vnitatē quandam minorem vnitatem numericā, quæ sit modò vnitas naturæ simpliciter, modò vnitas communis, modò vnitas numerica denominatiuè, & per accidens vt dictum est.

QVÆSTIO V.

An detur, & quid sit vnitas vniuersalis, & per quam actionem intellectus fiat.



Um ex Doctrina Scoti, natura secundum se, non sit vniuersalis nec singularis; sed tantum communis & indifferens negatiuè: consequenter nec vnitatem vniuersalem, nec vnitatem singularem & numericam habet secundum se, sed per aliud. Præsentit itaque quæstione quærimus an habeat in aliquo statu, vnitatem vniuersalem, & quomodo, seu per quid illam habeat? Sequenti autem quæstione inuestigabimus per quid habeat vni-

tatem singularem & numericam: iam enim diximus de vnitatem quā habet secundum se, & quatenus est natura simpliciter.

Prænotandum autem imprimis ex eodem Scoto in 2. dist. 3. q. 1. §. *Ad quæstionem*, & §. *Sed contra istud*, naturam communem & indifferenter non esse adhuc vniuersalem saltem actu, & completè; sed tantum potentiā & incompletè; quia intellectus facit vniuersalitatem (nimirum actua-lem & completam) in rebus, ex Commentatore 1. de anima, text. 8. quo sensu etiam ibidem dicitur vniuersale aut nihil esse, aut posterius esse, id est, post intellectus operationem. Completur autem huiusmodi vniuersalitas, seu fit actualis per actionem intellectus conferentis naturam cum suis inferioribus, & constituentis illam in potentia proxima, vt dicatur de quolibet eorum, prædicatione dicente; hoc est hoc. Et quia multi imponunt Scoto nostro, & mentem eius super hac re, ex ipso fonte fortassis non hauserunt: audiatur ipse §. illo, *Sed contra istud*:

Ad primum, inquit, dico quòd vniuersale in actu est illud quod habet vnitatem indifferentem, secundum quam ipsum idem est in potentia proxima, vt dicatur de quolibet supposito; quia 2. Post. Vniuersale est quod est vnum in multis, & de multis. Nihil enim secundum quamlibet vnitatem in re est tale, quod secundum ipsam vnitatem præcisam sit in potentia proxima ad quodlibet suppositum, vt dicatur de quolibet supposito prædicatione dicente; hoc est hoc. Quia licet alicui existenti in re non repugnet esse in alia singularita-

Ratio
vniuer-
sali: s
com-
ple-
tur per
intelle-
ctum.

te ab illa, in qua est: non tamen illud verè dici potest de qualibet inferiori, quòd quodlibet est ipsum. Hoc est enim solum possibile de obiecto eodem indifferenti actu considerato ab intellectu: Quod quidem ut intellectum habet unitatem etiam numeralem obiecti, secundum quam ipsum idem est predicabile de omni singulari dicendo, quòd hoc est hoc.

Ex hoc apparet improbatio illius dicti, quòd intellectus agens facit vniuersalitatem in rebus, per hoc, quòd denudat ipsum quod quid est in phantasmate existens. Nam ubicumque est, antequam in intellectu possibili habeat esse obiectiue, siue in re, siue in phantasmate, siue habeat esse certum, siue deductum per actionem; & si sic, non per aliquod lumen; sed semper sit talis natura ex se, cui non repugnet esse in alio; non tamen est tale, cui potentia proxima conuenit dici de quolibet; sed tantum est in potentia proxima, ut est in intellectu possibili. Est ergo in re commune, quòd non est de se hoc, & per consequens ei de se non repugnat esse non hoc: sed tale commune non est vniuersale in actu, quia deficit ei illa indifferencia, secundum quam compleretur vniuersale est vniuersale, secundum quam, scilicet ipsum idem aliquà identitate est predicabile de quolibet indiuiduo, ita quòd quodlibet sit ipsum.

Vni-
uersale
non fit
per
actionē
intellectus
agens,
sed
per a-

His verbis docet naturam communem fieri vniuersalem per operationem comparatiuam intellectus, & non per solam depurationem phantasmatum. Aliqui enim existimant naturam illam fieri vniuersalem per operationem intellectus agentis, quæ

antececit omnem operationem intellectus possibilis, & consistit in productione speciei intelligibilis representantis naturam præcisam & abstractam ab omnibus indiuiduis. Et hæc videtur esse sententia Diui Thomæ 1. part. q. quæst. 85. art. 1. ad 4. & 5. & Cajetani ibidem. Cum enim ille doceat materiam esse principium indiuiduationis; & aliunde certum sit intellectum agentem speculando phantasmata, ea depurare & denudare ab omni ratione materiæ; consequenter denudabit illa ab omni ratione & conditione indiuiduali. Abstrahit autem intellectus agens (inquit Diuus Thomas loco citato ad 4.) speciei intelligibiles à phantasmatibus, in quantum per virtutem intellectus agentis accipere possumus in nostra consideratione, naturas specierum sine indiuidualibus conditionibus. Sicque intellectus agens faciet vniuersalitatē in rebus. Hanc autem sententiam non iudicat probabilem Scotus; quia procedit ex falso fundamento, nimirum ex eo quòd materia sit principium indiuiduationis; quod tamen esse falsum sequenti quæstione demonstrabimus: Ideoque licet intellectus agens speculando phantasmata, transferat ea ex ordine materialium ad ordinem immaterialium: falsum est tamen quòd ea transferat ex ordine singularium, ad ordinem vniuersaliū: Singularia enim ipsa etiam intelliguntur ab intellectu, ut aliàs docetur. Concludit itaque Doctor Subtilis naturam non esse vniuersalem ante illud esse quod.

actionē
intellectus
possibilis.

habet in intellectu possibili, quocumque modo se habeat ante illud esse, nimirum siue spectetur secundum se, siue prout est in phantasmate, siue secundum aliud quodcumque esse, secundum quod etiam illi non repugnat esse in alio; siquidem ante eum statum quem habet in intellectu possibili, non est adhuc actu & completè vniuersalis.

Vniuersale fit per actionem comparatiuam intellectus possibilis.

Cùm autem dici possit naturam communem duobus modis fieri posse vniuersalem ab intellectu possibili; nimirum vel directam, vel comparatiuam operatione eius: Docet Scotus quòd comparatiuam: quia ex Aristotele ordinem, quem habet ad sua inferiora: Dicitur enim, *unum in multis & de multis*. Itaque quando fit ab intellectu possibili; fieri debet per actionem illam, quàm comparat ipsum cum suis inferioribus, & quàm enuntiat ipsum de illis: Dicendo, hoc est hoc. Adde quòd intelligi non potest aliud quippiam accidere naturæ communi per operationem directam intellectus possibilis, quàm quòd habet ex se, & antequam sit in intellectu possibili. Qui enim negat naturas esse communes & vnas realiter ante intellectum, dicere possunt accidere illis unitatem & communitatem; quæ duo cùm fieri possint per actionem directam intellectus possibilis, ut patet, quatenus nimirum intellectus potest abstrahere & præscindere naturas à differentiis contrahentibus: tamen in sententia nostra id non potest habere locum; quia volumus naturas esse communes

& vnas ex se, & ante omnem operationem intellectus: Quo fit ut earum vniuersalitas consistere non possit in his absolutis proprietatibus, quæ sunt unitas & communitas naturæ: (Licet enim communitas naturæ secundum se, respiciat multa; non tamen respicit illa formaliter & proximè, sed tantum radicaliter & remotè.) Et certè fauet ratio: quia quantumcumque natura sit vna & communis; si tamen non dum intelligitur ut habens aptitudinem & relationem ad multa in quibus sit (quam relationem accipit per notitiam comparatiuam) non videtur adhuc esse completè vniuersalis: Idèd quantumuis conferat ad vniuersalitatem unitas & communitas naturæ, quatenus nimirum sunt veluti materia & fundamentum eius: Tamen non videtur omnino & vltimatè compleri nisi per illam habitudinem, quam natura intelligitur habere ad sua inferiora, in quibus est, & de quibus potest enuntiari.

Ut tamen totum istud negotium melius percipiatur, & omnes acceptiones vniuersalis satis tediöse & inutiles, quibus nostri Scotistæ, præsertim Tatarctus vtuntur, facilius intelligantur: Dicamus res ita se habere. Primum itaque datur à parte rei natura communis & vna, ut probatum est, & hæc dicitur à Seoto, vniuersale potentiale & incompletum. Et quia ut sic, est obiectum intellectus; idèd habet esse in intellectu obiectiuè, & habitualiter per speciem intelligibilem. Intellectus autem videns huiusmodi naturam sibi ob-

Explicatur quo modo fiat vniuersale per actionem intellectus.

ijci concipiendam, recipit illam, & tribuit illi esse quoddam comparatiuum & rationis, per quod fit vniuersale actu & completum. Tribuit autem illi istud esse præstando tria, nimirum concipiendo naturam ipsam sine omni singularitate, & præscindendo eam positiuè; nimirum per actum aliquem positiuum à suis omnibus inferioribus; quamuis enim natura quælibet sit ex se præcisa negatiuè à conditionibus indiuiduantibus; non est tamen positiuè: ideoque posset semper intellectus concipere illam cum his conditionibus. Denique per istam Logicam abstractionem efficiendo vt natura illa sit vnum numero intelligibile, vel intellectum: quia quod est vniuersale, debet esse potentiâ multa numero iure, & actu vnum numero in intellectu: quicquid enim intellectus intelligit, debet esse vnum intellectum: Nam multa simul non posset intellectus intelligere. Tandem attribuendo istam naturam actualiter suis inferioribus, dicendo, hoc est hoc, v. g. Petrus est homo. Postmodum intellectus reflectitur supra illam primam operationem collatiuam, & videt naturam quam contulit cum suis inferioribus, esse communem multis specie, vel solo numero distinctis, & tunc indicat illam esse genus vel speciem, attribuitque illi secundas illas intentiones seu denominationes generis vel speciei; & ita fit vniuersale pro formali, seu pro denominante.

Habes igitur triplex vniuersale, vnum purè pro materiali, triplex vniuersale, pro denominato, seu pro fun-

damento, & est natura communis habens vnitatem minorem ^{taphysicum, Logicum & mixtum ex vtroque.} vnitatem numericâ, diciturque etiam vniuersale Metaphysicum: Aliud pro formali seu pro denominante, estque forma illa Logica & rationis quam intellectus attribuit naturæ, ex eo quodd comparata est cum suis indiuiduis, & quâ denominatur genus vel species, diciturque etiam vniuersale Logicum; quia Logici est huiusmodi formas denominantes effingere, & illas attribuer naturis. Aliud tandem est mixtum & sumptum pro toto concreto & constituto ex materiali & formali; estque natura vt præcisa per intellectum à conditionibus contrahentibus, & vt effecta vnum numero intellectum, & vt actualiter attributa suis inferioribus, & collata cum illis, dicique potest vniuersale MetaphysicoLogicum; quia ex Metaphysico & Logico coalescit; & illud dicitur propriè vniuersale, & de eo loquitur Scotus noster, & eius vsus est frequentior in disciplinis.

Nullus itaque imaginetur vniuersale illud actuale quod fit per comparatiuam actionem intellectus, esse vniuersale simpliciter pro formali ex mente Scoti nostri; quia ex doctrina eius, vniuersale illud actuale ita debet esse in multis, & dici de multis, vt quodlibet sit ipsum, quomodo quodlibet indiuiduum naturæ humanæ est homo; at vniuersale pro formali non ita se habet ad multa, vt quodlibet sit ipsum; non enim quodlibet indiuiduum naturæ humanæ, v. g. est species. Et id non obscurè tradit Li-

Vniuersale quod fit per actionem comparatiuam intellectus, non est vniuersale pro formali.

dit Lichetus in 2. distinct. 3. qu. 1. folio mihi 8y. pag. 1. colum. 1. Cum dicit naturam sub ratione relationis ad inferiora, prædicari de illis; non quidem quatenus est ens per accidens constitutum ex natura, & relatione; sed tantum per rationem naturæ, quæ est vnum ens per se, quæ tamen prædicari non potest nisi actu sit sub tali relatione rationis.

Dices vniuersale pro formali fieri per actionem comparatiuam intellectus. Distinguo, tanquam id quod comparatur; nego; tanquam id quod relinquitur in re comparata, & resultat ex comparatione eius, Concedo. Nunc autem vniuersale illud actuale, est id quod refertur & comparatur cum suis inferioribus; vniuersale autem pro formali, est id quod relinquitur in vniuersali comparato ex comparatione eius; supra quod intellectus postmodum reflectitur, vt iudicet quid illud sit, & quam denominationem debeat illi tribuere, nimirum vel generis, vel speciei, vel alterius.

Prænotandum 2. Naturæ vniuersali, quatenus vniuersalis est, aliquam competere & correspondere vnitatem, quæ nec est vnitas numerica, nec vnitas formalis, seu naturæ, sed vnitas vniuersalis. Quæritur autem quid sit, & in quo consistat huiusmodi vnitas?

Prima Conclusio.

Quid sit, & in quo consistat vnitas vniuersalis.

VNitas vniuersalis consistit in præcisione positua naturæ, facta per actionem aliquam intellectus posituam, quæ præscinditur posituè à conditioni-

bus contrahentibus, & in vnitatem numerica eiusdem naturæ, prout est intelligibilis, vel intellecta, & in collatione actuali eius cum suis inferioribus.

Prior pars conclusionis probatione non indiget; nam omnes ferè in eo conueniunt, vt dicant vniuersalitatem naturæ consistere in eo quodd intellectus eam apprehendat vt vnam, præscindendo scilicet eam ab illis rationibus per quas fit multiplex, cui præcisioni aliqui addunt aptitudinem essendi in multis, alij non. Sed quia non in omni præcisione naturæ, stat vnitas vniuersalis; nam ex doctrina nostra, natura secundum se, est præcisa, & tamen secundum se, non habet vnitatem vniuersalem: Ideò addidi, in præcisione positua, ad distinctionem illius præcisionis quæ conuenit naturæ secundum se, quæquidem est tantum negatiua, & consistit in eo quod natura non includat condiciones contrahentes: præcisio autem positua addit actum posituum intellectus deferentem & abijcientem condiciones contrahentes, & quasi extrahentem & separantem naturam ab illis. Quæcumque autem sit illa præcisio, siue positua, siue negatiua, negari non potest, quin in illa reperiat aliquam ratio vnitatis, in quantum nimirum vel abijcit & describit ac remouet, vel saltem non admittit rationes per quas natura fit plures: & quia præcisio positua fit per intellectum, idè vnitas quæ consistit in ea, est tantum rationis; ac per consequens propria vnitas vniuersalis.

Tertia pars conclusionis est aduersus illos, qui existimant præcisionem illam rationis sufficere ad rationem vnitatis vniuersalis, additâ communitate naturæ; quibus libenter subscriberem, ni ex aduerso vrgeret authoritas Aristotelis 2. Post. deficientis vniuersale per respectum ad multa, & Doctoris Subtilis, qui sequutus Aristotelem, docet vniuersale fieri per actum intellectus conferentem naturâ cum suis inferioribus. Et hoc sufficit pro veritate huius tertie partis.

Restat difficultas circa secundam partem conclusionis, quâ dicitur ad vnitatem vniuersalem requiri, vt vniuersale seu natura vniuersalis sit vnum numero intelligibile; quod non sic intelligendum est, quasi ipsa natura in se, sit vna numero; quia hoc repugnat ei quatenus est vniuersalis; sed quia debet esse vnum numero intelligibile, id est vnum de numero intelligibilium. Istam autem vnitatem requiri ad rationem vnitatis vniuersalis ex eo suadet, quia vnitatis illa habet esse per intellectum; & quando illam format intellectus, format tanquam aliquod singulare opus suum ab omni alio numero distinctum. Ergo quantumvis natura vniuersalis, quâ parte est natura realis, habeat vnitatem minorem vnitatem numericâ; tamen quâ parte est quoddam opus mentis, debet habere vnitatem numericam. Id optimè declarauit Lichetus in 2. dist. 3. qu. 1. §. *Ibi sed contra istud*: His verbis. Ad primum dico quodd vniuersale in actu est illud

quodd habet vnitatem indifferentem, secundum quam ipsum idem est in potentia proxima; vt dicitur de quolibet supposito. Pro clariori intelligentia huius literæ, nota quod ista indifferentia pro nunc potest accipi dupliciter. Vno modo priuatiue, siue negatiue; & sic nihil aliud est, nisi aliqua natura, quæ de se est indifferens ad inferiora & indeterminata: Id est, quodd ipsa est apta nata ad indifferentiam, siue indeterminatorem. Alio modo dicitur indifferentia, siue indeterminatio pontiue, & contrariè, & tunc contrariatur positiue determinationi actuali; & sic dicimus quodd vniuersale isto modo includit ipsam naturâ, cum tali indifferentia actuali, quæ nihil aliud est nisi quædam relatio actualis terminata ad intellectum, quâ actu est indifferens ad omnia sua inferiora. Et sic talis natura sub tali indeterminatone dicitur vniuersale completum; & in potentia proxima ad prædicari de omnibus inferioribus. Et isto secundo modo accipitur vniuersale in littera: Et tale vniuersale, siue accipiat primo modo, siue secundo modo, est vnum intelligibile singulare: siue vnum numero: Nam accipiendo primo modo, est vnum obiectum per se intelligibile, putâ ipsa natura hominis; sic intelligendo quodd ex quo Ens in quantum Ens, vt est obiectum adæquatum intellectus, est simpliciter quoddam integratum ex omnibus Entibus, vt supra patuit qu. 1. Prologi; Sic Ens sumptum in sua communitate est vnum Ens, siue vnum obie-

Actum intelligibile numero, id est, quod ipsum sumptum in sua communitate est aliqua pars obiecti adæquati; non quod sit in se vnum numero, siue singulare: Sed ex hoc dicitur vnum numero: prout est vnum de numero intelligibiliū, cū numeretur inter intelligibilia contenta sub obiecto adæquato: licet in se sit commune pluribus. Licet ergo homo in communi dicatur vnum obiectum numero esse intelligibile, quia est vnum obiectum tantum per se intelligibile, non tamen sequitur ex hoc quod illa vnitas non sit minor vnitate numerali propriè dictā. Et si dicatur: Ex quo intelligibilitas sequitur Entitatem rei cū sit passio ipsius: Quomodo illa Entitas in se erit vna vnitate minore numerali, & tamen vnum numero per se intelligibile? Dico quod ex hoc dicitur vnum numero, vt distinguitur contra plura, id est, quod homo est vnum obiectum per se intelligibile, & asinus est vnum obiectum per se intelligibile, & similiter animal & corpus, & Ens, & vnā intellectiōne natum intelligi; & datā quacumque quidditate, illa potest dici vnum obiectum per se intelligibile: & hoc modō omnia obiecta partialia, vt integrant vnum obiectum adæquatum intellectus, possunt dici obiecta distincta numero; quia distinctis intellectiōnibus numero nata sunt intelligi; & tamen vt comparatur adinuicem secundum Entitatem propriam, illa obiecta distinguuntur specie, & aliquando genere: & tale vniuersale primo modo, quod dicitur vni-

uersale in potentia remota, vt natura humana indeterminata priuatiue, licet sit communis pluribus: tamen vt est obiectum intelligibile dicitur vnum numero modo præposito.

Si dicatur: Nonne scientia est vniuersale: & per consequens, tale innelligibile erit vniuersale & commune?

Dico quod bene scientia terminatur ad entitatem indifferentem ad plura inferiora: & tamen illa Entitas est vnum obiectum numero intelligibile, id est, quod est vnum obiectum de numero omnium intelligibilium: & sic patet quod non accipitur vnum propriè: vt includit hæc entitatem. Si verò accipiat vniuersale, vt est indeterminatum contrariè: Dico quod est vnum numero; quia talis indifferentia actualis, siue relatio actualis, quā actu est indeterminatum ad plura supposita: est tantum vnum numero, & sic vniuersale completum est tantum vnum numero, accipiendo vnum numero propriè. Si dicatur, si tantum est vnum numero: Ergo non includit vnitatem minorem vnitate numerali. Dico quod ratione naturæ inclusæ dicit vnitatem illam minorem, ratione verò indeterminationis actualis additæ naturæ denominatione intrinsecā, est tantum vnum numero: cū talis indeterminationis sit de se hæc: denominatione verò extrinsecā dicuntur plura numero, quia tale vniuersale, vt sic, potentia proximā prædicatur de omnibus inferioribus. Si dicatur: Quomodo vnum numero potest actu prædicari de

pluribus suppositis verè realiter: ita quodd quodlibet sit ipsum? Dico quodd si tale vniuersale tantùm includeret vnitatem numeralem, numquam posset verè prædicari de pluribus suppositis: tamen quia ultra illam indeterminatorem singularem, includit naturam ex parte sui, ex natura rei indifferentem ad plura supposita in ratione naturæ, potest prædicari. Hæc Lichetus.

Secunda Conclusio.

Quomodo
fit vnitas
vniuersalis

Idem dicendum est de actione mentis per quam fit vnitas vniuersalis, atque dictum est de ea per quam fit vniuersale completum & actuale; quia vniuersale & vnitas eius mutuo cohærent, & hæc illud necessariò sequitur. Ideoque cum superius ostenderimus vniuersale istud fieri per actionem comparatiuam intellectus: consequens est vt etiam vnitas vniuersalis fiat per actionem comparatiuam intellectus. Rem tamen magis explico. Cum vnitas vniuersalis sicut & ipsum vniuersale non in vna & incoplexa quadam ratione, sed in pluribus simul consistat, nimirum in præcisione positiua, in vnitatem numerica vnus intelligibilis, & in actuali attributione & comparatione naturæ cum suis inferioribus; aliqua horum sunt per actionem directam intellectus; alia autem per comparatiuam: Nam præcisio & vnitas numerica illius intelligibilis fiunt per actionem directam, quatenus nimirum intellectus in præsciendendo, & in formando illud vnum intelligibile, directe agit,

nec vnum confert cum alio. Attributio autem & comparatio naturæ cum suis inferioribus, fieri non potest nisi per actionem comparatiuam mentis, vt patet. Et quia ex sententia Scoti nostri, vniuersale nondum est completum & actuale, nisi per noticiam comparatiuam, quæ intellectus possibilis postquam naturam præcisè & abstractè apprehendit, confert illam sic conceptam cum rebus in quibus existit, & intelligit illam vt vnum quid aptum vt sit in multis, & de illis prædicetur: Idè etiam consequenter dicendum est vnitatem vniuersalem nondum esse completam & actualement, nisi postquam intellectus comparauit naturam communem cum suis inferioribus, quatenus nimirum sic illam conferendo, apprehendit eam secundum illam vnitatem, seu vnicam rationem quam habet, posse esse in multis & de multis prædicari; Ita vt licet in ipsa præcisione & abstractione, intelligi possit vnitas; nondum tamen intelligitur vt vnitas vniuersalis; quia nondum concipitur respectus ad multa, ratione cuius vnitas illa fit vniuersalis, & completur perfecte in ratione vnitatis vniuersalis.

QVÆSTIO VI.

*Per quid res habeant vni-
tatem numericam, seu
quod sit principium in-
diuiduationis rerum?*



Vnt hac de re
serè tot senten-
tiæ quot capita;
vt tamen men-
tem Scoti nostri
quæ penè ab
omnibus probabilior iudicatur,
affequamur.

Expli-
catur
status
quæstio-
nis, &
deter-
mina-
tur de
quonâ
indiui-
duatio-
nis prin-
cipio sit
præsens
quæstio

Prænotandum 1. pro intelli-
gentia sensus quæstionis, nos hic
non agere de indiuiduo & de
vno numero, quatenus est corré-
latiui speciei, vt obseruauit Sco-
tus noster in 2. dist. 3. q. 2. §.
Contra ista primò. Sic enim ad
Logicum pertinet, & eius in-
diuiduatio quæ consistit in subijci-
bilitate ad speciem, est merum
opus intellectus; Sed agere de
indiuiduo Metaphysico & reali;
quod vel secundùm considera-
tionem mentis, vt docetur com-
muniter, vel à parte rei, vt vo-
lumus, duo includit, nimirum
naturam, & rationem per quam
illa est indiuidua, singularis &
vna numero; & quærimus quæ-
nam sit illa ratio per quam na-
tura sit singularis & vna nume-
ro? Cùm autem duobus modis
aliquid intelligi possit indiuidu-
um, & vnum numero, nimirum
formaliter, & fundamentaliter
proximè, non quærimus quo
formaliter aliquid est tale: constat

enim apud omnes quòd ipsâ in-
diuiduatione, singularitate, &
vnitate numericâ; quemadmo-
dum aliquid denominatur simi-
le formaliter ipsâ similitudine:
sed quærimus quo tanquam prin-
cipio & fundamento proximo,
aliquid est indiuiduum & vnum
numero: quemadmodum si sup-
posito quòd aliqui duo sunt si-
bi similes formaliter ipsâ simili-
tudine, vterius quæreretur quo
tanquam fundamento, putà an
albedine, an nigredine, vel aliquo
alio, essent similes. Cùmque ite-
rum duplex sit indiuiduationis
principium & fundamentum, ex-
trinsecum nimirum & intrinsecum:
præsens quæstio non est de
extrinseco, quod, vt docet Por-
phyrius in Vniuersalibus, cap. de
Specie, consistit in quibusdam
proprietatibus, quarum colle-
ctio nunquam in alio reperitur
eadem, assignanturque commu-
niter,

*Forma, figura, locus, stirps, nomen,
patria, tempus.*

De quibus hæc prælatè habet
Diuus Basilii lib. 2. contra Eue-
nomium, paulò post initium:
*Illicò per hanc vocem (Petri vide-
licet) intelligimus Iona filium, qui
fuit ex Bethsaida, Andrea fratrem,
qui ex piscatore in Apostolatus mini-
sterium vocatus est, qui quoniam
fide præstabat, Ecclesia adificatio-
nem in seipsum recepit. Nomen ita-
que hoc characterem nobis Petri cir-
cumscribit. Rursus cùm Pauli no-
men audimus, aliarum concursus
proprietas mente concipimus, Tar-
sensensem scilicet Hebraum, secun-
dum legem Pharisaum, Gamalielis
discipulum, Ecclesiarum Dei ex re-
le persecutorem, qui Apostolus Gen-*

tium fuit, &c. De eodem indiuiduationis principio extrinseco loquitur D. Damascenus lib. 3. cap. 11. Et illud quidem noster Ricardus in 2. dist. 3. art. 4. q. 1. appellat manifestatiuum potius quàm constitutiuum indiuiduationis. De illo inquam non loquimur, sed de intrinseco indiuiduationis principio, quod habet rationem verè & propriè differentię indiuidualis, & querimus quidnam illud sit? Cùmque iterum illud duplex sit ex Doctore Subtili in 2. dist. 3. q. 4. §. *Contra istam conclusionem*, scilicet interminatum, quomodo quodlibet indiuiduum alicuius vnius speciei dicitur vnum numero, & determinatum seu signatum; de indeterminato non loquimur, sed de determinato & signato hac determinatā singularitate, & querimus quodnam sit principium indiuiduationis eius? Nominales qui docent nullam naturam esse communem à parte rei, imò, neque vniuersalem per intellectum (solos enim conceptus & voces vniuersales efficiunt) quique nullam distinctionem statuunt neque ex natura rei, neque rationis inter gradus superiores & inferiores, proindeque neque inter naturam specificam & differentiam indiuidualem; consequenter non laborant in assignando aliquo indiuiduationis principio: dicunt enim vnamquamque rem vel naturam per se esse indiuiduam primò & immediatè. Sed hæc sententia tanquam minus peripatetica rejicitur communiter. Ceteri omnes qui distinguunt gradus superiores ab inferioribus, siue per

intellectum, siue formaliter ex natura rei, magis laborant in assignando principio indiuiduationis. Suarez tom. 1. Metaphysic. per integram disputationem quintam, hanc rem certè contra morem suum, multis difficultatibus implicuit. Nam imprimis distinguit saltem per intellectum gradus superiores ab inferioribus. Deinde sect. 2. numer. 8. dicit indiuiduum aliquod reale addere præter naturam communem, ratione cuius tale indiuiduum est, & ei conuenit negatio diuisibilitatis in plura similia. Postèa num. 9. dicit indiuiduum vt sic, non addere aliquid ex natura rei distinctum à natura specifica: & licet num. 16. sese explicet, dicendo fieri posse vt quæ realia sunt, solà ratione, distinguantur: Tamen quæ fieri potest vt illud quod addit indiuiduum, sit aliquid reale præter naturam, & tamen non sit quidpiam aliud à natura, atque adeo aliquid reale distinctum ab ipsa? Nam quid est aliquid esse præter aliud, quàm esse aliud quidpiam ab eo? Sed dato quodd hoc etiam verum sit; mihi non videtur satis explicare principium indiuiduationis, sequentibus sectionibus, cùm docet illud esse vniuscuiusque rei propriam entitatem: Nam iuxta hoc, redire videtur ad sententiam Nominalium, quam tamen ipse non probat. Adde quodd non erat opus vt distingueret principium indiuiduationis à natura. Nam cùm vniuscuiusque rei propria entitas non sit tantum indiuidualis, sed etiam formalis & essentialis,

Varie
senten-
tiæ re-
sciun-
tur.

æquè videtur dicere entitatem formalem & essentialem esse principium indiuiduationis, ac entitatem indiuidualem. Alij ita que omnes non assignant pro principio indiuiduationis, vniuscuiusque rei propriam entitatem adæquatè, sed aliquid illius propriæ entitatis, per quod habent singula indiuidua, quodd sunt indiuidua & vna numero, & quodd differant à se inuicem: & eorum quidem, aliqui volunt illud esse negationem; alij entitatem positivam; & quidem alij esse formam, alij materiam, alij materiam signatam, alij quantitatem, alij existentiam, alij realitatem aliquam vltimam vniuscuiusque entitatis, quam hæcceitatem vocant. Quid in tanta sententiarum multitudine dicendum sit, videbimus.

Differentia indiuidualis conferatur cum specifica, & explicatur per ipsam.

Prænotandum tamen 2. ex Doctore Subtili in 2. dist. 3. qu. 6. differentiam indiuidualem quæ quidem est principium indiuiduationis, posse à nobis intelligi per comparisonem & analogiam ad differentiam specificam. Quemadmodum itaque differentia specifica est quedam realitas actualis adueniens generi, quod esse realitas potentialis, & simul cum eo constituens speciem: Ita differentia indiuidualis est quedam realitas veluti adueniens toti naturæ specificæ, vt realitati contrahibili & potentiali, & simul cum ea constituens indiuiduum. Et quemadmodum natura specifica habet ex differentia specifica quodd sit indiuisibilis per se in alias naturas específicas; ipsa autem differentia specifica est non tantum per se,

sed etiam per se primò indiuisibilis, tum in naturas, tum in alias differentias específicas: Ita indiuiduum habet ex differentia indiuiduali, quodd sit per se indiuisibile in alia indiuidua, tanquam in partes subiectiuas; ipsa verò differentia indiuidualis per se primò est indiuisibilis, tum in alia indiuidua, tum in alias differentias indiuiduales. Siquidem ex doctrina Scoti, quoties realitas aliqua est per se constitutiva alicuius in aliqua ratione; si res constituta sit ipsa ratio per se, constitutum eius erit eadem ratio per se primò: Quemadmodum, v. g. quæ conueniunt per se homini propter rationalitatem, conueniunt per se primò, ipsi rationalitati.

Prosequendo comparationes institutas; addo quodd quemadmodum duæ vltimæ differentiæ specificæ sunt primò diuersæ; ita duæ differentiæ indiuiduales sunt primò diuersæ; itaut in nullo communi conueniant, vt diximus primo libro. Item quemadmodum differentia specifica non distinguitur realiter, sed tantum formaliter à natura generica: sic nec realiter, sed tantum formaliter distinguitur differentia indiuidualis à natura specifica. Iterum; quemadmodum differentia specifica est eiusdem generis & prædicamenti cum genere quod contrahit: Ita differentia indiuidualis est eiusdem prædicamenti & generis cum specifica natura quam contrahit ad esse indiuidui. Cuius rei ratio est; quia indiuiduum est vnum Ens per se, repositum in eodem prædicamento cum sua

specie : Ergo constituitur in esse individui per aliquid sui generis, alioqui non esset vnum per se.

Species
est tota
quidditas
individui.

In quibusdam aliis rationibus conveniunt adhuc, sed in multis etiam differunt. Primum, quia differentia-specifica pertinet ad esse quidditativum speciei, & constituit eam in esse quidditativo, scilicet in esse quod exprimitur per definitionem : Sed differentia individualis nec pertinet ad esse quidditativum individui, nec constituit in esse quidditativo ; licet ad entitatem & conceptum individui intrinsecè pertineat. Ratio est, quia individuum non habet aliam quidditatem à quidditate speciei (alioqui individua quidditativè differrent) habet tamen aliam entitatem ab entitate speciei, illam scilicet per quam species ad eius esse contrahitur. Undè licet species dicat totam quidditatem individui, non dicit tamen totam entitatem. Ideoque tametsi dari possit aliqua ratio exprimens ipsam entitatem individui ; ipsa tamen non erit propriè definitio, quia non exprimet quod quid est ipsius rei.

Secundò differunt, quia differentia specifica contrahit genus, tanquam aliqua realitas perfectior, nobilior & actualior quàm sit genus secundum se : Sed differentia individualis non contrahit naturam specificam, tanquam differentia formalis perfectior & nobilior ; ita quòd secundum se sit aliquid nobilius & perfectius, quàm sit ipsa natura ; sed potius sicut differentia materialis ; non quia est materia,

quæ est altera pars compositi ; sed quia dat individuum esse primum subijcibile omnibus sui generis predicabilibus de ipso, in quo assimilatur materia, quæ omnibus subijcitur, vel quia contrahit ad esse individuale, quod non pertinet ad conceptum quidditativum, nec ad quidditatem alicuius, quamquidem quidditatem Aristoteles 5. & 7. Metaph. vocat formam : Individuum verò vel differentiam individualement appellat materiam, ut videbimus solvendo ea quæ afferuntur in fauorem materiæ, quam D. Tho. docet esse principium individuationis. Quòd autem differentia individualis non pertineat ad quidditatem alicuius, patet, quia omnis quidditas creata est communicabilis, imò ei non repugnat plurificari aut multiplicari secundum se. Illud autem ad quod pertinet differentia individualis, scilicet individuum intrinsecè est implurificabile, sicut ipsa differentia individualis : & per consequens oportet quòd ipsa differentia individualis sit alterius rationis ab ipsa quidditate quam contrahit. Præterea, quia communis sententia est speciem dicere totam quidditatem individuorū : At si differentia individualis ad quidditatem pertineret, hoc esset falsum ; quia species nullam differentiam individualement importat. Ex his sequitur, meritò differentiam specificam appellatam fuisse formalem, & differentiam individualement, materialem ; quia illa rem in esse quidditativo & formali, hæc verò in esse individuali ; subijcibili, & quasi materiali constituit.

Ea pro-

Eapropter etiam entitas à qua sumitur differentia specifica, est formalis, vt docetur in Logica, & entitas fe potius realitas à qua sumitur differentia numerica est materialis, non à materia Physica, sed à materia Metaphysica, quæ est subijcibilitas. Ita, & his ferè verbis Doctor Subtilis loco citato.

Prænotandum 3. Nos hic supponere aliqualem distinctionem inter naturam ipsam, & id per quod fit individua, qualiscumque illa sit, siue formalis & Metaphysica, vt vult Doctor Subtilis in 2. dist. 3. quæst. 3. siue rationis cum aliquo fundamento in re, vt volunt alij. An autè huiusmodi distinctio sit prioris, vel posterioris conditionis, parum curo. His positis, videndum est quodnam sit principium individuationis rerum omnium creaturarum (nam de Deo, non est hæc quæstio) siue substantialium, siue accidentalium, siue simplicium, siue compositarum.

Prima Conclusio.

Nulla natura est seipsa tota, seu per totam entitatem suam adæquatè sumptam, individua & singularis. Conclusio est Doctoris Subtilis in 2. dist. 3. qu. 1. quem sequuntur Fonseca s. Metaphysic. cap. 6. quæst. 3. & omnes Professores Parisienses. Et directè militat tùm aduersus Nominales, tùm aduersus quosdam alios, qui licet non negent naturas fieri posse communes, quemadmodum Nominales; volunt tamen esse vel fieri tantùm communes per rationem; & ex se ac secundum rem esse singulares & individuas; cuius senten-

tia sunt Frater Adam in 2. dist. 33. qu. 8. art. 1. citato in margine Scoti. Suarez tom. 2. Metaphysic. disput. 5. sect. 6. num. 1. & alij pauci, inter quos citatur Durandus: sed de eius sententia peculiariter tertià conclusione dicemus. Partim autè manet probata hæc veritas ex dictis de vnitate formali minore vnitate numerica: partim nunc probabitur iterum vbi obserauerimus Suarez loco proximè citato niti falli à quadam interpretatione huius sententia, vt ab ea recedat. Dicit enim quod sicut vnitas individua pro formali, nõ potest addere aliquid positium reale supra entitatè indiuiduam: quia quoad hoc eadem est ratio de illa, & de omni vnitate: Ita positium fundamentum huius vnitatis quoad negationem quam dicit, nihil positium addere potest physice loquendo illi entitati, quæ vna & indiuidua denominatur: Ergo, inquit, illa entitas per seipsam est fundamentum huius negationis: Et hoc sensu dicitur in hac opinione, seipsa esse principium individuationis. Non enim negat hæc opinio in illa indiuidua entitate, posse ratione distingui naturam communem ab entitate singulari, & hoc indiuiduum addere supra speciem aliquid ratione distinctum, quod secundum Metaphysicam considerationem habet rationem differentia indiuidualis: Sed tamen addit illam differentiam indiuidualem, non habere in substantia indiuidua speciale aliquod principium vel fundamentum, quod sit in re distinctum ab eius entitate, ideoque in hoc sensu dici-

Refer-
tur po-
sicio
Suarez.

Tota
entitas
rei non
est prin-
cipium
indiv-
duatio-
nis.

mus vnāquamque entitatem per seipsam, esse suæ indiuiduationis principium. Hæc Suarez.

Con-
futa-
tur
Suarez.

Sed, vt dixi, hæc explicatio est valde obscura, & multa implicatissima relinquit. Imprimis enim falsū est in nostra Schola, vnitatē nihil addere positium supra entitatem cuius est vnitas: Istud tamen transeat. Quod dicit postmodum; fundamentum positium huius vnitatis quoad negationem quam dicit, nihil positium addere posse physicē loquendo illi entitati quæ vna & indiuidua denominatur, non videtur rationabiliter & appositē dictum. Nam nullus vnquam dixit fundamentum, seu principium indiuiduationis addere aliquid positium supra entitatem indiuiduam & singularem totaliter & adæquatē sumptam, cum principium illud sit aliquid ipsius entitatis adæquatē sumptæ: sed dicimus principium, seu fundamentum indiuiduationis addere aliquid positium supra naturam formaliter, & quidditatiuē sumptam, per quod constituitur indiuidua & singularis. Nectamen volumus additionem illam debere esse physicam, sed sufficit quod sit Metaphysica & formalis: vnde deducimus nullam rem esse indiuiduam & singularem per suam propriam entitatem adæquatē sumptam: sed per illud quod additur metaphysicē supra naturam quidditatiuē sumptam ipsius entitatis. Denique non intelligo quid sibi vult, cum dicit illam opinionem quam ipse explicat & sequitur, docere differentiam illam indiuidualem, non habere in substantia indiui-

dua speciale aliquod principium, vel fundamentum quod sit in re distinctum ab eius entitate. Nam hic non querimus principium, vel fundamentum differentię indiuidualis, sed querimus principium ipsius indiuiduationis, quod certē aliud non est quam ipsa differentia indiuidualis, quodquidem distinguimus ab entitate indiuidua, tanquam partialē constitutum à toto constituto, & à natura ipsius entitatis quidditatiuē sumpta formaliter & metaphysicē, tanquam rationem aliquam contrahentem ipsam ad esse indiuidui & singularis. Hoc modo itaque explicata nostra mente, sic breuiter probatur conclusio.

Per principia proxima indiuiduationis, seu per differentias indiuiduales habet omnia indiuidua alicuius vnus speciei, quod differant: Nā certē differunt, & nō aliter differunt quam per differentias indiuiduales, quia tantū indiuidualiter & numericē differunt. Sed illa non differunt per suam entitatem propriam adæquatē sumptam. Ergo principia indiuiduationis non sunt ipsamet entitas totalis & adæquata rerum singularium. Maior videtur satis clara & probata. Minor probatur. Entitatem singularem & indiuiduam constituit partialiter natura formaliter & quidditatiuē sumpta. Sed indiuidua non differunt per naturam suam, imò potius in ea conueniunt, vt patet: Ergo indiuidua non differunt per suam entitatem indiuiduam, & singularem totaliter & adæquatē sumptam. Scio controuersiam esse de modo quo indi-

Proba-
tur con-
clusio.

uidua conueniunt in natura, & circa hoc vnumquodque varia sentire; sed tandem negari non potest quin sit aliqua ratio conuenientie, etiam ante intellectum, indiuiduorum in natura specifica, quod sufficit ad hoc vt dicamus indiuidua non differre per suam entitatem adæquatè sumptam. Et quis non videt Petrum v. 4. non differre à Paulo, quia homo est, sed tantum quia est hic homo; ita vt non humanitas, sed ipsa hiecitashumanitatis sit ratio cur differat à Paulo? Posito itaque quodd indiuidua differant non se totis, sed per aliquid sui; inquiramus iam quidnam illud sit. Et quia nonnulli voluerunt illud esse solum negationem aliquam; ideo aduersus illos sit hæc

Secunda Conclusio.

Nulla natura est indiuidua per negationem.

NVlla natura est indiuidua proxime per negationem, ita quodd negatio sit principium indiuiduationis. Est Scoti in 2. dist. 3. q. 2. aduersus Henricum citatum in margine, & probatur 1. Assignare pro principio & causa indiuiduationis negationem, est assignare idem tanquam causam sui ipsius. Hoc autem est impertinens. Ergo. Probatur maior. Negatio quæ assignatur ab Henrico tanquam causa indiuiduationis, est negatio diuisibilitatis in plures partes subiectiuas, seu in plura quorum quodlibet sit ipsum quod diuideretur. Sed hæc negatio est ipsa met indiuiduatio; quia indiuiduatio nihil est aliud quam negatio diuisibilitatis aut diuisionis in plu-

res partes subiectiuas. Ergo assignare negationem pro causa & principio indiuiduationis, est assignare idem pro causa sui ipsius. Confirmatur hoc, exemplo. Si quis peteret causam huius negationis, nimirum quare animal non sit lapis, nullus asserret negationem, nimirum priuationem vel carentiam ipsius esse lapidis; quia hoc nihil aliud esset, quam dicere animal non esse lapidem quia non est lapis; sed asserret aliquam rationem positiuam, nimirum rationem viuientis sensitiui. Ergo à simili, cum quæritur principium, ratio proxima, & causa indiuiduationis, nullus rectè assignauerit negationem, sed potius entitatem aliquam positiuam.

Præterea, quæri semper posset vnde ista negatio sit hæc? Quia cum non possit diuidi in plures partes subiectiuas, sit eiusdem rationis in Sorte & in Platone v. g. vnde habebit vna istarum quodd sit negatio Sortis & non negatio Platonis, nisi per entitatem, vel realitatem aliquam positiuam, seipsa primò hanc, & primò distinctam ab alia realitate positiuam quæ est in Platone?

Insuper: Nihil prædicari per se potest de aliquo quod non est per se vnum, vt hic supponit Doctor Subtilis ex 1. dist. 2. q. 2. Sed natura specifica prædicatur per se de quolibet indiuiduo. Ergo quodlibet indiuiduum suæ generalitatis scilicet, est vnum per se. At si constitueretur in esse indiuidui per negationem, non esset ens per se; quia nulla negatio constituit aliquod ens per se cum eo cui aduenit.

Ergo negatio non constituit indiuiduum, seu non est principium indiuiduationis.

Nec est quoddam dicatur indiuiduum recipere prædicationem naturæ per se, non ratione negationis, sed ratione naturæ inclusæ: quia tunc esset tantum prædicationis eiusdem de seipso.

Denique, quod constituit aliquid in maiori perfectione quam prius fuerit, non potest esse negatio: Sed principium indiuiduationis constituit aliquid in maiori perfectione quam prius fuerit. Ergo illud non est aliqua negatio. Maior patet, quia negatio ut negatio, nullam dicit perfectionem. Minor probatur. Prima substantia est perfectior & magis substantia quam secunda ex Arist. in Prædicamentis, cap. de Substantia: Sed prima substantia constituitur in esse primæ substantiæ per principium indiuiduationis: quia prima substantia nihil est aliud quam indiuiduum substantiæ: Ergo principium indiuiduationis constituit aliquid in maiori perfectione quam prius fuerit.

Tandem duabus alijs rationibus probat istam veritatem Doctor Subtilis, nimirum tum quia non repugnat simpliciter alicui enti aliquid per solam negationem vel priuationem in eo, sed per aliquid posituum: quantumcumque enim priuatio vel negatio tollat potentiam proximam ad aliquid, numquam tamen ponit repugnantiam, ut patet exemplo substantiæ denudatæ quantitate, quæ licet ut sic, non possit diuidi proximè, non habet tamen repugnantiam ad di-

uidi, quia haberet repugnantiam ad recipiendam quantitatem: per principium autem indiuiduationis repugnat diuisione in alias partes subiectiuas. Tum quia nulla imperfectio repugnat alicui nisi propter aliquid positum in eo: diuidi autem est quædam imperfectio ut patet, quia non potest competere naturæ diuinæ. Ergo non conuenit indiuiduo nisi per aliquid positum. Sed quia rationes istæ nonnihil continent difficultatis in Doctrina Scoti; idem nolo vim in illis facere.

Fundamentum Henrici erat, quoddam vnitas omnis, ac proinde etiam numerica dicit tantum negationem. Ad quod Doctor Subtilis duo dicit: Primum, negat propositionem absolutè. Secundum, dato adhuc quoddam vera esset, dicit non sequi quin detur aliqua ratio positiua huius negationis: quemadmodum vnitas specifica dicit etiam negationem, & tamen illius datur ratio positiua.

Illis rationibus manet etiam impugnata sententia Ricardi nostri in 2. sentent. distinct. 3. art. 4. qu. 1. qui in re ipsa idem omnino sentit quod authores impugnatæ sententiæ: Sic enim loquitur: Videtur ergo mihi dicendum quoddam substantia Angeli est vna numero formaliter, non per aliquid reale superadditum essentiæ suæ, sed per essentiam suam sub ratione quâ indiuisibilis integritate suâ saluâ. Hoc dico, inquit, propter vnitatem speciei: Natura enim humana ut intellecta præter vnitatem & multitudinem, in-

Destru-
tur fun-
damen-
tū Hen-
rici.

telligitur non vt multiplicata, tamē vt multiplicabilis saluā integritate suā: quia quidquid debetur homini vnde homo est, totum saluatur in quolibet homine singulari: Indiuisibilitas autem non dicit aliquam rem positiuam: & sic vnitas numeralis ipsius Angeli & sua essentia non differunt nisi ratione, eò quod vnitas super essentiam non addit nisi indiuisibilitatem prædictam. Hæc Ricardus: in quibus nihil habet quod satis non sit ex dictis impugnatum: placuit solum de questione proposita mentem eius non prætermittere.

Tertia Conclusio.

Principia essentialia non sunt principium indiuiduationis.

Afferunt rationes durandæ.

Nulla natura est indiuidua per sua principia quidditatiua & essentialia. Est aduersus Durandum in 2. dist. 3. q. 2. & probatur: Quia principia essentialia ea sunt in quibus indiuidua conueniunt. Ergo non sunt ea quibus differunt: differunt autem per principia indiuiduationis. Ergo principia indiuiduationis non sunt prædicata quidditatiua. Ita tamen pro sua sententia satis acutè ratiocinatur Durandus. Eorum quæ sunt idem in quantum huiusmodi, sunt eadem principia. Sed natura vniuersalis & indiuidua seu singularis sunt idem secundum rem; differunt autem secundum rationem: quia quod dicit species indeterminatè, indiuiduum dicit determinatè; quæ determinatio & indeterminatio sunt secundum esse & intelligi: vniuersale enim est vnum solum secundum conceptum; singulare ve-

ro est vnum secundum esse reale. Nam sicut actio intellectus facit vniuersale; sic actio agentis naturalis terminatur ad singulare. Ergo eadem principia secundum rem, & differentia solum secundum rationem sunt quidditatis & indiuidui.

Secundò: Illud quod conuertitur cum ente, & de ipsius prædicatur, non dicit aliquid additum super ea de quibus dicitur: sed esse indiuiduum conuertitur cum ente accepto secundum esse reale: Nihil enim existit in re extrà nisi indiuiduum vel singulare. Ergo esse indiuiduum non conuenit alicui per aliquid sibi additum: sed per illud quod est. Per quid ergo est Sortes indiuiduum? Per illud per quod est existens: & hæc sunt extrinsecè finis & agens, cuius producere singulare, sicut & ipsum, singulare est. Sicut enim actiones sunt singularium: ita ad singularia terminantur: intrinsecè autem sunt hæc materia & hæc forma. Quod si quæras, inquit, per quid forma est hæc? Dico quod per illud per quod est in re extrà: & hoc est extrinsecè agens; materia autem concomitatiuè in quantum forma materialis sine materia non existeret. Idem dico de materia, nisi quod sua indiuiduatio plus dependet à forma quàm è conuerso; quia forma magis est ratio essendi materię quàm è conuerso. Substantię autem separatę nullo modo intrinsecè indiuiduantur nisi seipsis. Et est hoc intelligendum quod si natura communis pluribus suppositis, esset in eis vna secundum rem, quemadmodum in diuinis; oportet

teret tunc præter naturam communem & eius principia, quærere aliud quod esset principium constituendi suppositum, quemadmodum in diuinis relatio, eò quod in natura communis non differunt supposita.

Sed nunc cum natura communis diuersis indiuiduis, sit solù vna secundum rationem, & diuersa secundum rem; non oportet præter naturam & principia naturæ, quærere alia principia indiuidui; sed eadem, vt sunt existentie, sicut natura communis & indiuiduum solùm differunt vt concepta & existens.

Confu-
ratur
Durandus.

Hæc Durandus, in quibus multa dicit quæ non carent maximis difficultatibus, etiam in sententia eius. Sed illis omisiss, breuiter dico ad rationes eius: Ad primam quidem, Eorum quæ sunt idem secundum rem tum physicè, tum Metaphysicè, eadem esse omnino principia, secundum rem; eorum autem quæ sunt idem secundum rem physicè solùm, & non Metaphysicè seu conceptibiliter, diuersa esse principia Metaphysica: Natura communis autem & indiuidua sunt huiusmodi vt probauimus. Ad cetera dicta primæ rationis patet solutio ex dictis: Ponimus enim discrimen inter naturam communem & naturam vniuersalem; vnde esto natura fiat vniuersalis per rationem, non sit tamen communis per rationem; sed secundum se est communis, & à parte rei, Metaphysicè & conceptibiliter loquendo, distinguitur à natura indiuidua.

Ad secundâ dico illud quod conuertitur cum ente Metaphysico,

& de eisdem prædicatur non dicere fortè (in hoc enim nunc non immoror) aliquid additum super ea de quibus dicitur: indiuiduum autem non conuertitur cum ente Metaphysicè accepto, neque cum natura Metaphysica, conceptibili, & definibili vt patet: sed addit aliquid Metaphysicum supra naturam illam quidditatiuè, & secundum principia sua essentialia acceptam. Ideoque principia constitutiva naturæ vt sic, non sunt principia constitutiva indiuidui quæ indiuiduum est. Addit Fonseca, 5. Metaphysic. c. 6. q. 3. sect. 3. conformiter doctrinæ suæ, sufficere distinctionem rationis inter naturam communem & indiuiduam, vt præter principia constitutiva naturæ, quærantur principia indiuidui. Sed cum in nostra sententia, maior sit distinctio inter naturam communem & indiuiduam, quàm rationis, saltem Logica; parum refert vt sciamus vtrum dictum illud Fonseca verum sit, necne?

Quarta Conclusio.

NVlla natura substantialis physica & materialis est indiuidua per materiam, quocumque modo sumatur materia, siue simpliciter, siue quatenus est signata. Hæc conclusio est aduersus celebrem opinionem celeberrimi Doctoris D. Thomæ multis in locis doctrinæ suæ, scilicet 1. p. qu. 3. art. 2. ad 3. & qu. 50. art. 4. in corpore: Vbi simpliciter dicit materiam esse indiuiduationis principium, non exprimendo, an sit materia signata, vel

Materia non est principium indiuiduationis.

non signata. Citatur etiam 3. part. qu. 77. art. 2. sed ibi loquitur de indiuiduatione accidentium seu formarum inherrentium, & earum indiuiduationis nationes assignat tam ex parte materiæ, quam ex parte quantitatis. In libello autem de Ente & essentia c. 2. in fine, explicat quomodo materia sit principium indiuiduationis. *sciendum est, inquit, quod materia non quomodolibet accepta est principium indiuiduationis, sed solum materia signata, & dico materiam signatam qua sub certis dimensionibus consideratur.*

Licet autem hæc nostra conclusio sufficeret probata sit ex probatione precedentis, quæ dictum est nullam planè naturam esse indiuiduam per sua principia essentialia; nunc tamen peculiariter probanda est, propter peculiare difficultates quas habet opposita sententia.

Probatur conclusio.

Probamus itaque primò materiā simpliciter spectatā non esse principium indiuiduationis. Mitto rationem illam vniuersalem desumptā ex eo quod materia sit etiam pars essentialis compositi ex Arist. 7. Metaphysic. cap. de partibus definitionis, & probatur à Scoto in 3. dist. 32. ex quo sequitur eam non esse principium indiuiduationis. Probat autem peculiariter hoc pacto à Scoto in 2. dist. 3. qu. 5.

materia simpliciter non esse principium indiuiduationis.

Principium indiuiduationis debet esse maxime proprium rei singulari & indiuiduæ, ita quod nec simul nec successiue sit commune multis indiuiduis: Sed materia non est huiusmodi, quia eadem manens est communis successiue multis indiuiduis, ni-

mirum genito & corrupto: Ergo ipsa non est indiuiduationis principium. Hæc veritas est iam ab omnibus recepta; ideoque non est quoddam in ea probanda diutius immoremur. Satis erit si rationes & autoritates quæ solent afferri aduersus illam, statim dissoluamus.

Addit itaque D. Thomas non materiam simpliciter, sed materiam signatam esse principium indiuiduationis. Quid autem intelligat per materiam signatam, non constat inter eius discipulos. Quidam enim Thomistæ dicunt materiam signatam esse materiam cum quantitate actuali; alij verò esse materiam huius quantitatis capacem; alij esse materiam ut radicem & causam huius quantitatis. Prior modus explicandi materiam signatam est Capreoli in 2. dist. 3. qu. 1. art. 1. & Soncinati li. 7. Metaphysic. qu. 34. Posteriores duo sunt Caietani, prior quidem de Ente & essentia cap. 2. qu. 5. Posterior verò 1. part. qu. 29. art. 1. Sed primus modus videtur esse expressior apud D. Thomam. Dicit enim de Ente & Essentia cap. 2. se intelligere per materiam signatam, materiam quæ sub certis dimensionibus consideratur, & qu. 2. de veritate art. 6. materiam cum determinatione harum vel illarum dimensionum: Sic autem reprobatur: Vel quantitas inhaeret soli materiæ, vel inhaeret toti composito: Si soli materiæ, materia signata non erit potiori titulo principium indiuiduationis, quam materia simpliciter: Quia sicut materia secundum se, est indifferens ad va-

Materiam si signatam non esse principium indiuiduationis.

Explicatur quid sit materia signata.

Refutatur omnes modi explicandi materiam signatam.

rias formas; ita materia signata seu affecta quantitate potest esse sub varijs formis. Nec est quodd dicatur, id esse verum de materia affecta dimensionibus interminatis: non autem de materia affecta dimensionibus terminatis & certis, de quibus solum loquitur D. Thomas. Nam vel intelligunt per dimensiones terminatas, quantitatem certis longitudinis & latitudinis terminis constantem; & materia signata tali quantitate potest esse adhuc sub varijs formis, ut patet in eodem baculo prius viridi, & postea sicco: vel intelligunt quantitatem affectam certis dispositionibus qualitativis: & hoc stare non potest cum doctrina eorum; quia, ut optime notavit Suarez, ipsi dicunt quantitatem ex propria ratione & effectu formali distinguere vnum individuum ab alio: Ergo non convenit hoc illi ratione aliarum qualitarum seu dispositionum, alioqui non materia signata quantitate, sed materia quanta signata qualitatibus, deberet dici principium individuationis. Adde quodd dispositiones illae simul cum materia non possunt constituisse vnum per se: individuum autem est vnum per se. Si dicant quantitatem inherere toti composito. Ergo materia signata quantitate non erit principium individuationis. Probatur: quia prius est naturaliter compositum esse Ens aliquod substantiale, quam esse affectum quantitate; quia forma prius naturaliter recipitur in materia, quam illa intelligatur esse quanta; & tunc forma individua recipitur

in materia individua; quia generatio non est ad aliquid universale, sed fit in singulari, estque rei singularis.

Reprobantur etiam duo modi dicendi Caietani, qui in idem incidunt. Capacitas enim materiae ad hanc quantitatem; & materia ut radix & causa huius quantitatis, idem dicunt in re ipsa. Nam non aliter materia est causa, & radix huius quantitatis, nisi quia est subiectum & causa materialis, in qua potest recipi, cum ab agente naturali producit, vel comproducit: Hoc autem est materiam esse capacem huius quantitatis, & in potentiam ad illam.

Reprobantur autem per illam communem rationem desumptam ex Doctore Subtili in 2. dist. 3. qu. 3. Coordinatio omnium rerum quae per se spectant ad praedicamentum substantiae, debet esse completa & perfecta absque omni respectu & habitudine ad res aliorum praedicamentorum; quia praedicamentum substantiae est prius secundum se reliquis praedicamentis. Sed non esset completa ista coordinatio, si materia ut radix huius quantitatis, esset principium individuationis: Individuum enim spectat ad complementum huius coordinationis, tanquam id quod illam claudit in descendendo, & tamen non constituitur, in illa sententia, in ratione individui, nisi per habitudinem ad quantitatem: Ergo materia ut capax, seu ut radix & causa huius quantitatis, non est principium individuationis.

Præterea: Potentia materiae prius

prius respicit substantialem formam, quàm quantitatem (vt optime ratiocinatur Suarez:) Ergo prius etiam determinatur eius potentia ad hanc formam substantialem, quàm ad quantitatem: Ergo non signatur seu determinatur ad hanc formam per potentiam ad hanc quantitatem. Prima consequentia patet: tùm quia potentia determinatur ad actum modo sibi proportionato: Si ergo potentia ipsa substantialis est, & non respicit actum accidentalem, nisi medio substantiali, non determinatur nisi cum eadem habitudine & proportionem: Tùm etiam, quia iuxta authores oppositæ sententiæ, in re ipsa materia non recipit hanc quantitatem, nisi mediante hac formâ; & quia recipit hanc formam, idèd recipit hanc quantitatem: Ergo similiter in potentia non determinatur eius capacitas ad hanc quantitatem, nisi quatenus determinatur ad hanc formam: Ergo potius materia cum habitudine ad hanc formam, esset principium indiuiduationis, quàm cum habitudine ad hanc quantitatem.

Alij quidam pressi his difficultatibus benignè interpretantur D. Thomam, dicendo illum voluisse tantùm materiam signatam esse vel occasionaliter, vel quoad nos principium indiuiduationis: occasionaliter quidem, quatenus materia est principium corruptionum, ac consequenter generationum, per quas quotidie indiuiduis quibusdam corruptis, alia quædam suboriuntur, vt conserueretur species rerum; & quia hoc pacto, multiplicantur,

& multiplicata distinguuntur; idèd volunt materiam sic dici posse principium indiuiduationis: & quidem materiam signatam quantitate; quia materia non potest alterari physice, nisi mediâ quantitate. Quoad nos verò, quatenus per materiam signatam quantitate non solum mathematicâ, sed etiam physicâ & sensibili cognoscimus distinctionem indiuiduorum materialium inter se: & hoc dicunt docuisse D. Thomam Opuscul. 32. de natura materiæ, & dimensionibus interminatis, cap. 3. Sed quid sit de mente D. Thomæ: Videtur esse nimis diminuta, æquiuoca, aliena, & incerta huiusmodi principij indiuiduationis ratio. Non enim querimus hic solum occasiones, vel signa distinctionis indiuiduorum; sed ipsummet principium constitutionis & distinctionis eorundem.

Superest vt ad auctoritates Aristotelis quas refert Scotus in 2. dist. 3. qu. 5. aliquid dicamus. Imprimis dicit 5. Metaphysicorum, cap. 6. ea esse vnum numero, quorum est materia vna: & 7. Metaphysic. cap. 8. docet generans esse sufficiens, vt faciat, & causa sit speciei esse in materia: *Tota verò iam talis species*, inquit, *in his carnibus & ossibus Callias & Socrates: & diuersa quidem, propter materiam.* cap. 10. postquam docuit hominem vniuersalem constare ex forma & materia communi, ita subdit: *Singulare autem ex vltima materia, iam Socrates est.* Et cap. 11. in fine dicit, quod *in his que sunt sine materia, idem est quid quid est, cum illorum est: In conceptis verò*

Resp. & detur quibusdam auctoritatibus Philosophi.

cum materia non est idem quod quid est cum eo cuius est. Ex quo sequitur materiam non esse partem quidditatis, sed potius esse extraratione eius: & tamen cum sit aliquid in entibus, erit pars indiuidui, vel indiuiduatio totius. Item 14. Metaphysic. capit. 8. habet. Quod autem cælum sit unum, manifestum est: si enim plures essent cæli ut homines, principium vniuscuiusque erit specie unum, numero multa. At quæcumque multa numero, materiam habent.

Sed istis autoritatibus, imprimis opponit Doctor Subtilis alias quasdam autoritates desumptas tum ex 7. tum ex 12. Metaphysicorum, quibus ostendit non fuisse mentem Aristotelis, ut materia physica esset principium indiuiduationis. Tum quia istis locis, docet Philosophus materiam physicam esse partem quidditatis sicut & formam; tum etiam, quia sicut principia simplicia dupliciter dicuntur, nimirum vniuersaliter, & singulariter; ita etiam compositum dicitur vniuersaliter & singulariter. Per principia autem illa intelligit materiam & formam. Quod si materię sicut & formę, competit vniuersaliter & singulariter dici, ipsa non poterit esse principium indiuiduationis; quia ipsa non erit per se, & de se indiuidua. Itaque ad autoritates Aristotelis ingeniosè distinguit Scotus de materia: docet enim duplicem esse materiam, nimirum physicam & metaphysicam. Materia physica est altera pars compositi naturalis perfectibilis & potentialis. Materia

Metaphysica est principium indiuiduationis. Prior vocatur materia partis, id est, materia quę est pars. Posterior verò appellatur materia totius, id est, materia quę est totum. Et ut ista distinctio melius intelligatur; docet etiam ex mente Aristotelis, duplicem esse formam, nimirum Physicam & Metaphysicam. Forma Physica est altera pars compositi naturalis, perfectius & specificatiua. Forma Metaphysica est quidditas tota alicuius rei, quam frequenter Aristoteles appellat formam. Sicut autem formę Physicę correspondet materia Physica: Ita formę Metaphysicę correspondet materia Metaphysica, ex quibus coalescit indiuiduum, quod est aliqua species totius Metaphysici. Propter aliquot rationes verò principium indiuiduationis appellatur materia; sicut & quidditas, forma. Tum quia nimirum quidditas constituit rem in esse prædicabilis; differentia autem indiuiduans in esse subijcibilis: Prædicatum autem est simile formę, subiectum verò materię. Tum quia quidditas est communicabilis: differentia autem indiuiduans incommunicabilis: Formę autem est multis communicari, & materię formam ad vnum quiddiam contrahere & determinare. Tum quia licet differentia indiuiduans contrahat quidditatem, tamen potius perficitur à quidditate quàm perficiat quidditatem, in quo distinguitur à differentijs specificis, quæquidem perficiunt genera quæ contrahunt; perficere autem est formę, sicut perfici, materię.

Quid sit materia Metaphysica & totius. Id est quid forma Metaphysica & totius.

Hoc posito, respondet Doctor Subtilis Aristotelem intelligendum esse de materia Metaphysica, non autem de materia physica: per hanc enim distinctionem soluit omnes ferè authoritates Philosophi.

Verùm ista distinctio non placet modernis præsertim Fonseca 5. Metaphysic. cap. 6. q. 5. sect. 4. Quia, inquit, durum est admodum accipere his locis materiam aliter quàm pro vera materia physica. Fateor esse quædam testimonia Aristotelis quæ de alia materia quàm de physica vix possunt intelligi, vt est istud præsertim. *Tota verò iam talis species in his carnibus & ossibus Callias & Socrates*: Sed hæc etiam testimonia aliter soluit Scotus in 2. dist. 3. q. 6. 5. ad quæstionem quintam præcedentem, post medium: vbi habet, quodd licet forma sit principalius distinctiui quàm materia; quia compositum principalius habet esse à forma, atque consequenter habet ab eadem quodd sit vnum, ideoque quodd sit distinctum à se, & distinctum à quolibet alio; Tamen ratio distinctiui appropriatur potius materię quàm formæ, quia forma non modò est distinctiua, sed etiam assimilatiua: Materia autem nullo modo est assimilatiua, quia generans non assimilatur sibi genitum ratione materię. Restat itaque quodd sit distinctiua, non tamen principaliter, sed solam consequenter; quia generans necessariò perficit aliam materiam generando, quâ suam propriam. Cum enim sua materia iam perfecta sit per formam suam; oportet vt forma quâ

introducitur, perficiat aliam materiam: Et hac ratione dici potest materia distinctiua atq; multiplicatiua indiuiduorum, scilicet appropriatè & consequenter. Per has duas responsiones solui possunt omnes prædictæ authoritates Philosophi. Addit Fonseca 5. Metaphysic. cap. 6. q. 4. sect. 6. & q. 5. sect. 4. & Suarez tom. 1. Metaphysic. disp. 5. sect. 3. num. 33. & 34. Aristotelem numquam expresso & Metaphysicè Principium individuationis inuestigasse; sed physico more docuisse quo pacto ex sensibilibus, vnum indiuiduum ab alio secernere possimus. Hæc solutio minùs fauet Aristoteli: meliùs tamen videtur saluare rigorem textus illius. Qui magis deferre voluerit Aristoteli, vt poterit solutionibus Doctoris Subtilis.

Quinta Conclusio.

Nulla natura completa substantialis physica, est indiuidua per formam. Conclusio est aduersus Durandum loco superius citato, & Franciscum Suarez tom. 1. Metaphysic. disp. 5. sect. 4. qui licet impugnet quædam dicta Durandi de individuatione materię, ostendens materiam non indiuiduari per formam: Tamen cum eo in hoc conuenit, quodd asserat formam esse potissimum individuationis principium. Probatur autem conclusio: Forma dat solùm esse specificum. Ergo non dat esse indiuiduale. Probatur antecedens. Imprimis nullus negare potest quin det esse specificum: Hoc enim affirmat Aristoteles mul-

Forma physica non est principium indiuiduationis. De Bas foliis 1. dist. 12. q. 4. hanc rē optimè pertractat.

tis in locis , & præterea videmus res in determinatis quibusdam speciebus entium constitui per formas. Restat probandum quoddam solum esse specificum. Dare esse specificum est adæquata ratio formæ, quatenus forma est constitutiva gradus: non enim loquimur de forma prout est informativa materiæ & constitutiva compositi: Ergo forma dat solum esse specificum. Probatur antecedens: Adæquata ratio formæ, ut est constitutiva gradus, est collocare rem sub determinato genere, & efficere ut conveniat cum multis alijs quæ sub eodem genere continentur. Quemadmodum enim forma distinguit specificè, ita assimilat numero distincta: Sed hoc est esse specificum. Ergo adæquata ratio formæ est dare esse specificum.

Præterea, forma ut forma non est hæc; nam si de se esset hæc; quælibet alia entitas de se posset esse hæc; & sic non oporteret querere aliud individuationis principium. Sed individuationis principium debet esse hoc per se & primò. Ergo forma non est individuationis principium.

Præterea, ratione formæ individua conveniunt & sunt similia. Ergo non distinguuntur. Quia non potest vnum & idem quatenus idem, esse principium convenientiæ, & disconvenientiæ aliquorum ab invicem.

Opposita sententia nullis nititur rationibus quæ mereantur huc referri. Imò verò coniecta nostris rationibus, cogitur asserere formam substantialem esse hanc intrinsecè

per suammet entitatem, à qua secundum ultimum gradum seu realitatem sumitur differentia individualis eius: Ita Suarez loco citato, sect. 6. num. 5. Hoc autem est reipsa nobiscum sentire, & verbis solum dissentire. Nam si semel ponatur ultimus aliquis gradus, seu ultima realitas in forma, à qua sumatur differentia individuans ipsius formæ; certè hoc erit ponere ipsum idem quod ponit Scorus.

Obijcit solum Suarez pro sua sententia, auctoritatem Aristotelis 2. de anima cap. 1. in initio, ubi dicit formam esse quæ constituit *hoc aliquid*, ex qua auctoritate dicit esse sumendum præcipuum fundamentum suæ sententiæ; quia per, *hoc aliquid*, intelligi debet singulare. Hoc tamen fundamentum est valde debile: quia falsum est per, *hoc aliquid*, Aristotelem intelligere hic singulare. Audiamus doctissimum Pacium egregium Philosophi interpretem in suis Commentarijs ad hunc locum: *Materia non est hoc aliquid, idest, per se non subsistit, sed per formam: forma autem est qua facit hoc esse aliquid, idest, qua facit rem consistere, et esse id quod est. Observa aliter accipi in præsentia hoc aliquid, aliter in Categorijs, capite de substantia. Ibi namque sola substantia individua vocantur hoc aliquid, ut Socrates, Plato: Hic verò omnes substantia composita. Hucusque Pacius.*

Obijciuntur præterea quædam auctoritates Commentatoris. Sed quæ fuerit eius mens de hac re, parum curamus: vel dicere possumus illud idem sensisse, quod Aristot-

Impugnatur
Suarez.

teles nunc citatus. Quod si aperte dixerit substantiam non esse unam nisi per formam; explicari potest dicendo substantiam non esse unam specificè, vel etiam unum indiuiduum huius aut alterius speciei, nisi per formam.

Sexta Conclusio.

Quantitas non est principium indiuiduationis.

Nulla natura substantialis siue completa siue incompleta, est indiuidua per quantitatem. Conclusio est contra Gottfredum citatum in margine Doctoris Subtilis, in 2. Sententiarum distinctione 3. quæst. 4. & probatur ab eodem Doctore eo loci. Primum ex eo quod nulla natura substantialis sit indiuidua per accidens. Secundò specialiter quod non per quantitatem, primum probatur sic: Illud non est principium indiuiduationis ipsius substantiæ, quod secundum totum genus suum, est posterius ipsa substantia secundum totum genus suum; sed substantia secundum totum genus suum, est prior accidente: Ergo nullum accidens est principium indiuiduationis eius.

Maiores patet, quia nunquam prius in suo priori dependet à posteriori. Minor probatur ex 7. Metaphysicorum, ubi dicitur quod substantia est prior accidente naturà, definitione & tempore. Quibus addit Commentator ibidem, indiuiduum substantiæ prius esse indiuiduo accidentis.

Dices quod prima substantia non est prior accidente. Sed contrà: Quandocumque aliquid est prius alteri; maxime primum

illius est prius ipso: sed maxime primum substantiæ in communi, est substantia prima: igitur substantia prima est prior simpliciter omni accidente: & ita est prius hæc, quàm aliquo modo indiuiduetur per aliquod accidens.

Dices iterum quod licet prima substantia sit prior quantitate in essendo; non tamen in diuidendo & in indiuiduando. Sed contrà. Ista responsio seipsam destruit: Quia si prima substantia est prior naturaliter in essendo accidente, putà quantitate; & non potest intelligi prima substantia in suo esse nisi in quantum hæc; ergo non erit hæc per aliquod accidens. Præterea, forma est simpliciter prior composito, ex Aristotele 7. Metaph. ergo si accidens, putà quantitas, sit forma primæ substantiæ, ipsa erit prior prima substantia in essendo: quod si non sit forma in essendo; igitur nec in unitate competente primæ substantiæ quatenus est prima substantia; quamlibet enim entitatem consequitur propria unitas, quæ non habet aliam causam propriam sui quàm causam entitatis cuius est unitas. Præterea, eodem modo substantia est prior naturaliter omni accidente, quod est subiectum omnium accidentium: in quantum enim subiectum probatur esse prius definitione omni accidente; quia sic ponitur in ordine cuiuslibet definitionis per additamentum; sed ut est subiectum, est hæc substantia: etenim secundum Philosophum 12. Metaph. singularium effectuum sunt causæ singulares in quocumque

genere causæ; igitur singularis accidentis causa materialis est subiectum singulare.

Probatur secundò principaliter ista prior pars conclusionis, sic. Impossibile est quòd substantia non mutata substantialiter, de hac substantia, fiat non hæc; vel de non hac, fiat hæc: sed si aliquid accidens esset principium indiuiduationis substantiæ, hoc esset possibile: ergo fieri non potest ut accidens sit principium indiuiduationis substantiæ. Maior videtur nota; implicat enim v. g. quòd Petrus fiat non Petrus vel Paulus, si nulla mutatio substantialis fiat in ipso: manentibus enim omnibus substantialibus Petri, ceteris circumscriptis, semper remanebit Petrus. Minor probatur. Si accidens est principium indiuiduationis substantiæ, mutatis accidentibus mutantur indiuidua substantiæ; sed Deus absque contradictione potest hanc substantiam Petri, v. g. conseruare sine suis accidentibus, & alijs accidentibus afficere, nullà factà circa eam substantiali mutatione. Ergo si accidens est principium indiuiduationis substantiæ, sequitur eandem substantiam non mutatam substantialiter, posse fieri de hac non hanc, & esse aliam & aliam numero substantiam simul vel successiuè. Prima consequentia est euidens; quia variato principio indiuiduationis, variatur indiuiduum: sed assumptum probatur; quia substantia est reipsà distincta & prior naturaliter omnibus accidentibus, à quibus non dependet nec in esse nec in conseruari; ergo absque contradictione potest Deus

hanc substantiam absque aliquo accidenti conseruare, & alijs accidentibus afficere.

Sed dices forsitan hoc probari per miraculum; & idè non concludere contra rationem naturalem. Contrà: Miraculum non potest ponere contradictoria, ad quæ nulla est potentia; sed contradictio est eandem substantiam manentem, esse duas substantias, sine mutatione substantiali, & hoc tam successiuè quàm simul; istud tamen sequitur euidenter si per aliquid accidens substantia esset formaliter indiuidua; tunc enim accidente succedente accidenti, eadem substantia non mutata esset successiuè duæ substantiæ. Confirmatur etiam à simili de natura specifica: quia impossibile est vnam substantiam manentem non mutatam specificè, esse simul vel successiuè hanc speciem, & non hanc speciem; ergo impossibile est vnam substantiam manentem non mutatam substantialiter, esse simul vel successiuè hanc substantiam numero, & non hanc.

Tertiò. In quacumque coordinatione prædicamentali sunt omnia pertinentia ad illam coordinationem, circumscripto quocumque alio quod non est aliquid illius coordinationis essentialiter, patet; quia duæ coordinationes sunt primò diuersæ, & ita nihil vnius est tale per aliquid coordinationis alterius, sed ad coordinationem prædicamenti substantiæ, quatenus est clausa superiùs & inferiùs, sicut pertinet aliquid primū prædicatum, de quo nihil prædicatur: Ita pertinet infimum subiectum, cui

nihil subijcitur. Istud autem est substantia hæc & singularis. Ergo substantia non est hæc & singularis per aliquid alterius prædicamenti: Ergo non per vllum accidens.

Nec valet responsio Caietani de Ente & Essentia cap. 2. dicentis rem repositam in aliquo prædicamento, esse independentem quidem à quocumque alterius coordinationis; non tamen omnem conditionem sine qua non reponeretur in tali prædicamento: Ideoque substantiam indiuiduam esse quidē independentem à quocumque alterius coordinationis; non tamen omnem conditionem sine qua non esset in prædicamento substantiæ, cuiusmodi est singularitas seu differentia indiuiduans. Hoc inquam non valet; quia imprimis gratis omnino & sine fundamento dicitur.

Præterea: Differentia indiuiduans est per se primò constitutiva indiuidui; Ergo differentia indiuiduans substantiæ, est per se primò constitutiva substantiæ primæ: Ergo quemadmodum genus & differentia sunt partes substantiales constitutiue substantiæ secundæ; ita etiam natura substantialis, & differentia indiuiduans sunt partes substantiales constitutiue substantiæ primæ suo modo. Ideò differentia indiuiduans substantiæ primæ nō est conditio ipsius substantiæ, sed est entitas quædam substantialis, ad idem genus cum ipsa substantia cuius est, pertinens, vt docet Scotus in 2. dist. 3. q. 6.

Quartò: In qualibet coordinatione, circumscripto quocum-

que alterius coordinationis, dantur aliquæ species. Nullusenim sibi potest imaginari species aliquius prædicamenti, constitui in ratione talium specierum, per rationes aliquas aliorum prædicamentorum. Sed de ratione speciei est quoddam sit prædicabilis de pluribus differentiis numero: Ergo sicut dantur species prædicabiles, seclusis aliis prædicamentis; dari quoque debent indiuidua seu singularia numero distincta tanquā correlata taliū specierum, & eis subijcibilia, seclusis aliis prædicamentis. Ergo in coordinatione substantiali, dari debent indiuidua & singularia seclusis coordinationibus accidentium. Ergo substantia non est indiuidua & singularis per aliquod accidens.

Quintò: Infimum subijcibile & subiectum recipit per se prædicationem cuiuslibet prædicabilis, sicut primum prædicatum prædicatur per se de quolibet illius coordinationis. Sed ens per accidens in quantum ens per accidens, nullius recipit prædicationem per se. Igitur infimum subijcibile non potest esse ens per accidens. Sed si substantia esset indiuidua per aliquod accidens, indiuiduum substantiæ esset ens per accidens, quia aggregatum ex rebus diuersorum generum est ens per accidens, ex Aristot. s. Metaphysic. Ergo nulla substantia potest esse singularis & indiuidua per aliquod accidens. Et hæc quidem rationes probant etiam nullum accidens indiuiduari per substantiam; sed de hoc specialius sumus dicturi.

Non esset amplius immorari;

Quantitas non est principium individuationis.

dum in probanda secunda parte conclusionis ; nimirum nullam substantiam individuari per quantitatem : Quia cum rationes allatae probent quoddam per nullum accidens omnino individuetur ; probant consequenter quoddam neque per quantitatem. Tamen non erit superfluum subijcere peculiare rationes, quas ad id probandum habet Doctor Subtilis. Sed antequam primam subijciamus ; supponendum est ex ipso, duarum productionum completarum & substantialium, non posse eandem substantiam esse primum terminum : Quia tunc per utramque acciperet perfectum esse substantiale, cum utraque sit completa ; & ita idem bis produceretur secundum idem esse simpliciter. Probatur. Si istae duae productiones non essent simul, sed successivae ; eadem substantia per se & actu existens producta per unam productionem, produceretur per aliam, cum iam prius actu existeret, quod tamen implicat. Hoc supposito sic ratiocinatur Scotus :

Transsubstantiato pane in Corpus Christi, manet eadem quantitas quae in ipso praefuerat. Creatur igitur alius panis, qui ista quantitate manente afficiatur. Tunc sic : Si quantitas est principium individuationis, sequitur quoddam hic panis creatus est idem numero cum pane prius genito & transsubstantiato ; quia eadem singularitate signata afficiuntur : Ergo idem numero panis erit terminus primus generationis & creationis, quod est contra suppositionem. Et ultimum : Ergo idem panis numero

erit transsubstantiatus & non transsubstantiatus. Imò sequitur nullum panem esse transsubstantiatum ; quia non panis uniuersalis, nec panis hic singularis, quicquidem manet, cum maneat quantitas quae erat formaliter hic panis.

Secundò. Si quantitas esset principium individuationis substantiae ; aut illa esset quantitas terminata, aut quantitas interminata. Non quantitas terminata ; quia ex aduersariis, illa sequitur esse formae in materia, & per consequens singularitatem substantiae : Quia sicut substantia est causa eius, ut est terminata ; ita haec substantia est causa eius, ut est haec terminata. Non item quantitas interminata : quia etiam ex ipsis illa manet eadem in genito & corrupto : Ergo non est causa alicuius singularitatis terminatae.

Si dicatur quoddam non sequitur ; quia quantitas non ponitur causa singularitatis, nisi praesupposita unitate specificâ : generatum autem & corruptum non sunt eiusdem speciei. Contrâ : Supposito quoddam ex aqua primo generetur ignis, secundò ex igne generetur aqua : in prima aqua corrupta, & in secunda generata est eadem quantitas : & non solum quantitas interminata, sed etiam terminata, quia potest habere eundem terminum a forma, vel saltem sufficit eadem interminata, & illa ex aduersariis est causa singularitatis praesupposita unitate specificâ : Ergo prima aqua, & secunda aqua sunt haec aqua eadem numero, quod videtur impossibile ; quia
idem

idem indiuiduum numero non redit naturali actione ex 2. de Generat. & 5. Physic.

Tertio: Generans in quantum generans, circumscripto omni alio, distinguitur à genito; quia non est intelligibile quoddam idem generet se: Nam etiam in diuinis persona non generat se. Sed generans in quantum generans non includit quantitatem, vt proprium principium generationis, nec genitum vt genitum includit quantitatem, vt per se formalem terminum generationis: Ergo circumscripta vtraque quantitate, scilicet ganneretis & geniti, hæc substantia distingueretur ab illa numero.

Quarto, probatur ita à nostro Ioan. de Bassolis in 2. dist. 12. qu. 4. art. 1. §. *sed contra istam opinionem*: Si quantitas esset principium indiuiduationis substantiæ; esset quoque principium indiuiduationis corporis Christi. Ergo ex vi horum verborum: *Hoc est corpus meum*, quantitas corporis Christi ponitur sub hostia consecrata. Patet: Quia ex vi horum verborum, ponitur corpus Christi sub hostia: Ergo & sua singularitas, quæ est sua quantitas. Hoc autem est contra omnes Theologos, & contra rei veritatem: Quia virtute prædictorum verborum, nihil ponitur sub hostia per se & directè, nisi in quod transsubstantiatur panis: At non transsubstantiatur in quantitatem: tunc enim non esset transsubstantiatio, sed transaccidentatio: Ergo quantitas non est principium indiuiduationis substantiæ.

Quinto. Probabile est in con-

densatione & rarefactione mutari quantitatem, & non remanere eandem. Manet tamen eadem substantia cuius est ipsa quantitas. Ergo quantitas non est differentia indiuiduans substantiam. Patet; quia illud non potest esse ratio essendi substantiæ, hoc & vnum numero, quo mutato numericè, manet tamen substantia eadem numero.

Sexto. Si quantitas esset principium indiuiduationis substantiæ, oporteret ipsam seipsam, primò esse hanc, & de se numero distinctam ab alia. Quia quod est tantum specie vnum, non potest esse alteri, ratio essendi vnum numero. Falsum est autem quantitatem de se, esse vnam numero. Rationes enim superius allatæ de vnitatem naturæ minore vnitatem numericam, æquè concludunt de natura quantitatis, atque de omni alia natura. Nam manifestum est quoddam ratio lineæ de se communis est huic lineæ & illi; nec maior est contradictio intelligere lineam sub ratione alicuius communis, quam hominem. Patet etiam quoddam linea & superficies sunt eiusdem rationis in hac aqua, & in illa v. gr. Ergo non per quantitatem habet hæc aqua quoddam sit hæc aqua, sed per aliquid aliud.

Dicerent fortassis authores oppositæ sententiæ, quantitatem absolutè spectatam non esse de se hanc & vnam numero, sed vt habet situm aliquem determinatum. Contra: Quæro, inquit, Scotus, de quo situ sit sermo; aut de situ qui est predicamentum, & iste est naturaliter posterior quantitate; aut de situ, qui est

differentia quantitatis, prout quantitas dicitur constare ex partibus habentibus positionem: & de hoc situ est eadem difficultas atq; de ipsa quantitate. Non enim est uotius partes permanentes, & continuatas (quæ duo scilicet continuationem & permanentiam includit positio, ut est differentia quantitatis) quàm quoddam hæc quantitas differat seipsa ab illa.

*Ægidius
ponit
aliquid
causatum
à quan-
titate,
esse
princi-
pium
indivi-
duatio-
nis.*

*Confu-
tatur.*

Propter istas rationes, Ægidius quodlibeto 1. qu. 5. art. 1. apud Doctorem Subtilem, aliter tenet substantiam indiuiduari, nimirum non per quantitatem, sed per aliquid causatum à quantitate, quod ipse Ægidius & Caietanus de Ente & Essentia cap. 2. vocant signationem substantiæ. Sed Doctor Subtilis ostendit hoc dici non posse, ex eo nimirum, quia si quantitas ipsa quæ est prior naturaliter ipso causato, non sit eadem substantiæ; ipsum quod sic causabitur à quantitate, minùs erit idem ipsimet substantiæ: quotiescumque enim duo respiciunt aliquod tertium, quorum vnum est naturaliter prius altero; si istud prius non sit idem realiter ipsi tertio, posterius erit minùs idem realiter illi.

Sustinet tamen Caietanus acciter contra Scotum id fieri posse. Quemadmodum enim, inquit, potentia materiæ est eadem materiæ, & tamen dependet à forma tanquam à proprio actui; ita signatio substantiæ est eadem realiter substantiæ, & tamen dependet & causatur à quantitate. Verùm, dico impossibile esse ut capacitas vel potentia materiæ sit causata à forma, & tamen sit

eadem realiter ipsi materiæ. Nam, quidquid est idem realiter materiæ, debet præcedere formam; aliàs materia secundum omnem suam entitatem realem, non esset prior forma, quod est contra Aristotelem: Ergo multò magis præcedere debet id quod est à forma: illa autem potentia seu capacitas materiæ est idem realiter ipsi materiæ: Ergo causari non potest à forma. Et certe quocumque modo sumatur potentia seu capacitas materiæ, non videtur dici posse causata à forma, quamquam satis explicari non possit nisi per habitudinem ad formam.

Quòd si fingere possit Caietanus aliquam capacitatem materiæ causatam à forma; euentissimè demonstrabimus eam non posse esse eandem reipsa cum materia. Non valet itaque hoc exemplum ad ostendendum signationem illam esse causatam à quantitate, & tamen esse eandem cum substantia quæ est signata.

Secundò arguit Doctor Subtilis contra positionem Ægidij. Substantia est causa quantitatis. Ergo hæc substantia est causa huius quantitatis: Ergo hæc quantitas est causatum respectu huius substantiæ: Ergo non potest esse ratio cur hæc substantia sit hæc substantia: quia aliàs causatum esset causa suæ causæ; quod implicat.

Respondet Caietanus non implicare, modò id contingat in diuerso genere causæ, ut contingit in allato proposito: Materia enim signata est causa quantitatis in genere causæ materialis: quantitas autem est causa materiæ si-

*Eualfio
Caieta-
ni dis-
solui-
tur.*

gnatæ in genere causæ formalis, vt actus potentia, & hac ratione dixit Philosophus 2. Physic. causas esse sibiinuicem causas: *Non ergo inconueniens est, inquit, causam in causando, dependere à causato, vt non causato, sed vt causata est secundum aliud genus causæ.*

Nullū
causatum
potest
esse cau-
sa suæ
causæ.

Ista tamen solutio videtur omnino voluntaria: quia impossibile est omnino quoddam aliquid causatum etiam in genere causæ materialis, sit causa suæ causæ in genere causæ formalis: quia tunc idem esset realiter & essentialiter prius & posterius respectu eiusdem. Si enim a. est causa materialis b. erit realiter prius ipso; & si b. est causa formalis ipsius a. sequitur quoddam erit prius realiter ipso à causato. Non enim est intelligibile causam in quocumque genere causæ, esse realiter posteriorem ipso causato. Si ergo materia signata est causa materialis quantitatis; sequitur quoddam erit realiter prior ipsa quæ a. itate: & ex alia parte, si materia vt signata est realiter causata à quantitate, vt à causa formali; erit realiter posterior ipsa quantitate: & sic idem respectu eiusdem, erit realiter & essentialiter prius & posterius.

Præterea, aut materia est signata à quantitate actu, aut à quantitate tantum in potentia. Non à quantitate in potentia, quia quod nondum est realiter, non potest esse causa formalis realiter effectus realis. Non etiam à quantitate actu, quia in illo priori, in quo materia est signata, nondum est quantitas, quia præsupponitur causa materialis ad suum effectum in actu; quanti-

tas autem in actu est effectus materię signatæ, seu singularis.

Ad authoritatem itaque deductam ex 2. Physic. text. 30. Dico non sic esse intelligendum, vt vna causa numero possit in genere causæ materialis, esse causa alicuius quod in genere causæ formalis sit causa eius. Nec enim vnquam sensit Aristoteles materiam posse esse causam formæ, & formam vice versâ causam materię: quippè quæ respectu solius compositi, & non respectu sui, dicuntur causæ. Et quia Caietanus adducit hoc exemplum causalitatum materię & formæ, quas docet esse sibiinuicem causas, pro confirmatione suæ assertionis: Idem addo quoddam licet dici posset formam esse à materia, itaut esse formæ censeatur pendere à materia, tanquam quid posterius ipsa; tamen vice versâ dici non potest esse materię sic dependere à forma, vt sit quid posterius forma, imò esse materię est simpliciter prius esse formæ. Vnde etiam in proposito, esse huius substantię est simpliciter prius esse huius quantitatis. Authoritas ergo prædicta Aristotelis, quantum conijcere licet ex textu, non aliud fert quàm quoddam intra latitudinem specificam aliquarum causarum, aliquæ causæ sint ita sibiinuicem causæ, vt tamen effectus vnius & eiusdem causæ numero, non possit esse causa eiusdem causæ numero, sed alterius effectus eiusdem speciei, cum causa cuius est effectus. Hoc patet ex verbis eius: dicit enim: *Sunt autem quedam & adinuicem causæ, vt laborare causa est bonæ habitudinis, & hæc laborandi.* In,

Sf ij

rigore enim labor ille numero, qui est causa huius bonæ habitudinis, non est effectus eiusdem habitudinis, sed labor primus inducit bonam habitudinem; & illa bona habitudo causa est sequentis laboris, non prioris cuius fuit effectus. Non potest itaque in his sibiinvicem causis, reperiri vnitas strictè numerica, sed tantum vnitas, quā aliquod continuum dicitur aliquando vnum numero.

Tertio, principaliter sic impugnatur *Ægidius* à Doctore. Quæro, inquit, quid est quantitatem causare talem modum, scilicet talem signationem in materia, vel in substantia? Si nihil est nisi quoddam illa materia præfuit quantitati, sequitur talem signationem non fieri per quantitatem: Quia tunc signatio materiæ naturaliter præcederet quantitatem: prius autem naturaliter non habet esse à suo posteriori. Si autem sit aliquid aliud: Quæro quomodo causetur à quantitate, & in quo genere causæ?

Respondet *Caietanus* quantitatem causare talem signationem in materia, nihil aliud esse quam materiam esse ab hoc agente factam capacem ita huius quantitatis, vt non sit capax alterius: & sic quantitas concurret ad signationem materiæ, vt actus, propter quem talis capacitas fit; agens verò vt efficiens illam: & talis signatio, inquit, præest ipsi quantitati in genere causæ materialis, sed fit per quantitatem in genere causæ formalis. Contrà. Imprimis hic non agimus de principio indiuiduationis extrinseco; sed de intrin-

seco. Ergo non debet *Caietanus* explicando hanc signationem, recurrere ad agens extrinsecum quod reddit materiam capacem huius quantitatis, & non alterius. Præterea, quomodo ista signatio posset esse à quantitate tanquam à forma si nondum sit quantitas? Et quomodo in genere causæ materialis, materia signata præcedere potest quantitatem, si quantitas sit causa formalis materiæ signatæ? Quia enim album, v. g. est effectus formalis albedinis, in nullo genere causæ præcedere potest albedinem. Manet itaque solida hæc veritas, substantiam non indiuiduari per quantitatem, quocumque modo sumatur quantitas.

Obijciuntur contra primam partem conclusionis, autoritates aliquæ ex *D. Damasceno*, ex *Auicenna* & alijs, quibus probari videtur substantiam indiuiduari per accidentia. Sed respondetur id esse verum vel extrinsecè & secundariò, vel concomitanter, vel quoad nos; non autem intrinsecè, primariò, principaliter, & secundum naturam rei. Vel secundò respondetur duobus modis accidens sumi posse, nimirum, vel pro omni eo quod inheret, aut aptum est inherere; quomodo complectitur nouam classis accidentium; vel pro eo quod est extrinsecum alicui, & ad eius intrinsecam rationem non pertinet: quomodo rationale dici potest accidens animalia. Primo modo sumendo accidens, falsum est substantiam indiuiduari per accidentia: Secundo modo verum est indiuiduari per accidentia; quia differentia

Obiectio.
ex partibus.

Solutio.

Quomodo intelligi debet substantiam indiuiduari per accidentia.

indiuiduans est extra rationem naturæ specificæ, quam contrahit & singularem reddit; & idcirco hac ratione dici potest accidens ipsi.

Expli-
cantur
multæ
partum
autho-
ritates.

Eodem modo solui possunt quædam authoritates Boëtij libro 1. de Trinitate cap. 2. & D. Damasceni in Elementario cap. 5. & lib. 3. Sententiarum cap. 6. & in sua Logica cap. 9. quibus specialiter probari videtur substantiam indiuiduari per quantitatem. Dicit enim Boëtius: *In numero differentiam varietas accidentium facit; nam tres homines, nec specie, nec genere differunt; sed suis accidentibus*: Inter quæ accidentia numerat locum, dicens: *Quod si duobus corporibus propria loca remaneant, per hac numeraliter distinguuntur, quia impossibile est eundem locum fingere duobus corporibus*. Locus autem spectat ad quantitatem. Dicit etiam Damascenus hypostasies & indiuidua alicuius naturæ, distinguere characteristicis proprietatibus, quarum præcipuam videtur ponere quantitatem: *Homo enim, inquit, differt ab altero homine, quoniam hic quidem longus, iste autem brevis*. Dicit præterea hypostasies non differre secundum substantiam; sed tantum secundum accidentia. Insuper substantiales differentias circa materiam considerari & species constituere; accidentia autem esse constitutiva hypostasium. His inquam autoritatibus respondetur vt prius.

Diffi-
cultas
proponi-
tur &

Occurrit tamen Doctor Subtilis, dicens prædictam solutionem non posse accommodari intentioni Boëtij. Sic enim ratiocinari videtur. In numero varietas

accidentium differentiam facit; soluitur Sed in personis diuinis nulla est talis varietas accidentium; quia forma simplex nequit esse subiectum accidentium: Igitur in diuinis non est differentia numeralis. Argumentum autem istud nihil concluderet, nisi Boëtius intenderet solis accidentibus fieri distinctionem numericam; si enim distinctio numerica potest esse per aliquid aliud; iam ex negatione accidentis, non sequitur negatio distinctionis numeralis.

Ad hoc ita respondet Scotus: *Dico quod omnem distinctionem numeralem concomitatur distinctio accidentium; & propterea ubi nulla potest esse varietas accidentium, ibi nulla potest esse distinctio numeralis, & ex hoc patet argumentum Boëtij tenere; quia cum non possit esse accidens aliquid in diuinis, nec accidentium varietas; ibi non potest esse distinctio numeralis, nec differentia materialis, non tamen sicut a causa præcisa negata, ad negationem illius cuius est causa, sed tanquam a necessario concomitante negato, ad negationem illius quod necessario concomitatur: Licet enim ex negatione accidentium tanquam ex propria causa, non sequatur negatio distinctionis numeralis sequitur tamen tanquam ex necessario concomitante.*

Addit Scotus: *Sed quomodo ad ista intentionem verum est quod varietas accidentium facit differentiam numericam? Dico, inquit, quod facit aliquam differentiam, sed non primam. Et hæc quidem expositio non videtur extorta: cum enim Boëtius numeret locum tanquam aliquid distinguens unum indiuiduum ab altero; scilicet patet non*

de prima, sed de secundaria quadam & concomitante distinctione loqui voluisse. Nec enim locus quocunque modo sumatur, siue prout est passio locantis, siue prout est passio locati, distinguitur primo vnum indiuiduum ab altero.

Obijcitur secundò contra posteriorem partem conclusionis. Quod primò & per se competit alicui, conuenit cuilibet alteri per rationem eius; sed diuidi in partes eiusdem rationis, est proprietas conueniens primò & per se quantitatis; ex 5. Metaphysic. ergo conuenit alij, scilicet substantiæ, per rationem quantitatis; talis est autem diuisio alicuius speciei in sua indiuidua; quia ista diuidentia non sunt formaliter alterius rationis, sicut sunt species diuidentes genus: Ergo diuisio alicuius speciei in sua indiuidua conuenit ei beneficio quantitatis. Est autem idem principium diuisionis in aliqua natura, & distinctionis diuisorum: Igitur si per quantitatem competit alicui naturæ diuisio in inferiora; similiter per quantitatem distinguuntur indiuidua indiuidualiter ab inuicem: ergo per quantitatem indiuiduum erit indiuiduum. Respondet Doctor Subtilis concessâ maiore, negando minorem; non enim de ratione quantitatis est diuidi in partes eiusdem rationis, naturam diuisi ex æquo participantes: nec vnquam Philosophus dixit quantum diuidi in partes eiusdem rationis, sed solum quantum esse diuisibile in ea quæ insunt, quorum utrumque vel quodlibet illorum est natum esse aliquid, & hoc aliquid, In ea quæ

insunt, inquit, tanquam componentia totum cui insunt. Igitur non sicut in partes subiectiuas, quæ non sic insunt toti quod partiunt, sed sub eo tantum potentialiter continentur. Diuisio itaq; in partes integrâtes & quantitatuas competit alicui, beneficio quantitatis: Non autem diuisio in partes, subiectiuas: ex qua tamen posteriori diuisione oritur multiplicatio & distinctio indiuiduorum. Ratio autem ob quam diuisio in partes subiectiuas non conuenit naturæ specificæ per quantitatem, ea est, quia quod est ratio diuisibilitatis, inest formaliter illi quod est diuisibile tali diuisione. Sed quantitas non inest formaliter toti vniuersali, in quantum est diuisibile in partes subiectiuas. Quia totum vniuersale & totum quantitatum sunt alterius rationis. Ergo quod conuenit formaliter toti quantitatio ut sic, non conuenit toti vniuersali ut sic. Sed toti quantitatio ut sic, conuenit quantitas per quam est diuisibile in partes quantitatuas: Igitur quantitas non conuenit toti vniuersali formaliter ut diuisibili in partes subiectiuas, quippe quæ sunt alterius rationis à partibus totius quantitatuui: Illæ enim non sunt in toto, antequam diuidatur actu, sed tantum potentiâ: Hæ autem insunt actu. Antequam enim continuum diuidatur in tres pedes, oportet fuisse actu longum tribus pedibus. Præterea, de partibus subiectiuis totum vniuersale prædicatur in recto; ut cùm, dico hominem vel Leonem v. g.

Discrimen inter diuisionem totius vniuersalis in partes subiectiuas, & totius quantitatuui in partes integrantes.

quantitatiuis totum non effertur in recto : falsum est enim caput v. g. esse corpus, sed esse quid corporis. Quod etiam verum est de partibus totius quantitatiui homogenei : Licet enim hæc aqua sit aqua, v. g. non est tamen illa tota aqua quæ diuisa est. Et certè in diuisione totius quantitatiui homogenei, reperitur concursus diuisionis totius vniuersalis in partes subiectiuas; & tunc per accidens, scilicet propter concursum itarum duarum diuisionum, contingit partes illorum diuisorum esse eadem saltem denominatione; tamen in re ipsa non sunt eadem, quia respectu totius quantitatiui sunt partes integrales, & respectu totius vniuersalis sunt partes subiectiuæ. Itaque siue quantitas sit ratio diuisibilitatis in plura eiusdem rationis, siue in plura distinctæ rationis (neutrum enim illi repugnat, vt patet in toto homogeneo, & toto heterogeneo) cum dicitur beneficio quantitatis aliquid esse diuisibile in plura eiusdem rationis; illud nec fideliter ex Philosopho, nec appositè dicitur. Non quidem fideliter, vt patet ex verbis Philosophi. Non etiam appositè. Quia quod diuiditur ratione quantitatis, non diuiditur in partes in quibus includatur ratio diuisi, sed in partes quæ in fuerunt diuiso, & quæ habent rationem vnam, non illius, sed alicuius communis illi toti & ipsis : Species autem diuiditur in partes eiusdem rationis, quarum quælibet includit rationem diuisi, & non aliquid aliud alterius rationis commune diuiso

& diuidentibus.

Per hæc patet quid dicendum sit ad subsumptiones.

Sunt & alia quædam argumenta & apud Doctorem Subtilem, & apud Ioannem de Bafolis, quæ omitto, tum quia solui possunt ex dictis hæcenus; tum quia vereor ne in his longior sim quam par sit.

Septima Conclusio.

Nullum accidens indiuiduatur per subiectum, aut per habitudinem ad subiectum. Conclusio ipsæ probatur rationibus, quibus superiori probatum est nullam substantiam materialem indiuiduari per accidens. Nimirum tum quia in quacunque coordinatione prædicamentali, sunt omnia pertinentia ad illam coordinationem, circumscripto omni alio quod non est essentialiter aliquid illius coordinationis : Tum quia in quolibet coordinatione prædicamentali, circumscripto omni alio alterius coordinationis, inuenitur ratio speciei, & ratio indiuidui per se recipientis prædicationem suæ speciei.

Specialiter tamen probatur prior pars conclusionis hac ratione. Differentia indiuiduans debet esse intrinseca indiuiduo : sed nullum subiectum est intrinsecum huic accidenti, puta huic albedini; tum quia potest ab illo separari remanens hæc albedo; tum quia satis intelligitur quomodo concurrat hoc subiectum cum hac albedine ad constituendum hoc album, quod est aliquid totum per accidens : Non

Nullum accidens potest indiuiduari per subiectum, nec per habitudinem ad subiectum.

potest autē intelligi quomodo cōcurrat cum eadem albedine, ad constituendam hanc numero albedinē. Ergo subiectum non est principium indiuiduationis accidentium, quæ in illo recipiuntur.

Probatur item secunda pars. Accidentis separatum non inagis habet habitudinem ad suum subiectum quàm ad aliud: est enim naturā suā indeterminatum ad quoduis subiectum informandū. Est tamen vnū numero; Ergo non est vnum numero per hanc habitudinem ad hoc numero subiectum. Idem dici potest de accidente actualiter inhærente, quod licet sit in hoc numero subiecto; naturā suā tamen non ita petit hoc numero subiectum, vt aliud non potuisset informare, si in eo ab agentibus naturalibus productum fuisset. Ergo habitudo huius accidentis ad hoc numero subiectum, quod actualiter informat, est potius refundenda in causas naturales extrinsecas, quàm in ipsius naturam accidentis, quodquidem naturā suā, etiam vt est vnum numero, æquē aptum est informare aliud subiectum si in eo produceretur, ac illud quod actualiter informat, & in quo productum est.

Opposita sententia à nemine ferē teneatur, præterquam à D. Thoma 1. p. q. 50. art. 4. & alijs in locis, & ab aliquibus Thomistis, Cuius præcipua fundamenta sunt, quia totum esse accidentis est in ordine ad subiectum: & quia duo accidentia solo numero distincta reperiri æqueunt in eodem subiecto; ex

quo deducitur signum esse illa indiuiduari per subiectum. Sed vtrumque fundamentum istud negatur. Licet enim accidentis naturā suā dependeat à subiecto, cum hoc tamen stat entitatem accidentis esse realiter & essentialiter aliam ab entitate illius dependentiæ à subiecto. Quia illa dependentia est posterior accidenti, vt alijs dicemus. Similiter contingit aliquando plura accidentia solo numero distincta reperiri in eodem subiecto, vt sunt multæ species intentionales, & multæ relationes, & vno verbo, plura accidentia tūm respectiua, tūm absoluta, modò non educantur è potentia subiecti per motum. Quò fit vt ratio præcisè ob quam duo accidentia solo numero distincta aliquando reperiri non possint in eodem subiecto, non sit quia indiuiduantur à subiecto; sed quia educuntur è subiecto per motum, vt docet Doctor Subtilis s. Metaphysic. q. 7. §. *Ad quæstionem ergo.* Sufficientiam autem istius rationis sic ostendit. Motus non est nisi in mobili disposito dispositione oppositæ formæ inducendæ, vt contraria vel vt media: Nam omnismotus est inter contraria vel media ex s. Physic. Sed si agens inueniat in mobili formam eiusdem speciei formæ suæ, non inuenit ipsum sub dispositione opposita. Ergo non mouet ipsum simpliciter, inducens aliam formam, sed augebit præexistentem in mobili: Istam tamen dispositionem ad aliam occasionem remitto, quia non potest nunc pro dignitate explicari.

Plura accidentia possunt esse in eodem subiecto, modò non educantur per motum.

Ostensa conclusio.

Existē-
tia non
est prin-
cipium
indiui-
duatio-
nis.

NVlla natura tūm substan-
tialis, tūm accidentaria est
indiuidua per existentiam. Con-
clusio est Doctoris Subtilis in 2.
distinct. 3. qu. 3. & ita probatur.
Primò: Quod non est ex se dis-
tinctum, nec determinatum,
non potest esse primum distin-
guens vel determinans aliud: sed
esse existentie eo modo quo dis-
tinguitur ab esse essentie, non
est ex se distinctum nec determi-
natum; non enim esse existentie
habet proprias differentias alias à
differentiis esse Essentie: quia
tunc oporteret ponere propriam
coordinationem existentiarum a-
liā à coordinatione essentiarum;
sed præcisè determinatur ex de-
terminatione alterius; igitur non
determinat aliquid aliud: Ergo
non est differentia indiuiduationis,
quia omnis differentia indi-
uiduans determinat aliud.

Confirmatur, quia Existentia
non est magis de se hæc quàm
Essentia: Ergo sicut Essentia de
se est indeterminata; ita Existen-
tia.

Præterea, Existentia supponit
coordinationem prædicamenta-
lem: quia per accidens est quoddam
res existant, ad hoc ut reponan-
tur in categoriis. Ergo per ac-
cidents quoque quoddam indiui-
duum existat, ad hoc ut repona-
tur subijcibiliter in prædicamen-
tis. Ergo non constituitur in ratio-
ne indiuidui per existentiam.

Obijcitur 1. Illud est prin-
cipium indiuiduationis, ad quod
generatio primò terminatur: quia
ad indiuiduum ut singulare est

& hoc, primò terminatur gene-
ratio. Sed hoc est esse existen-
tie: quia esse existentie est esse
in actu: generatio autem termi-
natur ad esse in actu. Ergo exi-
stentia est principium indiuidua-
tionis. Respondetur negando ma-
iorem. Generatio enim termina-
tur ad aliquid singulare actu
existens, non autem ad id quod
est principium constitutum il-
lius singularis, & distinctum
eiusdem ab omni alio. Ad con-
firmationem dico generationem
terminari ad indiuiduum, ut sin-
gulare est & hoc, singularitate
opposita vniuersalitati; quia res
non generantur ut vniuersales
primò: Non autem singularita-
te distinguente hoc singulare si-
gnatum ab altero; quia si esset
tantum vnicum indiuiduum ge-
nerabile in rerum natura, gene-
ratio terminaretur ad ipsum, &
non tamen quatenus esset sin-
gulare singularitate distinguente
ipsum à quolibet alio, quia ex
hypothesi, nullum esset aliud pos-
sibile à quo distingui posset.

Obijcitur 2. Vltima vnitas rei
debet ei convenire per vltimum
actum, tanquam per proximum
& immediatum fundamentum.
Sed vnitas indiuidualis est vlti-
ma vnitas rei & perfecta: Esse
autem existentie est vltimus
actus. Ergo vnitas numerica &
singularis conuenit indiuiduo ra-
tione existentie. Ergo existentia
est principium indiuiduationis;
quia proximum & immediatum
fundamentum vnitatis numeri-
cæ, est principium indiuidua-
tionis. Respondeo concessa maiore
sanè intellectā; distinguendo mi-
norē, scilicet existentiam esse vl-

Solutio

Obie-
ctio 1.

Sola:

Obie-
ctio 1.

Quo-
modo
existen-
tia sit
vltimus
actus.

tinuum actum posteriore coordinatione prædicamentali, verum est; pertinentem per se ad ordinem prædicamentalem, nego: actus autem quem sequitur vnitas indiuidualis, debet per se spectare ad coordinationem prædicamentalem, si non directè, saltem vel reductiue, vel collateraliter, vel alio modo: Ideoque vnitas indiuidualis non sequitur existentiam, sed differentiam indiuidualem, quæ est aliud ab existentia.

Obie-
ctio 3.

Obijciatur 3. Esse in actu quod est existere, & esse in intellectu sunt opposita. Similiter vniuersale & singulare seu indiuiduum sunt opposita. Sed per esse in intellectu res est vniuersalis. Ergo per esse in actu res est indiuidua & singularis. Ergo per existentiam est singularis.

Solutio

Respondeo quidquid sit de maiore, ad minorem, rem non esse vniuersalem præcisè per esse in intellectu, tanquam per proprium & immediatum principium vniuersalitatis, vt patet ex alijs dictis, licet tamen in intellectu sit vniuersalis: Ideoque stando semper in hac comparatione vnus ad aliud, res non est etiam singularis & indiuidua seu vna numero præcisè per esse in actu, tanquam per proximum & immediatum principium singularitatis seu indiuiduationis, licet existens in actu sit singularis. Vnde sicut rei vniuersalis existentis in intellectu vniuersalitatis proximum & immediatum principium est vnitas, præcisio, aptitudo, & comparatio actualis naturæ cum suis inferioribus, & non ipsum esse in intellectu: Ita rei

singularis existentis in actu, singularitatis seu indiuiduationis proximum & immediatum principium est realitas aliqua assignanda sequenti conclusione: Non autem ipsum esse in actu, seu ipsum existere præcisè. Sic itaque minor negari debet.

Ultima Conclusio.

P Principium indiuiduationis vniuscuiusque rei est vltima realitas eiusdem rei vltimè determinans ipsam, & constituens eam in ratione rei singularis & indiuiduæ, cui scilicet repugnat non esse hoc signatum, & esse diuisibile in plura, tanquam in partes subiectiuas: quæquidem realitas non quidem à Scoto (vt multi falsò comminiscuntur) sed primum ab eius discipulo Ioanne de Bassolis, & postea à nostris Scotistis hæcceitas dicta est. Hæc sententia est Doctoris Subtilis in 1. dist. 3. qu. 6. & omnium eius discipulorum, & nunc est communis in Vniuersitate Parisiensis. Eam etiam tenet Fonseca 3. Metaphysic. cap. 6. qu. 5. quamquam sectione immediatè præcedente in fine, re non satis consideratâ, nonnihil detrahat gloriæ Doctoris Subtilis, cum dicit eam non tam veritatem huius rei inuenisse, quàm planius tradidisse. Equitatis est vicique reddere quod suum est: Si non prior inuenit, proferatur alius eiusdem veritatis primus inuentor. Sed antequam probemus istam conclusionem: prius explicemus illam. Sententia itaque Doctoris Subtilis est vnamquamque naturam creatam, tùm simpli-

Deter-
minatur
quid sit prin-
cipium indi-
uiduationis.

Expli-
catur conclu-
sio.

cem tùm compositam, habere varias realitates, quarum aliæ sunt communes illi & alijs, & aliæ ita propriæ isti naturæ, vt nullis alijs competant: priores sunt realitates quidditatiuæ & determinabiles, posteriores sunt realitates indiuiduales & determinatiuæ: tamen istæ realitates non distinguuntur ab inuicem realiter, nec etiam solum per rationem, saltem ratiocinatem; sed formaliter. Vltima autem omnium istarum realitatum, quæ subijciuntur omnibus alijs, ea est principium indiuiduationis; quia illa determinat omnes alias realitates, & ipsa non est ulterius determinabilis: sed est vltimè determinatiua, & primò per se incommunicabilis, & signata, & hæc. Vnde cum illis realitatibus determinatis constituit indiuiduum & singulare, & hoc signatum, & indiuisibile in plura tanquam in partes subiectiuas. Exemplo alicuius naturæ singularis v. g. Petri, res fiet manifesta. In Petro siquidè, sunt plures realitates seu gradus, putà substantialitas, corporeitas, animalitas, humanitas, & Petreitas. Priores realitates omnes sunt quidditatiuæ, communes multis, & determinabiles: sola Petreitas (hoc enim barbare nomine cogimur differentiam Petri circumscribere) est vltimè determinatiua, per se primò singularis & incommunicabilis: vnde cum prioribus realitatibus, à quibus tantum formaliter distinguitur, constituit Petrum in ratione Petri, hoc est, in ratione huius signati indiuidui. Tota autem ista doctrina partim manet probata ex confutatione omnium

aliarum opinionum; partim supponit fundamentalem Doctrinam nostræ Scholæ de distinctione graduum superiorum ab inferioribus, & de vnitate naturæ minore vnitate numerica, partim adhuc ita suadetur.

Primò. Sicut vnitas in communi consequitur per se entitatem in communi: Ita vnitas quæcumque consequitur per se aliquam entitatem. Ergo vnitas simpliciter, qualis est vnitas numerica, si est in entibus, vt omnis opinio supponit, consequitur per se aliquam entitatem in re existentem. Sed talis vnitas non sequitur entitatem naturæ specificæ; quia hæc habet vnitatem propriam minorem vnitate numerica, vt dictum est: Ergo sequitur aliam entitatem realem. Sed nulla excogitari potest entitas quam consequatur talis vnitas, nisi realitas illa vltima vniuscuiusque rei: quia omnis alia vel est specifica, vel est extrinseca rei, & ad aliud genus pertinens: differentia autem indiuiduans debet esse eiusdem generis cum natura cuius est differentia. Ergo vnitas numerica sequitur illam vltimam realitatem vniuscuiusque rei: ergo illa est principium indiuiduationis; quia vnitas numerica sequitur principium indiuiduationis.

Præterea: Omnium per se differentium in aliquo genere, oportet necessariò reducere differentias in aliqua primò diuersa illius generis: alioquin esset progressus in infinitum, vel ea quæ differunt essent ex se primò diuersa, quod est impossibile, ex 10. Metaphysic. Sed indiuidua

Probat
tur con-
clusio.

cuiuscumque generis sunt per se differentia in tali genere; quia in aliquo illius generis conueniunt, & in aliquibus differunt. Igitur oportet quoddam reducantur differentie ipsorum in aliqua primo diuersa illius generis: Ista autem primo diuersa non possunt esse nisi differentie indiuiduales ad tale genus pertinentes, ut patet discurrenti per omnia alia. Tales autem differentie non possunt esse nisi illae vltimae realitates quarumcumque rerum. Ergo differentia indiuiduas vniuscuiusque rei est vltima realitas eiusdem.

Præterea. Non minus contrahitur natura ad indiuiduum per aliquid posituum eiusdem generis, quam genus ad speciem. Quia sicut genus est in potentia ad speciem, tanquam ad aliquid per se inferius sui generis; ita etiam species ad indiuiduum. Sed genus contrahitur ad speciem per aliquid posituum reale sibi additum, & sui generis, ad quod ipsum est in potentia, puta per differentiam specificam; Ergo & species ad indiuiduum per differentiam posituam realem proprii generis, quæ est indiuidualis & constituens indiuiduum, sicut illa constituit speciem. Illa autem differentia indiuidua eiusdem generis, nihil potest esse aliud quam illa vltima realitas vniuscuiusque rei; quia omnis alia differentia vel est specifica & non singularis, vel est alterius generis. Ergo vltima realitas vniuscuiusque rei, est differentia indiuidualis eiusdem.

Itaque iuxta hanc doctrinam, vltima realitas vniuscuiusque rei

est propria differentia indiuidualis eiusdem. Sic vltima realitas materię v. g. est differentia indiuidualis materię; vltima realitas formæ, differentia indiuidualis formæ; vltima realitas accidentis, differentia accidentis; vltima realitas compositi, differentia indiuidualis compositi, & sic de reliquis entibus tam substantialibus, quam accidentalibus, tam spiritualibus, quam corporeis.

Nec refert quoddam Scotus dicat differentiam indiuidualem sumi ab hac vltima realitate: Non enim hoc dicit, quasi velit istam vltimam realitatem non esse ipsammet differentiam indiuidualem: etenim non puto illum voluisse distinguere hæc duo à se inuicem, cum ad hoc nulla necessitas impellat; sed tantum voluisse differentiam indiuidualem sumi ab hac vltima realitate, id est, illam vltimam realitatem esse assumendam pro vera & propria differentia indiuiduali.

Non rectè igitur Philosophatur Fauentinus, cum dicit differentiam indiuidualem totius compositi, esse desumendam ab vltima realitate formæ: licet enim forma actuet materiã in ordine ad constituendum compositum physicum: non sequitur tamen quod eodẽ modo vltima realitas formæ actuet vltimam realitatem materię in ordine ad constitutionem indiuidui: quia illa actuatio quam habet differentia indiuiduans, respicit naturam totam specificam. Est igitur petenda ab vltima realitate totius compositi, seu vltima realitas totius com-

Differentia indiuidualis est vltima realitas indiuidui.

positi est ipsamet differentia indiuidualis. Hoc confirmant verba Scoti: dicit enim loquendo de ista vltima entitate seu realitate: *Est vltima realitas entis quod est materia, vel quod est forma, vel quod est compositum.* Ita quod differentia indiuidualis totius compositi, est vltima realitas entis quod est compositum.

Contra hanc conclusionem & rationes Doctoris Subtilis obijcit 1. Cajetan. de ente & essentia cap. 2. q. 4. Actus singularis supponit potentiam singularem: Hæcceitates Sortis & Platonis sunt actus quidam singulares. Ergo supponunt potentias singulares. Ergo non reddunt illas, singulares. Maior patet ex 1. Physic. c. 3. text. 36. vbi Aristoteles docet formam singularem supponere materiam singularem. Par autem est ratio in quocumque actu & potentia.

Respondeo maiorem esse falsam: Nec confirmationem esse ad propositum: Cum enim res non generentur in communi, oportet hanc numero formam recipi in hac materia: Adde quod munus formæ Physicæ non est reddere materiam singularem: At quando actus est id quo aliud est tale, non oportet potentiam esse talem seu similis rationis: quomodo v. g. quia forma specifica tribuit esse specificum toti speciei, non supponit potentiam suam, genus scilicet, habere esse specificum. Sic, quia differentia indiuiduans est id quo aliud est indiuiduum & singulare, non supponit potentiam suam singularem, alias nullum haberet effectum.

Obijcit 2. Quidquid conuenit vni indiuiduo, & repugnat alteri eiusdem speciei, supponit illorum distinctionem. At hæcceitas Socratis conuenit Socrati, & repugnat Platoni: Ergo supponit distinctionem Socratis à Platone. Non est igitur principium indiuiduationis Socratis. Respondeo maiorem esse falsam vbi quod conuenit, conuenit efficiendo ipsammet distinctionem illius cui conuenit ab alio, vt in proposito. Et certè. Simile argumentum fieri posset in speciebus: Quod conuenit vni speciei, & repugnat alteri, supponit illarum distinctionem; rationale conuenit homini & repugnat equo; Ergo supponit distinctionem hominis ab equo. Patet maiorem esse falsam. Vnde dicendum est: Quod conuenit vni indiuiduo & repugnat alteri, supponit vel efficit eorum distinctionem: Hæcceitas Socratis conuenit Socrati & repugnat Platoni. Ergo supponit vel efficit distinctionem Socratis à Platone. Hoc pacto valet ratio, sed nihil tenet Caietanus.

Obijcit 3. Illa quæ sunt principia indiuiduationis, sunt seipfis primò diuersa. Hæcceitates Sortis & Platonis non sunt huiusmodi. Ergo non sunt principia indiuiduationis. Maior est Scoti: Minor probatur: Id quod conuenit magis cum vno quàm cum alio, non est primò diuersum ab eo cum quo magis conuenit. Sed hæcceitas Platonis magis conuenit cum hæcceitate Sortis, quàm cum hæcceitate albedinis. Ergo hæcceitates Sortis & Platonis

Obie-
ctio 1.
ex Ca-
ietano.

Solutio

Solutio

Obie-
ctio 1.

Solu-
tio 1.

non sunt primò diuersæ. Multis iterum probat Minorẽ istam. Respondeo tamen primò cum Scoto, principia indiuiduationis non omninò non conuenire, sed non conuenire quidditati. Dico secundò hæc-ccitates Sortis & Platonis non magis conuenire quàm hæc-ccitates Sortis & albedinis ratione sui præcisè; magis tamen conuenire ratione alterius, nimirum naturæ in qua reperiuntur: vnde illa conuenientia non est formalis & propria ipsis hæc-ccitibus, sed identica & extrinseca rationibus earum quatenus hæc-ccitates sunt.

Obie-
ctio ex
nostro
Ioanne
de Bas-
solis.

Obijcit postmodum noster Ioannes de Bassolis inconueniens aliquod de toto homogeneo, v. g. de aqua, quomodo adueniunt guttis separatis nouæ hæc-ccitates, & quomodo pereunt, cùm illæ reuniuntur toti aquæ: Non videtur enim posse remanere; quia ex multis guttis fit tantum una aqua, & tamen remanent istæ guttæ, quia non pereunt; & sic peribunt rationes indiuiduantes non pereuntibus ijs quorum sunt rationes, seu principia indiuiduationis, quod est inconueniens. Respondetur tamen nec guttis separatis nouas accedere hæc-ccitates, nec ijsdem reunitis aliquas deperdi: singulis enim partibus totius homogenei, siue existant in toto, siue separatæ sint à toto, singulæ respondent hæc-ccitates vtroque distinctæ, sed non vtroque diuise: quæ cùm sunt in toto, constituunt differentiam

Solu-
tio.
Quo-
modo
partes
totius
homo-
genei
seruent
suas
hæc-cc-

indiuidualẽ totius, eo modo quo partes illæ in toto, constituunt totum. Nec ex hoc sequitur unitatem totius aquæ esse minorem unitate singularum guttarum; quia unitas totius aquæ est unitas integra: unitas autem vniuscuiusque guttæ, est unitas partialis. Si vrgeas quamlibet partem totius homogenei fortiri rationem totius; admitto absolute, sed non comparatè: quod sufficit vt unitas eius simpliciter dicenda non sit unitas totius. Adde quòd ea est homogeneorum natura, vt inter tota ipsa dentur latitudines.

Obie-
ctio ali-
ex eodẽ

Obijcit præterea difficultatem de hæc-ccitate relationis, an scilicet sit relatiua vel absoluta; & si sit relatiua, quis sit eius terminus? Sed breuiter dicitur eam esse relatiuam non formaliter, sed identicè, ratione scilicet naturæ relatiuæ cuius est hæc-ccitas: vnde non potest alium habere terminum quàm terminum ipsiusmet relationis, cuius est differentia indiuiduans.

Solu-
tio.

QVÆSTIO VII.

Quid sit Vnitas transcendentalis?

Conclusio.

Quid
sit voi-
casual-
et den-
talis.

VNITAS trans-
cendentalis est
vnitas, quæ con-
sequitur ens qua-
tenus ens est, seu
in sua abstractione
ne spectatum :

Probatur. Proprietates alicuius subiecti, insunt ipsi, & consequuntur ipsum in tota sua latitudine & abstractione spectatum : Sed vnum est proprietas Entis. Ergo consequitur Ens in tota sua amplitudine & abstractione acceptum. Minor est certa. Maior patet discurrendo per omnes passionem omnium subiectorum. Motus enim, v. g. consequitur corpus naturale, quatenus corpus naturale, seu secundum suam abstractionem spectatum. Et quemadmodum corpus naturale secundum se, non supponit immediatè pro cælo, planta, terra, aut aliis inferioribus ; sed pro corpore naturali in se, abstracto seu per intellectum, seu ex natura rei, ab his omnibus : Ita motus vt est proprietas corporis naturalis, non supponit primò & immediatè pro motu cæli, aut aeris, aut alterius corporis naturalis ; sed pro ratione motus in se, seu per intellectum, seu ex natura rei, præcisè ab inferioribus motus. Similiter quemadmodum

Ens non supponit immediatè, & primò pro particularibus Entibus ; sed pro ipsa ratione seu conceptu Entis, siue secundum se, siue per intellectum præcisè ab illis : Ita vnitas transcendentalis, quæ est propria passio Entis, non supponit immediatè pro hac aut illa vnitate huius vel illius Entis, putà hominis vel lapidis, sed pro ipsa vnitate in se correspondente rationi Entis in se.

Et certè miror Franciscum Suarem tom. 1. Metaphysic. disput. 4. sect. 9. num. 14. & Fonseca lib. 5. Metaphysic. cap. 13. quæst. 3. sect. 1. in principio, aliter sensisse ; cùm dicunt vnitatem transcendentale nihil aliud esse quàm indiuisiorem quæ sequitur conceptum obiectuum Entitatis cuiusvis rei, siue communis vt hominis, siue singularis vt Socratis, siue completæ vt compositi naturalis, siue incompletæ, vt formæ substantialis aut materiæ. Nam quemadmodum Ens immediatè & confusè supponit pro ratione Entis, & mediatè ac distinctè significat particularia entia ; ita etiam vnum immediatè & confusè significat ipsam rationem vnius secundum se ; mediatè autem & distinctè, cùm scilicet consequitur particularia entia, significat particulares rationes huius aut illius vnitatis.

Porro, licet omnis vnitas sit principium alicuius numeri ; non tamen omnis est principium numeri propriè dicti : voco enim numerum propriè dictum cum qui ex solis vnitatibus singularibus coalescit : Vnde licet vnitas naturæ sit principium illius nu-

Dissen-
timus
hic à
Fran-
cisco
Suare,
& à Fō-
seca.

Omnis
vnitas
est prin-
cipium
alicuius
numeri.

Sola
vnitas
nume-
rica est
princi-
pium
numeri
proprie
dicti.

meri, quo plures numerantur essentia, & dicuntur natura hominis, v. g. & natura lapidis esse duæ essentia. Tamen sola vnitas singularis est principium numeri proprie dicti, siue illa sit vnitas substantialis, aut alia, siue quantitativa. Vnitas autem quantitativa peculiariter est principium numeri quantitativi, quiquidem oritur ex diuisione continui. Et hoc est discriminis inter hanc & cæteras vnitates numericas, quodd hæc in ceteris rebus quantitate affectis sit tantum accidentaria & extrinseca, eo modo quo quantitas est illis accidentaria & extrinseca; aliæ autem vnitates numericae sint intrinsecae iis rebus quarum sunt vnitates, quia quidquid est, intrinsece est vnum; imò etiam ipsa quantitatis vnitas quæcumque illa sit, est ei intrinseca.

Præterea, quia vnitas quantitativa negat diuisionem continui: Vnitas autem omnis alia numerica negat diuisionem ortam ex contradictione, vt obseruat Anthonius Andreas decim. Metaphysicor. quæst. 3. quia enim hoc Ens non est illud Ens, sit vt vnum dicatur. Denique quia vnitas quantitativa in sola quantitatis categoria reperitur; vnitas autem omnis alia numerica per omnes categorias diuagatur: Vnde & transcendentalis dici potest, non quodd sit ea quæ sequitur Ens ipsum immediate; sed quia ad nullum speciale Entis inferius coarctatur.

QVÆSTIO VIII.

Quomodo se habeant adinuicem vnum & multa?



Va hoc titulo sese offerunt tria breuiter examinanda. Primum, an vnum & multa sint membra di-

uidentia ens? Secundum, quomodo sibiinuicem opponantur? Tertium denique, quodnam horum sit primum? Ratio inuestigationis prioris est autoritas Aristotelis 10. Metaphysic. cap. 1. vbi dicitur diuidere Ens in vnum & multa. Ratio inuestigationis secundi est autoritas eiusdem, qui 4. Metaphysic. cap. 2. dicit illa opponi priuatiuè: Atque id lib. 10. cap. 1. aperit sentit opponi contrariè. Ratio inuestigationis tertij est iterum autoritas eiusdem 10. Metaphysic. cap. 4. vbi dicit multitudinem esse priorem vno.

Pro intelligentia prioris, prænotandum 1. Ens posse sumi duobus modis, primò secundum suam strictam & vnicam ac simplicem rationem Entis; secundò generalius & latius prout tam Ens per se quàm Entia per accidens complectitur, quo modo non vnam, sed plures dicit rationes.

Prænotandum 2. Pro intelligentia secundi, quatuor esse species oppositionis, nimirum contrariam, contradictoriam, relationem,

tiam, & priuatiam; & vnam quamque illarum specierum esse iterum vel propriam & strictam, vel impropiam & communem: Quæcumque enim opponuntur contrariè ex Aristot. non propriè & strictè contrariè opponuntur, vt patet de primis principiis, quæ quidem Aristoteles vult esse prima contraria; & tamen hoc intelligi nequit de vera & stricta contrarietate.

Prænotandum 3. Pro intelligentia eiusdem, aliqua quandoque opponi si spectentur secundum suas rationes, quandoque verò non opponi, si considerentur prout vnum illorum includitur in altero: Sic v. g. quinarium secundum suam rationem, videtur aliquo pacto opponi denario; tamen prout in eodem denario includitur, non ei opponitur.

Prænotandum 4. Pro intelligentia tertij, aliquid posse esse prius & posterius altero, alià & alià ratione; prius quidem secundum naturam, & secundum se; posterius verò secundum nos, & secundum rationem, quæ nobis innotescit, & vice versâ prius secundum nos, & posterius secundum naturam.

Prænotandum 5. Pro intelligentia eiusdem, vnum exprimi respectu nostri, vt sit id quod diuisum non est: & ita diuisio ingreditur rationem expressiuam eius, respectu nostri: diuisio autem arguit pluralitatem, & quidem talem qualis est ipsa diuisio; itaut si diuisio sit potentialis tantum, arguat etiam pluralitatem & multitudinem tantum poten-

tialem; si actualis, actualem, His positis sit

Prima Conclusio.

VNum & multa non possunt esse membra diuidentia Ens sumptum secundum se, & secundum suam vnicam & simplicem rationem. Probatur. Quotiescumque duo membra diuidunt aliquod superius secundum se sumptum, alterum illorum non potest esse reciprocum cum ipso: Patet exemplo quantitatit, quam quia diuidunt continuum & discretum, neutrum horum reciprocatur cum quantitate; aded quoddam tametsi omne continuum sit quantum; non tamen omne quantum est continuum: Ergo si vnum & multa sint membra diuidentia Ens secundum se, neutrum horum erit reciprocum cum ipso.

Vnum & multa non sunt membra diuidentia Ens secundum se.

Hoc autem colligitur ex dictis esse falsum: diximus enim ex Aristot. 4. Metaphysic. cap. 2. Vnum esse passionem Entis: omnis autem passio est reciproca cum suo subiecto. Et confirmatur ex Platone in Parmenide, dicente, *Neque Ens vni, neque vnum Enti deesse, sed duo hæc potius per omnia coaquari.* Ergo vnum & multa non sunt membra diuidentia Ens secundum se. Restat itaque vt si Ens diuidatur in vnum & multa, ista diuisio non sit Entis secundum se, & secundum suam vnicam & simplicem rationem accepti; quia reuera multa quatenus multa, non sunt Ens, sed Entia: sed potius sit diuisio Entis, vt comprehendentis tam Ens, quam Entia; seu tam Ens secundum suam rationem spectatum, quam

Ens secundum quid, & per accidens. Addunt aliqui Ens diuidi posse in vnum & multa, ex eo quoddam omne vnum, saltem creatum, sit aliquo modo multa, vel potestate vel continuum, vel actu, vel compositum, vel alio modo; & vice versa, multitudo sit aliquo modo vna: Quam ratione dixit Diuus Dionysius cap. ultimo de diuinis nominibus, non esse multitudinem quæ non participet aliquo modo vnitatem: Nam quæ sunt multa partibus, sunt vnum toto; & quæ sunt multa accidentibus, sunt vnum subiecto.

Secunda Conclusio.

VNum & multa secundum suas rationes, & non prout vnum illorum includitur in altero, opponuntur, non contradictoriè, nec priuatiuè, nec relatiuè, sed contrariè, non tamen strictè & maximè propriè contrarietate. Omnes partes huius conclusionis sunt Anthonij Andree 10. Metaphysic. quæst. 2. & probantur. Ac imprimis quoddam vnum & multa opponantur est Aristotelis sententia 10. Metaphysic. cap. 4. & quoddam non opponantur prout vnum illorum includitur in altero, nimirum vnum in multitudine (multitudo enim est vnitatum aggregatio) patet: Quia multitudo ad constitutionem suæ entitatis requirit vnitates; opposita autem non se mutuo postulant ad sui constitutionem. Quoddam autem secundum suas rationes, nullo trium prædictorum modorum opponantur, ita ferè probat Doctor Subtilis in suis Commentarijs ad 4. cap. 10.

Quo-
modo
oppo-
nantur
& non
oppo-
nantur
vnum
& mul-
ta.

Metaphysicorum. Primum, non opponuntur contradictoriè, quia neutrum est negatio, & neutrum dici potest tam de Ente, quam de non Ente, vt patet; quia multitudo est Ens, sicut & vnum: contradictoriorum autem alterum semper dicitur tam de his quæ sunt, quam de his quæ non sunt, vt lapis, non lapis: Non lapis enim dicitur tam de Ente, quam de non Ente. Non opponuntur etiam priuatiuè: quia vnum non dicit priuationem alterius, sed ambo sunt positiua. Non opponuntur etiam relatiuè, quia vtrumque est Ens ad se, nec vnum refertur ad aliud. Restat itaque quoddam opponantur contrariè, quia non est alius modus oppositionis. Ista autem oppositio non est propriè contraria, quia difficile valde esset assignare in quo consisteret, sed est impropriè loquendo contraria; & certè rationes vnius & multorum videntur esse potius disparatæ, quam oppositæ.

Quoddam dicunt aliqui in fauorem D. Thomæ, ista dici posse opponi priuatiuè, inquantum nimirum vnum includit negationem diuisionis, quæ est de ratione multitudinis, & multitudo negationem identitatis seu realis coniunctionis, quæ est de ratione vnitatis, non potest esse verum, nisi dicatur istam mutuam inclusionem negationum esse tantum consequentem, & non constituentem naturas ipsas vnius & multorum. Non enim negationibus constituuntur vnum & multa, vt dictum est.

Prætermitti non debet id quod obseruat Doct. Subtilis loco nunc citato, nimirum vnum & multa,

si considerentur in ratione mensuræ & mensurabilis, dici posse etiam opponi relatiuè, quia mensura & mensurabile ad se referuntur, tametsi nõ mutuo. Vnum autem potest esse mensura respectu multitudinis, in quantum per rationem vnius, cognoscimus maiorem vel minorem, minus vel magis perfectam multitudinem.

Tertia Conclusio.

Quomodo vnum sit, & non sit prius quàm multa.

Secundum naturam vnum est prius multis, secundum nos verò multa sunt priora vno. Est Aristotelis 10. Metaphysic. cap. 4. *Quare ratione, inquit, prior multitudo indiuisibili propter sensum.* Est etiam Anthonij Andreæ ibi qu. 3. & Doctoris Subilis & Alexandri Alensis in suis Commentariis ad hunc locum. Et prior pars breuiter ita suadetur: Multitudo omnis vel componitur ex vnitatibus, vel oritur ex diuisione alicuius vnius, vel consurgit ex eo quodd aliquid est diuisum ab alio: Sed omnibus istis rationibus prior est multitudo vni tate; nam constituens, & id ex quo aliud oritur, sunt priora ijs quæ constituuntur & oriuntur.

Præterea, prius est aliquid esse indiuisum in se, quàm diuisum ab alio. Ergo simpliciter secundum naturam, vnum est prius multitudinem.

Secunda pars probatur: Quia in ratione expressiua vnius, respectu nostri, ponitur diuisio, cum dicitur vnum esse quid indiuisum in se, & diuisum à quouis alio: ex diuisione autem multitudo sequitur. Ergo secundum nos, multitudo est prior vnitatem.

Idem dici debet de diuisibili, & indiuisibili, quidquid reclamant Caietanus 1. part. qu. 11. art. 2. Soncinus 4. Metaphysic. qu. 23. & alij quidam. Namque propter easdem rationes, indiuisibile secundum naturam, est prius diuisibili. Diuisibile autem secundum nos, seu propter sensum, vt loquitur Arist. est prius indiuisibili.

Quomodo indiuisibile sit prius diuisibili.

Obijcitur ex Caietano: Assertio secundum naturam, est prior negatione. Multitudo & diuisibile dicunt affirmationem; vnum autem & indiuisibile dicunt negationem. Ergo multitudo & indiuisibile sunt priora vno & indiuisibili. Respondeo concessa maiore, negando minorem. Vnum enim dicit formaliter aliquid positium, vt ostendimus: indiuisibile quoque secundum rem, dicit aliquid positium, licet nomine negatiue exprimat, sicut irrationale, inanimatum, &c. *ET HÆC DE FINO.*



SECUNDA PARS

TERTII CAPITIS

QUÆ EST DE VERO.

QVÆSTIO I.

Quot modis accipiatur nomen veritas?



Ius Aug. disputans contra Academicos, li. 3. c. 3. inter alia multa, quibus eorum errorem confutat, quo dicebant nos nullam de re quam habere posse certam veritatem; sed omnes nostros conatus nihil planè de rebus omnibus consequi posse, nisi vanas quasdam & incertas opiniones, dicit præsertim sapientis esse, nosse veritatem; & si quæ sapientia est, ut reuera est, eam in sola veritatis inuentione consistere. Philosophus etiam initio Metaphysicorum dicit hanc scientiam esse maximè veritatis contemplatricem. Ne igitur quod præcipui nostri muneris est, omittamus; postquam de vno disputauimus; proximum est, ut ad veri indagationem accedamus; tum demum de bono dis-

remus. Et quia tùm propter vocis ambiguitatem, tùm propter ipsius etiam rei obscuritatem, valdè difficile est certam de vero veritatem attingere; idèò varias huius nominis, *Veritas*, significationes subiiciemus, ut quodnam sit illud verum, quod est proprietas entis, & de quo maximè dicturi sumus, faciliùs percipiamus.

Conclusio.

Variæ sunt huius dictionis, *Veritas*, significationes. Patetbit discurrendo per singulas.

Imprimis *Veritatis* nomen significat primam & summam veritatem, quæ Deus est, de qua loquitur D. August. in præfatione in Psal. 123. his verbis: *Veritas immortalis est; veritas immutabilis est; veritas illud verbum est de quo dicitur. In principio erat verbum.* Ibi enim D. August. lo-

Varie significationes huius vocis, Veritas, referuntur.

Veritas Deus.

quitur de prima veritate, de qua simpliciter dici potest quoddam sit immutabilis, inquit Alexander Alenf. 1. p. q. 15. membro 8. Item conciones. in Psal. 30. circa medium: *Veritas est Deus, veritas nec quadrata est, nec rotunda, nec longa, ubique potens est, si cordis oculus ad eam pateat.* Item. 16. de Ciuit Dei c. 6. *Neque sibi ipsi sunt veritas (loquitur de Angelis,) sed creatricis participes veritatis: ad illam mouentur tanquam ad finem vita, ut quod non habent ex seipsis, capiant ex ipsa.* De eadem veritate loquitur fusc D. Anselmus libro de Veritate: vbi potissimum dicit illam esse causam omnium rectitudinum & veritatum: illius autem nullam esse causam: & explicat quo pacto id debeat intelligi idem Alenf. ibidem, memb. 9.

Veritas
Christi-
anus.

Secundò principaliter & frequentius in sacris paginis significat Christum. Ioan. 14. *Ego sum via, veritas, & vita: de qua multa habet D. August. tract. 39. in Ioannem, vbi potissimum explicat quo sensu dici debeat Pater Diuinus verax. Qui misit me verax est.* Ioan. 8. & Filius veritas. *Verax enim Pater, inquit, non ab ea veritate cuius partem cepit, sed quam totam genuit.* Item Tract. 41. in initio. *Veritas immutabilis est, veritas panis est, mentes reficit nec deficit, mutat vespertem, non ipsa in vespertem mutatur; ipsa est veritas Verbum Dei, Deus apud Deum unigenitus Filius.*

Accri-
burum
verita-

Tertiò sumitur veritatis nomen ad significandum specialiter attributum veritatis diuinæ, de

quo multa Theologi & Patres. tis di-
uinæ.

Quartò apud D. August. usurpatur satis frequenter, vt significet artem diuinam, seu diuinam mentem plenam ideis siue rationibus rerum formandarum aut formabilium: Sic lib. de vera Religione. c. 31. *Hæc est, inquit, illa incommutabilis veritas, qua lex omnium artium rectè dicitur, & ars omnipotentis artificis.* Et l. 4. Musica. *Veritas vocatur ars Dei supremi: veritate facta cuncta sunt, omniumque forma veritas.* Et fortè conformiter ad hæc, dicit D. Bonauentura in 1. dist. 35. q. 2. *ideas diuinas esse ipsam veritatem diuinam.*

Veritas
ars di-
uina.

Quintò sumitur ad significandam veritatem Euangelij, prædicationis, & verbi diuini, quo pacto sumitur Ioan. 8. *si veritatem dico vobis, quare non creditis mihi?* Et hæc veritas cum fide confunditur, & de ea loquitur D. Augustinus 12. Confess. c. 16. *Cum his enim volo coram te aliquid colloqui, Deus meus, qui hac omnia qua intus in mente mea non tacet veritas tua, vera esse concedunt: Nam qui hac negant, latrent quantum volunt, &c.* Et li. 2. de Sermone Domini in monte, c. 20. *Cum pro oppugnatoribus veritatis, porcos pro contemptoribus positas non incongruè accipimus.* Et alibi dicit pro ea mortem esse suscipiendam, vt æterna mors euitetur.

Veritas
prædi-
cationis.

Sextò, sumitur ad significandam veritatem moralem, quæ quis verbis & factis talem se demonstrat, qualis in se est. Hæc veraces dicimur, quemadmodum & mendacio mendaces; quod sit vt hæc veritas opponatur

Veritas
moralis.

tur mendacio. De hac videri poterunt quæ habet D. August. lib. contra mendacium ad Consensum.

Veritas
sumpta
pro fir-
mitate.

Septimò vsurpatur non incongruè ad significandam rerum stabilitatem & firmitatem; quo modo vsurpatur à D. August. lib. 83. qq. q. 31. cùm dicitur *veritas esse per quam immutata ea quæ sunt, aut fuerunt, aut futura sunt, dicimur.*

Vltimò vsurpatur ad significandam triplicem veritatē in Scholis vñtatissimam, nimirum rei, cognitionis, & signi, de qua triplici veritate multa dicit noster Alensis. 1. p. q. 15. memb. 3.

Veritas
rei.

Veritas rei dicitur communiter conformitas rei ad sua principia; sed de hac plura sumus inferiùs dicturi. Sufficiat nunc D. August. lib. 2. Soliloquiorum c. 5. de finisse verum seu veritatem rei, vt sit id quod est.

Veritas
cogni-
tionis.

Veritas cognitionis describitur conformitas intellectus ad rem intellectam. Et huic applicari potest id quod habet idem Aug. ibidem c. 4. cùm dicit *aliquibus videri verum esse, id quod, vt est, videtur.* De hac veritate præsertim loquitur lib. de vera Religione cap. 49. his verbis: *Quid ergo admirabilius, quid speciosius ipsa veritate, ad quam omnis spectator pervenire se cupere confitetur; cum vehementer ne fallatur inuigilat, & inde se iactat si quid acutus ceteris, & vinacis in spectando, cognoscat & inducet?*

Veri-
tas si-
gni.

Veritas signi describitur adæquatio vel conformitas signati ad suum signum; & de ea loqui videtur idem D. Aug. lib.

eodem de vera Religione. cap. 36. cùm dicit: *Si falsitas ex ijs est quæ imitantur unum, non inquantum id imitantur, sed inquantum adimplere non possunt: illa est veritas quæ adimplere potuit, & id esse quod illud est.* Hæc autem est totuplex, quotuplex potest esse signatum adæquabile, vel conformabile alicui signo: & quia oratio potest cõformari rei enuntiatæ, voluntas iudicio rationis, & actio suæ regulæ; hinc nascitur veritas orationis, voluntatis, actionis, & si quæ sint aliæ.

QVÆSTIO II.

Quid sit Veritas cognitionis?



Vamquam veritas cognitionis ad Metaphysicam non spectet, sed potius ad Physicum, sicut & veritas signi ad Logicum; quia illa in actionibus naturalibus intellectus; hæc in vocibus & orationibus potissimum reperitur. Quia tamen veritas rei, quæ sola transcendentalis est, & Metaphysicæ propria, absque veritate cognitionis præsertim, nequit intelligi, vt patebit. Ideò priusquam de veritate rei disseramus, operæpretium est aliqua de veritate cognitionis dicamus. Et quia Scotus noster ad eò feliciter & subtiliter & veraciter hanc materiam pertractavit in sua Metaphysica, lib. 6. q. 3. vt omnes tùm

veteres ; tum modernos Scriptores longo post se reliquerit interuallo ; ideo doctrinam eius nitar aperire , & eam quibusdam autoritatibus & rationibus confirmare.

De
qua ve-
ritate
cogni-
tionis
sit
agen-
dum.

Prænotandum autem imprimis nos hic non agere de veritate cognitionis , prout cognitio habet simpliciter rationem entis : Nam , hoc modo , idem iudicium est de veritate cognitionis , atque de veritate cuiuslibet alterius entis : Sed agere de veritate cognitionis , quatenus cognitio est , & quatenus tum veri , tum falsi capax est , seu agere de veritate quæ est in cognitione vel in intellectu , quæ longè differt à priori ; quia prior est considerationis Metaphysicæ , ista non sic. Præterea , prior sequitur semper cognitionem , sicut propria veritas vnumquodque ens cuius est veritas : posterior autem non sic ; quia potest esse cognitio falsa , & per consequens non habens istam veritatem de qua loquimur.

Con-
trouer-
titur ap-
sit veri-
tas in
simplici-
bus.

Prænotandum 2. Grauem esse controuerksam inter aliquos Modernos , an veritas cognitionis vnicâ ratione finiri possit ? Qui docent veritatem in sola cognitione complexorum reperiri , scilicet vel in conformitate cognitionis ad obiectum complexum cognitum , vel in conformitate obiecti complexi cogniti ad ipsam cognitionem ; consequenter dicunt veritatem cognitionis esse vnam speciem , & vna ratione exprimi posse. Qui verò docent etiam in cognitione incomplexorum , & simplicium apprehensione esse veri-

tatem , distinguunt consequenter inter veritatem cognitionis complexorum , & inter veritatem cognitionis incomplexorum ; quia putant veritatem cognitionis simplicis non posse esse eiusdem rationis cum veritate cognitionis complexæ.

Et certè negari non potest quin in compositione & diuisione , specialis aliqua reperiat veritas. Non enim sine causa Aristoteles 1. de Interpret. c. 1. 3. de anima. c. 7. 6. Metaphysic. c. 2. & lib. 9. cap. 10. specialiter dixit in sola mentis compositione & diuisione reperiri veritatem. Cum enim veritas incomplexa sit etiam aliqua veritas , necessum est , ex illis testimonijs , veritatem complexam , quæ in compositione & diuisione reperitur , esse specialiter aliquo modo veritatem.

Prænotandum autem 3. Diligenter id quod habet Alexander Alensis in istud noni Metaphysic. cap. ultimo. Certè illud quidem verum , hoc verò falsum est. *Attingere namque ac dicere verum est : Non enim est idem affirmatio & dictio. Non attingere verò est ignorare.* Notandum est , inquit , quodd veritas intellectus duplex est : vna enim veritas intellectus , est scire simpliciter quidditatem ; alia veritas est , scire quidditatem de re cuius est quidditas. Aliter enim dicitur intellectus verus , ex eo quodd capit quid est humanitas : Aliter ex eo quodd affirmat humanitatem de eo cuius est humanitas , putà de Sorte & Platone ; sicut etiam aliter dicitur intellectus verus , ex eo quodd capit quid est albedo ; & aliter ex eo quodd

Duplex
veritas
ex Ale.
si.

affirmat albedinem de eo cuius est albedo, dicendo hominem esse album. Primo enim modo dicitur verus, ex eo quod attingit naturam & quidditatem puram in se & simplicem: Secundo autem modo, ex eo quod illam quidditatem quam attingebat, referebat ad aliud cuius est: & quia illud attingere est ex hoc quod res repræsentatur intellectui; ideo dixit Philosophus quod veritas primo modo est in repræsentatione. Vbi notandum est, quod sicut est aliud definitio, & aliud propositio: ita aliud est repræsentatio, & aliud affirmatio: repræsentatio enim fit per definitionem; propositio autem per affirmationem: & sicut aliud est definire, & aliud affirmare; sic aliter est veritas apud intellectum definientem, & aliter apud intellectum affirmantem: quia primo modo veritas est, ex hoc quod intellectus capit quidditatem simplicem repræsentatam per definitionem: Secundo autem modo, ex hoc est ibi veritas, quod eandem veritatem reflexit ad illud cuius est. Hæc Alexander.

Quo-
modo
ex Sco-
to, veri-
tas sit
in sim-
plici-
bus,
& in
com-
plexis.

Doctor Subtilis addit in suis Commentariis ad eundem locum, & quæstione illâ 3. lib. 6. Metaphysic. verum in intellectu esse duplex, scilicet verum incomplexum, & verum complexum, secundum duplicem operationem intellectus, secundum quarum utramque, natus est conformari obiecto, ut mensuratum mensuræ, ex s. huius cap. de ad aliquid. Est autem inter istas veritates, inquit, una differentia, quia veritati incomplexæ non

opponitur falsitas, sed ignorantia, iuxta illud 3. de Anima, ubi dicitur quod intellectus circa quod quid est, semper est verus; sicut sensus circa proprium sensibile. Et hoc intelligendum est præcipue circa conceptum simpliciter simplicem. Voco autem conceptum simpliciter simplicem, qui non est resolubilus in alios conceptus, sicut est conceptus Entis, & conceptus ultimarum differentiarum. De tali ergo conceptu verum est illud 3. de Anima. Nam intellectus simplex circa conceptum non simpliciter simplicem, licet non possit esse formaliter falsus; potest tamen esse virtualiter falsus, apprehendendo scilicet aliquid sub determinatione non conveniente, sed repugnante sibi. Et hoc modo dicitur s. huius, cap. de Falso, quod est aliqua ratio in se falsa, puta ista: Animal rationale insensibile: & tamen illa ratio in se falsa est intelligibilis simplici apprehensione, licet ipsa non includat aliquod quid, nisi fortè quid nominis. Secundæ autem veritati, quæ est veritas complexa, opponitur ignorantia privatiuè, & falsitas contrariè, quando scilicet vniuntur ea quæ in re non sunt vnita. Hæc Scotus.

Prenotandum 4. quod quamvis veritas reperiretur solum in cognitione complexorum; dubitari adhuc posset an illa vnica ratione finiri possit. Nam triplex distingui potest obiectum complexum, cui potest actus intellectus esse conformis, nimirum principia necessaria, conclusiones necessariæ, & propositiones contin-

Tribus
modis
contin-
git ve-
rum co-
plexu.

contingentes : extrema principiorum necessariorum habent habitudinem quandam virtuales, cui actus intellectus potest esse conformis, formando vel actuales aliquam complexionem, inter illa, expressam per particulam, *est*, de tertio adiacente : & hæc habitudo non est causata per aliam priorem habitudinem, si modò principia illa non habeant evidentiam ex alijs, sed sint nota ex terminis. Extrema etiam conclusionum necessariorum habent naturalem habitudinem virtuales, antequam intellectus formet complexionem expressam per verbum, *est*, de tertio adiacente : sed illa habitudo est causata per habitudinem extremorum principiorum, ex quibus deducuntur istæ conclusiones. Propositionum etiam contingentium extrema habent aliquam virtuales habitudinem, antequam intellectus formet suam complexionem ; at illa habitudo non oritur ex natura extremorum, sed ex quadam causa extrinseca vniens illa extrema simul : v. g. huius propositionis contingentis ; *Petrus currit*, vel *Petrus est currens*, nō posset intelligi Petrus & cursum, quin statim intelligeretur cursum convenire Petro, quod falsum est : sed habitudo illa confurgit & ex voluntate Petri, quā liberè se determinat ad currendum, & ex alijs causis concurrentibus ad istum cursum. Istud autem triplex obiectum complexum natum est causare evidentiam, & per consequens veritatem sui, suo modo, in intellectu potenti ferri in ipsum. Eapropter meritò dubitatur an

propter varias illas habitudines quas habent ista obiecta complexa, vel potius extrema illorum ; variæ etiam sint veritates cognitionis eorum ?

Prænotandum 5. Quoddum duplex sit conceptus uniuscuiusque rei, nimirum formalis & obiectivus ; dubitari, an veritas cognitionis consistat in conformitate conceptus obiectivi, vel ad conceptum obiectivum ; aut potius in conformitate conceptus formalis, vel ad conceptum formalem. Durandus in 1. dist. 19. qu. 5. num. 13. vult quoddum in conformitate conceptus obiectivi ; itaut veritas apud ipsum, nihil sit aliud quàm conformitas eiusdem rei ut intellectæ, ad seipsam, ut est in re, & in actu. Eandem sententiam secutus est ex recentioribus Gabriel Vasquez 1. part. disp. 76. c. 1. & pro ea citantur Heruzus, Sconcinas, Iuellus, & alij. Alij dicunt quoddum in conformitate conceptus formalis ad rem ipsam, vel representatā, si per conceptum formalem intelligant speciem expressam representantam ; vel cognitam, si per conceptum formalem, intelligant ipsum actum intelligendi. Ita Caietanus 1. p. q. 16. art. 2. & Suarez tom. 1. Metaph. disput. 8. sect. 1. num. 3. & pro eadem sententia citantur apud ipsum D. Thomas, Ægidius, & alij. Quid autem de hac resentiatur Scotus dicetur.

Prænotandum 6. Dubitari adhuc posse, an veritas illa cognitionis dicat quid absolutum, vel quid respectivum : & si quid respectivum, an respectus ille sit realis, vel rationis ? Dicunt aliqui dicere

An veritas consistat in conformitate conceptus formalis vel obiectivi.

An veritas dicat quid absolutum, vel quid respectivum, & si respectus ille sit realis, vel rationis.

quid absolutū, dicunt alij dicere respectum: & eorum quidam respectum illum esse realem, alij verò esse rationis tantum. Hęc omnia resolventur sequentibus conclusionibus.

Prima Conclusio.

Veritas
reperi-
tur in
cogni-
tione
cōple-
xa in-
tellec-
tus.

Veritas reperitur in cognitione complexa, seu in secunda mentis operatione, siue illa sit compositio, siue diuisio. Hęc conclusio est aded certa, vt à nemine peripatetico sanæ mentis negari possit. Aded enim vrgent pro hac sententia Philosophi testimonia, vt etiam probare videantur non in alia actione intellectus, quàm in illa, veritatem cognitionis reperiri, vt etiam existimant multi, præsertim Durandus loco superius citato num. 14. & Gabriel Vasquez 1. part. disput. 75. cap. 2. quorum sententia est, veritatem intellectus in sola compositione & diuisione propriè reperiri. Addendo autem particulam illam, *propriè*, videntur in terminis ludere, vt ostendemus sequenti conclusione. Testimonia autè quibus nostra probatur cōclusio ex Philosopho, desumuntur potissimum ex lib. 1. de Interpretatione cap. 1. ex 3. de Anima cap. 7. ex 6. Metaphysic. cap. 2. & ex 9. c. vltimo.

Ratio autem esse potest, communis modus loquendi & sentiendi: Tunc enim aliquem existimamus veram alicuius rei cognitionem adeptum, quando iudicat eam ita esse, componendo, vel non esse, diuidendo, sicuti est, vel non est à parte rei: Quare non potest non esse veri-

tas in iudicio compositiuo & diuisiuo intellectus. Et ex hac veritate mentali, sequitur veritas vocalis propositionis vel affirmatiuæ, vel negatiuæ. Dixi in iudicio etiam diuisiuo. Quia non minùs est verus intellectus cùm diuidendo iudicat aliquid non esse hoc aut illud, si à parte rei non sit hoc aut illud; quàm cùm componendo iudicat esse hoc aut illud, si à parte rei sit hoc aut illud, v. g. æquè verus est intellectus iudicando per diuisionem, hominem nō esse equum, vel Leonem, quàm iudicando per compositionem, esse animal, vel substantiam: Ergo veritas cognitionis est æquè in vtroque iudicio tum compositiuo, tum diuisiuo intellectus. Et confirmari potest exemplo veritatis propositionum. Tam enim vera est propositio negans, v. g. ista: Homo non est equus, quàm affirmans, v. g. hæc: Homo est animal.

Obijcies. In hoc distinguitur veritas incomplexa à veritate complexa, vt dicemus sequenti conclusione ex Doctore Subtili, quod illa non habeat virtutalem conformitatem ante opus intellectus; Hęc autem habeat, v. g. veritas huius iudicij: *Homo est animal*, habet virtutalem conformitatem ante opus intellectus, quatenus extrema illa, homo, & animal, habent habitudinem aliquam, antequam intellectus formet suam complexiōnem. Ergo nulla debet esse veritas complexa seu alicuius complexi, cuius extrema non habeant conformitatem aliquam virtutalem, antequam intellectus formet suam

Obiectio

complexionem formalem; vt per hoc, veritas complexa distinguatur à veritate incomplexa: at extrema veritatis complexæ iudicii, diuisiui, non habent conformitatē, sed potius difformitatem: Ergo vel in iudicio diuisiuo non est veritas, vel non benè distinguit Scotus veritatem complexam à veritate incomplexa.

Solutio. Respondeo me dicturum aliqua sequenti conclusione de ratione distinctionis veritatis complexæ à veritate incomplexa. Sed interim, dico mentem Doctoris Subtilis non esse, ibi solum esse veritatē complexam, vbi extrema iudicii habent conformitatem: Nam etiam est veritas, vbi illa extrema habent difformitatem, modò illa apprehendatur per iudiciū diuisiuum. Propterea tamen non malè distinxit Scotus veritatem complexam à veritate incomplexa; quia si opposuit tantum veritatem complexam compositionis veritati incomplexæ; hoc idè fecit, quia veritas compositionis prior & notior est veritate diuisionis. Itaque, quemadmodum extrema veritatis compositionis habent aliquam habitudinem & conformitatem virtualem, antequam intellectus actu componat illa, ratione cuius conformitatis virtualis, dicitur intellectus verus, quando illa extrema ita componit apud se, sicut virtualiter sunt composita in re: Ita, extrema veritatis diuisionis habent aliquam difformitatem virtualem, antequam intellectus illa actu diuidat, ratione cuius difformitatis virtualis, dicitur intellectus verus, quan-

do nimirum illa extrema ita diuidit apud se, sicut virtualiter sunt diuisa in re.

Secunda Conclusio.

Negari non potest quin reperiatur aliqua veritas in simplici apprehensione. Probatur autoritatibus Aristot. In primis 3. de Anima c. 7. *Intellectus autem non omnis, inquit, sed intellectus ipsius quid est secundum quid-ditatem, est verus, non aliquid de aliquo, sed ut affectus proprii obiecti est verus.* Hanc sententiam ita interpretatur Scotus locis citatis, vt dicat velle Philosophum, veritatem etiam reperiri in simplici apprehensione ipsius quod quid est; non tamen illam quæ reperitur in enuntiatione alicuius prædicati de aliquo subiecto, sed aliam similem ei quæ sensus circa proprium sensibile, quod simpliciter apprehendit, verus esse dicitur. D. Thomas etiam in eundem locum, lect. u. ait, quod licet intelligibile incomplexum non sit neque verum neque falsum, intellectus tamen intelligendo ipsum, verus est, in quantum adequatur rei intellectæ. Pagius in suis Commentarijs ad eundem locum, ait: *secundum quid-ditatem intellectus est verus, id est, veritate simplici est verus: & subiungit: Nota est in scholis diuisio inter veritatem quæ est in intellectu simplici; ut cum concipit hominem, vel aliquid aliud, quod reuera est; & veritatem compositam quæ in affirmatione vel negatione spectatur.* Item 9. Metaphysic. cap. ult. distinguit Philosophus inter

Veritas reperi-tur etiā in simplici apprehensione.

verum simplex, & verum complexum; quod illud in representatione sit, hoc in affirmatione; illud ignorantiae tantum opponatur, hoc falsitati. Ergo intellexit etiam in simplicium apprehensione veritatem reperiri, ut optime declararunt Alensis & Scotus adducti prænotato tertio.

Solutio
aduer-
sariorū
dissol-
uitur.

Ad hæc respondent assertores oppositæ sententiæ, videlicet Vasquez 1. p. dis. 75. cap. 2. & 4. & alij, quos pro sua sententia refert, illis locis non esse Aristotelem intelligendum de veritate propria & primaria; sed de veritate minus propria, & secundaria. Sed, ut dixi, hoc est, in verbis tantum ludere: Nam fatemur ultro, fortè nomen veritatis, prius esse impositum ad significandam veritatem complexam, quàm veritatem incomplexam. At si in reipsa, veritas cognitionis nihil est aliud quàm conformitas intellectus ad rem intellectam: si simplex aliqua apprehensio intellectus sit conformis rei simplici apprehensæ; cur non eà ratione æquè benè dicetur intellectus verus; atque quando componit aut diuidit conformiter rei compositæ aut diuisæ?

Dicent rationem esse Aristotelis auctoritatem. Iam itaque ad Aristotelem dicamus, simulque explicemus quàm ratione specialius veritas dicatur de veritate complexa, quàm de veritate incomplexa. Mitto imprimis auctoritates Aristotelis, quibus simpliciter affirmat verum & falsum in compositione & diuisione esse; & adduco illas

quibus videtur negare verum & falsum in simplicibus, seu in compositis reperiri. Hæc enim magis vrgent contra nos, quàm illæ.

Dicit igitur 1. de Interpret. cap. 1. *Quemadmodum autem in anima conceptus interdum sine veritate, falsitate est; interdum verò talis, ut alterum horum ei competat necessariò; sic & in voce esse videtur: Nam & verum & falsum in compositione consistit.* Citatur etiam 9. lib. Metaphysic. cap. ult. ubi Gabriel Vasquez dicit illum habere istud per interrogationem. *Circa incomposita verò quid esse aut non esse & verum & falsum?* Quæ interrogatio affirmans (inquit) sensum negantem continet, ac si diceret in simplicibus non reperiri aliquid esse aut non esse, quod est compositio & diuisio; nec verum & falsum, Nihilominus nullibi potui reperire istud haberi apud Anst. per interrogationem; imò absque interrogatione habetur in omnibus codicibus tùm impressis, tùm antiquissimis manuscryptis Græcis, Latinis, & Gallicis, qui extant in Bibliotheca Regia, & in Bibliotheca Victoriana. Quare Alensis & Scotus dicunt Philosophum non negare eo loci, quin sit veritas in simplicibus; sed negare tantum quod sit ea quæ est in compositione & diuisione. Id indicant quæ sequuntur: *Non enim est compositum, ut sic qui dē si componatur, non sit autem si diuisum sit, sicut album lignum, aut diametrum incommensurabilem esse. Nec verum & falsum similiter etiam in illis erit.* Hoc est quod dicit, in-

Expli-
catur
Philos-
ophus.

Opti-
ma in-
terpre-
tatio
nostri
magno
Alecæ.

quit Alexander, nimirum videndum esse quomodo sit & nō sit verum & falsum circa hęc incomposita & simplicia; Non enim circa simplicia est verum & falsum ex compositione & diuisione: Non enim possumus dicere quodd tale simplex aliquādo sit, quando compositum est, & aliquando non sit, quando est diuisum; quia esse & non esse talium non est in compositione & diuisione; sicut esse ligni albi est in compositione subiecti & accidentis, & esse diametri & communisurationis est in diuisione eorundem, quia dicimus diametrum incommensurabilem, & quia esse & non esse non est hoc modo in simplicibus; idē nec verum & falsum. Hęc Alexander. Sic fit satis posteriori auctoritati Philosophi.

Ad priorem præmitto quandam esse veritatem, cui falsitas; & aliam, cui ignorantia opponitur. Veritati complexę falsitas opponitur; veritati incomplexę ignorantia, vt dictum est prænotato 3. ex Arist. 9. Metaphysic. cap. vlt. & ex Alensi & Scoto in eum locum. Hoc posito, dico quodd quando Aristoteles negat veritatem in simplicibus reperiri, loquitur tantum de veritate cui falsitas opponitur, non de omni veritate. Et certē huic explicationi fauent eius verba vbique. Cū enim loquitur de veritate quę in compositione & diuisione est, semper meminit etiam falsitatis, imō quandoque solius falsitatis mentionem facit, vt 3. de Anima, c. 7. *Falsitas enim, inquit, semper in compositione consistit.* Nullibi au-

tem, suppressā falsitate, dicit veritatem semper in compositione consistere.

Dubitatur iam, an id sufficiat ad distinguendam veritatem simplicium à veritate compositorum? Dicunt aliqui quodd non; quia sequeretur inde, falsitatem esse propriam compositis, & veritatem simplicibus, & non benē dici posse veritatem esse propriam compositis. Sed hęc ratio non multum vrget: dici enim posset veritatem solitariē spectatam, esse indifferentem ad simplicia & composita; nec vllibi Aristotelem fecisse illam vt sic, propriam compositis: At veritatem vt oppositam falsitati, esse propriam compositis; & vt oppositam ignorantię esse propriam simplicibus. Et quidem admissā illā duplici veritate, de mente Aristotelis; nullum aliud discrimen assignari potest ex ipso inter vtramque, nisi quodd veritas compositorum opponitur falsitati, veritas simplicium ignorantię.

Tamen non pigebit alias rationes ex alijs indagare, quibus veritas complexa ab incomplexa distinguatur & secernatur. Quidam ergo, imprimis apud Doctorem Subtilem, quæstione illā; libri sexti Metaphysicorum, dicunt illam ab hac distinguī, quodd illa non modō sit subiectiue in re, vel in intellectu; sed etiam obiectiue. Hoc tamen non placet Scoto. Quia veritas complexa non aliter potest esse obiectiue in intellectu, nisi quia hęc nō intellectus reflectendo se supra illam suam actionem, quā complexum aliquod cognoscit, videt

Quomodo veritas incomplexa & composita distinguatur.

Veritas complexa non distinguitur ab incomplexa, quia illa sit obiectiue in intellectu, nisi quia hęc nō sit.

& apprehendit conformitatem suæ actionis ad rem intellectā: At quā ratione potest reflecti supra suum iudicium seu compositiū, seu diuisiū, eādem reflecti potest supra suam simplicem actionem, quā incomplexum aliquod apprehendit. Ergo quā ratione per reflexionem, veritas complexa est obiectiue in intellectu, eādem, & eodem modo erit & veritas incomplexa in intellectu. Et citē (vt res exemplo firmetur) quā ratione per actionem reflexam intellectus mei, cognoscendo me cognoscere hoc complexum: *Homo est animal*; apprehendo conformitatem meæ cognitionis complexæ compositiue ad hoc compositum seu complexum, & consequenter veritatem complexam: eādem ratione etiam per actionem reflexam eiusdem intellectus, cognoscendo me cognoscere hoc incomplexum, *Homo*; apprehendo conformitatem cognitionis meæ simplicis ad istud incomplexum, & consequenter veritatem incomplexam, quæ eā ratione dici potest esse in intellectu obiectiue, sicut & veritas complexa.

Dicunt alij frustra quæri distinctionem inter veritatem complexam, & veritatem incomplexam, vt satisfiat autoritatibus Philosophi dicentis veritatem solum esse in compositione & diuisione. Quia inquirunt, hoc non est sic intelligendum, vt putemus veritatem tantum esse in compositione & diuisione directā; quo pacto difficultas esse posset quā ratione reperiri veritas posset in simplicium appre-

hensione: sed hoc est intelligendum de compositione & de diuisione reflexa; quo pacto nulla est difficultas, quin etiam veritas sit in apprehensione simplicium; quia in vtraque reflexione tum compositorum, tum simplicium, intellectus semper componit aut diuidit v. g. æquē compolo cognoscendo me cognoscere hominem, atque cognoscendo me cognoscere hominem esse animal: quia sicut in hac reflexione, affirmo conformitatem de mea cognitione ad rem cognitā: ita in illa, affirmo etiam conformitatem de mea cognitione ad rem cognitā, quantumcumque cognitio directā fuerit simplex, & etiam cognitum fuerit simplex & incomplexum. Igitur eā solā ratione dixit Aristoteles veritatem & falsitatem esse solum in compositione & diuisione, quia est in actione reflexa, tum compositorum tum simplicium, quæ semper est compositiua vel diuisiua. Sed hæc interpretatio quanquam tribuatur D. Thomæ. est contra mentem & verba Philosophi: dicit enim in simplicibus non esse veritatem & falsitatem: Ergo non de actione reflexa intelligendus est. Quia in actione reflexa simplicium, est etiam veritas compositionis aut diuisionis iuxta istam sententiam: Ergo cum in cognitione simplicium non sit veritas aut falsitas; in cognitione autem compositorum sit, id debet intelligi de cognitione directā, & non de reflexa. Quo posito, restat semper inquiramus quī differat veritas complexa ab incomplexa,

cùm illa sic aded specialiter dicatur veritas?

Alij alia dicunt. Sed existimo Scotum nostrum in huius vtriusque veritatis discrimine veritatem fuisse consecutum, quæstione illà 3. multoties citatà, pauld post medium his verbis: *Propter*

Quomodo tandem ex Scoto differant veritas complexa, & veritas incomplexa.

illud, notandum est quod obiectum simplex, quod est significatum conceptus simplicis, nullum esse habet aliud quàm in conceptu, secundum quod esse, debet mensurare illum conceptum. Obiecta conceptus complexi, quæ sunt extrema, aliud esse habent quàm ut sunt in conceptu complexo, & prius naturaliter in se, ut simplicia sunt; secundum quod esse, prius mensurant illum conceptum complexum; cui esse priori conceptum complexum conformari, est verum esse; difformari, est falsum esse. Hoc autem esse est habitudo virtualiter inclusa in extremis, ante naturaliter quàm extrema comparantur à ratione. Sed in simplici, nihil est prius naturaliter in extremo, cui conceptus potest conformari & difformari. Et pauld infra: Nota, inquit, sicut dictum est, quare complexum est verum, quia complexio- nem quæ est à ratione precedit naturaliter identitas extremorum, & alia habitudo virtualiter inclusa in ipsis, cui actum rationis conformari, ut mensura, est ipsum verum esse.

Notanda valde hæc doctrina Scoti.

Quibus verbis, intendit ostendere quàm ratione veritas complexa specialius dicatur veritas, quàm veritas incomplexa. Ratio autem est: quia veritas, omnis in quadam habitudine & conformitate consistit, & ultra quod veritas complexa consistit in conformitate compositionis aut diuisionis ad rem compositam vel

diuisam: extrema etiam rei compositæ, ante actum intellectus componentis, habent quandam virtutalem habitudinem & veluti radialem affirmationem: extrema etiam rei diuise virtutalem difformitatem. At ultra conformitatem cognitionis simplicis ad rem simplicem, in ipsa re nulla est virtualis habitudo extremorum, quia cùm res illa sit simplex, non habet extrema in quibus possit esse ista virtualis habitudo: & hac ratione veritatis specialius dicitur de veritate complexa, quàm de veritate incomplexa. Et ita, veritas complexa distinguetur ab incomplexa, quia in illa, ante actionem intellectus, est quardam virtualis habitudo, quardam scilicet compositio vel diuio fundametalis, & affirmatio vel negatio radicalis; in ista, non sic.

Ex his solui poterit difficultas prænotato Secundo proposita: An nimirum veritas vnica ratione finiiri possit, necne? Si enim veritas consistat simpliciter in conformitate actus cognoscendi, ad rem cognitam; clara est non esse aliam rationem veritatis complexæ, & aliam veritatis incomplexæ: quia tanta est conformitas actus simplicis intellectus ad rem simplicem intellectam; quanta est actus complexi ad complexum cognitum. Si autem, sicut in vocibus, veritas cognitionis postulat complexionem & iudicium aliquod, non erit eadem ratio huius, & illius veritatis. Nam ratio veritatis cognitionis, hoc pacto, tota erit in veritate complexa, & non nisi valde improprie, &

æquiuocè in veritate incomplexa. Sed hoc postremum minùs probabile iudico quàm primum. Quia verisimile valdè est, tum ex verbis Aristotelis, tum ex communi philosophandi ratione, rationem veritatis cognitionis consistere in conformitate intellectus seu actus intelligendi ad rem intellectam, & illam rationem esse vniuocam veritati complexæ & veritati incomplexæ: quæ tamen sub illa communi ratione proprijs rationibus differunt, itaut veritas complexa sit conformitas actus complexi intellectus ad complexum cognitum; & veritas incomplexa conformitas actus incomplexi ad incomplexum cognitum. Si tamen seruata vniuersitate rationis communis; tum ex vfu, tum ratione fundamenti & significati, tum etiam ratione iudicij, veritas principalis & prius dicatur de veritate complexa, quàm de incomplexa: Cùm significata seu obiecta cognita sint in multiplici differentia, vt dictum est, veritas etiam complexa erit adhuc multiplex: nimirum alia prima & causa alterius, vt veritas principij; alia secunda & causata, vt veritas conclusionis: alia necessaria, vt veritas complexi, cuius extrema naturâ suâ habent habitudinem adinuicem; cuiusmodi est istud: *Homo est animal*; alia contingens, vt veritas complexi, cuius extrema se respiciunt contingenter, & coniunguntur tantùm per causam extrinsecam, vt est istud, *Petrus currit*. Sed ista multiplex veritatis complexæ acceptio petitur ab extremis rei intellectæ,

ve patet, & non ab ipsa conformitate actus intelligendi ad rem intellectam.

Obijcit potissimum Vasquez Obie-
disput. 75. cap. 3. in id quod dictum est principaliter in hac
conclusionem, nimirum veritatem
etiam reperiri in simplicium apprehensione. Voces correspondent conceptibus, ita vt veritas
vorum sequatur ex veritate conceptuum. At in simplicibus
vocibus, nulla est veritas: Qui
enim profert simpliciter istam
vocem; *Homo*, nec verum, nec falsum
significat. Ergo nulla quocumque
veritas est in simplicibus
conceptibus. Respondeo primum
distinguendo minorem, scilicet
in simplicibus vocibus, nullam
esse veritatem coniunctionis
aut disiunctionis; esse tamen
veritatem significati & significationis.
Adde quodd, ad maiorem
dici potest vsum obtinuisse, vt
aliter veritas diceretur de conceptibus,
quàm de vocibus: de conceptibus
enim dicitur per respectum
ad rem conceptam; est enim
veritas conceptuum seu
cognitionis, conformitas intellectus
ad rem intellectam: de vocibus
autem dicitur per respectum
attributi ad subiectum, vel
vice versâ. Ideoque potest esse
veritas in simplicibus conceptibus,
licet nulla esset in simplicibus
vocibus.

Obiectio ex
gabriele Vasquez.

Solutio

Qui
differre
veritas
conceptuum
& veritas
vocum.

Tertia Conclusio.

Parum refert vtrum horum dicamus, nimirum vel veritatem consistere in conformitate conceptus formalis (intelligendo per conceptum formalem, imitatio
ipsum
An veritas consistat in conformitate
ipsum

conce-
prus for
malis
ad rem
intelle-
ctā, vel
in con-
formi-
tate cō-
ceptus
obie-
ctiui ad
rem ip-
sam,
prout
in se est.

ipsum actum intellectus) ad rem intellectam & conceptam; vel in conformitate conceptus obiectiui ad rem ipsam, prout in se est: Primum tamen verius esse videtur quàm secundum. Prior pars probatur. Quia veritatē consistere in conformitate conceptus formalis ad rem intellectam, est veritatē consistere in eo quod intellectus apprehendat rem sicuti est in se: veritatem autem consistere in conformitate conceptus obiectiui ad rem ipsam, est veritatem consistere in eo quod res ipsa apprehendatur sicuti est. At parum refert vtrum horum dicamus, nimirum vel veritatem consistere in eo quod intellectus rem apprehendat sicuti est; vel in eo quod res ipsa apprehendatur sicuti est. Nam quamvis rem apprehendere dicat actionem realem intellectus; & rem apprehendi denominationem tantum extrinsecam; tamen ratione connotatorum vtrumque idem significat, vt patet. Ergo parum refert vtrum horum dicamus.

Secunda pars est Doctoris Subtilis quæstione illā 3. multoties citatā, vbi hoc ponit discrimen inter conformitatem quæ est inter extrema complexorum antequam intellectus formet suam complexionem, & inter conformitatem quæ est ipsius actus intellectus ad rem intellectam, quod illa conformitas seu habitudo sit rationis tantum, & non realis, quia extrema non semper realiter distinguuntur; conformitas autem in qua consistit veritas cognitionis, est realis, quia est ipsius actus intellectus ad rem intellectam, tanquam

mensurati ad mensuram. At si veritas consisteret in conformitate conceptus obiectiui ad rem ipsam vt est in se, illa conformitas non esset realis; quia conceptus obiectiuus est res ipsa prout obicitur cognoscenda: vnus autem & eiusdem rei ad se ipsam, licet sub varijs rationibus & denominationibus extrinsecis spectatam, nullus potest esse respectus realis. Ergo demēte Scoti, veritas cognitionis consistit in conformitate ipsius actus intellectus ad rem intellectam.

Dici potest quod conformitas illa esset realis ratione connotati, quā ratione dicimus esse veritatem in conceptu obiectiuo. Responderetur primò istum modum explicandi veritatem in conceptu obiectiuo, esse præter mentem eorum qui hoc communiter defendunt. Præterea, dico quod ponendo conformitatem illam esse realem, realitas eius obscurius explicatur per actum intellectus vt connotatum duntaxat, quàm per ipsum: met primariò & directè posium: quomodo illum ponimus, cum dicimus veritatem consistere in conformitate eius ad rem cognitam.

Probatur autem ista secunda pars 1. ex Arist. in Prædicamentis cap. de Substantia, dicentes: *Ex eo quod res est, vel non est, propositio dicitur vera vel falsa.* Non dicit ex eo quod res vera est, sed ex eo quod res est, vt rectè notauit D. Thomas 1. p. qu. 16. art. 1. ad 3. Ergo veritas est in propositione tum vocali tum mentali per habitudinem ad rem quæ est vel non est; & non in

ipsa re, ut obiecta intellectui ad seipsam, ut in se est. Ergo quemadmodum veritas quæ est in propositione vocali, non consistit in conformitate rei ut significatæ ad seipsam ut in se existentem; sed consistit in immediata conformitate vocis significantis ad rem significatam: Ita veritas quæ est in propositione mentali, non consistit in conformitate rei ut obiectæ intellectui ad seipsam, ut in se est; sed consistit in immediata conformitate actionis intellectus vel simpliciter apprehendensis ad rem apprehensam, vel componentis aut diuidentis ad rem compositam aut diuisam.

Præterea, ut rem ipsam profundius rimemur: Quomodo veritas posset consistere in conformitate conceptus obiectiui ad rem ipsam, ut in se est, nisi hoc explicaretur eo modo, quo explicauimus? Nam conceptus obiectiuus est ipsa res quæ obijcitur intellectui cognoscenda: Obijcitur autem cognoscenda ut in se est; itaut supra rem ut in se est, nihil addi possit nisi ipsam obijci intellectui, & apprehendi ab intellectu. Conformitas autem illa, non est ipsius rei ut in se est, ad ipsammet ut in se est, ut patet & fatentur omnes. Ergo est ipsius rei ut obiectæ intellectui, & apprehensæ ab eo, ad ipsammet ut in se est. Quid est autem rem non habere conformitatem nisi, ut obiectam & apprehensam, quam non habere conformitatem, nisi ut affectam ipsâ apprehensione intellectus, quâ denominatur & attingitur; itaut tunc tantum adsit illa conformitas, quando

intellectus rem apprehendit, vel res apprehenditur ab intellectu, sicuti est? Ergo conformitas illa, & per consequens veritas cognitionis, est semper in actione intellectus ad rem ipsam intellectam.

Hæc veritas clarior adhuc fiet ex solutionibus argumentorum Durandi. Sic itaque rationatur in 1. dist. 19. q. 5. num. 12. Conformitas actus cognoscendi intellectus ad rem cognitam, est vel conformitas in essendo, vel conformitas in representando aut cognoscendo. Non conformitas in essendo, ut patet; quia actus intellectus semper est accidens, & id quod intelligitur, potest esse substantia. Ergo est conformitas in representando, vel in cognoscendo. At hoc posito, veritas est in conformitate conceptus obiectiui, ad rem ipsam ut in se est. Probatur. Conformitas in representando vel cognoscendo præcisè consistit in hoc quod representans vel cognoscens, representat vel cognoscit rem sic esse sicut ipsa est. Maior ista patet. Sed talis conformitas attenditur solum secundum id quod se habet obiectiue ad intellectum. Hoc probatur: Quia cum dicitur quoddam intellectus intelligit rem sic esse sicut ipsa est; sic, & sicut, notæ sunt conformitatis prædictæ, in qua formaliter consistit veritas: Sed, sic, & sicut sunt ibi conditiones obiecti, & non ipsius actus intelligendi: Non enim est sensus, quoddam actus intelligendi sic se habeat ad intellectum, in quo est subiectiue, sicut se habet res intellecta ad

Ponuntur rationes aduersæ sententiæ quæ est Durandi.

suum esse reale, quia hoc esset falsum; sed est sensus, quoddam res intelligitur sic esse, sicut ipsa est; ita quoddam conformitas est inter esse apprehensum, & esse in re: Quia quale esse habet res, tale habet apprehensum, & non aliud: Et licet res non sit apprehensa nisi per actum qui est in intellectu subiectiue, tamen esse apprehensum dicitur conditionem denominantem obiectum, & non intellectum, nec actum intelligendi; quia intellectus ut sic, non est apprehensus sed apprehendens, nec intelligere est apprehensum, sed apprehensio. Et ita conformitas in qua consistit veritas, attenditur secundum id quod habet se ad intellectum obiectiue, & non subiectiue.

Solui-
tur pri-
ma ra-
tio Du-
randi.
Respondeo conformitatem illam non esse conformitatem in essendo, sed in cognoscendo. Et tunc concessa maiore alterius syllogismi, nego minorem, & ad probationem dico, sic, & sicut non esse conditiones obiecti, nisi ut connotantis actum intellectus, quo res ita dicitur apprehendi sicut in se est: ac proinde esse etiam conditiones ipsius actus intelligendi; non tamen eo sensu, ut propterea dicamus ita se habere actum intelligendi ad intellectum, sicut se habet res intellecta ad suum esse reale, quemadmodum explicat Durandus. Sed eo sensu, quia intellectus per actum suum, ita percipit rem sicut in se est. Verum est itaque intellectum non denominari apprehensum, sed apprehendens, & actum intellectus non denominari apprehen-

sum, sed apprehensionem. Sed verum est quoque conditiones illas, sic, sicut, ita & similes, ita cadere supra intellectum & actum eius, atque supra obiectum; in id non cadere supra obiectum, nisi ut connotat actionem intellectus, secundum quam denominatur res conformis sibi ipsi, ut in se est. Applicantur autem huiusmodi conditiones tum intellectui, tum actioni eius, sic, ut dicamus rem in se ita esse, sicut intellectus eam apprehendit, vel sicut actus eius ad eam terminatur. Et ita concedimus ut prius, conformitatem posse esse in conceptu obiectiuo, non eo sensu quo dicit Durandus, scilicet excludendo conceptum formalem seu actum intellectus, in quo potissimum est, sed potius ipsum connotando, & sic includendo, ut absque eo nulla esset conformitas amplius in conceptu obiectiuo.

Secundo sic ratiocinatur Durandus: Illud est verum formaliter quod significatur per propositionem veram. Sed obiectum intellectus enuntiatiue sumptum significatur per propositionem veram. Ergo veritas est formaliter conditio nostri intellectus, & non alicuius existentis subiectiue in intellectu. Maior patet: quia signum non dicitur tale, nisi quia significat illud quod est tale formaliter: Sicut vrina non dicitur sana, nisi quia significant sanitatem animalis, quæ est formaliter sanitas. Et idem dicitur de propositione, quæ non dicitur vera, nisi quia significat illud quod est formaliter verum. Minor de se patet:

Poni-
tur se-
cunda
ratio
Durandus.

Quia propositio vera non significat nisi illud quod est enuntiatiue apprehensum per intellectum tanquam eius obiectum : & sic patet quoddam veritas est conformitas intellectus ad rem intellectam, inquantum id quod de re enuntiatiue apprehenditur, est conforme, vel potius idem cum entitate rei : & sic est relatio eiusdem ad seipsum, secundum esse intellectum, & esse reale.

Soluitur.

Respondeo negando maiorem : Et ad probationem dico signa denominari talia à significatis formaliter talibus, quando significata sunt talia per formas absolutas, & per denominationem intrinsecam, vt contingit in exemplo allato: Quando autem significata non sunt talia per formas absolutas, sed tantum per formas respectivas, & per quandam denominationem extrinsecam, ad quam considerantur etiam ipsa signa, tunc non possunt denominari à significatis talibus; sed potius ipsa significata denominantur talia per signa, vt in proposito. Dato enim quoddam actus intellectus sit signum rei intellectæ, & res intellecta sit significatum illius signi, actus ille non denominatur talis, puta intellectuius à tali significato, puta à re intellecta: sed potius res intellecta denominatur talis ab illo actu intellectuius, vel ab intellectu intelligente. Ad propositum itaque; obiectum non denominatur verum per formam aliquam absolutam & intrinsecè denominantem, loquendo de veritate cognitionis, & de denominatione formali: sed per formam

respectiuam, & per denominationem extrinsecam, ad quam etiam requiritur actus intellectus tanquam id à quo desumitur ista denominatio. Quia veritas cognitionis est conformitas actus intellectus ad rem intellectam: Conformitas autem illa dicit respectum, realem quidem & intrinsecum ex parte actus; rationis autem & extrinsecum ex parte rei cognitæ, vt dicemus sequenti conclusione. Ergo veritas non est in propositione, nec in actione intellectus, ex eo quoddam prius sit in re concepta & intellecta.

Replicabit Durandus, in re enuntiatiue apprehensa esse veritatem aliquam, ex qua actus intellectus denominatur verus, nimirum habitudinem extremorum, secundum quam intellectus dicitur verus, quando scilicet similem habitudinem format inter conceptus suos, qualis est inter res conceptas. Sed respondetur imprimis illam non esse veritatem cognitionis, tum quia præcedit actionem intellectus, tum quia ab illa habitudine simpliciter non denominatur intellectus verus, sed à conformitate quam actus illius habet ad complexum illud, cuius extrema habent istam habitudinem. Ita quoddam veritas intellectus non sit simpliciter illa enuntiatiua apprehensio illius enuntiatiui apprehensi, vt terminis Durandi vtatur, sed sit conformitas apprehensionis cum isto apprehenso.

Replica Durandi.

Ultima Conclusio.

Veritas
est rela-
tio.

Veritas tùm complexa, tùm incomplexa est formaliter relatio non mutua. Conclusio est Doctoris Subtilis quæstione illâ 3. lib. 6. Metaphysic. Et imprimis quoddam sit relatio probatur. Quia conformitas omnis est relatio, quâ aliquid dicitur alteri conforme. At veritas est conformitas quâ intellectus vel actio eius dicitur conformis obiecto cognito. Ergo veritas est relatio: Quoddam enim dicit Suarez tom. 1. Metaphysic. disput. 8. sect. 2. num. 9. & sequent. veritatem nihil addere supra actum intellectus, nisi connotationem & concomitantiam obiecti; vel non satis rem explicat, vel in idem redit quod nos dicimus; quod tamen ipse non fatetur.

Repre-
hendi-
tur Sua-
rez.

Primum patet, quia potest dari actus aliquis intellectus etiam connotans obiectum, absque eo quoddam intelligatur verus. Prius est enim intellectum posse versari circa obiectum aliquod, quàm versari circa illud, ut ita est, vel non est à parte rei.

Secundum declaratur. Quia si connotatio illa non sit simplex; sed sit connotatio obiecti, ut se habentis eodem modo quo concipitur ab intellectu, vel quo representatur per actum intellectus, ut velle videtur; quid est hoc dicere, nisi actum intellectus eatenus esse verum, quatenus connotat obiectum, tanquam extremum, ad quod terminatur relatio conformitatis quam habet ad illud?

Veritas Secunda pars conclusionis, ni-

est rela-
tio non
mutua.

mirum quoddam illa relatio sit non mutua, probatur: Est realis ex parte actionis intellectus, & rationis tantum ex parte obiecti: Ergo est non mutua. Consequentia patet. Prima pars antecédentis probatur. Relatio mensurati vel mensurabilis ad mensurans, est realis: spectat enim ad tertium genus relationum realium. Sed ista relatio est huiusmodi ex Scoto, & etiam ex D. Thoma multis in locis, & probatur. Ab eo quoddam res est vel non est; propositio tùm mentalis, tùm vocalis dicitur vera vel falsa. Ergo determinatur & specificatur actio intellectus enuntiatiua, ac etiam simplex ab obiecto ut est vel non est. Sed hoc sufficit ad rationem mensuræ realis. Præterea ex dictis. Alia est veritas complexa necessaria, alia contingens; & necessaria quidem, alia prima & incausata, alia secunda & causata. Sed istæ differentiæ petuntur ab obiectis complexis, quorum extrema se habent necessariò vel contingenter, & aliis modis adinuicem. Ergo veritas dicitur necessaria vel contingens, &c. ab obiectis. Sed hoc est mensurari ab obiectis, ut patet: Ergo actus intellectus quatenus est verus, dicit relationem mensurati ad obiectum, cui est conformis. Altera pars patet: Quia veritas ista cognitionis, in obiecto cognito, nihil aliud est, quàm denominatio quædam extrinseca orta à conformitate reali quæ est in actione intellectus: Quemadmodum esse cognitum in obiecto cognito, nihil aliud est quàm denominatio extrinseca procedens ex cognitione reali intelle-

Actus, quatenus terminatur ad ipsum: Ergo nihil ponit reale in obiecto, sed in eo dicit tantum terminationem conformitatis realis, quæ est in intellectu.

Ponitur quædam diffinitio cultæ.

Sed circa hæc, duæ non leues insurgunt difficultates. Altera de scientia practica Dei; altera de actu intellectus diuini. Si enim veritas cognitionis consistat in conformitate reali actus intellectus ad obiectum cognitum: quomodo scientia practica Dei erit vera, cum non conformetur obiecto; sed potius obiectum ei conformetur, tanquam suæ causæ? Rursus: quomodo intellectus diuinus erit verus, intelligendo obiecta secundaria, præsertim cum veritas dicat relationem mensurati, & intellectus diuinus ab obiectis secundariis mensurari non possit; quia hoc arguit imperfectionem?

Quomodo scientia practica Dei, sit vera.

Ad priorem difficultatem respondetur cognitionem diuinam practicam posse spectari duobus modis: Primum ut cognitio est simpliciter secundum, ut practica est, ut cognitio est simpliciter, est vera, ut dictum est, per conformitatem realem ad obiectum cognitum: Ut practica est, iam hoc pacto vera non est propter rationem allatam. Nec hoc mirum videri debet: quia ut practica est, non recipit amplius denominationes istas veri vel falsi; sed potius efficacis, sufficientis & similes, quæ solent competere causis, & non cognitioni, ut sic. Tamen etiam ut practica, aliquo modo dici potest vera, nimirum per denominationem extrinsecam à veritate quæ est in obiecto operabili, & à confor-

mitate quam habet ad ipsam ut ad causam suam.

Ad posteriorem dico intellectum diuinum etiam esse verum, per respectum ad obiecta secundaria; quia illa eodem modo intelligit, quo sunt, vel futura sunt: Tamen veritas illa cognitionis diuinæ obiectorum secundariorum, ut sic, non est realis respectus; quia nihil accipit cognitio diuina à rebus secundariis intellectis: Nec etiã est respectus mensurati ad mensurans, propter rationem superius allatam.

Quomodo intellectus diuinus sit verus.

Dices: Ergo veritas cognitionis non dicitur eodem modo de veritate cognitionis diuinæ: atque de veritate cognitionis creatæ. Transeat: Veritas enim cognitionis, non est veritas quæ est passio Entis, de qua aliter fortè philosophandum est propter nostram vniucocationem Entis. Tamen dici potest quod seruat proportionem, & seclusis imperfectionibus, veritas cognitionis eodem modo dici potest de veritate cognitionis diuinæ, atque de veritate cognitionis creatæ: quia quidquid habet cognitio creata, & veritas eius ab obiecto, à quo habet quod sit cognitio saltem partialiter, & quod sit vera cognitio: Idem habet cognitio diuina & veritas eius ab obiecto primario, quod est Essentia diuina, à qua suo modo specificatur & mensuratur. Et quia virtute essentia diuinæ prius cognita, intellectus diuinus cognoscit obiecta secundaria (intelligo res extrinsecas) etiam virtute eiusdem essentia, cognitio diuina est vera respectu eorundem obiectorum secundariorum. Id explicui la-

tius alibi, nimirum in quodam Tractatu de Scientia Dei. Et hæc de veritate cognitionis.

QVÆSTIO III.

Quid sit Veritas rei, & in quo consistat?

Varie referuntur sententiae de veritate rei.



NULLVS negat dari veritatem aliquam transcendētalem, quæ dicitur veritas rei, estque passio Entis. Sed non

omnes eodem modo explicant quid sit, & in quo consistat. Dicunt aliqui esse tantum denominationem extrinsecam, quæ res denominatur vera à veritate quæ est formaliter in intellectu, quemadmodum sanitas in deambulatione est denominatiuum aliquod extrinsecum à sanitate quæ verè & propriè est in animali. Ita Vasquez 1. part. disput. 77. cap. 3. & pro hac sententia citat aliquos veteres, præsertim Durandum in 1. dist. 19. quæst. 5. num. 14. Et certè ex his quæ habet eo loci Durandus: Nimirum in comparatione ad obiectum; intellectum dici verum, quia apprehendit rem sic esse, sicut ipsa est; ideoque rem sic esse apprehensam sicut ipsa est, esse verum, ad quod tam veritas rei, quam vocis & intellectus habent attributionem, constat veritatem esse denominationem tantum extrinsecam, ab actu vero intellectus. Alij dicunt veritatem rei intrinsecè dicere entitatem realem ipsius rei, connotando tamen

cognitionem seu conceptum intellectus. Ita Franciscus Suarez tom. 1. Metaphysic. disp. 8. sect. 7. num. 24. Alij dicunt veritatem dicere conformitatem rei cuius est, ad sua principia. Alij conformitatem ad diuinas ideas. Vt quod in hac sententiarum multitudine tenendum sit, habemus, sit hæc

Prima Conclusio.

Verum realiter nihil aliud est, quam ipsum quod est, quatenus est. Sententia est Aristotelis 2. Metaphysic. cap. 1. dicentis. *Et unumquodque est, ita & verum esse.* Est etiam D. August. lib. 1. Soliloquiorum cap. 5. dicentis *Verum esse id quod est.* Est insuper D. Hilarij lib. 5. de Trinitate, ubi disputans contra quosdam Arianos, qui dicebant Christum esse Deum, non tamen verum Deum, hæc habet: *Expriumus quæro: quid significationis habeat Deus, & n. Deus verus? Non enim verbi huius apprehendendo rationem, si dicatur mihi; ignis est, sed non est verus ignis; Aut aqua est, sed non est vera aqua: & quæro in quo eiusdem generis veritas, à generis eiusdem veritate differat? Quod enim ignis est, non potest esse, ne verus sit: Nec natura manens, eo potest carere quòd vera est. Perime aqua quòd aqua est, & per id poteris abolere ne vera sit. Ceterum si aqua maneat, etiam in eo necesse est persistat, ut vera sit: potest ita demum natura perire, si non sit: verum non potest non vera esse, si maneat.*

Verum realiter est ens ipsum.

secunda conclusio.

Veritas
forma-
liter est
confor-
mitas
rei ad
sua
princi-
pia.

Veritas rei formaliter loquendo, est conformitas eiusdem rei ad sua principia. Ita ut, eo solo titulo aliquid verum sit, quia habet vera & solida principia eius quod debet esse. Sic v. g. dicimus verum aurum, quod habet legitima principia auri; & aurum falsum, quod cum non habeat principia auri, habet tamen auri similitudinem. Probari potest conclusio ex communi usu loquendi: Nam communis usus obtinuit, ut id verum dicatur quod est tale, quale debet esse conformiter suis principiis. Sic verum Christi Corpus dicimus in Eucharistiae Sacramento, quia habet principia veri Corporis, nempe veram materiam, & veram formam Corporis. Similiter dicimus verum Deum, qui habet naturam illam veram & legitimam, per quam constituitur in esse talis entis. Quod sit ut hic, nomine principiorum, non debeamus semper intelligere principia verè constitutiva tanquam partes, sed vniuscuiusque rei veram & solidam naturam. Confirmari potest ex definitione veritatis, quam tradit Avicenna tractatur 8. suæ Metaphysicæ cap. 6. ubi dicit quoddam *veritas rei est proprietas esse vniuscuiusque rei quod stabilitum est ei.*

Et ex his quidem manifestum est, veritatem etiam formaliter sumptam, non constitui per respectum ad intellectum nostrum, quia ante huiusmodi respectum, habet res quolibet quoddam vera

fit, nimirum per conformitatem ad sua principia; seu per hoc quoddam talis sit, qualis esse debet. Et hæc conformitas non est respectus aliquis realis, ut observat Doctor Subtilis lib. 6. Metaphysic. q. 3. sed rationis tantum; quia vnius & eiusdem rei ad seipsam, non potest esse respectus realis.

Obijci tamen potest aduersus prædicta. Eodem modo philosophandum est de veritate, atque de falsitate: Sed non est falsitas in rebus, secluso respectu ad intellectum. Ergo neque veritas. Maior patet; quia oppositorum eadem est ratio. Minor probatur, quia secluso respectu ad intellectum, nihil poterit esse falsum, nisi quod non est: Ergo nulla est falsitas in rebus. Confirmatur ex Aristotele 5. Metaphysic. cap. 19. ubi docet falsum esse tantum in rebus, per comparisonem ad iudicium nostrum.

Respondet imprimis ad maiorem, valde dubium esse, an eodem modo philosophari debeamus de falso, atque de vero, propter rationem allatam in confirmatione minoris. Nam certè si verum est id quod est; nihil falsum erit nisi quod non est. Ideoque in rebus, nulla erit falsitas. Divus Aug. hanc difficultatem pertractavit fusissimè lib. 2. Soliloquiorum à cap. 4. usque ad 15. permiscendo tamen multa alia præclara & scitu digna. Inter alia autem ingenuè factur se non audere dicere falsum id esse, quod non ita est ut videtur, ne cogatur dicere verum id esse quod ita est, ut videtur: Vnde ut falsitatem

Obie-
ctio.

Solutio
Nō esse
idem
iudiciū
de falso
atque
de vero
securat
pro-
positio-
ne.

D. Augu-
stinus
præcla-
re hic
philoso-
phatur
de
falso.

tatem aliquam inueniat in rebus sine respectu ad intellectum, sicut veritatem repererat; quærit an falsitas sit ipsa rerum similitudo vel dissimilitudo? Et postquã determinauit quoddam non: tandem resoluit in quo consistat ratio falsi, prout vero rei, vti nobis est explicatum, opponitur. Audiamus ipsum ita præclare philosophantem cum sua ratione: Augustinus: *Videō quidem ista, sed cum considero illud quod falsum vocamus, & simile aliquid habere veri & dissimile, ex quo potius parte metueris falsi nomen, non valeo discernere. Si enim ex eo quoddam dissimile est, dixerō; nihil erit quod non falsum dici possit: Nihil enim est quod non alicui rei dissimile sit, quam veram esse concedimus. Item, si dixerō eo quoddam simile est, falsum appellandum, non solum quia illa reclamabunt, quæ vera eo ipso sunt, quo simillima; sed etiam sic non effugiam eum qui me coegerit falsa esse omnia confiteri, quod omnia sibi ex aliqua parte similia esse negare non possum. Sed sat me non metuerē illud respondere, similitudinem ac dissimilitudinem simul efficere, ut aliquid falsum recte nominetur. Quam mihi euadendū viam dabis? Instabitur enim nihilominus ut omnia falsa esse renuntiem; quippe omnia sibi met, ut suprà dictum est, & similia quadam ex parte, & dissimiliari periantur. Restaret ut nihil aliud falsum esse dicerem, nisi quod aliter se haberet acque videretur, nisi videretur illa tui monstra, quæ me dudum emanasse arbitrabar. Nam eo rursum repellor vertigine inopinatā, ut verum id esse dicam, quod ita se habet ut videtur. Ex quo conficitur si me cognoscere, nihil verum esse posse:*

ubi mihi naufragium in scopulis occultissimis formidandum est, qui veri sunt etiam si nesciantur. At si verum esse id quod est, dixere, falsum non esse vssiam concludetur quoniam repugnante. Itaque redeunt illi astus, nec quicquam tantā patientiā morarum tuarum præcessisse me video. Ratio: Attende potius, nam nullo modo in animum inducam frustra nos auxilium diuinum implerasse. Video enim tentatis quantumcumque potuimus, omnibus rebus, non remansisse quod falsum iure dicatur, nisi quod aut se fingit esse quod non est, aut omnino esse tendit, & non est. His postremis verbis D. Augustinus ostendit quid sentiat de falso quod est in rebus, cuius rationem præcisam in eo constituit, quoddam se fingat esse quod non est, aut omnino esse tendat, & non est. Quæ ratio non est respectiua ad nostrum intellectum; sed ad rem quam se esse simulat. Et iuxta hoc, idem iudicium esse debet, seruata proportionē, de falso atque de vero. Ideoque concedenda est maior argumenti propositi, & neganda minor. Ad cuius confirmationem patet quid dicendum sit ex D. Augustino, qui totam istam doctrinam cap. 10. multis exemplis desumptis ex Comicis illustrat. Et confirmari posset amplius ex moralibus. Actiones enim simulate virtutis, sunt tales in se, priusquam nobis tales appareant; quemadmodum Roscius in scena, falsa Hecuba erat, antequam talis appareret.

Ad Aristotelem dico ipsum eo loci, tradere alios modos falsi, absque compositione & diuisione. *Alia vero, inquit, quancumque*

sunt quidem entia, apta tamen naturâ suâ apparere, aut non qualia sunt, aut qua non sunt, ut umbra, pictura, & insomnia. Hæc enim sunt quidem aliquid, sed non sunt ea quorum faciunt phantasmam

Dices nec istud quidem falsum exprimi posse, nisi per respectum ad facultatem cognoscentem, ut constat etiam ex his verbis Aristotelis. Respondeo id negando: Tametsi enim exprimi soleat per respectum ad facultatē cognoscentem, quia illa ratio est familiarior & notior: Nihilominus tamen exprimi potest aliter. Aurichalcum enim v. g. non solum eā ratione dici debet, aurum falsum, quia nobis apparet aurum, cum tamen non sit; sed etiam, quia antequam nobis appareat, non habet vera principia, sed tantum similitudinem veri auri; ex quo sequitur ipsum nobis apparere posse aurum, cum tamen non sit, Et iuxta hanc doctrinam, falsum rei erit id quod habet difformitatem ad principia illius rei, cuius similitudinem gerit, & quam conatur se esse. Et quidem in hoc, nulla apparet difficultas, nisi forte quis dicat hunc non esse usum huius vocis, *falsum*, ut id significet: sed contra hoc est auctoritas D. Augustini à qua non facile recedo.

Tertia Conclusio.

Verum per respectum ad intellectum
Verum rei describi potest per respectum ad intellectum, ut sit id quod ita est in se, sicut cognitori videtur. Ista tamen ratio non est prima, sed secundaria, & desumpta vel ex ef-

fectu, vel ex proprietate ipsius veri. Ista secunda pars patet, ex dictis priori conclusione. Prior pars probatur imprimis auctoritate D. Anselmi Dialog. de Veritate cap. 12. ubi dicit quoddam veritas est rectitudo solā mente perceptibilis. Probatur etiam ex Scoto lib. 6. Metaphysic. qu. 3. ubi dicit verum esse id quod ita apparet, sicuti est: Item ex Alexandro Alensi 6. Metaphysic. prope finem, ubi hæc præclare habet: *Debemus enim imaginari suo modo, quod veritas ad essentiam eodem modo se habet, quo visibilis ad colorem: visibilitas super colorem non addit aliam rationem, nisi rationem declarativam & apprehensibilem à visu: Similiter veritas addit super rationem Entis, rationem apprehensibilem ab intellectu; ita quod sic imaginemur, quod Ens movet intellectum, & aquat sibi eum, & assimilatur. Ita quod in eo est ratio aquatini, motui & declarativi, & ab ista ratione imponitur nomen veritatis.* Item probatur ex D. Thoma quæst. 16. de Veritate, art. 5. ubi dicit veritatem inveniri in re, secundum quod habet esse conformabile intellectui.

Probatur insuper ex usu huius vocis, *verum*, quæ est imposta ad significandam istam conformitatem, quam unaquæque res intelligibilis potest habere ad intellectum.

Porro veritas hoc modo sumpta competit etiam veritati tum increatæ, tum creatæ, & per respectum ad intellectum tum increatum, tum creatum: Quia omne Ens tum increatum, tum creatum eatenus verum dici po-

describitur, ut sit id quod ita est in se, sicut cognitori videtur.

Quarta Conclusio.

test, quatenus ita est in se, sicut cognoscitur vel ab intellectu increato, vel ab intellectu creato: Cum hoc tamen discrimine, quod habitu illa conformitatis ad intellectum, in qua consistit veritas, est semper actualis respectu intellectus diuini, qui omnem veritatem tunc presentem, tunc futuram, tunc etiam possibilem suo acumine penetrat. Respectu autem intellectus creati non est semper actualis, sed plerumque aptitudinalis; quia intellectus creatus non omnem veritatem percipit actu: Et ita verum rei respectu intellectus increati, erit ipsum Eius intelligibile, vel intellectum quatenus actu apparet ei ita, ut est in se: Respectu autem intellectus creati, est ipsummet Ens intelligibile, vel intellectum quatenus apparet, vel apparere potest eidem intellectui, ut est in se. Ex quibus patet quod nec verum adhuc hoc modo sumptum, est sola denominatio extrinseca, ut existimant Durandus, Caictanus & Vasquez; quia includit ipsam entitatem & intelligibilitatem rei, quæ vera denominatur: Entitas autem & intelligibilitas in re intelligibili, non sunt pura denominatio extrinseca.

Insipienter igitur diligenter nostræ assertiones. Non enim inficiamur verum & falsum describi posse per rer respectum ad intellectum; sed pedibus iuratis, ut aiunt, negamus non esse aliam priorem rationem veri & falsi, ut dictum est.

Verum rei creatum describi potest per respectum ad Deum: ut sit id quo res quæ vera dicitur, est conformis Deo, quantum ei conformari potest & debet. Et ista ratio Veri reuocari potest ad priorem, secundâ conclusionem traditam. Prior pars huius conclusionis est D. Augustini multis in locis, sed præsertim lib. de vera Religione, cap. 36. ubi dicit: *Vera instantium vera sunt, inquantum sunt; instantium autem sunt, inquantum principalis unius similia sunt.* Et paulo ante: *Si enim falsitas ex his est quæ imitantur unum, non inquantum id imitantur, sed inquantum adimplere non possunt. Illa est veritas quæ adimplere potuit, & id esse quod est illud: ipsa est quæ illud ostendit sicut est: unde & verbum eius & lux eius, verissimè dicitur. Cætera illius unius similia dici possunt, inquantum sunt; instantium enim & vera sunt.* Quibus verbis ostendit quæ ratione Verbum diuinum dicatur veritas; & quæ ratione cætera dicantur vera, scilicet ab ipsa prima unitate & veritate.

Et illud idem docet Doctor. Subtilis lib. 6. Metaphysic. q. 3. ubi dicit veritatem in rebus, dici posse tribus modis, videlicet per respectum ad producentem simpliciter: secundò per respectum ad producentem secundum imitationem. Tertiò per respectum ad producentem secundum adæquationem: Et quidem, hoc tertio modo veritatem reperiri in solo Filio Dei, in quo est summa

Z z ij

identitas, & similitudo, & conformitas cum adæquatione ad suum produciens. Et veritatem sumptam secundo modo, reperiri in creatura, quæ eatenus dicitur vera, quatenus imitatur exemplar diuinum, secundum quod formata est ad extrinsecum. Ex quo sequitur, quod etiam multi doceant, veritatem creatam non consistere in quouis respectu ad Deum; sed in respectu conformitatis & imitationis ad ideas & exemplaria quæ sunt in mente diuina.

Suaderi autem potest istud hac ratione. Illud censetur esse verum, quod respondet suæ mensuræ & suæ arti: v. g. illa imago Cæsaris vera censetur, vel quæ imitatur Cæsarem, qui est eius mensura; vel quæ respondet exemplari in mente pictoris existenti. Sed Ideas diuinæ sunt ars & mensura rerum omnium creaturarum. Ergo res creatæ eatenus dici possunt veræ, quatenus imitantur Ideas diuinas.

Secunda pars conclusionis probatur. Veritas rei propriè & primariò sumpta consistit in conformitate rei, quæ vera dicitur ad sua principia. Sed ex Ideis & rationibus existentibus in mente diuina, habent vniuscuiusque rei principia, quod sunt principia talis vel talis rei. Ergo veritas quæ consistit in conformitate ad Ideas diuinas, reuocari potest ad illam quæ consistit in conformitate rei ad sua principia. Declaratur ampliùs. Res quælibet dicitur vera veritate rei, quia est conformis suis principiis. Principia autem eius vera dicuntur, quia sunt conformia suis Idæis:

Ergo veritas quæ dicitur conformitatem ad Ideas, reuocari potest ad primariam veritatem rei.

Et hanc quidem totam doctrinam haud obscurè insinuat Alexander Alensis 6. Metaphysic. prope finem: vbi postquam dixit veritatem essentia & Entis, idem esse quod Essentia rei, habens omne illud quod debet habere, subdit: *Ex hoc autem, essentia creata habet quidquid debet habere, quia in suo gradu, & in suo modo, imitatur Essentiam primam, & intellectum ipsum primi: debemus enim imaginari, quod intellectus ipsius primi continet intellectualiter omnem essentiam creatam; ita quod essentia creata se habens ad intellectum primi, sicut artificiatum ad artificem. Sicut ergo illa dicitur vera arca, quæ imitatur Ideam arce quæ est in mente artificis; ita in essentia, illa est vera essentia, quæ imitatur debitè Ideam, quæ est in mente primi.* Quibus verbis, ostendit & veritatem esse in rebus creatis per respectum ad Ideas diuinas, & istam rationem veri posse reuocari ad eam quæ res dicitur vera, quia habet quidquid debet habere.

Videatur Scotus pro hac re, qu. 18. quodlibet. §. Contra ista. sub lit. T. vbi postquam sibi obiecit istud: *Si dicas, quod veritas non conuenit alicui extra intellectum, sed tantum actui intellectus, vel obiecto ut est in intellectu.* Posset negari, inquit, quia si intellectus aliquis sit regula intellecti, sicut est de intellectu diuino exemplante & regulante creaturam; illud potest dici verum, non tantum ut est actus cognitum, sed etiam ut est in se; quia secundum esse suum, in se est exem-

platum & conforme exemplari.

Respe-
ctus in
quo ob-
iicitur ve-
rum
creatum,
non est
ratio-
nis, sed
realis.

Obseruabis autem contra ali-
quos, respectum illum in quo
consistit veritas hoc modo expli-
cata, esse realem, quia est men-
surati ad suam mensuram, exem-
plati ad suum exemplar, operis
ad suam artem, & effectus ad
suam causam. Vnde non respicit
intellectum speculatiuum, vt
quidam falsò existimant, sed po-
tius intellectum practicum, quia
ideæ non ponuntur in intelle-
ctu speculatiuo, sed in intelle-
ctu practico, quatenus non sunt
simpliciter rationes cognoscendi,
sed rationes secundum quas res
sunt formabiles extrà, ex D. Au-
gustino & Scoto multis in locis.

QVÆSTIO IV.

*An Verum transcendens,
quod est passio Entis,
sit obiectum adæqua-
tum intellectus?*

In ob-
iecto
qua-
tuor di-
stingū-
tur ob-
iectum,
ratio
forma-
lis ob-
iecti,
condi-
tio eius-
dem &
pro-
prietas.



Renotandum in
obiecto adæ-
quato alicuius
potentiæ, multa
reperiuntur, &
distingui posse,
scilicet ipsum obiectum adæqua-
tum, rationem formalem eius,
conditionem sub qua mouet fa-
cultatem, & proprietatem ne-
cessariò consequentem obiectum
ipsam, ex eo quodd sit ob-
iectum adæquatum talis potentiæ.
Quo posito, difficultas est,
quomodo verum, quod est pas-
sio entis, spectet ad intellectum;

an vt obiectum adæquatum eius,
an vt ratio formalis obiecti, an
vt conditio vel vt proprietas
eiusdem? *Agidius Romanus* *Varie*
quodlibet. 4. q. 10. apud Docto- *senten-*
rem Subtilem, & q. 7. apud *tia re-*
Gabrielem Vasquez, tenet verum, *ferun-*
esse obiectum adæquatum intel- *tur cir-*
lectus. Quidam alij docent veri- *caquz-*
tatem, esse rationem formalem *nione*
specificantem & determinantem *propo-*
Eius ad hoc vt sit obiectum adæ- *sitam.*
quatum & proprium intellectus,
quemadmodum bonitas determi-
nat ipsam, vt sit obiectum adæ-
quatum & proprium voluntatis.
Cajetanus 1. p. q. 16. art. 3. &
Gabriel Vasquez etiam 1. p. dis-
put. 76. c. 2. & disput. 77. cap.
5. dicunt veritatem esse tantum
conditionem obiecti adæquati
intellectus. Quid in hac re te-
nendum sit, his Conclusionibus
declaratur.

Prima Conclusio.

Verum non est obiectum adæ-
quatum intellectus. Con-
clusio est Doctoris Subtilis in 1.
dist. 3. qu. 3. §. *Hic visis*. Et lib. 6.
Metaphysic. qu. 3. Anthonij An-
dree ibidem, qu. 6. Caietani, &
Gabrielis Vasquez locis citatis.
Et ita probatur à Doctore Sub-
tili. Omne primum & adæqua-
tum obiectum alicuius potentiæ,
vel est primum & adæquatum
secundum communitatem, vel
secundum virtutem, vel se-
cundum istam vtramque pri-
mitatem & adæquationem simul.
At verum nullo istorum mo-
dorum est obiectum adæquatum
& primum intellectus. Ergo ve-
rum simpliciter non est obiectum

Verum
non est
obie-
ctum
adæqua-
tum in-
tellectus.

Quid
sit esse
primum
primū

ate cō-
munita-
tis, &
primi-
tate vir-
tutis.

adæquatum intellectus. Prima pars minoris probatur: Verum non dicitur inquit, de omnibus per se intelligibilibus; quia non dicitur in quid de Ente, nec de aliquo inferiori per se Entis, puta de substantia vel de accidente. Nulla enim passio dicitur in quid aut de suo subiecto, aut de inferiori sui subiecti. Ergo verum iam non est primum obiectum intellectus primitate communis. Secunda pars probatur: Nulla passio dicitur recte continere virtualiter suum obiectum, nec in esse reali, nec in esse intelligibili: Non dicitur etiam continere inferiora sui subiecti. V. g. rationale non dicitur continere virtualiter hominem, aut individua hominis, nec in esse reali, nec in esse intelligibili: Sed verum est passio Entis, & contentorum sub Ente, Ergo nec Eius, nec inferiora Entis continet virtualiter. Ens autem & inferiora eius sunt intelligibilia: Ergo verum non continet virtualiter intelligibilia. Ergo verum non est primum & adæquatum obiectum intellectus secundum virtutem. Ex his patet tertia pars eiusdem minoris. Ergo simpliciter verum non est obiectum primum & adæquatum intellectus.

Præterea. Primum obiectum Metaphysicæ est Ens, ut est naturaliter prius vero. Ergo primum & adæquatum obiectum intellectus est Ens, ut est naturaliter prius vero. Antecedens patet ex dictis in Prolegomenis. Consequentia probatur: quia videtur par ratio de obiecto habitus intellectus, & de obiecto ipsius intellectus, quo ad hoc.

Obijcit Ægidius. Distinctæ potentie debent habere distincta obiecta: quia ex Arist. 2. de Anima, potentiæ distinguuntur per actus, & actus per obiecta: Sed intellectus & voluntas sunt distinctæ potentie: Ergo debent habere obiecta distincta. At non erunt obiecta distincta, nisi ponatur verum, esse obiectum primum & adæquatum intellectus; sicut bonum est obiectum primum & adæquatum voluntatis: Ergo verum est obiectum primum & adæquatum intellectus.

Respondet Doctor Subtilis maiorem vniuersim non esse veram: quod ut ostendat, dicit quoddam potentiarum animæ quædam sunt disparatæ simpliciter, quædam subordinatæ; & istarum quædam sunt in eodem genere, ut sunt duæ potentie cognoscitiue, puta sensus & intellectus, vel sensus particularis & sensus communis; quædam in diuersis generibus, ut duæ potentie, quarum altera est cognoscitiua, & altera appetitiua, ut sunt intellectus & voluntas. Potentiarum disparatarum simpliciter, obiecta sunt disparata & distincta, ut sunt obiecta quinque sensuum exteriorum. Potentiarum autem subordinatarum in eodem genere, obiecta sunt etiam subordinata; ita quoddam sicut potentia superior potest habere per se actum circa quoddamque, circa quod potentia inferior: Ita obiectum primum potentie superioris, continet sub se obiectum primum potentie inferioris. Quemadmodum v. g. obiectum adæquatum sensus communis continet sub se

Obiectio ex Ægidio.

Solutio.

Potentiarum animæ quædam disparatæ, quædam subordinatæ.

obiectum primum & adæquatum visus, quia potentia visiva subordinatur sensui communi in eodem genere.

Quo-
modo
philoso-
phā-
dum sit
de ob-
iectis
istarum
vtriusq;
generis
faculta-
tum.

Potentiarum autem subordinatarum in diuersis generibus, potest esse vnum & idem obiectum primum, & sub eadem ratione formali ex parte obiecti: quia si appetitiua v.g. possit in tot, in quot potest cognoscitiua, putā si voluntas velit omne illud quod intellectus intelligit; & vice versā intellectus intelligat quidquid voluntas vult; erit æquē latē patens obiectum primum voluntatis, atque obiectum primum intellectus; sicque non erit vnde distinguantur abiecta prima & adæquata istarum duarum potentiarum. Si autem appetitiua nō feratur in tot, in quot fertur cognoscitiua, quia voluntas videtur esse tantum finis, & mediolorum ad finem, non autem necessariorum & impossibilium; tunc faciliē erit distinguere obiecta istarum duarum potentiarum; cum hoc tamen semper stabit, verum non esse obiectum primum & adæquatum intellectus, sed ens, vt alibi demonstratum est. Persistendo tamen in priori hypothesi, quoddam appetitiua adæquetur cognoscitiuæ in amplitudine: Respondeo cum Doctore Subtili alibi, quoddam autoritas Aristotelis non vrget: Non enim vult Philosophus potentias propriē distinguere per obiecta, quia obiectum est posterius potentia: prius autem nec constituitur, nec distinguitur, nec specificatur per posterius: Sed vult tantum distinctionem potentiarum innotescere nobis

per actus, & distinctionem actuum per obiecta. Vnde talis distinctio non est ex natura rei, sed tantum quo ad nos; nec quo ad specificationem, sed tantum quo ad innotescentiam. Itaque benē sequitur; si obiecta sunt diuersa & distincta, quoddam etiam potentia sunt diuersa & distincta; sed non ē conuerso. Nec sequitur, si obiecta sunt idem, vel non differunt inter se, quoddam etiam potentia non differant; sed est fallacia consequentis à destructione antecedentis. Plura enim requiruntur ad identitatem aliquorum, quā ad distinctionem eorundem. v.g. motus distinguitur penes terminos, ita quoddam si termini sunt distincti, motus etiam sunt distincti: Sed non sequitur, si terminus sit idem, quoddam motus sit idem; diuersi enim motus specie possunt esse ad eundem terminum, putā circularis & rectus ad idem Vbi, ex s. Phisic.

Vel si istud adhuc non placet (videtur enim valdē difficile id quod dicit Scotus, quoddam si potentia appetitiua possit in tot, in quot potest cognoscitiua, erit idem obiectum primum & adæquatum vtriusque potentia, sub eadem ratione formali) dici poterit voluntatem esse totius entis, non sub ratione entitatis, sed sub ratione bonitatis: Intellectus autem esse totius entis sub ratione entitatis, ex quo semper sequitur verum non esse obiectum primum & adæquatum intellectus. Veritas autem huius potestem solutionis patebit ex dicendis tertiā conclusionē.

Secunda Conclusio.

Veritas transcendentalis seu rei, non est ratio formalis obiecti primi & adequati intellectus. In hac conclusione conveniunt adhuc cum Doctore Subtili, Cajetanus & Gabriel Vasquez locis citatis, & hac potissimum ratione Doctoris probatur.

Veritas est tantum proprietatis entis. Sed ens prius est à nobis intelligibile sub ratione quidditativa, quam sub ratione alicuius proprietatis. Ergo veritas non est prima ratio intelligibilis in ente. Ens autem est primum & adequatum obiectum intellectus. Ergo veritas non est ratio formalis obiecti primi & adequati intellectus. Confirmatur: quia quod plus aliquid habet de entitate, plus habet de intelligibilitate; ita ut intelligibilitas sequatur entitatem; non autem veritatem. Confirmatur iterum. Quia proprietas est magis extranea alicui subiecto, quam aliquod proprium inferius eius sit ei extraneum. Sed ens non ponitur obiectum adequatum intellectus sub ratione alicuius inferioris sui. Ergo neque sub ratione alicuius proprietatis, qualis est veritas. Consequentia valet à maiori ad minus.

Probatur iterum conclusio isto argumento Doctoris in sua Metaphysica ad hominem: ex eo nimirum, quia Aegidius volebat veritatem esse tantum Ens rationis. Primum obiectum potentiae secundum suam rationem forma-

lem, est prius simpliciter ipsa potentia, vel saltem actu potentiae. Sed verum, cum secundum Aegidium, dicat tantum rationem entis in intellectu, non est naturaliter prius ipso actu: Nam non contingit cognoscere rationem entis in intellectu ut cogniti, nisi intelligendo actum intelligendi per quem sic est in intellectu. Ergo ens verum quod verum, secundum Aegidium non potest esse primum obiectum intellectus. Ergo veritas non est ratio formalis obiecti primi intellectus.

Obijciunt 1. Ens est commune de se ad sensibile & intelligibile, obiectum autem proprium alicuius potentiae, est obiectum eius sub aliqua propria ratione: ergo ad hoc quod ens sit proprium obiectum intellectus, oportet quod determinetur & contrahatur ad ens intelligibile, per aliquam rationem, per quam excludatur ens sensibile. Sed talis ratio contrahens, videtur esse veritas, quae dicit de se rationem manifestatiui vel intelligibilis. Ergo veritas est ratio formalis determinans ens, ad hoc ut sit obiectum primum & adequatum intellectus. Respondet Doctor concessa maiore, negando minorem, cum videlicet potentia est totius illius communis sic abstracti: intellectus autem est totius entis tam intelligibilis, quam sensibilis: quia, inquit, intellectus tanquam potentia superior, potest habere actum tam circa sensibile, quam circa insensibile: unde ista abstractio quae videtur esse non appropriatio, est sufficienter appropriatio.

Obiectio 1.

Solutio ex Scotto.

priatio respectu potentiae superioris, qualis est intellectus.

Obiectio 1. Obiectum non est proprium alicuius potentiae, nisi secundum quod est proprium motuum illius potentiae: sed non mouet aliquid potentiam nisi secundum quod habet aliquam habitudinem ad eam. Ergo ens secundum quod absolutum, & non habens aliquam habitudinem ad intellectum, non est primum & immediatum obiectum eius. Illud autem secundum quod Ens formaliter habet habitudinem ad intellectum, est veritas, quia secundum D. Anselm. Dialog. de Verit. cap. 2. tom. 2. *Veritas est res ita se habens sibi in seipso, ut sit in seipso perceptibilis.* Ergo veritas est ratio secundum quam, Ens est

primum & immediatum motuum intellectus. Ergo veritas est ratio formalis obiecti primi, adequati, & immediati intellectus. Respondet Doctor concessa maiore, negando minorem. Quia, inquit, rationem obiecti dico esse illam formam, secundum quam obiectum est motuum potentiae, sicut ratio actiui vel agendi dicitur esse illa forma, secundum quam agens agit. Talis autem ratio obiecti non potest esse respectus ad potentiam. Et isto modo loquitur Philosophus libr. 2. de Anima: ubi assignans primum obiectum visus, dicit quod illud cuius est visus ut obiecti, est visibile, non per se primo modo, sed secundo modo; ita quod ipsum ponitur in ratione visibilis. Si autem formalis ratio obiecti potentiae esset respectus ad talem potentiam; tunc obiectum pri-

mum visus, esset visibile per se primo modo; quia tunc ipsa visibilitas esset ratio formalis obiecti: & tunc facile esset assignare prima obiecta; quia obiectum primum cuiuscumque potentiae esset correlatiuum ad talem potentiam, puta visus visibile, auditus audibile: Quomodo tamen Philosophus non assignauit prima obiecta potentiarum; sed aliqua absoluta, puta visus colorem, auditus sonum, &c. Unde si verum dicat formalem respectum obiecti ad intellectum, ut vult Aegidius, & de quo alibi, sequitur oppositum propositi. Ex hoc enim lequitur quod ratio illa non sit ratio formalis obiecti, sed aliqua alia ab ea.

Ad D. Anselmum, dico veritatem esse rectitudinem solam mente perceptibilem, vel tanquam conditionem, vel tanquam proprietatem obiecti primi & adequati intellectus, non autem tanquam obiectum primum & immediatum eiusdem.

Tertia Conclusio.

Superest ut veritas sit vel conditio, vel proprietatem obiecti primi & adequati intellectus. Non refert autem multum quodnam horum dicemus: Tamen si probabilius existimauerim esse proprietatem, quam conditionem.

Prior pars probatur. Quia cum verum spectet ad intellectum, & neque tanquam obiectum primum, neque tanquam ratio formalis obiecti primi: restat ut pertineat tanquam conditio, vel tanquam

AAA

Solutio

Quid sit ratio obiecti motui.

Veritas est vel conditio, vel proprietatem obiecti primi.

proprietas obiecti, quia non videtur aliud assignari posse.

Caietanus loco superius citato, tenet esse conditionem obiecti. Sic enim loquitur: *Hoc interest inter bonum & verum, quod bonum obiectum formale voluntatis, verum autem conditionem obiecti formalis significare videtur. Et propterea omnis appetitus est appetitus boni formaliter: Omnis autem intellectus, non est intellectus veri formaliter, sed rei vera; ita quod ly, rei, notat rem intellectam, & ly vera, conditionem qua res intelligitur. Propter quod rationes scoti in 1. dist. 3. qu. 3. quibus impugnat verum esse proprium obiectum intellectus, non oportet soluere, quoniam de obiecto formalis loquuntur. Idem ferè habet Vasquez 1. part. disput. 77. cap. 5. num. 14. Deinde explicandum est, inquit, quâ ratione verum dicatur obiectum intellectus, sicut bonum voluntatis: id verò iuxta mentem Caietani in hoc articulo optime intelligi potest, ita ut bonum constitutur obiectum voluntatis, tanquam ratio formalis rei volitæ; quia nihil mouet ad prosecutionem & complacentiam, nisi sub ratione boni apprehendatur: Verum autem non sit ratio formalis in quocumque obiecto cognito; hæc enim ratio formalis est entitas: sed sit conditio quedam consequens.*

Nilominus si attentè consideretur quid sit conditio cuiuslibet obiecti, deprehenderetur veritatem non posse esse conditionem obiecti primi & immediati intellectus: Quia nulla conditio spectat ad entitatem obiecti cogniti, neque tanquam subiectum, neque tanquam proprietatis subiecti, ut patet discurren-

do per omnes conditiones obiectorum; sed est semper aliquid extrinsecum entitati obiecti, sine quo tamen obiectum non esset proximè apprehensibile vel apprehensum; sic se habent, v. g. respectu obiectorum sensuum exteriorum, approximationes debite; respectu visus etiam specialiter, illuminatio aëris, &c. Veritas autem est proprietas intrinseca obiecti primi intellectus, nimirum Entis. Ergo non est tantum conditio. Adde quod conformiter fundamentis Caietani & Vasquez, non potest dici quod veritas sit conditio obiecti intellectus. Quia omnis conditio præcedit actum potentie actutendentis in tale obiectum: Ponitur enim conditio, ad hoc ut eliciatur actus circa illud obiectum. At veritas obiecti ex illis, est tantum denominatio quædam extrinseca proueniens ex veritate quæ est formaliter & propriè in intellectu, ex eo quod intellectus apprehendat vel apprehenderit rem sicuti est in se. Ergo illa est posterior actu intellectus: Ergo non potest requiri ad actum intellectus, ac proindè non potest habere rationem conditionis. Et ita patet vltima pars huius conclusionis, nimirum veritatem spectare ad intellectum tanquam proprietatem obiecti eius, ut docet etiam Doct. Subtilis in 1. dist. 3. q. 3. §. *sed contra*. Eodem ferè modo quo mobile pertinet ad obiectum Physicæ, non tanquam obiectum ipsum, neque tanquam ratio formalis obiecti, neque tanquam conditio eiusdem, sed tanquam proprietas.

Qui dicunt veritatem rei con-

Veritas
est po-
tius pro-
prietas,
quàm
condi-
tio ob-
iecti.

Veritas

non est
tantum
intelli-
gibili-
tas.

sisistere in respectu conformitatis ad intellectum, dicunt consequenter eam nihil aliud esse, quam ipsam intelligibilitatem rei, seu aptitudinem quæ est in re ut intelligi possit. Sed nos conformiter principiis supra positis, aliter philosophari debemus de veritate rei; ut dicamus illam non in intelligibilitate primo consistere, sed in eo quod res ita sit, sicut debet esse conformiter suis principiis, ut dictum est. Adde quod etiam in sententia illorum, illud quod dicunt, non est omnino verum: veritas enim videtur quidpiam aliud dicere quam intelligibilitas: Quia intelligibilitas dicit solum aptitudinem quæ est in re, ut concipiatur, quoquo modo concipiatur: veritas autem dicit aptitudinem ut concipiatur eo modo quo est: Quæ ratione puto Alexandrū de Ales superius dixisse verum consistere in ratione æquatiui, motiui & declaratiui. Præterea, multi ex illis sustinent veritatem esse tantum in rebus, quatenus possunt esse causa veri iudicii intellectus, ut Gabriel Vasquez: & iuxta hoc, veritas rei non potest esse idem quodd intelligibilitas eius: quia multa sunt intelligibilia, quæ non sunt causa iudicii, ut simplices termini, & non enuntia-bilia.

QVÆSTIO V.

An veritas per prius dica-
tur de veritate rei, quàm
de veritate cognitionis,
& quomodo?



RENOTANDUM Veritas
1. veritatem non non est
esse vniuocam vniu-
ad veritatē rei, caadve-
& ad verita- ritatem
tem cognitio- rei, &
nis; quia nulla ad veri-
tatem
cogni-
tionis.

est ratio communis vna, nullus item conceptus huic utrique veritati ex æquo conueniens: Quare superest ut in solo nomine conueniant, seruata tamen fortè proportionalitate aliquâ; itaut quemadmodum veritas cognitionis consistit in conformitate; ita etiam veritas rei consistat in quadam conformitate; sed hæc in conformitate rationis essentię rei ad sua principia; illa in conformitate reali intellectus ad rem cognitam & apprehensam. Quo posito, quæstio proposita non habet difficultatem nisi de nomine: Quia dubitari tantum potest cuiusnam veritati, an rei, an cognitionis, nomen veritatis ex primæua sui significatione & impositione, sit applicatum? Tamen tūm propter eos qui tenent veritatem esse solum in rebus per denominationem extrinsecam; tūm ad præcedentium dictorum maiorem euidentiā, non erit inutile satisfacere quæstioni propositæ.

Ultra
veritate
quæ est
in rebus
per de-
nomi-
nationē
extrin-
secam,
datur
alia,
quæ est
confor-
mitas
rei ad
sua prin-
cipia.

Prænotandum 2. negari non posse quin sit in rebus aliqua veritas per denominationem extrinsecam, à veritate quæ est in intellectu, quæ res denominatur conformis intellectui apprehendenti: sed ultra eam, quæ non potest esse passio Entis, datur alia veritas in rebus intrinseca, quæ vnaquæque res dicitur conformis sibi ipsi, seu suis principiis. Qui hanc posteriorem veritatem non agnoscunt, statim proferunt veritatem prius esse in intellectu, quàm in rebus. Et non mirum: Quia si nulla sit in rebus veritas, præter eam quæ in illis est per denominationem extrinsecam; clarum est eam prius debere esse in intellectu, quàm in rebus: quia quæ sunt talia tantum extrinsecâ denominatione ab aliis, posterius sunt talia, quàm ea quæ sunt talia intrinsecè, & quæ sunt causa & ratio cur alia denominentur extrinsecè talia. Sed admittendo istam aliam veritatem transcendentalem in rebus; aliter philosophandum est, ut videbitur inferiùs. Admittendam autem esse patet ex tertia quæstione, vbi illam probauimus authoritatibus & rationibus; quibus iterum addi possunt ea quæ habet Alexander Alensis 6. Metaphysic. prope finem: vbi refertur argumenta eorum qui ponebant veritatem solum in intellectu subiectiuè, & in rebus causaliter: tum quia veritas est adæquatio intellectus cum re; adæquatio autem est solum in intellectu subiectiuè: tum quia hoc etiam sentire videtur Philo-

sic. vbi dicit quoddam verum & falsum non sunt in rebus sicut bonum & malum, sed in mente. Referens inquam ista, & soluens, ita loquitur: *Ad argumentum illorum qui ponunt omnem veritatem in intellectu, quia adæquatio est in intellectu; patet quod dupliciter peccat: primò quia non loquitur de omni veritate, sed de veritate conceptus solum, quæquidem est adæquatio conceptus ad rem extrinsecam. Secundò peccat, quia non omnis adæquatio est in intellectu subiectiuè; & per consequens nec omnis veritas: possumus enim duplicem adæquationem ponere; vnam, quæ est ex hoc quod essentia rei est conformis suæ principis, vel imitatur ideas diuinas; & ista causaliter est in intellectu primi; subiectiuè vero & formaliter est in essentia: Alia est adæquatio quæ est ex hoc quod noster intellectus imitatur res; & ista causaliter est in re, subiectiuè autem in intellectu concipientis; & de hac procedebat argumentum eorum.* Ad dictum Philosophi, est dicendum quod non est intentio eius quod verum & falsum omnino sunt in anima; sed quod non ita opponuntur sicut bonum & malum: quia bonum & malum tantum sunt in rebus: verum autem & falsum possunt esse in rebus & in anima. *Ad cuius evidentiam sciendum est quod aliter est de voluntate, & aliter de intellectu: quia intellectus est aptus natus facere apud seipsum, rem sub eitate diminuta, quæ res apud seipsum est sub eitate completa; & ideo propter vim intellectiuiam, res est apta nata habere duplex esse, scilicet in se, & in intellectu; & ideo propter hoc, habet veritatem in se, & veritatem in in-*

Quo-
modo
ex Ale-
xandro,
verum
& fal-
sum sit
in in-
tellectu;
bonum
autem
& ma-
lum in
rebus
ipsis.

rellektu. Appetitus autem non est aptus natus facere, quod res aliud esse habeat quàm in seipsis: Vnde intellectus est motus rerum ad animam; hoc est, ex hoc quod intellectus est, res habet aliquid esse in anima; quia intellectus quodammodo omnia est secundum entitatem diminutus. Appetitus autem est motus anima ad res ut sunt in seipsis. Si ergo hæc sunt vera; ipsum verum quod est verum intellectus, ita est in seipso, & in re, quod aliquo modo est in intellectu secundum aliquem modum essendi: omnium autem communium sunt in rebus tantum, quia per vim appetitivam non fiunt in anima; potius enim anima per appetitum fit in rebus, quàm res in anima. Hæc Alexander. Quibus positis, sit

Prima Conclusio.

Quo-
modo
veritas
prius
dicatur
de ve-
ritate
cogni-
tionis
quàm
de ve-
ritate
rei.

Veritas prius dicitur de veritate cognitionis, quàm de veritate quâ res dicuntur veræ, quatenus sunt causa veritatis cognitionis. Patet, quia quod est tale per se & intrinsecè, prius est tale, quàm quod est tale tantum denominatione extrinsecâ. Sed actio intellectus intrinsecè & per se est vera, res autem quatenus est causa veritatis quæ est in intellectu, est tantum vera denominatione extrinsecâ à veritate quam potest efficere, quemadmodum deambulatio sana dicitur à sanitate animalis, quam potest efficere. Ergo veritas prius dicitur de veritate cognitionis, quàm de veritate rei, prout res vera dicitur denominatione extrinsecâ. Et hoc ad summum probant rationes eorum, qui

volunt Verum per prius dici de Vero cognitionis, quàm de Vero rei, quia non existimant aliud esse verum rei, quàm illud quo res dicitur vera denominatione extrinsecâ à veritate cognitionis quam potest efficere.

Secunda Conclusio.

Veritas prius dicitur de veritate rei, quâ res propriè & formaliter vera dicitur, quàm de veritate cognitionis. Probat hac vnicâ ratione: Obiectum intellectus prius est actione intellectus: Sed in illo priori est res aliqua vera secundum se. Ergo prius est rem esse veram, quàm actionem intellectus. Ergo veritas prius competit rei quàm actioni intellectus. Maior est certa. Minor etiam patet ex dictis: quia ante quemcumque respectum ad intellectum, res quælibet habet suum proprium & solidum esse, secundum quod dicitur ita esse, sicut debet esse conformiter suis principijs. Sed ex dictis suprâ, in hoc consistit veritas transcendentalis, seu veritas rei, quæ est passio entis. Ergo in illo priori, in quo res quælibet præsupponitur ad actionem intellectus, veritas competit vnicuique rei.

Confirmatur hoc exemplo. Quando albedo v. g. actu inheret Petro, verum est Petrum esse album: veritas autem illa non competit simpliciter huic complexo contingenti, propterea quod complexum istud faciat, vel sit natum facere verum aliquod iudicium de se, vel ex

Quo-
modo
veritas
prius
dicatur
de veri-
tate rei,
quàm
de veri-
tate
cogni-
tionis.

eo quodd intellectus formet istam complexionem: *Petrus est albus*: sed ex eo quia albedo actu inhaeret Petro; ex quo postmodum habet quodd possit facere verum aliquod iudicium de se. Ergo veritas prius competit huic complexo contingenti, quam intelligatur habere respectum aliquem ad intellectum. Ergo veritas prius competit veritati rei, quam veritati cognitionis.

Addo, tantum abesse quodd veritas rei dicatur à veritate cognitionis; quin potius veritas cognitionis dicitur à veritate rei: Cum enim veritas rei consistat in eo quodd res ita sit, sicut debet esse iuxta sua principia: veritas cognitionis consistit in eo quodd intellectus rem ita apprehendit, sicuti est in se. Ergo ex veritate rei, sequetur veritas cognitionis, & non è contrà. Et hoc confirmatur hocce dicto Aristotelis in Prædicamentis: *Ab eo quodd res est vel non est, propositio dicitur vera vel falsa*. Et hanc rem non obscure insinuavit Doctor Subtilis in 1. dist. 2. q. 2. respondendo ad certum argumentum, ut ostendit Lychetus in suis Commentarijs ad hunc locum.

Tertia Conclusio.

Quinā
veritatis
sit pri-
mò im-
positum
nomen
veritatis
ex pri-
mæua
sui si-
gnifica-
tione.

SI quaestio sit de nomine; non scuto si dicatur verum ex primæua sui significatione impositum fuisse ad significandum verum cognitionis, potius quam verum rei: Hoc enim fortè verum est: Tamen nunc usus obtinuit, ut æquè diceretur de vero rei, atque de vero cognitionis: Nunc enim in Scholis,

conformitas rei ad sua principia, vel ad suas ideas, si quas habet, æquè veritas dicitur, atque conformitas intellectus ad rem intellectam. In his quaestiunculis de nomine non lubet diutius immorari.

QVÆSTIO VII.

In quo consistat ratio Falsi?



DE Falso dicenda sunt aliqua, non quodd sit proprietas entis, sed quia Vero opponitur. Breuiter autem aperui quid sentirem de ratione eius, quaestione tertiâ, conclusionem 2. respondendo ad argumentum. Tamen ut quæ à nobis eo loci dicta sunt, magis explicentur & confirmentur,

Prænotandum primò duplex esse falsum, aliud rei, aliud cognitionis, quod ex duplici vero Falsum duplex.superiùs explicato potest intelligi.

Prænotandum 2. Intellectum nostrum posse decipi in intelligendo simplicia, sicut & in apprehendendo composita: & cā ratione dubitari potest, an intellectus dici possit falsus in apprehendēdo simplicia, sicut falsus dicitur in apprehendēdo composita, quando scilicet cā aliter quam sint, apprehendit.

Prænotandum 3. dubitari maximè posse an sit aliqua falsitas in rebus, & quomodo sit in illis, an intrinsecè, an extrin-

fecit, & in quo consistat? His omnibus ordine satisfacimus.

Prima Conclusio.

Falsitas cognitionis potissimum est in compositione & diuisione. **F**alsum cognitionis maxime proprie dicitur de intellectu componente vel diuidente. Patet ex Aristotele multis in locis; sed praesertim initio primi lib. de Interpretatione, & in fine lib. noni Metaphysic. Fauet ratio: Quia quemadmodum veritas cognitionis est conformitas intellectus ad rem intellectam, ita falsitas cognitionis est difformitas eiusdem intellectus ad rem intellectam: sed in compositione vel diuisione proprie est difformitas. Ergo falsitas proprie dicitur de intellectu componente vel diuidente. Haec tota ratiocinatio & maxime minor, in qua consistit tota probatio conclusionis, patebit magis ex mox dicendis.

Secunda Conclusio.

Falsitas cognitionis non est in apprehensione simplicium. **F**alsum cognitionis proprie non est in intellectu simpliciter apprehendente. Est Aristotelis in fine libri noni Metaphysicorum. Et probatur. Non est difformitas proprie in intellectu simpliciter apprehendente ad rem apprehensam. Ergo non est falsitas. Consequentia patet. Antecedens probatur. Difformitas proprie tunc est in intellectu, cum rem aliter quam sit intelligit: Sed in simplicium apprehensione, res non potest apprehendi aliter quam sit. Ergo in simplicium apprehensione seu

in intellectu simpliciter apprehendente, non potest esse falsitas. Maior est clara, & habetur apud D. August. lib. 83. qq. q. 32. ubi dicit: *quisquis ullam rem aliter quam ea res est, intelligit, fallitur.* Et ita ad difformitatem cognitionis, duo requiruntur, primum ut res apprehendatur; secundum, ut aliter, seu sub alia forma & sub alio modo; quam est, apprehendatur; ita quod alicuius illa sit alicuius modi, vel rationis alicuius affirmatae de re apprehensa, quae tamen ei non conuenit, vel negatae de eadem per iudicium aliquod posituum, quae tamen ei conuenit. Minor probatur. Cum res totaliter ignoratur, aut non apprehenditur omnino; non apprehenditur aliter quam sit: sed quando non est veritas in simplicium apprehensione, restat quod res illa simplex omnino non apprehendatur. Ergo in simplicium apprehensione, res non potest apprehendi aliter quam sit. Maior patet. Minor probatur. Simplex, vel totaliter scitur, vel totaliter ignoratur: si totaliter sciatur; tunc intellectus est verus: si totaliter ignoretur, tunc non apprehenditur omnino. Ergo ubi non est veritas in simplicium apprehensione; restat ut sit ignorantia, & non tantum falsitas.

Dices haec quidem vera esse de simplicibus non habentibus plures rationes, in quas resolui possunt, quae appellantur simpliciter simplicia, qualia sunt differentiae ultimae: Non tamen de simplicibus habentibus plures rationes in quas resolui possunt,

quæ tantum dicuntur simplicia, quia non sunt actu complexa per iudicium aliquod vel compositionem, vel diuisionem intellectus, qualia sunt quidditates hominis, bruti, vel lapidis: Hæc enim non semper totaliter sciuntur, nec semper totaliter ignorantur: sed aliquando partim sciuntur, nimirum secundum aliquas rationes; partim ignorantur, scilicet secundum alias rationes.

Dico tamen quoddam nec circa illa contingit falsitas, dummodo non progrediatur usque ad iudicium: sed quâ parte sciuntur, intellectus est verus; quâ parte ignorantur, est ignarus & non falsus, quia circa rationes quæ ignorantur, intellectus habet solum carentiam cognitionis, & non difformitatem. Vnde huiusmodi cognitio quidditatum habentium plures rationes, quarum aliæ sciuntur, aliæ ignorantur, aliter denominatur quam vera vel falsa; nimirum imperfecta, inadequata, incompleta, &c.

Obiectio.

Solutio.

Quare falsum non sit in simplicium apprehensione, & tamen verum sit?

Obijciens Superius dictum est esse veritatem in simplicium apprehensione: Ergo dicendum est esse quoque falsitatem: quia oppositorum eadem est ratio. Respondendo negando consequentiam: quia in simplicium apprehensione potest esse conformitas intellectus apprehendentis ad rem apprehensam, quando nimirum intellectus ita rem attingit, sicuti est: Non potest autem esse difformitas; quia quando intellectus simpliciter non attingit ut sunt, simpliciter non attingit. Hoc totum est Aristotelis in fine lib. 9. Metaphysicor. ubi consti-

tuit duplex verum, vnum in compositione vel diuisione, & aliud in simplicium apprehensione: *Verum*, inquit, *si componitur*: Aliud autem *si verè est*, sic est. Vnicui verò constituit falsum: *Si non componitur*, inquit, (supple sicut componendum est) *falsum*. *Verum autem intelligere ipsa*, (supple simplicia) *Falsum verò non est* (supple in intelligendo ipsa simplicia) *nec deceptio, sed ignorantia*. Ista explicant Aenodorus & Scotus in suis Commentarijs ad hunc locum. Ad rationem consequentiam, dico verum & falsum non opponi propriè, nisi in compositione vel diuisione. Quia etiam ex Aristotele, veritati apprehensionis simplicium, nullum falsum opponitur.

Tertia Conclusio.

Datur aliqua falsitas intrinsecè & formaliter in rebus; difficile tamen est assignare in quo consistat. Prior pars conclusionis est contra communem sententiam Philosophorum: est tamen expressa apud D. August. lib. 2. Soliloquiorum, cap. 9. & 15. Patebit autem ex declaratione secundæ partis huius eiusdem conclusionis.

Omnis igitur omnibus modis, quibus D. Augustinus tentat falsitatem aliquam assignare in rebus: Dicamus cum eo, imprimis falsitatem rei non consistere in dissimilitudine; sic enim omnia essent falsa, cum nihil sit quod in aliquo non sit alteri dissimile. Non consistit etiam in similitudine propter eandem rationem: Vnde licet similitudo rerum sit mater falsita-

Datur aliqua falsitas formaliter in rebus.

Explicatur variè ratio. nes in quibus ostenditur falsitatem rei non consistere.

ter falsitatis, ut loquitur ipse cap. 6. non est tamen ipsa falsitas. Non consistit etiam in eo quod non sit; quia sic, nihil esset falsum, nisi quod non est. Non consistit adhuc in eo quod aliter se habeat, quam videatur. Nam licet etiam illud falsum sit, quod aliter se habet quam appareat nobis; falsitas tamen illa non est formaliter in re, sed in intellectu nostro rem apprehendente aliter quam sit; quæquidem res quantum est ex se, vera est, & nata talem sui æstimationem facere apud intellectum, qualis est in se. Est ergo falsitas huiusmodi in re, per denominationem extrinsecam à falsitate quæ est in intellectu. Addere possumus falsitatem rei non consistere in difformitate rei ad intellectum diuinum: quia non in difformitate ad intellectum speculatiuum primò: Non enim Deus intelligit res aliter quam sint: Non etiam in difformitate ad intellectum practicum, seu ad diuinas ideas: quia quidquid est, hoc ipso quod est aliquid, & non nihil, est conforme suæ regulæ, suæ ideæ; aliàs Deus aliquid irrationabiliter produceret. Non consistit etiam præcisè in difformitate ipsius falsi, ad principia, eius rei cuius similitudinem gerit: sic enim omnia quæ sunt diuersæ naturæ, & in aliquo sunt similia, essent falsa.

In quo Proferamus iam in quo confis-
tendum stat, & ita loquamur cum D.
August. cap. 9. *Video tentatis*
quantum petuimus, omnibus rebus,
non remansisse quod falsum iure di-
catur, nisi quod aut se fingit esse,
quod non est, aut omnino esse tendit

et non est. Et ita falsum rei erit illud propriè quod quodam conatu vel naturæ, vel artis, vel rationis tendit, aut fingit se esse id quod non est. Ita quod ad falsum rei tria concurrere debeant. Primum, difformitas ad principia veri. Secundum, similitudo veri; imitatio inquam, non quæ sit simplex aliqua similitudo, sed imitatio quædam tendentiæ vel conatus; vndequeque proveniat illa tendentia seu conatus, siue à natura, siue ab arte, siue à ratione. Hæc est, meo iudicio, sententia D. Augustini, quam etiam prolixè inculcat cap. 15. ubi frequenter repetit illud esse falsum, quod ad similitudinem alicuius accommodatum est, & quod habet ad verum nonnullam imitationem. Sic ergo, si quod opus naturæ verum aliquod imitetur industriâ quadam naturæ, falsum dici poterit: Sic aurum chymicum in eo quod per artem imitatur verum aurum, falsum aurum dici debet. Sic ut cum Augustino loquar, *In scena Res eius voluntate falsa Hecuba erat.*

Huius sententiæ est noster magnus Alexander Ales. 1. par. qu. 16. mem. 1. & memb. 4. ubi docet falsitatem esse in rebus: & eâ ratione falsum subsistere in vero, quia falsum subsistit in Ente: Ens autem & Verum idem sunt: Et quod non tantum denominatione extrinseca, sed etiam formaliter, patet ex eius rationibus.

7 Dices omnia hæc entia esse vera, quatenus habent vera principia eius, quod sunt? Respondeo ita esse; hac ratione tamen

etiam esse falsa, quia non habent vera principia eius quod imitantur, & quod gestiunt esse. Ideoque falsum posse consistere cum vero, aliàs non omne Ens esset verum; Et hæc Entia absolute spectata, esse vera, quatenus habent vera principia eius quod sunt; comparata autem ad aliud quod imitantur, & cuius similitudinem gerunt, esse falsa. Vnde habebis falsitatem rei consistere in respectu, non in entitate absoluta.

Dices iterum: Ego falsitas erit etiam passio entis? Respondeo id negando; quia istud falsum non reperitur in omni Ente, sed in paucis rebus, ut patet.

Obserua porro hic, eodem modo esse philosophandum de hac falsitate rei, & de falsitate cognitionis, cuius illa est causa, atque de veritate rei, & de veritate cognitionis: Itaut quemadmodum veritas prius est in re, quam in intellectu; ita propter eandem rationem, falsitas prius sit in re quam in intellectu; falsitas inquam, quæ est in intellectu ab illa falsitate rei: Quod notanter dico, propterea quod non omnis falsitas cognitionis est à falsitate rei, ut dicemus sequenti questione, & ut patet; quia quantumcumque res veræ sint ex se; tamen intellectus plerumque errat & fallitur. Vnde verò hoc proveniat, explicabitur. Illud autem quod dicimus, dumtaxat verum est; ubi contingit intellectum falli propter falsitatem quæ est in re. Quod iterum animaduerto, quia non semper intellectus fallitur, ubi

res in se falsa est; cum enim deprehendit eam esse falsam, tunc non fallitur, sed verus est, quia rem apprehendit sicuti est.

Querit noster Alexander 1. p. q. 16. memb. 2. an falsitas sit etiam in sensu? Cui dubitationi ut satisfaciat, distinguit de sensu interiori communi, & de sensu exteriori: Et quidem in sensu interiori communi dicit esse falsitatem; in sensu exteriori, non esse. Sed hæc videri possunt latius apud ipsum.

Porro de veritate signi nihil nunc dicimus: illam enim relinquimus Logiceis discutiendam.

QVÆSTIO VII.

*Vnde provenit quod tam
sepè fallamur, & tam
rarò atque difficulser
veritatem assequamur?*



Nihil suavior animo cibum est quam cognitio veritatis, inquit Lactantius lib. 1. Divinarum Institutionum cap. 1. Tamen est in nobis adeò exigua huiusmodi cognitio, ut plerumque falsa pro veris amplectamur. Quid huius rei causæ sit, detegamus.

Prænotandum autem imprimis hæc nomine cognitionis veritatis, nos nihil aliud intelligere, quam certam apprehensionem rerum ut sunt, siue res illæ complexæ sint, siue simplices. No-

Quid sit
cognitio
veritatis
in pro-
posito.

mine quoque falsitatis, nihil aliud intelligere, quam rerum apprehensionem, non ut in se sunt, sed aliter quam sunt, siue res illæ sint etiam complexæ, siue sint simplices: quo pacto nomen falsitatis latius usurpamus, ut significet tam errorem & deceptionem, quam simplicem ignorantiam rerum, quas tamen scire putamus.

Prænotandum 2. causam huius nostræ difficultatis in apprehendenda veritate, assignari posse vel Theologicè, vel Philosophicè. De causa Theologica nihil impræsentiarum dico: quæ fortè alia non est, quam peccatum primi parentis, & amissio iustitiæ originalis. Restat igitur causam philosophicam inquiramus.

Prænotandum 3. nos duplici viâ, veritatis cognitionem consequi posse, scilicet inuentione & disciplinâ: inuentione, ut primi Philosophi, qui suo studio propter mirari cœperunt philosophari: Disciplinâ, ut ij qui per auctoritatem & industriam alicuius docentis, rerum veritatem assequuntur.

Prænotandum 4. nostros errores; deceptiones, falsitates, ignorantias, & difficultates in adipiscenda veritatis cognitione, referri tantum posse ad tres radices, scilicet vel ad res ipsas, vel ad intellectum nostrum, vel ad utrumque simul. Heraclitus apud Fōnsecam, existimat referri debere in res ipsas solum. Alij multi apud Franciscum Suarez tom. 1. Metaphysic. disput. 9. sect. 3. distinctione vtiuntur, dicendo rerum quasdam esse nobilissimas &

superiores homine, & alias minùs nobiles & inferiores homine: Et quidem respectu priorum, totam difficultatem esse refundendam in nos: Quia res illæ ex se sunt maximè cognoscibiles; & si eas non cognoscamus, hoc provenit ex imperfectione intellectus nostri, qui non est eis proportionatus: Respectu autem posteriorum, totam difficultatem esse refundendam in ipsasmet res, quia imperfectæ sunt, & parum intelligibiles. Suarez ipse addit etiam imperfectionem nostri intellectus, itaut respectu harum rerum huius posterioris generis, radix deceptionis & difficultatis sit & intellectus nostri, & ipsarum rerum imperfectio. Alexand. noster lib. 2. Metaphysic. cap. 1. text. 6. Idem omnino sentit quod authores citati apud Suarez: *Quereret quis, inquit, utrum difficultas existat secundum duos modos, secundum quod dicit Philosophus: Dicendum quod sic. Ad quod notandum, quod intellectus difficultas ex hoc provenit, quod natura rei non bene potest attingi ab intellectu: quod autem intellectus attingat, hoc est, quia mouetur ab obiecto; ita quod ipsum intelligere magis est attingi, quam attingere. Cum enim intellectus sit potentia passiva, intellectus est magis in moveri: Quod autem intellectus non possit moveri ab obiecto, hoc potest esse duobus modis; vel quia obiectum deficit à natura motus actus; & sic difficultas provenit ex parte obiecti: Quia intellectus deficit à natura motus passiva; etiam sic difficultas est ex parte nostra. Debemus enim imaginari suum modum in intellectu, sicut in visu: quædam enim sunt quæ habent*

Varie
sententia
re-
feruntur.

Difficultas
in cognoscenda
veritate
ex duplici
causa.

Duplici
viâ cognoscimus
res.

Tres
causæ
referuntur
nostræ
difficultatis
in rebus
cognoscendis.

parum de luciditate, & ista non bene possunt mouere potentiam visiuam, propter defectum sui, & propter defectum motionis actiue: Quaedam vero sunt, quæ multum habent de luciditate, & ista non deficiunt in motione actiua: sed ipsum passiuum non est aptum moueri a tam excellenti obiecto. Ita suo modo, quædam sunt, quæ parum habent de intellectuualitate, & ista non sunt apta nata bene mouere intellectum, & in talibus est defectus ex parte obiecti, & difficultas. Quædam sunt quæ multum habent de intellectuualitate, quia multum habent de entitate, sicut sunt substantiæ separata; & ista non deficiunt in motione actiua, sed intellectus noster non est aptus natæ bene moueri a tam excellenti obiecto; & ideo difficultas hic intelligendi, est ex parte nostra, & non ex parte obiecti.

Prænotandum s. quodd quandoque aliquid naturâ suâ est tale, respectu cuiuscumque remanet tale. Et ita si sint aliquæ res naturâ suâ imperfectæ & parum intelligibiles, respectu cuiuscumque intellectus etiam diuini, erunt tales. Quodd si ponantur duntaxat respectu alicuius intellectus parum intelligibiles, & non respectu omnis, signum euidens est aliquid debere esse in ipso intellectu, respectu cuius dicuntur parum intelligibiles, ratione cuius dicantur potius respectu eius parum intelligibiles; quàm respectu omnis intellectus. Et ita, si quæ sit difficultas ex parte rerum aliquarum, in attingenda earum veritate, ea erit in illis respectu cuiuscumque intellectus. Quodd si sit tantum respectu intellectus nostri, necesse erit fateamur esse

in nostro intellectu imperfectiorem aliquam, & carentiam viuacitatis in attingendis rebus minutissimis, & valde imperfectis, quæ, quantum est ex se, satis possunt se manifestare intellectui perfectiori, & potenti eas penetrare. His positus, sit hæc

Prima Conclusio.

Speculatio de veritate partim difficilis, partim facilis est. Est sententia Aristotelis initio libri 2. Metaphysicæ. quam probat eo signa, quia nimirum neque satis eam aliquis consequitur, neque aberrant omnes ab ea; sed quisque aliquid de natura dicit; & singuli quidem nihil aut parum ei addunt; ex omnibus verd collectis aliqua magnitudo fit. Quâ parte nullus eam satis consequitur, difficilis est; & quâ parte non omnes aberrant ab ea, facilis. Iterum, quâ parte singuli nihil aut parum de ea dicunt, difficilis est; quâ parte simul omnes collecti multitudinem quandam verarum propositionum efficiunt, facilis. Addit Aristoteles esse facilem ratione principiorum quæ habent ex terminis euidentiā; ut, Totum est maius sua parte. Quodlibet est, vel non est. Esse tamen difficilem vel ratione conclusionum quæ ab ipsis elici possunt, vel ratione habitudinis quam habent ad innumeras conclusiones, quæ quidem habitudo non satis à nobis potest intelligi. Audiamus circa hæc ita præclare philosophantem Alexandrum: *Quæreret quis, inquit, utrum veritas possit perfecte comprehendi à nobis? Dicendum est quodd non: Cuius ratio est, quia intellectus noster limitatus est; & ideo non nisi finitum cognoscit,*

Speculatio veritatis partim facilis, partim difficilis est.

¶ *secundus* modus scibilium ; infra autem naturam veri continentur infiniti modi scibilium. Triplici autem via hoc potest probari : prima autem est ; quia infra naturam veri, cadit primum Ens ; secunda autem , quod substantia separata cadunt etiam infra naturam veri : Tertia via sumitur ex hoc quod virtus principij respectu conclusionum non potest perfecte comprehendi à nobis. Prima ergo via est ; quia infra naturam veri cadit primum Ens. Suppositis enim quod Ens primum cadat infra naturam intellectus : fient non potest comprehendi natura intellectus primi ; sic nec natura veri in toto suo ambitu. Item hoc patet secundo de scibili creato : Multa enim creata propter excellentiam sui esse , sunt improporcionata intellectui nostro , ad quæ non potest attingere , propter debilitatem sui esse : Et cum illa continentur infra naturam scibilis , & illam non attingat intellectus noster complete ; non attinget etiam comprehensionem veritatis. Tertiò patet hoc ex habitudine quam habent principia ad conclusiones ; quæ habitudo est ; quia principia sunt virtualiter conclusiones ; si ergo debet perfecte cognoscere principium , oportet quod cognoscat totam virtutem principij : secundum quod se extendit ad omnes conclusiones. Cum ergo non possit intellectus cognoscere omnes conclusiones quæ possunt elici ex principio illo : quia secundum Philosophum , sunt infinita in potentia : Ergo non potest perfecte cognoscere veritatem principij , & per consequens perfecte attingere comprehensionem veritatis. Sic ergo prima via sumitur ex hoc quod primum Ens cadit infra naturam veri. Secunda via sumitur ex hoc , quod

substantia separata cadunt infra habitum veri & scibilium. Tertia via sumitur ex hoc quod virtus principij respectu conclusionum non potest perfecte comprehendi à nobis.

Sed quidquid sit : Non solum illis agenda sunt gratia , inquit , Aristot. quorum opinionibus quis acquiescat , & qui rerum veritatem sunt assecuti , sed etiam illis qui superficie tenus dixerunt. Conferunt enim aliquid etiam isti : habitum namque nostrum exercuerunt. Si enim Timotheus non fuisset , multum melodia nequaquam habuissimus. Et si Phrygius non extitisset , ne Timotheus quidem.

Secunda Conclusio.

Difficultas assequendi rerum veritatem , est solum penes nos , & penes imperfectionem intellectus nostri , respectu quarumcumque rerum , huc earum quæ supra , siue earum quæ infra nos sunt. Conclusio est Doctoris Subtilis , & Anthonij Andree lib. 2. Metaphysic. q. 2. Et probatur imprimis autoritate Philosophi eodem lib. 2. Metaphysic. cap. 1. qui postquam dubitatiue dixit difficultatem ipsam posse esse , vel ex parte rerum , vel ex parte nostri , absolute resoluit causam eius non esse in rebus , sed in nobis ipsis : *Forſan autem* , inquit , & difficultate existente secundum duos modos ; non in rebus , sed in nobis causa eius , supple est. Sic enim ad verbum habet textus Græcus : ὅτις διὰ τῆς χαλεπότητος οὐσης κατὰ δύο τρόπους , καὶ ἐν τοῖς πράγμασι καὶ ἐν ἡμῖν ὁ αἴτιος αὐ-

Difficultas cognoscendi res provenit ex imperfectione nostri intellectus.

nis. Et non ut sic malè verſum eſt nuper : Cùm verò difficultas duobus ſit modis, fortaliſſis cauſa eiꝝ non rebus, ſed nobis ipſis ineſt: Vbi particula; fortaliſſis, ſic tranſpoſita corrumpit omnino ſenſum Philoſophi. Subdit autem ad huiꝝ rei maiorem confirmationem : *Sicut enim veſperilionum oculi ad lucem diei ſe habent; ſic & anima noſtra intellectus ad ea quæ ſunt omnium natura maniſeſtiſſimi.* Quaquidem comparatione ſatis indicat totam iſtam difficultatem ſe tenere à parte noſtri. Et quidem hoc fatentur omnes reſpectu rerum quæ ſupra nos ſunt; quamvis negent reſpectu rerum quæ ſunt infra nos, & quæ ſunt valdè imperfectæ, & minimæ entitatis.

Id verò etiam probatum manet ex ſ. prænotato, & magis confirmatur. Quia illa inæqualitas cognoscibilitatis rerum, non ponitur reſpectu cuiuſcumque intellectus: Nam reſpectu intellectus infiniti*, omnia ſunt æquè cognoscibilia & cognita.

Addo intellectum Angelicū clarè videre in ijs in quibus cæcutimus: & quod reſpectu noſtri habere videtur minimum intelligibilitatis, reſpectu intellectus Angelici, eſt valdè cognoscibile.

Addo ruruſ, frequenter res minimæ entitatis meliꝝ & velociꝝ cognosci à quibuſdam hominibus præſtantis ingenij, quàm quæ habent multum entitatis ab alijs: quæ omnia ſatis demouſtrant radicem difficultatis quam habemus in adipiſcenda

veritate rerum tenuium & imperfectarum, eſſe repetendam ex nobis, & non ex rebus ipſis.

Illud etiam non obſcurè videtur inſinuaviſſe Sapiens Ecclèſiaſtæ 1. vbi poſtquam dixit *Cunſtas res eſſe difficiles*; ſtatim ſubdit: *Non poteſt eas homo explicare ſermonem*: quaſi totam iſtam difficultatem reſumat in noſtram tenuitatem & impoſſibilitatem. Itaque anguſtiæ ſunt nobis vndiq; tūc ex parte rerum quæ ſupra nos ſunt, vel quia non poſſumus ad eas accedere; vel quia nimis mouent & lædunt noſtrā imbecillē facultatem: tūc ex parte rerum quæ infra nos ſunt: quæ tamen, quantum eſt ex ſe, ſint ſatis cognoscibiles; tamen quia non nos ſatis mouent, vel potiꝝ quia non ſatis mouemur ab illis; ſic ut reſpectu noſtri, non ſint ſatis cognoscibiles. Deſectus autem iſte noſter impietatis provenit ex eo quia intellectus noſter finitus eſt. Demum quia in ordine rerum intellectu alium etiam creatarum, infimum locum tenet. Addere poſſumus molem corporis, & ſenſuum ſarcinam, quæ nos deprimunt, quoties in rerum pulcherrimarum notitiā contendimus aſſurgere. Hæc attigit Diuus Gregorius Nazianzenus Orat. 2. de Theologia, poſt medium: *Cum veritas omnis*, inquit, *& diſputatio plurimum difficultatis atque obſcuritatis habeat; ac nos velut paruo quodam inſtrumento res magnas efficere moliamur, humana videlicet ſapientia adiuvante rerum cognitionem aucupantes, de rebus intellectibilibus animum vni tantum*

sensibus admoventes, aut certe non sine sensibus, quibus undique iactamur, atque in errorem petramur, nec nudâ mente cum nudis rebus versari, atque inde ad veritatem propius accedere, rebusque perceptis ac comprehensis mentem informare possimus: tum verò dissipatio ea qua de Deo suscipitur, quò perfectior, eò quoque difficilior, &c.

Obiectio 1.

Obijcies 1. Quemadmodum se habet visibile ad visum, ita se habet intelligibile ad intellectum: Sed inæqualitas visibilium, non petitur solum ex inæqualitate facultatum visuarum; sed etiam ex inæqualitate visibilium, quorum aliqua minus lucis & quantitatis habent, quàm alia. Ergo inæqualitas intelligibilium non petitur solum ex inæqualitate facultatum intellectuum, quarum aliqua sunt minus vel magis perfectæ, quàm alia; sed etiam ex inæqualitate ipsorum intelligibilium, quorum aliqua sunt plus vel minus perfectæ quàm alia. Respondeo concessâ maiore; minorem non esse veram, nisi ex hypothesi quoddam nullâ dari possit facultas visiva, quæ æquè possit intueri quicquid est quoquo modo visibile: Si enim daretur aliqua facultas visiva, quæ æquè videret in tenebris, atque in luce, & æquè attingeret tenuissima corpora, atque solidiora & maiora: tunc inæqualitas visibilium esset repetenda ex illa solum facultate, quæ non posset æquè bene videre omnia visibilia, & non ex ipsis visibilibus, ut patet. Ergo quia dantur aliqui intellectus, quibus omnia sunt æquè intelligibilia; inæqualitas intel-

Solutio.

ligibilium est petenda solum ex illo intellectu, qui non potest æquè bene intelligere omnia intelligibilia.

Obiectio 2.

Obijcies 2. Intelligibilitas tanta est, quanta est entitas vniuscuiusque rei; quia intelligibilitas sequitur entitatem: Sed entitas vniuscuiusque rei, est tanta vel tanta secundum se: Ergo & intelligibilitas erit tanta, vel tanta secundum se, & non per respectum ad intellectum nostrum duntaxat. Respondeo negando maiorem absolute; quia respectu intellectus perfectissimi, stante inæqualitate entitatum, potest esse æqualitas intelligibilitatum: quia æquè perfecte intelligit minimam entitatem, atque maximam & perfectissimam. Ad confirmationem dico intelligibilitatem sequi quidem entitatem, non tamen sequi modum aut quantitatem eius, sed modum intellectus nostri: Itaque licet res ex se sint intelligibiles, sunt tamen plus vel minus intelligibiles per denominationem extrinsecam à virtute intellectus magis vel minus perfectæ.

Solutio.

Nulla potest asserti ratio in favorem prioris sententiæ, quâ nimirum dicebatur totam difficultatem allatam, esse petendam ex rebus ipsis, nisi forte dicatur nos non posse cognoscere sine speciebus, & omnes res, vel non producere species sui, vel producere nimis tenues. Sed hoc nihil est dictum: quia non posse cognoscere sine speciebus, arguit imperfectionem status nostri, & in rebus quæ species producere non possunt, non est imperfectio ex eo quoddam illas non possunt pro-

ducere ; imò perfectionis est , quia hoc demonstrat earum rerum statum sublimem & abstractum à materia. Aliæ res quæ minùs tenues species producant , satis sufficientes producant ex se : sed si quæ sit insufficientia , ex parte nostri est.

Tertia Conclusio.

Ra'ix
falsita-
tis &
erroris
est in
nobis.

Radix falsitatis deceptionis & erroris , quo fallimur , decipimur , & erramus circa res quas malè apprehendimus , est solùm in nobis , & non in rebus ipsis. Probatur : quia si res ex se essent fallaces & deceptoriz , respectu cuiuscumque intellectus essent tales : sed constat hoc esse falsum : quò enim perfectior est intellectus , eò minùs fallitur ; ita quod si sit perfectissimus , nullo modo fallatur aut decipietur in apprehensione rerum. Ergo res ex se non sunt fallaces & deceptoriz ; sed nos ex imperfectione nostra plerumque decipimur. Imperfectio autem illa est imprimis vis nostra intelligendi finita , & infima inter omnes vires intelligendi , insuper imperfectio sensuum , quibus vndique iactamur , atque in errorem pertrahimur , ut loquitur D. Greg. Nazianzenus.

Quarta Conclusio.

In re-
bus ipsis
sunt oc-
casio-
nes de-
ceptio-
nis.

In rebus ipsis sunt multæ occasionès erroris & falsitatis. Puta distantia obiecti , similitudo rerum , verisimilitudo , externa apparentia , figura & forma. Probatur , quia si hæc non essent in re-

bis , non tam sæpè deciperemur. Ergo tamen si radix falsitatis sit in nobis ; tamen etiam occasiones aliquæ falsitatis & erroris sunt in rebus. Eà ratione dicit D. Augustinus lib. 2. soliloq. cap. 6. & 7. similitudinem esse matrem erroris , & eas res falsas à nobis nominari , quas verisimiles deprehendimus. Ita enim præclare & accommodatè nostro proposito loquitur : *Itaque oportet patienter seramus donec nobis ceteri sensus renuntient in verisimilitudine habitare falsitatem. Nam ex in ipso auditu totidem ferè genera veniunt similitudinum (loquutus iam fuerat de quibusdam alijs sensibus) veluti cum loquentis vocem , quem non videmus , audientes , putamus alium quempiam , cui voce similis est : atque in deterioribus vel cibo testis est , vel tinnitus ille ipsarum aurium , vel in horologijs Merula aut Corui quadam imitatio , vel quæ sibi somniantes aut furentes videntur audire. Videturne tibi aut lilium à lilio posse edere , aut mel thymimum à melle thymimo de diversis alnearijs sapore , aut mollitudo plumarum Cygni ab asperis tallis facile dijudicari ? Quid cum talia nos vel olfacere , vel gustare , vel tangere somniamus ? Nonne similitudine imaginum eò deteriore , quò inaniore decipimur ? Ergo apparet nos in omnibus sensibus sue in deterioribus rebus , aut similitudine lenocinante falli , aut etiam si non fallimur suspendentes confessionem , seu differentiam dignoscere , tamen eas res falsas nominare , quas verisimiles deprehendimus .*

Porriò quòd dicit Suarez tem.
1. Mc-

1. Metaphysic. disput. 9. sect. 2.
num. 5. 6. 7. & sequentibus, hoc
esse discriminis inter verum &
falsum; quodd intellectus ab eui-
dencia rei determinatur ad ve-
rum; non determinatur autem
ad falsum nisi à voluntate: quo
ad istam posteriorem partem mi-
hi non probatur. Quia tanta po-
test incite rebus verisimilitudo
& apparentia, vt intellectus no-
ster non valens discernere nisi
id quod apparet, ita determine-
tur ad illud, ac si esset verum
ipsum quod inquirat. Quod sic
ostendo. Quando intellectus ex-
hausit omnes vires suas in re
aliqua cognoscenda; si non po-
tuit adhuc attingere veritatem
eius, ita tamen determinatur ad
assentiendum ei quod sibi appa-
ret, ac si illud esset ipsa veritas
rei quam inquirat; quia existi-
mat nihil esse amplius cognos-
cendum in illa re. Ergo ipsum
quod apparet, determinat intel-
lectum ad assentiendum falso, &
non ipsa voluntas. Nec valet si
dicat euidenciam cogere & ne-
cessitare ita intellectum ad as-
sentiendum veris, vt non possit
dissentire vel non consentire:
Apparentiam autem & verisimi-
litudinem non posse ita cogere
intellectum: proindeque ipsum

debere determinari per volunta-
tem ad assentiendum falsis: quia
seclusâ necessitate, non potest de-
terminari intellectus ad iudiciũ,
nisi per voluntatem, cùm ipse
liber non sit. Hoc, inquam,
non valet; quia imprimis nego
apparentiam seu verisimilitudi-
nem non posse æquè cogere intel-
lectum præsertim omnibus
suis viribus exhaustum, qua-
lemcum pono, ac cogit euiden-
tia. Denique dico non tantam
esse determinationem & necessi-
tatem, quâ intellectus determi-
natur & necessitatur ad falsum,
quanta est necessitas & determi-
natio, quâ necessitatur & deter-
minatur ad verum. Quia deter-
minatur ad verum immobiliter
& immutabiliter; determinatur
autem ad falsum mutabiliter:
Vnde & veritas dicitur immuta-
bilis, & falsitas mutabilis. Ideo-
que sat est quodd ponamus ipsam
imbecillitatē & imperfectionem
intellectus ex vna parte, & re-
rum apparentiam & verisimilitu-
dinem, vel alias præcipuas falsita-
tis occasiones ex alia; vt intelle-
ctus quoquo modo determinetur
ad assentiendum falsis; ad quod
non plus concurreret voluntas,
quàm ad iudicium quo intelle-
ctus assentitur veris.



TERTIA PARS

HUIUS CAPITIS QVÆ EST DE BONO.

QVÆSTIO I.

*An Bonum sit passio Entis, & in quo
consistat eius ratio?*



Propo-
nitur
status
ques-
tionis,
& varie
senten-
tiaz re-
ferua-
tur.

Icut maximè cer-
tum est apud om-
nes Philosophos,
Bonum esse pro-
prietatem Entis;
ita valdè incer-
tum est & dubium apud eosdem,
in quonam consistat eius ratio.
Noster magnus Alexander Alen-
sis, qui hanc rem prolixè per-
tractavit 1. p. q. 17. & 18. per
decem & nouem membra, sta-
tuit rationem boni in quodam
respectu ad affectionem, sicut
rationem pulchri in respectu ad
apprehensionem, vt videre li-
cebit q. 17. membro 2. & post-
modum agendo de bono creato
q. 18. membro 1. & 5. sequens
in omnibus D. Augustinum lib.
de Natura boni contra Mani-
chæos, docet illud consistere
in modo, specie, & ordi-
ne. *Modus autem*, inquit, *su-*
mitur ex comparatione creatura ad
causam efficientem, quia ipsa dat
modum: species ex ordinatione rei
ad causam formalem; ordo verò

ex comparatione ad causam finalem.
Vnde bonum creatum dicitur, quia
à bono, quia in bono, quia ad bo-
num. Inquantum dicitur quis à
bono, habet modum; inquantum
dicitur quis in bono, habet speciem;
inquantum dicitur quis ad bonum,
habet ordinem. Hæc autem om-
nia sonant respectum aliquem,
vt patet. Citatur etiam D. Tho-
mas pro parte eorum qui statuunt
rationem boni in respectu, quia
1. p. q. 5. art. 1. in corpore, sta-
tuens discrimen inter Ens & Bo-
num, dicit rationem Boni in eo
consistere, quòd aliquid sit ap-
petibile; & infra, bonum dicere
rationem appetibilis, quam non
dicit Ens. Ratio autem appeti-
bilitatis est ratio respectiua.
Cajetanus nihilominus eò loci sic
eum interpretatur, vt dicat D.
Thomam sentire rationem boni
non consistere præcisè & forma-
liter in ipsa ratione appetibilis,
sed in proximo fundamèto appe-
tibilis: cui interpretationi fauent
verba eiusdem D. Thomæ in solu-

tione ad primum, ubi dicit Bonum dicere rationem perfecti, quod est appetibile. Durandus in 2. dist. 34. qu. 1. num. 22. constituit etiam rationem Boni in respectu: Postquam enim confutauit opinionem Heruzi quodlibet. 3. q. 2. art. 2. qui vult rationem formalem boni aut esse perfectionem ipsam rei, aut aliquid ad perfectionem ordinatum, ita loquitur: *Dicendum ergo quod formalis ratio boni est ratio conuenientis; ita quod bonitas est formaliter ipsa conuenientia, & contrahit entitatem ad partem subiectiuam, qua est relatio, & ad talem relationem quæ est conuenientia; & sic omnis bonitas est quadam entitas, qua est respectiua, sed non omnis entitas est quidditatiue bonitas; ita quod non conuertuntur essentialiter: Bonum vero ratione concrecioni, importat. id quod habet talem conuenientiam, ut eius subiectum vel fundamentum: Et quia illud potest inueniri in quolibet genere, saltem in generibus absolutis; ideo bonum dicitur conuerti cum ente, non essentialiter, sed denominatiue; formalis tamen ratio boni est respectiua, scilicet ratio conuenientia. Circa quod, notandum est quod illud quod est conueniens alicui, aut est ipsi conueniens intrinsecè secundum habitudinem causa materialis, vel formalis, vel sicut pars quantitativa, ut pes vel manus conueniunt homini, seu pars essentialis, ut materia & forma, nec-non & perfectiones accidentales; & talibus formaliter & primo competit ratio boni: Aliis autem important conuenientiam ad rem extrinsecè, secundum habitudinem causa efficientis, vel alterius extrin-*

seca rationis siue conditionis; & talibus conuenit secundario & extrinsecè ratio boni; sicut sanitas dicitur bona primo & formaliter, medicina autem & vrina secundario, quia utrumque extrinsecè, unum per modum efficientis, aliud per modum signi.

Molina 1. p. q. 5. disp. v. nicà post principium, sentit rationem formalem Boni consistere in ipsa perfectione reali rei, cum relatione rationis perficientis, ad rem perficendam. Capreolus in 2. dist. 34. art. 1. conclus. 2. & 3. asserit Bonum, formaliter consistere in relatione rationis ad appetitum, quam ipse appellat rationem perfectiuam alterius. Fonseca lib. 4. Metaphysic. cap. 2. q. 7. sect. 5. dicit Bonum addere enti solam relationem rationis, eamque solam formaliter significare; & quidem istam relationem non esse relationem finis, nec appetibilis, sed conuenientis. Suarez tom. 1. Metaphysic. disput. 10. sect. 1. num. 12. dicit Bonum supra Ens, solum posse addere rationem conuenientia, quæ non est propria relatio, sed solum connotat in alio talem naturam habentem naturalem inclinationem, capacitatem, vel coniunctionem cum tali perfectione; vnde bonitatem dicere ipsam perfectionem rei, connotando prædictam conuenientiam. Pater Eustachius à sancto Paulo, tertià Parte Metaphysicæ, disput. 2. q. 11. conclus. 3. statuit rationem Boni in respectu conuenientia Dei cum seipso, & rerum creatarum cum Deo.

Noster Ricardus à Media vil-
CCc ij

la in 2.^o dist. 1. art. 4. q. 2. vult ad rationem bonitatis concurrere simul & entitatem, & perfectionem; Ita vt bonitas sit Entitas sub ratione quâ perfecta est. Gabriel Vasquez 1. p. disput. 23. cap. 5. dicit rationem formalem bonitatis quæ conuertitur cum Ente, esse integritatem & perfectionem rei in suo esse.

Sententia Doctoris Subiicitur & explicatur. Duplex bonitas, vna absoluta, & altera respectiua. Bonitas respectiua per duplicem respectum explicatur.

Post hæc varia placita quæ reperi apud citatos authores, lubet mentem Doctoris nostri breuiter subiicere. Ille itaque q. 18. quodlibeticâ §. *De Primo*, explicans in quo consistat ratio bonitatis actus moralis, statuit cum D. Augustino lib. 8. de Trinit. cap. 3. duplicem rationem bonitatis Entis; vnâ absolutam, quam vocat primariam; & alteram respectiuam, quam secundariam appellat: & quidem primam dicit nihil aliud esse, quàm integritatem vel perfectionem Entis in se: Alteram verò, quam dicit esse accidentalem siue superuenientem entitati, esse integritatem conuenientię, vel integram conuenientiam eius alteri, cui debet conuenire, vel alterius sibi: Itaut hæc postrema bonitas respectiua, duplicem conuenientiam sibi mutuo correspondentem & connexam dicere possit, nimirum vel rei bonæ cum subiecto, cui res illa bona est & conueniens; vel ipsiusmet subiecti boni, quod eâ ratione bonum dicitur, quia habet id quod sibi conuenit. Subiicit vtriusque conuenientię exempla in sanitate & in pane. Sanitas enim bona dicitur, quia est conueniens animali: Panis autem bonus dicitur, quia

habet saporem sibi conuenientem: & est discrimin inter hanc vtramque denominationem bonitatis, quodd prior est denominationi quasi formæ à subiecto; sanitas enim dicitur bona ab animali, quia est bonum ipsius animalis: Posterior autem est denominatio subiecti à forma: Panis enim dicitur bonus ab illa qualitate saporis sibi conueniente & inherente. Denique vtriusque bonitatis tum absolutæ, tum respectiue subiicit etiam exempla ex D. Augustino, lib. 8. de Trinit. c. 3. vbi primum dicitur *Bona facies hominis dimensa pariliter, & affecta hilariter, & luculenter colorata*. Quibus verbis exprimitur bonitas absoluta & primaria, quâ aliquid bonum dicitur, cum habet ea omnia quæ sibi conueniunt, vt sit tale vel tale Ens. Postmodum dicitur *bonus aer, modestus, & salubris, & bonus valetudo sine doloribus & lassitudine*. Quibus verbis exprimitur bonitas respectiua, quâ nimirum aliquid bonum dicitur, quia est alteri conueniens. His tamen dictis, non resoluit Doctor an vtraque ista bonitas, vel alterutra tantum, & quænam, sit passio Entis. Imò Lichetus ad hunc locum, dicit expressè quodd non accipitur hic bonitas Entis, siue entitatiua, prout est passio Entis; sed accipitur pro perfectione essentiali Entis in se; ita quodd talis bonitas essentialis siue perfectio, quæ est integritas vel perfectio essentialis Entis in se, importet possibilituè negationem imperfectionis. An autem saltem bonitas respectiua secundaria, superueniens

An Bonum sit pass. Entis, & in quo consist. eius ratio. 38)

& accidentaria, quæ consistit vel in conuenientia alicuius alteri, vel in conuenientia alicuius sibi, vt dictum est, sit passio Entis necne, non resoluit. Taretus verò ad hunc eundem locum, dicit bonitatem illam absolutam sic explicatam à Doctore, esse passionem Entis: quid sit autem altera bonitas, non resoluit. Vt in tanta obscuritate, lucem aliquam inueniamus,

Boni-
tas ab-
soluta
duplex.

Prænotandum. Duplicem esse distinguendam bonitatem absolutam; vnam scilicet quidditatiuam, & alteram purè entitatiuam. Prima nihil aliud est quàm perfectio essentialis, quidditatiua, & gradualis, seu magnitudo perfectionis vniuscuiusque naturæ: Et hæc non est passio entis, sed modus intrinsecus vniuscuiusque entis quanti, secundum quem dicitur esse vel in hoc, vel in isto gradu essentiali & specifico entis, æquale vel inæquale alteri enti quanto, excedi vel excedere, mensurari vel mensurare, & de hac bonitate loquitur Scotus quæst. 6. quodlibet. §. *Contra ista*, cum dicit, *Quod bonitas essentialis quæ una species est melior alia, non est res addita essentiali.* Et paulò suprà: *Magnitudo perfectionis non est aliud realiter ab eo cuius est.* Iuxta quam doctrinam paulò superius adhuc docuerat quòd omni proprietate per possibile, vel per impossibile circumscripta ab essentiali, diuina; ipsa habet propriam magnitudinem, scilicet propriam infinitatem: habet enim gradum intrinsecum, sicut res finita habet propriam finitatem. Imò magis,

sicut si circumscribas ab homine omnem proprietatem, adhuc habet propriam finitatem in ordine entium. Possumus autem huius rei rationem optimam reddere. Quia diuersæ & inæquales naturæ non sunt diuersæ & inæquales, excessæ vel excedentes per suas proprietates, vel per aliquid posterius ipsis; sed per ipsosmet suos gradus quidditatiuos & específicos, habent quòd sint æquales vel inæquales, excessæ vel excedentes. Ergo bonitas illa absoluta, quæ consistit in magnitudine perfectionis, secundum quam res habent istam inæqualitatem gradualem inter se, non potest esse proprietas consequens naturam entis, sed est modus intrinsecus earum rerum, quibus competit excedi vel excedere, mensurari vel mensurare, & perfectionis magnitudo, quale est solum ens quantum.

Bonitas absoluta purè entitatiua consistit in veluti possessione eorum omnium quæ conueniunt enti, vt sic. Ita quòd, quemadmodum actus moralis dicitur bonus, quando habet omnes conditiones & circumstantias, ex quibus integratur eius bonitas: ita ens dicitur bonum, quando habet id omne quod sibi conuenit. Et huiusmodi bonitas nihil aliud est, quàm perfectio entis, vel sanè parum differt ab illa; eò nimirum quia, ens perfectum dicitur, quando habet id omne ex quo integratur, completur & perficitur; bonum verò, quando habet id omne quod sibi conuenit. Vnde si bonum absolutum hoc

modo sumptum & perfectum, distinguuntur formaliter; minima distinctione formali distinguuntur, ut patet.

Quo-
modo
distinguitur
Ens &
bonum.

Quomodo autem istud bonum distinguatur ab ente, non constat apud omnes. D. Thomas, qui rationem boni constituit in quodam absoluto, ut sentit Vasquez 1. p. disput. 23. cap. 5. vult tamen quoddam bonum & ens differant secundum rationem; non solum secundum rationem significantem & concipientem, sed secundum rationem significatam & conceptam, inquit Cajetanus 1. p. q. 5. art. 1. Ratio autem significata idem est quoddam apud nos, ratio formalis. Durandus qui constituit bonum in ratione quadam respectiva, dicit questione præfata, num. 11. quoddam differt ab ente, ratione reali, quam non format solus intellectus. Cum tamen num. 22. explicando suam mentem, dicat convenientiam in qua primo consistit ratio boni, sit convenientia quædam intrinseca rationum pertinentium ad rem, cui dicuntur bonæ vel convenientes: patet bonitatem hoc modo explicatam, in re ipsa non esse aliam, quam bonitatem aliquam absolutam: Sicque etiam bonitas absoluta, in sententia Durandi, distinguitur ab ente, ratione reali quam non format solus intellectus. Et si ponamus istam bonitatem esse passionem entis, hoc necessarium fateri tenemur conformiter prius dictis de distinctione proprietatum Entis ab ente. Sed quanquam facile sit ostendere varias rationes formales entis & boni respectivæ

sumpti: quia nimirum bonum respectivè sumptum, ultra entitatem suam, dicit respectum ad id cui est conveniens, vel saltem ut dicit Suarez, connotat inclinationem, capacitatem, & conjunctionem eius cui est conveniens: Tamen facile non est ostendere quomodo distinctas habeant rationes formales Ens, & bonum absolute sumptum; nisi dicamus rationem entis in eo præcisè consistere, quoddam sit id quod est; rationem autem boni in eo quoddam id quod est, habeat id omne quod sibi convenit: Sic enim non omnino per intellectum, sed rationibus quibusdam formalibus, & acceptis in re ipsa, distinguuntur Ens & bonum.

Prenotandum 1. vel potius colligendum ex sententia Doctoris Subtilis superius explicata, Bonum non consistere simpliciter in ratione respectiva convenientiæ, contra id quod docetur communiter, & nos etiam aliquando docuimus in Moralibus, sed in ratione absoluta & intrinseca; nimirum in eo quoddam res quæ bona dicitur, habet id omne quod sibi convenit.

Nec refert quoddam una & eadem res secundum eandem naturam & eandem perfectionem, sit uni conveniens, & alteri disconveniens, proindeque sit uni bona, & alteri mala: Nam hoc verum est de bonitate & malitia respectiva; non de absoluta. Et licet ita se haberet, quoddam aliqua res nulli planè rei esset conveniens, tamen dato quoddam esset aliquid, & non nihil, esset semper bona, bonitate suâ intrinseca & absolutâ.

Et hæc est expressa sententia D. Augustini lib. de Natura Boni, cap. 4. & 5. vbi docet tamdiu rem aliquam bonam permanere, quamdiu est & corrupta non est: vbi autem corrupta est; sicut non est amplius illa natura, sic nec bona est. His positis, sic hæc

Prima Conclusio.

Bonum est proprietas Entis.

Bonum est proprietas Entis. Probatur hac generali ratione. Illud est propria passio alicuius quod ei conuenit, & de eo dicitur reciproce, ita vt conueniat ei soli & semper, & omnibus contentis sub eo. Sed bonum est huiusmodi respectu Entis. Minorem probat noster magnus Alexander 1. part. q. 18. memb. 6. vbi ostendit quod vnumquodque inquantum est, bonum est, imprimis autoritate Boëtij lib. de Hebdomad. cap. 2. dicentis: *Quidquid est in eo quod est, bonum est.* Et D. Augustini 3. de libero arbitrio, cap. 15. vbi dicit, *quidquid est, sicut esse debet, bonum est.* Quibus addere possumus id quod habet lib. 83. qq. q. 24. dicens: *Omne quod est, inquantum est, bonum est.* Et lib. 8. de Trinit. cap. 3. vbi præclare distinguens inter bonitatem entis, & bonitatem moralem, hæc habet: *vt autem sit bonus animus, vides agendum esse voluntate, non quia ipsam quod animus est, non est aliquid boni: Nam vnde iam dicitur, & verificum dicitur eorum melior; sed in quantum dicitur bonus animus, quoniam refertur ei actio voluntatis, quæ sit præstantior.* Fauet Arist. 1. Ethic. tñi cap. 4. in aliis impressionibus, cap. 6. & in aliis 7. vbi dicit

Distin-
guie
hic D.
Aug.
inter
boni-
tatem
entis, &
boni-
tatem
mora-
lem.

quod bonum totidem modis dicitur, quod id quod est.

Vt autem hæc veritas clarior fiat, duo probanda sunt per ordinem. Primum: Omne Ens esse bonum. Secundum: Nihil esse bonum præter Eus, seu præter id quod est.

Primum est contra Manichæos Omne & Priscillianistas, qui vt refert D. August. lib. de hæresibus, hæ. ref. 46. existimabant esse quas-

dam creaturas naturâ suâ malas, & à quodam malo principio ortas. Contra quos multa scripsit Opuscula D. Augustinus, sed præsertim librum vnum de Natura Boni, vbi cap. 1. ita loquitur: *Quia bona omnia, siue magna siue parua, per quolibet rerum gradus non possunt esse nisi à Deo: Omnia autem natura inquantum natura est, bonum est: Omnis natura non potest esse nisi à summo & vero Deo: Quia omnia, etiam non summa bona, sed propinqua summo Bono, & rursus omnia etiam nouissima bona, quæ longè sunt à summo Bono, non possunt esse nisi ab ipso summo Bono.* Et probari potest illud primò ex illo primi Genesis, vbi de singulis operibus Dei, postquâ facta sūt dicitur: *Et vidit quod esset bonum.* Omnibus autem conditis, dicitur: *vidit Deus cunctas quæ fecerat, & erant valde bonæ.* Et ratio est, inquit Abulenſis ad hunc locum; quia res dicuntur duas bonitates. Prima est bonitas specialis in natura sua, cui datur quædam benedictio: Alia est bonitas quæ dicitur res qualibet inquantum est quædam pars vniuersi, quia vniuersum est maximum bonum creatum, quod continet quendam ordinem perfectissimum, vt dicit Philosophus 12. Metaphysic. in fine, quod entis no-

hunc malè disponi.

Ratio autem huius rei est, quia nullum est Ens quod non habeat quiddam conueniens est suæ entitati, nimirum suos gradus entitativos, ex quibus constituitur in sua entitate, & qui conueniunt ei, ut talis entitas est: Ergo nullum est Ens quod non sit bonum.

Quomodo non omne ens est bonum per essentiam.

Dices. Ergo omne Ens est bonum per essentiam, & non solum Ens increatum, quia omne Ens eo ipso quoddam est, bonum est; quod tamen non admittunt Theologi. Respondetur negando consequentiam; & ad rationem diceudo Denm non dici bonum per essentiam, quoddam eo ipso, quia est, bonus sit: nam hoc omni Enti competit, etiam creato: Sed quia aliunde non mutuatur suam bonitatem, sed eam à seipso habet; unde Deum esse bonum per essentiam, idem est quoddam esse bonum per independentiam; vel ratione suæ essentia, quæ nec ut sit, nec ut bona sit, requirit aliquid aliud à se, à quo dependeat; quod cum nulli enti creato conuenire possit, dicitur Marci 10. *Nemo bonus nisi solus Deus.*

Quomodo errores & actus peccati sunt boni.

Dices rursus: Multa sunt Entia quæ nullam habent bonitatem, ut actus peccati & errores intellectus, & ea quæ carent perfectione sibi debita. Respondendo hæc omnia habere semper bonitatem entitativam, quatenus sunt actus vitales intellectus, vel voluntatis; & ea quæ carent omnimoda perfectione sibi debita, modò sint entia, habent etiam bonitatem entitativam, sed carent solum bonitate vel perfe-

ctione accidentali, vel alia, ad quam naturâ suâ inclinantur. Confirmatur: Quia cum ex nostra hypothese, ratio boni consistat in eo quoddam res habeat quiddam sibi conuenit, quatenus Ens est v.g. Cum substantia vel accidens dicantur bona, quatenus habent id omne quod conuenit suis entitatibus; certè destructis ijs quæ sic illis conueniunt, sicut non remanent bona, sic nec remanent entia: Quod sit ut ratio boni soli enti conueniat. Hinc dixit D. Augustinus lib. 1. de Natura Boni. cap. 16. *Nem ergo mala est, inquantum natura est illa natura; sed cuiusque non est malum, nisi minus bono: Quod si in mundo absumeretur, sicut nullum bonum, ita nulla natura relinqueretur.* Et hac ratione docuit noster Alexander 1. p. qu. 18. membro 8. bonum creatum esse immutabiliter bonum, quia stante naturâ cuiusque rei, non potest corrumpi eius bonitas.

Non potest natura remanere incorrupta, & non esse bona.

Proponi solent aliz dubitationes, de materia prima, & de rebus mathematicis: sed parui sunt momenti apud nos: Nam quod spectat ad materiam primam, sicut nostra Schola tribuit illi propriam entitatem distinctam ab entitate formæ, ita tribuit illi propriam bonitatem distinctam à bonitate formæ. Quæ autem vel quid sit, ista bonitas declarat noster magnus Alexander 1. p. q. 18. membro 6. ad secundum. Sed præclarius D. Augustinus libro de Natura boni cap. 18. *Neque enim vel illa materies, quam antiqui Phylon dicebant, inquit, malum dicenda est. Non eam dico, quam Mathematici Phylon*

Quomodo materia prima sit bona.

Hylem appellat dementissimâ vanitate, nesciens quid loquatur, formatricem corporum. Sed Hylem dico quandam penitus informem, & sine qualitate materiam, unde ista, quas sentimus, qualitates formantur, ut antiqui dixerunt. Hinc enim & Hylea Græcè dicitur hyle, quod operantibus apta sit, non ut aliquid ipsa faciat, sed unde aliquid fiat. Nec ista ergo Hyle malum dicenda est, qua non per aliquam speciem scitari, sed per omnimodam speciei priuationem cogitari vix potest. Habet enim & ipsa capacitatem formarum: Nam si capere impositam ab artifice formam non posset, nec materies utique diceretur. Porro si bonum aliquid est forma, unde qui eâ praevalent, formae appellantur, sicut à specie speciosi: Proculdubio bonum aliquid est etiam capacitas forma. Sicut quia bonum est sapientia, nemo dubitat quod bonum sit, capacem esse sapientia. Et quia omne bonum à Deo neminem oportet dubitare, etiam istam, si qua est, materiam, non esse nisi à Deo.

His verbis ostendit quæ sit bonitas materię. Sed addit Alexander materiam esse bonum, quia est Ens, & quia habet modum, speciem, & ordinem suo modo. Licet enim sit ex se sine specie & forma extrinseca, habet tamen propriam speciem intrinsecam quæ consistit in eo quod sit Ens capax formarum. Capacitas enim materię est illi instar speciei, formæ, modi & ordinis.

Quod spectat ad res Mathematicas de quibus loquitur Arist. lib. 3. Metaph. c. 2. non negat Philosophus eas esse bonas, sed dicit tantum eas nullam bonorum, malorumque curam habere: cu-

ius rei ratio est, quia in immobilibus non est ratio finis & boni; idcirco in Mathematicis quæ abstrahunt à motu, nihil ostenditur per causam finalem; ideoque cum in Mathematicis non habeatur ratio finis, nec habetur ratio boni.

Secundum autem sic probatur. Ratio boni consistit in eo quod vnumquodque habeat id quod sibi conuenit, seu perfectiones sibi conuenientes, si dicamus bonum quod est passio entis, situm esse in ratione absoluta. Hoc autem intelligi non potest absque ratione entitatis; quia quod nihil est, non potest dici habere perfectiones sibi conuenientes; & magis adhuc hoc verum est, si dicamus bonum esse quod est conueniens alteri: Nam non potest dici nihil esse conueniens alteri: Ergo ratio boni soli enti conuenit.

Dices: Ex appetibilitate concluditur aliquid esse bonum: sed multis competit appetibilitas, quæ non sunt entia; Ergo multis competit ratio boni, quæ non sunt entia: Ergo bonum non soli enti conuenit. Maior pater, quia appetibilitas est saltem proprietates boni: omnis autem natura concluditur à posteriori ex positione suæ proprietatis. Minor probatur, Multæ priuationes appetuntur, ut mors tum propria, tum aliorum, & quædam alia huiusmodi, quæ tamen omnia non sunt entia. Respondetur concessâ maiore, negando minorem, & ad probationem dicendo mortem & similia non appeti propter se, sed propter aliud, nimirum propter aliquod com-

Omne bonum est ens.

Quomodo res mathematicæ sint bonæ.

Quomodo mors & alie priuationes.

fini boni
et.

modum quod habent sibi adiunctum. Adde quod etiam multa appetuntur à nobis ex errore intellectus, quia scilicet apparent nobis bona, & tamen non sunt.

- *Secunda Conclusio.*

Bonitas
entitativa
est passio
entis.

Bonitas absoluta purè entitativa est passio entis. probatur, quia ut dictum est in prenotato, omni & soli enti cōuenit, & formaliter ab eo distinguitur: quatenus nimirum Ens dicit solū id quod est, & ratio boni dicit idipsum quod est, habere quidquid sibi conuenit, & omne quod requiritur ad integrandam perfectionem & bonitatem suam entitativam: Ergo hac ratione poni potest propria passio entis. D. Thomas, noster Ricardus, & Gabriel Vasquez superiùs citati fauent huic sententiæ, imò & Durandus, qui statuens bonitatem vel in conuenientia intrinseca, vel in conuenientia extrinseca, ut vidimus; per conuenientiam intrinsecam, illud idem intelligit reipsā quod illi qui dicunt bonum consistere in quadam ratione absoluta. Mens autem Doctoris nostri aperitur soluendo difficultates, quæ circa hanc conclusionem occurrunt.

Prima difficultas est de relationibus diuinis, quæ, hoc posito, erunt perfectæ formaliter, & bonæ; quia formaliter sunt entia, & non nihil, quod videtur aduersari doctrinæ Doctoris Subtilis in 1. dist. 8. quæst. 4. & qu. 5. quodlibeticā.

Quomodo
rela-

Respondetur relationes diuinas esse bonas & perfectas entitatiuè, non tamen quidditatiuè.

Neque Scotus vquam id negationes, diuinæ bonæ finit.
nuit; imò expressè asseruit in 1. dist. 1. qu. 2. §. *Ad argumenta principalia.* Vbi soluendo argumentum istud: Nimirum quod relationes diuinæ sunt bonæ & perfectæ; quia sunt entia: Ens enim & bonum conuertuntur ex Aristot. 1. Ethic. cap. 4. dicit negari non posse quin sint bonæ bonitate quæ conuertitur cum ente, & quæ reperitur in quolibet genere: Non autem bonitate habente rationem obiecti fruibilis. Et paulò infra, distinguit duplicem perfectionem, vnam quidditatiuam, & aliam suppositi, & dicit ad rationem obiecti fruibilis non sufficere perfectionem suppositi, quia ipsa nec est formalis ratio agendi, nec est formalis ratio termini alicuius actionis. Vndè concludit: *Est igitur bonum non quomocumque sumptum, sed bonum quidditatiuè sumptum terminus fructuarius, quia est perfectio quidditativa, quæ scilicet est ratio essentialis, & non ratio suppositi.* Quibus verbis dicit Scotus in Deo esse tantum vnam rationem fruibilis, & non tres, licet sint tres personæ, quia persona formaliter sumpta pro ratione suppositi, quod est formalis aliqua relatio, non habet bonitatem & perfectionem quidditatiuam, quæ tamen requiritur ad rationem formalem obiecti fruibilis; tamen habet bonitatem entitatiuam, & perfectionem suppositi. Affirmat ergo Scotus relationes diuinas esse bonas entitatiuè & perfectas perfectione sibi debitā, quatenus sunt entia.

Dices: Quare ergo negant

communiter Scotistæ relationes diuinas esse perfectas formaliter? Negant esse perfectas perfectione graduâ, essentiali, quidditatiuâ, & eâ perfectione quæ est modus intrinsecus vniuscuiusque naturæ, secundum quem dicitur illa naturæ esse in hoc, vel in illo gradu specifico & essentiali Entis, excedi vel excedere, mensurari vel mensurare: quia huiusmodi ratio perfectionis non conuenit eis, nisi identicè, ratione scilicet naturæ diuinæ cui identificantur. Ita Scotus qu. 5. quodlibeticâ per totam, sed præcipuè in fine.

Secunda difficultas est: an illud bonum dici debeat simpliciter appetibile? Ratio difficultatis est apud Doctorem Subtilem in 1. dist. 1. qu. 2. Ad argumenta principalia, ubi dicit bonum entitatum non sufficere ad rationem obiecti fruibilis; ex quo sequi videtur nec sufficere ad rationem appetibilis: quia licet non omne appetibile sit fruibile; tamen quâ ratione concludit relationes diuinas non esse bonas & perfectas, quantum requiritur ad rationem formalem obiecti fruibilis, eadem concludere videtur nec esse bonas & perfectas, quantum opus est ad rationem formalem obiecti appetibilis. Ex alia parte verò, Bonum est quod omnia appetunt ex Arist. 1. Ethic. Quare dicunt Alexander & D. Thomas locis citatis, bonum addere supra ens, respectum ad affectionem, seu ad appetitum. Et communis sententia est appetibilitatem esse saltem proprietatem boni, tametsi pauci concedant eam esse de essentia eius. Si esset quæstio

de bono respectiuo, nulla esset hæc difficultas; quia cum illud sit id quod est alteri conueniens: non potest id cui est conueniens, non habere inclinationem & appetitum ad ipsum. Sed difficultas non parua est de bono absolute spectato, quomodo scilicet conueniat ei ratio appetibilitatis.

Vt autem soluatur, supponendum est non omne bonum appeti appetitu rationali; sed multa esse quæ vel appetitu sensitiuo, vel appetitu naturali appetuntur: Quo supposito nihil iam superest difficultatis ex Scoto, ex quo tantum habetur relationes diuinas non esse appetibiles per se, appetitu rationali, scilicet, tanquam aliquid quod per se satiare possit ipsam voluntatem. Superest itaque dicamus bonum etiam absolute sumptum, esse quod omnia appetunt; vel quia nullum est bonum in vniuerso, quod non possit alicui conuenire, proindeque appeti ab ipso, vel rationali, vel sensitiuo, vel naturali appetitu: quodque licet sit absolutum, & dicatur bonum in ordine ad se; non sit tamen capax habendi illam secundam bonitatem, quæ consistit in respectu conuenientie ad aliud. Vel si mauis, dicamus bonum absolute spectatum, esse quod omnia appetunt: quia nimirum esse vniuscuiusque rei, ex quo bonum est, est ipsum rei conueniens, ac proinde appetibile ab ea: vnumquodque enim appetit suum esse, & conseruationem eius. Et sic relationes diuinæ erunt etiam appetibiles ab essentia diuina, non appetitu

Bonū
appetitur
duplici
appetitu.

Quo-
modo
bonum
excita-
tium
sit ap-
petibi-
le.

Quomodo
relatio-
nes di-
uinæ
sint ap-
petibi-
les.

voluntario seu libero, sed appetitu naturali; quia essentia diuina ex sua naturali fecunditate postulat existere in tribus suppositis; quod cum obtinere non possit absque relationibus notionalibus; fit ut appetitu naturali appetantur ab essentia diuina, tanquam rationes sine quibus non posset stare personarum Trinitas in ipsa.

Tertia Conclusio.

Bonū
respec-
tuum
potest
etiam
poni
proprie-
tas En-
tis.

Bonum respectuum quod consistit in conuenientia, quā aliquid dicitur conueniens alteri, potest etiam poni propria passio entis. Veritas huius conclusionis satis patebit, si probauerimus nihil esse in toto hoc vniuerso, quod non sit conueniens alicui, siue illa conuenientia sit relatio, siue sit connotatio, quā id quod bonum dicitur, ultra suam perfectionem, connotat inclinationem & appetitum alterius ad ipsum, ut satis probabiliter ponit Suarez. Hoc autem probari potest discurrendo per singula entia: Nam imprimis Deus est conueniens creaturis; non quoddam sit earum formalis bonitas: Sicut enim creaturæ habent suum proprium esse, distinctum ab esse Dei, quo formaliter sunt, licet dependenter à Deo; Ita habent suam propriam bonitatem distinctam à bonitate Dei, etsi dependenter à Deo, quā formaliter bonæ sunt: sed quia est earum causa efficiens, finalis, & exemplaris, à qua pendent, ad quam ordinantur, & quam imitantur: quod præclare declarauit noster magnus

Alexander 1. p. q. 18. membro 6. his verbis: *Causa prima, sicut dicit Philosophus, magis est essentialis causato quam alia causa, quod tamen intelligendum est sic, non quod causa prima sit de esse causatorum, sed quia causata nulla nisi ab ipsa sunt, nec nisi per ipsam sunt, & seruantur, nec nisi ut ad ipsam sunt, habent esse & bonitatem, sicut dicit Dionysius, Bonum est in quo omnia subsistunt, in quo omnia seruantur, & ad quod omnia ordinantur. Hinc est quod unumquodque inquantum est à bono, & in bono, & ad bonum, est: & hac est bonitas in creatura, esse à bono, in bono, & ad bonum.*

Dices ex hoc sequi Deum mutuari suam bonitatem à creaturis; quia non dicitur bonus nisi per respectum ad illas. Respondet deo nullum inconueniens hinc sequi, si concedamus Deum mutuari illam bonitatem, quā dicitur bonus creaturis, ab ipsis creaturis, quia huiusmodi bonitas supra bonitatem absolutam & intrinsecam diuinam, nihil addit nisi respectum rationis ad ipsasmet creaturas. Nihilominus satius est dicamus modum illum loquendi, esse procul arcendum à Deo: & bonitatem quā Deus dicitur bonus creaturis, nihil aliud esse quā ipsasmet perfectiones & bonitatem intrinsecam diuinam, quatenus connotat vel dependentiam, vel inclinationem, vel imitationem quæ sunt in rebus creatis, ad eandem perfectionem & bonitatem diuinam.

Denique tametsi nullæ creaturæ sint Deo conuenientes, saltem tanquam aliquid illi commodum, & vnde vtilitatem, sit

Præcla-
ra do-
ctrina
magni
Alexan-
dri.

Obie-
ctio

Solutio

Deus
non di-
citur
bonus
dependenter
à crea-
turis.

Quomodo
quid-
quid
est, sit

aliquo
pacto,
alteri
conue-
niens.

delectationem, & honestatem aliquam intrinsecam emendicet; nihilominus nulla est creatura quæ non sit alicui alteri bona & conueniens: Nec enim opus est vt quælibet cuilibet; sed sufficit si quælibet alicui sit conueniens: Sic v. g. substantia est conueniens accidenti, tanquam proprium fulcrum eius: vice versâ, accidens est conueniens substantiæ, tanquam ornamentum & venustas eius. Et ita discurrendo per singulas entitates, etiam vsque ad minimas, & eas quæ magis turpes & inutiles esse videntur, comperietur eas esse alicui alteri, aliquo modo, conuenientes, vt sunt etiam ipsæ proprietates & modi rerum. Et quamquam id omne quod est in mundo, non aliâ ratione bonum diceretur, nisi quia confert ad bonitatem & perfectionem vniuersi: hoc videtur sufficere vt bonum existimetur.

Et hæc dicta sunt propter communem doctrinam, & propter auctoritatem Doctoris Subtilis, qui q. 18. quodlibeticâ, statuit duplicem bonitatem superius assignatam, quanquam non resoluat an vtraque, vel alterutra, & quænam, sit passio Entis. Nihilominus probabilius est de mente eius, bonum transcendens consistere in quadam ratione absoluta, nimirum in ipsa perfectione intrinseca vniuscuiusque rei, vt patet ex his quæ habet in 1. dist. 3. q. 5. in 2. dist. 34. q. vnicâ, in 4. dist. 49. qu. 2. quamquam in primo agat præsertim de bono creato, quod negat consistere in respectu, non quidem conuenientiæ, sed respo-

ndu ad bonum increatum. Verum ista clariora fient ex dicendis, sequenti quæstione.

QVÆSTIO II.

Utrum ratio Boni consistat in modo, specie, & ordine?



Sta quæstio mouetur propter singularem doctrinam quam tradit D. Augustinus libro de Natura Boni, cap. 4. quem sequitur noster Alexander 1. p. q. 18. membro 1. sicut & Alexandrum sequitur, paucis verbis immutatis, eximius eius discipulus D. Thomas 1. p. q. 5. art. 5. Sic enim loquitur D. Augustinus: *Nos Catholici Christiani Deum colimus, à quo omnia bona sunt, siue magna siue parua: à quo est omnis modus, siue magnus siue parvus: à quo omnis species, siue magna siue parua: à quo omnis ordo, siue magnus siue parvus. Omnia enim quanto magis moderata, speciosa, ordinata sunt, tanto magis vtrique bona sunt: Quanto autem minus moderata, minus speciosa, minus ordinata sunt; minus bona sunt. Hac itaque tria, modus, species, & ordo, vt de innumerabilibus saccam, quæ ad ista tria pertinere monstrantur, tanquam generalia bona sunt in rebus à Deo factis, siue in spiritu, siue in corpore. Hac tria ubi magna sunt, magna bona sunt; ubi parua sunt, parua bona sunt; ubi nulla*

Ponitur eximio doctore D. Augustino.

sunt, nullum bonum est. Et rur-
sus, ubi hæc tria magna sunt, ma-
gne naturæ sunt; ubi parva sunt,
parvæ naturæ sunt; ubi nulla sunt,
nullæ naturæ est. Omnis ergo natura
bona est.

Modus,
 species
 & ordo
 idem
 quod
 mensu-
 ra, nu-
 merus
 & pon-
 dus.

Prænotandum autem primò
 pro solutione huius quæstionis,
 quòd quando D. Augustinus, A-
 lexander, & D. Thomas locis ci-
 tatis, & Scotus in 1. dist. 3. qu.
 5. §. *Quantum ergo ad secundum,*
 dicunt modum, speciem, & or-
 dinem competere omnibus re-
 bus, intelligendi sunt de rebus
 creatis, ut expressè docent A-
 lexander & Scotus. Modus enim,
 species, & ordo idem sunt quòd
 mensura, numerus, & pondus,
 in quibus Deus omnia disposuit,
 ut habetur Sap. 1. *Mensura enim*
omni rei modum præfigit; & nume-
rus omni rei speciem præbet; & pon-
dus omnem rem ad quietem & sta-
bilitatem trahit, ait idè D. August.
 4. super Genesim ad lit. Nisi fortè
 dicamus cum Alexandro in fine
 illius membri primi, in hoc dif-
 ferre, quia mensura, numerus &
 pondus dicunt dispositionem ip-
 sius rei, prout est in fieri, ut pa-
 tet in cementarijs, qui cum fa-
 ciunt suum opus, mensurant,
 numerant & ponderant quot-
 quot sunt necessaria ad faciendum:
 Et quia Sapient. 1. sermo est de
 rebus secundum suum fieri, ut
 colligitur ex hoc verbo, dispo-
 sivist; Idè habetur ratio men-
 suræ, numeri & ponderis: Mo-
 dus autem, species & ordo pro-
 priè dicunt dispositionem rei, ut
 iam facta est: unde quia D. Au-
 gustinus loquitur de conditioni-
 bus rerum ut iam factæ sunt,
 habet rationem modi, speciei, &
 ordinis.

Prænotandum 2. ex eodem Reum
 Alexandro ibidem, rerum alias
 esse creatas absolutè & per se;
 alias esse concreatas seu creatas
 in alijs, & virtute aliarum Crea-
 tæ absolutè sunt naturæ & spe-
 cies rerum; concreatæ sunt mo-
 di, proprietates, & rationes re-
 ferendi earum.

Prænotandum 3. præsentem
 quæstionem non tam esse de bo-
 no entitativo & transcendentali,
 quod est propria passio Entis;
 quàm de bono essentiali, specifì-
 co, & graduali vniuscuiusque
 naturæ: De quo agimus; tùm
 quia iuvabit ad planiorem in-
 telligentiam boni entitativi; tùm
 ne peccemus, & legendo tùm
 Patrum, tùm Scholasticorum au-
 thoritates, intelligamus de quo
 bono locuti fuerint.

Prænotandum 4. esse contro-
 versiam inter Scholasticos, an
 hæc tria, modus, species & or-
 do; vel vnitas, species, & or-
 do, de quibus loquitur Divus
 August. 6. de Trinit. capit. 10.
 vel mensura, numerus & pon-
 dus, de quibus Sapient. 1. di-
 cant aliquid respectuum; vel
 aliquid absolutum? Alexander
 vult quòd dicant respectum;
 quia explicat illa tria in creatu-
 ra, per esse à bono, in bono
 & ad bonum. Vult Doctor
 Subtilis in 1. distinct. 3. qu. 5.
 aliqua eorum saltem dicere quid
 absolutum.

Prima Conclusio.

Ratio Boni essentialis & Bonū
 quidditatiui, quod est mo- quiddi-
 dus intrinsecus vniuscuiusque tatiuum
 naturæ & speciei, consistit in consi-
 stit in

modo
specie
& or-
dine.

modo, specie, & ordine, seu in mensura, numero & pondere. Ultra authoritates Scripturæ, & Diui Augustini, ita declaratur his verbis eiusdem Diui Augustini 4. de Genesi ad litteram: *Fateamur ergo dictum esse omnia in mensura, & numero, & pondere disposita, tanquam dictum esset ita disposita, ut haberent proprias mensuras suas, & proprios numeros, & proprium pondus, quæ in eis pro suis cuiusque generis mutabilitate mutarentur augmentis & diminutionibus, multitudine & paucitate, leuitate & gravitate.*

Iterum ita declarari potest, ex Doctore Subtili. Qualibet essentia & natura creata est circumscripta certis propriæ perfectionis limitibus, ita ut determinatos habeat gradus suæ entitatis. Insuper isti gradus sunt constantes & permanentes, ita ut nec minui, nec augeri possint. Tumdemum, quælibet natura constans huiusmodi certis, determinatis, & constantibus gradibus, non debuit remanere otiosa: quia omne esse est propter operari. Et hinc habetur modus, species & ordo, siue mensura, numerus, & pondus vniuscuiusque rei: Modus & mensura quidem, in eo quodd sit circumscripta certis limitibus suæ perfectionis, & determinatis gradibus suæ entitatis: Numerus & species, in eo quodd gradus illi sint constantes, & nec minui nec augeri possint; aliàs mutarentur rerum species: Quemadmodum enim ex 8. Metaphysic. vnitas addita numero, variat speciem numeri; ita gradus specificus & quidditatiuus additus alicui naturæ, variat

omniud speciem eius: pondus denique & ordo, in eo quodd vniqueque natura ordinata est ad aliquam operationem.

Prætermitti non debet quodd D. Augustinus 6. de Trinit. cap. 10. per speciem intelligit etiam varias qualitates tum corporceas, tum spiritales, quibus ornatur: Et aliquâ specie formatur, inquit, sicut sunt figure & qualitates corporum, ac doctrina vel artes animarum. Et subdit: & ordinem aliquem petit aut tenet (supple quidquid diuinâ arte factum est:) sicut sunt pondera vel collocationes corporum, atque mores aut delectationes animarum. Vbi per ordinem intelligit propriam inclinationem vniuscuiusque rei ad id quod sibi magis naturale est, ut est propria operatio eius.

Obijcit 1. Alexander, & post ipsum D. Thomas: Modus, species & ordo bona quædam sunt: Si ergo ratio boni consistit in modo, specie, & ordine; oportet quodd modus etiam habeat modum, speciem & ordinem; & similiter species & ordo; & ita procedetur in infinitum. Respondent modum, speciem, & ordinem esse bona aliorum, seu rationes quibus alia bona sunt: illa autem seipsis bona esse: & quidem hoc commune est omnibus iis quæ sunt rationes aliorum, ut nimirum sint tales seipsis, qualia sunt alia per ipsas.

Addit Alexander modum speciem & ordinem reperiri duntaxat in iis quæ per se & absolute creata sunt; non in iis quæ sunt concreata, seu in iis quæ non sunt tam entia, quàm modi entium. Vndè quemadmodum, v.

Alia ex
positio
modi,
speciei
& ordi-
nis ex
D. Aug.

Obie-
ctio ex
Alexan-
dro &
eius dis-
cipulo,
D. Th.

Solutio

Modus,
species
& ordo
reperi-
untur
in crea-
tis per
se, non

in con-
creatis.

g. substantia subsistit quidem per subsistentiam: Ipsa tamen subsistentia non subsistit per aliam subsistentiam: Sic omnia absolute creata, facta sunt in modo, specie & ordine; ipse tamen modus non est factus in modo: Sicut etiam, ut exemplo D. Augustini utar, omnia corporalia facta sunt in colore: color tamen non est factus in colore.

Addit iterum Alexander dici posse, secundum D. Augustinum, quod cum Deus disposuerit omnia in numero, pondere & mensura; numerum, pondus, & mensuram disposuisse in seipso, qui est numerus sine numero, pondus sine pondere, & mensura sine modo; & sic non procedetur in infinitum, sed stabitur in ipso Deo.

Obie-
ctio 1.
ex iis-
dem.

Obijcit 2. Alexander, & post ipsum D. Thomas autoritatem D. Ambrosij lib. 1. Exameron, cap. 9. ubi dicit lucis naturam esse, ut non in numero, non in mensura, non in pondere, ut alia creatura, creata sit. Vnde sequitur non omnia esse creata in numero, pondere, & mensura. Respondent D. Ambrosium esse intelligendum de luce, secundum virtutem & actiuitatem suam: non secundum entitatem: quia secundum entitatem est facta in numero, pondere & mensura, sicut & cetera: At secundum actiuitatem, non habet modum nec mensuram, quia ad omnia corporalia se extendit, & in omnibus apparet virtus eius.

Solutio.

Quo-
modo
lux sit
facta si-
ne mo-
do.

secunda Conclusio.

Hæc tria, modus, species, & Vnum-
Hordo; seu mensura, nume-
rus & pondus non possunt om-
nia dicere formaliter respectum;
sed horum aliqua saltem dicunt
quid absolutum. Est sententia
Doctoris nostri in 1. distinct. 3. q.
5. §. quantum ergo ad secundum ar-
ticulum. Ibi enim Scotus conten-
dit rationem vestigij Sanctissime
Trinitatis, quod est in omni crea-
tura, non consistere in solo res-
pectu: atque consequenter cum
in mensura, numero & pondere,
seu in modo, specie, & ordine,
consistere possit istud vestigium,
præsertim in mensura & modo,
si non sub ratione similitudinis,
saltem sub ratione proportiona-
bilitatis, quatenus nimirum li-
mitatio producti repræsentat po-
tentiam illimitatam producentis;
hinc docet ista tria non dicere
solum respectum. Et postmo-
dum §. Ad rationes pro opinione,
respondet omnibus obiectionibus
quæ videbantur ostendere ip-
sum esse creaturarum, & boni-
tatem earum esse formaliter res-
pectum ad summum bonum. Et
post multa, concludit quod nec
esse creaturarum, nec bonitas earum,
quæ consistit in perfectione
absoluta & intrinseca earumdem,
dicit formaliter respectum ad
creatorem; quamquam & enti-
tas & bonitas cuiuscumque en-
tis creati sit dependens à Deo
creatore: Licet enim, inquit, omne
bonum creatura, sit bonum per par-
ticipationem; non signatur tamen
quod huiusmodi participatio sit de
essentia illius boni. Itaque ratio
boni

boni creati, & consequenter ratio modi, speciei & ordinis non consistit formaliter & præcisè in eo quoddam ens creatum sit à bono, in bono, & ad bonum, ut vult noster Alexander.

Quo-
modo
species
seu nu-
meras
nō dicit
respec-
tum.

Et quidem imprimis hoc clarum est de specie seu numero, per quem intelligitur ipsa quidditas rei consistens suis proprijs gradibus, quibus nec crementum nec decrementum competit; quæ licet sit dependens à Deo; dependentia tamē illa nō ingreditur definitionem seu speciem eius, tanquam gradus seu unitas specificæ illius; ut constat exemplo hominis, qui non definitur quidditatiuè per dependentiam, quam habet ad summum bonum, tamen si dependeat ab ipso.

An mo-
dus di-
cat respec-
tū.

Res tamen non ita clara est de modo: Dicunt enim multi modum esse id per quod intelligitur communis effectus in ordine ad causam, ut habeat eum scilicet modum & limitem, quem ei causa præfixit: Nihilominus verius est modum dicere circumscriptionem & limitationem formalem vniuscuiusque rei intra proprios gradus; quæ limitatio licet sit à causa prima, non est tamen formaliter respectus ad causam primam.

Ordo
seu pō-
dus di-
cit respec-
tū.

Quod spectat ad ordinem, in sententia omnium, præterquam Gabrielis Vasquez 1. part. disput. 23. cap. 5. dicit respectum ipsius naturæ, vel ad suum finem, vel ad suam operationem, vel ad id quod sibi magis naturale est. Vult Alexander quoddam dicat respectum ad suum finem. Vult Scotus ex D. August. quoddam ad suam operationem. Vult D. Thom. quoddam ad utrumque;

& utrumque mihi probatur; quia utrumque est bonum cuiusque naturæ: Itaque per ordinem significabitur perfectio accidentalibus vniuscuiusque rei, & inclinatio naturalis ad suum bonum, quæ à Salomone appellatur pondus: quia ut corpora ponderibus; ita quælibet res innatè propensione, in suum proprium bonum fertur. Cetera de Bono habentur in Moralibus.

QVÆSTIO III.

An detur malum aliquod transcendens, & in quo consistat eius ratio?



EX dictis de Bono, facile erit philosophari de Malo. Tamen ad vberiores propositionis intelligentiam; & ad remouendam omnem ambiguitatem & æquivocationem,

Prænotandum 1. Multiplex esse Malum, nimirum naturæ & moris: Malum naturæ est vel ipsa totalis corruptio rei, vel saltem defectus aliquis eius, vel id quod est disconueniens alteri, ut dicemus. Malum moris est carentia rectitudinis, quæ deberet inesse actionibus liberis humanæ vel angelicæ voluntatis: Ex quo malo, quatenus scilicet omittitur, vel committitur contra legem Dei, sequitur aliud duplex, scilicet malum culpæ, & malum pænæ. Malum culpæ est ipsamet caren-

Duplex
malum
naturæ
& mo-
ris.

Malum
moris
duplex
scilicet
culpæ
& pænæ.

tia rectitudinis, quatenus est
offensa Dei. Malum pœnæ est
pœna illa, cui Deus propter ma-
lum culpæ, nos adiudicat, ut fiat
satis iustitiæ eius. Occasione ma-
li naturæ, de quo solo nobis est
hic agendum; multi prolixas dis-
putationes instituunt de malo
moris, item de malo culpæ & pœ-
næ, quas ad Philosophos Mora-
les, & ad Theologos, præsertim
ad Doctorem Subtilem in 1. dist.
34. 35. 36. & 37. remittimus.

Malum
naturæ
multi-
plex.

Prænotandum 2. Malum natu-
ræ esse duplex, scilicet absolutum
& respectivum: Absolutum ite-
rum duplex, scilicet simpliciter,
& secundum quid. His positis, sit

Prima Conclusio.

Quid
sit ma-
lum na-
turæ.

Datur malum aliquod natu-
ræ transcendens & absolutum:
Quod sic tamen non debet
intelligi, quasi illud existat in re-
rum natura; quomodo solemus
dicere dari Angelos, cælos, aut
elementa: Sed quia datur eo mo-
do quo solemus dicere dari priua-
tiones. Mali enim natura nulla est;
sed amissio boni, mali nomen accepit,
inquit D. August. 11. de Ciuit. c.
9. Nec malum est existens, neque est
aliquid; sed est perfectiois, bonique
propriæ & accommodati priuatio, in-
quit D. Dionys. c. 4. de Diuinis
Nominibus. Nec aliquid aliud est
malum, nisi boni priuatio sicut te-
nebra luminis, inquit D. Damas-
cenus lib. 4. de Fide, cap. 2. Dixi
absolutum; quia malum respec-
tivum non consistit in sola pri-
uatione, vel negatione, ut di-
cemus.

Nullū
dazipri. Hinc conuincitur error Ma-
nichæorum & Priscillianistarum,

qui dicebant res aliquas esse malas
ex se, & à quodā principio malo.
Nam quidquid est & existit po-
sitiuè, est Ens; omne Ens autem
est bonum: quod sit ut nihil po-
sitiuum quā tale, possit esse ma-
lum. Ergo nulla res ex se, mala
est. Quod verò nullum sit prin-
cipium malum, à quo res vlla sit,
pluribus in locis docet Diuus
Augustinus contra Manichæos;
& ita demonstrat Doctor Sub-
tilis in 1. dist. 34. quæst. vnicā.
Ad aliam quæstionem, inquit, quā
primò quærebatur de causa pecca-
ti; dico quod peccatum eo modo,
quo potest habere causam, est à bono.
Quod probatur, quia nullum est
primum malum: alioquin illud ca-
veret in se summam perfectionem na-
ta sibi conuenire: Sed nulli nata est
conuenire summam perfectionem nisi sum-
mo bono in natura: igitur summum
malum esset summum bonum in na-
tura, & ita Deus; quia nihil
aliud à Deo, est summum bonum
in natura. Et ad hanc hæresin, ni-
mirum quā dicitur esse aliquod
summum malum, quod sit prin-
cipium omnium malorum, sequuntur
multa alia inconuenientia, non
tantum contra fidem, sed etiam
contra Philosophiam; quia destruit
seipsam, & includit contradic-
tionem. Quia si ponatur summum
malum primum ex aquo ad pri-
mum bonum; oportet quod illud
sit necesse esse, & omnino indepen-
dens & impartitum; & tamen ista
non conueniunt Enti nisi perfectissi-
mo, quod repugnat. Hæc Scotus.

Secunda Conclusio.

Malum naturæ seu trans-
cendens absolutum, sim-
pliciter malum.

num
aliquod
princi-
pium
malum.

Quid
sit ma-

lum natura
simpliciter &
secundum
quid.

simpliciter, est corruptio totalis vni-
uscuiusque rei : Secundum quid
autem, est corruptio vel priua-
tio alicuius perfectionis conue-
nientis & debitæ vnicuique rei.
Ista conclusio desumitur omnino
ex Diuo Augustino lib. de Na-
tura Boni, cap. 4. 6. & 8. vbi di-
cit malum nihil aliud esse quàm
corruptionem vel modi, vel spe-
ciei, vel ordinis naturalis : & ma-
lum naturam dici quæ corrupta
est ; nam incorrupta vtique bo-
na est. Et quidem quod spectat
ad priorem partem conclusionis,
ita suadetur. Quamdiu vnum
quodque est adhuc & existit ;
tamdiu bonum est. Ergo malum
absolutum simpliciter non est,
nisi vbi res est omnino corrupta.
*Corruptio autem si omnem modum,
omnem speciem, omnem ordinem re-
bus corruptibilibus auferat, nulla
natura remanebit, inquit D. Au-
gust. Et inferius. Quæ si omnino
detrahatur & penitus consuman-
tur, ideò nullum bonum erit, quia
nulla natura remanebit.*

Secunda pars clara est. Quia ma-
lum secundum quid in concreto,
illud est quod caret aliquo sibi de-
bito & cōuenienti; sic enim, v. g.
malum equum dicimus, qui ca-
ret vel oculis, vel alia perfectio-
ne sibi conuenienti : Ergo ratio
mali absoluti secundum quid,
consistit in priuatione alicuius
conuenientis. Et de hoc malo
intelligendi sunt Doctores, cum
dicunt illud habere substantiam
in bono : quia priuatio vel ca-
rentia illa perfectionis debitæ,
est in aliquo ente. Ergo in bono,
quia omne Ens est bonum. *Quod
habet nonnullum modum, & speciem,
& ordinem, in quacunque extre-*

*mitate, adhuc aliquod bonum est, in-
quit D. August. cap. 8. Omnis na-
tura quæ corrumpi potest, etiam ip-
sa aliquod bonum est : Non enim
posset ei nocere corruptio, nisi adi-
mendo & minuendo quod bonum est,
inquit idem cap. 6.*

Obseruabis autem quodd hæc
postrema acceptio mali est fre-
quentior quàm prima : quia ma-
lum absolutum simpliciter nihil
est; Nomine autem mali non so-
lemus intelligere ipsum nihil sim-
pliciter, sed priuationem, vel de-
fectum, vel obliquitatem in ali-
quo subiecto : Ergo solemus in-
telligere malum secundum quid,
cum de malo loquimur.

Et ex hoc quidem intelligitur
ulterius, quare malum absolu-
tum non sit proprietas Entis.
Quia imprimis malum absolu-
tum simpliciter non potest esse
proprietas Entis, cum ipsum ni-
hil sit omnino. Malum etiam se-
cundum quid non potest esse
proprietas entis; tum quia mul-
ta sunt entia, quæ nulla carent
perfectione sibi conuenienti &
debita : Tum quia ijs quæ ca-
rent perfectione sibi conuenien-
ti, proprium non est carere :
sed potius improprium & alic-
num ab eorum natura.

Quare
malum
non sit
proprie-
tas En-
tis.

Tertia Conclusio.

Datur malum aliquod respec-
tuum ; ipsumque consi-
stit in disconuenientia, quæ
aliquid est alteri disconueniens.
Hæc conclusio patet ex eis quæ
dicta sunt de Bono : & seruata
proportionem eodem modo expli-
cari potest illud malum respec-
tuum, quo superius explica-
tum est bonum respectuum,

Quid
sit ma-
lum re-
specti-
uum.

E E c ij

Dico igitur quoddam quia res omnes vniuersi habent & diuersas formas, & diuersas proprietates, & qualitates, & habitudines, & inclinationes; fit ut quæ conueniunt vni, non conueniant alteri, & quæ sunt conseruatiua vnius, sint alterius corruptiua & destructiua. Sic se habet calor v. g. respectu ignis, & respectu aquæ. Etenim igni conuenit, & aquæ non: Ideoque dicitur bonus igni, & malus aquæ; quia nimirum aqua habet formam & qualitates habentes repugnantiam cum calore; quod fit ut ista malitia respectiua nihil aliud sit propriè, quàm perfectio tùm substantialis, tùm accidentalis vniuscuiusque rei, prout connotat repugnantiam, quam aliud habet ad ipsam. Dixi, substantialis, (de accidentali enim res clara est) quia etiam vna substantia per se ipsam immediatè potest esse disconueniens alteri; nos enim ponimus etiam substantiam immediatè agere, & non tantum modis accidentibus: quo posito fieri non potest ut substantia agens non sit disconueniens alicui, puta ei in quam, agit, ut cum generat

v. gr. tunc enim etiam corrumpit aliud; sicque est disconueniens rei corrupte.

Hinc colligitur malum respectiuium non in priuatione præsertim, sed in re positiua, puta vel in substantia, vel in qualitate, vel in alio quopiam disconuenienti consistere: Quod fit ut rectè dixerint Patres bonum & malum opponi priuatione; quia de malo absoluto vel simplici, vel secundum quid sunt intelligendi: Rectè etiam dixerit Philosophus bonum & malum opponi contrariè, quia de malo respectiuium est audiendus.

Rursus hinc colligitur nec istud malum respectiuium, esse passionem entis; quia non omni enti conuenit: Deus enim, v. g. ex se nulli rei est disconueniens: sed omne quod existit, pondere quodam naturæ fertur in ipsum tanquam in suum finem, præsertim creatura rationalis ut Angeli, & nos, qui dicere possumus & debemus: *Fecisti nos Domine ad te; & ideo inquietum est cor nostrum donec quiescat in te.* Et hæc de proprietatibus Entis simplicibus & incomplexis.

Malum respectiuium non in solapriuatione consistit.

Quare etiam malum respectiuium non sit proprietas Entis.

QVARTA PARS

HVIVS CAPITIS, QVÆ

EST DE EODEM ET

distincto.

PRÆFATIVNCVLA.



AM aggredimur agere de proprietatibus Entis complexis vel disiunctis, inter quas prima occurrit idem & distinctum. Ratio autem huius ordinis potius voluntarius est, quam ex rebus ipsis petitus. Et quamquam aliqui hanc proprietatem pertractent, ubi de unitate disserunt: Tamen multis placet esse proprietatem Entis distinctam ab unitate. Favere videtur Aristoteles 5. Metaphysic. cap. 9. Vbi ex professo agit de eodem & diverso; nomine diversi, intelligens distinctum. Favet etiam ratio; quia quicquid est & existit, est alteri idem vel distinctum ab eo.

Occasione autem huius proprietatis, disputabimus fusè de varijs identitatibus & distinctionibus rerum, præsertim de iden-

titate & distinctione formali, propter quam solam, tot olim extiterunt Formalisantes in his Scholis, qui novam quandam confingentes scientiam, & in ea omnes conditiones veræ & propriæ dictæ scientiæ reperire nitentes; inter pauca bona & vera quæ dixerunt; tot nodis, difficultatibus, & barbaris Doctrinam Doctoris Subtilis implicuerunt, ut eam omnino ingratam, iniucundam & inaccesam reliquerint. Clarè & dilucidè quo ad fieri poterit, mentem eiusdem Doctoris his in rebus aperire contendemus, eò vel maxime quia huiusmodi distinctionum & identitatum cognitio ad omnem planè disputationem tum Philosophiam, tum Theologicam maxime necessaria est.

EEe iij

QVÆSTIO I.

Quot & quæ sint distinctionum & identitatum genera?



Varie
senten-
tiæ re-
ferun-
tur.

OTA contro-
uersia ferè cõ-
sistit in verbis:
Non erit ta-
men inutile eã
aperire. Aliqui
igitur conten-
dunt non esse plures duabus dis-
tinctionibus, scilicet reali & ra-
tionis; distinctionem tamen ra-
tionis diuidunt in distinctionem
rationis ratiocinatæ, & distin-
ctionem rationis ratiocinantis;
nomine distinctionis rationis ra-
tiocinantis, intelligentes eam
quæ sit in rebus, solo opere in-
tellectus; & nomine distinctionis
rationis ratiocinatæ eam quæ
habet fundamentum aliquod in
re, cuius ratione vel occasione,
intellectus aliqua distinguit,
quam propterea vocant distin-
ctionem rationis cum funda-
mento in re. Addunt alij dis-
tinctionem mediam, quam vo-
cant ex natura rei; & eorum
quidam existimant non ita pro-
priè debere vocari formalem,
quia nomen distinctionis forma-
lis, inquiunt, est valdè æquivo-
cua, & conuenit etiam sæpè
rebus realiter distinctis, putà si
specie differant: quæ enim spe-
cie differunt, formaliter etiam
differunt; Ideoque censent esse
appellandam modalem, quia re-

peritur præsertim inter rem, &
modum eius. Alij indifferenter
appellant eam vel formalem, vel
ex natura rei. Quod spectat
ad mentem Doctoris Subtilis,
certum est cum imprimis statue-
re aliquod genus distinctionis
medium inter distinctionem rea-
lem, & distinctionem rationis;
quo genere distinctionis distin-
guuntur ea quæ nec omnino se-
parari possunt abinuicem, nec
omnino etiam per intellectus
operationem distinguuntur; sed
quæ habent ex se distinctas ra-
tiones seu definitiones, qualia
sunt subiectum & propria pas-
sio, animalitas & rationalitas,
& vniuersim omnes gradus Me-
taphysici. Quo nomine autem
vocari debeat ista distinctio, non
ad eam curat Doctor Subtilis; fre-
quentius tamen eam appellat dis-
tinctionem ex natura rei, qua-
tenus nimirum ea omnia quæ sic
vel sic se habent ante actum in-
tellectus, dicuntur talia ex na-
tura rei. Ultra hæc, habet Sco-
tus aliquod genus distinctionis
negatiuum, quam vocat non iden-
tatem formalem aliorum.
Quid autem sit, an scilicet dis-
tinctio formalis non mutua; an
potius distinctio ex natura rei
in re ipsa, dicitur. Noster Ioan-
nes de Bassolis meminit etiam
alicuius distinctionis, quam vo-
cat essentialem, & quam expli-
cat Lichetus in 2. dist. 1. q. 4.
§. *Ad questionem*: Non tamen
ad mentem illius authoris, qui
nomine distinctionis essentialis,
nihil aliud intelligit quam dis-
tinctionem realem maiorem.
Statuunt nostri Scotistæ, præser-
tim ij quos vocant Formalitan-

tes, septem distinctionum genera, scilicet realem, rationis, formalem, ex natura rei, essentialem, se totis subiectiue, & se totis obiectiue.

Et quia error eorum qui tot multiplicarunt distinctiones & identitates, si quis fuit, ex eo ortum habuit, quia non satis consideratum est quid esset discriminis inter differens & distinctum, & inter vnum, & idem. Ideo,

Quo-
modo
differat
vnitas
& iden-
titas.

Prænotandum quoddam quamvis ex Aristotele 5. Metaphysicor. cap. 9. Identitas sit vnitas quædam ipsius esse; nihilominus in hoc vnitas & identitas differunt, quantum ad præsens institutum actinet, quoddam vnitas potest esse proprietas consequens naturam, vt est vna in multis, vel multa prout in aliqua natura vel conceptu conueniunt: Identitas autem non sic; quippe quæ nec respicit vnum in multis, nec multa in vno, sed vel duo prout sunt inter se indistincta; vel vnum & idem prout est à seipso indistinctum; quæ etiam vt sic vix concipi potest quin concipiatur esse respectus aliquis, saltem rationis. Similiter differens & distinctum in eo differunt, quoddam differens dicatur tale, respectu alterius cum quo habet conuenientiam aliquam in aliquo aliunde; a quo tamen differt etiam per aliquid: distinctum verò abstrahat à conuenientia, & dicat solum distinctionem sui ab eo à quo dicitur distinctum: Quod certè valde notandum est; quia multi confundentes ista, grauiter errant in hac materia. Hoc posito, sit hæc

Conclusio.

Vltra duo distinctionum genera, scilicet realis & rationis, est admittendum medium quoddam. Probabitur ex dicendis, sequentibus questionibus, simulque resoluetur quid dicendum sit de alijs distinctionum, & etiam identitatum generibus, & quomodo tum in re ipsa, tum in modo loquendi, hæc omnia sint vsurpanda iuxta mentem Doctoris Subtilis.

Datur
mediū
aliquod
genus
distinctionis
inter
realem
& rationis.

QUESTIO II.

Quid sit distinctio
realis?



PRÆNOTANDUM
duobus modis
nos Philosophi
posse de
distinctione re-

Distinctionis
realis
multiplex.

ali; Primum mirum vt ea dicatur distinctio realis, quæ est in rebus ante actum intellectus; & hoc sensu distinctio etiam formalis seu ex natura rei dici potest realis. Secundò, vt ea solum dicatur distinctio realis, quæ propriè est inter rem & rem actu, & quæ potius respicit existentias, quàm essentias vel formales rationes rerum; & de hac postrema solum procedit questio, vt potè quæ etiam sola distinctio realis nuncupari solet. Hoc posito, sit

Prima Conclusio.

Quid
sit di-
stinctio
realis.

Distinctio realis ea est, quæ distinguuntur illa, vel quorum vnum potest existere altero non existente; vel quæ existunt separata à se inuicem, tametsi neutrum possit existere absque alio; vel quæ sunt separabilia; vel quæ se habent ad modum separabiliū; vel tandem quorum vnum verè & propriè est producens, & aliud productum. Quicquid aliàs ab alijs dicatur, vel dictum sit, hæc est mens Doctoris Subtilis. Et quidem quod spectat ad priorem partem conclusionis, videri potest id quod habet in 2. dist. 1. q. 4. ubi docet relationem esse distinctam realiter à fundamento, quia fundamentum potest existere sine relatione. Probat autem illud sufficere ad distinctionem realem, quia impossibile est vnum & idem realiter existere simul, & non existere; quod sit vt si fundamentum existat, non existente relatione, non sint idem realiter fundamentum & relatio. Et addit, si hoc negetur, non relinqui vnde possit distinctio entium probari. Ideoque cum omnis contradictio sit fundamentum alicuius distinctionis; ipsa quæ sic cadit super existentias, est fundamentum distinctionis realis; quod quidem fundamentum negari non potest, nisi negetur primum principium. Confirmat autem suam sententiam ex Philosopho, qui probauit materiam esse aliam rem à forma, quia manet eadem sub oppositis formis; & locum esse aliud

à locato, quia idem locus manet cum diuersis locatis.

Hæc sunt verba Doctoris in 2. dist. 1. qu. 4. Contra istam opinionem arguo sic. Primum nihil est idem realiter, a, sine quo, a, potest esse realiter sine contradictione: Sed multæ sunt relationes, sine quibus fundamenta possunt esse sine contradictione. Ergo multæ sunt relationes, quæ non sunt realiter eadem cum fundamento. Probat Major; quia quoddam idem ens realiter, sit realiter, & non sit realiter, videtur esse oppositum primi principij, ex quo principio videtur statim concludi diuersitas entium; quia si de aliquibus duobus dicantur contradictoria, eodem modo quo dicuntur de eis, videntur esse non idem in esse, siue non idem Ens. Confirmatur illud: quia si illa Major negetur, non videtur relinqui, vnde possit distinctio entium probari. Diceretur enim à proteruo non tantum quoddam in vno supposito plures uaturæ, vt substantia & accidentia sunt eadem, sed quoddam Sortes & Plato, vel Sortes & lapis, vel album, non differunt realiter. Et si arguatur contra eum, quoddam Sortes potest esse Sortes, non existente lapide; & per hoc concludatur distinctio vnus ab alio: vel Sortes potest esse Sortes, & non esse albus; & per hoc concludatur distinctio subiecti & accidentis: negabitur consequentia; quia proteruus negabit tibi propositionem cui inniteris, & cui innituntur istæ consequentiæ; quam propositionem etiam tu negas. Hanc etiam propositionem: Illa sunt distincta realiter,

Colligitur Doctor Subtilis aliqua distinctionem realiter, ex eo quoddam sunt separata vel separabilia.

realiter, quorum vnum potest manere sine altero, negaret proteruus: negatā verō istā, perit tota doctrina Philosophi 7. Topic. quā docet quoddam propositio, vel problema faciliter destruitur per contradictionem inuentam, sed difficiliter construitur. Si autem negetur propositio ista, non videtur posse destrui; quia si non destruitur per contradictionem; nec per aliquam aliam oppositionem, aut saltem non facilius: & facillime videtur posse sustineri, quia nullus locus secundum eum, vel ab eo, assignatus, videtur efficax ad destruendum aliquid, si iste locus destruat. In ista etiam via Philosophi, fundatur illa de motu, siue mutatione, ad probandum distinctionem quā utitur Philosophus, ad probandam materiam esse aliam rem à forma, quia manet eadem sub oppositis formis; quā etiam utitur Philosophus 4. Physic. ad probandum locum esse aliud à locato, quia idem locus manet cum diuersis locatis.

Huic eadem sententiæ subscribit Durandus in 1. dist. 3. num. 14. Vbi dicit illa quæ sic se habent, quoddam vnita possunt separari, sic quoddam vnum remaneat in integritate naturæ suæ, sine alio, differre realiter. Est autem Aristotelis 7. Topicorum, capite 1. loco 15. Vbi sic habet: *Amplius si potest alterum sine altero esse, non erit idem.* Cui fauere etiam videtur D. August. 6. de Trinitate, cap. 6. Vbi postquam dixit in vnoquoque corpore, aliud est magnitudo, aliud color, aliud figura; talem probationem subiungit: *Potest enim*

& diminuta magnitudine, manere idem color, & eadem figura; & mutato colore, manere eadem magnitudo, & eadem figura; & figura eadem non manente, tam magnam esse, & eodem modo coloratum.

Quod spectat ad secundam, tertiam, & quartam partem conclusionis, videri potest id quod habet idem Doctor Subtilis in 2. dist. 2. q. 2. Vbi dicit distinctionem aliquorum, quorum vnum propriè inest alteri, non concludi nisi vel ex separatione actuali, vel potentiali, vel nisi sint talia, quæ sic se habeant adinuicem, sicut aliqua alia, quorum vnum est separabile ab alio. Fauet ratio, quia omne quod est, est vnum; omne autem vnum, est indiuisibile, ac per consequens inseparabile à seipso; quod sit, vt si aliqua sint separata, vel separabilia; iam non vnum ens, sed duo distincta realiter censeantur. Et quidem iuxta hanc Doctrinam, causa & effectus, & correlata distinguuntur realiter, tametsi non contingat vnum illorum existere sine altero, eo scilicet vel solo titulo, quia existunt separata ab inuicem.

Similiter iuxta hanc doctrinam, quæcunque sunt simul vnita, eo ipso quoddam ab inuicem possunt separari, vt corpus humanum & anima rationalis existens in illo, distinguuntur etiam realiter.

Restat quarta pars conclusionis, quæ non nihil obscuritatis habere videtur; nihilominus clara erit exemplo motus cæli, qui concluditur distinguui realiter à cælo, licet nondum ab eo separatus fuerit; quia cælum &

Quæ se habent ad modum separabilium, distina-

gūtur
reali-
ter.

motus eius se habent ad inuicem sicut aliqua alia, quorum vnum est separabile ab alio. Quod addidit Scotus, quia secundum Philosophum⁷. Metaphysicorum, cap. de partibus definitionis, parabola Socratis minoris vel iunioris (Platonem intelligit) multos seduxit à veritate, dicentis, quodd si non est circulus nisi in ære, non propter hoc esset æs in definitione circuli: & à simili inferentis, quodd non oportet carnes esse in definitione hominis, licet homo non sit sine carnis: Dato inquam, quodd esset impossibile separatio istorum ab inuicem; si tamen ista sic se habeant ad inuicem, sicut aliqua alia, quorum est possibilis separatio; concluditur ista esse distincta. Putà si ex ratione propria circuli & trianguli, carnis, & ligni, concluditur circulum sic se habere ad lignum, sicut triangulum ad carnem: & probatur separabilitas ex vna parte; concluditur distinctio ex alia: & dato quodd sit inseparabilitas ab vna parte, hoc non est ex propria ratione, sed ex aliquo extrinseco. Quibus verbis intendit Doctor Subtilis, quodd licet circulus esset inseparabilis à ligno, si tamen eodem modo circulus se habeat ad lignum, quo triangulus ad carnem; dato quodd triangulus distinguatur realiter à carne, circulus quoque distinguetur realiter à ligno, quantumvis ponatur inseparabilis ab ipso: talis enim inseparabilitas non ex ipsa intrinseca natura rerum, sed aliunde provenit.

Ultima pars conclusionis productus & nitur expressè propter distin-

ctionem realem diuinarum personarum; nam nec vna potest existere altera non existente, nec sunt propriè separata, vel separabiles à se inuicem, propter vnitatem essentia: *Nec substantiam separantes*, inquit D. Athanasius in Symbolo: nec etiam se habent ad inodum separabilium; unde restat vt cā ratione realiter distinguantur, quia vna est producens & altera producta, iuxta id quod habet D. Aug. primo de Trinitate cap. 1. *Qui autem putat eum esse potentia Deum*, inquit, *vt seipsum ipse genuerit, eo plus errat, quodd non solum Deus ita non est, sed nec spiritalis nec corporalis creatura; nulla enim omnino res est, qua seipsam gignat, vt sit.* Et hanc quidem notam realis distinctionis tradunt omnes nostri: Scotus in 1. dist. 2. q. 2. Lychetus in 2. dist. 1. q. 4. & omnes formalizantes; quibus subscribit Fonseca lib. 5. Metaphysic. cap. 6. q. 6. sect. 1.

Dicit Magister Formalitatum distinctionem realem esse illam, cuius extrema habent aliā & aliam realitatem formaliter positivam actualis existentia, vel subsistentia. *Dicitur nitenter*, inquit, *aliam & aliam realitatem, propter subiectum & propriam passionem, qua non realiter distinguuntur, quia non habent nisi vnam realitatem existentia.* Dicitur realiter positivam, propter negationes & privationes. *Dicitur actuali existentia, propter quidditates diversarum specierum: quia quidditas vt quidditas, non habet existentiam per se.* Dicitur vel saltem subsistentia, quia in diuinis est tantum vna existentia, licet sint tres subsistentia. Si

produ-
ctum
distinguitur
realiter.

hoc probetur, non reclamo; tamen aliqua sunt hic dubia: quia puto me alibi ostendisse ex mente Doctoris Subtilis, tres esse existentias relatiuas in diuinis: sed de hoc aliàs.

Addunt adhuc Formalizantes ea distingui realiter quæ sunt in diuersis subiectis: sed suppositis ijs quæ diximus, hoc est superfluum: quæ enim sunt in diuersis subiectis, sunt separata; ratione autem separationis, iam satis distinguuntur realiter.

Obijci solum potest contra hanc doctrinam id quod habet Doctor Subtilis in 3. distinct. 2. quæst. 2. & dist. 22. quæst. vnicâ, ubi docet totum esse aliam entitatem à partibus, non solum separatis, sed etiam vnitis; constat autem, nec totum existere posse sine partibus simul iunctis, nec vice versâ, partes simul iunctas absque toto; constat etiam nec ista esse separata ab inuicè, nec separabilia, nec se habere ad modum separabilem, nec tandem vnum esse propriè produciens, & aliud productum; ex quo concluditur deesse aliquam notam realis distinctionis, quam prætermisimus in conclusione.

Respondetur nihilominus nullam notam realis distinctionis à nobis prætermisissam fuisse; atque consequenter falsum esse quod in sententia Doctoris Subtilis, Totum distinguatur realiter à partibus simul iunctis. Cum enim in 1. dist. 1. qu. 4. & in 2. dist. 1. qu. 5. & alibi passim doceat omne prius naturaliter, posse esse sine suo posteriori absque contradictione, si non sit ei idem: sequeretur partes vnitas posse esse

sine Toto, quia sunt priores eo naturaliter: Ideoque etiam quia non possunt esse sine eo, sit ut sint ei idem realiter; quod expressius adhuc docuit 1. Physic. qu. 9. ubi disertè habet Totum & partes vnitas esse idem realiter. Decepti sunt autem ij omnes qui hæcenus existimauerunt de mente Scoti, Totum essentiale distingui realiter à partibus vnitis, ex eo fortè, quia Scotus in 3. dist. 2. qu. 2. permixtim probat distinctionem Totius, tum à partibus vnitis, tum à partibus diuisis: Nam tertia ratio procedit de toto & partibus diuisis; in qua tamen sola disertè dicit totum & partes non esse idem realiter. Audiatur: *Tertiò, inquit, potest argui à simili de corruptiue secundum argumentum Philosophi 7. Metaphysic. in fine; quia manent a, & b, & non manet, ab, & idem realiter non potest manere, & non manere: Ergo, ab, est aliud realiter ab a & b. Igitur cum sic in omnibus compositis per se rationi partium non repugnet, ut illa maneant, & Totum non maneat; aliqua erit entitas propria ipsius totius alia ab entitatibus partium.* Patet quod ista ratio procedit de Toto, & de partibus diuisis, quæ distingui realiter nemo negat. Aliæ rationes probant quidem Totum esse aliam entitatem à partibus vnitis: Sed non inde concluditur Totum distingui realiter à partibus vnitis: Familiaris enim est nostro Scoto vsus alicuius entitatum, ubi de distinctione formali vel ex natura rei loquitur. Itaque cenfeo de mente Scoti, Totum essentiale esse quidem aliam en-

Obie-
ctio

Solutio
Falsum
est de
mente
Scoti
totum
distingui
realiter
à partibus
simul
iunctis.

titatem à partibus vnitis ; non tamen propterea propriè distinguui realiter à partibus vnitis, saltem distinctione illà reali, quam explicat & approbat Scotus : Sed distinguui solum formaliter vel ex natura rei ; non quidem formaliter conceptibiliter seu metaphysicè, quo genere distinctionis distinguuntur gradus metaphysici ; sed formaliter entitativè seu physicè ; quo modo distinguuntur gradus physici inseparabiles. Et hoc quidem videtur satis expressisse idem Doctor in 3. dist. 22. qu. vnicà, his verbis : *Modò ad propositum contra Magistrum dico, quòd Christus in triduo non fuit homo, quia licet habuit partes naturæ unitas sibi, non tamen habuit naturam humanam sibi unitam ; natura enim humana non est partes, nec partes unita, ut probavi distinct. 2. huius. Unde humanitas non dicit solum respectum unionis partium, ultra partes : non enim illud quod homo formaliter est homo, est relatio ; est autem homo formaliter homo humanitate. Dico igitur quòd homo habet unitatem quandam & entitatem aliam ab istis partibus etiam unitis, non tamen partialem entitatem, quæ cum istis faciat compositum ; tunc enim procederetur in infinitum. Et illud totum sine forma totius, non fuit unita verbo in triduo ; idèò tunc verbum non fuit homo : Quamvis illud totum non sit sine unionem partium, tamen unio illa vel relatio non est formalis ratio illius totius.*

Quibus verbis intendit solum inter partes unitas & totum, non esse identitatem formalem : Nam quid aliud indicant ista : Non enim illud quod homo formaliter est

homo, est relatio ? Et ista : Unio illa vel relatio non est formalis ratio illius totius ? Itaque si hæc verba, & hæcenus à nobis dicta cum his quæ tradidit Doctor Subtilis de distinctione reali sapiens lector conferat, videbit an rectè nec ne iuxta mentem illius, philosophati fuerimus de distinctione Totius à partibus vnitis.

Secunda Conclusio.

IDentitas realis aliquorum non rectè inferitur, ex eo quòd vnum non possit existere sine altero, sed vel ex eo quòd non sint separata, vel quòd sint inseparabilia, vel quòd se habeant ad modum inseparabilium. Hæc patent ex dictis præcedenti conclusionem ; ampliùs tamen declarantur : Et quidem quod spectat ad primam partem, plerumque ex eo quòd vnum non possit existere sine altero, arguitur tantum vel posterioritas naturaliter, vel simultas in existendo, vel dependentia essentialis eius ad alterum : Sed hæc omnia stant cum distinctione reali : Ergo ex eo quòd vnum non possit existere sine altero, non rectè inferitur identitas realis ipsorum. Maior probatur ; quia cum dicitur vnum non posse existere sine altero, significamus duo existentia ; ac proinde duas res, quæ tamen non alià ratione sic se habent, ut vna non possit existere absque alia, nisi vel quia vna est posterior naturaliter altera, quam proinde necessariò prærequirit ad sui existentiam ; vel quia sunt simul naturà & correlata ; vel quia vna dependet essentialiter ab alia, ut creatura à Deo. Minor pa-

Quomodo inferatur identitas realis aliquorum ad invicem.

tet. Hæc enim omnia distinguuntur realiter.

Hinc fateor me numquam intelligere potuisse illam propositionem Licheti, in 2. dist. 1. qu. 4. & nostrorum Formalizantium: *illa sunt idem realiter, quæ sic se habent, quod est impossibile unum existere sine altero, & hoc ex natura intrinseca extremorum, vel alterum extremi.* Nec enim etiam ex illa modificatione, sequitur quod talia extrema, talem existentiam includant vnicam & realem, ut dicit Lichetus: Nam ex Doctore Subtili in 2. distinct. 1. quæst. 5. *Ad questionem istam igitur, & ex rei veritate, lapis non potest esse sine dependentia ad Deum, ac per consequens sine Deo, & hoc ex ratione intrinseca lapidis, ex eo nimirum quia lapis naturâ suâ est Ens creatum, finitum, & dependens; neque tamen propterea lapis & Deus sunt idem realiter; quare etiam nullibi Scotus intulit realem identitatem aliquorum, ex eo simpliciter quod vnum non possit existere sine altero; sed addidit semper, si illa sic se habeant, quod vnum propriè insit alteri: Quod quidè cum illa modificatione verum est; quia si vnum propriè insit alteri, & sine eo non possit existere, signum est illa esse inseparabilia; ex inseparabilitate autem, optimè inferitur identitas realis: Vnde etiam dicunt Formalizantes illa esse idem realiter, quæ sic se habent, quod vnum non potest esse sine alio, seu vnum est impossibile separari ab alio, absque contradictione.*

Quod spectat ad aliam partem, dico quod quæ nec sunt se-

parata, nec separabilia; nec se habent ad modum separabilium, habere debent vnam existentiam, ac per consequens debent esse vna res, & non plures à se mutuo distinctæ. Et iuxta hoc, mihi valdè probatur, quod habet idem Lichetus ibidem: *identitas realis*, inquit, *formaliter sumpta propriè fundatur super identitatem existentiam, sic intelligendo quod existentia quæ est immediatum fundamentum realis identitatis, sit talis existentia, quod non dicat plures existentias, quarum una possit intelligi esse sine alia: Et hoc dico: quia in eadem existentia reali, super qua fundatur identitas realis, possunt intelligi plures existentia ex natura rei distincta, quæ fundantur super distinctas realitates ex natura rei inclusas in essentia cuius est existentia, super qua immediate fundatur identitas realis; & similiter possunt esse plures existentia formaliter distinctæ, secundum formalitates inclusas in essentia, ad quam ut gradus intrinsecum immediatè consequitur existentia, quæ est immediatum fundamentum identitatis realis.*

Obseruandum tamen quod inseparabilitas, ex qua concluditur identitas realis, debet provenire ab aliquo intrinseco, & non ab extrinseco. Nam, v. g. Motus cœli est inseparabilis à cœlo, neque tamen cœlum & motus eius sunt idem realiter, quia inseparabilitas illa est ab extrinseco mouente, & non ab ipso cœlo, quod ex se est indifferens ad motum, & ad quietem.

Obijcies tamen contra priorem partem conclusionis: Ex eo quod vnum possit existere sine

Inseparabilitas ex qua concluditur identitas realis, debet esse ab intrinseco.

Obiectio.

Solutio.

Plura
desiderantur
ad identitatem,
quàm
ad distinctionem
realem.

alio, infertur distinctio realis: Ergo ex eo quòd vnum non possit existere sine alio, inferri debet identitas realis. Respondeo concessio antecedente, negando consequentiam; quia plura desiderantur ad identitatem, quàm ad distinctionem aliquorum: Adde quòd vnum posse existere sine altero, non est adæquata ratio distinctionis realis. Hoc exemplo ita declaratur. Quicquid habet quatuor pedes, currere potest: Ergo quicquid non habet quatuor pedes, currere non potest. Non sequitur; tùm quia habere quatuor pedes, non est adæquata potentia currendi; tùm quia plura desiderantur ad non posse currere, quàm ad posse currere; quia ad posse currere, sufficit habere duos vel quatuor pedes; ad non posse currere autem, oportet omninò carere pedibus. A simili, ad hoc vt aliqua distinguantur realiter, sufficit vna ex conditionibus allatis priori conclusione distributivæ vel subiunctivæ; ad hoc autem vt sint eadem realiter, requiritur collectivus concursus negationis eorundem conditionum.

Ponitur optima notatio: ut patet ex Seco. 40.

Porò vt in hac re clarè mentem nostri Doctoris aperiam; optimam notam identitatis realis insinuat in 2. dist. 2. quæst. 5. §. *Ad quæstionem istam*, vbi dixit quòd quoties vnum inest propriè alteri, si ipsum alterum cui inest non possit esse sine eo quod inest, signum est illa esse eadè realiter; quia ista impossibilitas essendi sine eo, non potest provenire nisi vel ex dependentia essentiali vnius ad alterum; vel ex prioritate naturali; vel ex simul-

tate in existendo: At ponendo ipsum cui aliud inest, non posse esse sine eo quod inest, non ponitur impossibilitas essendi sine eo, ratione dependentiæ, vel ratione prioritatis, aut similitatis naturalis in existendo; quia quod inest, potius dependet, & est posterius eo cui inest, non autem ipsum cui istud aliud inest: Ergo si ipsum cui aliud inest, non possit esse absque eo quod inest; signum est ipsum esse ei idem realiter.

Ex his omnibus dictis, facile erit colligere cum qua distinctione, sit compossibilis identitas realis. Est enim compossibilis cum distinctione rationis, & cum distinctione formali; quia quæ non sunt separata, nec separabilia, nec se habent ad modum separabilium, possunt separari per intellectum, & possunt suis propriis rationibus distingui, vt patet de subiecto, & sua propria passione.

Cum
qua distinctione
ne sit
compossibilis
identitas realis.

Tertia Conclusio.

Duplex assignari potest distinctio realis, scilicet mutua & non mutua: & vtraque iterum triplex, scilicet actualis, potentialis, & virtualis. Declaratur. Distinctio realis non mutua est ea quæ distinguuntur aliqua sic, quòd vnum potest existere sine altero, non tamen ipsum alterum sine primo: Sic distinguuntur res & aliqui modus eius. Mutua est ea, quæ distinguuntur ea quæ possunt esse mutuo sine se invicem. Actualis est, quæ distinguuntur actu separata. Potentialis, quæ distin-

Quotuplex
sic distinctio
realis. Non mutua, mutua, actualis, potentialis, virtualis.

guntur separabilia. Virtualis, quā distinguuntur ea quæ se habent ad modum separabilium. Horum omnium exempla facile possunt haberi ex dictis.

idem, nec non differens, & distinctum, ut intelligatur nos hic non querere unitatem seu convenientiam rationis, loco identitatis, & nos nolle recurrere ad illas tenebras formalizantium, ubi dicitur communiter decem summa Genera, quinque Universalis, & Deum & creaturam esse eadem, ratione; quatenus conueniunt in ratione universalis, vel in alia ratione formata ab intellectu, puta in ratione subiecti, vel prædicati. In his enim propositionibus, inquit; *Deus est bonus. Creatura est Ens*, Deus & creatura sunt subiectum, & eo titulo dicuntur esse idem ratione, quia conueniunt in illa ratione subiecti, formata ab intellectu. Hæc, inquam, non placeant, sicut nec videntur ad propositum, ea omnia quæ ad istam identitatem vel distinctionem rationis referunt de relationibus rationis; quia licet correlata rationis, sint distincta ratione, aliud est tamen loqui de distinctis ratione, & aliud de relationibus rationis. Ne igitur hæc omnia confundamus, sed ut omnia suis locis tractemus, querimus hic solum quid sit & in quo consistat distinctio, atque consequenter identitas? His positis, sit

Item differens, & distinctum.

QVÆSTIO III.

Quid sit distinctio rationis?

Duplex distinctio rationis.



PRENOTANDUM, 1. ex Doctore Subtili in 1. dist. 2. q. 7. 9. sed hic restat, duplicem esse distinctionem rationis, nimirum rationis sumptæ pro quidditate, secundum quod quidditas est obiectum intellectus; secundum rationis sumptæ pro ratione formata ab intellectu. Priori modo, distinctio rationis est eadem ac distinctio formalis, seu ex natura rei, de qua agemus sequenti questione. Posteriori modo, distinctio rationis ea est, de qua procedit præsens questio.

Iterum alio modo duplex.

Prænotandum 2. vulgatam esse diuisionem distinctionis rationis, in distinctionem rationis ratiocinantis, & rationis ratiocinatae, vel, ut loquuntur nostri, rationis ratiocinabilis: Sed de priori tantum sumus hic dicturi, & sequenti questione resoluemus quid sit illa distinctio rationis ratiocinatae.

Differunt vnum, & idem,

Prænotandum 3. vel potius repetendum ex prænotato primæ questionis, differre vnum, &

Prima Conclusio.

Distinctio rationis ea est, quæ distinguuntur aliqua solum per actum intellectus, siue ille actus sit rectus, siue collatiuus. Explicatur, simulque probatur. Multa sunt quæ nec realiter, nec ulla modo ex natura rei distin-

Explicatur distinctio rationis.

guntur : Intellectus tamen quâ pollet virtute, potest inter illa statuere discrimen aliquod, & quidem actu recto, vt distinguendo v. g. humanitatem ab homine, & vniuersim abstracta omnia à concretis; vel actu comparatiuo, vt comparando v. g. hominem ad seipsum, & formando propositionem identicam, in qua idem homo sit prædicatum & subiectum; tunc enim vt subiectum, distinguitur à seipso, vt est prædicatum. Et non solum istud; verum etiam quoties intellectus format aliquod, vel aliqua entia rationis, toties inter ipsum Ens rationis, & Ens reale in quo formatur, ac etiam inter duo; vel plura Entia rationis, intercedit distinctio rationis. Sic v. g. inter animal & genus, & inter genus & speciem est distinctio rationis.

Quid sit distinctio rationis grammaticalis.

Rursus est aliqua distinctio rationis grammaticalis, vt inter vnâ & eandem rem diuersis tantum vocibus grammaticali-
bus, putà homo & hominis significatam: & hæc quidem non obscure habentur apud Doctorem Subtilem in 1. dist. 2. q. 4. §. *sed restat ulterior difficultas.* Ex quibus constat distinctionem rationis eam esse, quâ distinguuntur aliqua solâ operatione intellectus, vel rectâ, vel comparatiuâ.

Obiectio. Obijciuntur contra istam distinctionem rationis: Omnis distinctio quæ non sumit robur à re, est vana: distinctio rationis est huiusmodi. Ergo. Respondeo negando maiorem: Nam confert etiam ad exactam rerum cognitionem, vt nos sciamus quæ ex

natura rei distincta sunt, & quæ tantum beneficio intellectus, qui nec etiam inutiliter aliqua re indistincta distinguit, non affirmando quidem esse distincta distinctione opposita eorum indistinctioni; tunc enim erraret: sed stante eorum reali indistinctione, solâ suâ actione & negotiatione quasi separando illa, vt facilius in suis operationibus incedat: Nam v. g. intellectus in hac secunda operatione sua, Homo est homo, cæcutiret, ni hominem quasi separaret à seipso, cum eum nunc subiectum, nunc prædicatum efficit.

Secunda Conclusio.

Identitas rationis est quâ aliqua sunt idem omnino, vel aliquid est idem sibi ipsi. Quid sit identitas rationis. Etiam in ordine ad intellectum concipientem. Conclusio ista patet ex præcedenti, & amplius declaratur: Multa sunt quæ intellectus semper eodem modo format & concipit, vt est ratio generis, v. g. quatenus eam format & concipit in ordine ad suas species, non mutando illum respectum omnino: In istis autem clarum est esse identitatem rationis. Igitur identitas rationis est quâ aliqua sunt idem, vel aliquid est idem sibi, etiam per actionem intellectus formatis eisdem conceptum omnino de illis vel de illo.

QVÆSTIO

QVÆSTIO IV.

An sit admittenda aliqua distinctio media inter realem & rationis, & quæ, & quid sit?



Æc quæstio est valdè celebris in Schola Doctoris Subtilis, & vna ex maximè controuersis inter nos, & Diui Thomæ discipulos. Negant enim Thomistæ dari mediam illam distinctionem: nos verò dari contendimus. Sed quia dicitur communiter Doctorem Subtilem non satis aperuisse mentem suam super hac re, & verba eius ut potè obscura & ambigua tùm reperisse contentionem inter discipulos eius, tùm reliquisse locum dubitandi quænam mens eius fuerit. Idèo

Prænotandum 1. Doctorem Subtilem potissimum ostendere voluisse dari distinctionem aliquam in rebus, quæ nec esset omnino effecta per intellectum, nec esset etiam realis, qualis est ea quæ reperitur inter duas res habentes distinctas existencias, & separatim vel separabiliter existentes, ut videri potest apud ipsum in 1. dist. 8. q. 4. & dist. 13. q. vnicâ. An autem esset appellanda ista distinctio vel rationis, vel virtualis, vel formalis, vel ex natura rei, vel non identitas; de-

clarauit, iuxta conditionem & exigentiam rerum in quibus reperitur, hoc vel illo nomine esse appellandam.

Prænotandum 2. in vna & eadem re, reperiri multas formalitates, seu multas rationes conceptibiles & definibiles, ut in homine v. g. rationem substantiæ, animalis, rationalis, risibilis, & alias; quæ rationes non sunt tantum plures & distinctæ propter pluralitatem & distinctionem conceptuum formalium mentis; cum potius plures sint conceptus intellectus, quia plures sunt huiusmodi rationes conceptibiles; quia intellectus per actionem suam, non format istas rationes in homine; sed illas iam formatas reperit; & illas solum intelligit varijs & distinctis conceptibus. Nec dici debet illas rationes esse inadæquatas tantum apud intellectum nostrum, hominem imperfectè & inadæquatè concipientem: quem si actu adæquato intelligeret, in illo apprehenderet vnicam duntaxat rationem correspondentem ei adæquatè: istud inquam dici non debet; quia cum homo non sit simplex aliqua à parte rei entitas; quantumcumque adæquatè concipiatur, concipi non potest nisi sub varijs & distinctis rationibus inadæquatis, adæquatis tamen in ordine suo, constituentibus illam adæquatam entitatem eius. Declaratur in hunc modum: Rationale & risibile v. g. ante quamcumque operationem intellectus, sunt variæ & distinctæ rationes conceptibiles & definibiles, seu distincti conceptus obiectiui à parte rei: quia à

Declaratur varijs gradibus metaphysici in eadem natura.

parte rei, rationale est principium ratiocinationis, & risibile principium risus. Nec dici debet unam & eandem entitatem esse horum duorum effectuum productionem: Nam licet hoc verum sit realiter, verum tamen non est formaliter: quia vnum & idem formale principium elicitiuum proximum alicuius actionis, manens omnino idem formaliter ex natura rei, natum est semper elicere idem: Ergo à parte rei non potest vnicui principium formale proximum esse elicitiuum actus ratiocinandi simul, & actus ridendi. His positis, sit

Prima Conclusio.

Datur aliqua media distinctio inter distinctio- nem realem, & rationis. Probatur multis theoriatibus Philosophi.

Admittenda est in rebus distinctio media inter distinctionem realem, & distinctionem rationis. Habet iam ista conclusio claritatem aliquam ex prænotatis; & amplius probatur, imprimis ex Philosopho, qui absque dubio hanc distinctionem agnouit 7. Metaphysic. text. 33. vbi dicit: *sicut se habet tota definitio ad totum definitum; ita partes definitionis ad partes definiti*: Definitum autem non potest concipi habere partes, nisi admittatur ista distinctio media, per quam plurificentur & distinguantur istæ partes; putà genus & differentia. Præterea 3. Metaphysic. text. 10. vbi dicit genus esse extra rationem differentiarum, quas neque ipsum participat, nec ab eis participatur: ex quo sequitur differentias esse distinctas istà distinctione medià à genere; si enim à parte rei essent idem, certè dif-

ferentia participaret ipsum. Item 1. & 4. Physic. & 1. de Generatione, & in Prædicamentis capite de Qualitate, & 4. Metaphysic. cap. 2. & 4. Topicorum cap. 1. & multis alijs in locis, quibus loquens de quibusdam quæ non sunt distincta, vt res & res, sicut sunt v. g. Ens & vnum, calor vt est dispositio, & vt est patibilis qualitas, virtus & iustitia, & alia; dicit illa esse distincta ratione, scilicet quidditatiuà, vel alià distinctione, quam satis significat nec esse realem, nec rationis simpliciter. Multi graves Philosophi existimant etiam admittendam esse istam distinctionem ex mente D. Thomæ, opusculo de principiis indiuiduationis cap. 2. & alibi passim: Sed quidquid sit de mente eius, videntur sanè omnes Theologi eam supponere, cum dicunt quodd si Deus constaret genere & differentià, non esset simplex; sed constaret pluribus partibus: Si enim genus & differentia in rebus creatis non essent distincta ex natura rei; falsum esset hoc: Si autem ponantur distinguui, clarum est quod non alià distinctione, quam istà medià distinguuntur; quia non realiter distinguuntur, vt patet. Ergo iam inter genus & differentiam est admittenda illa distinctio.

Et certè noster Magnus Alexander 1. p. qu. 13. membro 2. agnouit etiam istà distinctionem inter Ens & vnum, & alias proprietates Entis.

Admittitur autem præcipuè à Scoto, propter compositionem metaphysicam, propter gradus metaphysicos, propter sub-

Quare admittatur à Scoto

distinctione
formali.

iectum & propriam passionem, & alias similes realitates non habentes distinctas realiter existentias, & inseparabiliter existentes.

Obiectio.

Multa proponuntur argumenta aduersus hanc distinctionem; sed istud est principium; Omne Ens est reale, vel rationis: Ergo omnis distinctio est realis, vel rationis: quia proprietas omnis sequitur conditionem sui subiecti. Ergo non est admittenda distinctio media inter distinctionem realem, & distinctionem rationis. Respondeo distinguendo antecedens; nimirum omne Ens esse reale, id est præter opus intellectus; vel rationis, id est, per opus intellectus. Et hoc sensu, concedo consequentiam, nimirum omnem distinctionem esse realem, id est præter opus intellectus, vel rationis, id est, per opus intellectus: Sed inde non sequitur non dari mediam hanc distinctionem inter distinctionem realem, & distinctionem rationis: Quia licet hæc distinctio media, sit realis, modo nunc explicato, quatenus scilicet est præter opus intellectus; non est tamen realis eo modo, quo illa quæ est inter rem & rem; quia non est tam inter rem & rem, quam inter realitatem & realitatem, seu inter varias formalitates, & conceptus obiectiuos. Itaque iuxta hanc doctrinam, omnis distinctio est realis, vel rationis; quia omnis distinctio est, vel præter opus intellectus, vel per opus intellectus: Duplex tamen est distinctio præter opus intellectus, scilicet inter rem & rem, & inter varias rationes, vel

Solutio.

Quomodo
omnis
distinctio
sit
realis,
vel
rationis.

definitiones, vel quidditates. Aut si mauis: Omnis distinctio est realis, vel rationis, sumendo rationem vel pro quidditate, vel pro consideratione intellectus, vt docet Fonseca 5. Metaphysic. cap. 6. q. 7. sect. 3.

Ista doctrina non placet Gabrieli Vasquez 1. part. disput. 116. cap. 5. num 25. Sed nihil habet, quo illam impugnet.

Non placet etiam Suario tom. 1. Metaphysic. disput. 7. sect. 1. num. 16. & 20. & lib. 1. de Essentia Dei cap. 10. num. 4. Huius ratio est, quia quæcumque sunt distincta à parte rei, comparantur adinuicem vel tanquam res & res, vel tanquam res & modus eius: Existimat enim cætera omnia solâ ratione distinguere. Sed hæc ratio nulla est; quia dantur aliqua quæ actu distinguuntur, quæ tamen non comparantur adinuicem tanquam res & res, vel tanquam res & modus rei: sed tanquam duæ formalitates; vt iam sæpè dictum est.

Confutatur
Suarez.

Secunda Conclusio.

Admissâ vnitatem huius medietatis distinctionis; non erit inutile decernere quonam magis apto nomine possit exprimi. Imprimis itaque habemus ex Doctore Subtili in 1. dist. 2. qu. 1. 5. *sed restat hic ulterior difficultas*, vocari posse distinctionem rationis, non quidem rationis formatæ ab intellectu, sed rationis sumptæ pro quidditate rei. Et vocari hoc quidem congruit modo loquendi Philosophi, quia ea quæ distinguuntur hac mediâ distinctione, vocat distincta ratione,

Quomodo
sit
appellanda
nostra
distinctio
media.

Quæ
ratione
possit
distinctio
rationis.

vt 1. Physic. cap. 2. text. 21. vbi expressè docet album & musicum, & alia similia concreta, quæ significantia realiter distincta, esse vnum subiecto, ratione autem diuersa; & eodem 1. Physic. cap. 7. text. 6. non entia distingui ratione ab ente, quibus locis, ratio sumitur pro quidditate, vel definitione, & non pro consideratione intellectus: Tamè ad vitandam equiuocationem, & ne rationem intelligentem pro ratione quidditatiua sumamus; satius est vt ab hac voce abstineamus.

Nō re-
dè vo-
catur
distin-
ctio mo-
dalis.

Vocatur à quibusdam distinctio modalis, quia reperitur potissimum inter rem & modum eius; sed eo pacto quo illi explicant hanc suam distinctionem modalem; non tantum in modo loquendi, sed etiam in re ipsa discrepant à nobis. Dicunt enim distinctionem modalem intercedere inter rem & modum, sine quo res ipsa potest existere; sic v. g. inquirunt, distinguitur natura substantialis, à sua subsistentia, & quantitas extra subiectum, à seipsa existente in subiecto. Hanc autem distinctionem non agnouit Scotus vt mediam inter distinctionem realem, & distinctionem rationis; sed potius vt speciem distinctionis realis, non quidem qualis est ea, quæ est inter rem & rem, sed qualis est ea, quæ est inter separabilia, saltem non mutua, cum in extremis allatis, vnum extremorum distinctorum, possit existere sine altero, quantumuis ipsum alterum non sit res, sed tantum modus rei. Non inficiamur quidem hanc distinctionem voca-

ri rectè posse modalem; sed nihil habet commune cum hac nostra distinctione media, quæ vt sit, non requirit aliud, quam plures realitates, plures formalitates, vel plures conceptus obiectiuos etiam inseparabiles in eadem entitate.

Vocatur communiter à Scotus, distinctio formalis, & distinctio ex natura rei (neque enim ipse distinxit inter distinctionem formalem, & distinctionem ex natura rei, vt constat ex his quæ habet in 1. dist. 8. qu. 4. & dist. 13. qu. vnicà, & alibi passim) distinctio formalis quidem, quia est inter formas Metaphysicas, seu formalitates, & rationes conceptibiles; ratio enim vniuscuiusque rei dici potest forma vel formalitas eius: Distinctio verò ex natura rei, quia est in rebus secluso opere intellectus, & ratione ipsius naturæ rerum, quæ sic se habent, vt constituentur multis rationibus, quarum vna non sit altera ex se.

Istud nomen distinctionis formalis non placet quibusdam; quia inquirunt, est valde equiuocum: Distinctio enim formalis potest dici tam de distinctis realiter, quam de distinctis solà ratione, quatenus illa distinguuntur, vel distingui possunt essentialiter, & hæc per rationes formales & præcisas ab intellectu. Sed cum rationabilitas huiusmodi nominum non aliter probari possit, quam ex communi modo loquendi; ista improbatio non est sufficiens: quia iis quæ distinguuntur realiter & essentialiter conuenit propria distinctio, communiter dicta realis & essen-

Voca-
tur à
Scoto
distinctio for-
malis,
& ex
natura
rei.

tialis : & iis quæ distinguuntur ratione, conuenit etiam propria, communiter appellata distinctio rationis. Nomen autem distinctionis formalis peculiariter impositum est ad significanda ea quæ hac mediâ distinctione distinguuntur.

Quodd
distin-
ctio rea-
lis dici
posse
distin-
ctio ex
natura
rei.

Observabis autem primò circa nomen distinctionis ex natura rei, ea omnia quæ realiter distinguuntur, dici posse distinguere ex natura rei, quatenus omnis distinctio realis petitur ex ipsa natura rerum; tamen nostram mediam distinctionem peculiariter appellari distinctionem ex natura rei, ad distinctionem distinctionis rationis, quatenus utraque reperitur inter ea quæ separari non possunt abinuicem, quorum tamen aliqua apprehenduntur tantum ut distincta, alia autem ex suis rationibus distincta sunt.

Distin-
ctio for-
malis
est eadē
cum di-
stinctio-
ne ex
natura
rei.

Observabis secundò non esse opus ut distinguamus distinctionem ex natura rei, à distinctione formali : Nam apud Scotum sunt vna & eadem. Adde quòd nulla est necessitas huiusmodi multiplicationis distinctionum. Quòd enim dicunt nostri Formalitæ ea distinguere ex natura rei, de quibus verificari possunt duo contradictoria, transeat : tamen si verificari possunt secluso opere intellectus, tunc distinctio ex natura rei, erit distinctio formalis : si non nisi per opus intellectus, erit solum distinctio rationis. Legi poterit de hac re, noster Faustinus in suo breui Tractatu de formalitatibus, cap. ultimum.

Tertia Conclusio.

TAmetsi ex dictis facile sit concludere quid sit ista nostra distinctio media, quæ vel formalis, vel ex natura rei nuncupari potest : Tamen id clariùs, breuiter tamen, iam explicandum est. Distinctio formalis seu ex natura rei est distinctio plurium rationum inseparabilium in eadem entitate, quarum vna ex natura sua, & ex propria quidditate non est altera; hæc distinctione distinguitur omnes gradus metaphysici alicuius speciei, vel etiam indiuidui, vt genus & differentia, item subiectum & propria passio. Hinc colligitur identitatem formalem seu ex natura rei, esse vel ipsammet unitatem alicuius vnus rationis indiuisibilis à seipsa, vel identitatem plurium rationum concurrentium ad eundem conceptum formalem ex natura rei. Ita quòd quemadmodum illa distinguuntur ex natura rei, quæ non sunt de eodem conceptu formali à parte rei ; ita illa sunt eadem ex natura rei, quæ sunt de eodem conceptu formali à parte rei, siue quæ habent eandem conceptibilitatem ex natura rei. Ex quo intelliges seuerè nimis interpretatos fuisse verba Doctoris Subtilis in 1. dist. 2. qu. 7. aliquos ex discipulis eius, vbi dicit : *Voco autem identitatem formalem, vbi illud quod dicitur sic idem, includit illud cui sic est idem, in sua ratione formali, & per consequens per se primo modo.* Ex quibus aliqui, vt Sirectus, Mauricius, Valonius, & alij multi, de-

Expli-
catur
distin-
ctio for-
malis.

Expli-
catur
identit-
as for-
malis,
& ex-
ponitur
locus
Scoti.

GGg iij

ducunt quod inferius est idem formaliter suo superiori, quia includit ipsum in primo modo per se: Sed superius non est idem formaliter suo inferiori, quia non includit ipsum, sed potius includitur in ipso: v. g. inquit, homo est idem formaliter animali: quia homo includit animal: Animal autem non est idem formaliter homini, quia non includit hominem. Alij verò, ut Trombeta in suis formalitatibus, volunt quòd superius sit idem formaliter inferiori, & non è contrà; & ad verba Scoti dicunt quòd aliquid dicitur duobus modis idem alteri formaliter; primo, per identitatem formalem in ipso existentem: secundo, quia alterum est sibi idem formaliter, quemadmodum relatorum, v. g. aliqua sunt talia per relationem in ipsis existentem; alia autem per relationem in aliis existentem, quo modo Deus dicitur creator, per creationis relationem in creatura existentem. Primo modo, superius, & quidquid est de ratione & essentia alterius, est idem ei de cuius ratione & essentia est: Secundo verò modo, inferius & includens aliud in sua ratione, est idem superiori & inclusio. Verùm existimo cum Faventino in suo Tractatu de Formalitatibus, cap. 8. neutram istarum duarum opinionum esse veram, & ad mentem Doctoris Subtilis. Nam imprimis falsum est, inferius esse idem suo superiori formaliter, quia inferius accidit suo superiori; omne autem quod accidit, extraneatur à ratione eius, cui accidit. Quod spectat ad superius, est quidem

idem formaliter suo inferiori, in quo includitur, & de cuius ratione est, ex Doctore in 4. dist. 11. Sed ex hoc non concluditur identitas formalis superioris & inferioris, saltem mutua, quia identitas formalis mutua, est eorum quæ identificantur in eodem conceptu formali: Itaut ista identificatio sit tam à parte unius, quam à parte alterius; quod tamen non reperitur in proposito, cum inferius non identificetur suo superiori, quantumvis superius identificetur suo inferiori: & hæc mutua identitas formalis non potest esse nisi plurium rationum solà ratione distinctarum, ut sunt rationes generativitatis, generationis, & paternitatis in eadem relatione constitutiva personæ Patris divini, secundum Scotum, si modò identitas ista concipiatur à nobis ut est veluti relatio quædam: potest enim etiam concipi ut est unitas alicuius unius rationis, & indivisibilitas eiusdem à seipsa.

Hæc omnia confirmari possunt autoritate Doctoris Subtilis, in 2. dist. 1. qu. 5. §. 9. *Ad questionem istam*, circa finem, ubi dicit relationem non esse eandem formaliter fundamento; & supponit hoc manifestum ex intellectu eius quod dicitur formaliter idem: *Quia*, inquit, *per se ratio respectus non includit formaliter rationem absoluti, nec absolutum per se includit formalem rationem respectus*. Quibus verbis patet identitatem formalem; secundum Scotum, non esse solùm inclusionem alicuius gradus superioris; sed inclusionem mu-

Inferius non est idem formaliter suo superiori, sed potius includitur in ipso: v. g. inquit, homo est idem formaliter animali.

tuum, quā plures rationes solā ratione distinctæ, conveniunt in eadem conceptibilitate, & ratione formali.

Iam operæpretium est, resoluamus an hæc nostra distinctio sit eadem cum ea, quā vtuntur Thomistæ, & quam communiter appellant distinctionem rationis ratiocinatæ. Dico imprimis non esse eandem cum distinctione virtuali; quia nostra distinctio est actualis, vt patet ex dictis: est enim inter plures rationes, quarum vna ex natura rei actualiter non est alia: v. g. est distinctio formalis inter naturam hominis, & risibilitatem, quæquidem rationes sunt actuales, & actualiter vna non est alia: Distinctio autem virtualis non est actualis, vt docetur communiter.

Dico secundò, non esse eandem cum distinctione rationis cum fundamento in re, saltem hoc modo explicata; quia distinctio nostra præcedit omnem actum intellectus: Illa autem sic explicata concernit operationem intellectus.

Dico tertio posse esse eandem cum distinctione rationis ratiocinatæ, vel rationis significatæ, quo genere & nomine distinctionis frequenter vtitur Caietanus: Ratio enim significata videtur esse ipsa ratio quidamque rei: & certè hoc modo videtur eam accepisse Caietanus. Si igitur in hoc nobiscum consētire voluerint, benè venerint; si autem aliam quamdam distinctionem, in qua sit opus actione intellectus, imaginari sibi voluerint, cum eis non sentimus.

Quarta Conclusio.

Datur vltra distinctionem formalem, non identitas, ^{Quid sit non identitas.} quæ est diuersitas alicuius rationis formalis & proprii modi intrinseci eius. Cum enim modus intrinsecus non habeat propriam formalitatem distinctam à formalitate rei cuius est modus; non potest intercedere propria distinctio formalis inter rationem formalem rei, & modum intrinsecum eius, sicut v. g. inter rationem Entis & rationem Infiniti. Et hæc non identitas, censetur esse non idem, omnes rationes formales, & modi intrinseci earum. Est tamen super hac non identitas non parua difficultas in litera Scoti. Dicit enim in 1. dist. 2. q. 1. §. *Sed hic restat, inter essentiam diuinam, & relationes, intercedere tantum non identitatem: Nunquid igitur, inquit, debet concedi aliqua distinctio?* Respondet, *Melius est vti ista negativa: Hoc non est formaliter idem, quàm hoc est sic vel sic distinctum. Sed nonne sequitur: A & B non sunt idem formaliter. Ergo sunt formaliter distincta?* Respondet quod non oportet sequi: quia formalitas in antecedente negatur, & in consequente affirmatur. His verbis apertè dicit Scotus inter essentiam diuinam, & relationes repetiri solum non identitatem.

Exemplantur difficultates in Litera Scoti circa non identitatem.

Quare etiam Herrera in 1. disp. 14. q. 1. conclus. 2. docet inter essentiam diuinam, & relationes, inter eandem essentiam & attributa, ac etiam inter attributa adinuicem comparata, non aliam

Nostra distinctio media non est virtualis, nec rationis cum fundamento in re, sed potest esse rationis ratiocinatæ.

reperiri distinctionem, quam ipsam formalem negatiuam, seu non identitatem. Negat enim hæc omnia distingui formaliter positiuè seu formaliter actualiter; sed vult solum distingui formaliter negatiuè, & formaliter virtualiter seu aptitudinaliter.

Dicit Bargius idè Scotum dixisse inter essentiam diuinam, & relationes intercedere duntaxat non identitatem; quia nondum determinauerat an relationes haberent suas proprias formalitates, vel potius essent modi essentiae diuinæ. Sed hæc solutio non satisfacit, quia nusquam Scotus dubitauit quin attributa diuina haberent suas proprias formalitates; & tamen illud idem dixit de attributis, quod de relationibus respectu essentiae, vt constat ex ijs quæ habet in 1. dist. 8. q. 4. §. *Ad questionem. Est igitur, inquit, aliqua non identitas formalis sapientie & bonitatis.* Non est etiam probabilis in via Scoti, Doctrina Herreræ; quia quantumuis dixerit Scotus essentiam diuinam & relationes esse non idem formaliter; tamen resolutoriè non dixit distingui tantum virtualiter; immò verd post multa, tandem contrarium resoluit: *Breuius igitur dico, inquit, omitiendo illa verba de distinctione rationis, & de distinctione virtuali, non quia sint male dicta, sed quia non oportet eui uti; dico quod in essentia diuina, ante actum intellectus, est entitas a, & est entitas b, & hæc non est formaliter illa. Ita quod intellectus paternus considerans a & considerans b, habet ex natura rei, imò ista compositio sit*

vera; a, non est formaliter b; non autem præcisè ex aliquo actu intellectus circa a, & b. Cum igitur non identitas formalis intercedat tantum inter rationem formalem alicuius, & modum intrinsecum eius: quare Scotus ponit etiam hanc non identitatem inter essentiam & relationes, & inter essentiam & attributa, ac etiam inter ipsamet attributa?

Dico quod Scotus potius vsus est voce non identitatis, quam distinctionis, non quod vox distinctionis, sit penitus abiicienda; sed ne videretur ponere aliquam relationem realem inter essentiam & relationes, & inter cetera prædicta; Hoc enim potius significare videtur vox illa distinctionis, quam vox non identitatis. Adde quod vox distinctionis, ni bene intelligatur, videtur primò fronte derogare vnitati & simplicitati diuinæ: Abstulit ergo ab ea voce solum propter periculum falsi & mali intellectus, cum aliàs etiam eà sanè intellectà frequenter vsus sit. Frequenter enim dicit: *Ista autem distinctio, siue non identitas, &c.* Addit noster frater Ioannes de Bassolis Scoti discipulus in 1. dist. 22. q. 4. art. 2. distinctionem ex natura rei, sumi duobus modis, quantum ad præsens institutum attinet: Primum, vt est relatio realis inter extrema realiter distincta: Secundum, vt est negatio vnitatis aliquorum quæ non sunt apta facere vnum: & sic potius non identitas quam distinctio dicenda est. Priori modo, distinctio non est in diuinis; saltem inter ea quæ superius attulimus. Posteriori modo est; & hac

Quare Scotus vsus sit nomine non identitatis in diuinis.

hac fortè ratione Scotus potius est vñs Voce non identitatis, quàm distinctionis. Adde quòd timidè valdè loquebatur de hac distinctione, quippe quam primus excogitauerat, & quam tamen existimabat esse necessariam pro intelligenda reali pluralitate, distinctione, & productione diuinarum personarum. Non enim poterat imaginari Scotus, quàm ratione Verbi diuini productio esset generatio, & Spiritus sancti non esset; nisi ponendo intellectum diuinum, & voluntatem diuinam esse aliquo modo distincta, vel saltem non eadem, ante intellectum. Et hoc sufficit illi, vt scilicet defendere possit Trinitatem personarum diuinarum non videri quasi fictam ab intellectu, si ponantur intellectus & voluntas diuina nullo modo distingui ante intellectum. Qualiscumque ergo sit illa distinctio, quæ reperitur in diuinis, modò sit aliquo modo ante intellectum, hoc sufficit Doctori Subtili. Quod notari debet, vt intelligatur Gabrielem Vasquez & aliquos alios modernos, ipsum seuerius reprehendisse, quàm mereretur. Illis aliquando cum omni modestia satisfacimus, Deo dante.

Distinctione formalis habet gradus.

Porro ad vberiorè intelligentiam eorum omnium quæ ad hanc distinctionem vel non identitatem formalem pertinent; Dico illam habere latitudinem & gradus; ita vt alia sit distinctio formalis maior, alia minor, alia minima: Quod ex varijs rationibus rerum non erit difficile intelligere: Nam rerum alie habent definitiones integras, completas, & perfectas; & inter il-

las intercedit distinctio formalis maior, seu quidditatiua. Alia habent solum rationes formales, & non completas definitiones, vt singuli gradus Metaphysici; & inter illas intercedit distinctio formalis simplex, & minor comparatione distinctionis quidditatiuæ. Alie habent ita tenues rationes, vt vix à nobis discerni & distingui possint, vt sunt rationes perfecti, & boni transcendentalis; & inter illas intercedit distinctio formalis minima.

QVÆSTIO V.

An sit admittenda aliqua distinctio essentialis, & quid sit?



SI quid sit controuersia circa hanc quæstionem, tota ferè consistit in verbis. Nam in re ipsa, idem omnes omnino sentiunt. Varijs tamen distinctionibus applicant distinctionem essentialem. Noster Ioannes de Bassolis ea quæ distinguuntur realiter separabiliter, appellat distincta essentialiter. Doctor Subtilis suam distinctionem formalem, plerumque etiam appellat distinctionem essentialē, quatenus nimirum distinctæ formalitates sunt distinctæ rationes quidditatiuæ & essentielles suo modo. Tamen vt quid de quæstione proposita, tenendum sit, habeamus,

Prænotandum 1. aliud esse, ali-

Disse-

qua esse vñ essentialiter; & aliud, tunc

HHh

aliqua
esse v-
num,
& ali-
qua ef-
fentiā.

aliqua esse idem essentialiter. Aliqua esse vnum essentialiter, est illa conuenire in aliqua vna ratione essentiali; Quo pacto duo indiuidua alicuius naturæ specificæ, puta Petrus & Paulus, dici possunt esse vnum essentialiter, quia nimirum conueniunt in vna natura specifica, scilicet in natura humana, quæ quidem est in illis vna per negationem diuisionis heterogeneæ, vt dictum est superius. Aliqua esse idem essentialiter, est illa identificari vni & eidem essentiæ, vel saltem simul concurrere ad constituendam aliquam essentiam. Primo modo, homo & rationale sunt idem essentialiter, quia identificantur vni essentiæ: rationale enim identificatur essentialiter homini, & homo identificat sibi & in sua ratione essentiali, rationale. Secundum modo, animal & rationale sunt idem essentialiter, quia concurrunt ad constituendam vnam essentiam, scilicet essentiam hominis. Tamen identitatem essentialem potius in priori, quam in posteriori sensu vsumus, cum de ea loquimur. Et quidem iuxta hanc doctrinam, distinctio essentialis erit duplex; vna opposita unitati, & altera opposita identitati. Prior erit distinctio multorum indiuiduorum alterius & alterius speciei, vel plurium specierum alterius & alterius generis, quippe quæ non conueniunt in aliqua vna natura. Posterior erit distinctio pluriū graduum, vel rationum, vel entitatum, quæ non sunt natę coalescere in identitatem alicuius essentiæ, vel concurrere ad constituendam aliquam vnam essentiam, vt sunt ratio parietis, & albedinis.

Prænotandum 2. ex Lycheto in 2. d. 1. q. 3. §. *Ad questionem istam*, dari adhuc aliud genus identitatis essentialis, quæ vult speciem specialissimam & propriam passionem eius, esse idem essentialiter. Et hanc identitatem existimo esse negatiuam, scilicet non distinctionem aliquam, ortam ex defectu essentialitatis alterius extremi, nimirum propriæ passionis; quæ cum non sit essentia, sed proprietates essentiæ, non poterit esse extremum alicuius positiuæ distinctionis: Et ideo species specialissima & proprietas eius eatenus, meo iudicio, erunt idem essentialiter, quatenus sunt non distincta essentialiter.

Prænotandum 3. totam hanc questionem posse procedere vel de rebus secundum quid, & in esse possibili, vel de rebus simpliciter & in esse reali. His positis, sit hæc

Vnica Conclusio.

Admittenda est aliqua distinctio essentialis, ea nimirum quæ opponitur identitati essentiali, estque in rebus creatis, simpliciter & secundum suum esse reale, spectatis, eadem ac distinctio realis. Prior pars probatur: Videmus enim multa distingui essentialiter hoc pacto, nimirum ea omnia vel quæ non possunt identificari essentialiter, vel quæ non concurrunt, nec possunt concurrere ad constituendam aliquam vnam essentiam, vt sunt lapis & equus, Petrus & Paulus, paries & albedo, &c. Ergo datur distinctio essentialis hoc modo explicata. Altera pars probatur: Quia in rebus creatis secundum suum esse reale, spectatis, quæ distin-

Expli-
catur
distin-
ctio es-
sentiæ,
lia.

guuntur essentialiter hoc pacto, distinguuntur etiam realiter, & vice versa, ut patet in exemplis allatis. Ergo distinctio essentialis hoc modo explicata, est eadem ac distinctio realis.

In rebus creatis: quia in diuinis distinctio realis non est eadem ac distinctio essentialis; imò cum summa identitate essentiali, stat distinctio realis inter personas, ut docent Theologi, & nos etiam aliquando docuimus in quodam Tractatu de Trinitate. Dixi in rebus creatis secundum suum esse reale spectatis.

Quia si ad distinctionem realem, non modò sufficiat distinctio inter rem & rem, quocumque modo se habentem; sed requiratur distinctio inter rem & rem existentem: Ad distinctionem autem essentialem, sufficiat distinctio inter quidditatem & quidditatem, quocumque modo se habeant: Patet non omnem distinctionem essentialem esse realem, etiam in rebus creatis vel creandis: quia inter duas quidditates possibiles, puta inter na-

turam equi, & naturam Leonis, est distinctio essentialis hoc pacto; non tamen distinctio realis: quia quidditates illæ ex hypothese non sunt existentes. Tamen illa restrictio aut modificatio necessaria non est: quia quo pacto illæ quidditates distinguuntur essentialiter; eodem etiam seruata proportione distinguuntur realiter, nimirum, realiter possibiliter: quia quantumuis nondum existant, tamen possunt existere, & quidem existentibus distinctis.

Ex his manifesta est satis identitas essentialis, quæ, proprie loquendo, erit vel identitas vnius simplicis essentiae cum se ipsa, vel identitas aliquorum plurium in eadem essentia.

De distinctionibus se totis subiectiue, & se totis obiectiue, nihil dico: videntur enim mihi, ut Fabro Fauentino, superflue. Non enim hic agimus de vnitatem & diuersitate rerum, ad quam tamen illæ distinctiones pertinent; sed de distinctione & identitate earum.

Quid sit identitas essentialis

Et hæc de eodem & distincto.



QVINTA PARS

HVIVS CAPITIS, QVÆ

EST DE NECESSARIO VEL
contingenti; seu de necessitate
vel contingentia.

PRÆFATIVNCVLA.

Neces-
sarium
vel cō-
tingens
est pro-
prietas
dijun-
cta En-
tis



NECESSARIUM
vel contingens,
seu necessitas vel
contingentia sta-
uitur communi-
ter inter proprie-
tates complexas,

seu diiunctas Entis; & de cā lo-
quitur præsertim Doctor Subt.
in 1. dist. 39. §. quantum ad primum
dico; vbi hæc habet: Quantum ad
primum dico quod istud diiunctum,
necessarium vel possibile (possibile
enim hic idem est quod contin-
gens) est passio Entis circumloquens
passionem conuertibilem cum Ente;
sicut sunt multa alia illimitata in
Entibus: Passiones autem Entis con-
uertibiles, vt communis immediatè
dicuntur de Ente, quia Ens habet
conceptum simpliciter simplicem; &
ideò non potest esse medium inter ip-
sum, & suam passionem, quia neu-
trum est definitio; quæ potest esse
medium. Si etiam sis aliqua passio
Entis non prima, difficile est videre
per quam priorem, vt per medium,

possit concludi de Ente: quia nec sã-
cile est videre ordinem passionum
Entis: Nec si ille ordo cognosceretur,
viderentur passionis assumpta ab eis,
pro præmissis, esse multum euiden-
tiores conclusionibus. In passionibus
autem diiunctis, licet illud totum
dijunctum non possit demonstrari de
Ente: tamen communiter sumpto
illo extremo, quod est minus nobile;
de aliquo Ente potest concludi, &
aliud extremum quod est nobilius de
aliquo alio Ente. Sicut sequitur: Si
aliquod Ens est finitum: Ergo ali-
quod Ens est infinitum. Et si ali-
quod Ens est contingens: Ergo ali-
quod Ens est necessarium; quia in
talibus, non posset Enti particulari-
ter inesse imperfectius extremum,
nisi alicui Enti inesset perfectius ex-
tremum, a quo dependeret. Sed nec
isto modo videtur posse concludi ex-
tremum imperfectum talis diiun-
ctiois: Non enim si perfectius est
in aliquo Ente; necesse est imperfe-
ctius esse in alio Ente: & hoc, nisi
illa extrema diiuncta, essent cor-

Quo-
modo
nulla
passio
Entis
possit
demon-
strari de
Ente.

relativa, sicut causa & causatum. igitur non potest ostendi de Enee, per aliquod prius medium disiunctum hoc, scilicet necessarium, vel contingens. Nec etiam ista pars disiuncti, quod est contingens, posset ostendi de aliquo, supposito necessario de aliquo: Et ideo videtur ista, Aliquod Ens est contingens, esse vera primo, & non demonstrabilis propter quid. Inde Philosophus arguens contra necessitatem futurorum, non deducit ad aliquid impossibile hypothese, sed ad aliquid impossibile nobis manifestum, scilicet quod non oportet nec consiliari, nec negari. Et ideo negantes talia manifestum, indigent poena vel sensu, quia secundum A-nicen. 1. Metaphysic. c. ultim. negantes primum principium, sunt verberandi vel exponendi igni, quousque concedant quod non est idem comburi, & non comburi, vel vapulare, & non vapulare; & ita etiam isti qui negant aliquid Ens contingens, exponendi sunt tormentis, quousque concedant quod possibile est eos non torqueri.

Supposito itaque ex hac auctoritate, necessarium vel contingens, esse proprietatem disiunctam Entis; quod etiam ex eo confirmari potest, quia omne Ens est necessarium vel contingens; restat ut præcipuas difficultates, quæ circa illam occurrunt apud Doctorem Subtilem, excitemus.

QVÆSTIO I.

Quid sint necessitas & contingentia?



Hic indifferentem utrimur concretis, vel abstractis, quibus idem semper significamus, scilicet proprietatem prædictam disiunctam Entis; cum tamen aliis concreta ipsa non proprietate illam, sed partes subiectivas entis significare possint, quarum aliæ sunt necessitæ, & aliæ contingentes.

Prænotandum itaque pro solutione quæstionis, triplicem assignari posse necessitatem, vel contingentiam, nimirum Logicam, Physicam & Metaphysicam. Necessitas & contingentia Logica sunt modi propositionum, quibus dicuntur necessariæ vel contingentes: Necessariæ quidem, propter necessariam & intrinsecam habitudinem extremorum illarum, cuiusmodi est hæc; *Homo est animal*. Contingentes verò, propter extrinsecam, accidentariam, & contingentem connexionem extremorum illarum, cuiusmodi est ista; *Petrus currit*, & de hac necessitate, vel contingentia, loquitur Aristoteles in libris de Interpretatione.

Mitto contingentiam propositionum esse duplicem, unam provenientem ex habitudine extrinseca extremorum, petita ex

HHh ij

Quomodo
sint affi-
ciendi
ij qui
negant
primum
principium.

Necessitas & contingentia triplex, scilicet Logica, Physica, & Metaphysica, & quid sit.

caulis inferioribus; altera prouenientem ex habitudine extrinseca eorumdē extremorum, petita ex causa supernaturali, scilicet ex voluntate diuina: Propositiones contingentes priori contingentia, sunt istæ, v. g. *Petrus currit: Paries est albus*, & similes. Propositiones contingentes posteriori contingentia sunt istæ, v. g. *Verbum caro factum est: Christus mortuus est*, & similes, de quibus late differit Doctor Subtilis in Prologo Sententiarum.

Circa autem huiusmodi propositionum contingentiam, quedam difficultates possunt excitari, præsertim ista: An scilicet duarum propositionum contradictoriarum de futuro contingenti, vna sit determinatè vera, & altera determinatè falsa? Sed hæc non sunt nostri instituti: difficultates enim illas alibi excitauimus, & resoluiimus, nimirum in Logica, & in quodam Tractatu de scientia Dei, fortè etiam quandoque typis mandandis.

Necessitas, vel contingentia Physica est modus vel proprietas aliqua rerum, præsertim causarum & effectuum naturalium. Nam rerum naturalium præsertim causarum, quedam sunt necessariae, quedam contingentes. Necessariæ, quæ naturaliter, determinatè, & semper eodem modo causant, cuiusmodi sunt, v. g. cæli, elementa, & cetera. Contingentes verò, quæ vel indeterminatè, vel rarè & contingenter, vel liberè & voluntariè causant, cuiusmodi sunt fatum, fortuna, & voluntas creata. Et hæc sequuntur effectus necessarii

& contingentes. Necessarii, ij scilicet qui sunt à causis necessariò agentibus; contingentes verò, qui sunt à causis agentibus indeterminatè, contingenter vel liberè.

Circa hanc necessitatem vel contingentiam, multa disputantur, quæ tamen hic examinari non possunt; tùm quia alibi solent discuti, nimirum vel in Physicis, vel in Moralibus; tùm quia hoc pacto, confunderemus omnes scientias, & nullus resaret locus discernendi, quæ ad Metaphysicam, quæ ad Physicam, & quæ ad Moralem disciplinam spectarent. Nihilominus quia Scotus habet aliqua de contingentia voluntatis creatæ in 1. dist. 39. quæ nonnihil difficultatis & utilitatis habent; idè occasione contingentie Metaphysicæ, illa non prætermittimus.

Potè ad necessitatem Physicam reuocari possunt omnes modi necessitatis vel necessarii, quos refert Arist. 5. Metaphysic. cap. 5. Primus est, quo id dicitur necessarium, sine quo non contingit viuere tanquam concausa, vt respirare, & alimentum animalinecessarium est. Secundus, vt id dicatur necessarium siue quo bonum non contingit, aut esse aut fieri, siue aliquid mali repellere, aut copriuari, vt bibere portionem medicatam, necessarium est, vt non ægrotet. Tertiū, vt id dicatur necessarium, quia est violentum. Vis enim seu violentia necessitas quedam est. Quartus denique, vt id dicatur necessarium quod non contingit aliter se habere. Videri possunt Doctor Subtilis & Alexander

Multiplex necessarium ex Arist.

in hunc locum.

Superest itaque vt de necessitate, vel contingentia Metaphysica, aliquid concludamus.

Conclusio.

Quid sit necessitas vel contingentia Metaphysica.

Necessitas vel contingentia Metaphysica est modus, vel proprietas disiuncta entis, quâ significamus omne Ens esse necessarium, vel contingens: Nomine Entis necessarij intelligendo solum Ens primum, cui repugnat non esse, & quod non potest aliter se habere: Nomine vero Entis contingentis, intelligendo omne aliud Ens ab Ente primo; quippè cui non repugnat non esse, & quod potest aliter se habere. Hoc modo philosophatur de necessario & contingenti Doctor Subtilis in 4. dist. 49. qu. 6. §. *Hic duo sunt videnda, vbi habet: Concedo ergo quod: nihil aliud à Deo, habet esse formaliter necessarium, sed simpliciter contingens.* Et ratio est, quia omne aliud præter Deum, non solum est mutabile ab esse minus vel magis perfecto, ad esse magis vel minus perfectum; verumetiam est mutabile à non esse ad esse, & ab esse ad non esse; vnde eâ ratione, non necessarium, sed contingens seu possibile dici debet.

Solus Deus est Ens necessarium.

Itaque hoc pacto, solus Deus est Ens necessarium, quia scilicet est independens, immutabile, & indefectibile omnino; & aded solus est Ens necessarium, vt repugnet duo esse entia necessaria tali necessitate, vt ostendit Scotus subtiliter in 1. dist. 2. qu. 2. §. *Quantum ad tertium articulum, his verbis: si duo natura, inquit,*

sint necesse esse, aliquibus rationibus proprijs: realibus distinguuntur; & dicantur, a, & b, iste rationes aut sunt rationes formaliter necessario essendi, aut non; si sic; & præter hæc, illa duo per illud in quo conueniunt, sunt formaliter necessaria: Ergo utrumque duabus rationibus formalibus erit necesse esse, quod est impossibile; quia cum neutra illarum rationum per se includat aliam, utraq; illarum circumscripta, esset necesse esse per alteram; & ita, esset aliquid necesse esse per illud, quo circumscripto, non minus esset necesse esse. Si vero per illas rationes quibus formaliter distinguuntur, neutrum formaliter sit necesse esse: Ergo illa rationes non sunt formaliter rationes necessario essendi; & ita sequitur quod neutrum includitur in necesse esse; quia necesse esse nihil includit, quod non sit necesse esse, vel ratio necessario essendi. Et ita patet quod non possunt esse duo necesse esse.

Et hinc habetur omne aliud à Deo, esse contingens contingentia opposita tali necessitati, quod ided dicitur contingens, quia contingenter se habet ad existentiam, eâ nimirum ratione, quia sicut productum est, sic annihilari potest. Dicitur quoque possibile, vel quia cum non sit, potest tamen esse, seu non habet repugnantiam vt sit; vel cum sit, potest annihilari, & non esse. Sed de hac possibilitate sumus fusiùs dicturi sequenti Partē.

Omne aliud præter Deum, est contingens.

QVÆSTIO II.

*Vtrum necessaria habeant
causam sui esse?*



HANC questionem sub iisdem terminis mouet Doctor Subtilis, lib. 5. Metaphysic. q. 3. & ibidem Anthonius Andreas q. 4. Et hoc quidem propter aliquod dictum Philosophi inuenientis partem affirmatiuam, & propter auctoritatem Philosophorum ponentium substantias separatas esse necessarias, & tamen eas habere causam sui esse docet fides.

Prænotandum autem 1. aliud esse, necessaria habere causam sui esse; & aliud necessaria esse producta, vel necessarium aliquod esse productum; nam potest aliquod necessarium esse productum, & tamen non habere causam sui esse, sumendo causam propriam, ut patet de diuinis personis productis, quæ sunt entia necessaria, producta quidem, non habentia tamen causam sui esse, quia persona producens in diuinis, est principium quidem personæ productæ, non tamen causa.

Prænotandum 2. Duplicem esse necessitatem, scilicet complexam, & incomplexam. Necessitas complexa est necessitas alicuius propositionis necessariæ, cuiusmodi est hæc: *Corpus est substantia*. Necessitas incomplexa est necessitas alicuius simplicis

entitatis seu naturæ; & hæc est iterum duplex, scilicet simpliciter, & secundum quid. Necessitas incomplexa simpliciter, est necessitas Entis immutabilis, indefectibilis, & cui repugnat omnino non esse. Necessitas incomplexa secundum quid, est necessitas Entis immutabilis, & indefectibilis, tum intrinsece, tum per extrinsecam potentiam finitam: defectibilis tamen per potentiam superiorem & infinitam. Priori necessitate incomplexa, solus Deus necessarius est, ut dictum est præcedenti questione: Posteriori verd, multa alia entia præter Deum, sunt etiam necessaria, puta substantiæ spirituales & cœli. Et quidem, si hoc pacto posuerunt Philosophi aliquos effectus primæ causæ, esse necessarios; rectè dixerunt: si autem posuerunt, ut posuisse videntur, esse necessarios priori necessitate; decepti sunt, ut multis ostendit Doctor Subtilis loco citato, & nos etiam breuiter inferius dicemus. His positis, sic

Prima Conclusio.

ENS necessarium simpliciter non habet, nec potest habere causam sui esse. Hoc probat Doctor Subtilis in 1. dist. 2. qu. 1. Quia Ens necessarium simpliciter est independens, & primum effectiuum. Ergo non potest habere causam efficientem priorem & superiorem, à qua dependeat. Confirmat istud hæc ratiocinatione Doctor Subtilis.

Si Entis necessario simpliciter daretur aliud prius, à quo esset effectiuè; idem dici posset de ipso

Ens necessarium simpliciter non habet causam sui esse.

ipso priori, atque de illo; sicque procederetur in infinitum, quod tamen repugnat ex 1. Posteriorum, 8. Physicorum, & 12. Metaphysic. præsertim in causis essentialiter ordinatis. Quodd si entis necessarij simpliciter, nulla detur causa efficiens; nulla quoque dabitur causa finalis, quia causa finalis non causat nisi quia metaphoricè mouet efficiens. Ergo ex negatione causæ efficientis, sequitur negatio causæ finalis. Nulla item dabitur causa materialis, nullaque formalis; quia istæ causæ intrinsecè supponunt extrinsecas à quibus disponantur & aptentur, ad constituendum compositum. Ergo Ens simpliciter necessarium, nullam prorsus habet causam sui esse.

cū hoc, ita esset illas habere causam sui esse. Vbi certè multa perpendit & examinat subtilissima, scitu dignissima, & pro conciliandis multis locis Aristotelis, valde necessaria. Concedit autem imprimis hanc fuisse mentem Philosophorum, vt Intelligentiæ essent entia necessaria simpliciter, vt patet ex 12. Metaphysic. sed quia, inquit, nulli auctori imponenda est sententia falsa, vel multum absurda, nisi habeatur expressè, vel sequatur euidenter ex dictis eius; & cū Intelligentias esse Entia à se, sit non tantum falsum, vt patet; sed etiam valde absurdum; quia oppositum eius potest demonstrari; nec illud legatur expressè apud Aristotelem; non videtur hoc illi rationabiliter imponi.

inde sequeretur ens non habere causam sui esse.

Secunda Conclusio.

Entia necessaria secundū quid, habent causam sui esse.

ENTIA necessaria secundū quid, habent causam sui esse. Probat, quia illa sunt entia possibilis, & contingentia simpliciter. Item sunt entia dependentia & mutabilia. Item illa non sunt prima effectiua, sed sunt effectibilia & effecta. Ergo habent causam sui esse. Conclusio ista principaliter suadet ex fide; quā credimus nihil esse in tota rerum vniuersitate, præter Deum, quod non sit effectum ab ipso.

Si Intellectus ligetur per impossibile essentia necessaria; non tamen

Et hæc quidem dicta sunt iuxta mentem Theologorum: Vtteriùs tamen Doctor Subtilis q. 7. quodlibeticè in fine, sustinet quodd etiam si per impossibile, Intelligentiæ essent Entia necessaria simpliciter: nō inde tamen sequeretur illas esse Entia à se; sed

Probat verò Intelligentias non esse entia à se; sed esse causabiles vel causatas, tūm auctoritatibus Aristotelis, tūm quibusdam rationibus. Et primò quidem auctoritatibus hoc pacto.

Intelligentiæ nō sunt entia à se ex Philosopho.

Aristoteles 12. Metaphysicor. concedit omnia habere ordinem essentialem inter se; & magis adhuc habere ordinem essentialem ad vnum primum. At infinitum intensiue, & illud quod habet esse à se, non potest esse subordinatū essentialiter alicui alteri, nec sicut ad finem; quia bonum infinitum non est propter aliud bonum; bonum autem totius vniuersi vtroque modo se habet, scilicet & in ordine Entium inter se, & in ordine eorum ad optimum separatim; nec infinitum & Ens à se potest esse subordinatum alteri vt principi

priori agenti, qui habet virtutem actuum infinitam.

Præterea eodem 12. Metaphysic. dicit Philosophus quod entia non volunt malè disponi. Unde concludit; *Unum ergo princeps.*

Ratio
efficax
Scoti
ad probandum
intelligentias
non esse
entia à
se.

Ratio autem potissima Doctoris, quam affert ad probandam hanc veritatem, hæc est: Non possunt esse duæ naturæ intellectuales simpliciter infinitæ; sed quæcumque natura intellectualis, si est à se, sine incausata, ipsa est simpliciter infinita. Ergo non possunt esse plures naturæ intellectuales simpliciter incausate. Prima est incausata, alioquin non esset prima. Ergo quælibet alia est causata. Maiorè multis probat in 1. dist. 2. q. 1. Sed questione illà 7. quodlibeticà tangit hanc præcipuè probationem. Quia utraque, inquit, illarum intelligeret alteram perfectissimè, tantùm scilicet quantum ipsa est intelligibilis & comprehensibilis; similiter una diligeret aliam, quantum ipsa est diligibilis; & sic etiam utraque seipsam comprehenderet & diligeret; & ita, utraque tam secundum intellectum, quam secundum voluntatem beatificaretur, tam in seipsa, quam in alia. At est impossibile eandem potentiam simul comprehendere duo obiecta adæquata, quoniam utrumque obiectum toti virtuti potentie totaliter adæquatur; imò nec una potentia potest habere duo obiecta æquè prima; essentia autem unius esset primum obiectum sui intellectus. Ergo non essentia alterius; sed nec ipsa essentia alterius esset obiectum

secundarium iustus intellectus, quia non est entitas posterior essentia eiusdem, cum istæ essentia sint æquè infinitæ; nec per consequens erit posterior ea in intelligibilitate: potentiam etiam ita perfectè comprehendere essentiam alterius, sicut propriam, est impossibile; præcipuè quando natura propria non includit eminenter naturam alterius, nec dependet essentialiter ab illa altera, nec est eiusdem speciei cum illa: Quæ omnia vera sunt in proposito, de Deo scilicet, & Intelligentijs.

Minorem autem huius syllogismi, scilicet quod natura quæ est à se, est infinita probat ex intentione Philosophi, qui ex eo concludit primum mouens esse infinitæ potentie, quia est à se potens, & idèd habet plenitudinem potentie.

Quando ergo probatur secundum intentionem Aristotelis, Intelligentias non esse causatas; quia secundum ipsum, sunt formaliter necessaria. Dico, inquit Scotus, quod ipse non posuit ista inter se repugnare, nimirum esse causatum, & esse formaliter necessarium, cum dicat 2. Metaph. *Sempiternorum principia semper esse verissima, necesse est: quia sunt alia causa veritatis.* Sempiterna ergo quæ ipse posuit formaliter necessaria, concessit habere principia. Item 5. Metaphysic. cap. de Necessario. Nihil prohibet necessariorum quorundam esse alteras causas. Hoc etiam patet in veritatibus principij & conclusionis. Ergo simul stare possunt aliquid esse simpliciter necessarium, & illud habere causam sui esse.

Simul
stant
aliquid
esse ne-
cessa-
rium
simplici-
ter, &
posse
habere
causam
sui esse.

Causa-
tum nō
est à se.

Cum arguitur. Causatum est de se non Ens, & possibile esse propriè: Dicendum esset, inquit, quod non est de se Ens, vel potius non est à se Ens; ita quod causato non oportet quod competat aliqua non entitas, sed negatio modi essendi, qui est esse à se: Et ista negatio est compossibilis necessario, licet negatio entitatis non sit compossibilis ei.

Quo-
modo
causa-
tum sit
possibile.

Quod etiam dicitur, quod causatum est de se possibile, si intelligatur de potètia quæ est differentia entis opposita actui, talis potentia non necessariò inuenitur in causato, nisi quod causatur cum nouitate. Non est autem necessaria apud Aristotelem, connexio causationis & nouitatis, sicut nec apud illos Theologos, qui dicunt Deum potuisse producere aliquid ab æterno; est tamen omne causatum possibile, hoc est obiectum potètiæ causatiuæ; sed ista possibilitas licet repugnet necessitati à se, non tamen secundum Aristotelem repugnat necessitati formali.

Habere
poten-
tiam in-
finitam
non est
adæqua-
ta ratio
non ha-
bendi
magni-
tudine;
sed ha-
bere in-
tellectu-
alitatem
eū im-
materia-
litate.

Aliqui Theologi & Philosophi apud Scotum, nituntur ostendere secundum intentionem Philosophi, Intelligentias esse entia à se, quia illæ non habent magnitudinem. Philosophus autem 12. Metaphysicor. dicit primam causam seu primum mouens non habere magnitudinē, quia habet potentiam infinitam: Ergo à simili, si Intelligentiæ non habent magnitudinem; habent potentiam infinitam: Ergo sunt entia infinita: Ergo non habent causam sui esse. Sed ad hoc acutè respondet Scotus, habere potentiam infinitam esse quidem cau-

sam carentiæ magnitudinis, non tamen causam adæquatam; sed intellectualitatem & immaterialitatem. Dico, inquit, quod negatio potest per tot media propter quid, de aliquo concludi, quot possunt esse in ipso causæ repugnantie ad affirmationem oppositam; & si aliquid vnum sit causa adæquata repugnantie, illud erit medium adæquatum ad ostendendum talem negationem. Infinitas autem intentiua est vna causa repugnantie ad habere magnitudinem; sed non est adæquata: habere autem intellectualitatem sine materia est ratio adæquata. Ista autem duo oportet coniungi, scilicet intellectualitatem & immaterialitatem ad habendum medium sufficiens; quia sicut non sufficit intellectualitas sola secundum mentem Aristotelis, vt patet in homine; sic nec immaterialitas, sicut patet in cælis, qui secundum Philosophum, non habent materiā. Et post multa, sic concludit. Ex istis habetur secundum medium ad remouendum magnitudinem, quod est esse intellectuale sine materia. Et istud est medium adæquatum respectu prædicati. Quando ergo dicitur cap. 4. scilicet duodecimi Metaphysic. Quod oportet tot substantias esse sine magnitudine, propter causam prædictam; hoc debet intelligi de illa causa adæquata, quæ scilicet est intellectualitas sine materia, cuius mentionem fecerat Philosophus in principio 3. & 4. capituli; non autem debet referri ad illam propositionem, quæ tacta est in fine, de infinitate potètiæ. Nec hoc videtur destruere sen-

tentiam literæ, cum intellectuales immaterialis sit propria causa, imò adæquata respectu prædicati: Hoc autem quod est habere infinitam potentiam, vel non est eius causa, vel non est adæquata; quia prædicatum omni intelligentiæ conuenit; medium autem conuenit soli Deo, cui honor est & gloria, in sæcula sæculorum.

Tertia Conclusio.

Quædam necessaria complexa habent causam sui esse.

QUædam necessaria complexa habent causam sui esse. Patet de conclusionibus necessarijs, quarum causa sunt ipsa principia complexa, quæ quidem non habent causam sui esse, quando sunt omnino prima & indemonstrabilia, qualia sunt ista: *Quodlibet est, vel non est. Totum est maius sua parte, &c.* Sed hæc omnia patent ex alijs dictis.

QVÆSTIO III.

*Unde oriatur rerum
contingentia?*



PRONOTANDUM, i. vel potius repetendum ex priori quæstione, multiplicem esse contingentiam, scilicet logicam, physicam, & metaphysicam. De duplici tamen potissimum sumus impræsentiarum dicturi, scilicet de contingentia metaphysica, & de contingentia physica, præsertim actionum voluntatis creatæ; siquidem voluntas crea-

ta, inquantum est libera & indifferens, cum contrariè, cum contradictoriè, elicit suas actiones contingenter. Ostendit autem quomodo id fiat Doctor Subtilis in 1. d. 39. §. *Quantum ad primum dico*: ubi multa præclara habet, quæ hic præmitti non debent. Dicit ergo quoddam voluntas creata quatenus est actus primus, libera est ad oppositos actus; libera est etiam median-
tibus illis actibus oppositis, ad opposita obiecta, in quæ tendit; & ulterius ad oppositos effectus, quos producit. Prima libertas habet necessariò aliquam imper-

Quomodo voluntas creata sic libera acutè explicat Scotus.

fectionem annexam, quia ut sic habet potentialitatem passiuam, & mutabilitatem respectu illorum oppositorum actuum, quos potest recipere, & à quibus potest immutari. Secunda autem libertas est sine imperfectione, imò est necessaria ad perfectionem: quia omnis potentia perfecta potest tendere in omne illud, quod est natum esse obiectum eius: Ergo voluntas perfecta potest tendere in omne illud quod natum est esse volubile. Libertas igitur tunc est sine imperfectione, cum versatur simpliciter circa opposita obiecta, cui ut sic, accidit ut oppositos effectus producat. Et hinc habetur ratio tertiæ libertatis, quæ distinguitur à prima; quia si voluntas per impossibile nihil efficeret extrà, non produceret oppositos effectus, eliceret tamen oppositos actus, ex eo quia tenderet in opposita. Istam autem libertatem, addit Scotus, concommittatur una potentia ad opposita manifesta. Licet enim non sit

in ea, potentia ad simul velle, & non velle; quia hoc posse, non est posse; tamen in ea, est potentia ad velle, post non velle, siue ad successionem oppositorum actuum: & ista potentia est etiam manifesta in omnibus alijs mutabilibus, ad successionem oppositorum, à quibus successiue possunt immutari. Tamen est & alia potentia in voluntate, non ita manifesta absque omni successione. Ponendo enim voluntatem creatam habere esse tantum in vno instanti; & ipsam in illo instanti habere hanc volitionem; non tamen propterea necessariò tunc habet eam. Probatur: Si enim in illo instanti, haberet istam volitionem necessariò; cum non sit causa nisi in illo instanti, in quo causaret eam: certè voluntas simpliciter in eo instanti in quo causaret dictam volitionem, necessariò causaret illam: Nam voluntas non est modò causa contingens, ex eo quia præexistit ante istud instans in quo causat, & ut sic, præexistens potest causare vel non causare: Quia sicut hoc Ens quando est, est necessariò vel contingens; ita causa quando causat, tunc causat necessariò vel contingenter. Ea propter, ex quo, in illo instanti causat hoc velle, & non necessariò; idèò contingenter causat illud. Est ergo potentia huius causæ ad oppositum eius quod causat sine successione; & ista potentia est potentia prioris naturaliter ut actus primi ad opposita, quæ sunt posteriora naturaliter ut actus secundi: actus enim primus consideratus in illo

instanti, in quo est prior naturaliter actu secundo, ita ponit illum in esse, tanquam effectum suum contingentem, quòd ut prior naturaliter, posset æquè ponere aliud oppositum in esse. Hanc etiam potentiam realem actiuam priorem naturaliter ipso quod producit, concomitatur potentia logica, quæ est non repugnantia terminorum; voluntati enim ut est actus prius, etiam quando producit hoc velle, non repugnat oppositum elicere; tùm quia causa contingens est, respectu sui effectus; & idèò non repugnat sibi oppositum, in ratione effectus: tùm quia ut subiectum est, contingenter se habet ad istum actum, quia subiecto non repugnat oppositum sui accidentis per accidens. Libertatem igitur voluntatis nostræ in quantum est ad oppositos actus, concomitatur potentia tam ad opposita successiue, quàm ad opposita pro eodem instanti: hoc est quòd alterutrum possit ponere in esse, absque altero. Et ista potentia secunda, est causa realis actus prius naturaliter, quàm potentia Logica; sed quarta potentia non concomitatur istam, scilicet ad opposita simul, quia illa potentia nulla est.

Ex his potest declarari distinctio huius propositionis; voluntas volens, a, potest non velle, a. hæc enim in sensu compositionis est falsa, quatenus nimirum significat possibilitatem huius compositionis; voluntas volens a, non vult a. Est autem vera in sensu diuisionis, quatenus significat possibilitatem

Quomodo voluntas sit libera etiam cum actu operatur.

tem ad opposita successiue: quia voluntas volens pro a, potest non velle pro b. Sed si etiam accipiamus propositionem de possibili vniuentem extrema, pro eodem instanti, puta istam; voluntas non volens aliquid pro a, potest velle illud pro a; adhuc ista est distinguenda, secundum compositionem, & diuisionem; & in sensu compositionis, falsa est, scilicet quod sit possibile voluntatem esse simul volentem pro a, & non volentem pro a: In sensu verò diuisionis est vera, quatenus scilicet significatur quod illi voluntati, cui inest velle pro a, posset inesse non velle pro a.

Et ad intelligendum istam secundam distinctionem quæ est obscurior, dicit Scotus quod in sensu compositionis, est vna categorica, cuius subiectum est istud; voluntas non volens pro a, & prædicatum, volens pro a: & quod tunc attribuitur hoc prædicatum possibiliter, huic subiecto, cui tamen repugnat; & per consequens conuenit illi impossibiliter aliquid, quod denotatur possibiliter conuenire; & cæ ratione, ista propositio categorica, est falsa in sensu composito: In sensu diuisionis autem, sunt duæ propositiones categoricæ enunciantes de voluntate, duo prædicata; in vna, de inesse, & in altera, de possibili; & istæ duæ propositiones verificantur simul pro eodẽ instanti; quia eidem voluntati in eodem instanti, conuenit non velle a, cum possibilitate ad oppositum, scilicet ad velle a.

Dicit tamen aliquis, falsum

esse quod sit aliqua potentia pro aliquo instanti, ad oppositum eius quod inest, in illo instanti; quia ex primo de Interpret. *Omne quod est, quando est, necesse est esse*: Respondeo tamen ita esse: & ad propositionem allatam, dico eam posse esse, vel hypotheticam vel categoricam: & quidem vt est hypothetica, particula illa, *necesse est*, potest denotare vel necessitatẽ consequentiæ, vel necessitatẽ consequentis; si necessitatẽ consequentiæ, vera est: si necessitatẽ consequentis, falsa; patet in hac propositione; *quando Petrus currit, necesse est Petrum currere*; particula illa, *necesse est*, denotando necessitatẽ consequentiæ, vt sit sensus; si Petrus currit, necesse est vt currat; reddit propositionem veram; eadem autem particula denotando necessitatẽ consequentis, vt sit sensus; quando Petrus currit, necessarium est Petrum currere, hoc est, necessarium cursus conuenit Petro, vel Petrum currere, est Ens necessarium; reddit falsam propositionem. Vt verò est categorica; potest esse, vel de prædicato temporali, vel de subiecto temporali: Si de subiecto temporali, falsa est propositio; si de prædicato temporali, vera. Patet in his syllogismis: *Omne quod est, quando est, necesse est esse. Sed Petrus est, quando est: Ergo necesse est esse Petrum*. Conclusio falsa est; minor autem vera erat: Ergo maior falsa erat, & non aliã ratione, nisi quia est de subiecto temporali, hoc est de subiecto in quo includitur particula, *quando est*. Sic autem; *Omne quod est, quando est, necesse est esse. Sed*

Explicatur propositio illa. Omne quod est, quando est, necesse est esse.

Propositio allata vel est hypothetica, vel categorica.

Categorica, vel est de prædicato vel de subiecto temporali.

Petrus est : Ergo quando est, necesse est esse. Vera est conclusio, & non aliâ ratione, nisi quia sequitur ex prædicato temporali, seu determinato per particulam, *quando est* : Ergo ex propositione allata, non habetur voluntatem non posse pro eodè instanti, velle aliquid, pro quo vult oppositû eius.

Prænotandum 2. nos hic non querere, vnde oriatur determinata veritas, ac per consequens infallibilis certitudo actionum contingentium voluntatis creatæ. Hoc enim spectat ad Theologos in 1. dist. 39. vbi determinant quomodo Deus certè, infallibiliter, & immutabiliter cognoscat futura contingentia; & nos etiam resolvimus istam difficultatem in quodam Tractatu de Scientia Dei; vbi diximus voluntatem diuinam constituere futura contingentia in quadam determinata veritate, vel nimirum conuectendo simplices terminos quos exhibet intellectus diuinus, vel determinando propositionem, quam duntaxat neutram repræsentauerat idem intellectus; quam postmodum veritate determinatam non potest certè & infallibiliter non cognoscere Deus. Ista tamen doctrina Scoti, vt ibidem annotauimus, non sic est intelligenda, quasi sola voluntas diuina determinet absolūtè & simpliciter talem futuritionem talium contingentium, sine omni præuisione determinationis ipsiusmet voluntatis creatæ : Nam in 1. dist. 41. §. *sed hoc videtur*, docet Deum non determinasse efficaciter Petrum amare, nisi præuidendo quodd ipse Petrus vellet amare.

Ita etiam sentiunt nostri moderni, apud quos gauisus sum me reperisse illud idem, quod antè docueram. His positis, sit

Prima Conclusio.

Contingentia Metaphysica non aliunde prouenit quàm ex ipsamet entitate & natura rerum. Probatur; quia quemadmodum Ens necessarium simpliciter, ex se, est tale & non per aliud; ita Ens contingens & possibile ex se, & naturâ suâ, est tale, & non per aliud : Ita vt ex se repugnet illi esse aliud Ens, quàm cōtingens, mutabile, & defectibile. Nihilominus si quaeratur vnde sint res illæ cōtingentes? Responderi poterit esse & ab intellectu diuino, & à voluntate diuina, & à potentia diuina: ab intellectu quidem, cognoscibiliter; à voluntate verò, determinatè; & à potentia, realiter. Ex hoc tamen non sequitur contingentiam rerum esse ab aliquo ex his principiis; quia tametsi Ens contingens, & Ens possibile sint idem; non eo tamen modo philosophandum est de contingentia, atque de possibilitate; quia possibilitas non prouenit tantum ex rebus ipsis, sed etiam quasi casualiter & originatiuè ab intellectu diuino, vt dicemus sequenti parte : Contingentia autem nullâ ratione dici potest esse ab intellectu diuino, qui quantumuis possit producere res in esse possibili; non potest tamen eas producere in esse contingentis; sed eo ipso quodd producat sunt, quoquo modo producatæ sint, siue cognoscibiliter, siue realiter; ex se habent quodd sint contingentes; ita quodd contingentia

Quid sit contingentia Metaphysica.

nō agimus hic de certitudine cognitionis futurorum contingentium

Legatur Faber Faber in 1. disp. 4. c. 5. Et Patet Caueus in suo Scholio in §. 41. §. *sed hoc videtur*, docet Deum non determinasse efficaciter Petrum amare, nisi præuidendo quodd ipse Petrus vellet amare.

non sit veluti proprietas aliqua extracta à necessitate, tanquam ab altera proprietate entis; quemadmodum possibilitas est veluti proprietas extracta ab impossibilitate, cui opponitur.

Secunda Conclusio.

Vnde-
contingentia
Physica
ex-
cipit
actio-
nem hu-
mana-
tura.

Contingentia Physica, vel moralis actionum voluntatis creatæ proximè & immediatè est ab eadem voluntate creatæ; remotè verò, primariò tamen à voluntate diuina, vel à potentia diuina dante esse voluntati creatæ. Prior pars patet; quia voluntas creatæ ex doctrina Doctoris Subtilis, superius insinuata, est naturâ suâ indifferens ad oppositos actus, opposita obiecta, & oppositos effectus; ita vt indifferenter & indeterminatè possit hunc vel illum actum elicere, hoc vel illud obiectum respicere, hunc vel illum effectum producere: Ergo contingens est quoddam hunc potius quàm illum actum eliciat; contingens inquam, contingentia petita ex ipsa natura facultatis.

Altera pars etiam patet; quia quicquid est causa causarum, est causa causati: Ergo cum Deus sit causa effectiua voluntatis creatæ; erit etiam causa effectiua contingentia actuum qui eliciuntur ab illa.

Mitto & alio titulo, dei posse Deum esse causam immediatam contingentia actionum voluntatis creatæ, quatenus scilicet immediatè concurrat ad illas, tanquam causa prima, à qua necessariò & essentialiter dependet

omnis causa secunda, etiam dum actu operatur.

Sunt & alia quædam contingentia Theologica, nimirum non tantum operationes Dei ad extrinsecos; sed præcipue opera Verbi incarnati, vt incarnatio, vita, mors, &c. quorum omnium nulla alia causa poni potest, quàm voluntas diuina.

QVÆSTIO IV.

Vtrum primâ causâ necessariò agente, essent effectus contingentes in rerum natura?



De hac re duplex est opposita sententia. Prima est D. Thom. 1. part. qu. 12. art. 13. ad primum; Caietani, & omnium ferè Thomistarum ibidem, ac etiam 1. part. qu. 19. art. 8. Altera est Doctoris Subtilis variis in locis, sed præsertim in 1. dist. 2. qu. 1. §. *Offensio esse*. dist. 8. qu. 5. §. *Istis rationibus*. Et dist. 19. §. *Quantum ad primum*. Item omnium Doctorum nostræ Scolæ. Suarez autem inter cæteros, distinctissimè suo more, hanc quæstionem resoluit tom. 1. Metaphysic. disput. 19. sect. 3. cum quo nullam aliam litteram habemus, præter quàm quoddam rationibus Doctoris Subtilis veritatem huius rei confirmat, & tamen ipsum impugnât quasi aliter senserit, & id quidem ex defectu

Refertur
variæ
sententia.

defectu intelligentiæ doctrinæ ipsius.

in aliqua causa secunda? Secundus est: Si per impossibile, Deus ageret ex necessitate naturæ, & non plus ageret, neque alium concursum aut motionem præberet voluntati liberæ creatæ, quàm modò præbet; an tunc tolleretur contingentiam actionis, & impediret vsum libertatis? Tertius est: Si maiori quodam impetu, & maiori motione ageret; an tunc tolleretur contingentia rerum? Hæc prænotat Suarez loco citato: Quo prænotato & posito; respondet iuxta priorem & posteriorem sensum, nullam fore rerum contingentiam, fore tamen iuxta secundum: tamen Scotum non processisse neque iuxta priorem, neque iuxta posteriorem sensum, sed iuxta secundum. Hinc grauitè reprehendit illum; sed immeritò vt ostendemus; quia rationes Scoti procedunt iuxta posteriorem sensum. Quare miror virum aliàs profundissimum & eruditissimum ita leuiter animaduertisse doctrinam tanti Doctoris, quam aded grauitè impugnât.

Prænotandum itaque 3. Doctorem Subtilem voluisse Deum noui aliter posse agere ad extrâ, nisi maiori conatu & maiori motione, supposito quoddam necessario ageret. Vnde apud ipsum, secundus sensus quæstionis positus à Suariorum, non habet locum; & ratio eius est: quia *Omni causa necessario agens, agit secundum ultimum potentia suæ; quia sicut non est in potestate sua agere, & non agere; ita nec intendit, nec remittit agere.* Ergo, inquit, si prima causa necessario causat; causat

Deus
nō potest agere
nec necessario
ad extrâ & non
agere maiori
motione quā
nunc
agat.

Deus
nō agit
necessario
ad extrâ:
tamen
admitti
potest
hæc hypo-
thesis
impossi-
bilis,
& quare.

Prænotandum itaque 1. hypothesein quæstionis esse impossibilem; quia non modò Deus non agit ad extrâ ex necessitate naturæ, sed nec agere potest, quia modus ille agendi repugnat illi, & derogat summæ dignitati & perfectioni eius: Imperfectionis enim est naturam intellectualem esse determinatam ad operandum. Nihilominus familiare est non modò Philosophis, sed etiam Theologis, positis quibusdam hypotheseibus impossibilibus, inquirere quid contingeret, vel non contingeret? Quatenus cognoscatur hoc vel illud, esse rationem huius vel illius, per locum intrinsecum, vel per locum extrinsecum. Sic, v. g. solemus quærere an Spiritus sanctus distingueretur realiter à Filio, dato quòd non procederet ab ipso? Licet enim sit impossibile Spiritum sanctum non procedere à Filio; tamen quia partem affirmatiuam hypotheseis sustinemus in nostra Schola; ided ostendimus distinctionem Spiritus sancti à Filio, non colligi ex processione eiusdem ab ipso, per locum intrinsecum, sed tantum per locum extrinsecum. Sic itaque debemus inquirere an rerum contingentia proueniat ex eo quòd Deus operetur ad extrâ liberè, per locum intrinsecum, necne; ita quòd si ageret necessario, tolleretur omnis rerum contingentia.

Quæstio proposita habet triplicem sensum

Prænotandum 2. quæstionem propositam hypotheticam posse habere triplicem sensum. Primus est: Si in prima causa non esset libertas in agendo; an posset esse

quicquid potest causare. Et illud quidem etiam probat Suarez loco citato, num. 12. ubi sic loquitur: *Hac est conditio naturalis agentis, ut agat quantum potest, quia non habet facultatem temperandi suam actionem, seu magis vel minus illam applicandi, quia hoc non fit nisi per potentiam liberam.* Ex qua doctrina, destruitur secundus sensus questionis. Quia si hæc sit conditio naturalis agentis, ut agat, quantum potest; dato quod Deus sit agens naturale, agat ad extremum potentiae; & ita maiori motione quam nunc agat, quia agat infinita virtute. His positis, sit

Prima Conclusio.

Si non esset libertas in prima causa, non esset etiam in causis secundis.

SI in prima causa non esset libertas in agendo, nulla esset in causis secundis; sicque tolleretur omnis rerum contingentia. Hæc conclusio nullam habet difficultatem; quia perfectiones simpliciter non sunt in causis secundis, nisi per participationem à prima: Sed libertas est perfectio simpliciter. Ergo non potest esse in causa secunda, nisi per participationem à prima.

Aduersus istud proponit vnicum breue argumentum Suarez. Libertas, inquit, requirit perfectionem admixtam alicui imperfectioni, nimirum potentialitati vel mutabilitati. Ergo non est perfectio simpliciter. Ergo potest esse in creatura, tamen non sit in prima causa. Respondet negando antecedens; Nam libertas, inquit, præcisè & absolute sumpta saluari potest

cum indifferentia ad obiecta, vel effectus, absque vlla compositione vel potentialitate respectu diuersorum ætuum. Sed istam doctrinam multis ante ipsum, sæculis tradidit Scotus noster in 1. dist. 39. §. Iuxta prædicta. His verbis:

Quantum ad primum dico, quod voluntas diuina non est indifferens ad diuersos actus volendi vel volendi, quia hoc in voluntate mea non erat sine imperfectione voluntatis. Voluntatis enim nostra erat libera ad oppositos actus, ad hoc, ut esset libera ad obiecta opposita, & hoc propter limitationem utriusque actus respectu sui obiecti: Ergo posita illa limitatione eiusdem voluntatis ad diuersa obiecta, non oportet propter libertatem ad opposita obiecta, ponere libertatem ad oppositos actus. Ipsa etiam voluntas diuina libera est ad oppositos effectus. Sed hæc non est prima libertas, sicut nec in nobis. Remanet ergo libertas illa quæ est per se perfectionis sine imperfectione, scilicet ad obiecta opposita. Ita quod sicut voluntas nostra potest diuersis voluntatibus tendere in diuersa volibilia; ita illa voluntas potest unicâ voluntate simplici illimitatâ tendere in quacumque volibilia; ita quod si voluntas illa, vel illa voluntas esset tantum unius volibilis, & non posset esse oppositi, quod tamen est de se volibile, hoc esset imperfectionis in voluntate, sicut deductum est prius de voluntate nostra. Et licet in nobis, posset distinguere voluntas ut est receptiua, & ut est operatiua, & ut productiua. Ipsa enim est productiua actuum, & ipsa est quæ habens operatur formaliter volendo, & ipsa est receptiua voluntatis suæ: tamen libertas vi-

Quomodo voluntas diuina sit libera, præclare declarat Scotus.

Optima distinctio voluntatis, ut operatiua, & receptiua.

& productiva rationis, inquantum est operativa, inquantum scilicet habens eam formaliter, potest ea tendere in obiectum. Ita igitur ponitur libertas in voluntate divina per se & primo, inquantum est potentia operativa, licet ipsa non sit receptiva, nec productiva voluntatis sua; & tamen potest salvari in ea, aliqua libertas inquantum productiva est. Licet enim productio in esse existentia, non concomitetur necessario operationem eius, quia operatio est in aternitate, & productio esse existentia est in tempore; tamen operationem eius necessario concomitatur productio in esse volito; & tunc non potest potentia illa voluntatis divina primo quidem esse ut productiva, sed secundum quid, scilicet in esse volito, & ista productio concomitatur eam ut operativa.

Secunda Conclusio.

Si Deus ageret necessario ad extrà, tolleretur omnis rerum contingentia. Probat istam conclusionem Doctor Subtilis locis initio questionis positus; quia, inquit, si prima causa necessario causat, necessario se habet ad causam proximam. Sit illa, b. Igitur, b, necessario movetur à prima causa. At b, eodem modo quo movetur à prima causa, movet proximam sibi. Igitur b, necessario causat movendo c, & c, movendo d, & sic in omnibus causis procedendo, nihil contingentem crit, si prima causa necessario causat.

Occurrit Suarez doctrinæ Cajetani & aliorum Thomistarum, hanc rationem

esse diminutam; quia quando plures causæ requiruntur ad hoc quoddam aliquis effectus habeat esse, & tales causæ sunt ordinatæ inter se, defectus cuiuscumque causæ, inducit defectum in effectu; quia malum ex quolibet defectu provenit: quare tametsi prima causa & multæ aliæ concurrerent necessario ad actiones voluntatis creatæ; tamen ut sint liberæ, satis est quoddam ipsa voluntas, quæ est causa proxima illarum, sit libera, & quoddam per cooperationem aliarum causarum necessario agentium, non extrahatur à suo naturali modo operandi. At ex ratione Scoti, non habetur voluntatem creatam plus extrahi à suo naturali modo operandi, ex eo quoddam causa prima necessario ageret, quàm extrahatur ex eo quoddam cæli & aliæ causæ superiores necessario agent cum ipsa, & cooperentur ipsi. Ergo ex illa ratione, non tollitur rerum contingentia, tametsi Deus necessario ageret ad extrà.

Hæc solutio procedit ex defectu intelligentiæ Doctrinæ Scoti; quia, ut dictum est prænotato 3. Scotus non posuit causam primam per impossibile necessario agere ad extrà, nisi etiam ponendo agere ad extremum potentia suæ; atque consequenter infinità motione & potentissimo conatu impediendo usum libertatis voluntatis creatæ. Sic enim loquitur in 1. dist. 8. q. 5. §. Istis rationibus: Omnis causa necessario agens, agit secundum ultimum potentia suæ, quia sicut non est in potestate sua, age-

Satisfit
Suarez.

re & non agere; ita nec intense
& remisse agere. Ergo si prima
causa necessario causat; causat
quicquid potest causare. Et pauld
antè: *Agens necessario, producit ef-*
fectum suum in susceptivo, quan-
tum potest produci in eo. Et hoc
intellerunt etiam omnes nostri,
præsertim Lichetus & Francis-
cus de Herrera in 1. disp. 4. qu.
3. per totam: qui docent non ef-
ficandem rationem primæ cau-
sæ agentis necessariò ad extrà,
& aliarum causarum necessaria-
rum: Quia, inquirunt, aliæ cau-
sæ necessariò agentes sunt fini-
tæ & limitatæ virtutis; ideòque
non tantam vim exercent in
voluntatem creatam, præsertim

humanam, quantam exerceret
prima causa, si ageret necessa-
riò ad extrà; quia cum sit in-
finita, potest impedire vsum
nostræ libertatis, cum præsertim
voluntas creata sit finitæ vir-
tutis, tum ad volendum, tum
ad nolendum, proindeque fa-
cilè vinci & superari possit ab
extrinseco agente infinitæ vir-
tutis, qualis est Deus.

Hinc infert Doctor Subtilis
tum locis citatis, tum alibi sæ-
pè, Philosophos contradictoria
admisisse, ponendo contingen-
tiam in rebus, & primam cau-
sam necessariò agere ad extrà;
quia, ut probatum est, hæc duo
simul stare non possunt.

Philos-
suphi
dicentes
Deum
necessa-
riò age-
re ad
extrà,
& agno-
scentes
conting-
entiam,
admi-
serunt
contra-
dicto-
ria.

Et hæc de necessario & contingenti.



SEXTA, PARS

HUIUS CAPITIS, QVÆ

EST DE ACTV ET POTENTIA.

PRÆFATIVNCULA.



VONIAM Ari-
stoteles 9. Meta-
physicorum ca.
1. præmissâ diui-
sione Entis in sub-
stantiam, quanti-
tatem, qualita-
tem, &c docet Ens ipsum quo-
que diuidi in *ἐνταλμα* & *ἐντελέ-
χεια*, in potentiam & actum:
Idcirco determinandum est etiam

nunc de potentia, & entelechia.
Cum autem multiplex sit actus,
& potentia; videndum imprimis
quænam potentia, quisque actus
sint Metaphysicæ consideratio-
nis; ut illis explicatis, dicamus
etiam pauca cum eodem Aristo-
tele ibidem, de alia multiplici
potentia, & de alio multiplici
actu: Quoniam ex cognitione
potentiæ & actus, quæ secundum

motum dicuntur, facilius tandem intelligemus quid sint actus & potentia Metaphysica. In his autem, sicut & in reliquis, conabimur mentem Doctoris Subtilis assequi, qui in sua Metaphysica lib. 9. quindecim quaestiones excitat de actu & potentia.

Logica est repugnantia terminorum, vel modus compositionis factæ ab intellectu fundatus super repugnantia terminorum, qualis est repugnantia horum terminorum: Homo est lapis. Ad hæc, addit Aristoteles quid sit possibile & impossibile Logicum. Et quidem possibile Logicum describit per ordinem ad oppositum suum, dicens esse illud cuius contrarium non necessarium falsum est: ut sedere hominem possibile est: Non enim necessarium non sedere, falsum est. Et mox subiungit possibile hoc modo sumptum, esse adhuc triplex; primum, quod in se quidem falsum est; ut hominem sedere, quando non sedet: ex eo tamen possibile dicitur, quia cum non sit de necessitate falsum, potest redire ad verum. Secundum quod verum quidem est, sed non necessarium; quia etiam eius oppositum non est falsum necessarium. Tertium denique, quod se habet ad veritatem & ad falsitatem contingenter, est tamen in proximo verum. Subdit denique impossibile Logicum illud esse, cuius contrarium de necessitate verum est, ut diametrum esse commensurabilem costæ, est impossibile: quia oppositum eius, nempe non esse commensurabilem, non modo verum est, sed etiam de necessitate verum.

potentia
Logica

Quid
possi-
bile &
impos-
sibile
Logi-
cum.

Possibi-
le Logi-
cum tri-
plex.

QVÆSTIO I.

Quenam potentia & actus
sint Metaphysica con-
siderationis?

Multi-
plex po-
tentia
ex Ari-
stote.



PRONOTANDVM primò, ex Aristotele loco nunc citato, & 5. Metaphysic. cap. 12. Multiplicem esse potentiam. Alia est enim potentia Logica, alia Mathematica, & alia realis.

Potentia Logica ea est quæ explicatur modus compositionis factæ ab intellectu, ut obseruat Doctor Subtilis in 1. dist. 7. qu. vnicâ; 5. ad quaestionem: & in Commentariis ad cap. 1. lib. 9. Metaphysic. & ista, inquit, notat non repugnantiam extremorum. Hoc est, potentia Logica ea est quæ dicuntur possibilia ea omnia quæ ex suis terminis non habent repugnantiam. Hæc potentia, erat possibile ab æterno etiam non intellectâ omnipotentia diuinâ, hominem esse; quia homo & esse, ex se & ex suis terminis, non habent repugnantiam.

Quid sit
poten-
tia Lo-
gica.

Quid
impo-

Per oppositum, impotentia

Potentia Mathematica dicitur ab Aristotele potentia Metaphorica, seu per translationem; & tunc hæc, tunc potentia Logica æquiuocè tantum dicuntur potentia 9. Metaphysic. cap. 1. Unde quæ vel logicæ, vel mathematicæ possibilia dicuntur, non pro-

Quid
poten-
tia Ma-
thema-
tica.

præ secundum potentiam, possibile dicuntur s. *Metaphysic. cap. 1.* Est autem potentia Mathematica ea quæ quantitas aliqua potest ductu quodam fieri id quod nondum est, v. g. Potentia illa quæ vel linea fieri potest quadratum, vel ternarius nouenarius. Et hæc quidem dicitur potentia per quandam similitudinem ad potentiam realem. Nam sicut ex eo quoddam est in potentia, fit illud quod est actu: sic ex ductu alicuius lineæ in seipsum, resultat quadratum eius; & ex ductu ternarij in seipsum, confurgit nouenarius: Nam tria sunt nouem. Et idem dicimus quoddam linea potest in quadratum, & ternarius potest in nouenarium.

Quid &
quotaplex
potentia
realis.

Potentia realis duplex assignatur ab Aristotele s. *Metaphysic. cap. 12. & 9. Metaphysic. cap. 7.* actiua scilicet & passiuæ; & ea quidem adhuc vel actiua & passiuæ simpliciter; vel actiua & passiuæ bene vel male. Denique subdit aliud quoddam genus potentie, quæ nihil aliud est quam vis quælibet, siue habitus, aut forma per quam res planè redduntur immutabiles, aut non facile mutabiles; vt durities insignis, qualis inesse creditur adamanti, per quam adamas frangi vix potest. Addit potens in concreto dici totidem modis, quibus dicitur potentia in abstracto. Tandem aliqua tradit de impotentia, quæ ex cognitione potentie clara sunt. Est enim impotentia nihil aliud quam priuatio potentie. His positis, iam queritur, Num sit aliud genus potentie spectans ad Metaphysicam; vel si aliquod ex enumeratis sit considerationis eius?

Prænotandum 2. aliud esse ali-

quid esse actum vel potentiam; aliud esse in actu, vel in potentia; & aliud esse actu vel potentia. Aliquid esse potentiam, est esse perfectibile ab alio, quocumque modo perfectibile sit, siue physicè, vt materia, siue metaphysicè vel logicè vt genus; siue alio modo. Hoc pacto aliquid esse actum, est esse perfectum alterius, quocumque modo perfectum sit, siue physicè vt forma naturalis, siue alio modo, vt differentia, vel aliud perfectum. Aliquid esse in potentia, est illud habere capacitatem, vel aptitudinem, vel etiam esse dispositum ad recipiendum aliquid à quo perfici potest. Sic intellectus pueri recenter nati est in potentia ad disciplinas; paries in potentia ad albedinem quam non habet, & similia. Aliquid esse in actu, est illud habere iam perfectionem illam, ad quam habebat aptitudinem vel capacitatem, vel ad quam erat dispositum. Aliquid esse potentia seu potestate, est illud posse quidem esse, nondum tamen esse. Et hoc pacto, aliquid esse actu, est illud iam existere, & esse extra suas causas. His positis, sit

Prima Conclusio.

Potentia tùm Logica, tùm Mathematica non potest esse Metaphysicæ considerationis. Probatur: tùm quia vtraque dicitur tantum potentia per similitudinem, per metaphoram, & æquiuocè; tùm quia expressè

Differens, esse actum vel potentiam, esse in actu vel in potentia, esse actu vel potentia.

Potentia Logica & Mathematica non sunt Metaphysicæ.

Aristoteles habet 9. Metaphysic. cap. 1. *Harum vero quæcumque quidem æquiuocè dicuntur potentie, prætermittantur.* Loquitur autem de potentiis Logica & Mathematica, vt obseruant Doctor Subtilis, & magnus Alexander in suis Commentariis ad hunc locum.

Secunda Conclusio.

Quæ potentia realis, sit Metaphysicæ considerationis.

ALiqua potentia realis tam actiua & passiua simpliciter; quam actiua & passiua benè vel malè, non tamen omnis, est Metaphysicæ considerationis. Prior pars huius conclusionis non aliter probatur, quam ostendendo aliquam potentiam huiusmodi reperiri etiam sine materia, & in substantijs abstractis; quod satis erit vt sit Metaphysicæ considerationis, saltem hominum arbitrio constitutæ. Probatur autem: Quia substantiæ separatæ agunt & patiuntur; agunt, intellectiones & alias operationes suas eliciendo; patiuntur, easdem recipiendo. Et ideo iam est in illis potentia actiua & passiua simpliciter. Insuper agunt & patiuntur benè vel malè; habent enim etiam habitus aliquos vel infusos, vel acquisitos, quibus vel benè vel malè possunt agere vel pati. Adde quod in ipsismet potentijs solitarie spectatis inest quoque vis benè vel malè agendi. Per benè autem vel malè, intelligo vel perfectius vel minus perfectè, loquendo de bonis substantijs separatatis; vel etiam benè vel malè propriè dicta, vt nedum bo-

nas, sed malas quoque comprehendam.

Potèrò potentia actiua quidem reperitur in Deo, passiua autem minimè; quia agit, & potest agere tam ad intra, quam ad extrà, vt loquuntur; sed nec ab intrinseco, nec ab extrinseco quidpiam pati potest.

Non est potentia passiua in Deo.

Secunda pars probatur: Quia dantur aliquæ potentie actiue & passiue secundum motum: Imò illæ quæ sunt huiusmodi, sunt maximè propriè potentie: Tales autem non possunt esse Metaphysici instituti, quippè cùm Metaphysica abstrahat à motu. Ergo non omnis potentia realis est Metaphysicæ considerationis. Id habet expressè Aristoteles 9. Metaphysic. cap. 1. *Et primò, inquit, de potentia, ea quidem, quæ dicuntur maximè propriè, non sanè est utilis ad quod nunc volumus (potentia namque & actus latius patent, quam illa quæ secundum motum solum dicuntur.)*

Non omnis potentia actiua & passiua est Metaphysicæ considerationis.

Tertia Conclusio.

Dantur alius actus & alia potentia, quæ sunt omnino considerationis Metaphysicæ, suntque actus entitatus, & potentia obiectiua. Conclusio est Doctoris Subtilis, in 1. dist. 7. qu. vnicà, & in 2. dist. 12. q. 2. vbi docet actum & potentiam quæ diuidunt totum Ens, esse actum entitatum seu actum essendi & existendi, & potentiam obiectiuam, quæ correspondet huic actui. Item 9. Metaphysic. q. 2. §. *Ad solutiones.* dicit potentiam vno modo dicere modum quendam Entis. Et infra, Strictè illam

Actus entitatus & potentia obiectiua, propriè spectat ad Metaphysicum.

sumi potentiam Metaphysicam, prout non stat cum actu circa idem. Et sic, inquit, loquitur Arist. cap. 5. vbi notificat actum, quodd actus est quando res est non ita sicut in potentia. Idem repetit in suis Commentarijs ad 9. Metaphysic. cap. 5. Vbi dicit Philosophum agere de actu & potentia Metaphysica, postquam egit de actu & potentia Physica: *Notandum*, inquit, quod licet nomen actus sumptum sit à motu: tamen non solum actus dicitur de motu; actus enim & potentia dupliciter dici possunt: uno modo, ut abstrahunt à motu: alio modo, ut includunt motum. Primo modo, dicuntur Metaphysicè; ita quod actus dicit actum essendi sine existendi, cui opponitur potentia obiectiua. Secundo autem modo, dicuntur Physicè. Et certè eò loci mentionem facit Philosophus de hoc actu, & de hac potentia, cum dicit: *Est autem actu rem existere, non ita quemadmodum dicimus potestate. Dicimus autem potestate, ut in ligno Mercurium, & in tota, dimidiam, eò quod auferri possit, & scientem etiam illum qui non speculatur, modo speculari possit.* Quanquam enim his verbis Philosophus explicet aliquo modo potentiam subiectiuam; tamen in hoc proposito, separari non potest à potentia obiectiua, conformiter ijs quæ habet Scotus in 2. dist. 12. q. 1. Vbi dicit aliquid posse esse in potentia dupliciter: uno modo ut terminus: alio modo ut subiectum, quod est in potentia ad terminum, & fortè est eadem potentia, sed ut comparata ad diuersa, dicitur obiectiua, vel subiectiua; ita quod subiectum ex-

istens dicitur in potentia subiectiua; & eadem ut respicit agens, dicitur obiectiua. Idèoque conformiter his, lignum respectu Mercurij poterit esse in potentia subiectiua, & obiectiua; vel potiùs eadem potentia, prout est in ligno potenti recipere figuram Mercurij, dicitur subiectiua; & prout respicit agens potens educere figuram Mercurij in eodem ligno, dicitur obiectiua.

Dixit porò Scotus nomen actus esse primò sumptum à motu; quia Aristoteles 9. Metaphysic. cap. 3. docet ἐνέργεια & τελέχμα. primò motum significasse: sed fortè actualement existentiam primò deberet actus significare: quod simpliciter ea esse dicamus actu, ἐνέργεια, quæ actu existunt. Esse enim propriè dicitur de eo quod actu est. Nam ea quæ potentia sunt, ponuntur inter ea quæ non sunt.

Explicando autem huiusmodi actum, & potentiam Metaphysicam, vsus est Philosophus exemplis, & non definitionibus: Quia non cuiuslibet rei dari potest definitio, aliter esset processus in infinitum in definitionibus: Quare deueniendum est tandem ad aliqua prima simplicia simpliciter indefinibilia. Potentia ergo & actus cum sint de primis differentijs, huc passionibus Entis, dehniri propriè non possunt, cum non habeant aliquid prius se, per quod possint definiti; sed manifestari possunt duntaxat per exempla. Ita ferè Scotus noster in suis Commentarijs ad nonum Metaphysic.

Itaque tum propter hanc rationem;

Quomodo eadem potentia sit & subiectiua & obiectiua.

Nomen actus primò sumptum à motu ad significationem motus.

Actus & potentia propriè dehniri non possunt.

Falsò
aliqui
putant
Scotù
sensisse
poten-
tiam ob-
iectiuà
esse ali-
quid
reale.

tionem; tùm etiam quia libro superiore agendo de esse cognito, & de essentia ac de existentia rerum creatarum, omnia seîd tetigimus quæ spectant ad actum entitativum, & ad potentiam obiectivam, nihil ampliùs restat dicendum de illis. Moneo tantùm obiter Doctorem Subtilem numquam intellexisse potentiam obiectivam esse aliquid positivum & reale, vt quidam falsò existimant illum intellexisse: Imò verò per potentiam obiectivam nihil aliud intellexit, quàm id quo res aliqua intelligitur nondum habere esse, posse tamen habere per potentiam diuinam. Vnde vltra potentiam diuinam, potentia obiectiva nihil aliud est quàm rem aliquam nondum esse, posse tamen esse seu existere. Confirmari potest, quia apud Scotum, Ens potentiale seu possibile, seu Ens in potentia obiectiva, est purum nihil, & non Ens, quandiu est in potentia obiectiva, vt docet in 1. dist. 36. q. vnicâ, in fine. Sed magis iterum confirmari potest ex his quæ habet in suis Commentariis ad septimum Caput libri 5. Metaphysic. vbi proponendo & soluendo quandam obiectionem aduersus diuisionem Entis in Ens actum, & in Ens potentiâ, hæc habet: *Omne diuisum predicatur de per se diuidentibus: sed Ens non predicatur de Ente in potentia obiectiva: cum illud sit non Ens. Nam res non existens est formaliter non Ens, & nihil. Ergo Ens non diuiditur per talem potentiam. Respondet quod diuisio alicuius est duplex: quia quedam diuisio est distrabens, & quedam non. Exemplum primi:*

si dicatur quod homo quidam est verus; quidam pictus: Nam esse pictum, distrabit hominem, sicut esse mortuum. Exemplum secundum: vt cum dicitur quod animal quedam est rationale; quoddam irrationale. In prima diuisione, diuisum non predicatur de diuidente distrabente: ista enim est falsa: Homo pictus, est homo. Sic & ista: Homo mortuus est homo. In secunda diuisione, concedo quod diuisum predicatur de utroque diuidente, vt patet in exemplo dicto: quia animal siue rationale, siue irrationale, est verè animal; diuisio autem Entis per actum & potentiam est omnino distractiva diuisio: Nam potentia distrabit ab Ente: & idcirco non potest sequitur quod Ens in potentia, sit Ens. Quando ergo arguitur quod omne diuisum predicatur de per se diuidentibus: dico quod falsum est de diuisione facta per distrabens: qualis est diuisio entis per actum & potentiam.

Qualis
hic diui-
sio En-
tis in
Ens ac-
tu &
in Ens
poten-
tiâ.

Porro iuxta hanc doctrinam de diuisione Entis in actum & potentiam, tanquam in membra passionis, seu proprietatis disiunctæ eius; diuidi quoque potest in Ens actu, vel in Ens potentiâ, tanquam in partes subiectiuas affectas hoc vel illo membro proprietatis disiunctæ: Intelligendo per Ens potentiâ, hoc loco, non quidem illud quod potest esse & non esse, quale est omne Ens creatum, siue actu siue potestate tantùm existat; sed Ens nondum existens, potens tamen existere. Intelligendo quoque per Ens actu, non solum illud cui repugnat non esse actu, quale est solum Ens increatum; sed illud omne quod existit, siue necessa-

Actus
vel po-
tencia
sunt ali-
quando
proprie-
tas disi-
iuncta
Entis,
aliquâ-
do partes
sub-
iectiuæ
eiusdem.

riū, siue contingentē existat, Quid sit ut hæc passio disiuncta non sit similis conditionis ac alię, quia aliarum utrumque membrum disiunctionis est reale & positium, ut patet de necessario & contingenti, & de eodem ac distinctio: Huius autem disiunctionis alterum membrum, scilicet potentia, non est reale, ut patet ex dictis.

posito sequitur impossibile, ut diametrum commensurari. Ex quo concludit Philosophus non esse idem aliquid esse falsum, & esse impossibile; quia Sortem sedere nunc, falsum quidem est; non est tamen impossibile. His dictis, multa subiicit de antecedente & consequente possibili: Sed paucis sententia eius est, in consequentia necessaria, ex antecedente possibili, semper effici consequens possibile: Nam si ex A, puta ex homine, necessario sequitur B, puta animal; perfectū si homo est possibilis, erit & animal possibile. Circa istud autem, duo obseruat Doctor Subtilis. Primum, Aristotelem non esse hic intelligendum de possibili, prout opponitur necessario; sed de possibili prout opponitur impossibili: Quia, inquit, ex antecedente possibili prout opponitur necessario; non modò effici potest consequens possibile, sed etiam quandoque consequens necessarium: v. g. ex hoc antecedente possibili, hoc pacto: Sortes videt; sequitur istud consequens necessarium: Ergo est animal. Secundum; non sequi semper & necessario impossibile ex impossibili; tametsi sequatur necessario possibile ex possibili: Sed quandoque sequi etiam ex antecedente impossibili consequens necessarium. Nam ex hoc antecedente impossibili, v. g. Homo est equus; sequitur istud consequens necessarium: Ergo est sensibilis.

Nihilominus aduersus prædicta, argui potest, probando quòd omne nō Ens, est impossibile, hoc pacto. Sicut se habet Ens ad non

QVÆSTIO II.

Quid & quomplex sit possibile & impossibile, & unde oriatur?

Multiplex possibile ex Philosopho.



Uita docet Aristoteles 5. & 9. Metaphysic. de possibili & impossibili. Sed præsertim libro 9. cap. 4. impugnat opinionem eorum qui volebant illud tantum esse possibile, quod non est, nec futurum est: quia, inquit, iuxta hanc sententiam, quæ nam sint impossibilia non fugiunt: Nam nec sunt, nec futura sunt quoque impossibilia. At repugnat impossibilia poni in esse; ut diametrum v. g. commensurari costę: Non repugnat autem possibile existere, aut fieri, licet actu non sit, nec futurum. Possibile ergo est, quo posito, nullum sequitur impossibile: Ut posito quòd Petrus nō sedeat; dato quòd sedeat postmodum, nullū sequitur impossibile. Impossibile autem est, quo

positum, nullum sequitur impossibile: Ut posito quòd Petrus nō sedeat; dato quòd sedeat postmodum, nullū sequitur impossibile. Impossibile autem est, quo

Ens, ita se habet possibile ad impossibile: Ergo permutatim: sicut se habet Ens ad possibile; ita se habet non Ens ad impossibile. Sed omne Ens est possibile: Ergo omne quod est purum non Ens, est impossibile.

Pro solutione huius difficultatis, multa notat Doctor Subtilis in 1. dist. 36. qu. vnicâ, §. *Per idem ad illud*, de isto modo arguendi à permutata proportione, quem dicit ortum habere ab Euclide lib. 5. proposit. 16. Et tandem post multa subtilia mathematica quæ habet ibi, dicit quoddam generaliter nunquam tenet talis permutatio, comparando extrema ad superius & inferius, sed quoddam tunc committitur fallacia consequentis: quia extrema duarum contradictionum adinuicem comparata, habent proportionem conuersam in inferendo, & non eandem: Oppositum enim consequentis infert oppositum antecedentis, & non è conuerso. Et idè arguere ita inferendo: Sicut se habet primum ad tertium: Ita secundum ad quartum; est committere fallaciam consequentis. Idè è conuerso debet argui: Sicut se habet primum ad tertium inferendo: Ita se habet quartum ad secundum. Sic itaque in proposito: Si omne Ens est possibile: Ergo omne impossibile est non Ens, & non è conuerso: Ergo omne non Ens, est impossibile. Hæc dicta sunt in gratiam Philosophi. Nunc breuiter colligamus & complectamur ea quæ variis in locis sparsim habet Doctor noster de possibili, & impossibili, & propositæ quæstioni satisfaciamus.

Prima Conclusio.

Multiplex est possibile, multiplex item impossibile. Patet ex dictis de multiplici potentia & impotentia: Tot modis enim dicitur possibile & impossibile, quot modis dicitur potentia & impotentia. Tamen ut plura complectamur:

Possibile imprimis satis impropiè dicitur à Scoto in 4. dist. ii. qu. 2. illud quod pauciores habet repugnantie partes, impossibile verò quod plures habet repugnantie partes: Quoddam quidem sic explicat: *Quot sunt, restat inquit, rationes repugnantie, tot pugnant sunt rationes impossibilitatis: Et aliqua illarum amota, est aliqua possibilitas, quæ prius non fuit; non quidem possibilitas simpliciter, sed ex parte illius: verbi gratia, visus non potest recipere intellectionem, tum quia intellectio inextensum est, & visus extensus: tum quia visus est cognoscens tantum aliquid sub ratione singulari, intellectus autem intelligit non præcisè sub ratione singulari. Tolle unam impossibilitatem, ut pote si esset potentia, quæ posset habere obiectum sub ratione universalis; & cum hoc remaneret alia ratio impossibilitatis, simpliciter esset impossibile hoc, sicut illud: & tamen diceretur hoc possibile respectu illius, non simpliciter, sed quia illa ratio impossibilitatis ibi, non est ratio impossibilitatis hic.*

Possibile primum dicitur quod habet pauciores partes.

Secundo dici quoque potest minus impropiè, possibile illud, quod est terminus alicuius potentie ex Scoto in 1. dist. 2. qu. 7. §. Tenendo quatuor igitur rationes primas. Hoc pacto Filii di-

Secundò dicitur possibile quod est terminus

alicuius
poten-
tiae.

unius dici potest possibilis; quia est terminus potentiae productivae & generativae Patris. Ne quis tamen existimet absurdum quid dici hic ab ipso; audiamus quomodo id explicet in 1. dist. 20. q. vnicā. §. Quantum ergo ad istum articulum, his verbis: Sed tunc restat dubitatio, quomodo potentia generandi dicatur potentia, cum non sit respectu alicuius possibilis, secundum praedicta? Respondetur, possibile potest sumi adhuc magis extendendo nomen, quam ut opponitur necessario ex se, dicendo illud esse possibile, quod opponitur necessario esse à se: & hoc modo esse originatum, esset possibile: sed nec sic videntur Sancti communiter loqui, nec etiam Philosophi: & hoc modo posset concedi Filium esse possibilem, quia originatum; & ita potentiam correspondentem actui huic termino, esse potentiam. Præterius tamen conceditur Filium esse principiatum, & non possibilem: in Patre tamen conceditur potentia activa generandi, quia potentia activa in creaturis aliquam dicit perfectionem: Possibilitas autem sibi correspondens, quæ repugnat necessitati, ex se dicit imperfectionem. Transfertur igitur ad divina nomen unius, quod significat perfectionem; nomen autem alterius correlativum, quod dicit imperfectionem, non transfertur in se, sed in aliquo communiore se, ut sic ex parte productivæ, dicatur esse potentia, & tamen ex parte producti, non dicatur esse possibilitas, sed tantum ratio principiatæ. Ex hoc apparet irratiōnabilitas illius dicti, quod sub omnipotentia de virtute sermonis, continetur potentia generandi, non autem secundum usum Sanctorum; quia ipsi aliquando Sancti, vel Doctores

dicant potentiam generandi, esse potentiam, & generari esse terminum potentia: tamen de virtute sermonis neutra est vera simpliciter loquendo de potentia, prout respicit terminum possibilem: sed ampliando rationem potentia ad rationem principij, prout in communi respicit principabile.

Tertiò, datur possibile Logi-
cum, quod, ut loquitur Scotus, est modus compositionis formatæ ab intellectu, illius quidem cuius termini non includunt contradictionem. Et istud opponitur impossibili, quod est modus compositionis formatæ ab intellectu, illius quidem cuius termini includunt contradictionem. Fundamentum illius compositionis est possibile aliquid Metaphysicum, cui non repugnat ut sit; vel impossibile Metaphysicum, cui repugnat ut sit. Et istud quidem utrumque possibile est commune tùm necessario, tùm possibili quod opponitur necessario. Deus enim v. g. vel Deum esse cā possibilitate possibile est, quatenus non repugnat cum esse, vel quatenus termini huius complexionis, Deus est, non involunt contradictionem.

Quartò, dicitur illud possibile à Scoto in 1. dist. 8. q. 5. Cuius esse non est de quidditate eius. Hoc pacto, Omnis creatura est possibilis. Hoc tamen genus possibile quod ponitur à Scoto, in favorem Avicennæ, non opponitur adhuc necessario: quia Philosophus & Avicenna, ut refert idem Scotus eò loci, volebant Deum causare necessario extra se; atque consequenter causatum esse necessarium. Quomodo au-

Quid
sit pos-
sibile
Logi-
cum.

Deus
etiam
est pos-
sibilis
possi-
bitate
Logi-
cā.

Possi-
bile
cuius
esse nō
est de
quiddi-
tate
eius.

tem stare possit illud esse etiam possibile, vtasserit Auicenna, declarat Doctor Subtilis his verbis: *Tenendo illud salsum fundamentum, scilicet Aristot. ponendo ipsum esse causam necessariam, non videtur contradicere sibi ponendo causatum necessarium, vt vult s. Metaphysic. cap. de necessario, quod quorundam necessarium est altera causa. Et 8. Physicorum & 2. Meta. Sempiternorum principia semper esse verissima, necesse est, vt argutum est, & ita ponit, non tantum secundum modum, sed etiam primum modum. Auicenna autem videtur statim contradicere sibi ipsi, ponendo illud esse possibile, quia tunc necessarium non necessario comparatur ad illud. Sed arguitur pro Auic. Si est ab alio, ergo in conceptu quidditatiue eius non cadit esse: ergo est de se possibile esse, & non esse: sicut humanitas non est de se vna nec plures. Conceditur de isto modo possibilitatiue, quia scilicet possibilitas non est, nisi quod ordine natura, hoc est capax huius, & non est illud quidditatiue. Et ex hoc patet responsio ad argumentum factum contra Auicenn. quod quasi contradicat sibi; quia non sequitur, tale possibile posse non esse, nec potest poni non esse: sicut nec ens non esse vnum. Et sic Arist. concederet possibile, quod est necessarium ab alio: sed possibile potentia ante actum, improbat primo celi & mundi.*

Possibile dicitur quod est indifferens ad esse & non esse.

Quintò, dicitur illud possibile, quod cum non sit, potest tamen esse; & cum sit, potest non esse; quia causa eius se habet omnino contingenter & indifferenter ad esse & non esse eius. Et istud idem est atque contingens; estque iterum multiplex, vt diximus

agendo de contingenti & necessario.

Sextò denique, dicitur illud possibile, quod est potentiale, seu in potentia obiectiua vt sit: Quomodo v. g. Antichristus dicitur possibilis; quia est in potentia obiectiua vt existat. Illud autem dicitur impossibile, quod non est potentiale, seu cui repugnat vt sit. Quia tamen fortè non satis his verbis explicamus rationem huiusmodi possibilis & impossibilis; & quia illud est cuius potissimum queritur radix, origo & ratio: Idè de hac re, sit hæc

Secunda Conclusio.

Possibilitas rei petitur principiatiue ab intellectu diuino, non autem à potentia diuina, vt volebat Henricus; & formaliter petitur à re ipsa: Item impossibilitas petitur formaliter à re ipsa; ita vt aliquid sit principiatiue possibile, quia productum est ab intellectu diuino in esse possibili; & sit formaliter possibile, quia est hoc vel illud: Item aliquid sit formaliter impossibile, quia est hoc vel illud. Totam istam doctrinam tradit acutè Doctor Subtilis in 1. dist. 43. q. vnicà, vbi reprobatur & confutatur sententiam Henrici, qui volebat possibilitatem rerum esse petendam ab omnipotentia diuina. Audiamus autem eum super hac re præclare philosophantè varijs in locis dictæ quæstionis.

Imprimis itaque ostenditur rerum impossibilitatem non peti ab aliquo respectu affirmatiuo, vel negatiuo ad Deum; neque

Possibile dicitur quod est in potentia obiectiua.

Vnde petatur possibilitas & impossibilitas rerum.

Scorpius toto hoc discursu.

ostēdit
acutē
rerum
possibi-
liratē
veluti
princi-
piatiuē
esse re-
sunden-
dam in
intelle-
ctum
diuinū;
Tamen
res ex
se form-
aliter
loquē-
do esse
possibi-
les vel
impos-
sibiles.

consequenter esse petendam ex parte Dei: Quia, inquit, nihil est simpliciter impossibile, nisi cui repugnat simpliciter esse; cui autem repugnat esse, repugnat ei ex se primo, & non propter aliquem respectum affirmatiuum vel negatiuum eius ad aliquid aliud: Repugnantia enim quæcunque extremorum, est ex ratione sua formali, & per se essentiali, circumscripto alio quocunque respectu vtriusque extremi positivo, vel negativo, ad quodcunque aliud; quemadmodum album & nigrum v. g. per se & ex suis rationibus formalibus opponuntur, & habent repugnantiam formalem, circumscribendo per impossibile omnem respectum ad quodcunque aliud. Illud igitur est simpliciter impossibile, cui per se repugnat esse, & non propter aliquem respectum affirmatiuum vel negatiuum ad Deum; imò ei quod est impossibile, repugnaret etiam esse, si per impossibile Deus non esset.

Postmodum ostendit possibilitatem rerum non esse petendam ab omnipotentia diuina; quia potentia actiua quâ Deus dicitur omnipotens, non est formaliter intellectus diuinus: sed quasi præsupponit actionem intellectus: siue illa potentia sit voluntas, siue alia potentia executiua: Sed lapis v. g. est possibilis esse, ex se formaliter. Ergo reducendo quasi ad primum principium extrinsecum, intellectus diuinus erit illud, à quo est prima ratio possibilitatis in lapide. Non igitur illa potentia actiua, à qua Deus dicitur om-

nipotens, est prima ratio possibilitatis in lapide. Probatur assumptum: quia possibile secundum quod est terminus, vel obiectum omnipotentiz, est illud cui non repugnat esse, & quod non potest ex se esse necessarium: sed lapis productus in esse intelligibili per intellectum diuinum, habet ista ex se formaliter, & quasi principiatiuè per ipsum intellectum. Igitur est ex se formaliter possibilis, & quasi principiatiuè per intellectum diuinum. Confirmatur ista ratio: quia potentia actiua, quæ est omnipotentia, non dat alicui aliquid esse, nisi producendo illud: quia illa est potentia productiua rei ad extrà: sed autem omnem productionem rei ad extrà, res habet esse possibile: quia rem produci in esse intelligibili, non est rem produci in esse simpliciter: Et si esset, hoc non esset per illam potentiam, quâ Deus dicitur omnipotens. Non igitur per illam potentiam, quæ est omnipotentia, est res alia à Deo, primo possibilis.

His dictis, explicat tandem amplius hanc tùm possibilitatem, tùm impossibilitatem rerum: & addit quòd licet potentia diuina sit in Deo, in primo instanti naturæ, quatenus est aliqua perfectio absoluta: tamen per ipsam potentiam, sub ratione quâ est omnipotentia, non habet obiectum quòd sit primo possibile: sed per intellectum diuinum producentem in primo instanti, illud in esse intelligibili; & intellectus non est formaliter potentia actiua, quâ Deus dicitur formaliter omnipotens: Tunc

autem res producta ab intellectu diuino in esse tali, scilicet intelligibili, in primo instanti naturæ, habet seipsā esse possibile in secundo instanti naturæ; quia seipsā formaliter non repugnat sibi esse, & seipsā formaliter repugnat sibi habere esse necessarium ex se; in quibus duobus stat tota ratio possibilis. Non est igitur possibilitas in obiecto, aliquo modo, prior, quam sit omnipotentia in Deo, accipiendo omnipotentiam pro perfectione absoluta existente in Deo; sicut nec creatura est prior aliquo existente in Deo. Si tamen res intelligatur esse possibilis, antequam Deus per omnipotentiam producat eam; sic verum est illam esse possibilem; verum in illa possibilitate, non est simpliciter prior; sed producit ab intellectu diuino.

Expli-
cat op-
timè
Scorus
vnde sit
petēda
impos-
sibilitas
serum.

Deinde explicans etiam amplius rerum impossibilitatem, dicit quoddam illa non potest esse primum ex parte Dei, propter rationem allatam: Quia nimirum res est impossibilis propter repugnantiam, quam habet ut fiat: Quod sic debet intelligi, quia impossibile simpliciter, includit impossibilia, quæ ex suis rationibus formalibus sunt impossibilia; ab eo tamen sunt principiativè impossibilia, à quo principiativè habent suas rationes formales. Est igitur ibi iste processus, inquit, quoddam sicut Deus suo intellectu producit possibile in esse possibili; ita producit duo Entia formaliter; & utrumque in esse possibili: Et illa producta seipsis formaliter sunt impossibilia; ita ut non

possint simul esse vnum, neque aliquid tertium ex eis: Hanc autem incompossibilitatem quam habent formaliter, habent ex se, & principiativè quodammodo ab eo qui produxit illa; & istam adhuc incorporeabilitatem huiusmodi entium, sequitur impossibilitas totius figmenti includentis ea. Et ex ista impossibilitate figmenti in se, & ex incompossibilitate partium eius, sequitur impossibilitas eius respectu cuiuscunque agentis. Et ita completur totus processus impossibilitatis rei, quasi ultimus gradus huiusmodi impossibilitatis, sit negatio respectus ad quodcunque agens. Sic igitur, impossibilitas prima, est formaliter ex parte impossibilis, & principiativè à Deo; & si principiativè reducatur ad aliquid, non tamen reducitur ad negationem possibilitatis in Deo, imò reducitur principiativè ad intellectum diuinum principiantem illud in illo esse, in quo partes illæ formaliter repugnant, propter quam formalem repugnantiam, totum ex eis simpliciter est impossibile.

Et ex hoc apparet, addit Scorus, quoddam falsa est imaginatio querentium impossibilitatem aliquorum, quasi in aliquo vno; quasi nimirum aliquid vnum vel intelligibile, vel quaecunque Ens, sit ex se formaliter impossibile, sicut Deus ex se est necesse esse formaliter: Nihil enim est tale primum in non entitate; sed omne simpliciter nihil seu impossibile, includit in se rationes plurium, ita quoddam ipsum non est primum nihil ex

ratione sui, sed ex rationibus illorum quæ intelligitur includere, propter formalem repugnantiam illorum.

QVÆSTIO III.

*An sit, & quotuplex,
& quid sit potentia
actiua?*



Aristoteles 5. & 9. Metaphysic. latè differit de potentia actiua, ad quam reducit omnes modos potentiarum, quas ibidem enumerat. Nihilominus non de omni potentia actiua: sed solum de potentia transmutatiua, cæque Physica differere videtur. Nos tam de productiua, quàm de transmutatiua, cæque non solum quæ secundum motum est, sed de ea quæ abstrahit à motu, & in substantijs etiam separatis reperitur, disputabimus.

Prima Conclusio.

Datur aliqua potentia actiua. Probatur à posteriori: Videmus enim multos effectus & multas operationes, quæ non nisi ab aliqua potentia actiua oriuntur.

Secunda Conclusio.

Multiplex est potentia actiua. Est enim alia increata, & alia creata. Increata est

potentia Dei, quæ vel producit ad intra, vt potentia generandi, vel spirandi; vel producit aut potest producere ad extrà, vt potentia creandi. Et hæc est iterum multiplex, nimirum vel naturalis, vel supernaturalis. Naturalis ea est, quæ Deus producit aliquid consentaneè & conformiter naturis rerum, vt potentia quæ cum homine generat hominem. Supernaturalis est quæ operatur supra vires & naturas rerum, seu aliter quàm ordo & natura rerum postulat; & id quidem, vel quoad modum faciendi, vt potentia quæ cæcum illuminat, vel etiam quoad formam & effectum productum, vt potentia quæ producit in anima, gratiam & alia dona supernaturalis ordinis.

Potentia creata est potentia creaturæ, quæ potest elicere quasdam operationes, & producere quosdam effectus. Nam Deus indidit elementis & alijs causis creatis seminales rerum rationes, & sic omnia quæ creauit, admi- nistrat, vt etiam ipse proprios exercere & agere motus sinat, vt dicit D. August. 3. de Trinit. cap. 7. & 17. de Ciuitat. Dei, cap. 30. Hæc autem potentia creata est iterum multiplex, scilicet supernaturalis, obedientialis, & naturalis. Supernaturalis, est potentia quæ creatura potest elicere actus aliquos excedentes vires naturæ, vt sunt v. g. intellectus illustratus lumine gloriæ, respectu visionis beatificæ, & voluntas informata charitate, respectu amoris vel fruitionis diuinæ. Obedientialis est potentia aliqua, quæ creatura operatur aliquid

poten-
tia a-
ctiua.

Poten-
tia in-
creata
quid &
quotu-
plex.

Poten-
tia crea-
ta quid
& quo-
tuplex.

Poten-
tia su-
perna-
turalis
creaturæ
quid.

Poten-
tia obo-
dientia-
lis quid

Multiplex re-
fertur

Poten-
tia na-
turalis
quid.

aliquid supra vires naturæ, ad quod operandum vel producendum assumpta est à Deo, qui ratione supremi dominij, quod habet in res omnes, potest vti qualibet, respectu cuiuslibet, vt facultas loquendi in iumento Balaam. Naturalis est quâ creatura potest agere proportionatè propriis viribus, vt potentia calefaciendi in igne, &c. Et hæc est iterum duplex, scilicet acquisita, vt potentia citharizandi; & naturaliter indita, vt potentia videndi. Inde habes naturale dici de potentia duobus modis, scilicet vel quatenus opponitur supernaturali; quo modo etiam potentia acquisita dicitur naturalis; vel quatenus opponitur potentie acquire; quo modo sola potentia à natura congenita, dicitur naturalis. Sed & ista est iterum multiplex, iuxta multiplicem gradum Entis. Sicut enim entis creati, aliud est viuens, & aliud non viuens; ita potentie create alia est viuens seu vitalis, quæ scilicet consequitur gradum entis viuents, vt potentia videndi; & alia non viuens, seu non vitalis, quæ consequitur gradum entis non viuents, vt potentia calefaciendi in igne. Iterum potentia vitalis multiplex est iuxta multiplicem gradum vitæ: alia est enim rationalis, quæ consequitur gradum vitæ intellectuales, vt facultas intelligendi; alia sensitiva quæ consequitur gradum vitæ sensitivæ, vt potentia videndi, & alia vegetatiua quæ consequitur gradum vitæ vegetantis, vt potentia nutriendi. Potentia non vitalis est etiam multiplex, iuxta multiplicem gra-

dum entis non viuents, vt v. g. potentia calefactiua in igne, potentia frigefactiua in aqua, & similes.

Porro vtraque potentia, tam increata, quàm creata est iterum vel productiua vel transmutatiua; productiua, respectu alicuius termini, vel effectus vel operationis; transmutatiua verò, respectu subiecti transmutabilis & alterabilis. Potentia productiua tam in Deo quàm in creatura est iterum multiplex, iuxta multiplicem modum vel rationem producendi, scilicet vel ad intus, vel ad extrà, vel immanenter, vel transeunter, &c.

Diuidi potest insuper potentia actiua, præsertim creata ratione proprietatum, in indeterminatam, & determinatam. Indeterminata est quæ ex se potest vel variis modis agere, vt voluntas; vel etiam varios actus elicere, aut varios effectus producere, vt sol, & cœli.

Hic prætermittenda non est præclara doctrina quam tradit Doctor noster in 1. dist. 7. qu. vnicâ, §. *Aliter dicitur*: Vbi occasione cuiusdam positionis Henrici, quâ volebat essentiam diuinam debere determinari ad hanc potius productionem, scilicet ad generationem, quàm ad aliam, nimirum ad inspirationem, per relationem, cum ex se sit indeterminata, & omne indeterminatum indigeat aliquo determinatiuo: Docet quid sit discriminis inter indeterminatam potentiam actiuam, & indeterminatam potentiam passiuam; nimirum quia indeterminatio potentie passivæ, requirit aliquid

per quod tollatur, & id quod est in potentia passiva determinetur; cum ex se, nihil possit habere, per quod determinetur. Indeterminatio autem potentiae actiuae nullo indiget à quo determinetur. *Quod est indeterminatum, inquit, in determinatione potentia actiuae, est ex se sufficienter determinatum ad producendum quemlibet illorum effectuum, ad quos est indeterminatum; Et hoc si passivum dispositum, sit approximatum, ubi requiritur passivum; vel ex seipso, ubi non requiritur passivum. Patet, quia si tale activum esset de se determinatum ad unum effectum, posset de se sufficienter producere illum: sed si est indeterminatum ad hoc, & ad illud; ex tali illimitatione, nulla tollitur perfectio causabilitatis eius, respectu talis effectus; sed tantum causabilitas additur respectu alterius. Igitur ita potest istud & illud producere, ac si esset tantum istius: & ita non requiritur aliquod determinans.*

Tertia Conclusio.

Quomodo describitur potentia actiua in vniuersum.

Potentia actiua in vniuersum, describi potest. Principium proximum elicitiui alicuius operationis, vel effectiui alicuius effectus, ad quem naturam suam ordinatum & destinatum est. Probatur inductione per omnes potentias: Virtus enim calefaciendi in igne, v. g. dicitur potentia actiua, quia est productiua caloris tanquam proprii & naturalis effectus & termini. Similiter virtus intelligendi in homine, dicitur potentia actiua, quia est principium elicitiui intellectiui, tanquam naturalis operationis, &c. Et hæc quidem de po-

tentia actiua productiua.

Potentiam actiuam transmutatiuam & propriè physicam definit Aristoteles 5. & 9. Metaphysic. cum dicit esse principium transmutandi aliud in quantum aliud. *Potentia, inquit, dicitur quædam quidem principium motus, aut transmutationis in alterum, aut prout alterum est, ut edificatio potentia est, quæ non inest in edificio. Sed ars medendi, cum sit potentia, in erit tamen in eo qui sanatur, sed non prout sanatur. Quædam igitur omnino principium transmutationis aut motus dicitur, potentia in alterum, aut prout alterum est. Id est, istud potentia genus est potentia actiua, quæ est principium motus aut mutationis existentis in re diuersa, ab ea in qua ipsum principium est; aut si in eodem existit; non per se in ea est, sed per accidens. Exemplum principij quod est in re diuersa ab ea quæ mutatur, est potentia edificandi. Eius autem quod est in eadem, sed non per se, est ars medicinz, quæ licet aliquando sit in eo qui curatur, ægotante scilicet; non est tamen in illo, prout curatur, cum accadat ei qui curatur, habere in se principium actiuum curationis, nempe medendi artem.*

Doctor Subtilis 9. Metaphysic. qu. 4. §. *Ex prædictis*, obseruat aliqua, quæ non sunt hic prætermittenda. Dicit ergo quod Aristoteles definit hic potentiam per respectum ad transmutabile; quo significat talem definitionem non esse metaphysicam, nec potentia actiua metaphysicè considerat: Sed esse physicam, & potentia actiua physicè considerat; quod similiter dici debet

Potentia transmutatiua quid & quodplex.

Potentia transmutatiua non est potentia metaphysica, & quare.

de potentia passiuā, prout hic definitur. Nec valet, inquit, ista consequentia: Aristoteles definit hanc potentiam in Metaphysica: Ergo hæc definitio est Metaphysica. Multa enim in Metaphysica ponuntur pertinentia ad Physicā: Et è conuerso. Potest tamen excusari Aristoteles quare talem definitionem posuerit, & non propriè Metaphysicā: Fortè, inquit, quia potentia hoc modo descripta manifestior est; & quia ex hac, potest satis haberi ratio potentia actiua Metaphysicæ, dimittendo nimirum illam conditionem, quæ contrahit eam ad naturalitatem; & ponendo aliquid generalius, quod pertineat ad Metaphysicā. Sic, inquit, potentia actiua, secundum vnam significationem eius Metaphysicè loquendo, erit principium agendi agibile: Secundum aliam significationem, principium actuandi actuabile. Similiter potentia passiuā secundum vnam eius significationem, est principium ex quo potest aliquid mutari: secundum aliam, est principium actuandi passiue ab actu actiuo; secundum aliam, est principium actuabile siue informabile ab actu, seu à principio actuali.

Principium actiuū transmutationis debet esse in altero ab eo

Porro noster magnus Alexander in suis Commentarijs ad hunc locum Aristotelis, optimè declarat cur principium transmutationis debeat esse in altero, ab eo, quod transmutatur: Notandum, inquit, quod potentia actiua hic vocatur principium, per quod potest aliquid agere in aliud, educendo de eo actum primum, vel formam, vel per quod aliquod agens

potest mouere passum ad aliquam perfectionem. Illud autem quod mouet aliquid ad aliquam perfectionem, oportet quod aliquo modo illam perfectionem prahabeat, vel virtualiter, vel formaliter: Si enim nullo modo illam habeat, nullo modo mouet passum ad illam (virtualiter autem dixi, propter agens aquinocum; formaliter autem propter agens uniuocum.) Perfectio autem ad quam mouetur passum, aliquo modo prahabetur ab ipsa potentia actiua; obiectum autem istius potentia actiua est illud quod mouetur ad istam perfectionem, per potentiam actiuam; Et sicut de ratione potentia actiua est, quod habeat illam perfectionem (aliis ad illam non moueret) ita de ratione obiecti potentia actiua, quod est ipsum possibile, vel ipsum passum, est quod illam perfectionem non habeat; sed tamen possit habere. Si enim illam haberet, ad illam non moueretur: Sic ergo, ex hoc sequitur quod ratio potentia actiua fundatur super esse rei, quod aliquo modo prahabetur. Ratio potentia passiuā super non esse, vel super rem, quæ non habetur. Cum ergo impossibile sit quod idem sit, & non sit; habeatur, & non habeatur; idè impossibile est quod idè sit, in quo est potentia actiua, & illud in quo est ratio potentia passiuā, scilicet possibile; imò necessariò vel potentia actiua est in altero, & obiectum eius in altero subiectiue, sicut ars edificandi in edificante, & possibile edificari in edificabili; vel si in eodem sint ambo subiectiue, non sunt secundum idem, sed secundum quod alterum.

Doctor Subtilis in 2. dist. 25. qu. vnicā, ad 2. principale, confirmat hanc Doctrinam, cum
M M m ij

dicit potentiam & actum, seu mouens & motum, esse quandoque distincta subiecto, quandoque non: *Quando*, inquit, *sunt distincta subiecto particula*, In quantum alterum, reduplicat rem aliam & rationem aliam, ut potentia adificandi, & adificium v. g. *Quando vero sunt indistincta subiecto, eadem particula reduplicat solum formalem rationem aliam, ut facultas volendi respectu propriae volitionis, vel respectu sui ipsius quatenus immutat seipsum per propriam volitionem: quia voluntas, inquantum potentia actiua, que potest elicere suam volitionem, est alia formalis ratio à potentia vel ratione recipiendi suam volitionem, ipsam perficientem.*

Paulò antè, respondendo ad quandam rationem Gottfredi, quà nitebatur probare aliquid aliud à voluntate, phantasma nimirum, esse causam effectiuiam volitionis, & non ipsam voluntatem; quia mouens & motum sunt distincta subiecto; & quia idem respectu eiusdem non potest esse simul in actu in potentia; Ita vt sit principium Metaphysicum, scilicet quodd vnum & idem non possit mouere seipsum. Respondendo inquam ad hæc, explicat quomodo mouens & motum debeant esse distincta; & quo modo vnum & idem possit simul esse in actu & in potentia. Et illud ipsum iam explicauerat in 1. dist. 3. q. 7. §. *Ad argumenta pro secunda opinione.* Et quia in eius dictis multa continentur scitu dignissima; si non omnia verba, saltem breuem eorum sensum proferamus.

Negat itaque imprimis mouens & motum debere esse subiecto distincta necessariò; sed vnum & idem simplex, posse esse mouens & motum. Et cum dicitur; Quale est agens in actu, tale est passum in potentia, &c. Dicit quodd si accipiantur actus & potentia vt sunt duæ primæ differentie entis, sic diuidunt omne Ens; & isto modo, est contradictio quodd idem sit in actu & in potentia simul, respectu eiusdem; quia potentia vt est differentia entis, distincta, contra actum, est necessariò includens oppositionem vel negationem eius, respectu cuius ponitur potentia; vt album in potentia, non est album in actu, quaudiu est in potentia: & isto modo est impossibile quodd aliquid sic existens in potentia, faciat se in actu; non tamen est necesse omne passum vel motum esse sic in potentia, & agens suum in actu. Alio vero modo, possunt considerari actus & potentia, prout scilicet diuidunt potentiam vel principium actiuum & passiuum, per vniuocum & æquiuocum. In vniuocis autem agentibus, verum est quodd tale est passum in potentia, quale est agens in actu; Et idè est impossibile quodd idè, non possit in actu formaliter tale, & in potentia tale simul. Nec agens vniuocum potest agere in seipsum: actione vniuocà, hoc est inducendo in seipsum, formam eiusdem rationis cum illa, per quam agit. Si enim aliquid sic ageret in se, sequeretur quodd simul haberet formam eiusdem rationis ad quam moueretur; & dum moueretur ad illam; care-

In ag-
tibus
vniu-
ocis
vni-
ocis
& idem
non po-
test esse
simul in
actu &
in po-
tentia
respe-
ctu eius-
dem.

ret illa: Igitur simul haberet illam & non haberet; saltem hoc sequitur de duabus formis eiusdem speciei, vel de eadem.

In agentibus verò æquiuocè, id est in illis agentibus, quæ non agunt per formam eiusdem rationis cum illa ad quam agunt; propositio illa, nimirum quod nihil mouet seipsum, non habet necessitatem; nec probatio eius, nimirum quod aliquid esset in potentia & in actu respectu eiusdem, aliquid concludit. Non enim ibi agens est tale formaliter in actu, quale passum est formaliter in potentia; sed agens est tale virtualiter in actu, quale passum est formaliter in potentia. Quod autem idem sit virtualiter tale in actu, & formaliter tale in potentia, nulla est contradictio. Ista glossa de agentibus vniuocis & æquiuocis necessaria est; quia Philosophus posuit motum non tantum in genere qualitatis, sed etiam in genere quantitatis, & vbi. In quantitate autem & vbi, nullum est agens vniuocum; quia in genere quantitatis & vbi, nulla est forma quæ sit principium inducendi similem formam: Imò, ut generaliter dicatur, quicumque motus est ad formam non actiuam, non est ab agente vniuoco; quia ex quo forma taliter terminans, non est actiua; nulla eiusdem rationis est principium agendi. Sunt igitur apud Philosophum, multi motus ab agente non vniuoco, sed æquiuoco; & ibi, agens est virtualiter tale in actu, quale patiens est formaliter in potentia.

Et si dicatur, quod nihil idem

potest esse simul in potentia ad aliud, & actu habere illud eminenenter vel virtualiter: Respondetur hoc esse falsum; quia hoc non est aliud dicere, quam quod tale non sit capax suæ perfectionis: Videmus autem quod illi cui natura dedit potentiam ut possit augmentari, dedit ei potentiam augmentatiuam actiuam & effectiuam augmenti, & nutritiuam ad hoc quod possit conseruari. Et ideo absurdum est quod nobilissima forma, cuiusmodi est anima intellectiua, non habeat potentias actiuas suæ perfectionis accidentalis, & receptiuas eiusdem. Et quia non possunt in talibus formis, dari potentie actiua & passiva, quæ sint distinctæ subiecto, cum non sint potentie organice; ideo non distinguuntur subiecto: sed sunt ibi vniue sine distinctione, ratione subiecti; non tamen sine dictione formali.

Si arguatur: Ergo in omnibus posset idem esse in actu virtuali, & in potentia ad actum formalem; & sic quodlibet posset mouere se. Respondetur quod in ista illatione est non causa ut causa. Nam ex generali ratione actus virtualis, & potentie ad actum formalem, nulla est repugnantia; quia si ex ista ratione, esset repugnantia, tunc & in quolibet esset repugnantia; tamen in aliquo, cum actu virtuali, concurrat aliquid aliud, propter quod repugnat illi quandoque esse in potentia, vel actu formaliter tale. Exempli gratia, esse calidum virtualiter in actu, & formaliter in potentia, de se non includit con-

traditionem vel repugnantiam: Et ideo in nullo subiecto includunt repugnantiam, quod propter hoc non possint esse simul, nec alterum esse ibi, quia alterum. Tamen sol qui est calidus virtualiter, non potest esse calidus formaliter: Et hoc non propter repugnantiam istorum, ut patet exemplo Saturni, qui est frigidus virtualiter, & tamen non potest esse calidus formaliter. Ergo actus virtualis non erat in eo, causa repugnantiae, sed aliquid aliud, quod est commune soli & Saturno; nimirum quia sunt corpora simplicia & incorruptibilia: Caliditas autem formalis est qualitas corporis mixti & corruptibilis.

Quomodo
idem
virtua-
liter ta-
le possit
facere
sefor-
maliter
tale.

Si dicatur quod agens virtualiter tale, non potest facere se formaliter tale; quia habens aliquid modo eminentiori, faceret quoddam haberet illud modo minus eminenti. Respondetur duplicem esse continentiam virtualem, scilicet eminentialem, & in virtute. Quo posito, dicitur quoddam ad hoc ut aliquid sit simul in actu virtuali, & in potentia ad actum formalem, sufficit quoddam continere illum actum in virtute, scilicet productiva, non autem eminenter; quo pacto omne subiectum continet virtualiter passionem suam, & substantia quantum & quale, ex Philosopho 7. Metaphysic. textu 22.

Cum dicitur illud esse principium Metaphysicum, nimirum nihil posse mouere seipsum; vel nihil esse simul in actu & in potentia. Responde-

tur hoc esse falsum; quamquam enim nihil moueat seipsum, tanquam seipsum; aliquid tamen potest mouere seipsum tanquam alterum, saltem formaliter. Item quamquam nihil sit simul in actu formali, & in potentia respectu eiusdem actus formalis; aliquid tamen est in actu virtuali, & in potentia ad actum formalem eius, vt explicatum est. Plura vide apud Scotum locis citatis, & 9. Metaphysic. quest. 14.

Addit noster magnus Alenis loco superius citato, quod si oporteat actum & potentiam, mouens & motum esse distincta re & subiecto; particula, *Alterum*, est intelligenda de obiecto potentiae non reflexivae, qualis est potentia calefaciendi, quae semper transmutat alterum re & subiecto; non autem de potentia reflexivae, qualis est voluntas, quae potest reflecti supra seipsam, & amare seipsam: Ita ut sint idem re & subiecto, potentia & actus; mouens & motum, amans & amatum.

QVÆSTIO IV.

*Quid sit, & quoduplex sit
potentia passiva?*



Nemo sane
incentis negare
potest dari po-
tentias aliquas
passivas in re-
rum naturis, ne-
solum physicis
et mobilibus, ut sunt potentie

passiuæ nostrorum corporum; verumetiam in immobilibus, & separatis à materia, vt sunt potentiæ passiuæ, in quibus recipiuntur actiones immanētes, quas eliciunt facultates animarum nostrarum & substantiarum separatarum, videlicet intellectiones & volitiones. Quo posito, dubitatur solum quid & quotuplex sit potentia passiuā?

Potentia
passiuā
ad tria
compara-
tur.

Prænotandum itaque, ex Doctore Subtili, 9. Metaphysic. quæst. 4. & 13. potentiam passiuā ad tria posse comparari, scilicet ad principiatum, ad formam, & ad agens: v. g. materia comparari potest ad totum compositum Physicum, quod est principiatum ex ipsa & ex forma; item ad formam, cum qua potest compositum constituere, putā vel ad formam ignis, vel ad formam equi, vel ad aliam; denique ad ipsum agens, videlicet ad generans Physicum, vel ad aliquod aliud potens introducere formam. Per respectum ad principiatum, dicitur potentia ex qua, inquit Scotus; per respectum ad formam, potentia in qua; & per respectum ad agens, potentia in quam.

Potentia
passiuā
se habet
ad formam
tribus
modis,
naturaliter,
violenter
& neutraliter.

Prænotandum 2. Potentiam passiuā sese habere ad formam tribus modis, vt obseruat idem Doctor Subtilis quæst. 1. Prologi Sententiarum, & 9. Metaphysic. quæst. 12. Nam vel est naturā suā inclinata & propensa in ipsam formam, vt potentia ignis, v. g. ad calorem, & potentia aquæ ad frigiditatem; vel habet renitentiam & resistentiam ad ipsam, vt potentia passiuā eiusdem aquæ respectu caloris; vel neutro mo-

do se habet ad ipsam, putā nec resistendo, nec propendendo, sed dicit solummodō capacitatem recipiendi ipsam, cum negatione violentiæ seu resistentiæ, & naturalis inclinationis ad eandē. Huius conditionis est v. g. potentia Angeli respectu huius vel illius vbi, & potētia ignis respectu motus vel quietis in proprio centro.

Circa hunc postremum modum, quo potentia passiuā se habet ad formam, disceptatur acriter. Quidam enim illum negant omnino; quia nimirum ex illo, sequitur potentia neutra, quam illi non admittunt. Ita Caietanus in suis Opusculis tomo 3. tractatu 3. quæst. 1. & Soto 2. Physic. quæst. 1. Alij variis modis illum explicant; & eorum aliqui sustinent fieri posse vt forma passiuā respiciat naturaliter aliquod commune communitate prædicationis, & tamen neutraliter respiciat inferiora illius communis, præsertim si in illis non contineatur tota ratio illius communis. Ita nosster Franciscus de Herrera, in 1. disput. 1. quæst. 7. vbi distinguit inter species respectu generis, & indiuidua respectu speciei; quod tota ratio speciei sit in singulis indiuiduis, at verò tota ratio generis non sit in singulis speciebus: Quia, inquit, ad rationem generis spectat quoddā possit contrahi per multas differentias, hæc autem ratio non potest esse in singulis indiuiduis. Et cum, inquit, genus in indiuiduis habeat rationem speciei, fit vt tota ratio communis sit in singulis indiuiduis. Hoc autem posito, docet materiam v. gr. inclinari

naturaliter ad formam in communi, & etiam ad singulas formas individuales; quia tota ratio formæ in se continetur in singulis formis individualibus: Non inclinari verò naturaliter, sed tantum neutraliter ad formas específicas; quia ratio formæ in se non continetur tota in singulis formis specificis. Alij sustinent fieri non posse, ut potentia passiva respiciat naturaliter aliquod commune, & non respiciat naturaliter inferiora contenta sub ipso. Sic noster Rada in 1. controuersia 1. art. 1. ubi respondens ad quoddam argumentum Caietani; dicit Potentiam passiuam superficiei esse neutram respectu albedinis & nigredinis, quia etiam est neutra respectu coloris in se; quippe ad quem habet superficies dumtaxat capacitatem cum negatione resistentiæ & inclinationis. Hinc disceptatur inter illos, & inter alios Scotistas, an potentia passiva materiæ sit naturalis vel neutra respectu formarum. Franciscus de Herrera docet esse naturalem respectu formæ in se & formarum singularium, non autem formarum specificarum, ut dictum est. Rada docet esse naturalem respectu formæ in se, & etiam respectu omnium formarum, tum individualium, tum specificarum. Pro utraque sententia sunt autoritates desumptæ, ex veteribus Scotistis Licheto, Bargo, & aliis. Nihilominus ut dissoluatur hæc controuersia,

Prenotandum 3. conformiter doctrinæ Doctoris Subtilis, Potentiam passiuam, sese habere duobus modis neutraliter ad for-

nam, scilicet neutraliter tùm contrariè, tùm contradictoriè, nec propendendo, nec resistendo; & neutraliter indeterminatè & positiuè. Prior modus dicit tantum capacitatem, & negat formaliter inclinationem naturalem. Secundus modus dicit & capacitatem, & inclinationem; sed negat determinatam inclinationem. Priori modo se habet superficies ad colorem & ad colores, quia habet tantum capacitatem ad colorem in se, & ad quæcumque inferiora coloris: Negat tamen inclinationem naturalem ad ipsos, quatenus superficies est; ita quod neutralitas potentiæ passivæ superficiei, respectu colorum & etiam coloris in se, sit tantum contradictoria & negatiua; quia nec appetit, nec non appetit ipsos, quatenus superficies est: namque superficies cælorum & elementorum sunt veræ superficies, nec tamen naturaliter appetunt colores: quod fit ut si superficies mixtorum, colores appetant naturaliter; non quia sint superficies simpliciter, sed quia sunt superficies talium vel talium corporum, habentium videlicet tales, vel tales formas, quas necessitudo & naturaliter consequuntur superficies coloratæ. Posteriori modo se habet potentia passiva materiæ, non quidem ad formam in se, sed ad formas, tùm específicas, tùm individuales; quia non modò naturaliter, sed etiam determinatè appetit formam in se; ita quod non sit indifferens & neutra contradictoriè & negatiuè scilicet, tùm ad formam habendam, tùm ad non habendam: At verò, licet
Neutralitas duplex.

Cōtro-
ueretur
inter
Scoti-
stas de
potentiā
neutra.

naturaliter, non tamen determinatè, appetit hanc vel illam formam, huius vel alterius speciei; sed indeterminatè, atque consequenter neutraliter, positivè scilicet, & quasi contrariè. Hinc fit ut potentia passiva non possit esse naturalis respectu alicuius communis, quin sit etiam naturalis respectu inferiorum illius communis, si per naturalitatem illam intelligatur inclinatio & propensio, quæcumque illa sit, siue determinata, siue indeterminata: cum hoc tamen, potentia passiva potest respicere naturaliter aliquod commune, & neutraliter inferiora ipsius, modo ly, neutraliter, idem significet atq; indeterminatè, & indifferenter. Hoc modo intelligendi sunt omnes nostri, qui dicunt potentiam passivam materiæ esse neutram, respectu cuiuscumque formæ, licet interim sit naturalis, quia est neutra solum propter indeterminatorem; naturalis vero propter inclinationem & propter negationem violentiæ. Neque aliud haberi potest ex his verbis Doctoris Subtilis in 1. distinct. 1. quæst. 1. in fine ubi habetur: *Dico quod quies violenta nunquam est nisi quiescens determinatè inclinatur ad oppositum, sicut exemplificatur de gravi respectu deorsum, vel descensus, & quies eius super trabem; materia autem prima ad nullam formam determinatè inclinatur, & idè sub quacumque quiescit, non violentè sed naturaliter quiescit, propter indeterminatam inclinationem ad quamcumque.*

Potentia passiva cõ-

Prænotandum 4. potentiam passivam comparari posse ad du-

plex agens, scilicet ad agens naturale, & ad agens supernaturale. Agens naturale voco illud quod est inductivum formæ naturalis, & modo naturali, id est, proportionatè viribus rerum. Agens supernaturale voco illud quod est inductivum, vel formæ supernaturalis, vel formæ naturalis modo supernaturali, seu superante actiuitatem naturalem rerum.

Prænotandum 5. agens supernaturale, quantum spectat ad præsens institutum, duobus modis posse respicere potentiam creaturæ: Priori modo, inducendo in ipsam formas supernaturales, vel naturales modo supernaturali, ut dictum est; secundò, utendo ipsa creatura ad nutum eius, quocumque modo eà utatur, siue in finem supernaturalem, siue in finem naturalem, dummodò id quod circa ipsam exequitur, superet generalem modum agendi eius, & sit aliquid speciale contentum intra solam actiuitatem ipsius.

Prænotandum ultimò naturale, ex dictis, dici posse duobus modis de potentia passiva, nimirum per habitudinem ad formam, & per habitudinem ad agens. Per habitudinem ad formam, naturale opponitur violento vel indeterminato: Violento, si dicat naturalem inclinationem vel non resistentiam; indeterminato, si naturale dicat determinationem: Per habitudinem ad agens, opponitur supernaturali. Sed ultra hanc naturalitatem, assignari potest alia, quæ nimirum potentia passiva dicatur naturalis, quia est natu-

paratur ad duplex agens.

Agens supernaturale duobus modis respicere potest potentiam creaturæ.

Naturale dicitur duobus modis de potentia passiva.

raliter congenita : Quocumque enim modo sese habeat, siue ad formam, quæcūque illa sit, siue ad agens, quodcumque etiam illud sit, dici semper debet naturalis, quia non est aliqua res superaddita naturis rerum, aut ab eis distincta realiter, sed est ipsamet entitas naturalis earundem rerum, vel saltem aliquid distinctum tantum formaliter ab ipsa entitate naturali. Hinc naturale dicitur iterum dupliciter de potentia passiva, nimirum subiectiue, & respectiue seu formaliter; subiectiue, quatenus est naturaliter cōgenita rei cuius est; formaliter verò quatenus naturaliter respicit vel formam à qua potest perfici, vel agens, à quo potest aliquid recipere. His positis, sit hæc

Prima Conclusio.

Quid sit potentia passiva.

Potentia passiva in vniuersum describi potest, Principium ex quo, vel in quo aliquid produci & recipi potest, tanquam in proprio perfectibili & actuabili. Sumi potest ista conclusio ex Doctore Subtili 9. Metaphysic. qu. 4. §. *Ex prædictis*. Vbi refert varias descriptiones potentie passivæ etiam Metaphysicè consideratæ, quibus dicit esse vel principium ex quo aliquid potest mutari; vel principium actuandi passivè ab actu actiuo; vel principium actuabile siue informabile ab actu seu à principio actuali. Potentia passiva transmutabilis describitur, Principium transmutationis ab altero. Et hæc quidem omnia patent ex dictis.

Secunda Conclusio.

Potentia passiva per habitudinem ad formam, dicitur naturalis, vel violenta, vel neutra. Est Doctoris Subtilis qu. 1. Prolog. & 9. Metaphysic. qu. 12. Ex patet ex secundo prænotato, vbi dictum est potentiam passivam se habere tribus modis ad formam, scilicet naturaliter; & inde potentia naturalis, ut potentia passiva ignis respectu caloris; vel violenter & resistendo; & inde potentia violenta, ut potentia aquæ, respectu eiusdem caloris; vel neutro modo, & inde potentia neutra, ut potentia superficiali respectu coloris. Probatur autem potentiam passivam legitime ita diuidi per habitudinem ad formam. Quia manente solâ habitudine ad formam, cæteris omnibus circumscriptis, potentia est vel naturalis, vel violenta, vel neutra: circumscripto enim quolibet agente, non minus aqua, v. g. est violenter sub caliditate quamdiu remanet sub illa, ac præsentem agente: Ergo signum est violentiam illam præcisè denominare potentiam illam aquæ, per habitudinem ad talem formam, circumscripto omni alio. Et idem iudicium esse debet de potentia naturali, & neutra.

Obijciunt nihilominus: Violentum ex Aristotele 3. Ethicorum cap. 3. dicitur illud cuius principium est extrinsecum, non conferentem vim passivam: Ergo ratio violenti non solum desumitur essentialiter & per se, ex comparatione passi ad formam; sed

Potentia passiva per habitudinem ad formam, est naturalis, violenta, vel neutra.

Obiectio.

Solutio
Quo-
modo
intelli-
gide-
beat
defini-
tio vio-
lenti.

etiam ex comparatione ad agens. Respondetur negando consequentiam; & ad probationem dicendo, quod in descriptione violenti, ponitur agens tanquam extrinsecum, & non tanquam per se complens, nec tanquam per se constituens rationem violenti, quippe quæ complectur & constituitur per illam particulam, passio non conferente vim, id est, non præbente inclinationem.

Ex his sequitur, primum, potentiam illam, quæ respectu aliquarum formarum, non est violenta, esse naturalem vel neutram; ideoque potentiam passivam intellectus vel voluntatis, respectu formarum supernaturalium, esse vel naturalem, vel neutram, si non sit violenta. Constat autem non esse violentam, quia illæ formæ maximè perficiunt & exornant potentias, in quibus recipiuntur: quâ ratione dicit Doctor Subtilis in 1. dist. 1. intellectum nostrum non quietari perfectè, nisi in Ente primo; quia perfectissima ratio entis, quod est obiectum commune nostri intellectus, in solo primo ente reperitur. Restat itaque ut sit naturalis vel neutra. Quæritur autem utra sit?

Quo-
modo
poten-
tia crea-
turæ sit
naturalis
&
neutra
respec-
tu forma-
rum super-

Noster Franciscus de Herrera in 1. disput. 1. qu. 5. conclus. 3. sustinet esse neutram dumtaxat. Rada in 1. controuers. 1. art. 1. conclus. 3. affirmat esse naturalem, non modò subiectiuè, sed etiam respectiuè & formaliter. Sed positis nostris fundamentis, utraque sententia potest reduci ad sensum verum. Imprimis enim catenus potentia illa est

naturalis, quatenus naturaliter propendet facultas creata in dictas formas. Est etiam neutra, quia non est determinata ad illas; sed est indeterminata tùm ad formas supernaturales, tùm ad formas naturales; & adhuc intra latitudinem formarum supernaturalium, est indeterminata ad hanc vel illam, huius vel alterius speciei.

Primum breuiter suadetur auctoritate tùm D. Thomæ, tùm Doctoris Subtilis. Dicit enim D. Thomas 1. 2. qu. 113. art. 10. *Secundo, in quibusdam miraculosis operibus inuenitur, quod forma inducta, est supra naturalem potentiam talis materie; sicut in suscitatione mortui, vita est supra naturalem potentiam talis corporis. Et quantum ad hoc, iustificatio impij non est miraculosa; quia naturaliter anima est gratia capax. Eo enim ipso quod facta est ad imaginem Dei, capax est Dei, per gratiam.* Item 1. part. qu. 48. art. 4. ait habilitatem animæ ad gratiam consequi naturam eius. Dicit etiam Doctor Subtilis qu. 1. Prologi: *Ad propositum dico, quod comparando intellectum possibilem ad notitiam actualem in se, nulla est sibi cognitio supernaturalis, quia intellectus possibilis quacumque cognitione naturaliter perficitur, & ad quancumque naturaliter inclinatur.*

Ratio esse potest, quia quælibet potentia passiva naturaliter appetit suum perfectiuium, & maximè suum perfectissimum perfectiuium: Sed quælibet forma etiam supernaturalis, est maximè perfectiua potentie creatæ. Ergo summè illam appetit.

Obijci solet aduersus istud:

NNn ij

Obie-
ctio 1.

Cuiuslibet potentie passivae naturali correspondet sua activa naturalis: sed in natura creata, non est potentia activa naturalis respectu formarum supernaturalium. Ergo neque potentia passiva naturalis. Minor patet. Maior probatur, tum auctoritate Aristot. 3. de anima textu 17. Vbi probat dari intellectum agentem, quia datur intellectus possibilis: tum quia alias potentia illa passiva esset frustra in natura, si illi activa non corresponderet in eadem natura.

Solutio
Sufficit
quod in
tota
ampli-
tudine
entium,
debet
poten-
tia acti-
va ex-
plere
appeti-
tum po-
tentiae
illius
passivae.

Respondeo negando maiorem. Nam ut habet Doctor Subtilis q. 1. Prologi, aliquando contingit naturam propter sui excellentiam ordinari naturaliter, ad recipiendum perfectionem ita eminentem, ut non possit subesse causalitati agentis naturalis. Nec propterea potentia illa passiva est frustra in natura, quia sufficit ut illi correspondeat aliquod actuum in tota coordinatione entium, puta agens supernaturale, virtute cuius complete reducatur ad actum. Ad Aristotelem dicitur non eo praecise probari intellectum agentem, quia datur intellectus possibilis; sed quia possibilitas unius & actiuitas alterius possunt esse eiusdem ordinis. Sufficit enim ad probandum intellectum agentem, quod intellectus possibilis possit plerumque & in plerisque subijci actiuitati intellectus agentis, quo modo reuera subijcitur in his omnibus quae sunt ordinis naturalis, vel saltem materialis pro hoc statu.

Obie-
ctio 2.

Obijcit praeterea Caietanus:

Ad actum supernaturalem ratione modi, cuiusmodi est v. g. visus restitutus caeco, nulla est potentia naturalis; ergo multo minus erit potentia naturalis, ad actus supernaturales secundum se. Consequencia patet: quia si id quod magis videtur inesse, non inest; quod minus videtur inesse, non inerit. Antecedens probatur ex frequenti usu, quo naturalem potentiam ad miracula negamus. Respondeo hoc argumentum laborare in equivoeco: procedit enim à potentia activa naturali, ad potentiam passivam naturalem. Eapropter concedimus vltro, ad formas supernaturales tum secundum se, tum secundum modum, nullam dari potentiam activam naturalem, dari tamen passivam naturalem.

Secundum, nimirum potentiam passivam creaturae esse neutram, scilicet per indeterminationem & per indifferentiam, respectu formarum supernaturalium, ita breuiter suadet. Potentia creaturae est indeterminata, tum ad formas naturales, tum ad formas supernaturales, & etiam ad quaslibet supernaturales; alias si esset determinata ad supernaturales, violenter quiesceret sub naturalibus: & vice versa, si esset determinata ad naturales, violenter quiesceret sub supernaturalibus. Item, si esset determinata ad aliquam supernaturalem, violenter quiesceret sub altera; quae omnia manifeste falsa sunt. Ergo potentia passiva creaturae, est neutra per indifferentiam & indeterminacionem, respectu formarum naturalium & superna-

Solutio

Ad for-
mas su-
perna-
turales
non da-
tur po-
tentia
natura-
lis acti-
ua, be-
ne ta-
men
passiva.

Poten-
tia pas-
siva crea-
turae
est neu-
tra per in-
determi-
nationem
respectu
forma-
rum su-
perna-
turalium.

turalium : ac etiam supernaturalium ad inuicem comparatarum.

Reprehenditur de Herrera

Noster Franciscus de Herrera non capiens fortè hanc rationem potentie passivæ creatæ neutrius, respectu formarum supernaturalium, sed solam rationem potentie neutrius per negationem resistentiæ & inclinationis naturalis, valdè malè philosophatus est, etiam apertè contra mentem Doctoris Subtilis in primo, Disput. 1. q. 5. Conclusionem 3. Dicit enim potentiam passivam creaturæ, esse neutram respectu formarum naturalium & supernaturalium, quia ad nullas naturaliter inclinatur. Quando enim, inquit, aliqua potentia est inclinata ad aliquam formam naturaliter, semper quiescit violenter sub forma quæ includit carentiam illius, ad quam inclinatur : sicut v. g. quia lapis inclinatur ad centrum, semper quiescit violenter, in quocumque loco sit, qui non habet rationem centri: unde quando descendit deorsum, nunquam quiescit, sed semper movetur, vsq; dum est in centro. Ergo si in anima, est inclinatio naturalis, & propensio ad gratiam, charitatem, & fidem: Ergo in puris naturalibus creata, vel creata in rectitudine naturali, & non eleuata ad claram Dei visionem, in tali rectitudine quiesceret violenter, quod tamen falsum est; quia si Deus relinqueret naturam creatam in perfectissimo statu rectitudinis naturalis, violenter non quiesceret in illo.

Hæc autè valdè malè dicta sunt. Quia in primis Doctor Subtilis q.

1. prolozi, disertis verbis asserit intellectum possibilem inclinari naturaliter ad quamcumque cognitionem tùm naturalem tùm supernaturalem; ideoque cognitionem supernaturalem non esse supernaturalem, nisi per ordinem ad agens, quia nimirum solum agens supernaturale potest illam infundere.

Præterea innititur falso fundamento; quia non habetur quies violenta, ex eo quodd sit sub forma, quæ includit carentiam illius, ad quam potentia est inclinata naturaliter; sed solum ex eo quodd sit sub forma quæ includit carentiam illius ad quam potentia est inclinata determinatè ex Doctore Subtili in primo sent. 1. q. 1. in fine. Dicit inquit, quod quies violenta, nunquam est, nisi quiescens determinatè inclinatur ad oppositum, sicut exemplificatur de gravi respectu deorsum. Et eà etiam ratione docet materiam sub quacumque forma quiescere non violenter, sed naturaliter, propter indeterminatam inclinationem ad quamcumque. Et ita potentia creaturæ quiescet non violenter, sed naturaliter sub quacumque forma, siue naturali siue supernaturali, propter indeterminatam inclinationem eius ad quamcumque. Ideoque potentia illa erit naturalis propter inclinationem, neutra tamen propter indeterminatam inclinationem.

Aliud quod sequitur tum ex conclusione, tum ex dictis hætenus, est dari potentiam aliquam neutram, siue per negationem resistentiæ & inclinationis, siue per indifferentiam & indeterminatam inclinationem. Po-

Potentia neutra duplex.

tentia passiva prioris generis, est potentia Angeli v. g. respectu loci & carentiæ loci; quia Angelus naturaliter non appetit esse in loco, cum hoc sit proprium corporibus. Item, potentia cæli respectu motus & quietis; illa enim imprimis non est violenta sub motu, ut patet, nec etiam naturalis secundum Avicennam 9. Metaphy. c. 2. ubi ait quod motus cæli non est naturalis; quia tunc terminaretur ad quietem naturalem, & motus ab illa quiete, esset violentus: Ergo potentia illa est neutra: Ergo indifferenter cælum se habet ad motum & ad quietem. Item, potentia superficie respectu coloris, atque consequenter respectu albedinis vel nigredinis; quia, ut dictum est, superficies quæ superficies, non appetit naturaliter colorem; sed tantum quæ superficies corporis mixti.

Potentia neutra posterioris generis est v. g. potentia materiæ, respectu huius vel alterius formæ. Item, potentia animæ respectu formæ naturalis vel supernaturalis, & respectu huius vel alterius formæ naturalis, puta huius vel alterius intellectiōnis, huius vel alterius volitionis, huius vel alterius habitus acquisiti, ac etiam huius vel alterius formæ supernaturalis, puta vel fidei, vel spei, vel charitatis, vel alterius.

Mitto in artificiatas etiam reperiri huiusmodi potentiam neutram. Nam v. g. lignum est in potentia neutra respectu figuræ Mercurij, vel cathedræ, vel scami.

Argumenta Cajetani & aliorum, quibus impugnatur poten-

tia neutra, procedunt omnia ex æquivocatione potentiæ neutrius per negationem resistentiæ & inclinationis naturalis; & per indeterminatam inclinationem. Quare posita hac distinctione, facile solui poterunt, & conciliari omnia quæ varijs in locis habentur, tum apud Doctorem Subtilem, tum apud nostros Sco-
tistas.

Tertia Conclusio.

Potentia passiva creaturæ per habitudinem ad agens, dicitur naturalis vel supernaturalis; naturalis, si agens sit naturale; supernaturalis, si agens sit supernaturale. Conclusio est Doctoris Subtilis q. 1. Prologi: Et ita breuiter suadet. Illud est præcisè ratio alicuius, quo posito, circumscripto vel variato quocunque alio, sequitur effectus formalis talis rationis: Sed posita solâ habitudine potentiæ passivæ ad agens, secluso omni alio respectu, ad formam, vel ad quodcunque aliud, manet ratio naturalitatis & supernaturalitatis in potentia passiva creaturæ. Ergo ex solâ habitudine potentiæ passivæ ad agens, desumitur ratio naturalitatis & supernaturalitatis in ipsa. Maior est nota. Minor probatur. Si creatura reciperet formam aliquam naturalem ab agente supernaturali; puta si aqua immediatè reciperet frigiditatem; à Deo; reciperet illam supernaturaliter: vice versâ, si illam reciperet formam supernaturalem ab agente naturali, reciperet illam naturaliter; quia modus recipiendi sequitur mo-

Per respectum ad agens, dicitur potentia passiva creaturæ, naturalis, vel supernaturalis.

dum infundendi. At per habitudinem ad agens naturale vel supernaturale, formæ illæ inducerentur naturaliter vel supernaturaliter. Ergo reciperentur quoque naturaliter vel supernaturaliter. Et ita naturalitas & supernaturalitas potentia passiva creaturæ, sumi debent ex habitudine ipsius ad agens.

Quid sit potentia obedientialis.

Non immoror in explicanda potentia obedientiali; tùm quia spectat ad Theologos, tùm quia est tantùm aliqua species potentia supernaturalis, tùm quia de ea, pauca habet Doctor Subtilis. Moneo tantùm potentiam obedientialem ex Scoto 9. Metaphysic. q. 12. esse eam quæ creatura perfectissimè constituitur sub imperio & dispositione agentis supernaturalis; ita quod nihil aliud dicat quàm subiectionem respectu eiusdem agentis potentis de obediēte facere quod vult. Specialiter autem explicat ibidem, idem Doctor potentiam obedientialem materiæ, his verbis: *Videtur dicendum quod cum forma naturales habeant ordinem necessario in succedendo sibi inuicem in materia, secundum quod manifestum est ad sensum, & aliqui accipiunt ab Aristotele 8. huius, cap. 4. De vino & aceto, &c. Cuius tamen propter quid, difficile esset assignare; oportet dicere quod materia ut est sub una forma, non est nata transmutari immediatè ad quamcunque, sed ad determinatam. Sed quis ordo ille non est necessarius, nisi in quantum materia transmutatur ab agente naturali, cuius virtuti non subijcitur ille ordo; idèò hic habet locum potentia obedientialis, secundum quam, materia cuiuscunque*

forma capax est immediatè, post quamcunque, per transmutationem ab agente cuius virtuti subest dictus ordo. Itaque præcisè per respectum ad efficiens, non est nisi duplex potentia in materia, quia vel limitatè subijcitur agenti, quantum scilicet primò ad formas determinatas; & secundo quantum ad modum determinatum recipiendi illas ab omni, puta per medium talem vel talem; & tertio quantum ad ordinem determinatum recipiendi hanc post illam. vel illimitatè subijcitur, scilicet quantum ad receptionem cuiuscunque perfectibilis in esse; & quocunque modo; & quocunque ordine. Prima potentia dicitur naturalis; quia natura est determinata ad aliquod vel ad aliquam, secunda dicitur obedientialis, quia illa est quæ materia subijcitur agenti tali & perfectè. Hæc Scotus: Ex quibus patet nostrum Ioannem de Rada malè docuisse ex Scoto hic, potentiam obedientialem reduci vel ad potentiam supernaturalem, vel ad potentiam naturalem ex habitudine ad agens desumptam, ut habet in 1. contr. 1. art. 1. Nam ex hæcenus dictis, potentia obedientialis non dicitur nisi ex habitudine ad agens, cuius virtuti subest illimitatio inductionis formarum, inuersio modi & ordinis receptionis earundem; quale est solum agens supernaturale. Adde quod disertè Scotus habet in 3. dist. 1. q. 4. in principio. potentiam obedientialem in creatura respicere duntaxat efficientiam primi efficientis, & non aliam potentiam actiuam.

QVÆSTIO V.

*Vtrum omnipotentia acti-
ua correspondeat passi-
ua proportionata; &
vice versa?*



PRENOTANDUM
primò poten-
tiam actiuam
esse duplicem,
scilicet increa-
tam & crea-
tam, vt dictum est.

Potentia
passiua
duplex.

Prænotandum 2. potentiam
passiuam prout spectat ad præ-
sens institutum, esse etiam dupli-
cem, scilicet realem & obiecti-
uam. Potentia passiva realis, est
principium transmutationis ab
altero, vt dicit Aristoteles, vel
principium actuandi passiuè ab
actu actiuo; aut principium actua-
bile, siuè informabile ab actu seu
à principio actuali, vt dicit Sco-
tus 9. Metaphysic. qu. 4. Potentia
obiectiua est differentia vel
proprietas quædam entis, secun-
dum quam aliquid censetur ob-
iectum & terminus possibilis
potentiæ diuinæ, quæ propterea
non dicitur passiva, quod sit prin-
cipium patiendi vel recipiendi
aliquid in aliquo iam existente,
sed quod respiciat potentiam
actiuam diuinam, tanquam pro-
prium correlatiuum eius.

Natura
qua-
tuor
modis
sumi-
tur.

Prænotandum 3. naturam
quantum spectat ad præsens ne-
gotium sumi multis modis: Pri-
mò pro differentia vel propieta-
te agentis naturalis, quâ distin-

guitur ab agente supernaturali.
Secundò pro principio intrinseco
motus vel quietis, prout descri-
bitur 2. Physic. Tertiò pro prin-
cipio actiuo naturaliter, quatenus
natura distinguitur contra artem
siue propositum, propter opposi-
tum modum principiadi. Quar-
tò deniq; pro toto ambitu entis,
quomodo solemus dicere hoc
vel illud esse, vel non esse in re-
rum natura. Et hæc quidem ac-
cipiuntur à Scoto qu. 1. Prologi,
& in 4. dist. 43. qu. 4. & alibi.
His positis, sit

Prima Conclusio.

VNiuerſim loquendo, non
omni potentiæ actiue cor-
respondet passiva proportiona-
ta, saltem propriè dicta. Con-
clusio est Doctoris Subtilis in 1.
dist. 5. quæst. 2. circa finem. Et
ratio est: Quia omnipotentia di-
uina est potentia actiua; & ta-
men illi non correspondet pas-
siua propriè dicta; scilicet, vel
in quam, vel de qua, vel ex qua
aliquid producat, quia creat ex
nullo præexistenti subiecto: Ergo
non omni potentiæ actiue cor-
respondet passiva proportiona-
ta, saltem propriè loquendo de
potentia passiva. Quod dico pro-
pter potentiam obiectiuam, quæ
dici potest aliquo pacto poten-
tia passiva correspondens po-
tentiæ actiue diuinæ: sed illa
non est propriè potentia passiva,
vt constat. Multò minùs cor-
respondet potentia passiva ad
intrà, quia in Deo nulla est po-
tentia passiva, vt docet Scotus in
1. dist. 17. q. 2.

Non
omni
potentiæ
actiue
corres-
pondet
passiva
pro-
por-
tio-
nata.

Secunda

Secunda Conclusio.

Omni potentia actiua creatæ correspondet aliqua passiva proportionata. Ratio conclusionis est in promptu quia; omnis potentia actiua creata, agit vel ex aliquo, vel in aliquid, & omnis actio eius recipi debet in aliquo subiecto: Illud autem est potentia passiva correspondens potentia actiua: Ergo omni potentia actiua creatæ, correspondet passiva proportionata.

Tertia Conclusio.

Non omni potentia passiva correspondet actiua proportionata, saltem in eodem ordine. Conclusio est Doctoris Subtilis qu. 1. Prologi, & in 4. dist. 43. qu. 3. ad argumenta principalia: & ratio est a nobis superius insinuata, quia in creatura est potentia passiva naturalis respectu formarum supernaturalium; & tamen huic potentia non correspondet actiua naturalis, quia formæ supernaturales inducuntur tantum ab agente supernaturali, cum propter sui eminentiam & excellentiam non subiint causalitati agentis naturalis: Ergo non omni potentia passiva correspondet actiua proportionata, & in eodem ordine, quia naturali non correspondet naturalis. Nec ideo frustra est illa potentia in natura creata, quia in tota coordinatione entium correspondet illi aliqua actiua. Aliiter iterum probari posset ista conclusio, nimirum exemplo matæ primæ, cuius capacitas &

potentia est penè infinita, quippe ex qua possent innumera alia corpora, puta alia elementa, & alij cæli constitui: cui tamen potentia non correspondet actiua naturalis, prout naturale opponitur supernaturali; quia nullum agens naturale hoc pacto, potest ista procreare ex materia, ut per se notum est.

Quarta Conclusio.

Non omni potentia passiva naturali correspondet actiua naturalis, sumendo potentiam actiuam pro potentia agentis naturalis necessitate. Doctor Subtilis in 4. dist. 43. affirmat hanc conclusionem esse contra Philosophos, quia docebant nullum esse passum in natura cui non corresponderet primū efficiens: At primum efficiens volebant agere necessitate naturali ad extra: Ergo potentia passiva naturali volebant correspondere actiuam naturalem; sumendo naturale pro agente naturali necessitate: Falsitas agem huius rei apparet ex communi consensu Theologorum, & ex fide ipsa, qua docemur primum agens agere ad extra liberè.

Quinta Conclusio.

Non omni potentia passiva naturali correspondet actiua naturalis, sumendo naturam pro principio intrinseco motus & quietis. Conclusio est Doctoris qu. 1. Prologi. Et ratio est, quia multa sunt, inquit, naturaliter receptiua alicuius perfectionis, cuius non habent principium in-

Non omni potentia passiva naturali correspondet actiua naturalis, sumendo naturale pro agente naturali necessitate.

Non omni potentia passiva naturali correspondet actiua naturalis.

lis, sumendo naturam ut est principium motus & quietis.

trinfecum actuum: quomodo, v. g. materia prima habet in se principium passiuum intrinsecum formarum; neque tamen habet principium intrinsecum actuum illi correspondens, quia non ab intrinseco, sed ab extrinseco agente inducuntur formæ in materiam.

Circa hanc conclusionem incidit aliqua difficultas ex doctrina Scoti: Docet enim in 2. dist. 18. definitionem, quam Arist. tradit de Natura 2. Physic. ut sit principium motus & quietis, esse intelligendam de principio passiuo; quia nimirum significat naturalem inclinationem rei naturalis ad motum, & ad quietem; qualis est, v. g. natura rei grauis, quæ inclinatur naturaliter ad motum & ad quietem in centro. Hic autem sumit naturam pro principio actiuo intrinseco. Sed dico quod Doctor hic non intendit eponere Aristotelem; sed intendit tantum loqui de principio actiuo naturali, quodcumque illud sit. Sicut dicimus quod gratia non tantum dicuntur entia naturalia, quia habent naturalem inclinationem ad motum & ad quietem, sed etiam quia habent principium intrinsecum sui motus & quietis, ut patet ex his quæ habet in 2. dist. 2. qu. 10.

Prima Conclusio.

Quo sensu omni potentia passiuæ naturali

Cuilibet potentia passiuæ naturali correspondet actiuæ naturalis, sumendo naturale pro eo omni quod continetur in toto ambitu entis. Probat: Quia aliàs esset frustra potentia

passiuæ cui nulla corresponderet actiuæ: Ergo saltē in toto ambitu Entis, debet dari aliqua potentia actiuæ, quæ correspondeat potentia passiuæ naturali: Vñ autem obtinuit, ut ille totus entis ambitus natura diceretur; Ergo cuilibet potentia passiuæ naturali, correspondet aliqua actiuæ naturalis, sumendo naturam pro toto ambitu entis. Ita philosophatur Scotus locis citatis.

QVÆSTIO VI.

An detur aliqua potentia purè actiuæ; & aliqua purè passiuæ; & aliqua mixta ex vtraque; & aliqua quæ nullius istorum rationem habeat?



PRENOTANDVM Quid 1. potentiam illam esse purè actiuam, quæ est vel elicitiua, vel productiua, vel effectiua sua.

actus, & non receptiua eiusdem; potentiam verò illam esse purè passiuam, quæ è contrario est receptiua actus alicuius, & nullo modo productiua eiusdem; Potentiam denique illam esse mixtam ex vtraque, quæ tum agendi, tum recipiendi capax est.

Prenotandum 2. quæstionem propositam esse intelligendam transcendenter, & respectu totius ambitus entis; non verò prædicamentaliter & respectu

Quo sensu sit intelligenda Quæstio.

alicuius determinati generis, putà qualitatis, in qua docent communiter Philosophi nullam esse potentiam purè passiuam, quippe cum vt patet inductione, nulla reperiatur qualitas, quæ naturà suà sit tantum ordinata ad patiendum & recipiendum. His politis, sit

Prima Conclusio.

Dantur aliquæ potentie purè actiue. Patet imprimis exemplo potentie actiue diuinæ, quæ purè & simpliciter actiua est, & nullo modo passiuæ. Patet secundo exemplo quarundam aliarum potentiarum creaturarum, quæ naturà suà ordinatæ sunt ad agendum, & nullo modo ad patiendum, vel recipiendum saltem illos actus quos eliciunt, vel illos effectus quos produciunt. Huius conditionis sunt v. g. vis attractiua magnetis, & intellectus agens, vt sic.

Secunda Conclusio.

Dantur quædam potentie purè passiuæ. Patet exemplo materie primæ, quæ est in potentia purè passiuæ, & quæ nullam ex se habet virtutem producendi vel emittendi ex proprio gremio vllam formarum quas potestate continet; sed tantum virtute agentis.

In prædicamento qualitatis, nulla datur qualitas purè passiuæ. Occasione autem huius veritatis; queri potest vterius rationabiliter, num sistendo in determinata categoria qualitatis, assignari possit etiam aliqua potentia purè passiuæ? Cui breuiter respondetur negatiuè. Hactenus enim nulla qualitas assignata est

quæ sit purè passiuæ. Et ratio reddi potest; quia substantiæ tum spirituales, tum corporeæ per se immediatè sunt receptiue suarum perfectionum, absque eo quodd illis superaddatur aliqua qualitas solum ex natura sua, ordinata & determinata ad recipiendum istas perfectiones. Negari quidem non potest quin dentur aliquæ qualitates dispositiue subiectorum suorum; ac per hoc ordinatæ ad receptionem; sed illæ non sunt purè passiuæ, imò verò non ordinantur ad receptionem nisi actiue, quia agunt disponendo subiecta quorum sunt qualitates dispositiue.

Obijci posset 1. Aristoteles 2. de Generatione, vbi dicit humiditatem & siccitatem esse qualitates passiuas, sicut calor & frigus sunt qualitates actiue. Sed respondetur ipsum non absolutè, sed comparatè esse intelligendum: Quodd nimirum comparatione caloris & frigoris, quæ sunt valdè actiue, sint potius passiuæ quàm actiue. Denique siccitas & humiditas non sunt qualitates, quæ in sese recipiant alias qualitates, vel formas quibus actuentur; in quo propria ratio potentie passiuæ consistit, sed disponunt materiam ad receptionem formæ substantialis, vel aliorum etiam accidentium, & sub ea ratione, passiuæ vocantur, non quidem passiuæ potentie, sed passiuæ qualitates, quæ ad tertiam speciem pertinent, vt dicit Suarez.

Obijci potest iterum diaphaneitas, quæ in aëre est potentia purè passiuæ ad recipiendum lumen. Sed respondetur esse qui-

Obiectio 1. Solutio. Humiditas & siccitas nō sunt qualitates passiuæ simpliciter, sed tantum comparatè.

Obiectio 2. Solutio.

dem dispositionem aëris respectu receptionis luminis, non esse tamen propriam potentiam receptivam luminis, neque ad hunc finem institutam esse ex natura sua. Cuius signum est, quia illa proprietas connaturalis est multis corporibus, quæ neque naturam suam habent lumen innatum, neque ad suum connaturalem statum, illud postulant, ut de aëre constat, & vitro, & alijs corporibus.

Tertia Conclusio.

Dantur potentiae quaedam mixtae ex actiua & passiva. Probatur exemplo facultatum vitalium, quæ sunt cum in substantijs spiritualibus, tum in substantijs corporeis viventibus & sensibilibus: illæ siquidem sunt eliciivæ quorundam actuum, & receptivæ eorundem: sic sunt facultates intellectiua, visiva, & aliæ, quæ à Philosopho dicuntur potentiae passivæ, non quod pure passivæ sint; sed quia non tantum sunt actiivæ, sed præterea passivæ, & quia earum ultima perfectio potius in passione, quam in actione consistit: v. g. Ultima perfectio intellectus potius in receptione intellectiionis, quam in elicitione eiusdem consistit; quia in receptione intellectiionis informatur & perficitur tandem suam nobilissimam operationem. Distinctio verò quæ intercedit inter duas istas rationes agendi & recipiendi in eadem potentia, non est distinctio realis, quia non est inter entitates separatas vel separabiles, vel inter rem & rem;

non est etiam distinctio solum rationis, quia est in ipsa potentia ante omne opus intellectus; intellectus enim possibilis v. g. & intellectus agens, vel intellectus possibilis, ut est eliciivus intellectiionis (si modò sit eliciivus intellectiionis, & non potius intellectus agens) & isdem ut receptivus eiusdem intellectiionis: Item facultas visiva ut eliciiva visionis, & ut receptiva eiusdem, distinguuntur ante operationem intellectus. Restat ergo, ut huiusmodi distinctio sit formalis & ex natura rei, quatenus scilicet potentia agendi & potentia patiendi, in eadem numero facultate, suis rationibus formalibus distinguuntur.

Ultima Conclusio.

Dantur aliqua potentia, quæ nec actiua nec passiva est, v. g. Illa est potentia resistiva, ut durities v. g. in ferro vel lapide, quæ resistunt ista corpora actiivitati agentium naturalium; & de ista potentia loquitur Aristoteles 9. Metaphysic. cap. 1. Per hanc autem potentiam resistivam, non intelligitur ea quæ per propriam aliquam actiivitatem resistit suo contrario; qualis est potentia frigoris, quæ resistit caloris actiivitati; hæc enim potentia resistiva est actiiva, ut patet: sed intelligitur potentia resistiva formalis, quæ nimirum aliquid resistit alteri, per aliquam formalem repugnantiam, & impossibilitatem cum ipso; quam ex eo constat non esse actiivam, quia reperitur etiam in ijs rebus, quæ nullam habent a-

Datur aliqua potentia quæ nec est actiiva nec passiva, nimirum potentia resistiva.

An potentia actiua & passiua sunt in omni Ente. 477
 tionem, vt in rebus quantita-
 tiuis, eo ipso quia quantitatiue
 sunt. addi, à quo perficiatur. Huius con-
 ditionis sunt relationes fortè.
 His positis, sit

Prima Conclusio.

QVÆSTIO VII.

*Vtrum potentia actiua &
 potentia passiua repe-
 riantur in quolibet En-
 te?*



As difficultates
 excitat Doctor
 Subtilis 9. Me-
 taphysic. qu. 6. 7.
 & 10. Pro qua-
 rum solutione,

Poten-
 tia acti-
 ua su-
 mitur
 duobus
 modis.

Prænotandum primò actio-
 nem potentie actiue sumi pos-
 se duobus modis, scilicet impro-
 prie, & proprie. Actio impro-
 prie sumpta est effectus formalis
 vniuscuiusque forme, siue sub-
 stantialis, siue accidentarie, siue
 actiue, siue expertis virtute acti-
 ua; quo pacto, inquit Scotus,
 dicitur à D. August. actio ab-
 soluta. Et huius conditionis est
 etiam effectus formalis quanti-
 tatis, scilicet esse quantum, quod
 est ab ipso effici seu reddere quan-
 tum, tanquam ab aliqua efficien-
 tia, & ratione agendi improprie
 dicta.

Prænotandum 2. entium aliud
 esse perfectissimum & simplicis-
 simum, cui propter summam sim-
 plicitatem & perfectionem repu-
 gnat aliquid addi: Aliud esse im-
 perfectissimum, cui propter sum-
 mam imperfectionem & sterili-
 tatem repugnat aliquid etiam

Non est potentia actiua tam
 proprie quam improprie Poten-
 sumpta in quolibet Ente; tamen tia acti-
 potentia actiua improprie sum- ua non
 pta in pluribus entibus reperi- reperi-
 tur, quam potentia actiua prop- tur in
 prie sumpta. Prior pars conclu- quolibet
 sionis probatur. In materia en- te.
 prima v. g. nulla est potentia acti-
 ua, neque formalis seu impro-
 prie dicta, neque effectiua vel
 productiua & proprie dicta, vt
 patet. Ergo non in quolibet en-
 te reperitur potentia actiua hoc
 vel illo modo sumpta. Altera
 pars conclusionis probatur; quia
 in multis entibus reperitur po-
 tentia actiua improprie sumpta
 prout à nobis explicata est, in
 quibus tamen non reperitur po-
 tentia actiua proprie sumpta: v. g.
 in quantitate reperitur prior po-
 tentia, quia quantitas præstat
 suum effectum formalem in eo in
 quo est, absque vera & propria
 actiuitate; non enim adæquat
 sibi aliud quantum sibi proximi-
 mum. Sic durities præstat effe-
 ctum suum formalem in eo in
 quo est, absque etiam propria
 actiuitate, quia non indurat aliud
 subiectum durum sibi proximum.
 Ergo potentia actiua improprie
 sumpta in pluribus entibus re-
 peritur, quam potentia actiua
 proprie dicta.

Si quæras in quibus tandem
 entibus inueniatur potentia acti-
 ua proprie dicta? Respondet
 Scotus quod maximè in substan-

OOo iij

tij, & qualitatibus. Ponit enim ille non modò qualitates, putà calorem & frigus esse actiuas, sed etiam substantias, putà ignem cuius est ignire, sicut & caloris calefacere: Quod probat 9. Metaphysic. quæst. 7. tùm quia hoc perfectionis est in substantia, & ei non repugnat; tùm quia à posteriori videmus substantias generari: Ergo à substantijs generantur: Aliàs si generarentur ab accidentibus, daretur aliquis effectus æquiuocus nobilior sua causa; quod tamen est impossibile.

Secunda Conclusio.

Potentia passiva non reperitur in quolibet ente.

Potentia passiva non reperitur etiam in quolibet ente. Patet de Deo, in quo propter summam perfectionem, & simplicitatem nihil potest recipi. Quod spectat ad relationes, & ad alia quædam accidentia; non ita clarum est in illis non esse potentiam passiuam; quapropter Scotus etiam dubitauit de illis loquitur, & resoluit tandem in relationibus non esse potentiam passiuam ordinatam ad receptionem alicuius perfectionis, quippe cuius relationes non sunt capaces; esse tamen potentiam passiuam receptionem suarum propriarum passionum, qualescumque illæ sunt.

QVÆSTIO VIII.

Quomodo potentia & actus se habeant ad inuicem?



Solutio. Vnus examinaturi præsentis quæstionis, habitudines correspondentiæ, prioritatis, vel

simultatis, & alias, quas potentia & actus habent ad inuicem: Sed priusquam illas aggrediamur,

Prænotandum 1. vel potius repetendum ex dictis, aliam esse potentiam obiectiuam, & aliam realem; & realem quidem, aliam esse actiuam, & aliam passiuam, tùm Physicè, tùm Metaphysicè loquendo; ita ut non illa sola potentia dici debeat actiua, quæ agit per motum; sed quæ quouis modo producit vel emittit à se perfectionem aut actum aliquem; quo modo Doctor Subtilis sæpius docet subiectum esse potentiam actiuam respectu proprietatum quæ ab ipso oriuntur. Et similiter non ea solùm potentia sit passiva, quæ recipit per motum vel per mutationem aliquam Physicam, formam realem & Physicam, quò pacto materia recipit formam, vel paries albedinem: sed etiam quæ quouis modo recipit aliquem actum, à quo perficitur; quo modo etiam in Metaphysicis dantur potentiæ passivæ.

Quo-
tuplex
sit po-
tentia
actiua

Prænotandum 2. potentiam omnem ordinari naturâ suâ ad aliquem actum; & vice versâ omnem actum incompletum & perfectiorem respicere aliquam potentiam tanquam suum proprium perfectibile. Dico omnem actum incompletum & perfectiorem, quia sunt aliqui actus completi & subsistentes, qui non sunt ordinati ad aliud perficiendum, vt sunt v. g. Deus & Intel. ligentia.

Quomodo potentia & actus comparantur adinuicem.

Prænotandum 3. quamlibet potentiam & quemlibet actum posse adinuicem comparari, vel ratione perfectionis, vel ratione cognitionis, vel ratione durationis, vel ratione generis. Tres priores habitudines sunt habitudines prioritatis, ita vt determinandum sit vtrum horum, scilicet actus vel potentia, sit prius altero perfectione, cognitione, & duratione. Posterior verò est habitudo veluti identitatis, quâ determinari solet vtrum actus & potentia sint eiusdem generis, & quomodo, & de quo actu & potentia hoc sit intelligendum. His positis, sit

Prima Conclusio.

Omnipotentiæ correspondet semper per aliquem actum.

OMni planè potentia, quæcumque illa sit, correspondet semper aliquis actus, patet discurrendo per singulas. Nam imprimis potentia obiectiua correspondet actus entitatiui, potentia actiua correspondet actus vel productus, vel fluens, aut emanans. Potentiæ denique passiue correspondet actus receptus & perficiens.

Quod spectat ad correspondentiam actus entitatiui poten-

tiæ obiectiue, nihil occurrit de nouo dicendum: Superius enim explicauimus quo modo sese habeant ad inuicem.

Circa correspondentiam actus producti, vel fluentis, aut emanantis potentia actiua: obseruandum est, vel ipsammet actionem, vel terminum eius dici posse actum correspondentem potentia actiua, verius tamen actio est ille actus, quàm terminus eius; quia potentia actiua, non tam intrinsicè habitudine respicit terminum suæ actionis, quàm suam actionem.

Circa correspondentiam actus recepti & perficientis potentia passiua: obseruandum est similiter, tùm passionem ipsam, tùm terminum productum ab agente, dici posse actum correspondentem ei. Id tamen verius est de termino producto ab agente, quàm de ipsa passione; quia potentia passiua magis intrinsicè habitudine, & maiori determinatione, ordinata est ad actum perfectiorem ipsius, quàm ad passionem quâ patitur illum recipiendo. Hinc secùs philosophandum est de potentia passiua, respectu effectus recipiendi, & suæ passionis, quàm de potentia actiua respectu suæ actionis ac termini eius.

Insuper potentia passiua comparatur ad actum suum, tanquam proprium perfectibile ad proprium perfectiorem, quod proinde debet in se recipere, per veram & physicam inhesionem; potentia autem actiua comparatur ad actum suum, non tanquam perfectibile ad perfectiorem, quia actus potentia actiua, non est

actus informans, aut actuans ipsam; quatenus enim informat & actuat ipsam, amplius non habet rationem potentie actiue, sed potentie passiuę; unde potentia passiuā est potentia receptiuā, perfectibilis, informabilis, actuabilis: Potentia autem actiua est potentia productiua, perfectiua, transmissiua; & si ita fari liceat, fluxiua & dimanatiua.

Quomodo distinguuntur actus & potentia.

Quomodo verò distinguantur ab inuicem actus isti & potentie, metiendum est iuxta naturam & conditionem illorum; & quidem primò, actus entitatus & potentia obiectiua non distinguuntur realiter, nec etiam formaliter actualiter; quia omnis talis distinctio intercedit semper inter externa actualia, vel habentia distinctas existencias, vel habentia distinctas formalitates: At actus entitatus & potentia obiectiua non sunt externa actualia; ideoque distinguuntur dumtaxat realiter negatiuè, quatenus scilicet actus entitatus est res aliqua actualis, & potentia obiectiua nihil: Potentia actiua verè & propriè effectiua, & actus eius distinguuntur realiter, quia non est verè efficiencia nisi inter ea, quę distinguuntur realiter. Dixi, verè & propriè effectiua, quia potentie effectiue dimanatiue, & non propriè effectiue, & actus earum habentes esse per putam quandam dimanationem, non distinguuntur realiter, vt patet de subiecto & suis propriis passionibus; v.g. de homine & risibilitate.

Idem dicendum est de poten-

tia passiuā & suo actu: quandoque enim distinguuntur realiter, quandoque non. Distinguuntur realiter, quando actus potentie passiuę introducit per veram aliquam efficientiam, quomodo, v.g. paries & albedo, materia & forma distinguuntur: sed non distinguuntur realiter, quando actus non habet esse per veram aliquam efficientiam, vt v. gr. proprietates quatenus recipiuntur tanquam actus perfectiui in subiecto, cuius sunt proprietates.

Secunda Conclusio.

Actus entitatus est prior potentia obiectiua, perfectione & cognitione; non tamen duratione. Prior pars patet; quia quod est, perfectius est, quàm quod non est; imò absolute loquendo, quod non est, nullo modo perfectum est: sed actus entitatus est id quod est; potentia autem obiectiua id quod non est: Ergo actus entitatus est perfectior prior potentia obiectiua.

Quomodo actus entitatus & potentia obiectiua comparantur adinuicem ratione perfectionis & cognitionis.

Secunda pars etiam probatur, quia quò plus aliquid habet de entitate, eò plus habet de cognoscibilitate: Ergo simpliciter id quod est; est magis cognoscibile quàm quod non est; imò verò cognoscimus ea quę non sunt, dumtaxat per: ea quę sunt: Ergo cum actus entitatus sit simpliciter id quod est, & potentia obiectiua id quod non est, nisi possibiliter: Hinc fit, vt actus entitatus sit prior cognitione potentia obiectiua.

Tertia pars probatur, quia res omnes extra Deum, secundum suum

suum esse reale inceptum in tempore; ab æterno autem habuerunt esse in potentia obiectiua: Ergo actus entitativus non est prior duratione potentia obiectiua. Dico, non est, de facto; quia si loquamur de possibili, omnis res extra Deum fortassis fuit possibilis ab æterno, & si Deus condidisset eam ab æterno, potentia obiectiua non fuisset prior duratione actu entitativo.

Tertia Conclusio.

Quomodo potentia actiua & actus eius se habeant ad invicem ratione perfectionis, cognitionis & durationis.

Potentia actiua est prior perfectione & natura, suo actu; non tamen cognitione, respectu saltem omnis cognitionis. Prior pars probatur, quia actus potentia actiue, vel est actio eius, vel terminus ipsius actionis. Sed utrumque est vel minus perfectum, vel saltem neutrum est perfectius potentia actiua; & eodem maxime, quia neutrum perficit potentiam actiuam, quatenus potentia actiua est. Ulterius vero, si potentia actiua sit uniuocum suo actu, & actus habeat æqualem perfectionem cum sua potentia; ex hoc tamen solo quod potentia dedit esse suo actui, erit perfectior ipso: Ergo potentia actiua est prior perfectione suo actu.

Secunda pars probatur, quia rectè sequitur: Actus est, Ergo potentia actiua est: Tamen non sequitur; Potentia actiua est: Ergo actus est. Præterea actus potentia actiue est à potentia actiua, tanquam à suo principio, à quo mutuatur suum esse; quæ omnia indicant potentiam actiuam esse priorem saltem na-

turæ suo actu. Dico, saltem naturæ, quia multæ sunt potentia actiue, quæ non præcedunt duratione suos actus, ut potentia generandi in Deo, illuminandi in sole, calefaciendi in igne. Quædam etiam sunt quæ duratione præcedunt suos actus, ut potentia deambulandi, vel videnti, vel ratiocinandi in homine.

Tertia pars probatur; quia plerumque deueuimus in cognitionem potentiarum actiuarum per suos actus: Ergo saltem respectu cognitionis nostræ, potentia actiua non est prior cognitione, suo actu. Negari tamen non potest quin si spectentur ista secundum suas naturas, potentia actiua sit etiam prior cognitione suo actu, quia est absolutior suo actu, minusque ab ipso dependet, quam actus ab ipsa.

Quarta Conclusio.

Actus potentia passiuæ, est prior perfectione, & cognitione eadem potentia passiuæ, non tamen duratione. Prior pars probatur; quia actus potentia passiuæ est proprium perfectiuium ipsius, & potentia passiuæ perfectibile à tali perfectiui. Quod dico de omni planè actu informante & actuante potentiam passiuam, siue ille bonus, siue malus sit; quia hic non loquimur de perfectione morali, quæ soli actus boni perficiunt; sed de perfectione naturali, quæ omnis actus informans, cuiuscunque sit conditionis, dicitur perficere, quia naturaliter loquendo, melius se habet potentia passiuæ

Quomodo potentia passiuæ & actus eius se habeant ad invicem ratione perfectionis, cognitionis & durationis.

sub tali actu, quàm sine eo. Ex quo tamen non habetur actum potentie passivæ, debere esse perfectius Ens, quàm sit ipsa potentia: Constat enim esse plerumque Ens minus perfectum, ut patet in qualitatibus, & alijs accidentibus, quæ informant & actuant substantias, sed eâ tantum ratione, dicitur actus potentie passivæ prior perfectione eadem potentia, quia illam perficit non addendo rationem entitativam perfectiorem, sed nobilius afficiendo ipsam entitatem potentie passivæ, quæ melius se habet sic affecta, quàm non affecta.

Secunda pars probatur auctoritate Aristotelis 9. Metaphysic. & Doctoris Subtilis varijs in locis, quâ dicitur potentias cognosci per actus, & non actus per potentias; quod intelligunt de potentia passiva, & suo actu: Et ratio est in promptu, quia potentia passiva est potentia naturâ suâ expectativa; ideoque definiri & cognosci non potest nisi per illud quod respicit & expectat.

Dicunt hic aliqui potentiam passivam specificari ab actu suo; non quidem vt ab intrinseca differentia, sed vt à termino intrinsece habitudinis potentie ad actum; quod quidem si dicatur de potentia passiva secundum naturam suam spectata, falsum est; si verò secundum cognitionem & innotescentiam, ut loquuntur nostri, verum est.

Tertia pars probatur; quia actus potentie passivæ necessariò præ-supponit ipsam potentiam passivam, tanquam id in quo recipiatur: Ergo non potest esse

prior duratione, ipsâ potentia passiva.

Noster Antonius Andreas proponit unicam difficultatem 9. Metaphysic. qu. 3. circa secundam partem huius conclusionis, & hæc est: Illud est prius aliquo definitione & cognitione, per quod aliud debet definiri: sed non solum potentia definitur per actum, sed actus per potentiam, quia sunt correlatiua; correlatiua autem definiuntur & cognoscuntur per se inuicem: Nam secundum Porphyrium, oportet in correlatiuis, in utrorumque rationibus, utrisque uti: Ergo actus & potentia passiva erunt simul cognitione & definitione. Ut autem huic difficultati satisfaciat; docet opposita relatiue esse in duplici differentia, nimirum aliqua quæ mutuo, & alia quæ non mutuo referuntur. Illa quidem mutuo referuntur, inquit, quorum utrumque habet habitudinem per se ad alterum; non mutuo referuntur illa, quorum vnum per se habet habitudinem ad alterum, & non è conuerso. Quo posito, ad propositum dicit, quod actus & potentia non opponuntur relatiue primo modo; nam cum talia sint simul naturâ & definitione, sequeretur quoddam actus non esset prior ratione quàm potentia; nec ratio potentie sumeretur potius ab actu, quàm è conuerso, quod est contra Philosophum in litera: Opponuntur autem secundo modo; nam potentia dicit ordinem ad actum, sed non è conuerso: ratio enim actus est absoluta; & quia potentia passiva naturaliter dependet ab actu, & non è conuerso; ideo

Obiectio.

Solutio.

Quare actus & potentia passiva non definiuntur per se inuicem.

definiri debet per actum, & non è conuerso. Quare ad argumentum respondetur, negando minorem; & ad probationem dicendo Porphyrium loqui de correlatiuis mutuis, cuius naturæ non sunt actus & potentia passiva.

Ultima Conclusio.

Axioma illud, nimirum quoddam *Actus & potentia sunt eiusdem generis*, intelligi non potest de potentia actiua vel passiua, nec de actibus illis correspondentibus, sed solum de potentia obiectiua, & actu entitatiuo. Conclusio est Doctoris Subtilis in 2. dist. 16. quæst. vnicâ, §. *Rationes istæ*. Et probatur imprimis de potentia actiua, quæ plerumque est effectiua rei diuersi generis ab ipsa. Nam secundum Aristotelem 7. Metaphysic. infine, Substantia est immediatè effectiua accidentis, & tamen substantia & accidens non sunt eiusdem generis.

Idem patet de potentia passiva & suo actu; nam accidens aliquod immediatè recipitur in substantia, & color in superficie, & tamen ista receptiua & actus recepti non sunt eiusdem generis.

Franciscus Suarez tom. 1. Metaphysic. disp. 14. sect. 5. num. 13. nititur ostendere aliquas potentias passivas, esse eiusdem generis cum suis actibus, illas nimirum quæ per se primò institutæ & ordinatæ sunt ad tales actus, cuiusmodi sunt materia respectu

formæ substantialis, grauitas respectu motus deorsum, vel permanentiæ in ipsomet loco deorsum, & intellectus respectu eliciationis & receptionis intellectiæ. Sed istæ probationes sunt valdè diminutæ: Imprimis enim dubium est an intellectus sit qualitas, vt propterea dicatur esse eiusdem prædicamenti cum intellectu quam recipit; imò absolutè negamus ipsum esse qualitatem. Aliud de grauitate potius oppositum ostendit, quia grauitas & permanentia in loco deorsum, seu in vbi deorsum, non sunt eiusdem generis & prædicamenti, vt patet. Quod spectat ad materiam, & ad formam substantialem, conuenio esse eiusdem generis; sed vnica instantia non constituit generale quoddam axioma.

Altera pars conclusionis apud neminem vertitur in dubium. Illam etiam approbat Suarez loco citato, & probatur hoc exemplo: Antichristus v. g. in potentia obiectiua, est non modò eiusdem generis, sed etiam eiusdem speciei & numeri, vt loquitur Scotus, cum seipso actualiter existente. Ergo potentia obiectiua, & actus entitatiuus non modò sunt eiusdem generis, sed etiam eiusdem speciei, & numeri.

Contra hoc nihil dicitur, nisi quoddam hæc interpretatio accom-
modari non potest menti Aristotelis, qui 9. Metaphysic. varias numerans potentias acceptiones, nunquam meminit illius potentie obiectiue. Ita Suarez.

De qua
potentia
& de
quo a-
ctu sit
nelli-
gendum
quodd
potentia
& actus
sint eius-
dem ge-
neris.

Sacrisse-
Frâcis-
co Sua-
reæ.

Sed manifestè refellitur ; quia Aristoteles 9. Metaphysic. cap. 6. disertè meminit illius potentia, eùm dicit : *Est autem actu ipm existere, non ita quemadmo-*

dum dicimus potestate. Vbi nomen potestatis seu potentia, significat potentiam obiectiuam, licet annexam cum subiectiua, vt sentit Scotus.

*Et hæc de actu & potentia, ac de omnibus
principijs & proprietatibus Entis
dicta sufficiant.*





F. M A R T I N I
MEVRISSE ROYENSIS,
ORDINIS MINORVM, DOCTO-
RIS ET PROFESSORIS THEOLOGI
Parisiensis, Rerum Metaphysicarum

LIBER TERTIVS,
QVI EST DE PRÆCIPVIS
Partibus Entis.

PRÆFATIVNCVLA.



ME^TAPHYSICA contemplari cū-
tūm non debet
Ens ipsum; sed
etiam ea quæ
per se illi in-
sunt, nec non
aliquas partes eius subiectivas;
illas nimirum quæ tūm separa-
tis à materia, tūm coniunctis cum
materia sunt communes. Ideo-
que examinatis, duobus superio-
ribus libris, ijs quæ tūm ad na-
turam Entis, tūm ad naturam
propriæ eius pertinent;

supet est vt de illis Entis partibus
quæ sunt propriæ consideratio-
nis eius differamus. Erit autem
breuissimus hic Liber, quia cate-
ræ scientiæ partem Entis absin-
dentes, vt loquitur Aristoteles,
de ea considerant; idcirco ne
excurrat Metaphysica extra pro-
prios limites, & ne cum alijs
scientijs confundatur; assignatis
omnibus scientijs inferioribus,
proprijs materijs & obiectis; il-
las tantūm partes entis expli-
cabit, quæ sunt per se sui insti-
tuti.

PPp iij

QVÆSTIO I.

*Quæ & quot sint partes
entis, & quomodo ad
Metaphysicum spe-
ctent?*



Deus ut
natura-
liter co-
gnosci-
bilis
spectat
ad The-
ologiam
natura-
lem.

PRIMA divisio
Entis, ut priori
Lib. diximus, est
in infinitum &
finitum: Entis
finiti vetò in
decem Prædica-
menta; quod fit ut Ens tùm infinitum,
tùm finitum, & finitum qui-
dem tùm substantia tùm quâritas,
tùm qualitas, tùm relatiò, &c. sint
partes subiectiuz entis. Nihilomi-
nùs imprimis de Ente infinito
nihil dicemus, quia illud suffi-
ciens est, quòd per se considere-
tur ab aliqua vna scientia totali,
putà Theologia naturali, prout
naturaliter attingi potest: Ad
quam quidem tamen non pos-
sumus peruenire propter nostram
coniunctionem cum materia, pro
hoc statu. Quare ea quæ de Deo
naturaliter scire possumus, tractâ-
tur communiter in Theologia
supernaturali, quippe in qua lu-
men fidei iuuat ad illa capeſcen-
da. Restat itaque ut de ente fini-
to, quod in decem Prædicamenta
diuiditur, disseramus.

Prædi-
camen-
ta ut sic
nō spe-
ctant
ad Me-

Prænotandum autem Prædi-
camenta, quatenus Prædicamen-
ta, non esse considerationis Me-
taphysicæ; quia ut sic sunt series
& coordinationes entium, secun-

dum superius & inferius, proindeque coordinationes prædicato-
rum superiorum & subordinato-
rum, & inferiorum, & subiecto-
rum, quæ omnia secundum hanc
dispositionem, ad Logicum pen-
tinent: capropter abstinemus
ab illis omnibus quæstionibus,
quæ circa Prædicamenta vt sic,
solent excitari, nimirum quo-
modo distinguantur? An sint
tantum decem? Quæ in illis re-
ponantur, vel ab illis arceantur,
&c. Nam occasione Prædica-
mentorum quæ Aristoteles ipse
in Logica disposuit, etiam hæ
quæstiones solent in Logica mo-
ueri, quam prope diem rætte-
mus in lucem, si hoc Opus in-
gratum non fuerit.

Moneo tantum obiter circa
distinctionem Prædicamentorum,
communem esse sententiam non
distingui realiter, sed duntaxat
formaliter, propter quantitatem
& figuram. Addunt aliqui etiam
propter actionem & passionem.
Sed apud Scotum, hæc postrema
instantia nulla est, quia secundum
ipsum in 4. d. 13. q. 1. Actio &
Passio distinguuntur realiter. Non
debere autem Prædicamenta di-
stingui realiter, non obscure col-
ligi potest ex ipso in 2. dist. 1. q.
4. Ad argumenta principalia; v-
bi respondens ad quoddam ar-
gumentum, quo arguitur rela-
tionem non posse esse eandem
alicui absoluto, quia prædicame-
ta sunt primò diuersa ex 5. &
10. Metaphysic. Respondet esse
primò diuersa, quantum ad ra-
tiones formales eorum, ita quòd
nullum illorum formaliter inclu-
dit alterum, nec aliquid alte-
rius; licet per identitatem in

taphy-
sicum,
& qua-
re.

Quo-
modo
prædi-
camen-
ta di-
stin-
guan-
tur.

existendo, vnum contineat alterum.

Quot
sinpre-
dica-
menta
ex Sco-
to.

Moneo similiter mentem Doctoris Subtilis fuisse non esse plura nec pauciora, quam decem prædicamenta. Hoc enim docet expressè 5. Metaphysic. qu. 5. & in 4. distinct. 13. qu. 1. 5. *Adhuc autem difficultatis intellectum:* ubi docet debere saluari illam famosam diuisionem prædicamentorum, secundum Auicennam 3. Metaphysic. quâ dicuntur esse decem, propter antiquam Philosophorum autoritatem, cui non debet facile contradici. Hoc posito; concludamus iam quam ratione sint illa varia entia à nobis considerata.

Prænotandum 1. vel potius repetendum ex questionibus processionalibus, Metaphysicam spectari posse duobus modis, scilicet, ut est imperans, & ut est docens. His positis, sit hæc

Vnica Conclusio.

Partes
entis
spectat
ad Me-
taphy-
sicam
quare-
nussit
obiecta
variarum
scientiarum,
quæ
Meta-
physica
debet
assignare.

Varia Entia, in quæ diuiditur Ens finitum, sunt consideranda à Metaphysica, vel quatenus est imperans & præses; vel etiam quatenus est docens, sed variis rationibus. Declaratur ista conclusio. Metaphysica imprimis quatenus est præses & imperans, debet assignare cuilibet scientiæ inferiori proprias sedes & limites; quod ut præstet, descendit ad Entium considerationem, quatenus possunt esse obiecta diuersarum illarum scientiarum, vnde sic procedit:

Ens finitum diuiditur in decem Entia generalissima, quæ sunt partes subiectiue eius, nimirum in substantiam, quantita-

tem, qualitatem, relationem, actionem, passionem, ubi, quando, situm, & habitum. Substantia autem diuiditur in spiritalem & corpoream. Spiritalis seu incorporea constituitur obiectum alicuius vnius scientiæ totalis, nimirum illius quæ differit de Intelligentiis, quæ-quidem scientia non est accommodata nostro captui pro hoc statu: Est tamen accommodata intellectui separato à materia, & hinc iam assignata est propria materia isti scientiæ totali. Substantia corporea constituitur obiectum Physicæ, seu Philosophiæ naturalis, quæ primò & per se substantiam corpoream naturalem, seu corpus naturale, & capax motus & quietis considerat: & hinc assignatum est secundò proprium obiectum isti scientiæ. Non est tamen ulterius diuidenda substantia, ut inde habeantur alia aliarum scientiarum obiecta; quia istæ duæ scientiæ totales quæ respiciunt primò & æquale illa duo membra diuidentia ipsam; respiciunt consequenter omnia contenta sub illis numeris diuidentibus. Sequitur postmodum quantitas, vel potius, ut à mente Doctoris Subtilis 6. Metaphysic. qu. 1. non recedamus, substantia quanta: Et hæc est obiectum ædequatū Mathematicarum, quæ diuiduntur iuxta partitionem quantitatis, vel substantiæ quantæ. Quantitatis enim alia est continua, alia discreta. Continua est obiectum Geometriæ. Discreta obiectum Arithmetiæ. Additis autem quibusdam modis vel rationibus accidentariis & extrinsecis vtrique isti

Hic assignantur obiecta omnium scientiarum.

quantitati, constituuntur obiecta quarundam Mathematicarum non purarum & subalternatarum. Sic v. g. additâ mobilitate quantitati continuæ, constituitur obiectum Astronomiæ; additâ visualitate linearum, constituitur obiectum perspectivæ; additâ mensurabilitate secundum varia spatia & intercapedines locorum, constituitur obiectum Geographiæ, quæ omnes subalternantur Geometriæ. Sic deniq; additâ sonoritate numero, constituitur obiectum Musicæ, quæ subalternatur Arithmeticæ. Et hinc assignata sunt omnia obiecta Mathematicarum. Cætera entia non sunt sufficientia quæ primò & per se considerentur ab aliqua scientia totali; nã vel sunt qualitates, vel relationes & simplices respectus. Qualitates autem non aliæ nobis notæ sunt naturaliter pro hoc statu, quàm materiales, quæ satis superque cognoscuntur cognitibus subiectis, quorum sunt qualitates. Vnde Physicus disputans de corpore naturali in se, & de variis eius speciebus, disputat consequenter de qualitatibus eiusdem corporis & specierum eius, nimirum de qualitatibus cælorum, elementorum, animalium, plantarum, & similibus. Relationes similiter & respectus satis cognoscuntur cognitibus extremis, quæ sunt entia absoluta, vel saltem fundata in absolutis. Adde quòd sunt valdè steriles, nec merentur, ut per se spectentur ab aliqua scientia totali. Hinc ultra Metaphysicam, habemus duas dumtaxat scientias totales speculativas, accommodatas nostro capui, pro hoc statu, nimi-

rum Philosophiam naturalem, & Mathematicas disciplinas.

Sunt & aliæ quedã partes Entis, quæ statuuntur obiecta scientiarum practicarum, scilicet actiones humanæ, prout dirigibiles in bonum per præcepta virtutum, quæ sunt obiectum moralis disciplinæ. Et hic quidem sistit gradum Metaphysicæ, prout est præses & imperans, nec ulterius progreditur. Nec enim secundas intentiones considerat, nisi determinando illas non esse entia realia, sed tantum rationis, ac proinde ab aliqua scientia rationali, putà Logica considerari debere.

Et quia nulli scientiarum prædictarum assignavimus considerationem substantiæ & accidentis secundum se; idè Metaphysicæ quatenus est docens, illa adhuc considerat tanquam præcipuas partes subiectivæ obiecti sui; maxime verò substantiam, de qua præsertim debere disputare Metaphysicum sæpè docet Aristoteles. Eapropter in sequentibus, disputabimus de duobus illis entibus, non quidem ut Logici, categoricè & prædicamentaliter: Quare nec excitabimus quæstiones illas de substantia categorica, & de iis quæ vel reponuntur, vel non reponuntur in illa; hæc enim ad Logicum pertinent. Nec similiter movebimus quæstiones illas de accidente: An nimirum duo accidentia solo numero distincta, possint esse in eodem subiecto, & alias, quæ potius ad Physicum, quàm ad Metaphysicum spectant; sed nudè & simpliciter naturam & quidditatem illius utriusque entis inquiremus. Addemus aliquam

Metaphysicæ
considerare
debet
substantiam &
accidens
secundum se.

qua ad substantiam de supposito, hypostasi & persona; & ad accides de inherencia; denum illud utrumque Ens ad inuicem comparabimus, secundum ordinem prioris & posterioris tum tempore, tum natura, tum cognitione; & his explicatis, finem nostro Operi imponemus.

QVÆSTIO II.

Quid sit substantia?



PRO neminem reperio clare explicatam naturam. & quidditatem substantiæ; forte quia non nobis

innotescit nisi mediatè, median-
tibus scilicet accidentibus, quæ nos in illius notitiam inducere sepe docet Doctor Subtilis. Quia tamen communiter describitur Ens subsistens, seu Ens per se existens; idèd,

1. Prenotandum 1. subsistere dici multis modis. Primò, ut idem significet atque verè esse, & non solum apparenter; quomodo dicit Aristoteles lib. de Mundo ad Alexandrùm, eorum quæ in aère cernuntur, alia apparere, alia subsistere, seu substantiam habere. Et iuxta hanc significationem satis impropiam, accidentia etiam ipsa, quæ habent verum esse, & non tantum apparentis, dici possunt subsistere. Secundò, ut idem significet atque substare seu subiacere. Quo modo usurpatur à D. August. lib. 7.

de Trinitate, cap. 5. ubi postquam dixit ab eo quod est subsistere, substantiam dici; docet toto illo capite Deum abusiue tantum substantiam vocari, quia non subsistit. *Deus autem, inquit, si subsistit, ut substantia proprie dici possit, nescit in eo aliquid tanquam in subiecto, & non est simplex cui hoc sit esse, quod illi est, & quicquid aliud de illo ad illum dicitur, sicut magnus, omnipotens, bonus, & si quid huiusmodi de Deo non incongrue dicitur. Nescit est autem dicere ut subsistat, & subsistit Deus bonitati suæ, atque illa bonitas non substantia sit, vel potius essentia; neque ipse Deus sit bonitas suæ, sed in illo sit tanquam in subiecto. Unde manifestum est Deum abusiue substantiam vocari. Tertiò, ut idem significet atque in se ac per se esse, quomodo communiter usurpatur à Philosophis, cum dicitur substantiam dici à subsistendo, & ita usurpatur ab Isidoro lib. 1. Differentiarum, cap. 4. ubi dicit substantiam esse id quod non ab alio, sed semper ex se est, id est quod propria in se virtute subsistit. Quartò denique, ut significet incommunicabiliter per se esse. Et hoc modo sola supposita substantialia dicuntur subsistere, quia incommunicabiliter per se sunt. Et has quidem duas postremas acceptiones vocis subsistere, tradit Doctor Subtilis qu. 4. quodlibeticæ art. 2. §. Contra illud. Sed quia etiam ab aliquibus substantia appellatur Ens substantans; idèd,*

Prenotandum 2. duobus modis aliquid posse substare, nimirum vel predicatis superioribus, vel accidentibus. Priori substan-

Duobus
modis
aliquid
substans.

di ratione, substantant non modò singularia substantia; sed etiam singularia accidentalia: Nam hæc albedo, v. g. substantat omnibus suis prædicatis superioribus, nimirum albedini in se, colori, qualitati, & aliis. Posteriori substantandi ratione, sola substantia substantat, quia sola substantia per se stans, sustinet accidentia quæ illi inhærent, & in ea recipiuntur & sustentantur. Et hæc quidem ratione docet D. August. libr. de Decem Categoriis, Substantiant dictam fuisse subiacentem. *Et quoniam, inquit, in permanente vñs, ea quæ accidunt, inesse non sèntur; ipsam vñs & subiacentem, id est subiacentem, & non in subiecto appellari voluerunt; illa verò quæ accideret, id est & subiaceret, id est in subiacenti dixerunt.*

Per se,
dicitur
tribus
modis

Prænotandum 3. per se, multis modis dici. Primò, quatenus significat id quod est à se, & quod à nullo dependet; quomodo solus Deus dicitur Ens per se. Secundò, prout opponitur ei quod est Ens per accidens, vt homo dicitur Ens per se; cumulus lapidum, dicitur Ens per accidens. Tertiò denique dicitur per se, quod non est per aliud, nec in alio tanquam in subiecto inhærentis. His positis, sit hæc.

Principia Conclusio.

Substantia dicitur à substantiando vel à substantiando.

SI vocis Substantiæ etymologia spectemus, dicta est à substantando vel à substantiando; magis tamen à substantando, quàm à substantiando. Prior pars conclusionis patet ex communi vsu philosophandi. Et probari potest auctoritatibus Diui Augustini, & Iudori. Nam D. August. lib. 7.

de Trinitate cap. 4. dicit quoddam ficut ab eo quod est esse, appellatur essentia; ita ab eo quod est subsistere, substantiam dicimus. Iudorus etiam libr. 2. Etymologiarum, cap. 26. dicit quoddam substantia est quæ propriè & principaliter subsistere dicitur. Altera pars conclusionis patet, nam à verbo subsistendi, potius substantia, quàm substantia dici videtur.

Restat nunc explicemus quæ ratione substantia dicatur tum à subsistendo, tum à substantando. Ac imprimis quidem dicta non est à substantando prædicatis superioribus; quia hoc pacto ab accidente non distingueretur. A substantando ergo accidentibus dicta est. Vnde iuxta hanc etymologiam, substantia non omnem substantiam, sed creatam duntaxat significat; quia substantia increata nullis substantat accidentibus.

Vterius, substantia dicta non est à subsistendo priore & posteriore modo superius explicato. Non quidem priore; quia non modò substantia, verumetiam accidentia realia verè sunt, & non tantum apparenter, vt dictum est. Non etiam posteriore, quia non omnis substantia incommunicabiliter existit; vt patet de substantia diuina, & substantiis communibus, & partialibus. Quare superest vt à subsistendo secundo, vel tertio modo explicato dicta sit. Et quidem si à subsistendo prout idem significat atque subsistere & subiaceret; vt apertè sentit D. August. idem dici debet de ea quod dictum est secundum aliam etymologiam, quæ nimirum dicitur substantia à substantando. Si à subsistendo ter-

tio modo explicato, quatenus videlicet significat esse in se ac per se, dicendum est substantiam hoc modo dictam, dici posse tum de substantia increata, cum de substantia creata: quia etiam substantia increata est Ens in se, ac per se. Et certe is est communis huius etymologiae usus, ut nimirum substantia dicatur à subsistendo, hoc est à ratione essendi in se ac per se. Confirmatur ex communi modo loquendi Doctoris Subtilis in 1. d. 8. qu. 3. §. Alij probant. Et §. ad argumenta pro secunda opinione, ubi dicit substantiam quæ convenire potest substantiæ increatæ, dici à ratione essendi in se & per se, & non in alio. Neque enim vocat substantiam Ens subsistens, vel subsistans; sed Ens in se & non in alio, fortè ad vitandam æquivocationem vocis subsistere; quamquam nihilominus apud ipsum, subsistere frequenter idem sit quod per se esse; quâ ratione etiam admisit subsistentiam absolutam in divinis, convenientem essentiæ divinæ ut sic; propterea quod essentia divina habeat perfectissimam rationem essendi per se.

An Ens per se, sit ratio quidditativa substantiæ? Non audeo autem determinare, an Ens per se, sit ratio quidditativa substantiæ? Sat est quod huc-usque, alia Philosophis non innotuerit. Cum enim propriæ rerum differentiæ sæpe sint nobis ignotæ, cogimur illarum loco ponere ea quæ nobis magis nota sunt, & quæ intimius differre faciunt. Eapropter si propriam rationem substantiæ non habeamus; ut verius existimo, quia ut dictum est, à posteriori tantum cognoscimus illam, quasi

occultatam & latentem sub accidentibus; sufficiet si conformiter Doctrinæ à Philosophis, præsertim à Doctore Subtili huc usque traditæ, describamus substantiam Ens in se & per se, & non in alio. Quod autem me magis mouet ut teneam Ens per se non esse quidditativam rationem substantiæ; ultra ipsam rationem, est authoritas, ni fallor, Doctor Subtilis in 4. dist. 12. q. 1. Ad argumenta principalia, ubi eodem modo philosophatur de per se respectu substantiæ, ac de, in alio respectu accidentis, & tamen non sentit, in alio, esse de ratione quidditativæ accidentis, ut dicemus. Etiam in 1. dist. 3. q. 3. & dist. 22. q. 1. sentit nos non posse conceptum quidditativum de substantia, pro hoc statu.

QVÆSTIO III.

Quid significant substantia prima, hypostasis, suppositum & persona.



RENOTANDVM Quid? 1. Aristotelem in Categorijs, capite de substantia, diuidentem substantiam in primam & secundam; quam propter nomen substantiæ primæ frequenter est in usu apud Philosophos. Queritur autem, quid significet? Aliqui enim docent idem significare ac suppositum. Ita Suarez tom. 2. Metaph. QQq ij.

substantia prima.

taphysic. disp. 34. sect. 1. num. 9. & sequentibus. Aliter dici potest substantiam primam idem esse, ac substantiam singularem.

Prænotandum 2. dictionem aliquam esse considerandam, vel ex prima eius impositione & primaria significatione, vel ex usu communiter recepto.

Prænotandum 3. naturas substantiales singulares alias esse intellectuales, ut sunt Deus, Angeli & homines; alias non item, ut sunt hic lapis, hoc lignum, &c. His positis, sit

Prima conclusio.

Substantia prima verius est substantia singularis, quam suppositum. Patet ex Aristotele, qui per substantias secundas, intellexit substantias universales, quas dixit significare quale quid; & per substantiam primam, substantiam singularem, quam dixit significare hoc aliquid. Nec ratio Francisci Suarez urget in contrarium, cum dicit hoc esse peculiare naturæ diuinæ, ut ipsa una numero & singularis existens communicari possit pluribus suppositis, proindeque ipsa non sit suppositum; quippe quoddam dicit negationem communicationis, & communicabilitatis; naturam autem omnem substantialem creatam singularem, esse incommunicabilem, ac consequenter suppositum. Hoc inquam non urget, quia tametsi nulla natura creata singularis communicari possit pluribus suppositis ut quod; communicari tamen potest alicui supposito, ut quo, sicut de facto natura singularis substan-

tialis creata Christi Domini, communicata est supposito Verbi diuini; fueritque ante assumptionem à Verbo, natura creata substantialis singularis, & non tamen suppositum.

Secunda conclusio.

Hypostatis iuxta primariam significationem, idem significat atque substantiam secundariam, ex usu tamen recepto ab Ecclesia, idem est quod suppositum, & quod persona in natura intellectuali. Prior pars probari posset multis auctoritatibus Patrum, sed præsertim D. Hieronymi, epist. ad Damaſ. 57. & Diui Augustini lib. 5. de Trinit. cap. 8. ubi suspectam habent vocem hypostasis, propterea quoddam arbitrentur hypostasim & usiam seu substantiam idem significare: Cumque Catholici non audeant dicere tres substantias in diuinis; non debere quoque dicere tres hypostases: vel & conuerso, si possint dicere tres hypostases, posse quoque dicere tres substantias. Et certe idem D. August. multis in locis, sed præsertim 7. de Trinit. cap. 6. dicit absque vlla erroris suspicionem, posse concedi tres substantias in Deo, sicut reuera Græci concesserunt, modò nullum scandalum fuerit. Altera pars patet, quia communis usus obtinuit, ut nunc non tres substantias, tres tamen hypostases, & tria supposita ac personas diceremus in diuinis: Quare signum est hypostasim non amplius idem significare ac substantiam, sed potius suppositum vel personam. Con-

**Hypo-
stasis** ex
prima-
ria si-
gnifica-
tione,
idem si-
gnificat
quod
substan-
tia, nunc
autem
idem
quod
suppo-
situm.

Substan-
tia pri-
ma est
substan-
tia sin-
gularis.

firmari posset istud multis etiam patrum autoritatibus, sed præsertim D. Basilij epist. 43. & D. Damasc. lib. 3. de fide cap. 3. & 4. qui docent nomen, vñ, Græcis idem significare, quod Latinis natura & essentia; nomen verò hypostasis idem quod suppositum vel persona; quocirca in Deo vnā vñ, hoc est essentiam vel naturam, & tres hypostasēs, hoc est personas debere concedi.

Tertia Conclusio.

Quid
suppo-
situm &
perso-
na.

Suppositum describi potest, Natura substantialis per se incommunicabiliter existens; & Persona naturæ intellectualis indiuidua substantia, vt vult Boëtius, vel incommunicabilis existentia, vt vult Richardus, & verius sentit Doctor Subtilis. Istæ descriptiones patent ex communi vsu & consensu omnium, quia quandiu natura aliqua substantialis singularis, est adhuc communicabilis alteri, vel vt parti sicut anima corpori, vel vt supposito, vt natura humana Verbo diuino; ipsa non est adhuc suppositum; vbi autem est incommunicabilis, iam dicitur suppositum, quod supra rationem existendi per se & singularitatem, nihil dicit quàm incommunicabilitatem; quæ si repariatur in natura intellectuali, erit persona. Sed hæc conclusio declarabitur ampliùs ex dicendis sequenti quæstione.

QVÆSTIO IV.

*Quid addat suppositum
vel persona supra natu-
ram singularem?*



QVÆSTIO non procedit de persona diuina & increata, quæ nullo reclamante, addit supra naturam diuinam, relationem realem & positiuam, etiam distinctam formaliter & ex natura rei ab eadem natura, vt sentit Doctor Subtilis. Difficultas est itaque solū de supposito vel persona creata; & quia persona nihil est aliud quàm suppositum naturæ intellectualis; idē hīc indifferenter disputamus tū de supposito, tū de persona.

Operosum autem nimis esset, omnes referre sententias circa propositam difficultatem, breuiter tamen ad duo capita imprimis referri possunt. Primum est eorum qui docent suppositum nihil addere supra naturam singularem, distinctam ex natura rei, sed solā ratione. Huius sententiæ sunt noster Aureolus lib. 3. Sententiarum dist. 1. q. 3. art. 4. & alibi. Durand. in 1. dist. 34. q. 1. n. 15. Alterum est eorum qui docent suppositum vel personam addere supra naturam singularem aliquid reale. Ita sentiunt omnes discipuli D. Thom. & Doctoris Subtilis. Controuertitur autem quid sit illud reale; an

Nonintelligitur quæstio de persona increata.

Varie sententia refferuntur.

nimirum sit aliquid positium, vel negatium? Docetur communiter esse aliquid positium. Ita docent Franciscus Suarez tom. 2. Metaphysic. disp. 34. sect. 2. & Gabriel Vasquez 3. part. tom. 1. disp. 31. & multi alij, qui referuntur apud ipsos, qui adhuc non conveniunt in assignando illo positivo. Quidam enim eorum dicunt esse existentiam, & characteristics proprietates accidentarias: ita Herueus & Jauellus. Alij esse existentiam ipsam: Ita Capreolus. Alij esse entitatem quandam mediam inter naturam & existentiam: Ita Cajetanus. Alij denique esse modum per se additum existentiae: Ita Suarez & Vasquez. Alij verò docent illud reale esse tantum aliquid negativum. Ita expressè noster Guillelmus Ocham in 3. qu. 1. quem sequuntur Gabriel de Ruffolis & Marsilius ibidem, & Franciscus de Maironis etiam in 3. qu. 11. Quod spectat ad sententiam Doctoris Subtilis, non conveniunt eius discipuli in explicatione eius. Quidam enim sustinent illum fuisse problematicum, & docuisse probabiliter illud reale quod addit suppositum supra naturam, esse vel positium, vel negatium. Ita eius interpretes Lychetus in 3. d. 1. q. 1. Rada in 3. controuers. 1. art. 1. Franciscus de Pytiganis in 3. dist. 1. q. 1. articulis 10. 11. & 12. Et eorum alij inclinant in illam partem problematis, quâ dicitur esse aliquid positium, cui etiam docent magis adhæsisse Doctorem Subtilem. Ita Lychetus & Rada. De Pytiganis autem utranque partem problematis am-

plectitur & sustinet; tamen probabiliorē existimat illam, quâ dicitur illud esse tantum aliquid negativum. Faber Faudentinus omnium optimè & verissimè affectus est mentem Doctoris Subtilis, qui in 3. dist. 1. q. 1. disp. 2. sustinet ipsum non esse problematicum hac in re, sed absolute tenere suppositum nihil aliud addere supra naturam singularem, quam duplicem negationem. Et certè hac est aperta mens ipsius, qui quamvis referat utramque opinionem, & etiam rationes pro utraque subijciat: Nihilominus confutat illam opinionem, quâ ponitur suppositum dicere quid positium; & rationes quas adduxerat in confirmationem eius, dissolvit; alteram autem opinionem, quâ dicitur esse quid negativum, non impugnat, nec rationes pro ea solvit, nisi quatenus probant illud negativum consistere duntaxat in negatione dependentiæ actualis ad aliud suppositum: non enim in unica negatione, sed in duplici consistere negativum illud sustinet: & hanc quidem sententiam hoc modo explicatam non solum disertè tradit in 3. distinct. 1. qu. 1. sed etiam in quodlibetis q. 19. art. 3.

Prænotandum autem 1. ex eodem Doctore in 1. dist. 2. qu. 4. dist. 23. qu. unica, in hoc distinguere suppositum, vel personam à natura, quod natura sit communicabilis duobus modis, nimirum ut quod, & ut quo; ut quod, quia quodlibet communicantium est ipsa natura communicata; ut quo verò, quia suppositum cui communicatur,

Sententia Doctoris Subtilis est suppositum consistere formaliter in duplici negatione.

Natura duobus modis communicabilis: suppositum duobus modis incommunicabile.

Dividuntur
scoti-
stq in
explanatione
doctrinæ
Doctoris
Subtilis.

denominatur ab ipsa, tanquam à forma, non quidem à forma inherente, vel à forma partis; sed à forma quiddificatæ, & à forma totius. Sortes enim v.g. dicitur nominatur homo à natura humana sibi communicata: Suppositum autem sit incommunicabile duplici incommunicabilitate opposita isti duplici communicabilitati, scilicet ut quod, & ut quo; ut quod, quia non est communicabile multis inferioribus, quorum quodlibet sit ipsum: non enim est aliqua natura communis; ut quo, quia non est communicabile alteri, vel tanquam subiecto, vel tanquam supposito, quod possit ab ipso denominari. Habemus iam itaque duplicem incommunicabilitatem, vel duplicem negationem communicabilitatis in supposito, scilicet ut quod, & ut quo. Ulterius tamen sicut duplex assignari potest communicabilitas ut quo, nimirum actualis, & aptitudinalis, scilicet in iis, vel quæ sunt actu communicata, ut sunt albedo, & anima rationalis, illa existens in subiecto, hæc in corpore actualiter; vel quæ possunt communicari, ut sunt eadem albedo, & anima rationalis, illa existens extra subiectum, hæc extra corpus; ita duplex est incommunicabilitas ut quo, seu duplex negatio communicabilitatis ut quo, in iis nimirum quæ nec actu, nec aptitudinè communicari possunt, cuius conditionis est suppositum vel persona, ad cuius rationem non sufficit negatio communicabilitatis actualis ut quo, quia etiam anima rationalis extra corpus exi-

stens, caret communicatione actuali; sed requiritur negatio communicabilitatis aptitudinalis, seu incommunicabilitas aptitudinalis, per quam completur eius ratio, & beneficio cuius sit, ut anima rationalis non sit suppositum.

Prænotandum 2. iuxta mentem eiusdem Doctoris, idem esse aliquid esse communicabile, & illud esse dependens in hoc proposito; idem etiam esse aliquid esse independens, & incommunicabile; quocirca sicut duplicem assignauimus negationem communicabilitatis ut quo; ita duplicem assignare possumus negationem dependentiæ, scilicet tùm actualis, tùm aptitudinalis ad aliud suppositum, per quamquidè duplicem negationem constituitur completè ratio suppositi creati. Dico, creati; quia suppositum increatum non tantum non dependet, nec tantum negat aptitudinem ad dependendum; sed etiam dicit repugnantiam ad dependendum ab alieno supposito. Et eà ratione docet Doctor Subtilis in 3. dist. 1. quæst. 1. negationem constituentem personam increatam, non esse uniuocam cum negatione constituyente personam creatam, quia negatio constituens personam increatam, est triplex, nimirum negatio cōmunicabilitatis, & dependentiæ actualis, & aptitudinalis, & potentialis: Negatio autem cōstituens personam creatam est tantum duplex, scilicet communicabilitatis & dependentiæ actualis, & aptitudinalis; quò sit ut persona increata sit independens actu, & careat aptitudine, &

Communicabile & dependens idem. Item incommunicabile & independens.

Quod differt suppositum creatum & suppositum increatum.

habeat repugnantiam ad dependendum; persona autem creata sit quidem independens actu, & careat aptitudine, non tamen habeat repugnantiam ad dependendum; quia propter potentiam obedientialem quâ subijtur dominio Authoris naturæ, dependere potest ad alienum suppositum.

Occurritur
duabus
difficul-
tati-
bus.

Sed ex his, duæ emergunt difficultates. Prior, ex eo quod dicitur suppositum creatum non habere repugnantiam ad dependendum. Nam si hoc verum est, natura iam personata poterit saltem virtute diuinâ iterum assumi & dependere ab alieno supposito, quod repugnare docent Theologi. Altera, ex eo quod dicitur suppositum creatum non habere aptitudinem ad dependendum ab alieno supposito. Nam si hoc verum sit, quandoque dependebit ab alieno supposito, violenter dependebit.

Quo-
modo
suppo-
situm
creatum
non ha-
beat re-
pugnan-
tiam vt
assuma-
tur.

Ad primam difficultatem respondetur non hanc esse mentem Doctoris Subtilis, vt velit suppositum creatum formaliter loquendo, non habere repugnantiam ad dependendum: Nam implicaret manifestam contradictionem quod per aliquam potentiam aliquammodo dependere, cum naturâ suâ sit independens & incommunicabile; sed hunc esse sensum, vt natura creata suppositata non habeat repugnantiam ad dependendum, non quidem in sensu composito & reduplicatiuè quâ suppositata; sed in sensu diuiso, & disiunctiuè, quia cum ex mente eius, & ex rei veritate, vt statim probabimus, suppositum creatum ni-

hil addat supra naturam singularem, nisi duplicem negationem communicabilitatis, & dependentiæ: virtute diuinâ tolli potest à natura, illa duplex negatio, efficiendo scilicet vt dependeat ab alieno supposito; & eo ipso quod dependebit, & non erit amplius solitaria hæc natura, iam non erit amplius suppositum. Et quidem iuxta hanc doctrinam, quælibet persona diuina potest etiâ nunc assumere in vnitatem suppositi, quamcumque naturam suppositatam vel personatam, non in sensu composito, sed in sensu diuiso, vt dictum est. Quare etiam imaginarium reputamus quod communiter dicitur, suppositum vel personam esse modum quendam positium, qui fuit ab ipsâ natura singulari & existente, quâ veluti vltimâ completur: qui modus si non præueniatur ab alio supposito, postquam semel fluxit, amplius destrui non potest, nec consequenter natura semel personata & suppositata iterum personari, vel suppositari; hoc, inquam, imaginarium ducimus, vt statim ostendemus. Volumus enim solùm naturam substantialem singularem & actualiter existentem nihil planè habere positium, per quod dicatur suppositum, nisi rationes positivas quas habet vt substantia, vt existens, & vt singularis, quibus si accedat duplex prædicta negatio; ex hoc constituetur sufficienter in ratione suppositi.

Et hinc patet ad secundam difficultatem; nam imprimis suppositum formaliter vt sic, numquam dependet, nec naturaliter,

1100

nec violententer ab alieno supposito, sed solum natura quæ siue fuerit personata, siue non, saltem in sensu diuiso non habet repugnantiam vt dependeat ab alieno supposito, licet ad hoc non habeat aptitudinem. Negatio autem aptitudinis non inducit violentiam, præsertim respectu dominij authoris naturæ, sub quo nulla res est violententer, maxime cum nobilius & perfectius quoddam esse sortitur.

Confutatur ille modus quo docetur communiter constitui suppositum. Prænotandum 3. non posse rectè concipi quis & quid sit ille modus posituius, per quem docetur communiter suppositum constitui in ratione suppositi. Nam quod dicitur esse modum per se, vt sentit aperte Vasquez, non videtur rectè dictum; quia antequam natura substantialis singularis intelligatur persona, vel suppositum, intelligitur habere istum modum per se existendi, quippe qui pertinet ad substantiam quâ substantia est, non quâ suppositata vel personata. Nec est quod dicatur substantiam quâ substantia est, habere modum essendi per se oppositum modo essendi in alio, tanquam in subiecto, non autem oppositum modo essendi in alio, tanquam in supposito, & idèd per istum secundum modum existendi per se, oppositum modo existendi in alio tanquam in supposito, constitui suppositum in ratione suppositi. Non est inquam quod hoc dicatur, quia fingere illum duplicem modum imprimis, superuacaneum est & voluntarium. Adde quod per modum existendi per se, pertinentem ad substantiam, vt sic, constituitur sub-

stantia absolute Ens in se, & per se, & non tantum secundum quid; quod tamen non esset, si modus ille opponeretur tantum alicui modo existendi in alio, & non omni. Et certè in opposita sententia, non plus substantia dici deberet Ens per se, quàm accidens; quia sicut substantia esset tantum Ens per se, quia non est nata esse in alio tanquam in subiecto; ita accidens erit Ens per se, quia non est natum esse in alio, tanquam in supposito, cum inxta mentem illorum, non possit accidentis dependentia terminari ab ullo supposito, etiam increato. Itaque natura substantialis, singularis, existens, est absolute Ens in se & per se; ita quod ad hoc vt sit independens ab alio tanquam à supposito, nullus alius modus posituius perfectatis illi accidat, præterquam ille idem, quo posituius constituitur independens ab alio, tanquam à subiecto; ideoque vt completè & formaliter natura illa intelligatur esse suppositum vel persona, nihil aliud concipi debet in illa, quàm negatio comunicabilitatis & dependentiæ ab alio, tanquam à supposito. Nec certè aliud fingi potest. Confirmatur autem ex definitione personæ, quam tradit Ricardus, quâ dicitur esse intellectualis naturæ incòmicabilis existentia. His positis, sic hæc

Vnica conclusio.

Suppositum vel persona addit supra naturam singularem, aliquid reale, illud tamè non est quid posituium, sed negatiuum dimtaxat. Prior pars huius conclusionis est Doctoris Subtilis, & omnium discipulorum eius. Et suadetur rem, da-

Suppositum
addit
tantum
supra
naturam
singularem

RRr

placem
negati-
onem.

ex eo, quia duplex illa negatio sit in natura ante omnem operationem intellectus, proindeque ex natura rei, atque consequenter aliquid reale; quo modo privatio dicitur esse principium Physicum reale, quia est in materia, secluso quocumque opere intellectus, quamquam nihil sit positivum in ea. Secunda pars manet etiam probata sufficienter ex prædictis fundamentis. Amplius tamen sic probatur à Doctore Subtili. Si ratio suppositi vel personæ sit entitas aliqua realis positiva; sequitur non omnem entitatem realem positivam humanitatis Christi, v. g. fuisse assumptam à Verbo diuino; imò nec esse assumptibilem, quia isti vltimæ entitati, quam addit persona ultra singularitatem, repugnat contradictoriè communicari: persona enim est incommunicabilis existentia: Sed hoc videtur inconueniens, tum quia secundum D. Damasc. lib. 3. cap. 6. quod est inassumptibile, est increabile, tum quia omnis entitas positiva creature æquæ est in potentia obedientiali respectu personæ diuinæ: Ergo suppositum vel persona non dicit supra naturam singularem, entitatem aliquam realem positivam.

Respondent Aduersarij, præsertim Caietanus 3. part. qu. 4. art. 2. & Franciscus Suarez tom. 2. Metaphysic. disp. 34. sect. 2. non esse inconueniens, admittere entitatem aliquam positivam, non quidem naturæ, sed personæ & suppositi, esse inassumptibilem à Verbo. Sed hæc solutio non satisfacit, quia cum omnis entitas realis positiva sit in perfe-

cta potentia obedientiali respectu Dei; quidni poterit assumi? Imò ex hoc quoddam dicitur non posse assumi, sequitur illam non esse entitatem positivam. Neque sufficit si dicant illam entitatem non posse assumi, quia est inassumptibilis, & quia repugnat illam assumi: Hoc enim indicat manifestè defectum responsionis.

Præterea, si suppositum vel persona esset aliqua entitas realis positiva, sequeretur quoddam natura intellectualis posset fieri hæc, & actu existens, & nullo modo personata: prius enim naturaliter posset fieri, & non sub ista realitate quæ personatur, quia ex quo ista realitas non ponitur realiter nec formaliter eadem naturæ; & natura ut natura, est naturaliter prior seipsa, ut est sub ista realitate, posset fieri non sub ista realitate; & in secundo instanti naturæ quo assumitur à Verbo, non esset necesse Verbum tunc eam assumere. Posset ergo tunc illam non assumere, & ita relinqueretur sibi; & tunc non esset personata aliqua personalitate creatà nec increatà. Hæc ratio mihi videtur efficacissima; quippe ad quam nulla potest afferri solutio quæ faciliè dissolui non possit. Si enim dicatur non posse fieri quin fluat istemodus positivus dato quoddam non præueniatur ab alieno supposito. Contrà: quæ ratione Deus impediuit fluxum eius in Incarnatione Verbi; eadem potuisset impedire, etiam si Verbum incarnatum non fuisset: Nam impedimentum talis fluxus non habet necessariam & intrinsecam inclusionem alterius suppositi, præsertim diuini. Deni-

que, impedimentum talis fluxus est prius naturaliter quàm vnio alterius suppositi cum natura à qua fingitur fluere talis modus.

Sunt & aliæ quædam rationes apud Doctorem Subtilem, sed illas omnes soluunt aduersarij vnico filo, dicendo entitatem illam positiuam esse entitatem personalem; Verbum autem diuinum assumpsisse duntaxat id quod est de intrinseca ratione naturæ, & non personæ: Et hanc quidem responsionem sæpè repetit Caietanus loco citato, aduersus quem afferri posset instàtia de ratione indiuiduationis humanitatis Christi Domini, quam Verbum assumpsit, quia naturam humanam hanc numero, singularem & indiuiduam assumpsit, quæ tamen ratio indiuiduationis non est ratio naturæ; ex quo patet esse falsum quòd Verbum diuinum assumpsit id solùm quod est de intrinseca ratione, & de per se complemento naturæ.

Itaque iuxta prædicta, suppositum vel persona creata supra naturam substantialem singularem, nihil addit nisi duplicem negationem superius innuatam. Et hæc quidem sententiam eò probabiliorē existimo, quòd minores continet difficultates in Philosophia, & quòd facilius solui possunt illæ quæ occurrunt in Theologia circa mysterium Incarnationis. Magis tamen adhuc explicabitur soluendo rationes in oppositum.

Obijciunt itaque 1. auctoritas Conciliorum & Patrum, quæ dicit Verbum diuinum consumpsisse personalitatem creatam, &

suppleuisse munus eius; quod vix potest intelligi, si ponatur personalitas creata entitas solùm negatiua. Respondetur hoc rectè posse intelligi; quia Verbum nihil aliud præstitit in humanitate, quàm reddere illam incommunicabilem vt quo, & vt quod, & independentem ad aliud suppositum, quæ quidem sunt munia quæ propria personalitas exerceuisset, si sibi relicta fuisset.

Dices Verbum diuinum non ista solùm præstitisse in humanitate assumptà; sed præterea sustentasse humanitatem illam, & dependentiam illius terminasse; idèoque personam creatam debere quoque sustentare naturam cuius est persona vel personalitas. Respondeo quoad hoc, Verbum diuinum non suppleuisse munus propriæ personalitatis; quia sustentare naturam, aut terminare dependentiam eius, non est munus personalitatis create: Nec rectè dici debet quòd natura creata sustentetur vel subsistat in proprio supposito, vt optime notauit noster Guillelmus Ocham in 3. qu. 1. Sed sufficit si dicatur naturam creatam subsistere proprià subsistentià seu hypostasi: sola enim natura humana assumpta à Verbo diuino, inquit, dici debet subsistere in supposito, & dependere à supposito, & terminari à supposito. Itaque duo præstitit Verbum diuinum circa humanitatē assumptam: Primum, duplicem negationem; & quo ad hoc consumpsit & suppleuit personalitatem creatam; Secundum, terminationem dependentiæ, & sustentationem; & quo ad hoc non consumpsit

Solutio
Quomodo sit intelligendū. Verbum diuinum consumpsit se personam creatam.

Non rectè natura subsistens in proprio supposito.

personalitatē creatam; quia natura substantialis, singularis, existens sibi relicta, nec dependet, nec nata est dependere à proprio supposito; sed eo ipso quod nec dependet, nec habet aptitudinem ad dependendum ab alieno, dicitur suppositum vel persona.

Obiectio 2.

Obijcitur 2. contra Scotum ad hominem. Scotus vult suppositum creatum posse saltem formaliter, si non effectiue, sustentare alienam naturam. Ergo suppositum creatum formaliter dicere debet entitatem aliquam realem positivam. Respondeo negando consequentiam; quia Scotus non intellexit personalitatem per se formaliter sumptam, posse sustentare aliam naturā, sed totam personam vel totum suppositum creatum, quod ratione entitatis positivæ, scilicet naturæ substantialis quam connotat, sustentare potest alienam naturam, idque imperio Dei, cui omnia subiacent. Quidni enim poterit efficere Deus, ut duæ naturæ substantiales completæ singulares existentes, sic se habeant, ut una sit in altera tanquam in proprio sustentante, & non per se stet, nec solitariè existat? Quod si faciat, natura sustentans non erit tunc sustentans per duplicem negationem quam habet præcisè; illa tamen cum hac duplici negatione erit sustentans: & in hoc nulla videtur difficultas.

Obiectio 3.

Obijcitur 3. Etiam ad hominem. Omnis negatio, secundum Scotum, fundatur in aliquo positivo. Ergo duplex illa negatio fundari debet in aliqua entitate positiva, ad quam solum sequi debeat eadem duplex negatio.

Respondet idem Scotus negationem actualem & aptitudinalem, seu negationem alicuius actus, vel aptitudinis non fundari necessario in aliquo positivo; benè tamen negationem dicentem repugnantiam aliquam, qualis est ea per quam constituitur suppositum increatum, & etiam ea per quam constituitur individuum; quia natura increata personata non tantum non dependet, nec tantum caret aptitudine ad dependendum, sed insuper habet repugnantiam ad dependendum. Similiter individuum habet repugnantiam ad communicari ut quod; huius autem utriusque repugantiæ debet assignari ratio aliqua positiva, non autem nostræ duplicis negationis; aliàs quarumcumque negationum deberent etiam assignari rationes positivæ.

Et ex hoc quidem dissolvitur facillimè impugnatio Gabrielis Vasquez loco citato, cap. 2. n. 11. quæ ex eo sibi videtur impugnasse sententiam Scoti, quia quod natura habeat negationem communicationis secundum aptitudinem, inquit, ex modo positivo oriri debet, quo ex se ita possit esse, ut repugnet alieno supposito communicari, quatenus cum tali modo positivo est. Nam si negatio communicationis aptitudinalis, inquit, non oriretur ex modo aliquo contrario, sequeretur naturam creatam nunquam esse in proprio supposito; siquidem nunquam haberet negationem communicationis secundum aptitudinem; Nam quando natura est per se, licet actu non communicetur alieno supposito,

Solutio Negatio inducens repugnantiam solum fundatur in aliquo positivo; sed huius conditionis non est negatio constitutiva suppositi creati.

Afferretur & impugnatur impugnatio Vasquez.

Solutio Quomodo suppositum creatum terminare possit naturā creatā.

potest tamen eadem numero natura, secluso modo peculiari, communicari: Ergo secundum se, secluso modo alio positivo, nunquam habet negationem communicationis secundum aptitudinem, ac proinde nunquam est in proprio supposito, etiam quando est per se, quod est absurdum. Hæc inquam, impugnatio facile dissolvitur. Quia ille confundit negationem aptitudinis, cum negatione includente repugnantiam. Præterea, falsum est quod natura non dependens actu ab alieno supposito, non habeat negationem dependentiæ aptitudinalis ab ipso; tamen enim dependere possit ab eo, & non habeat repugnantiam ad hoc; tamen non habet etiam aptitudinem. Ulterius, falsum est illius negationis aptitudinis ad dependendum assignari debere pro causa, modum aliquem peculiarem positivum, sufficit enim ad hoc, quod illa natura sit substantialis singularis & existens; nam eo ipso, tanquam ratione positivâ, caret aptitudine ad dependendum ab alieno supposito: & illa carentia aptitudinis naturalis ad dependere vel communicari, cum negatione actualis dependentiæ & communicationis, formaliter constituit rationem suppositi.

Obiectio 4.

Obijciatur 4. si suppositum dicat tantum duplicem negationem: Hæc propositio: Suppositum non potest assumi; efficiet sensum ridiculum; quia significabit naturam aliquam manentem independentem & incommunicatam in sensu composito, non posse dependere & commu-

nicari; quod nihil erit dictum. Sicuti enim ex eo v. g. quod aqua frigida ut frigida, in sensu composito, non possit calefieri, non rectè dicitur aquam frigidam non posse calefieri, quia depulsa frigiditate potest recipere calorem: Ita ex eo quod natura aliqua non sit dependens, non sequitur quod non possit dependere; quia ablata independentiâ, poterit dependere. Ergo quemadmodum absolute dicitur aquam frigidam posse calefieri: ita possumus dicere suppositum posse assumi; quia suppositum nihil aliud dicit quam duplicem negationem in natura, vel quam naturam habentem duplicem negationem allatam à Scoto. Negant autem absolute patres & Concilia, suppositum posse assumi. Ergo signum est esse in eo aliquid aliud quam duplicem negationem, ratione cuius hæc propositio non faciat huiusmodi sensum ridiculum.

Hanc impugnationem insinuat Suarez loco citato; sed eam impugnat Vasquez etiam loco novissime citato. Quia, inquit, non est par ratio aquæ respectu frigiditatis, & aeris respectu tenebrarum; ac independentiæ respectu suppositi. Nam frigiditas non est de essentia aquæ, nec tenebræ de essentia aeris; quare depulsis tenebris potest aer illuminari; & expulsa frigiditate, aqua calefieri. At independentiæ seu duplex negatio dependentiæ est de essentia suppositi, ex Scoto; Idcirco nullâ ratione fieri potest ut illud dicatur posse assumi. Sed hæc impugnatio levis est. Quia diceret Suarez argumentum suum

Solutio Vasquez non est sufficiens.

procedere de natura suppositata vel personata : per personam enim intelligunt Patres naturam ultimam completam & suppositatam, non autem personalitatem ipsam : Ideoque quantumcumque personalitas ipsa assumi non possit; tamen natura personata saltem assumi poterit, non quidem in sensu composito, sed in sensu diuiso, sicut eodem sensu potest aer tenebrosus illuminari, & aqua frigida calefieri.

Vera Solutio Dicendum itaque existimo nec Patres nec Concilia cogitasse solum an suppositum diceret entitatem positam, vel duplicem negationem : Has enim Metaphysicas concertationes non intenderunt dirimere. Sed voluerunt solum suppositum non posse assumi (si tamen hoc usquam dixerunt) quia repugnat naturam aliquam in se ac per se existentem dependere ab alio. Non quod suppositum formaliter sit natura in se ac per se existens; sed quia supponit hoc necessarium. Nec enim natura aliqua substantialis est independens actu & aptitudine ab alieno supposito; nisi quia prius est in se & per se existens : Sicut nec est in alio & per aliud existens, nisi prius sit dependens & communicata. Et sic non faciet sensum ridiculum allata propositio : quia significabit id quod maxime Patres intendebant, nimirum Verbum diuinum sustentare humanitatem assumptam; cum non assumpserit illam in se & per se existentem; nec hoc modo existentem assumere potuerit. Quædam alia argumenta proponit Suarez :

sed ea satis feliciter soluit Faber Faentinus loco citato.

QVÆSTIO V.

Quid sit accidens; & an inhaerentia sit de essentia eius?



MITTO varias definitiones Accidentis, quas referet Porphyrius in suis vocibus, capite de accidente, & quas referunt & explicant Philosophi ibidem; quippe quarum alie ad Logicum, alie ad Physicum pertinent; & suscipio tantum explicandam illam quæ dicitur Ens in alio, seu Ens inhaerens, ut potest quæ est propria Metaphysico instituto. Doctor Subtilis autem hanc rem subtilissime pertractat in 4. dist. 12. q. 1. ferè per totam, & 7. Metaphysic. q. 1. & ibidem Antonius Andreas, quorum tandem mens est, cum quibusdam alijs inferius citandis, inhaerentiam non esse de essentia Accidentis; sed omnes ferè rationes Doctoris Subtilis in 4. procedunt de inhaerentia actuali contra Philosophos; non autem de aptitudinali, de qua potissimum est difficultas; in Metaphysica verò expressius attingit inhaerentiam aptitudinalem, quam sicut & actualem negat esse de essentia accidentis.

Prænotandum itaque 1. pro intelligentia huius quæstionis, ex

Accidens nomen duobus modis sumitur promateriali & proformali.

Duplex accidens promateriali absolutum & respectuum
eodem Doctore ibidem, accidentis nomen sumi duobus modis, sicut & quodlibet nomen concretum, nimirum primò propter se significato nominis, quod est conceptus quem accidens naturaliter importat, nimirum ipsa accidentalitas, siue accidentia seu inherentia; nam sicut ab inhaerente habetur inherentia, quæ est per se significatum inhaerentis; ita ab accidente habetur accidentalitas seu accidentia, quæ est per se significatum accidentis. Secundò sumitur idem nomen pro re denominata, seu pro materiali, nimirum pro illa forma, puta colore vel figura, quæ denominatur accidens seu inhaerens; & illud quidem denominationem seu materialem est duplex, nimirum vel absolutum, ut quantitas, qualitas; aut respectuum, ut paternitas vel similitudo.

Inherentia duplex, actualis & aptitudinalis.
Prænotandum 2. inhaerentiam esse duplicem, scilicet actuaalem & aptitudinalem: actualis est ipsa vnio accidentis existentis in ipso subiecto existente, ut quidam actus & perfectio cum potenciali perfectibili, ut loquitur Antonius Andreas. Aptitudinalis autem est ipsa naturalis aptitudo quam habet accidens ad hoc ut inhaereat, & actu vnietur subiecto.

Differunt esse idem realiter alicui, & esse de ratione quidditativa eius.
Prænotandum 3. aliud esse, aliud esse de essentia alicuius, & aliud esse realiter idem ipsi; quia illud est præcisè de essentia quod includitur in conceptu quidditativo, & quod ponitur in ratione quidditativa eius, de cuius quidditate est, & non sicut ad ditamentum aliquod; quemadmodum v. gr. animal est de essentia hominis. Illud autem est

idem realiter, vel etiam essentialiter alicui, quod non potest ab ipso separari, licet interim sit extra conceptum eius quidditativum, quo modo proprietates se habent respectu subiectorum, quorum sunt proprietates.

Prænotandum 4. rem aliquam posse duobus modis considerari, nimirum præcisè secundum rationem suam quidditativam; & secundò per respectum ad intellectum nostrum, & ad cognitionem nostram. Doctor Subtilis loco citato in 4. docet rem aliquam etiam explicatam per omnia prædicata quidditativa, quæ ingrediuntur rationem eius quidditativam, non esse adhuc plenè definitam; sed perfectè compleri definitionem eius, quando explicatur quantum sufficit ad quietandum intellectum nostrum; ita ut intellectus noster nihil ampliùs perquirat. His positis, sit

Prima Conclusio.

Loquendo de per se significato accidentis; contradictio est ipsum intelligere non esse in subiecto, & hoc intelligèdo vni formiter in subiecto & prædicato, si in actu, actu. si aptitudine, aptitudine. Hæc conclusio sub his verbis est Doctoris Subtilis; & eius sensus est, quod inhaerentia est de conceptu accidentis sumpti propter se significato, seruata proportionè, ita ut inhaerentia actualis sit de conceptu accidentis inhaerentis actu; & inhaerentia aptitudinalis de conceptu accidentis inhaerentis aptitudine. Ratio autem conclusionis sumi potest

Res duobus modis definitur, quidditativè, & definitione quietæ intellectum nostrum.

Inherentia est de conceptu accidentis sumpti pro forma.

ex natura concretorum, de quorum conceptu sunt eorum per se significata, sicut v. g. de conceptu albi ut sic, est albedo.

Inhæ-
rentia est
respe-
ctus ex-
trinsecus
ad ad-
ueniens.

Si autem quæras, inquit Doctor Subtilis, ad quod genus pertinet illud quod per se significat hoc quod est accidens, vel inhærens? Respondeo, inquit, quod ad genus aliquod respectus extrinsecus aduenientis. Patet enim quoddam dicit respectum, quia non potest intelligi ratio eius ad se; non autem dicit respectum intrinsecus aduenientem, quia non necessarium consequentem positionem extremorum. Præterea, omnis unio absolutorum est respectus extrinsecus adueniens; inhærentia accidentis absoluti cum subiecto, est unio absolutorum: Ergo est respectus extrinsecus adueniens. Minor supponitur nunc. Maior probatur, quia neutrum ex ratione sui, nec ambo simul sunt necessaria causa talis unionis. Potest enim Deus sine contradictione, facere utrumque separatim, & separatim conservare sine alio, pro eo quod neutrum illorum respectu alterius potest esse nisi causa extrinseca, & non prima: Respectuum autem intrinsecus aduenientium non possunt extrema separatim fieri nec conservari; sed illis positis in esse, necessarium sequitur respectus.

Ad
quod
genus
spectet
inhæ-
rentia.

Si quæras iterum, inquit, ad quod genus pertinet? Vide, inquit, si forte ad genus passionis, ut sic passio dicat non tantum respectum passivi ad agens; sed ad formam; vel si forte ad genus actionis, ut sic actio dicat non tantum respectum agentis ad pa-

tiens, sed formæ informantis ad illud quod informatur; utroque autem modo, inquit, erit respectus extrinsecus adueniens.

Et si obijcias quoddam illud quod est determinati generis, non potest competere pluribus generibus: Accidens autem vel inhærens, quantum ad per se rationem nominis, convenit omnibus novem generibus: Ergo non est determinati generis, puta vel actionis, vel passionis. Respondet fieri posse, ut quod est determinati generis, denominet plura genera; quemadmodum, inquit, fortassis creatum dicit aliquid per se pertinere ad genus relationis, & tamen forte denominat quodlibet aliud à Deo: Ergo potest iste respectus pertinere per se ad unum genus, & tamen denominativè dici de relationibus vel respectibus novem generum.

Si autem istud non placet; quando quidem dubitativè & in-
hæ-
rentia est
non resolutivè loquitur Scotus; quid
dici poterit inhærentiam non
esse determinati cuiusdam generis,
sed esse rationem quandam
transcendentem communem
novem generibus accidentium.

Franciscus Suarez tom. 2. Metaphysic. disp. 37. sect. 2. num. 8. forte reprehenderet id quod dicimus inhærentiam esse communem novem generibus accidentium; quia, inquit, vestis non inhæret vestito, nec locus circumstanti inhæret locato, neque actio transiens agenti; proindeque istis predicamentis non erit communis inhærentia. Sed hoc nihil est dictum, quia nec vestis est predicamentum habitus, sed vestitum
esse,

esse, seu respectus inter vestem & vestitum; nec locus prædicamentum ubi, sed alicubi esse, seu respectus loci ad locatum, nec actio transiens prædicamentum actionis, sed respectus agentis ad passum. Isti autem omnes respectus verè & propriè inhærent

Secunda Conclusio.

Inhærentia actualis est eadem realiter accidenti respectivo.

Inhærentia actualis est eadem realiter accidenti respectivo, etiam sumpto pro materiali & denominato. Est Doctoris Subtilis: Sicque breuiter probatur: Illa relatio est eadem fundamentum, sine qua fundamentum esse includit contradictionem. Sed inhærentia actualis accidentis respectivi est huiusmodi: Ergo non potest fundamentum eius esse sine ipsa: Ergo est eadem realiter ipsi fundamentum, quod est accidens pro materiali. Maior patet. Minor probatur: quia respectus est realiter habitudo inter duo extrema; & idè sicut tollere terminum ad quem ipsius respectus, est destruere respectum; ita tollere illud cuius est respectus, est destruere respectum, & rationem respectus; & per consequens contradictio est respectum non inhærente. Quia enim respectus est respectus; idè requirit necessarium fundamentum, ac per consequens subiectum, extendendo, inquit Scotus, subiectum ad fundamentum, quod potest dici proximum subiectum respectus.

Dices; Ergo respectus fundabitur in respectu, nimirum inhærentia in illo accidente respectivo. Respondet Scotus nullum esse inconueniens; sicut patet de

proportionem & proportionabilitate; proportionabilitas enim fundatur in duabus proportionibus, & tamen tùm proportionabilitas, tùm proportionationes sunt respectus. Nec propterea proceditur in infinitum, quia ut docet paulò infra, tamen si accidens materiale inhæreat per inhærentiam; tamen inhærentia ipsa, quæ etiam inhæret illi accidenti, non inhæret per aliam inhærentiam, sed seipsa.

Tertia Conclusio.

Inhærentia actualis non est idem realiter accidenti absoluto sumpto pro materiali & denominato; multò minus erit de essentia eius. Est iterum Doctoris Subtilis: Et sic probatur. Impossibile est quod idem realiter maneat & corrumpatur, aliàs esset, & non esset simul, quod est oppositum primo principio; sed manente & existente accidente absoluto, non manet inhærentia actualis: Ergo illa non est idem realiter accidenti absoluto. Maior patet. Minor probatur ex accidentibus quæ non inhærent actu in sacramento Eucharistiæ. Vltèriùs tamen sic philosophatur Doct. Subtilis. Accidens absolutum, vnde absolutum, non requirit terminum nec terminos, quia tunc non esset absolutum: Si igitur requirit subiectum, oportet quod hoc sit propter aliam de pendentiam essentialem ad ipsum, sed nulla est dependetia simpliciter necessaria alicuius absoluti, ad aliquod quod non est de essentia eius, sed tantum est ei causa extrinseca, nisi ad causam extrinsecam simpliciter primam, scilicet ad Deum; subie-

Inhærentia actualis non est idem realiter accidenti absoluto.

Quare
dependen-
tia
acciden-
tis a sub-
iecto
non sit
simpli-
citer ne-
cessaria.

Etiam autem non est de essentia accidentis, quia tunc homo albus non esset Ens per accidens, quod est contra Philosophum 3. Metaphysic. cap. de Ente, & cap. de Vno, & 7. Metaphysic. cap. 3. quia addendo alicui illud quod est de essentia eius, non habetur Ens per accidens; præcipue si illud in se sit Ens per se; accidens autem secundum se, est Ens per se, secundum Philosophum 3. Metaphysic. cap. de Ente; unde & per se est in genere: Nec subiectum est causa extrinseca simpliciter prima; sed Deus præcisè est huiusmodi causa, qui non est subiectum accidentis. Ergo dependentia accidentis absoluti ad subiectum, non est simpliciter necessaria. Voco simpliciter necessarium, cuius oppositum includit contradictionem. Maior probatur: quia causalitatem cuiuscunque causæ extrinsecæ respectu cuiuscunque causati, perfectè supplere potest prima causa; quia habet in se omnem talem causalitatem eminentius quàm causa secunda.

Si dicas subiectum esse causam materiale respectu accidentis; Deum autem non posse supplere vicem causæ materialis, sicut nec causæ formalis. Contrà; secundum Philosophum 3. Metaphysic. Accidentia non habent materiam ex qua, sed in qua; vel si habent ex qua, illud non est subiectum, quia subiectum cum accidentem facit Ens per accidens, ut dictum est; per se autem intrinsecum essentia accidentis, siue sit materia, siue forma, non constituit Ens per accidens; quia accidens ut est quoddam totum, est

ex omnibus pertinentibus ad essentiam eius.

Ex ista ratione patet, inquit Scotus, quare Philosophi dicerent quod accidens non potest esse sine subiecto; non quidem quia ponerent subiectum de essentia accidentis; imò ex eis constituitur Ens per accidens; nec quia de essentia accidentis absoluti, ponerent inhærentiam, vel respectum quemcumque ad subiectum: quia contradictio est quod in per se ratione absoluti, includatur aliquis respectus; quia tunc esset absolutum, & non absolutum: Sed tantummodò quia ponerent ordinem causarum simpliciter necessariarum; ita quod prima causa non potest causare causatum causæ secundæ; sine causa secunda; subiectum autem habet aliquam causalitatem respectu accidentis, loquendo de ordine naturali causarum, & idè sine ista causa in ordine suæ causalitatis posita, negarent accidens esse. Quare impossibilitas separationis accidentium a subiecto, iuxta Philosophos, petenda non est ex ipsa ratione intrinseca quidditativa & necessaria accidentium, quasi scilicet oppositum implicet contradictionem; sed tantum ex necessario ordine causarum.

Obijcitur 1. contra conclusionem: Illud quo accidens est formaliter Ens, est sibi realiter idem; sed accidens est formaliter Ens per inhærentiam ad subiectum: Ergo talis inhærentia est sibi idem realiter. Maior patet. Minor probatur; quia ex Philosopho initio 7. libri Metaphysic. dicitur quod accidentia sunt En-

Præcla-
ta do-
ctrina
Scoti
proin-
telligē-
tia do-
ctrinæ
Philoso-
pho-
rum.

Obie-
ctio. 1.

tia, in eo quod sunt taliter Entis. Ergo formalis ratio entitatis in accidente, est inherere realiter Enti, id est substantiæ. Confirmatur, quia 4. Metaphysic. dicitur quod Ens dicitur de substantia & accidente, sicut sanum de sanitate in animali, & in vrina: sed nihil formaliter dicit sanum de vrina, nisi habitudinem ad animal sanum. Ergo nec Ens dictum de accidente, dicit aliquid nisi habitudinem ab substantiam. Ergo accidens non erit Ens formaliter nisi per inherentiam ad substantiam. Respon-

Solutio
Quomodo
accidens
sit Ens
quia
Entia.

Explicatur
Particula,
in eo quod.

deo negando Minorem; & ad probationem eius dicendo quod peccat ex æquiuocatione huius vocabuli, *in eo quod*, non enim semper, *in eo quod*, est nota causæ formalis illius quod præcedit: Nam ut dicitur 7. Metaphysic. quotiens dicitur causa, totiens dicitur, *in eo quod*, vel, *secundum quod ipsum*. Ergo, *in eo quod*, potest esse nota cuiuscumque causæ illius quod præcedit. Et ideo cum substantia sit aliqua causa accidentis, licet non de essentia eius; accidens est Ens in eo quod est taliter Entis, id est talis causæ, & in tali ordine causandi: Nec tamen illa habitudo ad quamcumque causam, est Ens formale vel essentiale in causato; quia tunc nullum causatum esset formaliter absolutum.

Exponitur
comparatio
quæ dicitur
accidens
ita se
habere
ad sub-

Ad confirmationem dicitur quod illa similitudo claudicat in exemplis enim oportet considerare similitudinem & dissimilitudinem: Nam quod in omnibus est simile, idem utique est, & non exemplum, ut ait D. Damasc. lib. 3, c. 26. Est ergo simile in proposito; quia sicut est ordo essen-

tialis vrinæ ad animal quatenus est sanum; ita est habitudo essentialis inter subiectum & accidens in habendo entitatem; sed est dissimile, quia ille ordo essentialis ad subiectum, non est de essentia accidentis, sicut ratio signi est essentialiter sanum, ut dicitur de vrina; in vrina enim non est aliqua forma absoluta, à qua dicatur sana; in accidente autem est aliquid absolutum, propter quod formaliter dicatur Ens, licet super illud absolutum, fundetur ordo ad aliud, scilicet ad subiectum.

Obijciunt 2. Si inherencia non est de essentia accidentis; & ita non est aliud, & inheret ipsi accidenti, quia accidens dicitur inherens formaliter. Quæritur ergo de illa inherencia secunda, quæ prima inherencia inheret accidenti, an sit eadem ipsi accidenti, vel primæ inherentiæ; aut sit aliud. Si est eadem, pari ratione standum erat in prima; si est aliud, erit processus in infinitum. Respondeo inherentiam

Obiectio
2.

verè inherere accidenti tanquam accidens per accidens ipsius; est inherentiam eadem realiter primæ inherentiæ, & ita est ibi status; quia illa relatio est eadem fundamentum; sine qua fundamentum esse includit contradictionem: Huiusmodi autem est inherentiam; quia contradictio est inherentiam albedinis v. g. ad superficiem, esse in actu vel aptitudine; & non inherere actu vel aptitudine; sed propter rationem oppositam, nulla inherentia formæ absolute est illi eadem, quia non est simpliciter repugnantia formæ.

Solutio
Inherencia
non est
in accidente
nisi per
aliam
inherentiam;
sed ibi
est status.

absolutam simpliciter esse, & tamen non inesse.

Obiectio 3.

Obijcitur 3. Respectus accidentis ad subiectum, non est minus idem accidenti, quam respectus creaturæ, ad Deum est idem creaturæ; sed ille est idem creaturæ, ut nunc supponitur. Ergo respectus accidentis ad substantiam, qui est inherencia, est idem realiter accidenti. Maior patet, quia creatura non definitur per ipsam essentiam diuinam additam in sua definitione, aliàs nihil haberet definitionem in suo genere, cum Deus sit extra genus; accidens tamen propter suum respectum ad subiectum, necessariò definiatur per subiectum. Ergo ille respectus accidentis ad substantiam, non est minus idem illi, quam respectus creaturæ ad Deum. Respondeo

Solutio
Quare
accidens
definitur
per
substantiam,
&
tamen
creatura
non
definitur
per
Deum.

negando maiorem, & ad probationem dicendo non propterea non definiti creaturam per respectum ad Deum, quia non magis dependeat creatura à Deo, quam accidens à subiecto: Sed quia potest assignari definitio creaturæ quietans intellectum, secluso respectu dependentiæ ad Deum: non potest autem assignari definitio accidentis quietans intellectum, seclusa dependentiâ eiusdem accidentis ad subiectum.

Obiectio 4.

Obijcitur 4. Si inherencia est aliud ab accidente, & est posterior ipso; saltem videtur esse propria passio eius; quia nihil videtur immediatius inherere accidenti, quam habitudo ad subiectum: sed subiectum non potest esse sine sua propria passione, absque contradictione: Ergo ne-

que accidens absque inherencia actuali. Respondetur negando maiorem; neque enim inherencia actualis est propria passio accidentis, sed est accidens per accidens, & respectus etiam extrinsecus adueniens, saltem cuiusque absoluto: Neque etiam inherencia actualis immediatè inheret accidenti: imò si accidens, puta albedo, habet aliquam propriam passionem, illa immediatè inheret illi, quam huiusmodi inherencia: Siquidem illa passio necessariò inest albedini, siue coniunctæ, siue separatæ à subiecto; inherencia autem inest contingentè, & non ex natura albedinis, sed à causa extrinseca: albedo enim non facit se ipsam inherere, sed ipsum agens albificans.

Inherencia actualis non est propria passio accidentis absolute, & quare.

Quarta Conclusio.

Inherencia aptitudinalis est idem realiter omni accidenti, tum respectivo, tum absoluto, etiam sumpto pro materiali & denominato. Hæc conclusio apud neminem vertitur in dubium; illamque solum probare videntur rationes omnes quæ afferuntur ab aduersariis, quibus existimant probare dictam inherenciam esse de essentia accidentis. Ratio autem conclusionis est in promptu; quia nulla aptitudo naturalis alioquin, distinguitur realiter ab illo ente cuius est aptitudo: Ideoque aptitudo illa cuiuscumque accidentis ad inherendum, non distinguetur realiter ab accidente. Er certè quantumcumque separaretur accidens à subiecto, retinet tamen semper illam na-

Inherencia aptitudinalis est idem realiter omni accidente.

turalem propensionem, quam habet vt inhæreat illi.

ceptum perfectum quietatiuum, nisi cointelligatur illud cuius est forma.

Quinta Conclusio.

Inhærentia aptitudinalis non est de essentia aptitudinalis non est de essentia accidentis.

Inhærentia aptitudinalis non est de essentia vllius accidentis sumpti pro materiali & denominato. Hanc conclusionem expressè tradit Doctor Subtilis 7. Metaphysic. q. 1. & ibidem Antonius Andreas, & Ioan. de Bassolis in 4. dist. 12. q. 1. art. 2. §. *Ad primum Philosophorum.* Et ita probatur: Si inhærentia aptitudinalis esset de essentia accidentis, maximè quia accidens definiri solet Ens inhærens; & quia naturaliter inclinatur ad inhærendum; & quia concipi non potest absque propensione illa & aptitudine, quam habet ad inhærendum; Sed hæc non sufficiunt vt constituatur inhærentia aptitudinalis de ratione quidditatiua accidentis. Probat; quia quodd imprimis dicatur Ens inhærens, est quia circumloquimur sæpè rationes rerum per ea quæ sunt nobis notiora; quodd etiam naturaliter propendeat accidens in subiectum, non sufficit vt dicatur illa propensio esse ratio quidditatiua eius, sed indicat illam, ad naturam eius spectare; seu naturam eius consequi; maximè verò cum res prius sit in se & ad se, quàm propensa ad aliud: Quodd etiam concipi non possit accidens absque illa aptitudine ad inhærendum, est quia intellectus noster assignatà quacunque ratione quidditatiuà eius, nondum quiesceret, sed ulterius quæret cuiusnam subiecti est et forma: quia nulla forma potest habere cō-

Dicunt aduersarij accidens naturà suà esse ordinatum ad afficiendam substantiam: Ergo naturà suà debere respicere substantiam. Respondeo ita esse, si id sanè intelligatur; fieri enim potest vt accidens naturà suà ordinatum sit ad afficiendam substantiam; & tamen illa ordinatio, seu ille ordo ad substantiam, non sit quidditas eius: Imò ex hoc sic confirmo nostrum propositum. Accidens naturà suà ordinatum est ad afficiendam substantiam: Ergo potius ad perficiendam & ornandam ipsam, quàm ad inhærendum ipsi: quippè cum ipsa inhærentia sit veluti tantum conditio sine quâ non posset accidens perficere & ornare substantiam. Ergo ratio perfectiua & affectiua substantiæ, esset potius dicenda ratio quidditatiua accidentis, quàm inhærentia aptitudinalis, seu ratio inhærentia, quâ accidens potest inhære substantiæ.

Præterea, inhærentia est tantum existentia talis; non est autem verisimile quodd tota ratio accidentis sita sit in eo quodd taliter existat vel possit existere, quia ratio illa est tantum ratio modalis, non autem ratio quidditatiua. Ergo de facto habet accidens aliquam rationem quidditatiuam intimiorem & principaliorem, quæ nos latet. Concludamus itaque accidentis cuiuslibet esse à parte rei quandam rationem quidditatiuam priorem ipsa aptitudine ad inhærendum, quicquid reclamant alij.

QVÆSTIO VI.

*Quomodo Substantia &
Accidens se habeant ad
inui cem?*



PRESENTI qua-
stione sumus e-
xaminaturi cõ-
parationes, quæ
fieri solent in-
ter substantiam
& accidens, scilicet distinctio-
nis & prioritatis, ac prioritatis
quidem, tùm secundùm perfectio-
nem, tùm secundùm tempus, tùm
secundùm rationem, tùm secun-
dùm notitiam, quas omnes prio-
ritatis habitudines latè prosequit-
ur Doctor Subtilis 7. Metaphy-
sic. quæstionibus 2. 3. & 4. & ibi-
dem Antonius Andreas, & Ale-
xander Alensis 7. etiam Metaphy-
sic. text. 5.

Non
omnia
acciden-
tia eod-
em
modo
disting-
guuntur
a sub-
stantia.

Quo-
mo lo
sumitur
tempus
in hoc
propo-
suo.

Prænotandum autem primò
non omnia accidentia eodem di-
stinctionis genere distingui à sub-
stantia; quædam enim distin-
guuntur realiter, vt quæ adue-
niunt & recedunt, & vniuersim
omnia separabilia; quædam verò
tantum formaliter, vt propriæ
passiones.

Prænotandum 2. pro intelli-
gentia prioritatis temporis, quæ
docet Philosophus initio 7. Me-
taphysic. Substantiam esse prio-
rem accidente; tempus non ab
eo usurpari, pro tempore quod
definitur 4. Physic. Nam vt re-
ctè obseruat Doctor Subtilis
dictâ q. 2. prioritas illa tempo-

ris est prioritas substantiæ, in-
quantum substantia est; tempus
verò vt definitur in Physicis,
est tantum mensura motus &
quietis, & eorum quæ sunt in
motu & quiete; cuiusmodi non
est substantia secundum se, quæ
quidem vt sic, abstrahit à motu
& à quiete. Non accipitur etiam
hic tempus pro aliqua duratio-
ne vel mensura extrinseca succes-
siva alia ab essentia rei; nam cum
illa sit etiam accidens, substan-
tia posset illam præcedere; sic-
que de illa oriretur noua diffi-
cultas; & ita tandem procede-
retur in infinitum. Sumitur ita-
que tempus hic pro ratione se-
parabilitatis, ita vt illud sit prius
tempore alio, quod potest sepa-
ratim esse sine ipso, & ipsa
aliud non sine eo; & ista qui-
dem prioritas parum differt à
prioritate naturæ: Vnde etiam
laborant Aristotelis Interpretes
in indaganda ratione, quæ mo-
tus fuerit Aristoteles, vt illam
prioritatem, temporis priorita-
tem appellaret; præsertim cum
prioritatem temporis à priorita-
te naturæ distinxerit in Post-
prædicamentis, & 5. Metaphy-
sic. capite de priori; quòd illa
significet realem prioritatem in
existendo: Hæc verò carentiam
conuersionis seu conueruitabili-
tatis in subsistendi consequentia.
Nihilominus apertimus in con-
clusionibus, quare illa priori-
tas dici debeat prioritas tem-
poris.

Prænotandum 3. illud esse prius
definitione altero, quod definiti
potest sine ipso, illud autem esse
posterius eadem posterioritate, al-
tero, quod desigari non potest ne.

Quid sit
aliquid
esse pri-
us alio de-
finitio-
nis.

Quomodo substantia & accidens se habeant adinuicē. sit
sive eo; & id quidem vel defini-
tione quidditatiuā absolute sum-
ptā, vel definitione quietatiuā
intellectus nostri, & respectiua
ad cognitionem nostram.

*Quid sit
aliquid
esse pri-
us altero,
cogni-
tione,
& quot
modis
hoc di-
citur.*

Prænotandum 4. pro intelli-
gentia distinctionis, quæ statui
potest inter prioritatem defini-
tionis seu rationis, & priorita-
tem cognitionis in hoc propo-
sito, aliquid posse esse prius al-
tero, cognitione, duobus modis,
vt recte obleru. Doctor Subtilis 7. Metaphysic. qu. 3. scilicet
prioritate cognitionis secundum
perfectionem, & prioritate co-
gnitionis secundum generatio-
nem. Priori modo, illud est prius
cognitione, altero, quod est na-
tum parere cognitionem sui no-
biliorem & perfectiorem. Po-
steriori modo, illud est prius co-
gnitione altero, quod est na-
tam prius cognosci & apprehen-
di à facultate cognoscente; & id
quidem adhuc duobus modis,
scilicet vel à facultate expedita
& non impedita, & superiore na-
turalis rerum; vel à facultate im-
pedita seu habente obstacula ra-
tione sui status. Priori modo,
quæ sunt priora cognitione se-
cundum perfectionem, sunt
etiam priora cognitione secun-
dum generationem; quia sicut
illa sunt maximè cognoscibilia;
ita facultas cognoscentes perfe-
ctissima, qualis est vis intel-
lectiua primæ causæ, est etiam
illorum maximè cognoscentiua.
Posteriori modo, quæ sunt prio-
ra cognitione secundum perfectio-
nem, non semper, imò raro sunt
priora cognitione secundum ge-
nerationem; propterea quod fa-
cultas impedita, qualis est vir-

tus cognoscentiua hominis pro hoc
statu, prius apprehendit ea quæ
sunt propinquiora sensibus, &
quæ magis illos excitant, cuius
conditionis non sunt ea quæ
nata sunt parere sui nobiliorem
perfectionem, sed ea quæ nata
sunt parere minus nobilem, cu-
iusmodi sunt accidentia. Et qui-
dem prioritatem cognitionis se-
cundum perfectionem, vocat Do-
ctor Subtilis prioritatem consi-
derationis Metaphysicæ; priori-
tatem autem cognitionis secun-
dum generationem, præsertim
secundo modo, & habita ratio-
ne coniunctionis facultatis nostræ
cognoscentiæ cum sensibus, vo-
cat prioritatem considerationis
animasticæ, quia huiusmodi prio-
ritas non tam ad naturas rerum,
quàm ad modum & ordinem
nostræ cognitionis pro hoc statu,
pertinet. Itaque iuxta hæc, prio-
ritas cognitionis consistit in eo
quod aliquid vel perfectius, vel
prius natum sit cognosci & ap-
prehendi, prioritas autem defi-
nitionis, in eo quod illud quod
sic est prius, non dependeat ab
altero quantum ad definitionem
sui. His positis, sit

Prima Conclusio.

Substantia & accidens distin-
guuntur semper plusquàm
ratione, scilicet vel realiter, vel
formaliter; non tamen distin-
guuntur semper realiter. Prior
pars patet; quia secluso omni
opere intellectus, Substantia non
est accidens, nec accidens sub-
stantia; substantia enim secun-
dum se est Eius subsistens &
independens; Accidens verò est

*Quo-
modo
distin-
guuntur
substan-
tia &
accidens.*

Ens inherens & dependens. Altera pars patet similiter, quia non omnia accidentia separantur, nec separari possunt à substantia, nimirum propriæ passionis eius. Si tamen conferamus substantiam cum nouem generibus accidentium; existimo inter illam, & ista omnia, intercedere distinctionem realem, tùm quia dantur quædam substantiæ expertes huiusmodi accidentium; tùm quia nulla est substantia, quæ non possit fortassis virtute diuinâ omnibus illis spoliari.

Secunda Conclusio.

Substantia est prior accidente, quia substantia est independentis ab accidente, accidens verò dependens à substantia. Denique, quia substantia est causa accidentis; Accidens verò non est causa substantiæ. Præterea, quia substantia est Ens simpliciter: Accidens verò non est Ens, nisi quia Entis. Tandem quia substantia habet nobilissimum & perfectissimum quod quid est; accidens non sic.

Tertia Conclusio.

Substantia est prior tempore, & accidente. Conclusio est Philosophi, disertis verbis, initio 7. libri Metaphysic. Et idèd authoritas illius sufficit ad veritatem conclusionis. Superest tantùm explicandum quomodo id sit intelligendum. Omissis itaque aliorum omnium opinionibus; sententia Doctoris Subtilis est, eâ ratione substantiam dici prio-

rem tempore, accidente; quia ipsa non dependet ab accidente, & quantum est ex se, ei non repugnat contradictoriè esse sine quolibet accidente. Sed hæc prioritas est tantùm prioritas naturæ, vt patet; quia quod est prius naturâ, altero, debet esse independentis ab eo, & ei non repugnaret posse existere sine eo.

Quare alij addunt eâ ratione, substantiam esse priorem tempore, accidente, quia de facto, substantia est prior multis accidentibus suis; quòd si non omnibus, id aliunde provenit: Nullum autem accidens est prius substantia; imò verò ad sui existentiam, necessariò requirit existentiam substantiæ. Et hæc quidem interpretatio non displicet, quia redit cum nostra, & meliùs prioritatem temporis explicat. Sic ergo vno verbo, substantia dicitur prior tempore, accidente, quia est independentis ab illo, quia non illud requirit ad sui existentiam, quia non repugnat ei contradictoriè existere sine illo, quia quantum est ex se, non indiget ipso, nec habet intrinsecam & necessariam connexionem cum ipso, quia tandem est prior multis accidentibus; accidens verò est dependens à substantia, requirit substantiam ad sui existentiam, habet necessariam & intrinsecam connexionem cum ipsa, & nullum est accidens quod aliquo modo præcedat substantiam.

Non debemus tamen hic præmittere quod Scotus obseruat, nimirum, substantiam non esse priorem tempore, accidente, si spectetur præcisè, vt causa eius; quia

Explicatur quomodo sit id intelligendū.

quia ut sic, intra essentiam suam, habet causalitatem necessariam respectu saltem alicuius accidentis, nimirum propriæ passionis suæ.

Con-
futa-
tur
inter-
preta-
tio 66-
menta-
toria.

Commentator Auerroës 4. Metaphysic. eâ ratione dicit substantiam esse priorem tempore, accidente; quia, inquit, si accidens aduenit corpori, postquam est corpus, ut accidens separabile, tunc est prius tempore omni tali accidente adueniente; si vero non est accidens adueniens, sed inseparabile, & semper simul cum eo, tunc substantia composita non præcedit accidens tempore; aliqua tamen substantia incompleta & incomposita, nimirum materia præcedit illud idem accidens.

Contra istam sententiam insurgit Doctor Subtilis dictâ quæ. 2. ac imprimis ostendit hanc interpretationem non esse ad mentem Philosophi, quia Philosophus de qua substantia affirmat prioritatem temporis respectu accidentis, de eadem affirmat prioritatem cognitionis & definitionis, respectu eiusdem accidentis; sed materia non præcedit cognitionem, quia est scibilis per analogiam ad formam, ex primo Physicorum, & quia actus est prior cognitione, quàm potentia, ex 9. Metaphysic. Materia autem est in potentia respectu accidentis. Similiter nec præcedit definitionem; quia substantia composita cadit in definitionem accidentis, & non materia: Nam 7. Metaphysic. dicitur quod accidentia copulata habent definitionem per proprium subiectum. Præterea, Philosophus 4. Meta-

physic. probat quod substantia est primum Ens, & quomodo sit primum Ens, scilicet tempore; sed ea quæ ibi docet intelligi non possunt de materia; probat enim substantiam esse primam, quia prædicatur simpliciter in quid: & quia alia sunt entia, quia sunt taliter entis: Sed neutrum est verum de materia. Primum non; quia 9. Metaphysic. dicitur quod materia prædicatur denominatiue de materiali, & non in quid: Secundum etiam non est verum de materia: Nam accidentia non dicuntur entia quia materiæ; quia non sunt in materia, ut in subiecto, saltem accidentia perfecta. Quod ergo dicitur de accidentibus inseparabilibus, quod scilicet materia præcedit ea, non est de intentione Philosophi.

Secundò ostendit Doctor Subtilis hanc positionem Auerrois esse falsam secundum se: Quia, inquit, si materia præcedit accidens tempore; aut hoc est verum de materia secundum se; aut ut est sub aliqua forma. Non primo modo, quia ut sic, non est sub tempore, cum sit ingenerabilis & incorruptibilis, ex 1. Physic. Nec secundo modo, quia ut sic, aut est sub forma accidentali; & sic non est prior tempore, quia ut est sub forma, non est prior forma; aut ut est sub forma substantiali; & tunc habetur propositum, quia substantia composita est prior.

Præterea; si res ita se habeat, inquit, sequitur quod sint accidentia quæ non præceduntur ab aliqua substantia, scilicet accidentia propria cor-

porum cœlestium, quod est contra Philosophum. Probatur consequentia; quia in cœlo, vel est materia, vel non; si non, ut dicit Commentator in libro de substantia orbis, tunc talia accidentia non præceduntur, quia materia non præcedit. Nec potest dici quod præcedantur à substantia composita; quia illa accidentia sunt inseparabilia; si autem sit ibi materia; illa non præcedit tempore substantiam compositam, cum substantia cœli sit ingenerabilis & æterna secundum Philosophum, & per consequens non præcedit accidentia.

Substantia non est ratione dicuntur prior accidente, definitione, quod substantia prima se sit prior accidente.

Noster magnus Alexander, & post ipsum eximius eius discipulus D. Thomas & Thomistæ ferè omnes docent substantiam esse priorem tempore, accidente, quia datur aliqua substantia omnino prior accidentibus, nimirum substantia primæ causæ, & fortè Intelligentiarum: sed hanc interpretationem non esse ad mentem Philosophi, ostendit Doctor Subtilis loco citato, & post ipsum Franciscus Suarez tom. 1. Metaphysic. disp. 38. sect. 1. num. 7. quia Philosophus non agit tantum de substantia aliqua singulari, sed de substantia in se; quia etiam prima causa secundum Philosophum, non est prior tempore, omni accidente, licet nullum in se admittat accidens, cum secundum ipsum, tempus sit illi coævum.

Quarta Conclusio.

Substantia est

Substantia est prior accidente, ratione seu definitione. Est ex-

pressa Aristotelis loco superius citato. Et non eam aliter probat Doctor Subtilis quam quia substantia definitur absolute, absque ullo respectu vel habitudine ad accidens. accidens verò definiti non potest nisi per respectum & habitudinem ad substantiam; intellige, definitione quietatiuâ intellectus, non definitione quidditatiuâ rei. Quod si quæras à Doctore Subtili; quare huiusmodi explicatio accidentis per respectum ad substantiam, dicitur definitio eius? dicet quod quia definitio datur ut res nobis innotescat; accidens autem non omni ex parte nobis innotescit absque respectu eius ad substantiam; ideoque ratio explicis huiusmodi respectum, rectè dici debet definitio. Ad hanc conclusionem, plura videri possunt apud eundem Doctorem, q. 4. & apud Antonium Andream q. 3.

Quinta Conclusio.

Substantia est prior cognitione, secundum perfectionem, accidente, non autem secundum generationem, saltem respectu cognitionis nostræ. Prior pars conclusionis est Aristotelis loco citato, & eam probat Doctor Subtilis ex eo, quia substantia est perfectius cognoscibile quam accidens; est autem, inquit, perfectius cognoscibile, quia habet perfectius quod quid est. Secunda pars conclusionis est eiusdem Doctoris in 1. dist. 3. q. 3. & dist. 22. q. 1. Quam ex eo probat, quia nihil cognoscimus quod prius non fuerit in sensu;

prior accidente, definitione.

Quomodo substantia sit & non sit prior accidente, cognitione.

Quomodo substantia & accidens se habeant adinuicē. 515

accidentia autem prius sunt in sensibus, quàm ipsa substantia. Ergo prius etiam intelliguntur à nobis quàm ipsa substantia. Confirmatur istud; quia accidentia, putà quantitas, qualitas, motus, & cæt. primum obuersantur nostris sensibus, & se illis exhibent, imprimèdo in illis suas species; sensus autem exteriores transmittunt species quas ab illis acceperunt ad sensus internos; & sic intellectus agens conuertitur ad illas species phantasticas; ex quibus eruit species intelligibiles eorundem ac-

cidentium prius repræsentatorum sensibus; habitaque aliquali notitià illorum, non statim quiescit intellectus, sed profundius rem examinat, deprehenditque sub eisdem accidentibus, latere quidpiam aliud quod illa fulciat & sustentat; illudque substantiam appellat. Et cæ ratione docet adhuc Scotus locis citatis, nos pro hoc statu, non habere conceptum quidditatum substantiæ, quia illam tantum cognoscimus à posteriori, & arguitur, scilicet ministerio accidentium.

*Pedibus Sanctæ Romanæ Ecclesiæ & Facultatis
Theologiæ Parisiensis matris meæ; submitto hæc
qua de Rebus Metaphysicis, præ animi te-
nuitate, scripsi ad laudem & maio-
rem gloriam omni potentis Dei.*





R E R V M

MEMORABILIVM

QVÆ IN HOC OPERE

CONTINENTVR INDEX ABSOLVTISSIMVS,
alphabetico ordine digestus.

LITTERA A, PRIMAM COLUMNAM
pagina significat, b, verò secundam.



Abstractio à materia non satis est ad constituendum habitum

42. a.

Abstractio triplex 16. b.

Abstractio præcisiva triplex, Physica, Metaphysica, & Logica, 26. b.

Abstractum multiplex. 156. a.

Accidens nullum potest indiuiduari per subiectum, nec per habitudinem ad subiectum.

127.

Accidentia plura possunt esse in eodem subiecto, modò non educantur per motum. 128. b.

Accidens definitur per se, sed non primò. 117. a.

Accidens habet propriam entitatem distinctam ab entitate subiecti. 117. b.

Accidentia cùm separantur à suo subiecto in Eucharistiæ Sacramento, manent in sua actua-

li entitate. 118. a.

Accidentia existere, & esse actum, idem planè est. 1. ibid.

Accidens non producitur per generationem. ibid.

Accidentis esse est inesse, & accidens non est ens, nisi quia entis. 118. b.

Accidentis existentia non est eius inhærentia. 119. a.

Accidentium inhærentia aptitudinalis dicit formaliter respectum ad subiectum ibid.

Accidens potest definiri Ens in alio. 119. b.

Actus entitativus & potentia obiectiva propriè spectant ad Metaphysicum. 447. b.

Actus nomen primò fuit impostum ad significandum motum. 448. b.

Actus & potentia propriè definiri non possunt. ibid.

Actio intellectus duplex. 65. b.

Actus desumunt suam speciem, saltem extrinsecè, ab obiecto.

dis, à quibus partialiter causantur, & ad quæ terminantur. 28. a.

Æquioca dicuntur quorum nomen est commune, & ratio secundum illud nomen, varia & multiplex. ibid.

Agens supernaturale duobus modis respicere potest potentiam creaturæ. 46. f. b.

Analogia realis & vniuocatio Metaphysicalis realiter non repugnant in eodem conceptu. 118. b.

Analogia entis qualis sit. 119. a.

Analogia attributionis non est in Ente, plurium ad vnum sed vnius alterum. ibid.

Analogia multiplicia, & eorū differentia. 110. a. b.

Analogia quænam dicantur. 60. a.

Analogia non sunt media inter vniuoca & æquioca. 61. a.

Analogia proportionalitatis, quid 111. b.

Analogum æquibocum quid. 19. a.

Angelorum datur maxima inæqualitas. 162. b.

Anima est causa formalis totius animalis. 209. a.

Animal diuisum in rationale & irrationale. 74. a.

Animalitas est completa & perfecta absque rationalitate vel irrationalitate. 84. a.

Annihilationi nil succedit. 175. b.

Aristoteli, D. Augustino, & Doctori Subtili, multi cum Pico

Mirandulano existimant nullos esse comparandos. 162. b.

B

Bonitas infinita & finita non sunt diuersæ rationis. 173. a.

Bonitas duplex, vna absoluta, altera respectiua. 388. a.

Bonitas respectiua per duplicem respectum explicatur. ibid.

Bonitas absoluta duplex. 389. a.

Bonum & Ens quomodo distinguantur. 220. a.

Bonum est proprietas Entis. 391. a.

Bonitas entis & bonitas moralis distincta à D. Augustino. ibid.

Bonum omne est ens. 393. b.

Bonæ quomodo sint mors & aliarum priuationes. ibid.

Bonitas entitatiua est passio entis. 324. a.

Bonum appetitur duplici appetitu. 395. b.

Bonum entitatiuum quomodo sit appetibile. ibid.

Bonum respectiuum potest etiam poni proprietas Entis. 396. a.

Bonum quidditatiuum consistit in modo, specie & ordine. 399. a.

C

Causa secunda est efficiens sui effectus. 215. a.

Causatum non est à se. 435. a.

Causatum quomodo sit possibile. ibid.

Causa ipsius esse, est causa existentia. 209. a.

Causæ secundæ sunt etiam causæ existentia. 211. b.

Causa secunda causat etiam ipsum esse, secundum Scotum. ibid.

Causa efficiens generationis, est causa efficiens esse, ad quod generatio ipsa terminatur. ibi.

Causæ secundæ à prima in producendo aliquid discrimin. 111. b.

Causa secunda non est causa solum instrumentalis ipsius esse. ibidem.

Causa finalis & causa exemplaris

INDEX RERVM

- differunt. 200. a.
 Causa quævis non est elementum. 251. a.
 Causa minùs latè patet quàm principium. ibid.
 Causa influit in suum effectum, principium autem non influit semper in id cuius est principium. 251. b.
 Nullum Causatum potest esse causa suæ causæ. 325. a.
 Chymæra quomodo non sit magis nihil quàm homo ab æterno. 172. a.
 Cognitio vniversalis duplex. 35. b.
 Cognosci nil potest per aliud nisi vel quidditatiuè, vel eminenter, vel virtualiter saltem includatur in eo. 113. b.
 Compositio ex essentia & existentia quomodo non fiat. 239. b.
 Compositio aliqualis quomodo fiat ex essentia & existentia. 241. b.
 ad Compositionem requiruntur plura, quorum vnum se habet vt actus, & aliud vt potentia. 138. 2.
 Compositum Metaphysicum duplicem habet gradum & conceptum. 134. b.
 Conceptus entis obiectiuus, varijs rationibus, est distinctus & confusus. 95. b.
 Conceptus confusus, quid. 96. a.
 Conceptus formalis & conceptus obiectiuus habet diuersam unitatem. 80. b.
 Conceptus obiectiuus potest spectari duobus modis. 81. a.
 Conceptus imperfectus confusus. 83. a.
 Conceptuum multiplex diuisio. 84. b. 85. a.
 Conceptus formalis Entis est vnus 86. b.
 Conceptus formalis Entis dici potest, diuersis respectibus, distinctus & confusus. 87. a.
 Conceptus obiectiuus est id quod concipitur. 87. b.
 Conceptus formalis Entis est partim confusus, partim distinctus. ibid.
 Conceptus Entis obiectiuus est vnus. ibid.
 Conceptus formalis Entis elicituè sumptus, est præcisus & distinctus realiter à conceptibus formalibus inferiorum. 98. a.
 Conceptus formales Entis distinguuntur realiter. 98. a.
 Conceptus obiectiuus Entis est distinctus & præcisus ex natura rei à conceptibus obiectiuis inferiorum. 98. b.
 Conceptus Entis naturâ suâ pauciora dicit quàm conceptus inferiorum. 98. b.
 Conceptus Entis de aliquo est alius à conceptibus finiti & infiniti, creati & increati. 100. a.
 Conceptus Entis est prior naturaliter conceptu Dei & creaturæ. 104. a.
 Conceptus Entis non solum à creaturis, sed etiam à Deo præscinditur. 106. a.
 Conceptus obiectiuus Entis est etiam ratione præcisus à conceptibus obiectiuis suorum inferiorum. 107. b.
 Conceptus Entis est simpliciter simplex. 112. a.
 Conceptus vltimæ differentiæ, quid. ibid.
 Contingens est omne aliud præter Deum. 431. b.
 Contingentia Metaphysica quid sit. 432. b.

- Contingentia Physica vnde, præcipue actionum humanarum. 440. a.
- Corpus est propter animam, non verò anima propter corpus. 161. a.
- Corpus omne est mobile, est principium cognitionis & scientiæ. 254. d.
- Creatio est necessariò ad rem existentem tanquam ad terminum. 216. a.
- Creatio est propria actio solius Dei. 210. a.
- Creatura omnis quomodo sit composita. 168. b.
- Creatura non est tantum Ens per habitudinem extrinsecam ad Deum. 119. a.
- Creatura est cognita ab intellectu diuino, & Deus ad ipsam aspicit, vt rationabiliter producat. 192. a.
- Creaturæ non sunt representatæ actu in essentia diuina ante intellectionem. 180. a.
- Deus potest facere entia rationis habètia esse per resultantia, præsertim relationes rationis. ibi.
- Deus in primo instanti intelligit essentiam sub ratione merè absoluta. 71. b.
- Deus & creatura conueniunt tantum per intellectum. 86. a.
- Deus vt Deus essentialiter est omnium primū Ens & duratione, & perfectione, & naturā. 106. a.
- Deus cognoscitur à nobis par viā abnegationis docente D. Dionysio. 113. b.
- Deus nec virtualiter, nec eminenter cognoscitur in creatura, quia hoc esset illi imperfectio- nis. 114. a.
- Deus non est tantum Ens infinitum, sed etiam bonitas infinita, & sapientia infinita, & omnis planè perfectio infinita. 153. a.
- Deus omnia causat, vel causare potest. 186. b.
- Deus est causa efficiens omnium rerum. 187. a.
- Deus qui res omnes produxit per modum artis, illas produxit per ideas. 189. a.
- Deus intelligit aliter quàm nos. 189. a.
- Deus non operatur necessariò ad extrà. 193. b.
- Deum vilo modo dependere à creaturis sacrilegum est asserere. 201. a.
- Deus solus est causa efficiens existentie sumptæ in tota sua latitudine. 210. b.
- Deus non est causa vniuersalissima in prædicando. 211. a.
- Deus est causa vniuersalissima in perfectione. ibid.
- Deus solus non est causa efficiens esse cuiuslibet rei creatæ. 211. b.

D

- D**efinitio duplex, scilicet nominis & rei. 85. b.
- Definitio rei supponit Ens rei. 130. a.
- Determinatur aliquid duobus modis. 144. a.
- de Deo vt naturaliter cognoscibili datur aliqua scientia totalis alia à Metaphysica. 5. b.
- Deus obiectum Theologiæ. 15. a.
- Deus solus non est adæquatum obiectum Metaphysicæ. 19. b.
- Deus & Intelligentiæ nec permittunt nec includunt materiam. 47. a.
- Deus cognoscit entia rationis etiam fictitia. 72. a.

INDEX RERVM

- Deus producendo aliquid totum; compoſitum Phyſicum, vt caſa prima; producit illud totum, & ſecundum omnem ratione conceptibilem in ipſo. [212. 6.](#)
- Deus ſolus cauſa dicitur eſſe ſimpliciter, & creatura cauſa huius vel illius eſſe. [213. a.](#)
- Deus eſt ſumma veritas. [340. b.](#)
- Deus non dicitur bonus dependenter à creaturis. [326. b.](#)
- Deus ſolus eſt cauſa neceſſarium. [421. a.](#)
- Deus non agit neceſſariò ad extrà. [441.](#) quæſtiò hæc triplicem habet ſenſum ex Suariorum, ibid.
- Deus non poteſt agere neceſſariò ad extrà, & non agere maiori motione quàm nunc agat [441. b.](#)
- Si Deus ageret neceſſariò ad extrà, tolleretur omnis rerum contingentia. [441. a.](#)
- Deus etiam eſt poſſibilis poſſibilitate logica. [452. b.](#)
- Dialectica eſt aptior ad docendum quàm Metaphyſica. [49. b.](#)
- Dicere præciſe quid. [88. a.](#)
- Differentia vltimæ determinationis, nihil eſt commune vniucum quidditati vni. [143. b.](#)
- Differentia omnis diſtinguitur formaliter ſimpliciter à ſuo genere. [155. a.](#)
- Differentia vltima quid eſt. [142. b.](#)
- Differentia indiuiduans eſt per ſe primò conſtitutiva indiuidui. [312. a.](#)
- Differentia indiuidualis eſt vltima realitas indiuidui. [332. b.](#)
- Differentia eſt realitas alia à realitate generis quod determinat. [145. a.](#)
- Differentia indiuidualis conſertur cum ſpecifica, & explicatur per ipſam. [303. a.](#)
- Differentiarum aliarum non vltimæ, & aliarum vltimæ. [136. b.](#)
- Differentia vltimæ à non vltima diſtinctio. [137. a.](#)
- Differentia ea eſt vltima quæ ſolum eſt vltimò determinatiua. [138. a.](#)
- Differentia ſpecierum atomarum ſunt determinabiles per differentias indiuiduales. ibid.
- Differentia formalis non ſuſcipit magis & minus, ex Porphyrio. [161. a.](#)
- Differentia & modus intrinſecus differunt. [144. a.](#)
- Differunt aliqua eſſe vnum, & aliqua eſſe idem. [426. a.](#)
- Differunt, eſſe actum vel potentiam, eſſe in actu vel in potentia, eſſe actu vel potentia. [446. b.](#)
- Difficultas cognoscendi res prouenit ex imperfectione noſtri intellectus. [381. b.](#)
- Difficultas in cognoscenda veritate ex duplici capite. [379. a.](#)
- Diſcrimen inter diuiſionem totius vniuerſalis in partes ſubiectivas, & totius quantitatiuis in partes integrantes. [326. b.](#)
- Diſtinctio eſſentialis explicatur. ibid.
- In rebus creatis quæ diſtinguuntur eſſentialiter, diſtinguuntur realiter. [417. a.](#)
- Diſtinctio Phyſicæ à Mathematicæ & Metaphyſicæ. [16. b.](#)
- Diſtinctio rationis explicatur. [415. b.](#)
- Diſtinctio rationis grammaticalis quid ſit. [416. a.](#)
- Diſtinctio rationis ad quid valeat. [1.](#) ibid.
- Diſtinctio realis multiplex. [407. b.](#)
- Diſtinctio realis quid ſit. ibid.
- Doctor Subtilis, ex eo quod ſunt

sint separata vel separabilia.

408. b.

Distinctio formalis habet gradus.

415. a.

Distinctio realis debet esse inter extrema realia realiter existentia.

216. a.

Distinctio nostra media non est virtualis, nec rationis cum fundamento in re, sed potest esse rationis ratiocinatæ.

413. a.

Distinctio aliqua media datur inter distinctionem realem & rationis.

418. a.

Distinctio formalis quare admittatur à Scoto.

419. a.

Distinctio omnis est realis vel rationis; & quomodo.

ibid.

Distinctio nostra media quomodo sit appellanda.

419. b.

Distinctio rationis qua ratione adhuc sumatur.

ibid.

Distinctio modalis non rectè vocatur.

420. a.

Distinctio realis dici potest distinctio ex natura rei.

421. a.

Distinctio formalis est eadem cū distinctione ex natura rei.

421. a.

Distinctio formalis explicatur.

421. b.

Diuisionis optimæ lex, vt tradatur per membra contraria.

58. a.

Diuisio rerum multiplex.

74. b.

Diuisiones entis æquæ vniuersales.

78. a.

Doctrina notanda omninò ex Henrico.

239. a.

Duratio quid addat supra existentiam.

205.

E

Elementorum formæ substantiales cum accidentarijs non sunt remissæ.

164. a. b.

Elementum est id ex quo primo

inexistente aliquid constituitur.

232. a.

Elementum, causa & principium pro vno eodemque sumuntur.

ibid.

Elementum omne est causa, & omnis causa principium, non è conuerso.

ibid.

Ens secundum se est vnum incomplexum.

12. b.

Ens vt obiectum Metaphysicè habet principia saltem demonstrandi.

12. b.

Ens vniuersalissimè sumptum nò est obiectum Metaphysicè.

17. b.

Ens reale non est subiectum Metaphysicè.

18. b.

Ens per accidens duplex.

18. b.

Entis per accidens non datur conceptus vnus.

18. b.

Ens solum prædicamentale non est obiectum adequatum Metaphysicè.

26. b.

Ens reale in quantum Ens, est obiectum adequatum Metaphysicè.

18. b.

Ens, res & aliquid idem planè significant, & etymologià solum differunt.

52. a.

Entis raritudo consistit in respectu æterno ad suum exemplar.

53. a.

Ens ratum quid.

53. a.

Ens & res varijs modis vsurpantur.

55. a.

Entis siue rei nomen communissimè acceptum.

55. b.

Ens strictissimè sumptum pro sola substantia.

55. b.

Ens in anima non tam est Ens, quàm Entis similitudo.

56. a.

Entis nomine omne ens extra animam intelligitur.

56. a.

Entis nomine nec existentia, nec essentia propriè significatur.

56. b.

V V u

INDEX R E R V M

- Ens ex vſu Metaphyſicorum non uſurpatur quā participium, vt id quod actu eſt duntaxat denotet. [56. b.](#)
- Ens quod conſideratur in Metaphyſica, debet ſumi vt id quod eſt, vel quod poteſt eſſe. [57. a.](#)
- Ens rationis tribus modis uſurpatur. [57. a.](#)
- Entis diuiſio in Ens extra animā, & Ens in anima. [61. a.](#)
- Ens non eſt viuiuum ad Ens rei & rationis. [ibid.](#)
- Ens communiffimè ſumptum non poteſt habere vnum conceptum. [61. b.](#)
- Ens communiffimè ſumptum eſt æquiuocum ad ens rei & ens rationis. [64. a.](#)
- Ens rationis attribuitur ad ens reale tanquam ad ſuum metrum. [64. b.](#)
- Ens rationis eſt intelligibile per ens reale. [ibi.](#)
- Ens communiffimè & tranſcendentiffimè ſumptum eſt æquiuocum analogum ad Ens reale & Ens rationis. [65. a.](#)
- Ens rationis propriè definiri non poteſt. [65. b.](#)
- Ens rationis communiter diuiditur in fictitiuum & fundamentum. [66. a.](#)
- Entis rationis definitio non habet veram entitatem. [66. b.](#)
- Ens rationis vniuerſum deſcribi poteſt id quod fingitur ab intellectu, cum non ſit. [67. b.](#)
- Ens rationis cauſari poteſt per quamcūque operationem intellectus tam directam quam comparatiuam, ac etiam reflexam. [69. b.](#)
- Ens rationis quod ſequitur ex actione directa, eſt ſemper denominatio quædam extrinſeca. [ibid.](#)
- Entia rationis purè ficticia nulla ſunt reſpectu intellectus diuini, & fortè etiam Angelici. [71. a.](#)
- Entia rationis fieri poſſunt à Deo. [72. a. b.](#)
- Entia rationis ficta in fundamento nulla ſunt. [ibid.](#)
- Entis realis multiplex diuiſio, de qua non parua eſt inter Metaphyſicos contentio. [73. a. b.](#)
- Ens reale prima omnium diuiſione debet diuidi in Deum & creaturas. [76. b.](#)
- Entis diuiſio in finitum & in finitum. [77. a. in neceſſarium & contingens. 77. b. in abſolutum & reſpectiuum. 78. b.](#)
- Ens creatum nullum eſt quod ſit ſimul Deus & creatura, independens & dependens. [78. b.](#)
- Ens increatum diuiditur in eſſentiam & relationes, in abſolutum & reſpectiuum, in quantum & non quantum, &c. [79. a.](#)
- Entis creati aliud ſubſtantia, aliud accidens: aliud ſimplex, aliud compoſitum: aliud actu, aliud potentia: aliud abſolutum, aliud reſpectiuum: aliud neceſſarium, aliud contingens, &c. [ibid.](#)
- Entis conceptus duplex. [80. a.](#)
- Ens non poteſt concipi niſi diſtinctè. [81. b.](#)
- Ens conſiderari poteſt duobus modis, ſcilicet vel in ordine ad ſuos modos, vel in ordine ad deſcriptionem quæ de illo dari poteſt. [83. b. 84. a.](#)
- Ens naturā ſuā dicit ſimpliciter id quod eſt, ideſt, quod eſt, ſit, vel poteſt exiſtere. [87. b.](#)
- Ens naturā ſuā dicit aliquid nondum contractum, ſed indiuiſum. [88. a.](#)

Entium rationes propriæ non sunt eadem. [89. a.](#)

Entis conceptus non coincidit cum omni planè ratione, nullo penitus addito, sed aliquo. [ibid.](#)

Ens distinctè concipi per ordinem ad sua inferiora, quid est. [90. a.](#)

Ens est obiectum primum intellectus. [92. b.](#)

Ens non est quid vnum numero, nec genere, nec specie, cum nec sit indiuiduum, nec species, nec genus. [94. a.](#)

Ens est multiplex, vt. existens, & actu determinatum in multis. [ibid.](#)

Ens vt est reale duo respicit. [94. b.](#)

Quomodo Ens vt vnum seu vt id in quo Deus & creatura conueniunt non est aliquid reale, sed solum conceptus aliquis intellectus, ex Scoto. [94. b.](#)

Ens est quoddam totum confusum confusione partium subiectiuatum. [101. b.](#)

Entis apprehensio præcedit apprehensionem membrorum diuidentium ipsum. [102. a.](#)

Ens substantiale plus dicit à parte rei quàm ens simpliciter. [104. b.](#)

Ens substantiale dicit conceptum compositum. [ibid.](#)

ratio Entis essentialiter & realiter habet diuinas proprietates, formaliter non habet. [106. b.](#)

Ens esse analogum tenent omnes cum Aristotele. [114. b.](#)

Ens non est æquiucum. [116. b.](#)

Ens est analogum ad Deum & creaturas; ad substantiam & accidens, ex Aristotele. [117. b.](#)

Entis nomen interdum attribuitur Deo, vt illi singulare

& proprium. [119. b.](#)

Ens est etiam vniucum ad Deum & creaturas, ad substantiam & accidens. [120. b.](#)

Ens respectu Dei & creaturarum meritò inter analogia computatur. [124. a.](#)

Ens non est genus. [126. a.](#)

Ens multipliciter dicitur. [127. a.](#)

Ens vt sic, nihil magis habet in Deo, quàm in creaturis. [128. b.](#)

Ens non est vniucum vniucatione Physica, sed Logica & Metaphysica; & quidem in quarto gradu qui est omnium minimus vniucationis gradus, ex Scoto & Antonio Andrea. [103. a.](#)

Entis ratio omnium suprema.

[135. a.](#)

Ens est vniucum ad omnia planè entia tam quidditatiua, quàm qualitatiua. [138. b.](#)

Entia omnia incompleta non sunt qualitatiua. [138. a.](#)

Ens non solum est vniucum, sed etiam quidditatiuum ad Deum & creaturas, ad substantiam & accidens, & ad omnia genera, species & indiuidua. [139. a.](#)

Ens est prædicatū quidditatiuum respectu aliorum. [ibid.](#)

Ens non prædicatur in quid de suis modis intrinsecis & determinatiuis. [139. b.](#)

Ens non prædicatur in quid de suis passionibus. [140. a.](#)

Ens non prædicatur in quid de vltimis differentiis. [141. a.](#)

Ens non determinatur per differentias, sed per modos. [145. a.](#)

Entis determinatio non fit ad modum compositionis, sed ad modum explicationis. [146. a.](#)

Ens infinitum & ens non se habent vt genus & differentia. [148. a.](#)

VVu ij

INDEX RERVM

- Ens non determinatur per modos prædicandi, sed per modos cõsenti. [148. b.](#)
- Ens finitum & creatum diuiditur in decem genera. [149. a.](#)
- Eus in se verè & propriè non habet principia rei. [155. a.](#)
- Ens habet principia cognitionis tam incomplexa quàm complexa. [156. a.](#)
- Ens habet aliquas aliquo modo passiones. [163. b.](#)
- Ens habet veras & proprias passiones distinctas ab ipso ex natura rei. [164. a.](#)
- Ens nou est de intrinseca & quidditatiua ratione suarum proprietatum. [164. b.](#)
- Ens & vnum duobus modis possunt spectari, scilicet vel in abstracto, vel in concreto. [166. b.](#)
- Entis passionum alie simplices, alie disiunctæ. [167. a.](#)
- Entis proprietates simplices sunt tantum tres. [ibid.](#)
- Entis passiones simplices sunt tres, nec plures nec pauciores. [167. b.](#)
- Ens est primum intelligibile. [168. a.](#)
- Entis & vnus quomodo sunt ex-dera proprietates. [169. a.](#)
- Entis passionum ordinem facile non est assignare. [ibid.](#)
- Entis proprietates coniunctæ siue complexæ. [169. b.](#)
- Ens secundum suam naturam & quidditatem spectatum est vnum. [171. b.](#)
- Entis vnitas non est quid additum supra naturam Entis. [173. a.](#)
- Ens omne est bonum. [191. b.](#)
- Ens necessarium simpliciter non habet causam sui esse. [432. b.](#)
- Entia necessaria secundum quid, habent causam sui esse. [433. a.](#)
- Entia necessaria si essent Intelligentiæ per impossibile; non tamen inde sequeretur eas non habere causam sui esse. [433. b.](#)
- Entis diuisio in Ens actum, & Ens potentiâ. [442. a.](#)
- Ens per se an sit ratio quidditatiua substantiæ. [491. a.](#)
- Eutitas tota rei non est principium indiuiduationis. [305. a.](#)
- Entitas quid ex vsu Philosophorum. [156. a.](#)
- Entitatis acceptio prima, ex Scotto. [157. a.](#) acceptio secunda. [157. b.](#)
- Essè eminenter & formaliter quid? [1.2. b.](#)
- Essentia diuina potest comparari ad creaturâ, tam per actum intellectus creati quàm increati. [72. a.](#)
- Essentiæ rerum constant certis & determinatis gradibus. [177. a.](#)
- Essentia quid sit ex D. Augustino. [164. b.](#)
- Essentia, ens & esse non differunt secundum rem significatam, sed tantum secundum rationem significandi. [165. a.](#)
- Essentia, ens & esse non differunt nisi in modo concipiendi. [ibid.](#)
- Essentia non significat solum gradum entis in abstracto. [165. b.](#)
- Essentia propriè definiri non potest à priori. [166. b.](#)
- Essentia est multiplex. [167. a.](#)
- Essentia possibilis an dici potest realis. [167. b.](#)
- Essentiæ realis nomine quid intelligunt Metaphysici. [168. a.](#)
- Essentia simplex & composita quid. [ibid.](#)
- Essentiæ rerum quot modis componuntur. [169. a.](#)

- Essentia proprietatis potissima est quod sit indiuisibilis. **169. b.**
- Essentia rerum an sint aeternae. **170. a.**
- Essentia & existentia in rebus creatis distinguuntur realiter. **170. b.**
- Esse creaturarum triplex, scilicet virtuale, cognitum & reale. **171. a.**
- Essentia creaturae praesupponitur suae productioni, secundum Henricum. **175. a.**
- Essentia & existentia rerum sunt aeternae secundum esse cognitum. **178. a.**
- Esse cognitum secundum Scotum est potius esse quoddam rationis, quam aliquod esse reale. **180. b.**
- Essentia & existentia rerum sunt aeternae, secundum esse ideale. **181. a.**
- Essentia rerum sunt aeternae secundum esse obiectiuum. **181. b.**
- Essentia rerum secundum esse virtuale sunt aeternae. **181. b.**
- Essentiae rerum nude & incomplete, proprie & simpliciter non debent dici aeternae, sed tantum diminutè & secundum quid. **182. a.**
- Essentia ut verbum creaturarum non est idea earum contra Gabrielem Vasquez. **195. a.**
- Essentia est id per quod respondemus ad quaestionem, Quid sit? **206. b.**
- Esse receptum Caietani confutatur. **208. b.**
- Essentiae rerum aliae sunt propriae, aliae minus propriae. **214. a.**
- Essentiae totales & partiales. **ibid.**
- Essentiae completae correspondet existentia completa. **214. b.**
- Essentiae partiali & incomplete competit existentia partialis & incompleta. **ibid.**
- Esse hypostaticum multiplex est. **219. b.**
- Essentia & existentia quatuor modis possunt ad inuicem comparari. **223. b.**
- Essentia possibilis & existentia realis, quomodo se habeant. **224. a.**
- Essentia realis & existentia realis non distinguuntur realiter separabiliter. **224. b.**
- Essentia realis non est nihil, ergo est aliquid, & in rerum natura. **225. a.**
- Essentiae generatio tendit necessarid ad essentiam existentem. **ibi.**
- Essentia realis & existentia realis non distinguuntur realiter vlllo modo. **225. b.**
- Esse existentiae non est re distinctum ab esse essentiae. **226. a.**
- Essentia & existentia re non differunt. **226. a.**
- Essentia non dicitur ens participans respectu sui esse, à quo participet aliquid; sed dicitur participans respectu suae causae efficientis, à qua suum esse participat aliquid. **226. b.**
- Essentia creata ex natura sua est finita & limitata. **227.**
- Essentia realis intelligi potest sine existentia praecisue, non autem diuisione. **228. a.**
- Essentia realis & existentia realis non distinguuntur solum per intellectum. **228. b.**
- Essentia & existentia quomodo distinguantur. **229. b.**
- Esse duplex in Christo Domino. **237. a.**
- Essentia quatenus essentia & secundum suam praedicatam quidditatiua spectata, est perfectior

INDEX R E R V M

- existentia. [242. b.](#)
 Essentia & existentia in suis conceptibus simplicissimis nec se includunt, nec non includunt: sed abstrahunt & ab inclusione, & à non inclusione. [245. a.](#)
 Essentia & relatio non sunt proprie principia constitutiva Dei. [255. b.](#)
 Existentia & esse idem significant. [202. a.](#)
 Existentia non est potentia, sed actus. [202. b.](#)
 Existentia ad varia comparatur. [ibid.](#)
 Existentiæ comparatæ ad essentiam descriptio. [203. a.](#)
 Existentia quomodo dicatur actus. [ibid.](#)
 Existentia non est actus Physicus. [203. b.](#)
 Existentia est actus respectu essentia, & respectu potentia obiectiva. [ibid.](#)
 Existentia ut comparata ad nihil, est realitas. [204. a.](#)
 Existentia ut comparata ad causas, addit supra essentiam, respectum. [204. a.](#)
 Existentia non est actus accidentalis. [204. b.](#)
 Existentia non est accidens eius cuius est existentia. [ibid.](#)
 Existentia substantia non est accidens substantia. [ibid.](#)
 Existentia & duratio differunt. [205. a.](#)
 Existentia quomodo possit dici actus accidentalis. [ibid.](#)
 Existentia est extra conceptum prædicamentorum. [ibid.](#)
 Existentia non spectat per se ad coordinationem prædicamentalem. [205. b.](#)
 Existentia quomodo sit actus ultimus rei. [206. a.](#)
 Existentia qua ratione dici possit gradus seu modus rei. [206.](#)
 Existentia non est modus aliquis adueniens rei iam constitutæ. [206. a.](#)
 Existentia comparata ad seipsam, dici potest ratio sibi ipsi existendi eo modo quo potest ei competere ratio existendi. [206. b.](#)
 Existentia est id per quod respondemus ad quæstionem, An res sit. [ibid.](#)
 Existentia actualis requiritur in materia, forma & causa efficiente, ut suas causalitates exercent. [207. b.](#)
 Existentia possibilis & futura sufficit ad causalitatem finis. [207. b.](#)
 Existentiam realiter ab essentia distingui volunt Thomistæ. [208. a.](#)
 Existentia non habet materiam proprie dictam. [ibid.](#)
 Existentia non habet formam proprie. [208. b.](#)
 Existentia cuiusque rei talis est, qualis est essentia eiusdem. [213. b.](#)
 Existentia quomodo competat formæ. [215. a.](#)
 Existentia competit etiam materiæ. [215. b.](#)
 Existentia convenit materiæ independentem à forma. [ibid.](#)
 Existentia sequitur essentiam tanquam terminus eius intrinsecus. [216. a.](#)
 Existentia materiæ non potest esse à forma. [216. b.](#)
 Existentia quænam competat partibus integranibus. [217. b.](#)
 Existentia propria competit accidentibus. [ibid.](#)
 Existentia convenit modis, proprietatibus, formalitatibus seu entitatibus formaliter distinctis.

- Etis, naturis communibus & naturis singularibus destitutis suâ propriâ Subsistentiâ vel inherentiâ. 210. b.
- Existentiæ propriæ competunt formalibus rationibus diuinis. 222. a.
- Existencia sola non generatur, sed essentia existens. 228. a.
- Existencia non est de per se conceptu quidditatiuo essentiae etiam realis. 238. b.
- Existencia non est, nec concipitur à nobis ut id quod est, sed ut quidam simplex modus quo essentia constituitur in ratione actuali entis. ibidem.
- Existencia abstrahitur simpliciter per intellectum ab essentia, non diuisiuè seu negatiuè. 242. a.
- Existencia increata est de conceptu quidditatiuo essentiae diuinæ, & non tantum modus eius. 243. a.
- Existencia non est gradus, sed modus essendi. 246. a.
- Existencia & essentia quare dicantur principia Entis. 255. b.
- Existencia non est principium indiuiduationis. 329. a.
- Existencia quomodo sit vltimus actus. 330. a.
- Falsitas aliqua datur formaliter in rebus. 376. b.
- Falsitas rei in quo consistat. 377. a.
- Falsitatis & erroris radix est in nobis. 384. a.
- Falsum duplex. 374. b.
- Formæ quædam suscipiunt magis & minus. 158. b.
- Formæ elementorum suscipiunt magis & minus successiuè & per motum, ex Alexandro cum Auerroë. 160. a.
- Forma compositi nõ propria forma existentie. 208. b.
- Forma est actualior materia Physicæ, seu in informando. 215. a.
- Forma omnis substantialis Physica, vnica exceptâ animâ rationali, non existit nisi dependenter à materia. ibid.
- Forma est entitas quædam partialis actualis. 215. b.
- Forma Metaphysica & totius, quid. 314. b.
- Forma Physica non est principium indiuiduationis. 315. b.

G

- Genus datur aliquod mediū distinctionis inter realem & rationis. 407. b.
- Genus summum non dicitur vltimò determinabile. 338. a.
- Gradus Metaphysici varij declarantur in eadem natura. 417. b.
- Gradus specifici & entitatiui quid sint. 156. b.
- Gradus entitatiui definitio ex Ant. Andrea. 157. a.

H

- Facultates effectrices Entium rationis purè fictitiarum. 70. a.
- Falsitas cognitionis potissimum est in compositione & diuisione. 375. a.
- Falsitas cognitionis non est in apprehensione simplicium. ibid.
- Falsum quare non sit in simplicium apprehensione, & tamen verum sit. 376. a.
- Habitus scientiæ est in propria specie qualitatis. 43. a.
- Habitus scientificus tribus modis

INDEX RERVM

- dici potest. [19. a](#) Non tam Ideas, quàm rationem ponendi eas inlequitus est Aristoteles. [183. a.](#)
- Habitus principiorū distinguuntur saltem specie in qualibet scientia totali. [42. b.](#) Ideæ debent admitti propter effectiōnem rerum omnium: ita ut sint rationes secundum quas est formabile & effectibile, quidquid est formabile & effectibile ad extrā. [186. a.](#)
- Homo nō habet simpliciter quoddam sit animal, ex eo quoddam sit homo; sed quoddam tale sit animal. [109. b.](#) Ideæ Platonis præter quatuor causas. [186. b.](#)
- Humanitatem Christi Domini non existere per existentiam Verbi diuini, multis probatur rationibus. [233. a.](#) Idea ponitur in mente diuina ut secundum eam Deus causet, vel causare possit ad extrā. [187. a.](#)
- Humanitas Christi Domini quomodo existat in Verbo, tamen si non existat existentia Verbi. [237. a.](#) Ideæ non sunt habitus, nec species intelligibiles. [188. a.](#)
- Humanitas, ut entitas actualis, ordine naturæ supponitur assumptioni. [234. a.](#) Ideæ diuinæ non inhereant intellectui diuino. [ibid.](#)
- Hypostasis iuxta primariam significationem quid est. [422. b.](#) Idea est non tantum esse cognitum, sed etiam ipsa cognitio diuina, ex Doctore Subili. [189. b.](#)
- I** Ideæ præsertim diuinæ, variis appellantur nominibus. [191. a.](#)
- Ideæ nihil aliud sunt quàm creaturæ secundum esse reale, quod habent ab æterno, ex Vvicleffo lib. de Ideis [170. a.](#) Ideæ descriptio à D. Dionysio. [191. b.](#)
- Ideæ nobis sunt ignotæ. [184. a.](#) Ideas Plato primus appellasse perhibetur. [192. a.](#)
- Idea non ponitur nisi respectu effectus producti per artem, seu per agens per intellectum. [199. a.](#) Ideas latine possumus vel formas, vel species dicere. [191. b.](#)
- Idea est forma realis in Deo. [201. a.](#) Idea est vel conceptus obiectiui ut terminans conceptum formalem, aut ut repræsentatur in conceptu formali rei faciendæ, &c. [192. a. b.](#)
- Ideas posuit Plato quasi substantias quasdam separatas realiter à singularibus & sensibilibus. [183. a.](#) Idea creaturarum nulla ratione est essentia diuina. [192. b.](#)
- Ideæ sunt admittendæ, ex auctoritate Patrum. [ibid.](#) Idea est ratio rei apud intellectum existens obiectiue, ad cuius imitationem aliquid est producibile. [198. a.](#)
- Idearum existentia probatur. [ibid.](#) Idearum proprietates enumeratæ à D. Augustino. [200. b.](#)
- Ideæ non sunt admittendæ propter rationes Platonis, saltem eo modo intellectas, quo illas intellexit Aristoteles. [183. b.](#) Idem virtualiter tale quomodo possit facere se formaliter tale. [461. a.](#)

idēditas

- Identitas essentialis negatiua quid sit. [416. b.](#)
 Identitas plura requirit quàm distinctio aliquorum. [414. a.](#)
 Identitatis realis optima nota ponitur ex Scoto. [ibid.](#)
 Identitas realis cum qua distinctio sit compossibilis. [414. b.](#)
 Identitas formalis explicatur. [ibi.](#)
 Identitas rationis quid. [416. b.](#)
 Identitas realis aliquorum ad inuicem quomodo inferatur. [412. a.](#)
 Identitas realis non benè concluditur ex eo quòd vnum non possit existerè sine altero. [413. a.](#)
 Identitas essentialis quid sit. [427. b.](#)
 Ignis ex eo est maximè calidus, quia alijs causa caloris existit. [121. a.](#)
 Ignis genitus in se primò non excedit virtutem ignis generantis. [213. a.](#)
 Imperium duplex. [48. b.](#)
 Impotentia logica quid. [445. b.](#)
 Indiuidua vnus speciei habent primò vnitatem similitudinis & conuenientiae. [283. a.](#)
 Indiuiduationis duplex principium. [301. b.](#)
 Indiuiduum vnum & idem potest habere plures ideas. [185. a.](#)
 Indiuisibile quomodo sit prius diuisibili. [332. b.](#)
 Inquisitio Metaphysica de Deo, quo modo sit. [121. b.](#)
 Inseparabilitas ex qua concluditur identitas realis, debet esse ab intrinseco. [413. b.](#)
 Intellectum diuinum produxisse res ab æterno, in esse cognito, quomodo [intelligendū. 179. b.](#)
 Intellectus potest esse certus de aliquo quòd sit ens, dubitando quale sit ens. [100. b.](#)
 Intellectus diuinus potest facere Entia rationis. [70. b.](#)
 Intellectus diuinus quomodo sit verus. [358. b.](#)
 Intellectus noster pendens à sensibus externis perficitur rebus Physicis. [11. a.](#)
 Intellectus pendens ab internis perficitur à rebus Metaphysicis. [11. a.](#)
 Intelligentiæ non sunt entia à se ex Philosopho. [433. b.](#)
 De Intelligentijs vt naturaliter agnoscibilibus datur scientia totalis alia à Metaphysica. [5. b.](#)
 Intelligentilogia potest esse scientia. [46. a.](#)
 Intelligentias non esse entia à se, ratio efficax Scoti. [434. b.](#)
 Intelligibilitas est passio entis. [63. b.](#)

I.

L Vx solis habet virtutem illuminandi, calefaciendi, & exsiccandi. [107. a.](#)

M

Maria Virgo Beatissima quomodo fuerit Mater Dei. [236. a.](#)

Mathematicæ scientiæ certiores sunt Metaphysica. [49. a.](#)

Malum duplex, naturæ & moris. [401. b.](#)

Malum moris duplex, scilicet culpæ & pœnæ. [ibid.](#)

Malum naturæ multiplex. [402. b.](#)

Malum naturæ, quid. [ibid.](#)

Malum naturæ simpliciter & secundum quid. [403. a.](#)

Malum non est proprietas Entis. [403. b.](#)

Malum respectuum, quid. [ibid.](#)

XXX

- Malum respectuum non in sola
privatione consistit. [404. b.](#)
- Malum respectuum quare non
sit proprietas Entis. [ibid.](#)
- Materia potest conferuari diuinā
virtute sine omni forma Physi-
ca, tam substantiali quā ac-
cidentalī, ex Scoto. [214. b.](#)
- Materia est aequalior forma meta-
physicē, seu in existendo. [215. a.](#)
- Materia est per se vnum principium
rei naturalis. [215. b.](#)
- Materia est per se causa, [ibid.](#) est
pars substantialis compositi
naturalis. [ibid.](#) est per se fun-
damentum & subiectum om-
nium formarum substantia-
lium. [ibid.](#)
- Materia est terminus creationis, &
prius naturā eam terminat,
quā formam recipiat. [215. b.](#)
[216. a.](#)
- Materia secundum se est obie-
ctum actionis agentis. [ibid.](#)
- Materia habet propriam entita-
tem & essentiam in rerum na-
tura distinctam realiter & es-
sentialiter ab entitate & es-
sentiā formæ specificæ; cuius
potest esse subiectum. [ibid.](#)
- Materiæ existentia est actus eius-
dem materiæ. [216. b.](#)
- Materia est pura potentia subie-
ctiua in ordine ad actum Physi-
cum. [ibid.](#)
- Materia non est principium indi-
uiduationis. [210. b.](#)
- Materia simpliciter non est prin-
cipium indiuiduationis. [311. a.](#)
- Materia signata non est principium
indiuiduationis. [311. b.](#)
- Materia signata quid sit explica-
tur. [ibid.](#)
- Materiam signatam explicandi
modi omnes refutantur. [ibid.](#)
- Materia Metaphysica & totius
quid sit. [314. b.](#)
- Materia prima quomodo sit bo-
na. [392. b.](#)
- Metaphysica ceteras Philosophiæ
partes nobilitate superat. [f. a.](#)
- Metaphysica putē & transcendens
quid. [f. b.](#)
- Metaphysica non potius ad vnam
quā ad alteram speciem entis
descendit. [f. b.](#)
- Metaphysica quibus vocetur no-
minibus. [6. a.](#)
- Metaphysica dicitur sapientia.
[6. a.](#)
- Metaphysica per antonomasiam
dicitur Philosophia, & prima
Philosophia. [7. a.](#)
- Metaphysica dicitur Theologia,
& quare. [7. b.](#)
- Metaphysica dicitur scientia vni-
uersalis, & quare. [7. b.](#)
- Metaphysica quare sic vocatur.
[7. b.](#)
- Metaphysica an, quomodo & qua-
re sit inuenta. [7. b.](#)
- Metaphysicæ officia, finis, & vti-
litas examinantur. [7. b.](#)
- Metaphysicæ duplex finis respec-
tius & absolutus qui. [8. b.](#)
- Metaphysicam dari probatur. [8. b.](#)
- Metaphysica ad solam rerum con-
templationem inuenta est. [9. a.](#)
- Metaphysicam modo composi-
torio inuentam potius quā
resolutorio. [9. a.](#)
- Metaphysicæ finis absolutus veri-
tatis altissimæ contemplatio.
[9. a.](#)
- Metaphysicæ finis respectius est
alijs scientijs sui obiecti præ-
scriptio, & earum principio-
rum confirmatio. [9. a.](#)
- Metaphysicam inuentam esse ad
solam veritatis cognitionem
probatur signo duplici. [9. a.](#)
- Metaphysica non speculatur qua-

- lemeumque veritatem, sed
 altissimam vt patet. 2. b.
 Metaphysica præscribit obiectum
 alijs scientijs proprium, &
 quomodo. 2. b.
 Metaphysici est colligere ex diui-
 sione entis & generum parti-
 culas entis. 10. a.
 Metaphysica obiecta aliarum sci-
 entiarum demonstrat esse, aut
 saltem non repugnare esse.
10. a.
 Metaphysica ostendit quid sint
 obiecta scientiarum non solum
 à posteriori, sed & per intrinse-
 cas causas. 10. a.
 Metaphysicam confirmare princi-
 pia scientiarum probatur à
 Scoto duplici viâ. 10. a. b.
 Metaphysica explicat omnium
 primorum principiorum ter-
 minos, non demonstrat. 10. b.
 Metaphysica confirmat aliarum
 scientiarum principia per re-
 ductionem ipsorum ad gene-
 ralissimam axiomata. 10. b. &
 sequent.
 Metaphysicæ utilitas quæ, quanta,
 & qua ratione. 11. a.
 Metaphysica utilis ad alias scien-
 tias. 11. a.
 Metaphysicam esse propter seip-
 sam & propter alias scientias
 pugnare obijcitur. 11. a.
 Metaphysica est utilis ad scientias
 tantum perfectione, non ordi-
 natione. 11. b.
 Metaphysica sine scientia, eaque
 speculatiua. 11. b.
 Metaphysica est propriè scientia,
 & probatur. 11. b.
 Metaphysica ad satietatem cog-
 noscendi nostram ordinatur.
 ibid.
 Metaphysicam non esse scientiam
 quia sapientia est obijcitur. ibid.
- Metaphysica quomodo simul sit
 scientia & sapientia. 11. a.
 Metaphysica est speculatiua, &
 probatur. 11. b.
 Metaphysicam non esse specula-
 tricem obijcitur. ibid.
 Metaphysica ostendit Deum esse
 summum bonum, sed non
 quomodo consequendum. ibi.
 Metaphysicam non esse speculati-
 uam iterum obijcitur. ibidem.
 b.
 Metaphysica solo discursu natu-
 rali procedit. 11. a.
 Metaphysica non est de Deo tan-
 quam de primo subiecto. 11.
 b.
 Metaphysica est de substantijs fe-
 paratis. 11. b.
 Metaphysica intendit veritatem.
11. b.
 Metaphysica abstrahit ab omni
 materia. 11. a.
 Metaphysici non est cognoscere
 mobile sub ratione mobilita-
 tis. 11. a.
 Metaphysica abstrahit à motu &
 mobili. 11. a.
 Metaphysicæ subiectum tam latè
 patet quàm obiectum intelle-
 ctus. 11. a.
 Metaphysica præscribit unicui-
 que scientiæ suum obiectum.
11. b.
 Metaphysica duobus modis spe-
 ctari potest. 11. b.
 Metaphysica est vna vnitare spe-
 cificâ formaliter. 40. a.
 Metaphysica est multiplex specie
 habitus. 40. b.
 Metaphysica pura & transcen-
 dens. 44. b.
 Metaphysica speculatur ens quod
 habet actu substantiam & ac-
 cidens, & proprias species ac-
 tu. 45. a.

INDEX RERVM

Metaphysica prout communiter traditur in scholis non est vna unitate generis actualis proximi, sed remoti. [45.b.](#)
 Metaphysicæ diuersæ appellaciones. [47.a.](#)
 Metaphysici puri est agere de omnium primis & vniuersalissimis causis. [47.b.](#)
 Metaphysica cæterarum scientiarum imperatrix, & consequenter nobilissima. [48.a.](#)
 Metaphysica & aliæ scientiæ possunt spectari tribus modis. [ibid.](#)
 Metaphysica præstat alijs scientiis in ordine ad objecta. [49.a.](#)
 Metaphysica in se absolute spectata eminet etiam aliis scientiis in se consideratis. [ibid.](#)
 Metaphysica primas rerum causas & principia considerat. [50.a.](#)
 Metaphysica comparata cum alijs scientiis quatenus eis aliquid confert, est illis præstantior. [ibid.](#)
 Metaphysica non solum Ens ipsum, prout Ens est, sed etiam ea quæ per se ei insunt, speculatur. [147.a.](#)
 Metaphysicus debet considerare prima principia. [158.a.](#)
 Metaphysica est scientia eò maxime quia in ea sunt demonstrationes. [163.a.](#)
 Metaphysica considerare debet substantiam & accedens secundum se. [188.b.](#)
 Modi nomen varijs rationibus usurpatum. [149.b.](#)
 Modi definitio ex Sirecto, & alijs Scôtiis. [150.a.](#)
 Modi descriptio. [150.b.](#)
 Modificare rem cui cõpetit. [ibid.](#)
 Modi sexti generis, & eorum definitio. [151.a.](#)

Modus à differentia differt. [151.b.](#)
 Modi definitio quæ non potest competere modis determinantibus Ens completum creatum ad decem Categorias. [154.a.](#)
 Modi definitio quæ potest intelligi de modis entis, videlicet finito & infinito. [151.b. 153.a.](#)
 Modus species & ordo reperiuntur in creatis per se, non in concreatis. [400.a.](#)
 Modus duplex intrinsecus. [155.b.](#)
 Modus, species & ordo idem quod mensura, numerus, & pondus. [198.a.](#)

N

Natura duobus modis communicabilis. [494.b.](#)
 Naturale dicitur duobus modis de potentia passiuâ. [465.b.](#)
 Natura quatuor modis sumitur. [472.a.](#)
 Natura non potest remanere incorrupta, & non esse bona. [192.a.](#)
 Naturæ communes distinguuntur ex natura rei à singularibus. [214.a.](#)
 Natura nulla est indiuidua per negationem. [107.a.](#)
 Natura duobus modis spectari potest, vt natura & contracta. [183.b.](#)
 Natura quælibet est entitas aliqua. [185.a.](#)
 Naturæ duplex diuisio, heterogenea & homogenea. [188.a.](#)
 Natura humana est totum homogeneum Metaphysicum, & indiuidua naturæ humanæ sunt partes subiectiue homogeneæ illius totius. [189.b.](#)
 Necessarium vel contingens est proprietas disiuncta Entis. [418.a.](#)

Necessitas & contingentia triplex,
scilicet Logica, Physica, &
Metaphysica, & quid sit. 429.b

Necessarium multiplex ex Ari-
stotele. 430.b.

Necessitas vel contingentia Me-
taphysica quid sit. 431.a.

Necessaria complexa quædam ha-
bent causam sui esse. 436.a.

Necessitas duplex, Physica & Me-
taphysica. 79.a.

Negatio duplex, in genere, & ex-
tra genus. 277.b.

Neutralitas duplex. 464.b.

Nihil creatum reale ab æterno.
173.b.

Nomen quod est commune cla-
ssis subest pluribus concepti-
bus. 111.a.

Non identitas quid sit. 423.b.

Non identitatis nomine quare
vltus sit Scotus in diuinis.
424.b.

O

Obiecti motui ratio quid sit.
369.a.

Obiectum Logicæ quale. 190.a.

Obiectum Metaphysicæ abstrahit
ab omni materia. 26.a.

Obiectum habere cui insunt prin-
cipia & proprietates de eo de-
monstrabiles, sufficit ad ve-
ram scientiam. 12.b.

in Obiecto quatuor distinguun-
tur. 365.a.

Obiectum metaphysicæ est merè
speculabile. 13.b.

Omne quod est; quando est, ne-
cesse est esse. 438.b.

Omnia sunt vnum Ens in deter-
minatè. 127.b.

Ordo seu pondus dicit respectum.
401.a.

Parmenides & Melissus dice-
bant omnia esse vnum Ens.

127.a.

Participatio duplex, Physica &
Metaphorica. 187.b.

Participans differt realiter à par-
ticipato, quia nihil participat
seipsum. 226.b.

Pater diuinus quomodo sit, &
non sit prior Filio. 250.a.

Pater diuinus quomodo dicatur
principium totius Trinitatis &
diuinitatis. 250.b.

Posituum illud quod vnum ad-
dit supra Ens explicatur. 276.a.

Possibile & impossibile logicum.
445.b.

Possibile logicum triplex. ibid.
Philosophi dicentes Deum neces-
sariò agere ad extrinsecum, & agnos-
centes contingentiam, admise-
runt contradictoria. 444.b.

Possibile multiplex ex Philoso-
pho. 450.a.

Possibile dicitur quod est indis-
ferens ad esse & non esse. 453.a.

Possibile dicitur quod est in po-
tentia obiectiua. 453.b.

Possibilitas & impossibilitas re-
rum vnde petantur. ibid.

Possibilitas rerum petitur à seip-
sis intrinsecè, & ab intellectu
diuino extrinsecè. 172.b.

Potentia subiectiua quid? 173.

Potentia triplex potest assignari,
logica, obiectiua, & subie-
ctiua. 171.b.

Potentia subiectiua necessariò di-
cit existentiam. 216.b.

Potentia multiplex ex Aristote-
le. 445.a.

Potentia Logica quid. ibid.

Potentia Mathematica quid. 445.b.

INDEX RERVM.

- Potentia realis quid & quotuplex. 446. a. quolibet Ente. 477. b.
 Praxis quid. 12. a.
 Potentiæ Logica & Mathematica non sunt Metaphysicæ considerationis. 447. a. Practica scientia sola est quæ ad moderandâ praxim ordinatur, vt patet. 12. a.
 Potentia realis quænam sit Metaphysicæ considerationis. ibid. Prædicamenta vt sic non spectant ad Metaphysicum. 486. a. b.
 Potentia passiuæ non est in Deo. 447. b. Prædicamenta quot sint ex Scoto. 487. a.
 Potentia omnis actiua & passiuæ non est Metaphysicæ considerationis. ibid. Prædicamenta distinguuntur per modos per quos eius determinatur ad illa. 152. b.
 Potentia quomodo eadem sit & subiectiua & obiectiua. 448. a. Prædicatura est simile formæ, subiectum verò materiæ. 314. b.
 Potentiæ actiua multiplex. 456. a. b. Præcisio triplex, quæ, & quid. 26. b.
 Potentia inuenta quid & quotuplex. 456. b. Prædicationum formalium aliz quidditatiuæ, aliz qualitatiuæ. 154. a.
 Potentia creata quid & quotuplex. ibid. Prædicationes per se non sunt conuertibiles. 154. b.
 Potentia supernaturalis creaturæ quid. ibid. Platonis sententia de Ideis defenditur. 184. b.
 Potentia obediæntialis quid. ibid. Platonis rationes omnes reducuntur ad verum & bonum sensum. ibid.
 Potentia naturalis quid. 457. a. Præmissæ non sunt euidentiores conclusione, vbi. 257. a.
 Potentiæ actiua in vniuersum quomodo describatur. 458. a. Primum primitate communitatis, & primitate virtutis, quid sit. 365. b. 366. a.
 Potentia transmutatiua quid & quotuplex. 458. b. Principia sempiternorum sunt verissima. 121. a.
 Potentia transmutatiua non est potentia Metaphysica, & quare. ibid. Principia sunt propter se & ex terminis euidentia. 41. b.
 Potentia passiuæ ad tria comparatur. 461. a. Principia communia nobis nota. 10. b.
 Potentia passiuæ se habet ad formam tribus modis, naturaliter, violenter & neutraliter. ibid. Principij variæ acceptiones ex Philosopho. 148. a.
 Potentiæ actiue creaturæ respondet aliqua passiuæ proportionata. 473. Principium describitur ab Aristotele, Primum id, unde aliquid aut est, aut fit, aut cognoscitur. 149. a.
 Potentia purè actiua, purè passiuæ & mixta quæ. 474. b. Principium quare dicatur primum. ibid.
 Potentia actiua sumitur duobus modis. 477. a. Principium est prius principiatio, materialiter, non formaliter,

150.
Principium est prius principato
prioritate perfectionis. 150. b.
Principiorum variaz diuisiones &
subdiuisiones. 151. a.
Principium est vniuoꝝum ad om-
nia principia. 151. b.
Principium, causa & elementum
conferuntur ad inuicem. 152.
a.
Principium illud solum nomen
causæ meretur, ex quo vel à
quo res habet esse per influxum
aliquem, ita vt rei causatz con-
ferat aliquid. ibid.
Principium videtur generalius
esse quàm causa, ex Alenf. 5.
Metaph. ibid.
Principium & causa sic se habent,
quod latius pateat principium
quàm causa. 151. b.
Principium non est diuersa natu-
ræ à principato. ibid.
Principia varia explicantur. 154. a.
Principia rei & subiecti sunt ma-
teria, forma, & priuatio. ibid.
Principia complexa inferuentia
generi demonstrationis dedu-
centi ad impossibile. 156. a.
Principia complexa seruientia ge-
neri demonstrationis ostensi-
uo quare non dantur. 156. b.
Principia complexa Entis infer-
uentia generi demonstrationis
deducendi ad impossibile non
sunt, nisi imperfectè. 157.
Principia varia complexa affe-
runtur. 158. a.
Tres conditiones ad rationem
primi & firmissimi Principij.
158. a.
Principia prima quomodo sint
perse nota. 159. a.
Interr Principiū primum & propo-
sitionē primā, distinctio. 159. a.
Principium omnium primum in
genere demonstrandi ostensiuè
quod sit. 160. b.
Principium omnium primum in
genere demonstrationum du-
centium ad impossibile quod
sit. 161. a.
Principium primum varijs modis
exprimitur. ibid.
Principij primitas desumenda ex
paucitate terminorum. 162. a.
Principium primum probandi, si
contingat ipsum à proteruo
negari, quis modus super sit.
163. a.
Principia essentialia non sunt
principium indiuiduationis.
169. a.
Principium indiuiduationis quid
sit determinatur. 170. b.
Principium malum aliquod nul-
lum dari. 171. a.
Propositio primò prima quid sit,
item secundò, tertio, quarto,
& quinto prima. 170. a.
Propositiones sempiternæ veri-
tatis. 171. a.
- Q
- Q**ualitas suscipit magis & mi-
nus secundum gradus enti-
tatiuos & indiuiduales. 160. b.
Quantitas non est causa alicuius
singularitatis terminatæ. 170. a.
Quantitas non est principium in-
diuiduationis. 171. a.
Quæstio, an sit? non quærit tan-
tū existentiam actualem, sed
etiam existentiam possibilem.
177. a.
Quidditas simplex aliud est quàm
entitas simplex. 178. b.
Quomodo non omne Ens est bo-
num per essentiam. 179. a.
Quomodo errores & actus pecca-
ti sint boni. ibid.

INDEX RERVM

Quomodo quidquid est, sit aliquo pacto, alteri [conueniens](#) [397. a.](#)
 Quomodo lux sit facta sine modo. [400. a.](#)
 Quomodo species seu numerus non dicit respectum. [401. a.](#)
 Quomodo nulla passio Entis possit demonstrari de Ente. [428. a.](#)
 Quomodo sint afficiendi ij qui negant primum principium. [429. a.](#)

R

Ratio formalis duplex. [15. a.](#)

Ratio entis est predicatum quidditatum rei quæ est [ens](#) [107. a.](#)

Ratio vniuersalis completur per intellectum. [293. b.](#)

Ratio formalis quid. [166. a.](#)

Ratio Entis & entitatis est eadem, varijs tantum modis significandi expressa. [157. b.](#)

Ratione solâ quæ differunt, definitionibus non differunt. [218. b.](#)

Rationes variæ in quibus ostenditur falsitatem rei non consistere. [376. b.](#)

Rationale quid? [119. b.](#)

Realitas subiectiua & obiectiua quomodo differunt. [91. b.](#)

Rebus ipsis insunt occasiones deceptionis. [384. a.](#)

Res creatæ non sunt æternæ nec secundum esse essentia, nec secundum esse existentia, nec secundum vllum aliud esse reale. [174. b.](#)

Res nulla potest existere per alienam existentiam. [331. a.](#)

Res Mathematicæ quomodo sint bonæ. [393. a.](#)

Relationes diuinæ quomodo bonæ sunt. [394. a.](#)

Relationes diuinæ quomodo sint

appetibiles. [396. a.](#)

Rerum aliæ creatæ, aliæ increatæ. [398. b.](#)

Res duplici viâ cognoscimus. [379. a.](#)

Realitas determinabilis per differentias est verè in potentia ad illas, tanquam perfectibile ad proprium perfectiū. [152. a.](#)

Relationibus tum creatis, tum increatis competit existentia propria. [219. a.](#)

Relationibus creatis propria conuenit existentia distincta ab existentia fundamenti. [220. a.](#)

Relatio realis est inter extremâ realiter distincta. [177. b.](#)

Res considerantur in scientijs prout abstrahunt ab existentia. [16. b.](#)

Res vna & eadem secundum varios gradus est indiuisibilis & diuisibilis. [156. b.](#)

Res possibilis seipsa est possibilis. [172. a.](#)

Rerum possibilitas vnde petatur. [172. b.](#)

Respectus in quo consistit verum creatum, non est rationis, sed realis. [365. a.](#)

S

Sapientia quid. [13. a.](#)

Sapientia conditiones sex conuenientes Metaphysicæ, quæ? [6. a.](#)

Sapientia descriptio. [7. a.](#)

Scientia ita se habet ad obiecta scibilia, vt sensus ad obiecta sensibilia. [44. a.](#)

Scientia omnes non sunt eadem ratione comparata. [8. a.](#)

Scientia & artes omnes diuersis rationibus inuentæ. [8. a.](#)

Scientia

- Scientiæ & artes omnes diuersis rationibus inuentæ. [8. a.](#)
 Scientiæ Theoreticæ ab Ægyptijs sacerdotibus inuentæ. [8. a.](#)
 Scientiæ iuuentæ viâ compositionis & resolutionis. [8. a. b.](#)
 Scientiæ aliz ad vñsus, aliz ad iucunditatem vitæ, & aliz ad solam cognitionē cōparatæ. [8. a.](#)
 Scientiæ speculatiuæ propter mirari. [8. a.](#)
 Scientiæ iuuentæ analyticā methodo & syntheticā quæ. [8. b.](#)
 Scientia & sapientia quomodo sint idem, & quomodo differant. [11. b.](#)
 Scientiam & sapientiam vñum & eundem habitum esse obijcitur. [12. 13. a.](#)
 Scientia vt distincta à sapientia quid. [13. a.](#)
 Sciētīe duob. modis spectātur. [5. a.](#)
 Scientiæ spectatæ ex natura rei, quomodo se habeant. [6. a.](#)
 Scientiæ vt hominum arbitrio constitutæ, quid. [7. a.](#)
 Scientia quā Deus cognoscit lapidem, est realis ab æterno. [177. a.](#)
 Scientia incomplexa quid. [ibid.](#)
 Scientia complexa quid. [ibid.](#)
 Scientia complexa, notitia rei vel alicuius idem sunt. [12. a.](#)
 Scientia complexa, notitia alicuius de re vel de aliquo idem. [ibid.](#)
 Scientia practica, quid. [ibid.](#)
 Scientiæ cæteræ subalternantur Metaphysicæ. [31. b.](#)
 Scientia practica Dei quomodo sit vera. [358. a.](#)
 Scientiæ inferiores sunt vñles ad Metaphysicam, tanquam ad finem. [11. b.](#)
 Scientia duplex cuiusque rei, incomplexa. [ibid.](#)
 Scientiæ inferiores pro comprobandis propositionibus suis ad Metaphysicam recurrunt. [11. a.](#)
 Scientiæ particulares præsupponunt principia. [358. b.](#)
 Scientia maxima est circa maximè scibilia. [19. b.](#)
 Scientiæ tres speculatiuæ. [16. b.](#)
 Scientiæ speculatiuæ tres partes. [22. b.](#)
 Scotus à Scaligero dictus antonomasticus *Veritatis*. [131. a.](#)
 Scotus non statuit solū vñitatem per accidens aut aggregationis in scientijs totalibus. [46. a.](#)
 Signum non dicitur tale nisi quia significat illud quod est tale formaliter. [355. b.](#)
 Singularibus omnibus annihilatis, annihilantur quoque nature vniuersales. [176. a.](#)
 Sophronij locus difficilis explicatur. [237. b.](#)
 Species est tota quidditas indiuidui. [304. a.](#)
 Species atoma quando occurrit. [109. a.](#)
 Subalternationis ratio propria. [50. a.](#)
 Subiecta cæterarum scientiarum includunt subiectum Metaphysicæ. [50. b.](#)
 Subsistentia sumitur quatuor modis. [489. a.](#)
 Substantia vniuersaliter sumpta est adæquatum obiectum Metaphysicæ. [27. a.](#)
 Substantia potest definiiri Ens per se. [129. b.](#)
 Substantia suscipit magis & minus secundū gradus entitatis & indiuiduales, sed indiuisibiliter & non per motum. [161. b.](#)
 Substantia est prior accidente nature, definitione, & tempore. [317. a.](#)
 Substantia est prædicatum quidditatum. [131. a.](#)

INDEX R E R V M

Substantia dicta à substando vel
substistendo. [420. a.](#)
Substantia prima quid. [421. b.](#)
Substantia prima est substantia
singularis. [421. a.](#)
Substantia an suscipiat magis &
minus. [158. a.](#)
Substantia immaterialis solum
Deum comprehendens & In-
telligentias non est obiectum
adæquatum Metaphysicæ. [23. a.](#)
Substantiæ separatæ duobus mo-
dis spectantur. [24. b.](#)
Substantiæ tot sunt quot sunt
scientiæ de substantia. [25. b.](#)
Substantia non suscipit magis &
minus secundum gradus speci-
ficos & essentiales. [161. a.](#)
Substantia nulla suscipit magis &
minus diuisibiliter, & per mo-
tum. [164. a.](#)
Substantia & accidens non habent
attributionem ad aliquod ter-
tium, sed vnus ad alterum.
[120. a.](#)

Substantia per se primò defini-
tur, quia est vnum per [se. 117. a.](#)
Substantia non fit ex substantijs.
[142. b.](#)
Substat aliquid duobus modis.
[496.](#)
Suppositum creatum & increa-
tum quomodo differant. [495. b.](#)
Suppositum & persona quid.
[493. a.](#)
Suscipere magis & minus contin-
git dupliciter, scilicet indiuisi-
biliter, & successiue per mo-
tum. [160. a.](#)

T

Theologia supernaturalis &
naturalis quo lumine dif-
ferunt. [14. a.](#)
Theologia supernaturalis & natu-

ralis non solo lumine diffe-
runt. [14. b.](#)

Theologia naturalis & scientia de
Intelligentiis ad Metaphysicâ
reuocatur, & quare. [s. b.](#)
Theologia naturalis scientia de
Intelligentiis & Metaphysica
sub eodem, aliquo modo, ge-
nere conueniunt, & quomo-
do. [6. a.](#)
Theologia nostra & Beatorum spe-
cie differunt. [15. b.](#)
Terminus generationis est esse
existentiæ, vel aliquid habens
esse tale, ex Aristotele. [119. a.](#)
Termini communes qui. [10. b.](#)
Transmutationis actiuum princi-
pium debet esse in altero ab eo
quod transmutatur. [452. a. b.](#)

V

Veritas Diuina potest esse
idea creaturarum aliquo
modo. [196. a.](#)
Veritas vocatur ars Dei supremi.
[196. b.](#)
Veritatis variz acceptiones.
[340. b.](#)
Veritas in sacris paginis frequen-
tius significat Christum. [341. a.](#)
Veritatis Diuinæ attributum.
[341. b.](#)
Veritas prædicationis. [ibid.](#)
Veritas moralis. [ibid.](#)
Veritas sumpta pro firmitate.
[342. a.](#)
Veritas rei. [ibid.](#)
Veritas cognitionis. [ibid.](#)
Veritas signi. [ibid.](#)
Veritas in simplicibus an sit, con-
trouertitur. [343. a.](#)
Veritas duplex ex Alepsi. [343. b.](#)

MEMORABILIVM.

- Veritas in simplicibus & incomplexis, quomodo sit ex Scoto. 344. a.
- Verum complexum tribus modis contingit. 344. b.
- Veritas an consistat in conformitate conceptus formalis vel obiectiui. 345. b.
- Veritas an dicat quid absolutum, vel quid respectu. ibid.
- Veritas reperitur in cognitione complexa intellectus. 346. a.
- Veritas est in difformitate æque ac in conformitate, & quomodo. 347. a.
- Veritas reperitur in simplicium apprehensione. 347. b.
- Veritas complexa & incomplexa quomodo distinguantur. 349. b.
- Veritas complexa non distinguitur ab incomplexa, quia illa fit obiectiue in intellectu, hæc non fit. ibid.
- Veritas complexa, & veritas incomplexa quomodo differant ex Scoto. 351. a.
- Veritas conceptuum & veritas vocum quomodo distinguuntur. 352. b.
- Veritas an consistat in conformitate conceptus formalis ad rem intellectam, vel in conformitate conceptus obiectiui ad rem ipsam, prout in se est. 353. a.
- Veritas est relatio non mutua. 357. a. b.
- Verum realiter est ens ipsum. 359. b.
- Veritas formaliter est conformitas rei ad sua principia. 360. a.
- Veritatis definitio ex Avicenna. ib.
- Verum per respectum ad intellectum nostrum describitur, ut sit id quod ita est in se, sicut cognitori videtur. 362. a. b.
- Verum quomodo describatur per ordinem ad Deum. 363. b.
- Verum non est obiectum ad æquatum intellectus. 365. b.
- Veritas transcendentalis non est ratio formalis obiecti primi intellectus. 368. a.
- Veritas est vel conditio, vel proprietas obiecti primi. 369. b.
- Veritas est potius proprietas, quam conditio obiecti. 370. a.
- Veritas non est tantum intelligibilitas. 371. a.
- Veritas non est vniuoca ad veritatem rei, & ad veritatem cognitionis. 371. b.
- Ultra veritatem quæ est in rebus per denominationem extrinsecam, datur alia, quæ est conformitas rei ad sua principia. 372. a.
- Verum & falsum quomodo sunt in intellectu; bonum autem & malum in rebus ipsi, ex Alexandro. 372. b.
- Veritatis nomen cniam veritati primò sit impositum ex prima sua significatione. 374. a.
- Veritatis cognitio in proposito quid. 378. b.
- Veritatis speculatio partim facilis, partim difficilis est. 380. b.
- Virtualiter continere aliquid, intelligi potest duobus modis. 383. a.
- Voluntas Diuina potest facere entia rationis, prout Ens rationis dicitur illud omne quod non est Ens reale. 73. a.
- Voluntas creata quomodo sit libera acutè Scotus explicat. 4.6. b.
- Voluntas quomodo sit libera etiam cum actu operatur. 437. b.
- Voluntas est facultas collatiua sicut & intellectus. 68. a.
- Voluntas Diuina quomodo sit libera, præclare declarat Scotus. 442. b.

INDEX RERVM

- Voluntatis distinctio, optima ut est
 * operatiua, & productiua, &
 receptiua. 443.
- Voces institutæ sunt ad expri-
 mēdos nostros conceptus. 86. b.
- Vivere viuētibz est esse. 233. b.
- Vviciēssus errauit de esse reali re-
 rum ab æterno. 173. a.
- Vnū quid addat supra Ens. 270. b.
- Vnum addit supra Ens aliquid for-
 maliter distinctum ab ipso. 272. a.
- Vnum & Ens significant vnā
 naturam. 272. b.
- Vnitas propriè non est vna, sed
 potius id quo aliud est vnum. 273. b.
- illud quod Vnum addit supra Ens
 est positium. 274. a.
- negatio quam dicit Vnum, non
 formaliter, sed consequenter
 est indiuisio in se vel à se, & di-
 uisio à quolibet alio. 277. a.
- Vnitas dicit negationem non sim-
 pliciter & absolutè, sed in ente
 reali, siue interim illud sit ca-
 pax diuisionis, siue non. 28. a.
- Vnitas multiplex est. 278. b.
- Vnius per accidens quatuor sunt
 modi. 279. a.
- Vnius per se quinque sunt modi.
 ibid.
- Vnum numero, specie, genere &
 analogia. 280.
- Vnitas numerica, quantitatiua,
 formalis, vniuersalis, & trans-
 cendentalis. 281. a.
- Vnitates aliz innumeræ referun-
 tur. 282. a.
- Vnitas duplex in quolibet indiu-
 duo, naturæ seu formalis, &
 numerica. 284. a.
- Vnitas formalis conuenit etiam
 naturæ genericæ. 286. b.
- Vnitas minor vnitate numerica,
 non est de quidditate naturæ
 cuius est, sed propria passio
 eius. 287. a.
- Vnitas communis vocatur vnitas
 naturæ. 287. b.
- Vnitas naturæ positiuè & negati-
 uè in quo consistat. 288. a.
- Vnitas communis à parte rei con-
 ueniēs naturæ communi astrui-
 tur. 288. b.
- Vnitas triplex, formalis sim-
 pliciter, communis, & numerica.
 289. b.
- Vnitas naturæ eadem modò est
 formalis simpliciter, modò
 communis, modò numerica
 per accidens. 290. a.
- Vnitas vniuersalis quid sit, & in
 quo consistat. 297. a.
- Vnitas vniuersalis quomodo fiat.
 300. a.
- Vnitas transcendentalis quid sit.
 335. a.
- Vnitas omnis est principium ali-
 cuius numeri. 335. b.
- Vnitas sola numerica est princi-
 pium numeri propriè dicti.
 336. a.
- Vnum & multa non sunt mem-
 bra diuidentia Ens secundum se
 337. b.
- Vnum & multa quomodo oppo-
 nantur & non opponantur. 338. a.
- Vnum quomodo sit & non sit
 prius quàm multa. 339. a.
- Vnitas & identitas quomodo dif-
 ferant. 407. a.
- Vnum & idem differunt, item
 differens & distinctum. 415. b.
- Vnum & idem non potest esse si-
 mul in actu entitatio, & in po-
 tentia obiectiua. 460. b.
- Vnum & idem in agentibus vni-
 uocis non potest esse simul in
 actu & in potentia respectu
 eiusdem. 460. b.
- Vnum & idem in agentibus æqui-

MEMORABILIVM.

- uocis potest esse in actu virtua-
li, & in potentia ad actum for-
maltem. 461. a.
- Vnum & idem in potentijs reflexi-
uius potest esse mouens &
motum. 462. b.
- Vniuersale est quod est vnum in
multis & de multis. 293.
- Vniuersale non fit per actionem
intellectus agentis, sed per
actionem intellectus possibili-
lis. 294. a.
- Vniuersale fit per actionem com-
paratiuam intellectus possibili-
lis. 295. a.
- Vniuersale per actionem intelle-
ctus quomodo fiat. 295. b.
- Vniuersale triplex, Metaphysi-
cum, Logicum, & mixtum ex
vetroque. 296.
- Vnitatis proportionis non sufficit
ad concludendum aliquid for-
maliter de Deo. 113. b.
- Vnitatis Entis alia est ab unitate
generis. 115. a.
- Vnitatis conceptus obiectiui Entis
non est unitas solum extrinse-
ca, ab unitate conceptus for-
malis. 92. a.
- Vniuoca seu synonyma quæ. 58. b.
- Vna & eadem res potestne propo-
ni imitanda, & esse simul fa-
cienda. 200. b.
- Vniuocorum & æquiuocorum duo
genera. 59. b.
- Vniuoc intellectus cum substantijs
separatis ex cōtēplatione ca-
rum & ex ipsa maior contem-
platio. 2. b.
- Vnum & idem non potest esse
causa sui ipsius. 200. a.
- Vnitatis duplex in Metaphysica po-
test reperiri. 38. a.
- Vniuocatio triplex, Physica, Lo-
gica & Metaphysica, & quid
sit. 108. a.
- Vniuocationis gradus quadru-
plex. 108. b.
- Vniuocationis gradus primus est
perfectissimè vniuocus. 109. b.
- Vniuoci nomine Scotus intelligit
solum vniuocum quod oppo-
nitur æquiuoco, quippè cuius
vnitas, putà solius nominis,
non sufficit ad contradictionem.
110. a.
- Vniuoca dicuntur quorum nomē
est commune, & ratio substan-
tiæ, secundum illud nomen, ea-
dem. 111. a.
- Vniuocum aliud est purum, aliud
non purum. 112. a.
- Vniuocatio Entis simul cum eius-
dem analogia defenditur. 115. a.
- Vniuocatio Physica omnium stri-
ctissima vnde colligitur. 130. a.
- Vniuocatio Metaphysica quid.
130. b.
- Vniuocatio petita ab unitate for-
mæ. 292. a.
- Vtile dicitur dupliciter, scilicet
vel ordinatione ad aliud, vel
ratione eminentiæ & perfe-
ctionis. 11. a. b.

FINIS INDICIS.

YYy iij

EXTRAICT DV PRIVILEGE
du Roy.

PAR grace & Priuilege du Roy, il est permis à DENIS MOREAV, Marchand Libraire à Paris, d'imprimer ou faire imprimer, vendre & distribuer ce present Liure intitulé F. MARTINI MEVRISSE *Royensis, Ordinis Minorum, Doctoris & Professoris Theologi Parisiensis Rerum Metaphysicarum Libri tres, ad mentem Doctoris Subtilis*: Lequel Liure il desireroit mettre en lumiere, & faire imprimer, s'il auoit sur ce nos lettres, Nosseigneurs humblement requerant icelles. A ces causes auons par ces presentes permis & accordé, permettons & accordons audit MOREAV de faire imprimer par tel Imprimeur, que bon luy semblera, tant de fois qu'il luy plaira, le Liure que dessus, & ce pour neuf ans finis & accomplis du iour qu'il aura esté acheué d'imprimer, en vertu des presentes: Faisons tres-expresses inhibitions & defences à tous Imprimeurs & Libraires de Paris, Lyon, Rouën, & autres villes de nostre Royaume, & à toutes autres personnes de quelque qualité & condition qu'ils soient, de l'imprimer ou faire imprimer en quelque maniere que ce soit, à peine de mil liures d'amende, dont moitié nous appartiendra, & l'autre moitié au Suppliant; & aussi de confiscation de ceux qui se trouueront imprimez sans le consentement dudit MOREAV. Supplions mesme si aucuns Imprimeurs ou Libraires de cestuy nostre Royaume ou Estrangers traffiquans en sont trouuez saisis d'autre impression, que de celle qu'aura fait faire ledit MOREAV: Voulons qu'il soit procedé contre-eux, extraordinairement, & soient condamnez en pareille somme & amende, que s'ils les auoient imprimez ou faict imprimer: A la charge toutesfois qu'iceluy MOREAV mettra deux desdits Liures

en nostre Bibliotheque publique de ceste ville de Paris, auparavant que de les exposer en vente, suiuant nostre Reiglement, à peine d'estre descheu du present Priuilege.

Si vous mandons & à chacun endroit soy, enioignons que du contenu en ces presentes nos lettres de Priuilege & permission, vous faciez & laissez iouyr & vser pleinement & paisiblement ledit Suppliant, faisans cesser tous troubles & empeschemens, au contraire de ce faire: vous donnons pouuoir, auctorité & mandement special; & de proceder à l'encontre de ceux qui y contreuiendront, par toutes voyes deuës & raisonnables, & par les peines susdictes, nonobstant oppositions ou appellations quelconques, pour lesquelles, & sans prejudice d'icelles ne voulons estre differé: Et pour ce que de ces presentes ledit MOREAU pourroit auoir affaire en diuers lieux: Nous voulons qu'au vidimus d'icelles fait par l'un de nos amez & feaux Conseillers, Notaires & Secretaires, soy soit adioustée comme au present Original: & aussi qu'en mettant au commencement, ou à la fin dudit Liure vn Bref ou Extraict des presentes, cela ait force & vertu de signations, tout ainsi que si l'original estoit particulièrement signifié à chacun: Cartel est nostre plaisir. Donnée à Paris le 10. iour de Mars l'an de grace mil six cens vingt-trois. Et de nostre Regne le treiziesme. Par le Roy en son Conseil,

Signé RENOYARD.



PANDIMIGLIO

APR. 1971

LEGATORIA - ROMA

